



کتاب پېلگيلری:

کتاب نامی: بائرنامه

مؤلف: ظهيرالدين محمد بابر

حاضرگی اوزبېک تېليگه اۇگىرووچىلر: وھاب رحمانوف و کرامت ملاخواجھيۋه

نشرگه تيارلاوۋچى: تاشقېن بهائى

اديتور: محمدعالم كوهكن

کتاب بېتلرينى ترتيبگه سالوۋچى: هادى مروج

مقوا طرحى: هادى مروج

ناشر: بابر نشریاتی

تیراژ: ۱۰۰۰

چاپ يېرى: كابل

چاپ نوېتى: بېرىنچى

چاپخانه:

چاپ يېلى: قوياش يېلى ۱۳۹۹ (میلادی ۲۰۲۰)

مندرجه

- "بابرنامه" نینگ بوشرى حقيده ا
- بابر و بابرنامه ح

ماوراءالنهر بۇلىمى

- سكيز يوز تۇقسان تۇقىزىنچى (۱۴۹۴) يىل واقعهلىرى ۳
- تۇقىز يوزىنچى (۱۴۹۵-۱۴۹۴) يىل واقعهلىرى ۳۵
- تۇقىز يوز يىرىنچى (۱۴۹۶-۱۴۹۵) يىل واقعهلىرى ۴۷
- تۇقىز يوز ايگىنچى (۱۴۹۷-۱۴۹۶) يىل واقعهلىرى ۵۵
- تۇقىز يوز اوچىنچى (۱۴۹۸-۱۴۹۷) يىل واقعهلىرى ۶۱
- تۇقىز يوز تۇرتىنچى (۱۴۹۹-۱۴۹۸) يىل واقعهلىرى ۸۳
- تۇقىز يوز بىشىنچى (۱۵۰۰-۱۴۹۹) يىل واقعهلىرى ۹۳
- تۇقىز يوز آلتىنچى (۱۵۰۱-۱۵۰۰) يىل واقعهلىرى ۱۱۱
- تۇقىز يوز يىتتىنچى (۱۵۰۲-۱۵۰۱) يىل واقعهلىرى ۱۳۱
- تۇقىز يوز سكيزىنچى (۱۵۰۳-۱۵۰۲) يىل واقعهلىرى ۱۴۱

افغانستان بۇلىمى

- تۇقىز يوز تۇقىزىنچى (۱۵۰۴-۱۵۰۳) يىل واقعهلىرى ۱۶۹
- تۇقىز يوز اۋن يىرىنچى (۱۵۰۶-۱۵۰۵) يىل واقعهلىرى ۲۱۹
- تۇقىز يوز اۋن ايگىنچى (۱۵۰۷-۱۵۰۶) يىل واقعهلىرى ۲۵۹
- تۇقىز يوز اۋن اوچىنچى (۱۵۰۸-۱۵۰۷) يىل واقعهلىرى ۲۸۷

- تۇقىز يوز اۋن تۇرتىنچى (۱۵۰۸-۱۵۰۹) يىل واقعهلىرى ۳۰۷
- تۇقىز يوز اۋن بېشىنچى (۱۵۰۹-۱۵۱۰) يىل واقعهلىرى ۳۰۹
- تۇقىز يوز يىگىرمە آلتىنچى (۱۵۱۹-۱۵۲۰) يىل واقعهلىرى ۳۶۱

هندوستان بۇلىمى

- تۇقىز يوز اۋتتىز ايگىنچى (۱۵۲۵-۱۵۲۶) يىل واقعهلىرى ۳۶۹
- تۇقىز يوز اۋتتىز اوچىنچى (۱۵۲۶-۱۵۲۷) يىل واقعهلىرى ۴۴۵
- تۇقىز يوز اۋتتىز تۇرتىنچى (۱۵۲۷-۱۵۲۸) يىل واقعهلىرى ۴۸۷
- تۇقىز يوز اۋتتىز بېشىنچى (۱۵۲۸-۱۵۲۹) يىل واقعهلىرى ۵۰۱
- تۇقىز يوز اۋتتىز آلتىنچى (۱۵۲۹) يىل واقعهلىرى ۵۶۳

"بابرنامە" نىڭ بۇ نىشى ھەقىدە

كۆپ يىللاردىن بېرى ئۆز شاگىردلىرىمگە بابرنامە مەتبەدىن بىرەر بۆلگىنى بېرىپ، ئونى ئوقۇپ تەلىل قىلىشلىرى ۋە ئۆز سەنداشلىرى مەبەلىدە ئونى سىلىق ۋە رۋان تەلدە بىان قىلىشلىرى ۋەزىفەسىنى تاپشېرىپ، تۇغرى ۋە كۈنگل ئىستەگۈدېك سەمىنارگە گۋاھ بۆلەلمەدېم. يىللاردىن بېرى تەل ۋەدىيات كورسلىرىدە شاگىردلىرى مەتالەگە ئوندەپ، بىرىنچى ئوبتە كۆپ ەلملردىن مەلۇمات بېروۋچى "بابرنامە"نى ئوقۇشلىرىنى ئىستەگن پەتلىرىم، ھەم رەسمى دائىرەدەگى ەالى ۋە ىرىم ەالى مۇسسەلر شاگىردلىرى، ھەم كورسەدەگى تورلى ساهەلدە تەلىم كۆرگن ۋە ئۆز ئانە تەلى ۋەدىياتىنى ئۆرگەنىشە مەراقلى بۆلگن ضىالى ياشلر تورلى ەبارە ۋە جەملەر بىلن بىر گېنى ئرەدە قۇىپ، "بىز بابرنامەنىڭ ئۆزبېكچە (ئېسكى ئۆزبېكچە) ۋەزىنىڭ تورلى فارسچە تەرجەملەردىن ھېچ نەسە توشىنەلمەيمىز"،- دېپ، ھازىرگى تەلىمىزدە بۆلسە ئېدى دېگن ئرزۋنى اظھار ئېتردىلر. شۋىنگدېك، ئۆزبېك تەلى ئوقۇتۇۋچىلەرگە ۱۲-۱۰ سەنف كەتابلرىنى ئۆرگەتەش مەتودلىرى خەسۋىدەگى ۋرەكشاپ جەريانىدە، كەتابلردە بىرەر مەما بۆلسە ۋرەكشاپدن اجرەتەلگن ۋقتە ئرەدە قۇىنىڭ دېسەم، بىرچە بىر اتفەق بىلن شو ئونىنچى سەنف كەتابىدە بابرىنىڭ ھەمايونگە يازگن مەكتۇبى بار، شۋنى بىر مەرتە تۇغرى ئوقۇپ ۋ مەنى قەلىنىڭ دېردىلر. بۇ مەما ئىگى- ئوچ ۋرەكشاپ جەريانىدە تەكرار يۈزەگە چىقدى ۋ مېندەگى بۇ ئثرنى ھازىرگى ئۆزبېك تەلىدە ئۇگىرىش اشىقەقى آشىپ باردى.

بۇ ئرزۋلر يىللەرچە ھەمان دەلدە قالە ۋەپرگن بىر شەرايطدە، دوستلەرىمدىن بىرى ئۆزبېكستاندىن بىر نېچتە كەتاب يۇباردى، ئوشۇ كەتابلر قەتارىدە ظەىرالدىن مەمەد بابرىنىڭ

"بابرىنامە" اثرىگە كۆزىم توشىدى، ئايب ورقىلب كۆرسىم، ھازىرگى اۆزبېك تىلىدە اۆگىرىلگن نىسخەسى اېدى.

اوشبو نىسخە بابرىنامەنىڭ پارساشمىسى يىف ھەمكارلىرى تامانىدىن تيارلىنىپ، نىشراپتىلگن نىسخەسىنىڭ ھاب رحمانوف و كرامت ملاخواجه يولەر آرقەلى ھازىرگى اۆزبېك تىلىدە اۆگىرىلىپ، ۲۰۰۸ يىل اۋقېتوۋچى نىشرياتى تامانىدىن نىشراپتىلگن كىتابى اېكن. بو كىتابنى اۋقىگن سىرى بعضى خىطالىرىگە كۆزىم توشىدى و اورجىنال نىسخەسى بىلن تىطىق اېتىش ضرورتى توغىلىدى. شو ايشىنى باشلىب، بىر مونچە اجرا اېتگن كونلردە مەملىكىتىمىزدە جھانگۇش كرونوۋىرسى يىرەلىشى عاقىبىدە مېن ھەم باشقىلار قىتئىدە بۆلىدىم و ايشىسىز اويدە قالىش، بابرىنامە ايشىنى تېزلىشىش و نىھائىت يىكونلنىشىگە قۇلەى زىمىنە بۆلىدى. مىنزل يىقىن بۆلىدى — كىمىدە بىر يىل مىدت كېرەك بۆلگن ايش بىر آيگىنە مىدتدە نىھائەتسىگە يېتىدى.

بابرىنامەنىڭ اوشبو مىتىدە بۆلگن فايدەلر قويدەگىلردن عبارت:

۱. مىتن سىلىق و روان تىلدە تيارلنگن بۆلىپ، ھەر بىر سوادخوۋان اۆزبېك اونى اۋقىب توشونەآلەدى، زىرا بابرىنامە مىتنى نى قىيىنلىشتىرىپ يوبارگن عربچە استعمالدن قالگن قوبوق سۆزلر بوندە اصلا اوچرەمەيدى.

۲. بابرىنامە اصلى نىسخەلىرى و اونىڭ سۆز-مەسۇز درى - فارسى تىرجەملەيدەگى اېسكى اۆزبېكچە(توركى) سۆزلر ھازىرگى اۆزبېك ادبى تىلىدەگى سۆزلر بىلن افادە اېتىلگن، شونىڭ اۋزى اثر مىضمون و ماھىيىتى عامەگە يېتكىزىش اوچون خىدمەت قىلەدىگن بىر فەالىت ھىسابلەندى.

۳. بىرچە قىيىن سۆزلر، آتمەلر، اينىقسە بابىر دورىدەگى سىلپىت ايشلىرى و ھىرى فەالىتلەرگە تېگىشلى سىياسى و نظامى اصطلاحلر، يا مىتن اىچىدەگى پارائىز آرەسىدە و ياھەم ورق پايدە اىضاح بېرىلگن. بوندەى ايش باشقىە نىسخەلردە نىظردە توتىلمەگن.

۴. بابرىنامە اصلى نىسخەسىدە كۆپچىلىك سۆزلر بابىر تامانىدىن اىضاح بېرىلگن.

بونده سۆزلرنى بىز ايضاحلشدن واز كچېدىك، فقط گينه حاضرگى كتابخوان بيلن ناتئيش سۆزلرينى گينه توشونرلى بيان قىلىشگه حركت قىلگنمىز.

۵. جدى احتياج و طلبلر اساسيده قىلىنگن ايش بؤلگنى اوچون، متنده گى اوزبېكستان نشرى نىنگ تىلى ينده سادەلشتىر يلىب افغانستان اوزبېكلر يگه توشونرلىراق قىلىب بېرىشگه حركت قىلىنگن.

۶. بابر قۇلەگن اۇلچاو ميزانلرى كۆپىنچە طبعىي حادثەلر بيلن باغلنگن حالده بۇلسە، اولر حاضرگى معياري **اولچاو** ميزانلرى بيلن تېنگلشتىر يلىب، انىقلنگن، مثلاً: بابر قرى، قدم، قريچ، توتم كى انسان تنه اعضاسى و اولر نىنگ فعاليتلرى بيلن باغلنگن اۇلچاو ميزانلرينى قۇلەلەيدى و اولر حاضرگى معياري **اولچاو** بىرلىگى متر بيلن سالىشتىرىب، ايضاح بېرىلگن و يا هم آغىرلىك اۇلچاو بىرلىكلرى كيلوگرام بيلن تقاسلب چىقىلىگن.

۷. بابرنامە نىنگ اصلى نسخه سى بيلن حاضرگى قۇلىنگىزدە گى اثرنى بىر كىچىك پرچە مثاليدە سالىشتىرىب كۆرىنگ: اصلى نسخه ده: «...يانا مېن دېگاندىك، بوخطلرينگنى بيتىسېن، اوقومايسېن، نې اوچونكىم اوقور خيال قىلسنگ اېدى، اوقوى آلماس اېدىنگ، اوقوى آلماگاندىن سۇنگ، البته تغيير بېرور اېدىنگ. خطينگنى خود تشويش بيله اوقوسە بۇلادور، ولى اسرو مغللق تور. نثر معما هيچ كىشى كۇرگان اېماس. املانگ يامان اېماس، اگرچه خىلى راست اېماس. التفاتى "ط" بيله بيتىسېن، قولونجنى "ى" بيله بيتىسېن. خطينگنى خود هر طور قىلىب اوقوسا بۇلور، ولى بو مغللق الفاظينگدىن مقصود تمام مفهوم بۇلمايدور...» "حاضرگى اۇزبېك تىليده گى بونشردە: «...ينه مېن ايتگندېك، خطلرينگنى يازىب بۇلگچ، اولرنى قىتە اوقيمەيسن، چونكه اوقيشگە نيت قىلگىنىگدە هم اوقىي آلمسدينگ. اوقىي آلمەگىنىگدن سۇنگ البته اوزگرتىرگن بۇلردىنگ. خطينگنى قىينەلىب اوقيسە بۇلەدى، لېكن او جودە چلكش. نثرده

هلى هيچ كيم معما كۆرگن اېمس. گرچه اونچه تۇغرى بۇلمسه هم، املانگ يامانمس. "التفات"نى "ط" بيلن(التقاط)، "قولونج"نى "يا" بيلن(قولنج) بيتيسن. خطينگنى بير عمللب اوقيسه بۇلهدى، لېكن توشونرسيز سۆزلرنى قۇللەگننگدن مقصدينگنى تۇله توشونيب بۇلمهيدى...»

وهاپ رحمانوف نينگ ۲۶ بېتلى "شاه و شاعر-ظهیرالدین محمد بابر" سرلوحهسى آستیده یازیلگن سۆزباشىسى بیلن ترقلگن بابرنامه نینگ حاضرگى اۆزبېك تیلیده گى نسخهسى، اۆزبېكستان ده هم یاش اولادنى ممتاز ادبیات نمونه لری مضمون و ماهیتی بیلن پوره تیشیتیریش ضرورتی انچه ییللردن بیری انگلیلگنیدن درک بیره دی. بیزهم منه شو جدی ضرورت و حاضرگى یاش کتابخوان احتیاجی اساسیده اونى قیته کۆریب چیقیلگن و افغانستان اۆزبېکلری اوچون توشونرلى متىنى تیارلشگه اولگوردیک.

کتاب متیده گى بعضى سۆز، آتمه و عبارهلرنى انیق و تۇغرى شکلینی بېلگیلشده، پارسا شمسی یف باشچیلیگیده بابرنامه نینگ اورجینال نسخهسى یوزیدن تیارلنگن تنقیدى نسخهسى و افغانستان نینگ مزارشریف شهریده میرزا اولوغبېک فرهنگي انجمنی نشریاتی نینگ رحمتلى هدایت الله هدایت تامانیدن تیارلنیب، ۱۳۸۸-ییل نشر ایتگن نسخهسى گه مراجعت اېتیب، امکانی بار یچه تۇغریراق و منطقىراق شکللری بېریلگن.

تحقیق اهلى اوچون بابرنامه نینگ اصل نسخه لری کم اېمس، لېکن بیز نینگ بو ایشدن مقصديمیز - بابرنامه متى و مضمون و ماهیتینی عامه کتابخوان و بوتون یاش اولادگه توشونرلى روشده بیتکزیشدن عبارت.

هر بیر ایش نقصانسیز و کمچیلیکسیز بۇلیشى ممکن اېمس. عزیز کتابخواندن ایستگیمیز شوکه، کتابنى اوقیش جریانیده کۆزلری ایلغه گن کمچیلیکلرنی بیزگه اېسلتیب قۇیسینلر و بیز اېسه کېلگوسى نشرلرده فکر و ملاحظهلرینی البتّه که جان و دل بیلن نظرده توته میز.

حرمت بیلن

تاشقین بهایی

بابر و بابرنامە

بابر - بويوك پادشاه، يېتوك اديب و ممتاز شاعر

بابر يىلر سىياسى سىلالەسى نىنگ اساسچىسى، بويوك دولت اربابى، ماهر سرکرده، تارىخچى عالم، يېتوك شاعر و ترجمان ظهيرالدين محمد بابر ۱۴۸۳ يىلى فېرورى اىى نىنگ ۱۴- دە، فرغانە ولايتى حاکمى عمر شىخ عايله سىده دنيا گە کېلدى. بابر التى اولاددن کپين صاحبقران امير تېمورگە باريب تقلەدى. انه سى قوتلوغ نگار خانم مغولستان خانى و تاشکېنت حاکمى يونس خان (چنگيزگچە اته- انه تاماندىن بات- بات تورکيلشيب بۇلگن شخص) نىنگ قىزى بۇلگن. عمر شىخ ميرزا اۇقىميشلى و کتابخوان حاکم بۇلگنى باعث کتە اۇغلى ظهيرالدين محمدنى باشقە تېمورى شهزاده لر کبى عالم و فاضل بۇليب اولغە ييشى گە جدى اعتبار قرەتەدى. او، اته سى نىنگ سراييده گى استاذلر و ايجاد اهليدىن تعليم الگن بۇليب، از وقت ايچيده فارس و عرب تيللرينى اۋرگنەدى. زمانەسى نىنگ رايچ علملرى فقه، تارىخ، شعر و حربى ايشلرينى پخته اۋزلاشتيرهدى. کيچيکليگيده- ياق، داناليک، شجاعت و جسارت جوهرى ظاهر بۇلە باشلەگنى سبب اونگە بابر- بېر (يۇلېرس) لقبنى بېرەدىلر.

بابر نىنگ اته سى عمر شىخ ميرزا ۱۴۹۴ يىلى پايتختى اخسیده ۳۹ ياشیده تۇستدن کبوترخانه سيدن جرگە قولب هلاک بۇلەدى؛ اۋشندە بابر ۱۲ ياشیده ايدى. ياش بۇلشيشگە قرەمى، بابرنى تاختگە اۋتيرغيزەدىلر. کيچيک بابر فرغانە ولايتىنى باشقريشده اغير و مسووليتلى ايشنى يېلکە سىگە آلەدى. حاکميتگە اېرته چيقب الگن بابر اته سى نىنگ

تجربەلى بېكلىرىدىن بۆلمىش جانكۆير استاذى خواجه مولانا قاضى حمایەسىگە آلىنەدى و اونىنگ رهنمالىگىدىن بەرمەند بۆلەدى. بابرنىنگ بى بى سى اېسان دولت بېگم (يونس خان نىنگ خاتىنى) سلطنت ایش - يوموشلىرىنى يوریتىشە اونگە يقىندىن همكارلىك قىلەدى.

بابر اېندى تختگە اۋتىرگن پىتلر تلە-تۋىلر يوز بېرىپ، الغاو-دالغاو زمانلر باشلەنىپ كېتەدى. اندىجان غنىملر تامانىدىن قورشاوگە آلىنىپ، اوروش و ايچكى نزاعلر ابتدا تاپە باشلە يدى. جنگ ميدانىگە اېندى كىرىپ كېلگن بابر عسکرلىرى آرە سىدە پراگندەلىك يوز بېرىپ، قۇشېن بېكلر اۋرتەسىدە ترقهلىپ، بۆلىنىپ كېتەدى. اقتصادى معمارلر بابرنى قىيىن وضعيتگە سالەدى. بېكلر اۋرتەسىدە گى دواملى اوروشلر طفىلى آچرچىلىكدن خلق نىنگ تىنگە مدارى قورىيدى. شو پىت خواجه مولانا قاضى بابرنىنگ كۆمكىگە آلىنەدى. ۱۸ مىنگ قۇى سۇيدىرىپ، قىملە قالگنلرنى آچرچىلىك تھلكەسىدن قوتقزەدى. عقل و ارادە بايىدە يگانە بۆلمىش بابرنىنگ آنەسى قوتلوغ نگار خانىم هم، سلطنت ایشلىرىنى تشكىللىشتىرىشە كتە رول اۋىنەيدى. شونىنگدېك، غنىملرى قۇزغەگن فتنەلىرى قرشىسىدە بابر تىك تورىپ اوروشە آلىشىگە كتە حصە قۇشەدى.

بابر دوچ كېلگن معمارلر انچە آلدىنراق باشلنگندى. ۱۵ - عصر آخىرلىدە تېمور قورىپ بىرگن اولكن امپراتورلىك سېكن - استە ضعيفلشە باردى. تېمورى شھزادەلر، كتە - كتە مال - ملك اېگە لرى بۆلگن زادەگان (اشراف)لر و بېكلر ارا ايچكى نزاعلر اوجىگە چىقدى. ماوراءالنھر كىچىك - كىچىك ولايتلرگە پرچەلىنىپ كېتدى. عمر شىخ نىنگ بعضى بىر بېكلرى و قوماندانلرى بابرگە قرشى فتنەلر اويوشتىرىشدىن تۇختەمەدىلر؛ بابرنىنگ عمكىسى سلطان احمد خان و تاغەسى سلطان محمود خانگە بۇى سۇنگن بۆلسەلر؛ ايرىملرى بابرگە قرشى مستقل حركتگە كىرىشەدى. باشقە بىراولرى اوگەلرىنى اونگە قرشى گىچ - گىچلشگە اۋتېب آلەدى. بو آرەدە بابرنى يۇق قىلىشگە هم بېل باغلەگنلر پىدا بۆلەدىلر.

بابر آغىر و سىر تشۋىش بىر شرايطدە ماوراءالنھردە اولوغ باباسى امىر تېمور قورىپ كېتگن سلطنتنى توركستادە يېمىرلىشدىن سقلشنى اۋز آلدىگە مقصد قىلىپ قۇيگن بۆلسە نې عجب!

شونینگ اوچون اولكه اهالييسىنى بېهوده ايچكى نزالردن امان قاليشيگه جدى سعى - حرکت قىلدى و مركزلشگن دولت سرى حركتلنه باشلهدى. بابر اوز حربى - سياسى موقعىنى تىكلب آليش مقصدیده دشمنلريگه مجال بېرمه يدى. يوز اؤگيرگن لشکر باشيلرينگ پته گىنى ياتقىزيب، اؤزيگه بؤى سؤنديريشگه جزم قىلدى. ستراتىژىك اهميتگه اېگه بؤلگن باشكىنت سمرقندنى اېگللپ، او پيردن توريب مملكتنى باشقريش مسأله سيگه دقت - اعتبارىنى كوچه يتيره دى.

بابر ۹۶-۱۴۹۵ يىللرى سمرقندنى ضبط اېتيش اوچون ايكي مرته حمله قيله دى. بيراق اونىنگ يورشلىرى مؤفقيتسىز توگه يدى. و نهايت ۱۴۹۷ يىل نىنگ كوزيده ينه سمرقند تامان تيره نه دى، قتيق يورش قىليب شهرنى قورشاولگه آله دى. اؤشنده سمرقند بابر نىنگ عمكىسى محمود ميرزا نىنگ ايكىنچى اوغلى بايسونقور ميرزا نظارتیده بؤلگن. قيش كېلىشى بيلن بابر شهر قملينى بؤشه تيب، بير از ارقه گه چېكىنىپ، خواجه دينار قلعه سيده قيشله يدى. آچرچىلىك و اذيق اوقت تنقيسلىگى حكم سوريب تورگن سمرقند شهریده بايسونقور ميرزا عسكرلىرى آره سيده ترقاقلىك يوز بېره دى. ترهنگ وضعيت سبب كون سه يىن ضعيفلشه باره ياتگىنىنى سېزگن بايسونقور شىباني خانگه اېلچى يوباريب، اوندن ياردم سؤره يدى. فرصتدن فايده لنىپ شىباني خان اؤز قوشىنى بيلن سمرقندگه يېتىپ كېله دى و بابر لشكرى قرشيسيده صف تارته دى. اما بابر بيلن جنگ قيلمه ي، شهر ايچكريسيگه كىريشگه اورينه دى. اونىنگ بو حركتى بايسونقور ميرزا قرشيلىگى گه دوچ كېله دى. شىباني خان بايسونقوردن رنجيده بؤلىپ، سمرقندنى ترك اېتىپ كېته دى.

۷ آي قملدن سؤنگ بايسونقور ميرزا ناچار آته سى نىنگ سابق بېكلىرىدن بؤلگن خسرو شاهدن پناه سؤره ب قوندوزگه باره دى. سمرقنده ده گى بېكلر اؤزارا كېنىگشىب بابرنى شهرگه كىريشگه يان باسه ديلر. بابر سمرقندده آچرچىلىك و باشقه اجتماعى احوال يامانلىشىپ بؤگنى گه قره مى، شهرنى قؤلگه كىريتر اېكن؛ لشكرگه اذيق اوقت يېتكىزىش؛ اولر نىنگ آت - اولايىنى يېم - خشك بيلن تامينلش ايشى جدى مشكلگه ايلنه دى. شرايط

آغریلگی طفیلی قۇشین نینگ معلوم قسمی و ایریم بیکلری سمرقنددن اخسی و اندیجانگه قاجیب کبته دیلر.

۱۰۰ کون سمرقندده قالگن بابر ناچار اندیجانگه قه پته دی. سمرقند قۇرغانینی اونینگ عمکی بچه سی سلطان محمود نینگ بیرینچی اوغلی سلطان علی اېگلله پدی. بابر سمرقندنی تشلب، اندیجانگه قه یتیشگه، اونینگ اندیجانده گی ایشانچلی آدم لری جملە دن خواجه مولانای کلان، آنە سی و بی بی سی تورتنکی بۇلە دیلر. اولر بابر دشمنلری تامانیدن اویشتیریلگن فتنە لر دن خبر دار ایدیلر و بونی بابرگه یتکزیشه دی.

شو پیتده بابر سمرقندده آغیر کسل بۇلە دی، تۇرت کون گپدن قالیب تۇشکده میخلە نیب قالە دی؛ آغزیگه سوو تامیزیب توریشه دی؛ کپینراق اۇزیگه کپیلب ساغە یه دی. «حکمدار بوگون- اېرتە اۇلیشی ممکن...» دېگن ساووق خبر اندیجانگه یتکزیلە دی. اونینگ سلامتلیگی یامانلشگنیدن خبر تاپگچ، ایشانچلی بیکلری جملە دن محمد دوست تغایی نینگ اراده سی بابرگه نسبت سوسه یه دی. بابر اوکە سی جهانگیر میرزانی حمایه قیلشگه مایللیک بیلدی رگیننی سیزگن رقیبلری - اوزون حسن و احمد تنبل غضبی قه ینب تاشە دی. شونده ی قلتیس بیر احوالده علی دوست تغایی اندیجان قۇرغانینی بابر دشمنلریگه تاپشیره دی. اوزون حسن بابر نینگ اېنگ وفادار حامیسی و مربی سی خواجه کلان قاضی نی اسیر آلیب، کپینچه لیک آسیب اۇلدیره دی.

بابر سمرقندنی ترک اېتیب، خجندگه کبلگن کپزلری اوشبو واقعه لر تفصیلاتیدن خبر تاپه دی. سۇنگ تاغە سی تاشکېنت حاکمی محمودخان دن یاردم سۇره شگه آدم یوباره دی. تاغە سی نینگ کۇرستگن یاردملری ایش بیرمی، اندیجاننی قۇلگه کیریتیشگه بۇلگن اورینیشلری نتیجه سیز توگه یدی. حکمدار ینە تاشکېنت گه قه یتیب کبلە دی، اندیجاننی تصرف اېتیش رېجه سیننی توزیش بیلن مشغول بۇلە دی، تاغە سی حمایتی آستیده حربی حرکتلرینی دوام اېتدیره دی و نهایت مرغیلاننی قۇلگه کیریتە دی. و ایکی بیلدن کپین جهانگیر میرزا بیلن صلح قیلیب، اندیجاننی اېگللشگه مۇفق بۇلە دی. تهلکە لی ماجرالرنی آرته

قالدیرگن بابر اوکەسى جەھانگیر میرزانی کەچیرەدى. شو تابدە حربى حرکتلردە قۇلى اوستون کەلب، ضبط اېتگن پېرلریدن ایریم حدودلرنی اونگە تارتیق قیلەدى. فرصتدن فایدەلەنەن، شیبانی خان ماوراءالنهر سرى اۋز یوریشلرینی باشلەب یوبارەدى. میلادی ۱۴۹۹ یىلى بخارا و قارە کۇلنى تصرف اېتەدى. تاج و تخت اوستیدە گى اوروشلر عاقبیتیدە خلق نینگ احوالى کون سەیین یامانلشەدى. شیبانی خانگە بس کەبلە آلمەگچ، سمرقند بېکلری سلطان علی دن ناراضى بۇلیشەدى. الە مان بابرگە مراجعە قیلیب، نیمە بۇلسین سمرقندنى قیتە قۇلگە کیریتیشنى سۇرەیدیلر. خبرنى آلرکن، تورلى سبیلرگە کۆرە بابر میرزا تېزدە یتیب کەلالمەیدی. سلطان علی میرزا شیبانی خانگە اېلچى جونەتیب سمرقندنى اونگە تاپشیریشگە راضى بۇلەدى. ۱۵۰۰ یىلى سلطان علی میرزا سمرقندنى اوروشمسدن شیبانی خان گە تسلیم قیلەدى. شیبانی خان سلطان علی میرزانی اوشلەب آلیب، قیلیچدن اۋتکەزەدى.

سمرقندنى ایگللەب آلیش، سۇنگ اۋز حاکمیتی حدودلرینی کینگە یتیریش بابر میرزا نینگ اساسى ارزولریدن اېدی. بونى شو حدود آدملىرى هم کۇنگلدن ایستەشردى. مدعانى سېزگن بابر ینە بیر بار ۲۴۰ کیشیلیک عسکرلری ایلە سمرقند گە یوریش قیلەدى. حیات-مما ت سوشلریدە بابر جنگچیلری پیرلیک اھالى همکارلیگیدە شەرنی قۇلگە کیریتیب، شیبانی خان نینگ ۶۰۰ کیشیلیک قۇشینى بە تمام قیریپ تشلەیدی. سمرقند گە یقین حدودلر- قرشى و غوزارنى هم بابر عسکرلری باسیب آلەدى. بخارا اېسە شیبانی خان قۇلیدە قالەدى. و بو مرتە هم بابر سمرقندنى اسرەب قالیشدە اقتصادى قیینچیلیکلرگە دوچ کەلەدى. شونگە قرەمى، بابر کتە کوچ تۇلپ، شیبانی خانگە قرشى سمرقندنى تصرف اېتیش مقصدیدە ینە هجو مگە اۋتەدى.

بابر میرزا زرفشان یقیندە یوز بېرگن اوروشدە ینگیلەدى. ۱۵۰۱ یىلى اپریلدە بابر سمرقنددە تۇرت آی شیبانی خان قۇشینى قورشاییدە قالەدى. شەر اھالیسى آچرچیلیکدن قتیق اذیت چەکەدى و نہایت بابر شیبانی خان بیلن صلح توزیب، شەر ارگیدن چقیب کەتە

ەدى. بابر شەھرىنى تۈرك اېتىر چاغى، آپەسى خانزادە بېگم شىيانى خان قۇلىگە توشكىنىنى
اېسلەيدى. اما بابر نىنگ قىزى گلبىن بېگم "ھاميون نامە" دە، بابر مىرزانى آپەسى خانزادە
بېگمنى شىيانى خان نكاھىگە كىرتىشگە راضى لىك بىلدىرىپ، صلح بىتىمىگە امضا
چىكىكنى؛ بونگە اېسە شىيانى خان كۇنىپ، بابر اۋز خاندانى و قۇشىنى بىلن سمرقندىن
چىقىپ كىتىشى گە رخست بېرگنى گە اشاره قىلەدى.

سمرقندىنى تىلەپ چىققن بابر مىرزا تاشكېنت گە تاغەسى محمود خان نىنگ يانىگە
بارەدى. اوندىن شىيانى خاننى يېنگىش اوچون بىرگەلىكدە جدى جىنگ قىلىشگە ياردەم
سۇرەيدى. نھايت محمود خان بابر مىرزانىنگ اىستىگىنى عملى اېتىش اوچون قشقر حاكىمى
سلطان احمدخان بىلن اتفاق تۈزەدى. تامانلر شىيانى خانگە قرشى جىنگ باشلىشدىن آلدىن
اندىجانده حىمران بۇلىپ تورگن رقىلرىنى اۋرتەدىن كۈترىشنى معقول تاپەدىلر. اولر ۳۰
مىنگ كىشىلىك قۇشىن بىلن اندىجاننى تصرف اېتىشگە جزم ايتەدىلر.

شو وقتدە احمد تىل اۋز اوگەلرىنى شىيانى خان حضورىگە جۈنەتەپ، اوندىن ياردەم
سۇرەيدى. آلتىن فرصتلردن فايدهلىنىشنى يىخشى بىلگن شىيانى خان سمرقندىن جۇنەپ،
اۋرەتپە و خجند آرقلى اۋتەپ، تاشكېنت يىقىنىگە كىلىپ جايلىشەدى. شىيانى خان عىسكرلرى
بابر مىرزا حامىللىرى قۇشنىگە محكم ضربه بېرەدى. ماوراءالنھردە تېمورى شەھزادەلر
حىمرانلىگىنى مستحىملىش ايشى يەنە قىيىنلىشەدى.

بابر مىرزا سمرقندە اۋز حاكىمىتىنى مستحىملىش مقصدىدە كۇپ آوارە گرچىلىكلر
تارتەدى. اندىجان يەنە سلطان احمد تىل و اوگەسى جھانگىر مىرزا تصرفىگە اۋتەدى. اونىنگ
اندىجاننى قىتە اېگىللىش اوچون تۇرت يىلچە دوام اېتدىرگن كۈرەشى نىجەسىز قالەدى. اىزمە
-اىز شىكستلر باعث اولكن آرزولرى عملگە آشمەگن نوقىران شاھ تابارە ضعیفلىشەدى. و
نھايت ماوراءالنھردە مركزلىشگن كوچلى دولت برپا اېتىشدىن كۈنگلى ساوويدى، آتە يورتنى
تۈرك اېتىپ خراسانگە كېتىشگە عزم قىلەدى.

بابر ماوراءالنھرىنى تۈرك اېتمىسدىن آلدىن حىصارنىنگ اىلاک آتلىق يىلاغىدە جايلىشەدى.

۱۵۰۳- جوندە ياردم سۈرەب حصار، بدخشان و قوندوز حاكمى خسرو شاھگە اېلچى جۈنتەدى. خسروشاھ اونگە التفات كۈرستمەيدى. بابىر مىرزا ايلاكدن قباديانگە كۈچەدى. ۱۵۰۴ يىلى جون آيىدە بابىر مىرزا باقى چغانيانى ھمكارليگىدە ۲۰۰ دن آشەراق عسكرلىرى بىلن ترمذ آرقلى امودريانى كېچىب، حاضرگى افغانستان حدودى گە اۋتەدى. ماوراءالنھردە شىيانى خان باسىمى كوچەيگن كېزلىرى، خسرو شاھ نىنگ اينىسى ترمذ، چغانيان و شەھر صفا حاكمى باقى چغانيانى بابىر مىرزاگە قۋشيلگن اېدى.

بابىر ايىك يقينىدەگى اجر درەسىدە قۇنىم تاپركن، خسروشاھ نىنگ ايرىم عملدارلىرى، جملەدن بابىر قۋشىنىدن قاچىب قوندوزگە كېلگن بعضى بىر بېكلرى سمرقندى تىلب، اونگە كېلىپ قۋشيله باشلەيدىلر. اوچ- تۇرت مىنگ اوپلىك خسروشاھ لشكريدەگى مۇغول جنگچىلىرى ھم بابىر قۋشىنى تركىيىگە كىرەدىلر. تېمورى شەزادە لرگە كۆپ يامانلىكلر قىلگن خسروشاھ اندراب يقينىدە، بابىر گە تسليم بۇلىپ، اوندىن كېچىرىم سۈرەيدى؛ بابىر عفو اېتەدى. شوندىن سۇنگ خسروشاھ بابىر رخصتى بىلن ھرانگە جۇنب كېتەدى.

بابىر كابىلگە قرەب يۇلگە چىقەدى. كېلەياتىب، كابىل يقينىدەگى قرەباغ منطقەسىدە آق سرايگە بارىپ اۋرنشەدى. شو پىردە كابىلنى قۇلگە كىرىتىش رېجەسىنى تۈزەدى. ذوالنون ارغون نىنگ اۋغلى محمد مقيم ارغون دېرلى تۇقنەشۋوسىز كابىل ارگى (بالاحصار) نى بابىرگە تاپشیرەدى. ۱۵۰۴ يىل سىپتەمبىرىدە بابىر مقيم ارغون و اونىنگ خاندانىگە امان بېرىپ، اولرگە قندھارگە جۇنب كېتىشلىرى گە اذن بېرەدى. شو يۈسىن، كابىل نىنگ اطراف حدودلىرى جملەدن غزنى بابىر تصرفىگە اۋتەدى.

توران زمىندە تېمورىلر سلطنتىنى قىتە تىكلش ايشلىرى بابىرگە نصىب اېتمەگن اېكن، او كابىلدە مستحكم حكمرانلىك اۋرنشەدى. بابىر مىرزا گە كونى كېلىپ، شو پىردن تورىب دشمنى شىيانى خانگە شكست بېرىپ، ينە ماوراءالنھرگە قەيتىش اميدى پىدا بۇلەدى.

بابىر كابىلدەليگىدە (مىلادى ۱۵۰۵) سلطان حسين مىرزادىن اونگە مکتوب كېلەدى. حسين بايقرا اۋز مکتوبيدە بابىر مىرزاگە شىيانى خانگە قرشى بىرگەليكدە جنگ قىلىش

مقصۇدى بارلىقىنى ايتىپ، اونى ھراتگە چقىردى. بابر مىرزا اونىڭ دعوتىنى قىبول قىلىپ، سىد افضلنى ھراتگە جۇتتەدى. ايزىدن بابر مىرزا نىڭ اۋزى ھم يۇلگە چىقەدى. او كھمردگە يېتىپ بارگىدە، سىد افضل و محمد دولداى ل(۱۵۰۶ يىلى ۵ مى دە) بابر مىرزا گە حسين بايقرا شىيانى خانگە قرشى لشكر تارتىپ بارەياتگىدە تۇسدىن باباالھى منطقەسىدە وفات ايتگنى خبرىنى يېتكزەدىلر. بابر تعزىە بىلدىرگنى ھراتگە بارەدى. ھراتگە يېتىپ بارگچ، سلطان حسين بايقرا اۋغىللىرى و قرىنداشلىرىگە قىغوداشلىك بىلدىرىپ، اولر بىلن اوچرەشەدى، كېنگشلىرىدە قىتتەشەدى. بابر مىرزا شھزادەلر آرسىدەگى نفاقدىن قىتىق خواطىرگە توشەدى. بايقرا وارثلىرى سلطنتى اسرەب، شىيانى خاندېك جسور و كوچلى دشمن برابرېدە تاب كېلتىرەآلمسلىك لىكلرىنى انگلب يېتەدى. قىش توشگۈنگە قدر ھراتدە قالگن بابر مىرزانىڭ كۈنگلى كابىلدىن ھم تىنچ اېمس اېدى. قىش كېلىشىگە قرەمسدىن غور و باميان نىڭ تاغلى حدودلىرى آرقلى كتە مشتقلر چېكىب كابىلگە قىتەدى. غوربندگە يقىن توركمەن درەسىگە يېتىپ كېلگىدە، مۇغوللر حمايتى آستىدە عصيان كۈتريب، بىر قطار بېكلر بابر مىرزانىڭ عمكى بچەسى مىرزا خاننى پادشاھلىك مرتبە سىگە كۈترگنلىرىدىن خبر تاپەدى. اما كابىل ارگى بابىرگە طرفدار بېكلر قۇلىدە قالە وېرەدى. بابر تېزدە كابىلگە كىرىپ كېلىپ، عصياننى باستىرەدى. مىرزا خاننى اوشلب آلىپ گناھىدىن اۋتەدى و اونى خراسانگە سورگون قىلەدى.

حسين بايقرانىڭ اۋغىللىرى (۱۳تە اۋغلى) اۋرتە سىدەگى نزاع و اختلاف اوجىگە چىقەدى. ۱۵۰۷ يىلگە كېلىپ ھراتدەگى مستحكم سلطنت بنيادى يىمىرىلە باشلەيدى. پىت پاىلپ تورگن شىيانى خان ھراتگە باستىرىپ كىرەدى و خراساننى بوتونلەى اشغال اېتەدى. بابر مىرزا عسكرلىرى حسين بايقرا اۋغىللىرى كۈمگىگە يېتىپ بارە آلمەيدى. بابر قىندھارگە ھجوم قىلىپ، شھرنى قۇلگە كىرىتەدى. اوكەسى ناصر مىرزانى قىندھار حكمدارى اېتىپ تەيىنلەيدى؛ اۋزى كابىلگە قىتەدى. ھراتدىن قاچىپ چىققن اينى - آغەلر شاھبېك و محمد مقيم ارغونلر ياردەم سۈرەب شىيانى خان حضورىگە ھراتگە بارەدىلر. بابر مىرزانى قىندھار

دېب اۋىلەگن محمد خان شىياني قندھار شەھرىنى قىلش گە كىرىشەدى. ناصر مىرزا قندھار دە تورالمەي قاچىپ غزنى گە كېلەدى.

بابر مىرزا اۋزى نىنگ اشدى دشمنى شىياني خان بىلن جنگ ميدانلرىدە يوزمە-يوز بۇلىشنى معقول كۆرمەي، بېكلرى بىلن بدخشان و هندوستانگە يورش قىلىش اوستىدە مصلحتلىشەدى. نھايتدە هندوستانگە قۇشنى تارتىش بارەسىدە قارار قبول قىلىنەدى. عمك بچەسى عبدالرزاق (اولوغ بېك كابللى نىنگ اۋغلى) نى كابلدە قالدېرىپ، ۱۵۰۷ يىللى هندوستانگە آتلەندى.

۱۵۰۸ يىللى مارچ آيى نىنگ ۱۶-سىدە بابر مىرزا نىنگ كتە اۋغلى ھمايون كابلدە دىنيا گە كېلەدى. فرزندى ھمايون تولدى مناسبتى بىلن بابر كابل نىنگ چارباغىدە كتە تۋى اۆتكەندى. و او پېردە بىرىنچى بار اۋزىنى شاھ دېب اعلان قىلەدى.

۱۵۱۰ يىللى نىنگ مارچ آيىدە محمد خان شىياني مرو يقىنلرىدە شاھ اسماعىل صفوفى قۇشنىلرى بىلن يوز بېرگن اوروشدە قتل اېتىلەدى. اوشبو واقەدەن كېين بابر مىرزا ايران شاھى اسماعىل صفوفى بىلن توزگن حربى- سىياسى اتفاقى اونگە ينە بىر بار ماوراءالنهر نى قۇلگە كىرتىشگە فرصت يره تىب بېرەدى. ۱۵۱۱ يىللى نىنگ بهاريدە بابر حصارنى قۇلگە كىرتەدى. شو يىل نىنگ يازيدە بخارانى ھم باسىپ آلەدى، اكتوبر آيىدە اېسە سمرقندنى ضبط اېتەدى. ايران پادشاھى حمايتىدن ممنون بۇلگن بابر مىرزا سمرقنددە شىعە مذهبلى شاھ اسماعىل صفوفى آتىگە خطبە اۋقېتەدى. بابر مىرزانىنگ اوشبو عملىدن قتيق چۈچىگن سنى مذهبلى سمرقند بېكلرى و اھالىسى آره سىدە بابر مىرزا شىعە مذهبىنى قبول قىلگنى بارەسىدە گپ- سۆزلر ترقلەدى. سمرقندلىكلر بابر مىرزادىن ناراضى بۇلىپ، اونى حمايت اېتمەيدىلر. شونگە قرەمى بابر مىرزا كمىدە ۸ آي سمرقند حاكمىتىنى اۋز قۇلىدە اوشلب تورهدى.

۱۵۱۲ يىللى بابر مىرزا قۇشنىنى بىلن شىيانىلردىن بۇلمىش عبىدالله خان نىنگ بېش مىنگ كىشىلىك عسكرى اۋرتەسىدە قارەكۇل و خىرآباد آره سىدە جايلشگن كۇل ملىك يقىنىدە شدتلى تۇقنە شو يوز بېرەدى. بابر مىرزا قۇشنىنى اېسە بو جنگلردە يىنگىلەدى. اوروش ميدانىدىن

سمرقندگە چېكىنىشكە مجبور بۇلگن بابر مىرزا اۋز عسكىرلىرى و بېكىرلىرى بىلەن حىصار گە كېلەدى.

بابر ۱۵۱۲ يىلى نىنگ كوزىدە شاھ اسماعىل صفوى جۇتنگن لشكر باشى نجم الشانى بىلەن بىلەن اوچرەشەدى. امودريادىن اۋتىب، غوزار قلعه سىنى هم تصرف اېتەدى. سۇنگ قرشىگە حملە قىلەدى، اوزاق وقت دوام اېتگن اورشلردن كېيىن او يېرنى قۇلگە كىرېتەدى. بابر ۱۵۱۲ يىلى ۲۴ نوامبردە غجدواندە يۈز بېرگن جنگدە شىيانىلردن قتيق شكىستلەنىپ، كابلكە قېتەدى و حياتى نىنگ آخىرگىچە ماوراءالنهرنى قۇلگە كىرېتىش آرزو-ايستەگى بىلەن يشب اۋتەدى. او هندوستاننى قۇلگە كىرېتىش و او يېردە بويۇك سلطنت برپا اېتىش ايشلىرى بىلەن مشغول بۇلەدى.

بابر مىرزا هندوستاننى اېگىللىش اوچون كىمىدە بېش مرتە حملە قىلەدى. حل قىلووچى سۇنگى اوروشى دھلى يىقىندە سلطان ابراهيم لودى بىلەن كېچە ەدى. اوشبو نابرابر جنگدە بابر پادشاھ و اونىنگ بېكىرلىرى و عسكىرلىرى كتە جسارت كۇرستېب، يىنگى حربى تكتىكلرنى قۇللب، سلطان ابراهيم لودى لشكرىنى يېنگەدىلر. دھلى سۇنگرە اېسە آگرەنى قۇلگە كىرېتەدى. سلطان ابراهيم (۱۵۲۶ يىلى ۲۱- اپرىل) اوروشدە ھلاك بۇلەدى. تارىخدە پانى پت دېب ناملىنگن اوشبو جنگدە سلطان ابراهيم لودى تقريباً يۈز مىنگ جنگچى و بىر مىنگ اطرافىدە بۇلگن فىلى بىلەن قتتىشگن اېدى. بابر نىنگ عسكىرلىرى سانى بار و يوغى ۱۲- ۱۰ مىنگ كېشى اطرافىدە بۇلگن. ۱۵۲۶ يىلى ۲۷- اپرىلدە ظھىرالدىن محمد بابر شاھ نامىگە خطبە اۋقىلەدى. بابر مىرزا سلطان ابراهيم لودى نىنگ نەسى يىدە گە التفات كۇرستېب، اونگە تىنچ و آسايشتە يششى اوچون شرايط يره تېب بېرگىنگە قرەمى، يىدە خاتون بابر مىرزا آشپزلىرىنى ايشگە سالىب، بابرنى زھرلەيدى. بو واقەدن كېيىن بابر نىنگ ساغلىگى يامانلشەدى. لېكن يىدە نى جزاگە تارتمەيدى.

۱۵۲۷ يىلى مارچ آيىدە، باشقە مھم بىر جنگدە، هندوستان نىنگ كوچلى راجەلريدن سنلمېش رانا سىنگا بىلەن بۇلگن دھشتلى جنگدە، بابر قۇشىنى غلبە قازانەدى. بو بىلەن

هندوستاندە بابریلەر نینگ توزیلەجک تقریباً اوچ یریم عصرلیک بویوک امپراتورلیگینی تاسیس ایتیشگە شرایط مهیا بۇلەدی. دهلی، آگره و هندوستان نینگ شمالی حدودلرینی ضبط ایتگن بابر شاه اۆزلرینی مستقل دهب بیلگن هندو راجه لرینی کوچ ایشلەتیش و یا هم تیئچ یۇللار آرقلی اۆزیگە بۇ سۇندیریشگە موفق بۇلەدی. بوییلن بابریلەر امپراتورلیگی جانلنە باشلەیدی. بابرنینگ کۆرستمەلری اساسیدە هند خلقیگە بنیادکارلیک، مدنیت یرەتیش زمینه سی یرەتیب بېریلەدی.

ظہرالدين محمد بابر عمری آخریدە سلطنتگە ولیعهد قیلیب، کتە اۇغلی -همايوننی تعینلەپلەدی. شونەدی قیلیب بابر ۱۵۳۰ ییلی ۲۵ دسامبریدە، آغیر خستەلیک سبب ۴۸ یاشیدە عالمدن اۆتەدی. جسدی آگرەدەگی زرافشان باغیدە دفن ایتیلیب، اۆن ییلدن کپین (میلادی ۱۵۴۰) بابر شاه وصیتیکە کۆرە اونینگ توپراغینی کابلگە کپلتیریلەدی، اۆزی برپا ایتگن محتشم باغلردن ییری "باغ بابر" دە توپراققە تاشپیریلەدی.

توغمە اقتدار اپگەسی بۇلگن ظہرالدين محمد بابر قیسقە عمری دوامیدە حربی - سیاسی، اجتماعی و فرهنگی حیاتیدە فوق العادە ایشلرنی عملگە آشیردی، سیر قیرە شخصیت بۇلیب یتیشدی، دور و دوران سوریب عالمدن اۆتدی. یاشلیگیدە سلطنت تختیکە اۆتیرگن بابر میرزا چپکسیز سیاسی فتنەلر و تینیمسیز اوروشلر گردایدە قالیب، اوزاقنی کۆرەآلەدیگن بویوک سیاستچی و ماهر سرکرده گە ایلنە آلدی. شکستلردن یخشى سباقلر چیقردی. تورلی ابلتلر و ملتلرنی بیرلشتیریش و اولکن امپراتورلیک قوریب، اونى تۇغری باشقیریش مهارتینی کسب ایتدی. ۲۰۰ دن آشەراق جنگچیلری ییلن اولکن مملکت تشکیل ایتیشنی نیت قیلگن یاش بابر چارک عصر دوامیدە چپکسیز مشقتلر چپکیب، گنگا و امودریالری آرەلیغیدە مرکزیش اولکن سلطنت قوریشگە موفق بۇلدى. کۆپ جەتلردن آلیب قرەلگندە بابر میرزا گە تېنگلشەدیگن امیر، سرکرده و شهزادە یۇق البتە.

بابر میرزا یاشلیگیدن بیر قۇلیدە قیلیچ توتگن بۇلسە - دە، ینە بیر قۇلیدە قلم اوشلەب، عمری نینگ سۇنگی لحظه لرلیگچە ھارمى - تالمى حیات داوانلریدن آشیب، بویوک

مقصدگە يېتىپ آلدى. اوروشلار اوجىدە، حربى - سياسى يوتوقلىرى و شكستلىرى جريانىدە عجايب علمى، ادبى، مدنى و معنوى بايلىك يره تىب، دنيا مدنى خزينه سىگه اوزىدن بى بها ميراث قالديردى.

يوقاريده "بابر نامە" اساسيده بابر شاه نىنگ حربى - سياسى حياتى و فعاليتلىرى اوستيده توختەلدىك. اېندى، قىسقه طرزده اونىنگ اوزىگه خاص علمى ادبى، معنوى و ايجادى فعاليتى بايىدە سۆز يوريتماقچىمىز.

ينه بابر حقيده؛ قلمدن توشىپ قالگن سۆزلەر

ظهیرالدین محمد بابر ۱۲ ياشيده تخت تېپه سىگه كېلگن اېدى. اندىجان تختىگه كۆز تىكىپ تورگن سياسى رقيبلىرى، اينىقسە عمكىلىرى اونى تىنچ قۇيمەدىلر. بابر اېسە تاج و تخت اېگەسى اۆلەراق ھمدە وارثلىك مقاميده دشمنلىرىگه قرشى توريب، كوره شيشگە مجبور اېدى. چمەسى اۋن يىل فرغانە، سمرقند و تاشكېنت اطرافلىرىدە اۋز قۇشىنلىرىنى دشمنگە قرشى جنگلردە رهبرلىك قىلدى. اۋزى آت اوستيده قىلىچ اۋىنە تىب، اوروشلردە فعال اشتراك اېتدى. يېنگىدى، يېنگىلدى.

كابلگە كېلگىنيدە، دشمنگە قرشى جنگ قىلىش سِرلىرىدن خبردار ماھر سركرده صفتيده هر قندهى هجومچى لشكر برابر يده اۋزىگە تېگىشلى يېرلرنى قندهى قىلىپ مدافعه قىلىش مهارتى، شونىنگدېك، قىسى پېت دشمنگە هجوم قىلىش وقەى زماندە مدافعه قىلىش وقتىنى يخشى بىلدى. بابر اۋزى نىنگ "بابرنامە" اثر يده ايرىم حاللردە سلطان حسين بايقرانىنگ شيبانى خان گە قرشى كوره شده كۆرگن حربى چاره تدبيرلىرىنى تنقيد اېتىپ، بير مۆرددە منە بوندى يازەدى:

(متن تبدیلی) «سلطان حسين ميرزانيك بو خطالری امیدسيزلىك سببچىسى بۇلدى. نېگە كە، تېمورېك نىنگ يورت يده بو تاريخي سنەدە ھم ياش، ھم تصرفيدەگى يېر - ملك، ھم لشكر حسابى جھتيدن اوندن اولوغراق پادشاه يۇق اېدى. بيز كۆز توتر اېدىك كە، كېتمە - كېت اېلچىلر و خبرچىلر شاشىلىنچ كېلىپ، منە بوندى حكملر كېلتىرسەلر اېدى: «ترمذ،

كېلىف و كركى كېچىكلەيدە مونچە كېمە يىنىگ، كۆپرەك اسبابىنى فلان مىقداردە تيار قىلىنىگ. يوقارىگى تۇقىز اۋلىم كېچىكلەرنى يىخىشى احتىياى قىلىنىگ». تا كە بىر نېچە يىل اۋزىك غوغا- تۇپالانلاردىن كۈنگلى سىنىققن بو ابللارنىگ كۈنگلى كۆترىلىپ، كوچەيىپ، اميدوار بۇلىنىلر.

سلطان حسين ميرزادېك تېمورىېك اۋرنىگە اۋتىرگن اولوغ پادشاھ غنىم نىنىگ اوستىگە يورىشىنى دېمەي، يېر بېرىكىتماقنى، مدافەنى دېسە، اېل و اولوسدە قندەي اميدوارلىك قالسىن؟^۱

بابر كابل اطرافلرى، غزنى، قندھار و افغان قىبلەلرى يشەيدىگن قطار حدودلرنى اۋزىگە قرەتىش اوچون آلىب بارگن جنگلرىدە كتە مۇقىتلىر قازانگن اېدى. هندوستاننى تصرف اېتىش اوچون عملگە آشىرگن حملەلرى بابر شاھ نىنىگ حربى يورىشلردە اۋزىگە خاص اهمىتىگە اېگە اېكنى تارىخدە معلوم. اينىقسە سلطان ابراهيم لودى و راجە سىنگا نىنىگ كۆپ سانلى قۇشنىلارنى يېنىگىشدە قۇللەگن يىنگى حربى تكتىكلرى جملەدن "تۇلغە" جنگ اصولى بابرنى اۋتە استعدادلى سركردە صفتىدە تىتەدى.

او هندوستان نىنىگ كېنىگ حدودىنى قۇلگە آلىش اوچون چېكىسز مشقتلر چېكىدى؛ مۇقىتسىزلىكلەردىن كۈنگلى ساوومەدى بلكە، عزمى محكمراق بۇلدى و ھر بىر شىكىستىدن عبرتلى سباقلر چىقىردى. بابر دھلى، آگرە و هندوستان شىمال ولايتلارنى ضبط اېتىگندىن سۇنىگ، افغانستان و هندوستاننى اۋز اىچىگە آلگن كېنگىلكلردە حكىم يورغىزىپ، تۇرت يىلدىن آشەراق هندوستاندە سلطنت قورە آلىشىگە اولگورەدى. ايرىم ولايتلارگە حاكملر تەيىنلەيدى. سالىق اۋندىرىش قانون - قاعدەلەرنى ايشلپ چىقىپ، عملدە جارى اېتەدى.

بابر شاھ نىنىگ قىسقە پادشاھلىگى يىللرىدە هندوستان و افغانستاندە قورىلىش و آبادانچىلىك ايشلارنى يۇلگە قۇيىپ، باغ-راغلر بىنياد اېتدى. قصرلر، حماملر قوردىرىلدى.

۱. بابر، بابنامە، تاشكېنت، اوقىتوۋچى، ۲۰۱۸، ۱۹۱-بېت.

زراعت/اېكىنچىلىكنى رواجلىتىرىش اوچون نهرلر و اريقلر قزىلدى. بابر شاه علم-فن و ادبيات رواجى اوچون سعى و حركت آليب بارهدى. سلطنت و حاكميت ايشلرىنى عدالتلى باشقردى. بابر و اونىنگ اولادلرى خذمتلرى هندوستان خلقى تامانىدن خرسندلىك بيلن تىلگە آلىنىپ، حرمت بيلن اعتراف اېتلهدى.

بابر اؤزىگە خاص عجايب خصلت و فضىلتلرگە اېگە پادشاه بۇلگنى تاريخدن عيان. چنانچه، "بابرنامە" نىنگ كاتىبى بابر نىنگ پادشاهلرگە خاص فضىلتلىرى حقيده منە بولرنى يازگن: (متن تبديلى) «و محالدور كيم، اول پادشاه قابل نىنگ يخشىلىغلىرىنى ايتگن بيلن و بيتگن بيلن توگنگەي. لېكن مجمل بو كيم، سكيز صفت اصيل انىنگ ذاتيغە متاّصل اېدى: بيريسى بو كيم، نهجتي (اقبالى) بلند اېدى؛ ايكيمچيسى- همتى ارجمند اېدى؛ اوچيمچيسى- ولايت الماغ؛ تور تومچيسى- ولايت سقله ماغ؛ بېشىمچيسى- معمور لوغ؛ آلتيمچيسى- رفاهيت نيتى تېنگرى تعالى بنده لريغە؛ يېتىمچيسى- چېرىكنى كۇنگلى (نى) قۇلغە آلماق؛ سكيز يمچيسى- عدالت قيلماق».^۱

بابر- استعدادلى شاعر

تېمورى شهزاده لردن ايرىملرى قلم و ايجاد اهلى بۇليب، شعر بيتگنلر. لېكن اولر آره سیدن هيچ بيرى بابر ميرزاچه ليك گۇزل و روان شعرلر ايتيشده بابر مرتبه سيگە يېتىشمەيدىلر. عموماً، بابر ايجادى توركى عالم ادبياتيده اؤزىگە كته اۋرين اېگللهيدى.

بابر ميرزا ۱۷ ياشيده ايكينچى مرته سمرقندنى اېگلله گنيده شعر يازه باشله گىنى ايتەدى. اونىنگ شعر يتيده كۇرگن- كيچيرگنلرى بيلن بيرگە وطنى قومشش، غربت الملىرى، سېوگى- محبّت، دينى و تعليمى مسأله لر چقور افاده سىنى تاپگن. شعرلرى نىنگ عمومى سانى ۴۰۰ پارچه دن آشه دى. اولردن ۱۱۹ ته سى غزل، قالگن ۲۳۱ ته سىنى رباعى، تويوق، قطعە، فرد،

۱. بابر، بابرنامە، "شاه، اديب و شاعر - ظهيرالدين محمد بابر" (سۆزباشى)، تاشكېنت، اۋقيتوۋچى، ۲۰۱۸، ۹- بېت.

مثنوى تشكىل بېرەدى. اونىنگ ايجادىدە رباعى ژانىرلىقدا اۋرىن اېگىللەيدى. باشقىچە ايتىگندە بابر توركى شاعرلر آرهسىدە رباعىنى كۈكلرگە كۈترەلگن ايجادكار سەنەلەدى. شاعر بابرشاه اۋز شعرلرىنى تۈپلەپ ديوان ھەم توزگن. كابل ديوانىنى (۱۵۱۹ يىلى) ۋ ھند ديوانىنى ۱۵۲۸-۲۹ يىللرى تەرتىپ بېرگن. او، ديوانلرىنى اۋزى اختراع قىلگن خط - "خط بابرى" گە كۈچىرىپ ماوراءالنھىرگە جۈنەتگن.

بابر عجاب نكتە پرداز و بدىعى صنعتلرنى اۋز ايجادىدە چىبىرلىك بىلەن قۇللەگن شاعر دىر. اونىنگ بدىعى مھارتى يۈكسەكلىكى شەرلرىدە جوش اورىپ تورەدى. شۈبىنگىدەك، وطن و آنە يورت ساغىنچى بابر شەرلىگە باشقىچە روح و جىرنگ بىشەلەگن. توركى گۈى شاعرلر آرهسىدە ھىچ كىم وطنگە مھبەت و غرىبلىك نىنگ اضطراب، الملىرىنى بابرىچەلىك اۋز شەرلىدە عكس ايتىدىرەلمەگن دېسەك، مبالغە قىلمەگن بۇلەمىز. بابرىنگ مەنە بو رباعىسىنى اۋقىگن كىشى مىرزا بابر اۋز يورتىنى قىسى اندازەدە سېۋىگىنى انگىلەپ آلدەدى.

طالع يۇقى جانىمغە بلالىغ بۇلدى،
ھەر ايشنى كە ايلەدەم، خطالىغ بۇلدى.
اۋز بىرنى قۇيىپ، ھند سارى يوزلندەم،
يارب، نېتەيىن، نې يوز قرالىغ بۇلدى.

فارس و عرب تىللىرىدە ھەم سۋادى كامىل بۇلگن بابر مىرزا اېسكى اۋزبېك تىلىدىن تشقىرى فارس تىلىدە ھەم شەرلر يازگن. اونىنگ ديوانىدىن فارسچە شەرلرى ھەم جاي آلگن. بابر فارس تىلىدە ۳ غزل، ۱۳ تە تۈرتلىك، ايكى مەمما، ۶ تە قىطعە، بىر تە تارىخ، ايكى تە تويۇق و ۲۳ تە فرد يازگن.

بابردن اردو و اۋزبېك تىلىدە مەلمە بىر بيت قالگنى مەلۇم:

موجكا نہ ھوا كوچ ھوس مونك ماتى،

فقر اھلىغە بس بۇلغوسى پانى و روتى.

(مېنگە نې ياقوت، نې مروايد ھوس دور، كە فقير اوچون سو و نان بس دور).

بابر- فقىيە

ظھيرالدين محمد بابرشاھ اۋز دىنيگە اعتقادى- ايشانچى استوار حنفى مذهبلى سنى مسلمان كىشى بۇلگن. ياشلىگىدە قرآن و دىن اصوللىرىنى اۋرگىنگن، اسلام شريعتى بويروغلىرىگە سويەنىپ، پادشاھلىك قىلگن. بوساھ گە بغيىشلىپ يازگن كىتايىگە "مىين" ("آچىق، آيدىن") دېب آت قۇيەدى. اۋزىدن كېيىن اۋغىللىرى ھم شو كۆرستمەلرگە عمل قىلىپ، ايش توتىشلىرى، مملكتنى باشقريشلىرى طلب قىلىنگن. فرزندلىرىگە تعليم بېرىش اوچون يېتىلگن اوشبو ائردە اسلام دىنى نىنگ فرض و سىنتلىرى و باشقە بىر قطار ركنلىرى بارەسىدە معلومات بېرەدى. بابرشاھ بو كىتايىنى اۋغىللىرى ھمايون و كامران مىرزالەرگە بغيىشلىپ يازگنى ائرنىنگ دىياچەسىدەگى يېتىلدە قىد قىلىنەدى.

بابر- ترجمان

بابر مىرزا كىمىدە تۇرت تىل يعنى توركى تىل (اېسكى اۋزىيىك تىلى)، فارس، عرب و اردو تىللىرىنى يىخشى بېلگن. او، اۋز ائىرلىرى نىنگ اېنگ كتە قىسمىنى آنە تىلى - اېسكى اۋزىيىك تىلىدە يىرەتگن. شو بىلن بىرگە او خواجە عبىدالە احرارنىنگ فارس تىلىدەگى ئىرى يۇل بىلن يازىلگن تصوفى ائىرىنى اېسكى اۋزىيىك تىلىگە نىظمە ترجمە قىلەدى. عمر شىخ خواجە احرارگە كۆپ ارادت قۇيگن اېدى. خواجە احرار اوشبو ائىرنى "والدىه" (آتە گە بغيىشلاو) دېب ائەيدى. بابر ھم كىتاب نىنگ نامىنى عىناً "والدىه" دېب ناملەگن.

مركىزى آسپادە نقشبندىه طريقتى نىنگ مشهور نامىندەلرىدن بۇلگن خواجە عبىدالە احرار تېمورى شاھلر و شەزادەلر تامانىدن حمايت اېتىپ كېيلىنگن، بابر نىنگ آتەسى عمرشىخ بىلن يقىن علاقەدە بۇلگن عبىدالە احرار بابر مىرزا توغىلگندە اونگە "ظھيرالدين محمد" دېب آت قۇيگن. بابر، خواجە احرار فرزندلىرىگە حرمت كۆزى بىلن قرەگن. اونىنگ نېرەلرىدن ايكى كىشىسى بابرنىنگ خذمتىدە بۇلگن.

بابر عمرى نىنگ آخرلىرى (مىلادى ۱۵۲۸ يىلى نىنگ كوزى) قتيق بېتاب بۇلىپ قالگندە، خواجە روحى مدد قىلىشى اوچون، شفا تاپىشى ايلىنجىدە "والديه" اثرىنى نىشردن نظمگە اۇگىرىپ، ترجمە قىلىشگە كىرىشەدى. هر كونى اۇن بىتدن ترجمە قىلىپ، اۇن كوندە بىتيرەدى. ترجمە ايشى اۋز نىھايەسىگە يېتىشى بىلن-اق، سلامتلىگى قىتە تىكلنگىنىنى اېسلىەيدى. بابر ترجمە ايشى سۇنگىگە يېتگندە، اوشبو اثرنى باشقە شعرلىرى بىلن بىر نېچە نىسخەدە يازدىرىپ، اۋغىللىرى ھمايون و كامران و باشقە كۇنگلى گە يقىن كىشىلرگە جۇنتەدى.

"والديه" نىنگ اۋزبېكچە ترجمەسىدە بابر مىرزا سۇز صنعتلىرىنى قۇللەگنى، اثر نىنگ بدىعى اھمىيىتىنى يەنە دە آشىرەدى. اثرگە بابر ايجادى ياندە شەدى، كىرىش، اساسى بۇلىم و خلاصە نى ھم قۇشېمچە قىلەدى. كىتاب نىنگ كىرىش و توگىنچى (خاتمە) قىسمىنى بىر معنادە بابر نىنگ معنوى ملكى دېيىش ممكن. "والديه" نىنگ اۋزبېكچە ترجمەسى بابر مىرزا نىنگ بدىعى ترجمەدە ماھىرلىگىنى اثباتلەيدى.

بابر- يىنگى يازوو اختراعچىسى

بابر ۱۵۰۴ يىلى كابلگە كېلگىندە يىنگى بىر خط اختراع قىلەدى. و اونى "خط بابرى" دېپ ناملەيدى. بابر اۋز آنە تىلى - اېسكى اۋزبېكچەدە تاووشلىرى طلبىگە كۆرە عرب الفباسى اساسىدە شكلاۋ فرق قىلووچى ۲۹ حرفنى يرەتەدى.

او، قرانكرىمنى اۋزى اختراع اېتگن خطگە كۈچىرتىرىپ، مكە و باشقە بىر قطار شىھرلرگە يوبارەدى. بدخشان و قندھاردەگى اۋغىللىرى- ھمايون مىرزا و كامران مىرزالرگە "خط بابرى" دە مکتوبلر يازەدى. اوشبو يازوودە كۈچىرتىرىلگن قرآن نىنگ بىر نىسخەسى ايران نىنگ مشھد شىھرىدەگى امام رضا يادگارلىك مجموعهسى نىنگ "كىتاب" بنىادىدە سقلىنماقەدە.

بابر اۋزى نىنگ خراسان سفرى چاغىدە "خط بابرى"نى مرغابدە مىرزالر بىلن اونىنگ آلدىگە چىققن ھراتلىك تىنقىلى عالملىردن قاضى اختيارالدىن و محمد مىرىوسف گە اۋرگىتىنىنى ايتەدى. بىراق نامعلوم سببلرگە كۆرە "خط بابرى" كۆپ قۇللنىلمەى اونوتىپ يوبارىلەدى. انىق راغى مكە مفتى لرى قراننى بو يازوودە كۈچىرىلىشىگە فتوا و اجازت بېرىشمەيدى.

بابر- ادبیاتشناس و منتقد

ظہیرالدین محمد بابر قیسقە حیاتی دوامیدە سرکرده‌لیک و پادشاہلیک دغدغەلری بیلن بیرگە ادبیات ساحەسینی ہم سیرە اونومتەگن؛ او یتوک شاعر و ادبیاتشناس صفتیدە قطار ایجادکارلرنی تئیش بیلن بیرگە اولرنینگ ادبی اثرلرنی تحلیل قیلیب، تنقیدی یاندەشگن.

بابر میرزا "بابرنامە" اثریدە ۵۰ گە یقین ایجادکارنی اېسلەیدى. اولرنینگ شعرلری و ادبی اثریدن اقباسلر کېلتیرەدى. بابر جدی منتقد هم بولگن. ایجادکارلر اثرلرنی حقانی بهالەیدى. کمچیلیکلری، عیب و نقصلرنی کورستەدى. او خراسان شاعرلری بارەسیدە سۆز یوریتکن؛ "شیانی نامە" مؤلفی محمد صالح حقیدە منە بولرنی یازەدى:

(متن تبدیلی) «ینه، محمد صالح اېدى. یاقیملى غزللری بار. بیراق سیلّیقلیگی مزەسیچە اېمس. تورکی شعرى هم بار. یامان یازمەیدى. کینراق شیانی خان قاشیگە کېلگن اېدى. درحقیقت، حرمت و اعتبار قازاندی. شیانی خان گە آتب رمل مسدس مخبون- "سُبْحە" وزنیدە بیر تورکی داستان بیتگن. انچه سست و بؤشتاب دیر. اونى اؤقیگن کیشی نینگ محمد صالح شعریتیدن کؤنگلی ساویدى. بیر یخشی بیتی بو دیر:

بۇلدى تېل گە وطن فرغانە،

قیلدى فرغانەنى تېلخانە»^۱

بابر میرزا تنقیدیدن سۆز ملکی نینگ سلطانی، اولوغ متفکر امیرالکلام حضرت علیشېر نوابی هم چېتەدە قالمەگن. «علیشېربېک اؤخششی یوق کیشی اېدى. تورکی تیل بیلن تا شعر بیتیدیلر، هېچ کیم اونچەلیک کۆپ و یخشی یازگن اېمس...». «ینه "مېزان الوزان" ناملى عروض کتابینی بیتگن، انچه ملاحظەطلب: ییگیرمە تۆرت رباعی وزنی نینگ تۆرت وزنیدە خطا قیلگن. بعضی بحرلر نینگ وزنلریدە هم ینگلیشگن. بو عروصدن خبردار آدمگە معلوم بۇلەدى. فارسی دېوان هم ترتیب بېرگن. فارسی نظمده "فانی" تخلصینی قۇلەگن. بعضی بیتلری یامان اېمس دیر...»

۱. بابر، بابرنامە، تاشکېنت، اوقیتوۋچی، ۲۰۱۸، ۲۶۲-بیت.

«...فضل اهلی و هنر اهلیگه علیشېر بېکچه لیک مربې و حامیلیک قیلگن آدم دنیاده باشقه تاپيلمسه کېرهک».^۱ دېب یازهدی بابر میرزا.

سلطان حسین بایقرا فضیلتلرینی بیر-بیر سنب اؤتگن بابر اونینگ ایجادی و شخصیتیده گی کمچیلیکلرینی هم حقانی روشده تصویرله یدی. "بارنامه" نینگ بیر قسمیده حسین بایقرا حقیده منه بولرینی اېسلب اؤته دی: «طبع نظمى بار اېدى، دیوان هم ترتیب قیلیب اېدى، تورکی ایتور اېدى. تخلصی "حسینی" اېدى. بعضی بیتلاری یامان اېمستور، ولی میرزانینگ دیوانی تمام بیر وزنده دور. با وجودی کیم هم یاش و هم سلطنت بيله اولوق پادشاه اېدى، کیچیکلاردېک قوچقار ساخلاب، کبوتر ساخلاب، کبوتر اؤینار اېدى. تاووق هم اوروشقه سالور اېدى».^۲

بابر - عروض شناس عالم

بابر فقط شاعر اېمس، بلکه او پېتوک شعر شناس و ادبیات نظریه چیسى هم دیر. تورکی ادبیات دنیا سیده شعر نینگ عروض وزنلرینی بیلیدیه اونگه یتهدیگنی یؤق البته. بابر دوریگچه اېسکی اؤزبېک تیلیدیه عروض و شعر وزنلری گه عاید فقط ایکی اثر بارلیگی فنده معلوم. بیرینچیسى شیخ احمد بن خدايداد طرازی نینگ "فنون البلاغه" (بو اثرده کېلتیریلگن تؤرت موضوع نینگ بیرى عروض دیر). بؤلسه، ایکینچیسى علیشیر نوایی نینگ "میزان الاوزان" کتابی دیر.

بابر عروض موضوعیگه بغیشلب "مفصل" ناملى بیر رساله هم یازگن. نوایی نینگ "میزان الاوزان" اثریده ۱۴۰ ته عروضی وزن خصوصیدیه معلومات بېریلگن بؤلسه-ده بابر نینگ بو اثریده ۵۳۷ عروض وزنی اصل، فروع (ترماق) و زحاف (حرفلر توشیریش، آرتیریش) لر اساسیده تیشتیریلهدی.

۱. بابر، بابرنامه، تاشکېنت، اوقیتووجى، ۲۰۱۸، ۴۹-۲۴۸ بیت.

۲. بابر، بابرنامه، مزار شریف، میرزا اولوغ بېک فرهنگى بنیادی، قویاش بیلى ۱۳۸۷، ۲۲۷-بیت.

بابر اۋرتە عصر تىلشناسى

بابر مىرزا اثرلىرى اينىقسە اونىڭ شاھ اثرى "بابرنامە" نى اۋىڭىندە بابرنى تىلشناسلىك مسالەلەرگە ياندەشكەنى و ساحە گە عايد مەھم جدى بىھتەر آچكەنى گە گواھ بۇلەمىز. مثال اوچون او بابرنامەدە قرشى ولايتىنى، بو آت بىلەن ناملىنىشى خصوصىدە فەر يوريتىب، اۋزى نىڭ تىرن ملاحظەلەرنى بيان اېتەدى. بو ظەھىرالدىن بابرنىڭ فەرى البتە، اما "قرشى" سۈزى قاتار توركى داستانلار و تارىخ كىتابلىرىدە ضد، مقابل، سراي، قصر كىي مەنلەردە كېلتىرىلگەن.

بابر مىرزا قرشى سۈزىنى "بابرنامە" دە مۇغولچە سۈز بۇلگەننى تەكىدلىگەن، قىرستان مەناسىنى انگەلدەپ دېيە مەلۇمات بېرەدى. اونگە كۆرە چىڭگىزخان ھىجۇمى چاغىدە بو شەھردە قانلى اوروشلار يۈز بېرگەن نەتىجەسىدە سان-سناقسىز آدمەلەر قەتل اېتىلگەن. شەھرىنىڭ ھەر تامانى اوروشدە قربان بۇلگەنلەر گورستانىگە ايلەنگەن. انە شو باغث مۇغوللار استىلاسى آرتىدىن آلدىنلار سەف و نەخشەب دېيەتلىگەن بو ھەدودگە قرشى يەنى قىرستان نامى بېرىلگەن. بىزنىڭچە، بابر قرشى سۈزى نىڭ كېلىپ چىقىشى ھەقىدە خەتەگە يۇل قۇيگەن. بو سۈز مۇغولچە اېمىس؛ توركى سۈز بۇلىپ، مۇغوللەرگە مقابل چىققەن، قرشى تورگەن انسانلار/قرشىلەر؛ كۆكرەك كىرگەنلەر مەناسىنى بىلدۈرەدى.

بابر- مەھربان آتە؛ قىرىنداشلىرى، يەقىنلىرىگە غەمخوار ھامى

ايش-يۈمۈشى آغىر بۇلىشىگە قەرەمى، ظەھىرالدىن مەھمەد بابر اۋز فرزندلار تەلىمى و تەربىيەسىنى سىرە اونۈتمەگەن. قىزلىرى و اۋغىللىرىگە يەخشى آتە بۇلىش مەسئۇلىيەتنى انگەلەپ، دەرست ەمل قىلگەن. اوكلەرى، آپە- سىنىڭلىرى ھەمدە اوزاق يەقىنلىرىگە ھامىلىك قىلگەن. بابرنىڭ فرزندلىرىگە نە قدر مەھربان آتە بۇلگەننى شۇندەن ھەم بىيلىش مەمكەن كە، تونۇغچ اۋغلى ھاميون مىرزا ھىندوستان نىڭ سەنبل ولايتى ھەكمى بۇلگەن چاغىدە قەتەق كەسل بۇلەدى؛ سەپۈركىلى فرزندى كەسللىكەن اريب، اونگە ساغەيپ كەتسەن نىيەتنى قىلىپ، «ھاميون اۋرنىدە مەن جانىمنى فەدا قىلىشىگە ھەزرەت مەن»-دەيدى و شۇندەن كېيىن كەسل بۇلىپ، ساغلىغى قەتە تەكىنمەيدى و نەھەت ەالمەن كۆز يۈمەدى؛ ھاميون اېسە تۈزەلىپ كەتەدى.

بابر فرزندلرينى اۇقىب سوادلى بۇلىشلىرى ھمدە قدرتلى سرکردەل بۇلىب پېتىشلىرى گە؛ دولتى باشقريش و باشقە تورلى ساحەلردە اۋز سويەلرينى آشيريپ باريشلىرى مسالە سيگە ھم جدى اعتبار قرەتگن. ھمايون ميرزادن كېلگن نامەنى اۇقىب اونگە جواباً يازگن مەكتوبيدە، فرزندىگە نامەسىدە گى املا خطالرينى اېسلەتەي، حكومت ايشىنى باشقريشە خلوتدن چىقىپ، بېكلەر بىلەن مەصلەتلىشىپ ايش كۇريشى و ھردايم خلق بىلەن يەقىن علاقەدە بۇلىشىنى تەكىدلەيدى.

شونىڭدەك بابر قىزلىرىنى ھم سوادلى قىلىپ پېتىشتىرەدى. اوچىنچى قىزى گلبدن بېگەنى شەرقەدە ايلەك عيال تەريخچى بۇلىپ پېتىشلىرى گە؛ كتە رول اۋىنەيدى. گلبدن بېگە قەلمى بىلەن "ھمايون نامە" دنيا يوزىنى كۆرەدى.

بابر شەھەر اۋز اوكلەرى، يەقىن قىرنداشلىرى و بېكلەرى گە اۋتە غەمخوار بۇلگن. اوكلەلىرى جەھانگىر ميرزا و ناصر ميرزالارنى قەيىن احوالەدە اۋزى بىلەن كابگە آلىپ كېلىپ، اولرگە سرکردەلىك، ولايت و سەلتەنتنى باشقريش مەھارتلرينى اۋرگەتەدى. كېيىنچە لىك غەزنى و قەندھار ولايتلرينى اولرگە تاپشىرەدى. بابر ايلەكبەر ھىندوستان سەفرىگە آتلەنگەندە كابلىنى باشقريش مەسئۇلىيەتنى ەمكى بېجەسى عبدالرزاق (اولوغ بېك كابلى نىنگ اۋغلى) تاپشىرگن. اوندىن آلدەين عبدالرزاق قەندھاردن قاچىپ كېلىپ بابەرگە قۇشلىگەندە اونگە خزانەدن انعاملەر بېرگن. كابىل و ترەنوگ ولايتلرى، كېيتراق كەنەر، نەنگرھار، مەندىراور، درە نور و نورگەل خەدودلرينى ھم بېرگن.

بابر ھەراتدەلىگى چاغىدە؛ كابىلدە قالگن ەمكى بېجەسى ميرزا خان تەختنى اېگەللەش نەيتىدە بابەرگە قرشى فەتنە اويۇشتىرەدى؛ بابەر فەتنەنى باستىرىپ، جەزالشگە شاشىلمى، گناھىدىن اۋتەيپ، اونى ھەراتگە جۈنئەتەدى.

بابر ميرزا ماوراءالنھەردە قالگن يەقىنلەرى، قەدردان انسانلەرى و مەرشەدلەرىنى دايمە اېسەلەپ تۇرەدى، اۋقتەن - اۋقتەن اولرگە تەھفە - تەرتىقلەر يوبارىپ تۇرەدى.

بابر - عهدىگە صادق، بلند ھمتلى جسور سرکرده

ظھیرالدین محمد بابر شخصىتى نىنگ مھم قىرەلرىدن باشقە بىرى اونىنگ اۋز عهدىگە صادقلىگى، مردلىگى، يۈكسك جسارتى و حیات نىنگ ھەر قندەى قىين سىناولرىگە برداش بېرەلگىنى بىلن افادەلەندەدى. عهدىگە وفادار قالىشلىك اونىنگ عجایب خىستلىرىدن.

بابر خانلر (تاغە لرى) بىلن اخسى قۇرغانىنى قۇلگە كىرتىش نىتىدە اخسىنى قورشاولگە آلگىنلرىدە؛ قۇرغاندەگى شىخ بايزىد بابر مىرزانى چقىرەدى. بوندن خبر تاپگن خانلر بابردن فرصتدن فايدهلەنەلەن بىلن اخسى قۇرغانىگە بارگىنەدە شىخ بايزىدنى توتقىن آلەشىنى سۈرەيدىلر. بىراق بابر شىخ بايزىد بىلن اونىنگ اۋرتەسىدە ھەد بارلىگىگە اشارە قىلىپ، بو ايشىنى قىلەلەمسلىگىنى تەكىدلەيدى.

بابر اۋز مردلىگى و ھمتى بلند شىخس اېكىنى ھەر دايم حیات نىنگ اېنگ آغىر و مشتەتلى كېزلىرىدە اثباتلەپ بېرگن. "بابرنامە"دە روايت قىلىشچە، بابر اۋز لشكرى بىلن ھراتدن كابلگە قىتەياتگىندە بامياندە قلەن قار ياغەدى، قارنىنگ بلندلىگى آت نىنگ قارنىگە كېلەدى. اوشو آغىر وضعىتدە قۇشەن نىنگ آلدیدە يۈرۈپ، قار تېپىپ يۈل آچەدى. توندە عسكەرلىرى نىنگ بىر قىسمى بىر غاردە كىرىپ آلەگىنلرىدە، غاردەگىلر اوندىن اىچكرىگە كىرىشىنى سۈرەيدىلر. بابر كۈنمەيدى. اۋز كۈنگىلدە، بىرچە اېل تشقىرىدە چاپقوندە قالسە يو مېنىنگ غار اىچكرىسىدە ايسىقدە راحتلەنىشم مروتەدىن اېمس دەيدى.

بابر - خرافاتگە قرشى معتدل دیندار

بابر اعتقادى جھەتدن سۈنى مسلمان، حنفى مذهبى نىنگ پىرولرىدن. دولت ایشلىرى و اجتماعى حیاتنى اسلام دىنى شریعتى بویروغلىرى اساسیدە باشقۇرۇپ كېلىگن بۇلسە-دە، باشقە دىنلر و مذهبلرگە سىغىنۇچلر بىلن ھەم يىخشى و اىلىق مناسبتدە بۇلگن. بعضى بىر اشدی مسلمان پادشاهلر كىي تۈرلى دىنلر و مذهبەگى لرگە دىنى تەعصب يۈزە سىدن ياندە شەمەگن، اولرگە ھەر دايم اۋزىدن مدارا كۆرسىتگن. اۋغىللرىگە ھەم شۈندەى باشقە دىن و مذهبەگىلرگە انسانى مناسبتدە بۇلىشلىرىنى اوقتىرگن. بو حقدە "بابرنامە"دە شۈندەى يازىلگن:

«... ای فرزندیم، هندوستان مملکتی تورلی مذهبیلردن معمور بؤلگن. الله تعالی سیزگه بونی کرامت ایتدی. سیز مذهبیلرنی یامان کۆریشدن دلینگیزنی پاک توتینگ. هر مذهب نینگ طریقهسیگه (یۆلیگه) عدالت قیلینگ. خصوصاً، هندوستان نینگ قلیینی قۆلگه کیریتمه من دېسنگیز، سیگیر سۆیماقدن اۆزینگیزنی تیتینگ. بو یخشیلیگینگیز عوضیگه شو ولایت خلقي نینگ قلبی سیزگه یقین بۆله دی. قۆلینگیز آستیده گی هر قوم نینگ عبادتگاهلرینی و مقدس جایلرینی خراب اېتمینگ. شونده ی عادللیکنی اختیار قیلینگ که، پادشاه رعیتدن و رعیت پادشاهدن آسوده بۆلسین. اسلام نینگ ترقیاتی احسان قیلیچیدن یخشیراق بۆله دی، ظلم تیغیدن اېمس. سنی و شیعه اؤرته سیده گی جنجللردن کۆزینگیزنی یومینگ ...»¹

بابر میرزا خرافات پرستلیکنی یاقیتیرمه گن، خرافاتچیلر بشره سینی آچگن. غزنیده بۆلگنیده بیرکونی بابرگه غزنیده گی مزارلردن بیریده صلوة ایتیلیشی بیلن-اق، قبر قیمرلب حرکت قیلیشی باره سیده ایتهدیلر. بابر بونگه شک قیلیب، اوشبو خرافاتی فاش اېته دی. او بو توغریده یازهدی:

«غزنی نینگ کبنتلریده بیر مزار باردورکه، صلوات ایتیلگچ، قبر حرکتگه کېله دی، دېب ایتدیلر. باریب کۆردیک. قبر نینگ تېره نگی سېزیلدی. سؤنگره معلوم بۆلدى که، بو حال قبر خدمتچیلری نینگ حیللری اېکن. قبر نینگ اوستیگه ارقان تارتیب، اوستیگه دېوارسیمان قیلیب متاع تشلب قۆیلگن. هر زمان ارقان قیمرلئیسله، متاع تېره نگی اوجون آستیده گی قبر قیمرله گندېک توپوله دی. بو خودی کېمه گه کیرمه گن کیشی کېمه گه اؤتیرسه ساحل تېره نگندېک بۆلیب توپولیشیگه اؤخشه دیدی. خدمتچیلرنی قېردن ییراق توریشگه بویوردیم. بیر نېچه مراتب صلوات ایتگنلریده هم قېرده بیرار حرکت سېزیمله دی. بویوردیم که، ارقان و متاعنی آلیب تشلب، قبر نینگ اوستیگه گنبد قیلدیلر. قبر خدمتچیلری نینگ اۆلگی ایشلری

1 . https://www.bbc.com/uzbek/lotin/2015/08/150806_latin_babur

تهدید بيله منع ايتيلدى»^۱.

بابر - طبيعت عاشقى، باغ - راغلر شيداسى

بابر بويوك باباسى صاحبقران امير تيمور قىلگن اولوغ ايشلرنى كۆرگن، اولر حقيده اېشىتگن، اۇقىگن هم. بابر يم - يشيل سۇليم باغلر يره تيش، نهرلر، اريقلر و كاريزلر قۇدريپ، سوغاريش تيزيمى اساسيده زراعتنى رواجلنتيريش، ميوه - چيوه، غله - دان محصولاتىنى آشيريش، شهرلر بنياد قىليش، طبيعتنى تازه سقلش كىي يوكسك انسانى خصلتلر گه آراسته اېدى. بابر شاه كابل و هندوستانده تارىخى باغلر يره تىدى، كۆپلپ آبادنچىلىك ايشلرنى عملگه آشيردى.

كابل و آدينه پور (ننگرهار) ده ينگى باغلر آباد قىلدى. آدينه پورده گى "باغ وفا" نى يره تيشده اۈزى باش - قاش بۇلگن. كابله اۈندن آرتىق كته - كيچىك باغلر قورديرگن، افسوس كه، اولردن ايرىملرى گينه سقلب قالينگن. شهر آرا باغى، چارباغ، باغ خلوتخانه، اۈرته باغ، صورت باغ، باغ مهتاب، باغ آهوخانه كىي باغلرنى اېسلش ممكن. كابل شماليده عمكىسى اولوغ بېكدن قالگن باغ (باغ كلان) نى قيته تىكلب، ينه آباد اېتهدى. هندوستانده هم كته باغلر برپا قىلگىنى يازيب قالديرگن. او پانى پتده شير شاه سوري اوستيگه غلبه قىلگىدن سۇنگ اوشبو محلده اولكن باغ تشكيل اېتگىنى اېتهدى. شونىنگدېگ آگره نىنگ ايسيق و ياوايى طبيعتى، چۇل، چنگ توزانىنى يانتقزىش اوچون باغلر يره تگن. بابر ميرزا هندوستان نىنگ گواليار ولايتيگه جۇنب كېته ياتگىنده يۇلده تۇختب، كپه تېكتيرىپ دم آلەدى. او پىرنىنگ گۈزهل طبيعتىدن تائىرلنپ شو جايدة چارباغ آباد قىليپ، كته حوض قورىشگه حكم بېرهدى.

بابر شاه طبيعت گۈزلىكلىرىنى كۆپ ياقىتىرگن انسان. او بارگن جايلىرى جغرافيه سى - تاغلرى، دريالرى، آب - هواسى، درختلىرى، اۈسىملىكلرى، حيوانلىرى، قوشلىرى، گللىرى

۱. بابر، بابرنامه، تاشكېنت، اۋقيتوۋچى، ۲۰۱۸، ۲۱۱ - بېت.

حقىقەدە مەلۇمات بېرەدى. طەبىئەتنى سېۋىگن بابىر كابل شىمالىدە بەھاردە ۳۳ تۇر لالەنى سىتگىنىنى
اېسلەيدى. شۇنىڭدېك ھىندۇستانگە خاس ايرىم درختلار، مېۋەلەر ۋە گللىر خىسۇسىيەدە ھەم
سۆز يۈرۈپتەدى.

بابىر ۋە "بابىرنامە" دۇنيا بابىر شىناسلىرى نىگاھىدە

ظەھىرالدىن مۇھەممەد بابىر شاھ نىنگ سىر قېرە شىخسىتى، حىياتى ۋە مەنپقە تارىخىدە تۇتۇگن اۋرنى ۋە
رولى ھەمدە اۋنىنگ بې بەھا مەنۋى مىراثى دۇنيا بۇيىل تىقلى تارىخىلار، ادبىياتلىشاسلار تامانىدن
اۋرگىنىلماقدە. بابىر نىنگ اترلىرى اينىقسە اۋنىنگ قىمتلى "بابىرنامە" سى دۇنيانىنگ مەتبىر تىللىرىدە
نشر اېتىلگن.

بۇكۇنگە قەدر شەرق ۋە غەرب بابىر شىناسلىرى بابىرنى دۇنيا خەلقلەرگە تىشىتتە مەھم خەسە قۇشىب
كېلىماقەلەر. اولر بابىر نىنگ بىشرىت تارىخىدە انسانلار نىنگ سىياسى، اقئىسادى، اجئماعى ۋە
مەنى حىياتى رۈاجلىنىشگە كۆرسىتگن خەمەتلىرىنى اعتراف اېتىگنلەر. بۇ يېردە ايرىم بابىر شىناسلار ۋە
تارىخ شىناسلىرىنىڭ بابىر حەقىدە بىلىدىرگن ايتىگن سۆزلەردىن نەمۇنلەر كېلىتەرەمىز.

«بابىر دېلېر شەخس. اۋىغانىش دەۋرى حەكمەدارى نىنگ حەقىقىى نەمۇنەسى دىر. اۋ مەرد ۋە
تەدبىركار آدم بۇلگن.

بابىر اۋتە مەدنىتلى ۋە جاذبەلى انسانلار آرەسىدە اېنىگ يېتۈك انسانلاردىن بىرى اېدى. اۋ
مەذەب پىرسىتلىك كىبى چېكىلىنىشەن ۋە مەئەسەبلىكەن يىراق اېدى. بابىر صنەت(ھنەر) ۋە اينىقسە
ادبىياتى سېۋر اېدى».

جۈاھر لعل نەھرو

«بابىر نىنگ خاطرەلرى بىر عەسكەر نىنگ حەربى يۈرش ۋە چېكىنىشلىرى حەقىدەگى عادى
كۈندەلىك دەفترى اېمىس؛ بۇ خاطرەلەردە شەرق ادبىياتى نىنگ جۈدە يەخشى بىلگن، نازەك ۋە
بىلىمدان كۈزەتۈۋچى، آدملىرنى سىنچىكەلەن اۋرگەندىگن، اولر حەقىدە خەلەس ۋە عادل فەكر
يۈرۈپتە آلەدىگن مەتأثر قەلب اېگەسى نىنگ دۇنيا حەقىدەگى شەخسى مەتأثراتلىرى ۋە نازەك فەكرلىرى
بېرىلگن.

اونىڭ ئۆز قىياپەسىنى چىزىش دەگى صىمىمى ليگى، فضىلىت و نقصانلىرىنى ھەم مردانە تىۋىرلىشى، آچىق كۈنگىلى ليگى، حقانى ليگى و عىباب ھزلكشلىك تويغۇلىرى بوگۇزل خاۋەرلىرىنىڭ قەدرى و اھمىيىتىنى يەندە آشىرەدى».

انگلىس بابرىشناسى - لېين پوول

«ھەرقەندە سىناۋگە بىرداش بېرە آلوۋچى، ارادە و مىتاتتى مىجىملىشتىرگىن بو ذات (بابر مىرزا) ئۆزىدە ھەربى ھىلە و جىسارتى او يىغونلىشتىرە آلىر، ضرور بۇلگەندە جىزالىشكە ھەم، عفو اېتىشكە ھەم قادىر اېدى؛ او استىعدادلى ھەربى ارباب و ايش نىڭ كۈزىنى بىلەدىگىن، قۇشنىلارنى ماھىرلىك بىلەن باشقۇرە آلدەدىگىن، اولارنىڭ ايشانچىنى قازانە آلگىن سىر كەردە اېدى...»
فرانسەلىك بابرىشناس - پاۋې دې كورتىيل

«بابر فەل - اطۋارىگە كۆرە سىزىرگە قەرىندە سېۋىشكە ارزىگۈلىكىدۇر. اونىڭ مىنگەلى بى گە يۈكسىك فضىلىتلى انسان دەپ بىتىپ قۇيىلگىن».

انگلىس تارىخچىسى - ادۋارد ھۇلدېن

«سەخاۋىتى و مىردلىگى، استىعدادى، ەلم - فن، مىنەتگە مىحبەتى و اولر بىلەن مۇفقىتلى شىغلىنىشى جەھەتتىن آسىيادەگى پادىشاھلر آرەسىدە بابىرگە تېنىگ كېلەدىگىن بىرارتە پادىشاھ تاپىلمەيدۇ».

ۋىلىيام اېرسكىن

بابىرشاھ نىڭ فەكرىچە، فاتەھلىك و ھەكمدارلىك ايشىدە يۈز مىنگ اصول قۇلىسە ھەم ھق و ضرور ھسابلەندى. بىراق باسىب آلىنگىن يېرلارنى اىنىقسە، بو اۋلەكلەرنى ئۆز سىلطنى تەركىبىگە كىرەتەش رېجەلەنتىرىلگىن بۇلسە - دە، او غالىب عىسكىرلر مىغلوبلر مىلكىنى تالان - تاراج

قىلىشكە مطلقا يۇل قۇيمىسدى».

اميريكەلىك تدقيقاچى - بېرك

«بابركە قدر بيرانته مسلمان تارىخچىسى يا كه جيوجرافى (البىرونى مستثنى) هندوستانى بور قدر جانلى و تۇغرى تصويرلەكن اېمس».

هندوستانلىك عالم - پروفيسور موهابول حسن

"مېن بار حقيقتنى يازدىم"

بابر

بابرنامه - تېنگى يۇق معنوى ميراث

ظهيرالدين محمد بابر كۆپ قىرەلى بويوك شخصيت. بابرنى يېتوك و تاثيرچن تارىخى سيما صفتيده تىليشيكە فقط گينه اونينگ ماھر سركرده ليگى، دولت اربابى، عدالتلى پادشاه بۇلگنى اېمس؛ بلكه، بشرىتكە تارتىق قىلگن اونينگ بى بها معنوى ميراثى و تارىخ الديدەگى اقرار، اعترافى و تۇغرى سۆزليگيدىر. اېنيقسە، بابر ميرزا نينگ شاه اثرى "بابرنامه" اونينگ كىملىگى، قندەى سيما اېكىنىنى دنيا خلقلرىگە تىتىشده مھم رول اۋىنب كېلەدى.

"بابرنامه" ظهيرالدين محمد بابر قلميده يازىلگن غايت مھم تارىخى كىتاب. بو اثرده بابر اتهسى نينگ تختىگە اۋتىرگىنىدن تارتىپ حياتى نينگ سۈنگى يىللرىگچە (۱۵۲۹-۱۴۹۴) بۇلگن واقعه - حادثە لرنى يازىپ قالدىرگن. ماوراءالنهر (توران زمين)، خراسان، ايران، توركيه، افغانستان و هندوستانده باشدن كېچىرگنلرى؛ شو اۋلكەلرده يوز بېرگن تارىخى واقعه - حادثەلر بارەسىدە معلومات بېرەدى. باشقە بىر عبارە بىلن ايتگندە "بابرنامه" بابرنينگ كۈندەلىك خاطرەلرىنى اۋز ايچىگە الگن قيمتلى اثر دىر. بابر اۋز رباعىلرىدن بىرىدە بوتون حياتى دواميدە كۈرگن، كېچىرگنلرىنى ايسىدن - ايگىنە سىگچە يازەدى. قويدەگى رباعى بابرشاه نينگ «بابرنامه» دە قلمگە آلىنگن ايشلرى و آغير كېچىمىشيكە بىر اشارت:

بو عالم ارا عجب الملى كۆردوم،
عالم اېلىدىن طرفە ستملىر كۆردوم.
هر كىم بو "وقايى"نى اؤقور، بىلگى كىم:
نې رنج و نې محنت و نې غملىر كۆردوم.

او، "بابرنامە"دە اؤز زمانى نىنگ يوزلب مەم سىياسى، حربى، ادبى، دىنى شىخىلىرى
حىياتى، فىل - اطوارى، يورىش - تورىشى، كىيىنىشى، يىپ - ايچىشى، اۋى - فىكرلىرى حقىدە
سۆز يورىتەدى. "بابرنامە" يازىلمەگندە اېدى، بىز بوگون ۱۵ - عصر آخىرلىرى و ۱۶ - عصر نىنگ
بىرىنچى چارك عصرىدەن آشەراق دور ايچىدەگى ماوراءالنهر، خراسان، افغانستان و هندوستان
وضعىتى خصوصىدە كۆپ نرسە بىلمەگن بۆلردىك. شونىنگدىك، تورلى - طايىفە آدملىرى،
صنعت اھلى و تورلى كسب - هنر نمايندەلىرى بارەسىدە ھەم بونچەلىك كېنگ معلوماتلارگە
اېگە بۆلمىس اېدىك. مثال اوچون سلطان حسين مىرزا بايقرا و امىر علىشېر نوايى و باشقە
تىمورى شەزادەلەر حقىدەگى معلوماتلارنى "بابرنامە"دن تشقىرى باشقە منبعلەردە اوچرەتمەيمىز.

بابر اؤز دورى نىنگ حربى - سىياسى، اجتماعى و اقتصادى وضعىتىنى ھەم كېنگ بىر
شكىلدە يارىتەدى. بۆلىپ اۋتگن جنگلەر، غلبەلىرى و شكستلىرى تۇغرىسىدە اطرافلىچە
معلومات بېرر اېكن، شونچە كە حادثەلارنى سادە بيان اېتىپ گىنە قالمەي، تارىخى واقىلەرگە
ھەر تامانلەمە چىزگى بېرەدى. دولتلەر و سلطنتلەر يېمىرىلىشى، شكستلەر و غلبەلەر عامللارنى - دە،
بيان اېتەدى. شونىنگدېك جنگلەردە ايشلتگن قورال - اسلحەلىرى، حربى تكتىكلرى اوستىدە
ھەم بە تفصىل تۇختلەدى.

"بابرنامە" فقط تارىخى واقىلەر - حادثەلەر عكس اېتىدىرىلگن منبع اېمىس، بلكە بابىر
دورىدەگى حىيات نىنگ تورلى ساحەلەرگە عايد معلوماتلارنىنگ دايرةالمعارفى ھەم دېر. اوندە
ادبىياتشناسلىك، تىشناسلىك، صنعتشناسلىك، اھالى شناسلىك، شەرشناسلىك،
اۋسىملىكلەر، حيوانلەر، جغرافىيە و باشقە ساحەلەرگە تېگىشلى مەم و قىزىقلىرى بىلگىلەر
يىغىلگن.

"بابرنامە" دە كىمىدە اېللىك كىشى شاعرلر آئىنى كېلتىرىپ، اولر نىنگ ايجادىگە بها بېرگن بابر، ايرىم واقعه و حادثه لر بيانىنى بايىتىش اوچون باشقه بىر قطار كۆزگە كۆرىنگن شاعرلر ايجادىدن فايده لىپ، نمونه لر كېلتىره دى. باردى شعرى الگولر/نمونه لر مشهور شاعرلر نىكى بۆلسه، اولر نى اېسلب اۆتير مه يدى، بعضى بىر حاللرده بىتلردن اقتباس قىلىنگن كتابلر نامى مثلاً، سعدى نىنگ «گلستان» اثرىنى تىلگە آله دى.

بو اثرده، صنعتكارلر - خواننده، سازنده، رقص و نقاشلر حقيده هم معلوماتلر اوچره يدى. بابر هنر و صنعتگه مهر قۇيگن پادشاه اوله راق مشهور تارىخى اثرىده ايرىم قۇشيقچى حافظلر و باشقه هنرمندلر صنعتى باره سیده هم سۆز يوريتىپ، اولر نىنگ صنعتىگه بها بېره دى. مثال اوچون بابر روحدم آتلى خوش آواز خواننده گه بغىشلب منه بو رباعىنى يازگن:

گر روحدم اېتسه اېدى آهنگ نغم،
مجلسده نې حُزن قالور اېردى نې غم.
تا بارغلى روحدم، بيزىنگ مجلسدين،
مجلس اېلىگه نې روح قالدى و نې دم.

بىرگىنه شو رباعى نىنگ اۆزى بابر ميرزا نه قدر اقتدارلى شاعر اېكىنى بىلدىرىپ تورىتى. او، سۆزلرنى شيره لىتىپ، معناگه باتدىره دى. روحدم سۆزىدن قنده ي معنا لرنى كېلتىرىپ چىقره دى. بو قلمگه باش اېگمى علاجىمىز يۇق!

بابر اۆز انه يورتى ماوراءالنهر شونىنگدېك، افغانستان و هندوستان حدودلرى نىنگ تاغلرى، دريالرى، يېرلرى، زراعتى، باغلرى، درختلرى، اؤرمانلرى، اېكىنزارلرى، گل - چېچك و گياهلرى توغرىسىده هم يازه دى. او "بابرنامە" ده ماوراءالنهرگه قره شلى اخسى منطقه سى قاوونىنى مخته يدى. كابل شمالىده گى استالف طبعىتى و خوش آب و هوا سى حقيده سۆزله يدى. هندوستان نىنگ انبه ناملى ميوه سىنى وصف اېته دى. و شونىنگدېك

مذکور یورتلر نینگ یاوایی و اهلی حیوانلری باره سیده هم اؤز کورگن بیلگنلرینی قید اېته دی. بابر اؤز اثریده آتھسی عمر شیخ میرزا و سلطان حسین میرزا بایقارلرینینگ حیاتی، خاندانی، امیرلری، حکم سورگن حدودلری، اوروشلری همده اولر دوریده گکی اجتماعی- مدنی حیاتی اوستیده تۇخته لیب، اؤز فرزندلری اینقسه ولیعهدی و تونغیچ اۇغلی محمد همایونگه کورستگن آتھلیک مهری و کویونیشلری باره سیده هم یازهدی.

بیر معناده "بابرنامه" ۱۶ عصر باشلریده اېسکی اؤزبېک تیلیده یره تیلگن اولکن تآریخی رومان دیر؛ بو اثرده تورلی حیاتی واقعه لر ادبی- بدیعی تیلده اؤته مهارت بیلن تصویرلنهدی. بابر اوشبو رومانده اکثر حادثه لر مرکزیده تورگن باش قهرمان بۇلیب کوزگه تشلنهدی.

حاضرگی کونده "بابرنامه" نه فقط تآریخچیلر بلکه علم نینگ باشقه ساحه لر ی بۇیچه تدقیقات ایشلری بیلن شغللنهدیگن عالمر و متخصصلر اوچون هم کبره کلی منبع حسابلنهدی. در حقیقت "بابرنامه" تورلی ساحه لر بۇیچه کېنگ قمراولی معلوماتلرنی جمعه لگنی باعث دنیا عالمری دقتینی اؤزینگه جلب اېتگن.

بابر اؤز اثرینی "وقایع نامه" دې نامله گن بۇلسه-ده، باشقه منبعلرده بو اثر "وقایع بابری"، "توزوک بابری"، "تواریخ بابری" و "بابریه" دې هم اتلگن. بیراق کېنچه لیک کېنگ کتبخوانلر تامانیدن "بابرنامه" دې یوریتله باشله گن.

حاضرگچه ایریم مملکتلر ارشیفلریده سقلنهدیگن "بابرنامه" نینگ قۇلیازمه نسخه لریده ۱۵۳۰-۱۵۲۹، ۱۵۲۴-۱۵۲۱، ۱۵۱۸-۱۵۰۹ ییللری واقعه لرینگه عاید معلوماتلر قید اېتیلگن، نېگه ایریم سنه لر واقعه لر اؤرته سیده اوزیلیش بار. مثلن، ۱۵۲۸ ییلی ۲- اپریلدن ۱۸- سېتامبرینگچه بۇلگن بېش یریم ییللیک اوزیلیش قلمگه آلنمه گن. بو دور واقعه لر ی یازیلگن ورقلر ایکی حادثه بیلن باغلیق بۇلیشی احتمالدن خالی اېمس: بیرنچیسى، ۱۵۲۹ ییلی ۲۴- می کونی کوچلی یامغیر و بۇران آرتیدن جاری بۇلگن سوو تاشقینی بۇلسه؛ ایکنینچىسى، همایون میرزا نینگ قاجیب یورگن کپزلریده (هجرى ۹۳۷-۹۳۶) اونینگ کتابخانه سیده یوز بېرگن یانغین واقعه سی. مذکور اوزیلیشلر نتیجه سیده بیتیکلر اؤرتهدن

كېتنگن بۇلىشى باره سیده تخمینلر موجود. اوشبو اوزیلیلش یوز بېریشیگه قره می "بابرنامه" «اوی نینگ توزیلیشى و غایوی یؤنه لیشی نقطه نظریدن بیر بوتون اثرلیگچه سقلینب قالگن»^۱.

"بابرنامه" ده تخمینا اۋن ییل (۱۵۱۸-۱۵۰۹) ایچیده یوز بېرگن اۋزیلیش دوری واقعه لری بیانی باشقه بیر قطار منبعلر جمله دن "همایون نامه"، "حبیب السیر"، "تاریخ رشیدی"، "سلوک الملوك" گه یازیلگن سۆز باشی، "لئب التواریخ"، "تاریخ عالم آرای"، "تاریخ بدایونی"، "تاریخ سنده" و باشقه منبعلر ده قید اېتیلگن.

"بابرنامه" ده كوزه تیلگن باشقه بیر اوزیلیش ۱۵۲۰ ییلی ۲۴ جنوریدن تا ۱۵۲۵ ییل نینگ نوامبر آییگچه بۇلگن بیر دورنی اۋز ایچیگه آله دی. بابر نینگ انه شو ییللر ایچیده اۋته بند بۇلگنی سبب اوشبو دور واقعه - حادثه لریگه عاید خاطره لرنی هرکون یازالمه گنی تخمین قیلینه دی. بابر شاه نینگ بلخ و بدخشانگه بیر بار سفر قیلیشى، قندهار و هندوستانگه اوچ مرته دن عملگه آشیرگن یورشلری اېسلنگن سنه لر آره سیده گی مدت ایچیده یوز بېرگن. دېمک هندوستانگه قیلگن اکیچنچی هجومی نینگ آخیریدن آلیب بېشینچی یا سۇنگی هجومی دوریگه تېگیشلی حادثه لر باره سیده گی معلوماتلر "بابرنامه" ییلنامه سی سلسله سیدن توشیب قالگن.^۲

اما، سۇنگی تدقیقاتلر "بابرنامه" بابر حیاتی نینگ سۇنگی ییللری انیقراغی ۱۵۲۸ ییلیگچه بابر نینگ تورلی واقعه - حادثه لر بۇیچه یازیب قۇیگن خاطره لری و یازیلمه ی قالگنلری اونینگ ذهن و ذکاوتی یاردمیده یازیلیب، کرونولوژیک اصول اساسیده ترتیب قیلینیب، کتاب حالیکه کپلتیریلگچ سمرقند گه جۇنه تیلگن. "بابرنامه" ده کپلتیریلگن دلیل لر همده بابر اولادلری یازگن اثرلر ده "بابرنامه" ده واقعه لر رواجی ییلمه - ییل ترتیبی بیلن یازیلگنی قید اېتیلگن.

۱. بابر انسکلوپدیه سی، تاشکېنت، "شرق نشریاتی" مطبعه - اکسیه دارلیک کمپنیه سی، ۲۰۱۴، ۱۵۵ - بېت.

۲. ابراهیم اوف، انصارالدین، بابرلر میراثی، تاشکېنت، "محنت"، ۱۹۹۳، ۳۳-۳۲-۲۷ بېت.

«... "وقایع" ۱۵۲۸ ییل اکتبر - ۱۵۲۸ ییل دسمبر آیلىرى، يعنى ايکى - ايکى يريم آى ايچيده ترتيب بېرىلگن. بابر اونى ۱۵۲۹ يیل نینگ ۴ - مارچيده اوشه يیل نینگ جنورى آيگچه واقعهلرى بیلن تۇلدیریب، اۇرته آسیا انيقراغى سمرقند شهریگه یوبارگن... اثر تۇلیق بۇلگن. اونینگ برچه ییللری کتابده بیرین - کبتین مکمل ترتیب تاپگن.»^۱

بابر میرزا نینگ چهورهسى جلال الدین اکبر نینگ اۇغلى جهانگیر اۇزى نینگ "جهانگیرنامه" اثریده بابر میرزا قلمى بیلن یازیلگن "بابرنامه" نینگ تۇلیق متنى قۇلیده اېکنى بارهسیده منه بولرنى یازهدى:

«کابل تعریفی بارهسیده حضرت فردوس مکان بابر پادشاه نینگ "واقعات" کتابی کؤزدن کپچیریلدی. بو قۇلیازمه نسخه بوتونلیگیچه الرنینگ مبارک خطى بیلن بیتیلگن اېدى. فقط اونینگ کابل تعریفیدهگی تورت جزوینى قۇشیمچه روشده اۇز خطیم بیلن بیتیب، مذکور جزولر آخیریگه هم بو تورت جزوینینگ مېنینگ خطیم بیلن یازیلگنینی کؤرستیب توریشی اوچون تورکیچه تیلده عبارهلر یازیب قۇیدیم. چونکه هندوستانده توغیلیب - اولغهیگنیمگه قره مسدن تورکیچه سؤزلشیش و یازیشدن قوروق قالگن اېمس من.»^۲

نېگه "بابرنامه" مکمل لیگیچه بیتیب کېلمهگن؟ دېگن سؤراققه هلیگچه انیق و درست جواب بېریلمهگن. بویوک متفکر، یتوک شاه و شاعر بابر میرزا نینگ اوشبو دۇرانه اثری اۇزبېکلر و تورکی خلقلرنینگ مشترک ادبی میراثی اۆله راق تورک تیلی (اېسکی اۇزبېک تیلی "ده یره تیلگن تېنگی یوق ادبی - بدیعی خزینه دیر. "بابرنامه" تورکی عالم نینگ باى علمى - ادبی میراثی بۇلیب گینه قالمى، بلکه دنیا ادبیاتى تاریخیدن مناسب اۇرین اېگللهگن نایاب منبع سنهلهدى.

۱. بېکجان، اسماعیل، "بابرنامه" ترتیب بېریلگن سنه حقیده ايکى مقاله.

<https://kh-davron.uz/kutubxona/uzbek/ismoil-bekjon-boburnoma-tartib-berilgan-sana.html>

۲. بېکجان، اسماعیل، "بابرنامه" ترتیب بېریلگن سنه حقیده ايکى مقاله.

<https://kh-davron.uz/kutubxona/uzbek/ismoil-bekjon-boburnoma-tartib-berilgan-sana.html>

بابرنامه ترجمه لری

"بابرنامه" بوکونگه قدر دنیا نینگ کؤپل نفوذلی تیللریگه ترجمه قیلینیپ، نشر ایتیلگن. و اوشبو ترجمه لر آرقلی بو معتبر اثر دنیا خلقيگه تیشتیریلگن، بیر قطار تیقلی عالم لر و تدقیقاتچیلر "بابرنامه" متنی بیلن تیشیب اونینگ اهمیتینى اعتراف ایتگنلر. برنامه حاضرگچه دنیانینگ ۲۰دن آشهرق مهم تیللریگه اؤگیریلگن.

"بابرنامه" ایلکبار فارس تیلیگه بابرینینگ عملدارلریدن خواجه زین تامانیدن ترجمه قیلینگن. اوشبو ترجمه "بابرنامه" نینگ هجری ۹۳۲-۹۳۳ (میلادی ۲۷-۲۶-۱۵۲۵) ییللری واقعه- حادثه لری یازیلگن قسمیدن عبارت.

"بابرنامه" نینگ فارس تیلیده گی ایگینچی ترجمه سی میرزا پائنده حسن غزنوی و محمد قولی حصارى تامانیدن عملگه آشیریلهدی؛ بابرینینگ چپوره سی جهانگیر نینگ بیکتکه (تربیه چی) سی "بابرنامه" نینگ جهانگیر قؤلیده گی اصل نسخه سینی مطالعه قیلیب قتیق تاثیرلنکچ، میرزا پائنده دن اونى فارس تیلیگه اؤگیریشینی سؤره دیدی. میرزا پائنده محمد "بابرنامه" نینگ آلتی ییل واقعه لرینی ترجمه قیلیب وفات اېته دی. قالگن قسمی ترجمه سینی محمد قولی حصارى ۱۵۸۶ ییلی اؤز نهاییه سیگه بیتکزه دی.

"بابرنامه" نینگ فارس تیلیگه قیلینگن اوچینچی ترجمه سی بابریر سلطنتی سرکرده لریدن عبدالرحیم خان خانان قلمیگه منسوب. او "بابرنامه" نینگ فارسچه ترجمه سینی بابرینینگ نیره سی جلال الدین محمد اکبر بویروغی اساسیده عملگه آشیره دی. کتاب نینگ اوشبو ترجمه سی ۱۵۸۹ ییلی توگه تیلگن. "بابرنامه" نینگ آلدینگی ترجمه لریگه کؤنیکمه گن اکبر "اکبرنامه" تاریخینی یازیشده معتبر منبع بؤلیشی اوچون "بابرنامه" نینگ ینگى ترجمه سی عملگه آشیشینی ایسته گن. خان خانان نینگ اوشبو ترجمه سی اوزاق ییل "بابرنامه" نینگ فارس تیلیده گی معتبر منبع سی تیلگن.

"بابرنامه" نینگ بخاراده عملگه آشیریلگن فارسچه ترجمه سی هم بار. بو ترجمه ۱۸۵۷ ییلی قازان نشری اساسیده تاغی مراد قزلوق ختلانی طرفیدن عملگه آشیریلگن.

"بابرنامه" نینگ كابل واقعه لرى ۲۰۰۷ يىلى شفيقه يارقين تامانيدن فارس - درى تيليگه اؤگيريلگن.

شو اؤرينده "بابرنامه" شونينگدېك، حاضرگچه دنيا نينگ اپنگ نفوذلى تيللرى جمله دن انگليس، روس، هند، اردو، هالند، آلمان، فرانسه، تورك، قازاق، اويغور، ختاي، جاپان، اسپانيا و آذربايجان تيللريده ترجمه قيلينگىنى عليحده اي ۲۲ سلسل لازم.

اېسلىتمه: قۇلنيزده گى كتاب (بابرنامه نينگ تبديل نسخه سى) ايلكبار افغانستانده عرب الفباسيده نشر اېتيله دى. كتاب متنى امكان قدر كمچيليكلردن خالى بۇلىشى اوچون كمينه اثر متنىنى نشر اېتلىشىدن آلدن "بابرنامه" نينگ اؤزبېكستانده چاپ اېتيلگن آلدنكى و تبديل نسخه لرى بيلن ساليشتيرديم. بونگه قره مى كتاب كمچيليكلردن مبرا اېمس البته؛ باشقه بير تاماندىن بيز نينگ عرب يازوويده اؤزبېك املاسى بيلن دوچ كېلىب تورگن مشكللر يميز هلى اؤز بېچيمنى تاپمه گن. بو قينچىلىك اساساً عرب يازووى نينگ اؤزبېك تىلى طلبلىرىگه جواب بېره آلىش قابىلىتى و امكانلىرىگه اېگه اېمسليگىدن كېلىب چىققن مسأله، انه شوو باعث كتاب متنيده گى سوزلر نينگ يازىلىش شكللى و املاسيده نقصانلر كوزه تىلىشى طبعى. افسوس كه بيز هلى افغانستان اوشبو مشكلنى امكان بارىچه حل اېتىشگه اولگورمه گنمىز.

شاه و شاعر ظهيرالدين محمد بابر حياتى و اونينگ قيسقه عمرى دواميده عملگه آشبرگن خارق العاده و حيرتلىرى حربى - سياسى فعاليتلىرى بيلن يقيندىن تىنىشش، اونينگ دردانه اثرلىرى اينىقسه "بابرنامه" كتابىنى مطالعه قىلمسدىن مىسربۇلمه يدى. "بابرنامه" نى اؤقىگن كىشى بابر نى يخشى تىب آلەدى و بابرلر امپراتورلىگىنى برپا اېتىش يۇليده چېككن مشقتلىرى بيلن آشنا بۇله دى. و هر بير سوادلى كىشى گه "بابرنامه" نى كميده بير بار اؤقىشىنى توصيه اېته مىز.

عزيز كتابخوان! بابرنامه نينگ قۇلنيزده گى نسخه سيده توزه تىلىشى كېرەك بۇلگن هر

قندهی مشكل و كمچیلیكنی سبزیب قالگنینیزده مرحمت قیلیب بیز بیلن شریك
قیلیشینگیزنی كوته میز.

كمال احترام ایله
محمد عالم كوهكن

ماوراء النهر بۆلىمى

سكيز يوز تۇقسان تۇقىزىنچى (۱۴۹۴) يىل واقعه لرى

تنگرى تعالى نىنگ عنايتى و كاينات سرورى بۇلگن حضرت رسول اكرم صلى الله عليه وسلم نىنگ شفاعتى، پاك كۈنگىل چهار يارلر نىنگ ھىمتى بىلن سە شنبە كۈنى، رمضان آيى نىنگ بېشىنچىسىدە، سكيز يوز تۇقسان تۇقىزىنچى يىلى فرغانە ولايتىگە اۋن ايگى ياشدە پادشاه بۇلدىم.

فرغانە ولايتى بېشىنچى اقليمدە دىر. شرقى كاشغر، غربى سمرقند، جنوبى بدخشان نىنگ چېگرەسى — تاغلر، شىمالىدە آلمالىق، آلماتو و يىنگى سىنگرى شەرلر بۇلگن اپكن، اۋنى كىتابلردە اۋترار دېب يازەدىلر، مۇغول و اۋزىكلر يورىشلىرى طفىلى حاضركى پىتدە بوزىلىپ كېتكىن، اصلا آبادانلىك نشانەسى قالمەگن.

كىچىك ولايت دىر، غلە و مېۋەسى فراۋان. تېۋرەك-اطرافى تاغلر بىلن اۋرەلگن. غربى طرفىدە، يعنى سمرقند و خۇجند تامانىدە تاغ يۇق. اوشبو ياقدن باشقە ھېچ بىر تاماندن قىشدە دشمن كېلە آلمىس. سىحون درياسى خۇجند سوۋى نامىدە مشهور، او شرق و شىمال طرفدن كېلىپ، ولايت نىنگ ايچى بىلن اۋتىپ، غرب سىرى آقەدى؛ خۇجند نىنگ شىمالى و فناكت نىنگ (حاضر شاھر خىيە صفتىدە مشهور) جنوبى طرفىدن اۋتىپ، يەنە شىمالگە بورىلىپ، توركستان سىرى بارەدى. توركستان دن انچە قويىراقدە بو دريا بوتونلى قومگە سىنگىپ كېتەدى، بىرانتە درياگە قۇشىلمەيدى.

يېتى قىصبەسى (شەرچەسى) بار: بېشى سىحون (سردريا) سوۋى نىنگ جنوب طرفىدە،

ايكٲتەسى شىمال تامانىدە. جنوبي طرفىدەگى شەرلردن بىرى اندىجان، اۋرتەدە جايلىشكن، فرغانە ولايتى نىنگ پايتختى دىر. غلەسى مۇل، مېۋەسى كۇپ، قاۋون و اوزومى يخشى بۇلەدى. قاۋون پىشىغىدە پاليز باشىدە قاۋون ساتماق رسم اېمس. اندىجان نىنگ ناشۋاتى سىدن يخشىراق ناشۋاتى (ناك) بۇلمس.

ماوراءالنهر دە سمرقند و كېش (شەرسىز) قۇرغانىدن كېبن بوندن كتەراق قۇرغان يۇق. اوچ درۋازەسى بار. اركى (پادشاه سرايى) جنوب طرفىدە جايلىشكن. شەرگە تۇقۇز ترناۋسوۋ كىرەدى. عجب كە، بىرار يېردن تشقريگە چىقمەيدى.

قلەنىنگ تېۋرەك — اطرافى — خندق. اونىنگ تشقىسى — تاش تۇكىلگن كتە كۇچە دىر. قلەنىنگ اطراف-ايلنەسى تاماماً محلهلر بىلن قورشلگن. بومحلهلر بىلن قلە آرەلىغى خندق ياقەسىدەگى كتە كۇچە دىر.

آۋ قوشلرى ھم كۇپ بۇلەدى. قىرغاۋولى بېحد سېمىز بۇلەدى. شۈندەى رۋايت قىلەدىلر كە، بىر قىرغاۋول گۇشتىنى تۇرت كىشى يېب تۈگەتالمەكن.

اېلى تورك دىر (اۋزېك دىر). شەر اھالىسى و بازارگە كېلوۋچىلردن توركىنى بىلمەيدىگن كىشى يۇق. اېلى نىنگ تىلى ادبى تىلگە موافق. شۈنىنگ اوچون ھم مىرعلىشر نوايى نىنگ اثرلرى، گرچند ھرى (ھرات)دە شەرت قازانگن بۇلسەدە، بو تىل بىلن يازىلگن.

اېلى نىنگ آرەسىدە صنعتكارلرى كۇپ. موسىقى دە مشھور خواجە يوسف اندىجانلىك دىر. ھۋاسى نىنگ رطوبتى بار. كوز پىتلىرى خلق كۇپ بېزگككە چلىنەدى.

ينە بىرى اۋش شەرچەسى دىر. اندىجان نىنگ شىرققە مايىلاق شىرقى جنوبي طرفىدە. اندىجانندن تۇرت يىغاچلىك^۱ يۇل دىر. ھۋاسى يخشى، آقر سوۋى مۇل. بەھارى جۋدە يخشى بۇلەدى.

اۋش نىنگ فضىلىتى حقىدە كۇپ آۋازلر بار. قۇرغانى نىنگ شىرقى جنوبيدە بىر كۇركم تاغ

۱- يىغاچ. مسافە اۋلچاۋ بىرلىگى — ۵۹۸۵ متر، بعضى جايلردە ۸-۹ كىلومتر گە تېنگ.

قد راستلەگن، براكۇە دېب ناملنەدى. بو تاغ نىنگ چۇقىسىدە سلطان محمودخان بىر حجره سالگن. او حجرەدن قويىراق دە، اوشبو تاغ نىنگ توشوغىدە تۇقۇز يوز ايگىنچى يىلى (۱۴۹۷) مېن بىر ايوانلى حجره سالدىردىم. گرچه او حجره يوكسكراقدە بۇلسە دە، بو حجره هم كۇپ يىخسى جايدە قد كۇترگن: بوتون شەر و محلەلر شوندى گىنە كۇرىنىپ تورەدى.

اندىجان سايبى اوش محلەلرى ايچىدن اۋتىپ، اندىجانگە كىرىپ بارەدى. بوساى نىنگ اىگلە تامانى هم باغلر بىلن آباد. باغلر شوندى گىنە ساىگە توتەشىپ كېتگن. بنفشەسى بېحد نفىس بۇلەدى. آقر سوولرى بار، بهارى جودە يىخسى بۇلەدى. كۇپ لالە و چېچكلر آچىلەدى. براكۇە تاغى نىنگ اېتىگىدە شەر بىلن تاغ آرسىدە بىر مسجد قد كۇترگن، مسجدى جوزا ناملى. تاغ طرفىدن بىر كئە اريق آقەدى. اوشبو مسجد نىنگ تشقرى صحنى نىشېراق، سېرگەلىك، سېرسايە، صفاليك ميدان دىر. هر مسافر و اۋتكىنچى اۋشە پىردە استراحت قىلەدى. اۋش بې باشلرى نىنگ قلىتىس ھزىللىر بۇكە: كىمكە او پىردە اوخلەسە، شو كئە اريقدن اونگە سوو ساچەدىلر.

عمر شىخ مىرزا سلطنتى نىنگ سۇنگى پىتلىرى اوشبو تاغدن قىزىل و آق تاولنەدىگن تاش تاپىلدى: پىچاق دستەسى، تىكەند و بعضى نرسەلر قىلەدىلر، انچە يىخسى تاش دىر. فرغانە ولايتىدە ھواسى تازەلىكەدە اۋش سىنگرى شەرىۋق.

ىنە بىرى مرغىنان دىر. اندىجان نىنگ غرىبىدە. اندىجاندىن پىتتى يىغاچلىك يۇلدە. يىخسى شەرچە، نعمتلىرگە باى: انارى و اۋرىگى جودە كۇپ و يىخسى. بىر نوع انارى بۇلەدى: يىكدانە دېدىلر، چوچوكلىگىدن بىر آز اۋرىك شىرىنلىگىچە طعمى بار. سىمنان انارلىرىدن يوقارى قۇيسە بۇلەدى. ىنە بىر نوع اۋرىك بۇلەدى كە، دنەگىنى آلىپ، ايچىگە مغز سالىپ قورىتەدىلر، بونى سېحانى دېدىلر، كۇپ لذىذ دىر.

آوقوشلرى يىخسى، آق كىيك شەرگە يقىن جايدە تاپىلەدى. اېلى سارت (تاجىك) دىر، مشى يوكوروک و سېر جنجل اېل. جنگرىلىك ماوراءالنھردە عادت دىر. سمرقند و بخارادەگى

مدتنی قیینچیلیکده اؤتکزیب، کابل گه تامان یؤلگه توشدیم.

ینه بیرری خۇجند دیر، اندیجانندن غرب تامانیگه ییگیرمه بېش ییغاچلیک یۆلدە. خۇجنددن سمرقندگه هم ییگیرمه بېش ییغاچلیک یۆل. قدیمی شهرلردن. شیخ مصلح‌الدین و خواجه کمال خۇجنددن دیرلر.

مېهوسى مۇل و جوده یخشی بۆله‌دی. اناری مشهور دیر. چونکه "سمرقند آلمه‌سی" و "خۇجند اناری" دېدیلر. بیراق بو تاریخی سنه‌ده مرغینان اناری ینه‌ده افضل دیر.

قۇرغانی بلند یېرده جایلیشکن. سیحون سووی شمال تامانیدن آقەدی. دریا قۇرغاندن بیر اۇق آتیمی مسافه‌ده دیر. قۇرغان بیلن دریانینگ شمال طرفیده بیر تاغ توشکن، مونوغیل ناملی.^۵ بو تاغده فېروزه کانی و باشقه معدنلی کانلر تاپیلەدی، دېییشه‌دی. بو تاغده ایلان کۆپ بۆله‌دی.

خۇجندنینگ حیوان و قوش اولنه‌دیگن جایلری جوده قولەی. آق کییک، بوغو-مرهل، قیرغاوول و یاوواپی قویان کۆپ بۆله‌دی. هواسی جوده رطوبتلی: کوز پیتلری بېزگک کۆپ ترقه‌له‌دی. شونده‌ی روایت قیلدیلرکه، حتا چومچوق هم بېزگککه چلینگن اپکن. هواسی نینگ ناخوشلیگی شمال‌ده‌گی تاغ طفیلی اېمیش.

بونگه تابع موضعلردن بیرى کندى بادام دیر. شهر دېب بۆلمه‌یدی، اما یخشی گینه شهرچه دیر. بادامی یخشی بۆله‌دی. بو جهتدن شو اسم بیلن ناملنگن. هورموز و هندوستان گه کۇپراق شو پېرنینگ بادامی بارە‌دی. خۇجنددن بېش-آلتی ییغاچ شرقی طرفده دیر. خۇجند و کندى بادام آره‌سیده هادروپش^۶ ناملی بیر دشت بار. بو دشتده همیشه شمال اېسه‌دی. بوندن شرق تامانده بۆلگن مرغینان گه هم شو پېرنینگ شمالی بارە‌دی. خۇجند بونینگ غربیده بۆلیب، مدام بو پېردن او پېرگه شمال اېسه‌دی؛ قتیق شماللری بار. دېرلرکه، بیر

۵. حاضر مۇغول تاغی دېییشه‌دی.

۶. کبینچه‌لیک بو دشت قراقچی قوم دېب اتلگن.

نېچە درويش بو دشتدە قىتئە شىمالىگە يۇلىقىپ، بىر-بىرلىرىنى تاپالمەي، "ھا، درويش!" ھا، درويش" دېيە - دېيە ھالاك بۇلگىنلار. اۋشندىن بېرى بو دشتنى ھادروپش دېيىلەر.

سىيھون سوۋى نىنگ شىمالى طرفىدە گى شىھىرلردىن بىرى آخسى دىر. كىتابلردە اخسىيكت دېب يازەدىلەر. چنانچە، اثىرالدىن شاعىرنى اثىرالدىن اخسىيكتى دېيىلەر. فرغانەدە اندىجاندىن كېيىن بوندىن بىرىكراق شىھىر يۇق.

آخسى اندىجاندىن غىرب سىرى تۇقىز يىغاچلىك يۇلدە. عىرشىخ مىرزا بونى پايىتخت قىلگىن اېدى. سىيھون درىياسى قۇرغانى نىنگ پىستىدىن آقەدى. قۇرغانى بلىند جىر اوستىدە جايلىشگىن. خىندىق اۋرىنىدە چوققور جىرلر بار. بونى پايىتخت قىلگىن عىرشىخ مىرزا بىر-ايگى مراتبە تشقىرىقاندىن يىنە جىرلر قۇدىردى. فرغانەدە بونچەلىك مستىھكىم قۇرغان يۇق. مىھلەلرى قۇرغاندىن بىر شىرى يىراقراقدە جايلىشگىن. "قىشلاق قەيىردە و، درختلر قەيىردە؟" مىقالىنى آقتىدىن آخسى اوچون ايتگىنلر.

قاۋونى يىخسى بۇلەدى. بىر نۇع قاۋونىنى "مىرتېمورى" دېيىلەر، بوندەى قاۋونىنىگ باشقە جايدە ھىم بارلىگى مىعلوم اېمس. بخارا قاۋونى مىشھور دىر. سىمرقندىن آلگىن پىتىمدە اخسى - دن، بخارادىن قاۋون كېلتىرىپ، بىر اۋىتىرىشە سۋىدىردىم. آخسى قاۋونى نىنگ ھېچ مىثلى يۇق اېدى.

آۋىلنەدىگىن قوشلىرى بېھدى يىخسى بۇلەدى. سىيھون درىياسى نىنگ آخسى طرفى دشتدىن عىبارت. آق كىيگى كۇپ بۇلەدى. اندىجان طرفى تۇقى؛ بوغومىرەل، قىرغاۋول و ياۋوايى قويان كۇپ. اكشىرى جودە سېمىز بۇلەدى.

يىنە بىرى كاسان. آخسى نىنگ شىمالىدە جايلىشگىن كىچىكراق شىھىرچە دىر. اندىجانگە سوۋ اۋشدىن كېلگىنىدېك، اخسىگە سوۋ كاساندىن كېلەدى. ھواسى يىخسى. صفالى باغ- باغچەلرى بار. بىراق صفالى باغچەلرى بوتونلى ساي ياقەسىدە بۇلگىنى اوچون اونى آلدى بىرە تېرىلى پۇستىنگە اۋخىشتەدىلر. خوش ھوالىكدە اۋش بىلن كاساننىگ اۋخىشلىگى بار.

فرغانه ولايتى نىنگ اطراف- تېوهرگىدەگى تاغلار دە يىخشى يىلاولر بار. تابولغو^۷ شو تاغلار دە بۇلەدى، باشقە ھېچ يېردە بۇلمەيدى. تابولغو شۇندە يىرتەسىمان درخت دىركە، پۇستى قىزىل، اوندن عصا، قمچى دستەسى، قوشلرگە قفس قىلەدىلر؛ يۇنىب كمان اۇقى يەسەيدلر، انچە يىخشى درخت دىر. تبرك بىلىب يىراق يورتلرگە آلىب بارەدىلر. بعضى كىتابلار دە "يىروح الصنم"^۸ شو تاغلار دە دىر، دېب يازگنلر. يىراق بو مدتگچە ھېچ كۆرمەدىك. يىر گىاھنى يېتى كېنت تاغلر دە بۇلەدى، دېيىشەدى، نامى "آيىق اۋتى" اېمىش؛ مېرگىاھ خاصىتىلى، ايتىدن اۋشە مېرگىاھ دىر، او اېل بو نام بىلن ايتەدى.

بو تاغلار دە فېروزە و تېمىر كانلرى بۇلەدى. فرغانه ولايتى نىنگ حاصللى بىلن، اگر عدالت قىلسەلر، اوچ- تۇرت مىنگ كىشىلىك لشكر سقلەسە بۇلەدى.

عمرشېخ مىرزا عالى ھەم و اولوغ آرزولى پادشاھ بۇلگنى اوچون ھەمىشە اوندە باشقە مەملىكتلرنى اېگىللىش اىستىگى بار اېدى؛ يىر نېچە مراتبە سمرقند اوستىگە لشكر تارتىدى؛ بعضى محل شكست تاپدى، بعضى محل اميدى عملگە آشمەى قىتدى. يىر نېچە مراتبە قىناتەسى يونس خاننى (چىنگىز خان نىنگ ايكىنچى اۋغلى چىغتاي خان نىلىدن. چىغتاي خان يور تىدە مۇغول خلقى نىنگ خانى او پىتلر دە اۋشە اېدى. او مېنىگ كتە آتەم بۇلەدى) التماس قىلىپ كېلتىردى. ھەر گل چارلەگندە ولايتلر بېرىدى. عمرشېخ مىرزا كۈنگىلدەگىدېك بۇلمەگنى اوچون گاھا عمرشېخ مىرزانىنگ يامان مناسبتىدن، گاھا مۇغول خلقى نىنگ مەخالفتىدن ولايت دە تورە آلمەى، يەنە مۇغولستانگە قىتىپ كېتە اېدى.

آخىرگى دفعە چقىرگن پىتىدە تاشكېنت ولايتى عمرشېخ مىرزا تىصرفىدە اېدى (كىتابلار دە شاش، بعضاً چاچ دېب يازەدىلر؛ "كمان چاچى" ("تاشكېنت كمانى") عبارەسى شو طفىلى -

۷-تابولغو- يولغون سىمان بىر اۋسىملىك نامى.

۸-يىروح الصنم- مېرگىاھ، ايلدىزى ايكى شاخەلى بىر-بىرىگە ياپىشگن عىال و اېركك آدمگە اۋشە يىدىگن اۋسىملىك. اونىنگ يىراقلىرى انجىر يىراغىدېك و ميوەسى قىزىلرنگ زىتون دېك، گللىرى آق و كېچە تاماندن ھرخىل تونر مىش. او اېرتك و افسانەلر دە تورلى خاصىتىلر بىلن تىرفىلەندەدى.

دير). اۋشە فرىستىدىن تۇقۇز يۈز سىگىزىنچى (۱۵۰۲) يىلگىچە تاشكېنت و شاھرخىە ولايتى چىغتاي خانلىرى نىنگ تىصرفىدە بۇلدى. بو فرىستدە مۇغول اولوسى نىنگ خان و سلطانلىكى يونس خان نىنگ كتە اۋغلى مېنىنگ تاغەم سلطان محمودخان دە اېدى.

عمرشېخ مىرزانىنگ آغەسى سمرقند پادشاھى سلطان احمد مىرزا و مۇغول اولوسى نىنگ خانى سلطان محمودخان، عمرشېخ مىرزانىنگ يامان معاملەسىدىن بېزار بۇلگىلىكلىرىدىن بىر- بىرلىرى بىلەن اتفاق تۈزىپ، سلطان احمد مىرزا سلطان محمودخاننى اۋزىگە كويماق قىلىپ، اۋشە يىلى سىيخون نىنگ جەنۇب تامانىدىن سلطان احمد مىرزا و شىمال طرفىدىن سلطان محمودخان عمرشېخ مىرزا اۋستىگە لشكر تارتىدىلر. بو ائنادە غلطى واقىعە يۈز بېردى. ذكر اېتىلگىنىدېك، آخسى قۇرغانى بلند جر اۋستىدە جايلشگن، عمارتلىرى ھەم جر ياقەسىدە اېدى. اۋشە يىلى دۈشەنبە كۈنى، رمضان آيى نىنگ تۇرتىنچىسىدە عمرشېخ مىرزا جردن كېوتىرلر و كېوتىرخانەسى بىلەن اوچىپ، ھالاك بۇلدى. اۋتۇز تۇقۇز ياشدە اېدى.

تولدى و نسل - نىسبى: سىگىز يۈز آلتىمىشىنچى (۱۴۵۵) يىلى سمرقنددە توغىلدى. سلطان ابوسعەيد مىرزانىنگ تۇرتىنچى اۋغلى اېدى. سلطان احمد مىرزا، سلطان محمد مىرزا، سلطان محمود مىرزادىن كىچىك اېدى. سلطان ابوسعەيد مىرزا سلطان محمد مىرزانىنگ اۋغلى اېدى. سلطان محمد مىرزا مىرانشاھ مىرزانىنگ اۋغلى اېدى. مىرانشاھ مىرزا تېمورىپك نىنگ اوچىنچى اۋغلى اېدى. عمرشېخ مىرزا بىلەن جەھانگىر مىرزادىن كىچىك، شاھرخ مىرزادىن كتە اېدى.

سلطان ابوسعەيد مىرزا اۋل كابلنى عمرشېخ مىرزاگە بېرىپ، باباى كابلىنى بېك آتە قىلىپ، جۇنشگە رخصت بېرگندى. مىرزالرنىنگ سنت تۇبى سىبىلى درەى گازدىن قىتىرىپ، سمرقندگە كېلتىرتىردى. تۇيدىن سۇنگ، تېمورىپك كتە عمرشېخ مىرزاگە فرغانە ولايتىنى بېرگىنىدېك، سلطان ابوسعەيد مىرزا ھەم اۋغلى عمرشېخ مىرزاگە اندىجان ولايتىنى بېرىپ، خدای بېردى توغچى تېمورتاشنى بېك آتە قىلىپ يوباردى.

شكىل - شىمالى: پست بۇيلى، يۈمەلاق سقاللى، سىرغىش يۈزلى نارغول كىشى اېدى.

تۆننى راسه تار كىيىر اېدى. شونچەلىك كه، بېلباغ باغلگنده قارنىنى ايچىگه تارتىب باغله تر، باغله گندن سۇنگ اوزىنى قۇيىب يوبارسه كۆپىنچە باغلىرى اوزىلىب كېتىدى. كيىماق و بېماقده بې تكللف اېدى. سلّەنى دستار بېچ (مخصوص سلّە اۋرە يديگن كيشى) اۋرەب قۇيردى. اوزمانده سلّەلر بوتون تۇرت اۋرمە بۇلردى. تېكىس چىرمب، اوچىنى آسىلتىرىب قۇيردىلر. ياز پىتلىرى محكمەدن باشقه يىرلردە اكثر مۇغولچە بۇرك كىيىردى.

فعل - اطواری: حنفي مذهبىدە، پاكيزه اعتقادلى كيشى اېدى. بېش وقت نمازنى ترك قىلمىسدى. عمرى نماز قىزالىرىنى بوتونلە تاماملەگن اېدى. اكثر تلاوت قىلر اېدى. حضرت خواجه عبيدالله گە مريد اېدى. صحبتلىرىگە كۆپ مُشرف بۇلگن، خواجه هم اۋنى فرزند دېر اېدىلر.

يىخشى سۋادى بار اېدى. "خمستى" (نظامي گنجوي وامير خسرو دهلوي "خمسه" لرى)، داستانلر و تارىخلرنى اۋقىر اېدى. كۆپىنچە "شاهنامە" اۋقىر اېدى. شعرى استعدادى بار، بىراق شعر يازىشگە قونت قىلمىسدى.

عدالتى شو درجەدە اېدى كه، اندىجان نىنگ شرقى طرفىدەگى تاغلر نىنگ پستىدە ختاي دن كېلە ياتگن مىنگ قاره ماللىك كارۋاننى شۋندە قار باسدى كه، ايگى كيشى قوتولىب قالدى، خلاص. خبرتاپىب، آدملىرىنى يوبارىب كارۋان نىنگ همه نرسەلرىنى يىغدىردى. اۋشە پىتدە وارثلىرى بۇلمەگىدن، احتياط يۈزەسىدن سقلىب، بىر-ايگى يىلدىن سۇنگ سمرقند و خراسان- دن وارثلىرىنى سۈرىشتىرىب، تاپتىرىب كېلتىرىب، ماللرنى اېسان-امان تاپشىردى.

غايە سخاوتلى اېدى. خۇلقى هم سخاوتىچە بار اېدى. خوش خلق، هزلکش، گېگە چېچن و شىرىن سۇز كيشى اېدى. شجاعىتلى و مردانه كيشى اېدى.

ايگى مراتبە جنگدە اۋزى برچە يىگىتلىرىدىن اۋزىب قىلىچ چاپتى: بىر مراتبە آخسى دروازه سىدە، ينه بىر مراتبە شاھرخىە دروازه سىدە. اۋقنى اۋرتە چە چاغلىق آتر اېدى. مشتى جودە قتيق اېدى، اونىنگ مشتىدىن يىقىلمەگن يىگىت يۇق دىر. يورت آلىش دغدغەسى طفىلى انچە يراشلىر اوروشگە و دوستلىكلر دشمنلىككە ايلندى.

اۆللىرى كۆپ ايچردى، كېيىنچە ليك ھەتتەدە بىر ياكە ايگى مرتە ايچەديگن بۇلدى؛ خوش صحبت كىشى ابدى. بىرار بهانە بىلن خوب شعرلر اۇقىردى. كېيىنگى يىتلىرى كۇپراق معجون استعمال قىلردى. معجونىلىكده قلتىس حركتلرگە يۇل قۇير، ھزل-شوخليككە اۇچ، ھمىشە نرد اۋىنر، گاھا قمار ھم اۋىنردى.

جنگ و اوروشلىرى: اوچ مراتبە صف تارتيب اوروش قىلگن. اۆل يونس خان بىلن اندىجان نىنگ شىمال طرفى سيحون درياسى نىنگ ياقەسىدەگى تەكەسېكرېتكو دېگن يېردە (بوندە ناملىنىشى نىنگ باعشى شوكة، تاغ اېتگى بۇلگىنىدن بو يېردە دريا شوندى تار جايدن آقەدىكە، رويات قىلىشلىرىچە، او يېردن تەكە سكرەب اۋتگن اېكن.) مغلوب بۇلىپ، قۇلگە توشدى. يونس خان يىخشىلىك قىلىپ ولايتىگە رخصت بېردى. بو يېردە اوروش بۇلگنى اوچون "تەكەسېكرېتكو اوروشى" اول ولايت تارىخىدە قالگن دىر.

ينە سمرقند تومنلىرىنى تالان-تاراج اېتىپ كېلەياتگن اۋزىكلر بىلن توركىستاندە موزلەگن اريس سووينى كېچىپ جنگ قىلىپ، غلبە قازاندى؛ اسىرلرنى آزاد قىلىپ، مال نىنگ ھەمەسىنى اېگەلرگە قىترىپ بېرىپ، ھېچ نىمە طمع قىلمەدى. يەنە بىر مرتە سلطان احمد مىرزا بىلن شاھرخىيە و اۋرەتپە آرسىدە، خواص دېگن كېنتدە اوروشىپ يېنىگىلدى.

ولايتلىرى: آتەسى فرغانە ولايتىنى بېرگن ابدى. بىر نېچە مراتبە تاشكېنت و سىيرەم ھم مىرزانىنگ تصرفىدە بۇلدى. بو شىھرلرنى اونگە اكەسى سلطان احمد مىرزا بېرگن ابدى. شاھرخىيەنى فريب بىلن آلىپ، انچە وقت فايدهلنىپ توردى. آخرگى چاغلردە تاشكېنت و شاھرخىيەنى قۇلدن چىقرگن ابدى. فرغانە، خۇجند و اۋرەتپەگىنە قالدى. اۋرەتپەنىنگ اصل نامىنى كىتابلردە اۋسروشنى دېر، اۋسروش دېب ھم يازەدىلر. خۇجندنى بعضىلر فرغانەگە كىرمەيدى، دېيدى.

سلطان احمد مىرزا تاشكېنتگە مۇغوللر اۋستىگە لشكر تارتيب، تاشكېنتدن ايگى شرعى يۇل نرىدەگى چىر (چىرچىق) سوۋى نىنگ ياقەسىدە شكست تاپدى؛ اۋرەتپە

حافظ بېك دۇلداي قۇلىدە اېدى، عمر شېخ مىرزاگە بېردى. اۇشندىن كېيىن اۋرەتپە عمر شېخ مىرزا تصريفىدە بۇلدى.

اولادى: مىرزا دىن اوچ اۋغىل، بېش قىز قالدى. بىرى اۋغلانلاردىن كەتسە مېن-ظھىرالدىن محمد بابىر مەن. مېنىڭ ئەم-قوتلوغ نىگار خانم. يەنە بىر اۋغلى جەھانگىر مىرزا مېندىن ايگى ياش كىچىك اېدى. اونىڭ ئەسەسى فاطمە سلطان مۇغول نىڭ تومىن بېكلاردىن بىرى نىڭ قىزى اېدى. يەنە بىر اۋغلى ناصر مىرزا بۇلىپ، اونىڭ ئەسەسى اندىجانلىك امىد اسمەلى غىچە چى اېدى؛ او مېندىن تۇرت ياش كىچىك اېدى.

قىزلاردىن كەتسەسى خانزادە بېگم مېن بىلەن بىر ئەندەن توغىلگەندى، او مېندىن بېش ياش كەتە اېدى. مېن سمرقەندىن ايگىنچى مەرتەلگەندە شىيانى خانى بېك كىشى بىلەن سەرپەل دە چىقىپ اورو شىدىم، امكان بارىچە غىرت و شىجاعتدە خەتە قىلمەدىك (ھەلى اۋز و قتىدە بو خەتە يازىلور)، بىراق يىڭىلىپ، بېش آي قەلەدارلىك قىلدىم. قەلەنى سەقىلەش، اونى مستەھكەملەش و سەردارلىككە كەمچىلىككە يۇل قۇيمەدىك.

تېۋرەك-اىرافدەگى پادىشاھ و بېكلەر ھېچ قەندەى مدەد-كۆمەك بېرمەدىلەر، روھىم توشىپ، شەھەرنى تەشەلەپ چىقىدىم.

اۋشە تەلەكەلى تۇپالاندا خانزادە بېگم محمد شىيانى خان قۇلىگە توشىگەندى. بىر اۋغىل كۆرگەن اېدى. اسمەلى خەرمشاھ، يەخشى اۋغلان اېدى. شىيانى خان اونىگە بىلەخ ولايتىنى بېرگەن اېدى. ئەسەسى اۋلگەندىن كېيىن بىر-ايگى يىل اۋتەگچ، وفات اېتەدى. شاھ اسمەلى اۋزەك (شىيانىلەر) نى مەروە مەغلۇب اېتەندە خانزادە بېگم مەروە اېدى. مېنىڭ خەرمەتىم قۇلىلى، او بېردىن اۋزەتەدىلەر، قوندوزدە مېنىگە كېلىپ قۇشىلدى. جۇدالىك مەدەتگە اۋن يىل بۇلگەن اېدى. مېن و محمد كۆكەلداش ايكايومىز كېلدىك، بېگم و بېگم نىڭ يانەدەگىلەر تەيمەدىلەر. اسمەمنى ايتەنمەندە ھەم انچە مەتەندىن سۇنىڭ تەندىلەر.

يەنە بىر قىزى مەربانو بېگم اېدى. ناصر مىرزا بىلەن بىر ئەندەن توغىلگەن، مېندىن ايگى ياش كەتە اېدى.

ينه بير قیزی شهر بانو بېگم اېدی. او هم ناصر میرزا بیلن بیر توغیشکن بۇلیب، مېندن سگیز یاش کیچیک اېدی.

ينه بير قیزی یادگار سلطان بېگم اېدی، اونینگ آنەسى آغە سلطان اسملى غنچه چى اېدی.

ينه بير قیزی رۇقیه سلطان بېگم نینگ آنەسى مخدوم سلطان بېگم اېدی، اونى قاره کۆز بېگم دېردیلر. بو ایگاوى میرزانینگ وفاتیدن سۇنگ توغیلدیلر. یادگار سلطان بېگم نى مېنینگ اولوغ آنەم اېسان دولت بېگم اسره گن اېدی. شیپانی خان اندیجان و آخسىنى الگنده یادگار سلطان بېگم حمزه سلطان نینگ عبداللطیف سلطان اسملى اۇغلیگه توشگن اېدی. مېن حمزه سلطان باشلیق سلطانلرنى ختلان ولایتیده باسیب، حصارنى الگنیمده مېنگه قۇشیلدی. اوشه تلاتۇپ پیتیده رقیه سلطان بېگم جانى بېک سلطانگه توشگندى، بير-ایگى اۇغیللى بۇلدى، بیراق باله لری تورمه دی. یقینده خبر کېلدى که، تنگری رحمتیگه بارییدی. خاتینلری و کنیزلری: قوتلۇغ نگار خانم، یونس خان نینگ ایگینچی قیزی، سلطان محمودخان و سلطان احمدخان نینگ اېگه چىسى اېدی.

یونس خان چینگیز خان نینگ ایگینچی اۇغلى چيغتای نسلیدن دیر. یونس خان بن اُویس خان بن شېرعلی اۇغلان بن محمدخان بن خضر خواجه خان بن توغلوق تېمورخان بن اېسان بوغاخان بن دعوه خان بن براق خان بن یېسون تووه بن مؤتوغان بن چيغتای خان بن چینگیز خان.

شونچه لیک تۇختلدىک، اېندى خانلرنینگ احوالینی هم قیسقه چه ذکر اېته یلیک. یونس خان و اېسان بۇغاخان اُویس خان نینگ اۇغلانلری اېدی. یونس خان نینگ اۇغلانلری آفاقخان و جانباباخان اېدی. یونس خان نینگ آنەسى تېمور بېک (امیر تېمور) قدرله گن تورکستانلیک قیپچاق بېکلریدن شیخ نورالدین بېک نینگ قیزی یا نبوره سى بۇله دی.

اویس خان نینگ اۇلیمیدن سۇنگ مۇغول اولوسى ایگى گه بۇلینه دی. بير بۇلگی یونس خان تامان و کۇپراغى اېسان بۇغاخان تامان بۇله دی. اولوغ بېک میرزا بورونراق

یونس خان نینگ اېگه چیسینی عبدالعزیز میرزاگه آلیب بېرگن اېدی. شو مناسبت بیلن بارین تومن بېکلریدن اېرزن، چراس تومن بېکلریدن میرک تورکمن یونس خاننی اوچ-تورت مینگ اویلی مۇغول اولوسى بیلن اولوغبېک میرزاگه كېلتیردیلر. مقصدلری كۆمك آلیب، ینه مۇغول اولوسینی اېگلش اېدی؛ میرزا مروّت قيلمەدى، بعضیسینی اسیر قیلدى: بعضیلرینی بیرین-سیرین ولايتلرگه ترقه تدى. اېرزن تنزلی مۇغول اولوسیده بیر تاریخ بۇلیب قالگن.

یونس خان^۹ نى عراق سرى اؤتكزيب يوباردیلر. باریب بیر ییلدن آرتیقراق تبریزده توردی. او محلدە تبریز پادشاهی جهانشاه بارانی قاره قویلق اېدی. او پېردن شېرازگه كېلدى. شېرازده شاهرخ میرزانینگ ایگینچی اوغلی ابراهیم سلطان میرزا اېدی. بېش-آلتی آیدن سۇنگ ابراهیم میرزا اؤلیب، اوغلی عبدالله اونینگ اؤرنیگه اؤتیردی. عبدالله میرزاگه خان نوکر اېدی، ملازمت قیلر اېدی. اؤن پېتى-اؤن سگیز ییل خان شېراز و باشقه ولايتلرده توردی.

اولوغبېک میرزا و اوغیللری نینگ غوغاسی پیتیده اېسان بۇغاخان فرصتدن فایده لنیب فرغانه ولايتینی کندی بادم گچه باسیب، اندیجاننی آلیب، اېلینی تماماً اسیر قیلدى.

سلطان ابوسعید میرزا تختى قۇلگه کیریتگچ، لشکر تارتیب باریب ینگى شهریدن نریده گى اسفرده ده، مۇغولستانده اېسان بۇغاخاننی تار-مار قیلدى. اونینگ فتنه سینی دفع اېتیش اوچون ابوسعید میرزا ایلگری عبدالعزیز میرزا آلگن اېگه چیسى خانم نى آلیب، یونس خاننی شو مناسبت بیلن عراق و خراسان دن چارلب، تۇیلر قیلیب، دوست بۇلیب، مۇغول اولوسىگه خان قیلیب یوباردی. سغریچی تومن بېکلری نینگ برچه سى بو پیتده اېسان بۇغاخاننی یامانلب، مۇغولستانگه كېلگندیلر. یونس خان اولرگه قۇشیلدى. بو پیتده سغریچی بېکلرینینگ اولوغى شېر حاجیبېک اېدی. یونس خان اونینگ قیزی اېسان دولت بېگمگه اولیندى. مۇغول عرف-عادتیگه كۆره، یونس خاننی و اېسان دولت بېگم نى بیر آق کیگیز اوستیگه اؤتیرغیزیب، اونى خان قیلیب كۆتردیلر.

۹. اولوغبېک یونس خاننی شاهرخ میرزاگه یوباره دی. او خانزاده نى شرف الدین علی یزدی تربیه سیگه تاپشیره دی. او اؤن ایکی ییل شو درگاهده تربیه تاپه دی.

خان اېسان دولت بېگم دڼ اوچ قيز كوردى. همه سيدن كته سى مهر نگار خانم اېدى كه، اونى سلطان ابوسعيد ميرزا كته اوغلى سلطان احمد ميرزاگه آليب بېرگن اېدى. ميرزادڼ بيرارته اوغيل ياكه قيز بولمه دى. سمرقندنى اوزبكلىر آلكنده مهر نگار خانم شيبانى خان قولېگه توشدى. مېن كابلده ليگيمده شاه بېگم بيلن سمرقند دڼ خراسان گه، خراسان دڼ كابل گه كېلدى. شيبانى خان قندهارده ناصر ميرزاني قمل قىلگنده، مېن لمغان گه يول آلديم. خان ميرزا و شاه بېگم همده مهر نگار خانم بدخشان گه كېتديلر. ميرزا خاننى مبارك شاه ظفر قلعه سيگه چارله گنده ابابكر كاشغرى نينگ هجوميگه يوليقيب، شاه بېگم و مهر نگار خانم همده جمعى اېل نينگ اهلى و عيالى اسيرلىكه توشيب، او ظالم بدكردار قماغيده حياتدن كوز يومديلر.

ايگينچى قىزى مېنينگ والدهم قوتلوغ نگار خانم اېدى. اكثر حربى سفرلر و سرگردانلىكلرده مېن بيلن بيرگه اېدى. كابلنى آلكنيمدن سۇنگ بېش-آلتى آى اوْتىب، تۇقيز يوزو اۋن بيرينچى (۱۵۰۵) يىلى تنگرى رحمتيگه باردى.

اوچينچى قىزى خۇب نگار خانم اېدى، محمد حسين كۈرهگان دوغلت گه بېرگن اېديلر؛ بير قىزى، بير اوغلى بار اېدى. قىزىنى عبيدخان آلگن اېدى. مېن بخارا و سمرقندنى آلكنيمده شهردن چيقمى قالگن اېدى. عمكيسى سيد محمد ميرزا سمرقندگه سلطان سعيدخان دڼ اېلچىلىكه كېلگنده، اونگه قۇشلىب كېتدى. سلطان سعيدخان اونگه اويلندى. اوغلى حيدر ميرزا اېدى. آتە سىنى اۋزبكلىر اۋلديرگندڼ سۇنگ كېلىب، مېنينگ خدمتيمده اوچ-تۇرت يىل توريب، سۇنگره اجازه سۇره ب، كاشغرىگه، خان قاشيگه كېتدى.

باز گردد به اصل خود همه چيز،

زر صافى و نقره و ارزيز.

(ترجمه سى: همه نرسه اصليگه قيترى مقرر، خواه قورغاشين، خواه كوموش، خواه تازه

زر).

دېيدىلر كه، حاضرگى پيتده ايچيشنى تشلب، يخشى يۇلگه كىريدى. خط و رسم، اۋق و

پىكان همده زهگيرگه (كماندن اوق اوزيشده برماققه كييله ديگن اويماقسيما نرسه) هر نرسه گه قولى كېله دى. شعرى استعدادى هم باردىر. مېنگه مكتوبى كېلگن اېدى، اسلوبى هم يامان اېمس.

خان نىنگ ينه بير خاتىنى شاهبېگم اېدى، باشقه خاتىنلرى هم بار اېدى، بيراق اۋغىل و قىزلرى نىنگ آنەلرى شو ايگىسى اېدى.

شاهبېگم بدخشان شاهى شاه سلطان محمدنىنگ قىزى اېدى. بدخشان شاهلرى اۋز نسبلىرىنى اسكندر فيلاقوس گه (مقدونيه ليك اسكندر) باغلشەدى، دېدىلر. بو شاهنىنگ ينه بير قىزىنى، شاهبېگم نىنگ اېگە چىسىنى سلطان ابوسعيد ميرزا آلگن اېدى. اوندن ابابكر ميرزا بنا بۇلگن اېدى.

خان نىنگ شاهبېگم دن ايگى اۋغىل و ايگى قىزى بار اېدى. بو اۋغىللردن كتەسى و قىزلردن كيچىك سلطان محمودخان اېدى. سمرقند و اۋز تومنلريده بعضيلر اونى خانىكە خان دېدىلر. سلطان محمودخان دن كيچىگى سلطان احمدخان بۇلىب، آلە چە خان اسمى بىلن مشهور. آلە چە خان دېب اتەلىشى نىنگ سىبى شونده كە، ايتيشلريچە، قىلماق و مۇغول تىليده قاتلنى "آلە چى"، دېدىلر. قىلماقلرنى بير نېچە مرتە باسىب، كۇلىب آدملىرىنى قىرگنى اوچون "آلە چى" دېلە وېرىب، استعمالده آلە چە اتەلىب كېتگن.

هلى تېگىشلى اۋرىنلرده خانلرنىنگ ذكرى تكراراً مفصل كېلتىرىلەدى. واقعه لر و حالتلىرى اۋشندە يازىلەدى.

باشقه لريدن كيچىك، بير قىزدن كتەسى سلطان نگارخانم اېدى كە، اونى سلطان محمود ميرزاگە چىقىرىشگن اېدىلر. ميرزادن بير اۋغىل توغىلگندى. اسمى سلطان ويس، بو حقدە هلى ينه سۇز يوريتىلەدى. سلطان محمود ميرزا اۋلگندن سۇنگ سلطان نگارخانم اۋغلىنى آلىب، هېچ كىمگە خبر قىلمەي، تاشكندگە آغالرى آلدىگە بارگن اېدى. بير نېچە يىلدىن سۇنگ اونى چىنگىزخان نىنگ كتە اۋغلى جۇجى نسلدىن بۇلگن قزاق سلطانلريدن ادىك سلطانگە بېردىلر. شىباني خان خانلرنى يېنگىب، تاشكند و شاھرخيەنى اېگللەگندە سلطان

نگارخانم اۋن ايڭى مۇغول نوكرى يىلن قاچىپ، ادېك سلطان يانيگە باردى. ادېك سلطاندىن ايڭى قىزلى بۇلدى، اولردن بىرىنى شىيانى خان نىنگ سلطانلىرىگە، يەنە بىرىنى سلطان سعیدخان نىنگ اۋغلى رشید سلطانگە بېردى.

ادېك سلطاندىن سۇنگ سلطان نگارخانمى قزاق اولوسى نىنگ خانى قاسمخان آلدى. دېدىلەرگە، قزاق خان و سلطانلىرى نىنگ آره سیده هېچ كيم بو اولوسنى قاسمخان چەلىك ضبط قىلگن اېمس. لشكرى اوچ يوز مىنگگە يقين حسابلاردى. قاسمخان اۋلگىدىن سۇنگ خانم كاشغرگە سلطان سعیدخان قاشىگە باردى. اېنگ كىچىگى دولت سلطان خانم اېدى. تاشكەندى شىيانلىر اېگلەگەندە شىيانى خان نىنگ اۋغلى تېمور سلطانگە توشگن اېدى، اوندىن بىر قىزى بار اېدى. سمرقەندىن مېن يىلن بىرگە چىققن اېدى. اوچ-تۇرت يىل بدخشان ولايتىدە بۇلدى. اوندىن سۇنگ كاشغرگە سلطان سعیدخان قاشىگە كېتدى.

عمرشېخ مىرزانىنگ حەملرىدىن يەنە بىرى خواجه حسين بېك نىنگ قىزى اولوس آغە اېدى، اونىنگ ھەم بىر قىزى بار اېدى، گۇدكلىگىدە اۋلدى. بىر يىل-بىر يىلدىن سۇنگ اونى حەمدىن چىقىردىلر.

يەنە بىرى فاطمە سلطان آغە بۇلىپ، مۇغول تومن بېكلىرى اولادىدىن اېدى. مىرزا ھەمەسىدىن اۋل شو فاطمە سلطان آغەنى آلگن اېدى.

يەنە بىرى قارەكۈزبېگم بۇلىپ، اونگە كېيىنچەلىك اويلنگن، انچە سويوكلى اېدى. قارەكۈزبېگم مىرزاگە ياقىش اوچون اۋز نسل-نسبىنى سلطان ابوسعید مىرزا نىنگ آغەسى منوچەر مىرزاگە يېتكىزگن اېدى.

چۇرى و كىزلىرى انچە اېدى. اولرنىنگ بىرى اميدآغەچە اېدى، او مىرزادىن آلدىن قضا قىلگەندى. مىرزانىنگ سۇنگى محەللەردەگى كىزى تونسلطان بۇلىپ، او مۇغوللاردىن اېدى. يەنە بىرى آغەسلطان اېدى.

امىرلىرى: خەداى بېردى تېمورتاش. او ھرات حاكىمى آقبوغا بېك نىنگ آغەسى نسلدىن دىر. سلطان ابوسعید مىرزا جۇگى مىرزانى شاھرخىدە قەمل قىلگەندە فرغانە ولايتىنى عمرشېخ

میرزاگه بېرىب، اېشىك آغه ليككه خدای بېردى تېمورتاش نى تعینله گن اېدى. او پیتده خدای بېردى تېمورتاش يیگیرمه بېش یاشده، یاش بۇلسه ده، ترتیسی، باشقروو و ایش توتیشلری جوده یخشی اېدى. بیر-ایگی ییلدن سۇنگ ابراهیم بېك چیکوش اطرافلریگه هجوم قیلگنیده خدای بېردى تېمورتاش اوروشده اشتراك اېتیب، شهید بۇلدى.

اۇشه پیتده سلطان احمد میرزا اۇره تېپه نینگ آق قېچىغه ی دېگن، سمرقنددن اۇن سگیز ییغاچ شرق تامانده گى ییلاوده، سلطان ابوسعید میرزا اېسه هراتدن اۇن ایگی ییغاچ شرق تامانده گى بابا خاکی ده اېدیله. بو خبرنى عبدالوهاب شیغاوول 'آرقه لی خط قیلیب، میرزاگه ییتکزدیله؛ او یوز ییگیرمه آلتی ییغاچ یۇلنى تۇرت کونده باسیب اۇتدی.

ینه بیر امیری حافظ محمد بېك دۇلداى بۇلیب، سلطان ملک کاشغری نینگ اۇغلى، احمد حاجی بېك نینگ اینیسی اېدى. خدای بېردى بېك اۇلگنیدن سۇنگ اونى اېشىك آغه قیلیب یوبارگن اېدیله. سلطان ابوسعید میرزانینگ اۇلیمیدن سۇنگ اندیجان بېكلىرى او بیلن یخشی چیقیشمه گنلری سببلى سمرقندگه سلطان احمد میرزا خدمتیگه كېتدی. سلطان احمد میرزا چیر دریاسی بۇییده یېنگیلگنده، او اۇره تېپه ده اېدى. عمر شیخ میرزا سمرقندگه یوریش قیلیب، اۇره تېپه اوستیگه كېلگنده اۇره تېپه نى میرزا ملازملریگه تاپشیریپ، اۇزی میرزا خدمتیده بۇلدى. عمر شیخ میرزا هم اندیجان حاکم لیگینی اونگه بېردى. سۇنگره سلطان محمودخان قاشیگه باردی. سلطان محمودخان میرزاخاننى اونگه تاپشیریپ، دیزه ك (جیرخ) نى بېردى. مېن کابل نى آلگنیمدن بورونراق او مگه گه آتلیب، هند یۇلى آرقه لی سفر قیلدى. یۇلده تنگری رحمتیگه باریدى. فقیر، کم گپ و آدمی کیشی اېدى.

ینه بیرى خواجه حسین بېك، آدمی و فقیر کیشی اېدى. اۇشه پیت رسمیگه كۇره، بزملرده قۇشقلرنى یخشی ایتر اېکن.

ینه بیرى شیخ مزید بېك بۇلیب، مېنگه اۇل اونى بېك آته قیلگن اېدیله. غیرتلى، انتظامی

۱۰. شیغاوول- پادشاه لیکده اېلچى و مهمانلرنى کوتیشگه تعینلنگن کیشی؛ تشریفات مسوولى.

انچە يىخشى ۱ېدى. بابر ميرزاگە خىدمەت قىلگن. عمرشېخ ميرزا قاشىدە اوندىن اولوغراق بېك يۇق ۱ېدى. اخلاقسىز كىشى ۱ېدى، بېچە سقلردى.

ىنە يىرى ۱لى مزىدبېك قۇچىن ۱ېدى، ۱ىگى مرتە ياو طرفگە ۱ۇتىب كېتىدى: يىرمرتە ۱خسىدە وىنە يىر مرتە تاشكىندە. منافىق، اخلاقسىز، كۇرنمىك وىرەمس كىشى ۱ېدى.

ىنە يىر ۱مىرى حسن يعقوببېك ۱ېدى. بالەطىبەت، استعدادلى، چېچن و صىمىمى كىشى ۱ېدى. بو بىت ۱ونىكى دىر:

باز ۱ى، ۱ى ۱ماى، كە بى طوطى خطت،

نزىدىك شۇد كە، زاغ برد استخوان من.

(مضمونى: قىتېب كېلگىل، ۱ى ۱ماى، طوطىرنگ پىلرىنگسىز،

سَل بۇلمسە سويگىمنى قرغە ۱لىب كېتگوسى.)

مردانە كىشى ۱ېدى. ۱ۇقنى يىخشى ۱تر، چوگاننى يىخشى ۱ۇنردى. توطراق پلەنى يىخشى سىچرەتر ۱ېدى. عمرشېخ ميرزا فاجەسەيدىن سۇنگ ۱و مېنىنگ ۱ېشىگىمدە ۱ېشىك ۱اغە بۇلدى.

۱ىچى تار، كم حوصلە، فتنەراق كىشى ۱ېدى.

ىنە يىرى قاسمبېك قۇچىن ۱ېدى. اندىجاننىنگ قدىمى قۇشىن بېكلرىدن ۱ېدى. حسن

يعقوببېكدن سۇنگ مېنىنگ ۱ېشىگىمدە ۱و ۱ېشىك ۱اغە ۱ېدى. عمرىنىنگ ۱خرىگچە ۱ختىار

و ۱عتبارى ۱رتسە ۱رتدى، كمەيمەدى. مردانە كىشى ۱ېدى. يىر مرتە كاسانگە باستىرىب كىرگن

۱ۇزبىكنىنگ ۱رقەسەيدىن يىخشى ۱ىجوم قىلدى. عمرشېخ ميرزا يانىدە قىلىچ چاپىب، ۱ۇزىنى

كۇرسىتگن ۱ېدى. يىسى كېچىت ۱وروشىدە ۱ىخشى جنگ قىلدى. چېگە يورتلردەگى

سرگردانلىكلرىمىزدە مسچا تاغلرىدن سلطان محمودخان تامانگە ۱آلنگىنىمدە قاسمبېك

۱ىرلىب، خسروشاە تامانگە ۱ۇتىب كېتىدى. تۇقۇز يوز ۱ۇنىنچى (۱۵۰۴) يىلى خسروشاەنى

پىنگىب، كابلدە مقىمنى قمل قىلدىم. شو پىتدە قاسمبېك پىتېب كېلدى. ىنە ۱ۇلگىدېك ۱عتبار

و شفقت قىلدىم. توركمەن ۱زارەسىگە درەى خوشدە ۱ىجوم قىلگنىمىزدە، قاسمبېك

كېكسەلىگىگە قرەمەى، يىگىتلردن كۇرە يىخشىراق ۱وروشگنى ۱وچون بنگىش ولايتىنى تارتىق

قیلیدیم. سۇنقره کابل گه کبلگچ، اونى همایون گه بېک آته قیلیدیم. زمینداورنى آلگن پیتده او تنگری رحمتیگه باردی. مسلمان و دیانتلی، تقوادر کیشی ابدی، شېهه لی طعامدن پرھیز قیلردی. رأیی و تدبیری جوده یخشی ابدی. خیله هزلکش ابدی. سوادسيز بولیشیگه قره مهی، زیرکلیک بیلن لطفلر، مطائبه لر قیلردی.

ینه بیرى باباقولى باباعلى بېک ابدی. شیخ علی بهادر نینگ نسلیدن. شیخ مزید بېک اولگنیدن سۇنگ اونى مېنگه بېک آته قیلیدیلر. سلطان احمد میرزا اندیجانگه لشکر تارتگنده سلطان احمد میرزاگه قۇشیلیب، اوره تېپه نی بېردی. سلطان محمود میرزادن سۇنگ سمرقنددن قاچیب کبله یاتگنیده اوره تېپه دن سلطانعلی میرزا چقیب، اوروشیب ینگدی و اونى اولدیردی. غیرتی یخشی ابدی، قورالنی یخشی ایشله تر، نوکرگه یخشی قوردی. بی نماز ابدی، رۇزه توتمسدى. ظالم و کافر طبیعت کیشی ابدی.

ینه بیرى علی دوست تغایی سغریچی تومن بېکلریدن ابدی. مېنینگ آنه مېنینگ آنه سى اېسان دولت بېگم گه اوروغ بۇلر ابدی. عمر شیخ میرزا زمانیدن باشلب اونگه مېن کۇپراق اعتبار قیلگندیم. قۇلیدن ایش کبله دی، دېردیلر. نېچه ییل که مېنینگ قاشیمده بۇلدى، بیراق آیتیشگه ارزیگولیک بیرار ایش قیلمه دی، دېسه بۇله دی. سلطان ابوسعید میرزاگه خدمت قیلگن داوریده یده چیلکینی^{۱۱} ادعا قیلردی. قوشچی ابدی. یره مس اخلاق-اطوارلی، بخیل و فتنه چی، بدقاواق و منافق، قیسر و قتیق سۇز، یوزی ساووق کیشی ابدی.

ینه بیرى ویس لاغری سمرقند نینگ تۇقچی ابلتیدن ابدی. عمر شیخ میرزا قاشیده کېنگی پیتلری خیله یقین بۇلگن ابدی. چېگه یورتلرده لیک پیتلریمدە مېن بیلن بیرگه بۇلدى. ایش یوریتیشی خیله یخشی بۇلسه ده، بیر آز فتنه چی ابدی.

ینه بیرى میر غیاث تغایی ابدی. او علی دوست نینگ اینیسی ابدی. مۇغول میرزاده لری آرەسیده سلطان ابوسعید میرزا سلطنتیده اونینگ آلدیگه توشه دیگن کیشی یۇق ابدی. سلطان

ابوسعيد ميرزانىنگ تۇرت بۇرچىك مۇھرى اوندە تورردى. عمرشېخ ميرزانىنگ سۇنگى يىللىرىدە جودە قىلدانلىشىپ قالگن اېدى. ويس لاغرى نىنگ الفتى اېدى. سلطان محمودخان گە كاساننى بېرگنلىرىدىن سۇنگى عمرى نىنگ آخريگچە خان خىمدە قالىدى. خان ھم اونگە خىلە اعتبار قىلدى. خوش چىقىق و ھىلگىش كىشى، اما اخلاقىدە تىقىسىز اېدى.

ينە بىرى خراسانلىك على درويش اېدى. او سلطان ابوسعيد ميرزا قاشىدە خراسان تىن قۇرىقچىلىرى صفىدە خىمدە قىلدى. خراسان و سمرقند ابوسعيد ميرزا تىن تصريفگە كىرگندە، بو ايگى پايتخت نىنگ ايشگە يىراقلى يىگىتلىرىدىن مخصوص ھىرى گروھ توزگن اېدى؛ اولرنى خراسان تىن قۇرىقچىلىرى و سمرقند تىن قۇرىقچىلىرى دېر اېكن. مېنىنگ قاشىمدە سمرقند دروازەسىدە ايش كۇرستىدى. مردانە كىشى اېدى. نىستىلىق خىمنى عىجب بىر اصولدە يازدى. خوشامدگە مايىل، طبعىدە خىسسىلىك اوستونلىك قىلدى.

ينە بىرى قىبرىلى مۇغول بۇلىب، او آتباقرلردن اېدى. آتەسى ولايتگە كېلىب، اوزاق وقت قىصابلىك قىلگنى اوچون قىبرىلى قىصاب دېر اېدىلر. يونس خان قاشىدە آفتابە چىلىك قىلدى. سۇنگرە بېك بۇلدى. مېنىنگ قاشىمدە خىلە اولوغ اعتبار تاپدى. ايش باشلىگونچە غىرتى سېزىلدى. ايشگە كېلگندە قالىتاغايلىگى^{۱۲} بار اېدى. سېرگپ كىشى اېدى. معلومكە، كۇپ گېرگن كىشى بېھودە سۇزلىرى كۇپ ايتەدى. حوصلەسىزاق، فعلى تار كىشى اېدى.

عمرشېخ ميرزا بىلن اۋشە فاجىە يوز بېرگندە، مېن اندىجان دە چارباغىدە اېدىم. سەشنبە كۈنى، رمضان آيى نىنگ بېشىنچىسىدە بو خىر اندىجان گە يېتىپ كېلدى. اضطراب بىلن آتلىنىپ، يانىمدەگى نوكر و سۇدرلر بىلن قۇرغان گە يۇل آلدىم. ميرزا دروازەسىگە يېتىگن محلدە شىرىم تىغايى آتىم نىنگ جَلوئىنى آلىپ، نمازگاہ سىرى يوردى. اونىنگ خيالىدن: سلطان احمد ميرزا اولوغ پادشاه دىر، اگر كۇپ لشكر بىلن كېلسە، بېكلر مېنى و ولايتنى تاپشيره دىلر؛

۱۲. قالىتاغايلىك. قَلْتَمَانلىك: ايش قىلمەى اوزىنى ايشلەگن قىلىپ كۇرسەتىش عادىتى.

اۋزى مېنى اۋزىگەد و آله تاغ اېتكلىرى تامانگە آلىب كېتەدى؛ اگر ولايتىنى بېرسەلەر، مېن ھم قۇلگە توشمەي، تاغالريم آله چە خان ياكە سلطان محمودخان يانىگە بارەمن، دېگن اۋى كېچىدى.

خواجە مولاناي قاضى (او سلطان احمد قاضى نىنگ اۋغلى و شىخ برهان الدين قىلىچ نىنگ نسلیدن بۇلىپ، آنە طرفیدن سلطان ايليک ماضى گە باغلەندى، اولر نىنگ خاندانى اھلىگە اېل اعتقادى بلند، اولر شىخ الاسلام يۇسۇپنىدە بۇلىپ كېلگنلەر، (اولر حقيدە ھلى تکرار سۆز يوريتىلەدى) و قۇرغان ايچىدەگى بېكلر بو خبرنى اېشىتىپ، عمر شىخ ميرزانىنگ سىنىشتە ملازمى، بير قىزى نىنگ بېك آتەسى بۇلمىش خواجە محمد درزىنى يوبارىپ، اۋشە وھىمەلرنى بېكلرنىنگ كۈنگلیدن قوويپ، نمازگاگە يقين يېتگن محلدە مېنى آلىب قېتىدى. كېلىپ ارکكە توشىدىم. خواجە قاضى و بېكلر مېنىنگ قاشىمگە كېلىپ، سۆز و كېنگىشنى بير بيرگە قۇيىپ، قۇرغان نىنگ بورج و شىنكلرىنى تۈزەتېشگە، ترتىگە سالىشگە كىرىشدىلر. مرغىنان و اۋش طرفلرگە ھجومچى قۇشين قۇيگن حسن يعقوب، قاسم قۇچىن و ىنە بعضى بېكلر بير-ايگى كوندن سۇنگ كېلىپ، ملازمت قىلىپ، برچەسى بىردم و ھم جھت بۇلىپ، قلعه مدافعهسى بىلن مشغول بۇلدىلر. سلطان احمد ميرزا اۋرەتپە، خۇجند و مرغىناننى آلىپ، اندىجان دن تۇرت يىغاچ مسافەدەگى قۇباگە كېلىپ توشدى. بو فرصتدە درويش گاو اسملى كىشى اندىجان اربابلىرى حقيدە بېھودە سۆز ايتگنى اوچون قتل اېتىلدى. بو سياستدن بوتون اېل تىنچىپ قالدى. خواجە مولاناي قاضىنى و اوزون حسن خواجە حسيننى سلطان احمد ميرزاگە شوندى مضموندا اېلچىلىككە يوبارىلدى: «بو ولايتگە ملازملردن بيرى قۇيىلەدى؛ مېن ھم ملازم، ھم فرزندمن، اگر بو خدمتى مېنگە تاپشیرسەلر يخشىراق و معقولراق بۇلردى.»

سلطان احمد ميرزا كم گپ، فقير و آدمى كىشى اېدى. ھر بير مصلحت و ايش-حرکت بېكلرسىز قرار تاپمس اېدى. بېكلر بو سۆزلرگە التفات كۆرستمەي، ناجايىز جوابلر ايتىپ، ايلگريگە قوزغالدىلر. اللہ تعالى، اۋز كامل قدرتى بىلن ھر ايشىمنى اۋز وقتيدە كىشىلر

مَنْتِيسِز كۈنگىلىمدە گىدېك يۈزەگە چىقىرىپ كېلگەن كە، بو سفر ھەم بىر نېچە ايشنى سەبب قىلدى و دشمنلر كېلگنلرىدن افسوسلندىلر، بلكە بو اورىنىشلرىدن پُشيمان بۇلىپ، مقصدلرىگە يېتالماي قېتىپ كېتىدىلر.

شولردن بىرى: قۇبانىگ باتقاقلى قارە سووى بار، كۈپرىگىدن باشقە اۋتىپ بۇلەدىگن جايى يۇق، كۈپ كىشىلىك لشكر كېلىپ، كۈپرىككە تىقىلىپ قالدى، كۈپلەت و تويەلر بو قارە سووگە يىقىلىپ نابود بۇلدى. بوندن اوچ-تۇرت يىل بورونراق چىر (چىرچىق) سوويدەگى كېچۈودە كەتە شكىست تاپگن اېدىلر، بو واقەە اۋشە ھالاكتىنى اېسلەتىپ، لشكر واهمەگە توشدى.

ينە بىرى بوكە، اۋشە پىندە آنگە شوندەى اۋلت پىتدىكە، اويور-اويور آتلر يىقىلىپ اۋلە باشلەدى.

ينە بىرى: اولر بىزنىگ لشكرىمىز بىلن خەلقنىگ بىردەم و ھەم جەھتلىگىنى كۈردىلرەكە، بولر جان و تىلرىدە مدار بارىچە كۈرەشماققە شى اېكنلىكلرىگە ايشانچ حاصل قىلدىلر. بو سىبلر باغث، اندىجانندن بىر يىغاچ مسافەدن درويش محمد ترخاننى يوباردىلر، اىچكىرىدن حسن يعقوب نمازگاھ مسكنىگە چىقىپ، كۈرىشىپ، صلح تۈزىشگن بۇلىپ، آرقەگە قېتىدىلر.

خۇجند سووى (سەردىيا) نىنگ شىمال تامانىدن كېلەياتگن سلطان محمودخان اخسىنى قىل قىلدى. جەھانگىر مىرزا اۋشە پىردە اېدى، بېكلردن على درويش بېك، مىرزا قولى كۈگلداس، محمد باقر بېك، شىخ عبداللە اېشىك آغە ھەم اخسىدە اېدىلر. ويس لاغرى، مىرغياث تاغاي ھەم شو پىردە اېدى. اولر بېكلردن خوسفىرەب، ويس لاغرى ولايتىگە، كاسانگە كېتىدىلر. ناصر مىرزاگە ويس لاغرى بېك آتە اېدى. شو سىبلى ناصر مىرزا كاسان دە بولر اېدى. خان اخسى اطرافلىرىگە يېتگندە، بو بېكلر خان تامانىگە اۋتىپ، كاساننى بېردىلر. مىرغياث خان ملازمىتدە قالىپ، ويس لاغرى ناصر مىرزانى سلطان احمد مىرزاگە آلىپ باردى. اونى محمد مزىد ترخانگە تاپشىردى.

سلطان محمودخان اخسى يقينىگە كېلىپ، بىر نېچە مرتە اوروش قىلدى، بىراق ھېچ ايش چىقرە آلمەدى. اخسى دەگى بېكلەر و يىگىتلەر چىنەگم جانفداليك كورستيدىلر. شو پىتدە سلطان محمودخان خستەلندى، اوروشگە كىرگىنگە ئُشيمان يىپ، اوز ولايتىگە قىتىپ كېتدى.

ابابكر دۇغلت كاشغرى ھېچ كىمگە باش اېگمەي، نېچە يىلدىن بېرى كاشغر و ختن گە حاكملىك قىلىپ كېلدى، او ھم ولايت آرزوسىدە اوزگىند يقينىگە كېلىپ، قۇرغان ساليب، ولايتدە بوزغونچىلىك قىلىشگە كىرىشدى. خواجه قاضى و برچە بېكلرگە كاشغرىنى دفع اېتىش حقيدە بو يروق بېرىلدى. بولر يقين پىتگن پىتدە كاشغرى بو لشكرگە تېنگ كېلا لمىسلىگىنى كوردى و خواجه قاضىنى آره گە ساليپ، يوز مكر و حيله بىلن قوتولدى.

بوندى كتە واقعه لر روى بېرگىندە عمر شىخ مىرزادىن قالگن بېكلەر و يىگىتلەر يىخشى اويوشىپ، مردانە جانفداليك كورستيدىلر. اخسى دن مىرزانىنگ آنەسى سلطان بېگم، جهانگىر مىرزا و اهل حرم ھمدە بېكلر اندىجان گە كېلدىلر. عزا رسمى بجا كېلتىرىلىپ، فقرا و مسكىنلرگە آش، طعام تارتىلدى. بو مھم ايشلردىن فارغ بولگىندىن سۇنگ، لشكر و ولايتلرنىنگ ترتيب-انتظام، تعمير و آبادانلىگىگە كىرىشىلە باشلدى. اندىجان حكومتى و اېشيك آغەلىگىنى حسن يعقوب گە بېرىشگە قرار قىلىندى. اوش حاكملىگى قاسم قوچىن گە بېرىلدى. اخسى و مرغىنان اوزون حسن گە و على دوست تىغاي گە تىعين بۇلدى. عمر شىخ مىرزانىنگ باشقە بېكلرى و يىگىتلرى نىنگ ھر قىسپىسىگە مرتەلرگە يره شە ولايت و يېر، عمل و منصب، تىرىكچىلىك اوچون معاش تىعين قىلىندى.

سلطان احمد مىرزا قىتگىندىن سۇنگ، ايگى-اوچ منزل يورگىچ، احوالى كېسكىن اوزگىرىپ، قتيق ايسىتمە گە چلدى. اورەتپە تومنىدە آقسوگە پىتگىندە شوال آبي نىنگ اورتەلرىدە، سكيز يوز و توقسان توقيزينچى يىلى (۱۴۹۴) قىرق تۇرت ياشىدە اوتر دنيا بىلن وداعلىشدى.

تولدى و نسبى. تولدى سكيز يوز اېلىك بېشىنچى (۱۴۵۱) يىلى، سلطان ابوسعيد مىرزا تختتى اېگلەگن يىلى اېدى. او سلطان ابوسعيد مىرزانىنگ اوغىللرىدن اېنگ كتەسى اېدى.

آنەسى اۋردەبۇغە ترخان نىنگ قىزى، درويش محمد ترخان نىنگ اېگە چىسى، ميرزانىنگ اعتبارلى خاتىنى اېدى.

شكىل - شمايلى: بلند بۇيلى، قۇنغىر سقاللى، قىزىل يوزلى، نارغول كىشى اېدى. سقاللى اېنگىگىگە توشردى. ايگى ياناغىدە سقاللى يۇق اېدى. جودە شىرىن سۇز كىشى اېدى. سەلەنى اۋشە زمان عادىگە كۈرە، تۇرت اۋرمە چىرمب، اوچىنى آلدىراققە، قاشى نىنگ اوستىگە تشلب قويدى.

فعل - اطوارى: حنفى مذهبىدە، پاكىزە اعتقادلى كىشى اېدى؛ بېش وقت نمازنى كندە قىلمىدى. ايچكىلىك پىتلىرىدە ھەم نمازى ترك بۇلمىدى. حضرت خواجه عبيداللهگە مريد اېدى. حضرت خواجه اونگە مربى و حامى اېدى. جودە آدابلى اېدى. خصوصاً، خواجه صحبتلىرىدە. ايتىشلىرىچە، ھەركىز خواجه مجلسىدە بىر تىزەسىنى ايگىنچى تىزەسىگە چلىشتىرىپ اۋتىرگن اېمىدى. بىر سفر حضرت خواجه صحبتىدە، عادىگە خلاف طرزەدە، آياقلىرىنى اوزە تىپ اۋتورىدى. ميرزا اۋرنىدن تورگندىن سۇنگ، حضرت خواجه ميرزا اۋتىرگن يېرنى قرەب كۈرىشىنى بويورىدى: بىر سويك بار اېكن.

ھېچ نىمە اۋقىگن اېمىس، عامى اېدى. شەھردە اولغەيگن بۇلىشىگە قرەمەي، تۇغرى سۇز(تورك) و سادە اېدى. استعداددن بى بهرە اېدى. عادل كىشى اېدى. حضرت خواجه نىنگ ھەم حرمتلىرى آردە اېدى. اكثر مهم ايشلىر شريعتگە موافق حل قىلىندى. عھد و سۇزىگە برقرار كىشى اېدى. ھەركىز اوندىن عھدگە خلاف ايش يوز بېرمەدى.

شجاعى بار اېدى. اۋزى نىنگ قۇلىدن ايش كېلگن ھېچ بىر حالت بۇلمەگن اېسەدە، ايتىشلىرىچە، بعضى جنگ معركەلىرىدە اوندە شجاعت اثرى كۈرىنگن اېكن. اۋقىسى جودە يىخشى آت اېدى. ايلواسىن ۱۳گە پتلى و پتسىز اۋقلىرى كۆپ حاللردە تېگرىدى. نشان اوچون قۇيىلگن قىباقنى ميدان نىنگ او باشى، بو باشىدن كېلىپ ھەم اكثر حاللردە اورر اېدى. عمرى -

۱۳ - ايلواسىن - گوشتى اوچون اولنەدىگن ياوايى قوشلىر.

نىنگ آخرلىرىدە سېمىرىپ قالگندە ھەم قىرغاۋول و بېدەننى اينگىچگە اۋق بىلن آتېپ، كمدن- كم خطا قىلدى. قوشچى كىشى اېدى، قوش بىلن قوش اولر، يىخشى اولردى. اولوغ بېك مىرزا دن سۇنگ اونىنگچەلىك قوشچى پادشاھ بۇلمەگن.

جودە خىالى اېدى. دېدىلرگە، خلوتلردە محرم و ايچكىلرىدن ھەم آياقلىرىنى بېكىتر اېكن. گاهىدە ايچكىلىككە بېرىلسە، يىگىر مە-اۋتيز كون متصل ايچر اېدى. گاهىدە ايچمەى قۇيسە، يىگىر مە-اۋتيز كونل ب ايچمىدى. بزمە بىر اۋتيزگندە بىر كېچە-كوندوز اۋتير، يىخشى ايچردى. مى ايچمەگن كونلرى بسىت^{۱۴} نى جودە كۇپ استعمال قىلدى. طبعىتدە خىسلىلىك اوستونلىك قىلر، كم سۇز و آدمى كىشى، اختىارى بېكلر قۇلىدە اېدى. **جنگلىرى.** تۇرت مرتە صف تارتىپ اوروش قىلدى. اول شىخ جمال ارغون نىنگ اينىسى نعمت ارغون بىلن ضامن تومنى نىنگ آقر يىلنگىلىگىدە اوروشىپ، غالب بۇلدى. يىنە بىر مرتە عمر شىخ مىرزا بىلن خواس دە ھەم اوروشىپ، غالب بۇلدى. يىنە بىر مرتە تاشكند اطرافىدە، چىرچىق سوۋى نىنگ بۇيىدە سلطان محمودخان بىلن تۇقنە شدىلر. بوندە صف تارتىپ جنگ قىلىنمەگندى. مۇغوللار نىنگ ھجومچى قىسمى لشكر نىنگ آرقەسىدن كېلىپ، حربى يوكلر آرتىلگن ارا بەلرگە تىشلىنىشى بىلن آق شونچە كتە لشكر اوروش-تلاشسىز بىر- بىرلىگە قرەمەى، بوزىلىپ تر قەلىپ كېتدى. لشكر نىنگ كۇپى چىرچىق سوۋىگە غرق بۇلدى. يىنە بىر مراتبە حيدر كۇگلداس بىلن يارىيلاق اطرافلىرىدە جنگ قىلىپ، يىنگدى.

ولايتلىرى. سمرقند و بخارا اېدىكە، اولرنى آتەسى بېرگندى. شىخ جمالنى عبدالقدوس اۋلدېرگىندىن سۇنگ سلطان احمد مىرزا تاشكندنى، شاھرخىە و سىرەمنى آلگن اېدى، بو جايلر بىر قنچە وقت اونىنگ قۇل آستىدە بۇلدى. سۇنگرە تاشكند بىلن سىرەمنى او كەسى عمر شىخ مىرزاگە بېردى. خۇجند و اورەتپە ھەم انچە وقت سلطان احمد مىرزا تصرفىدە اېدى.

۱۴-بىسىت- بىدنى قىزدىروچى مادە.

اولادى. ايگى اۋغلى بار اېدى، كيچىكلىگىدە نابود بۇلىدىلر. بېش قىزى بار اېدى، تۇرتتەسى قۇتلۇق بېگم دىن اېدى.

ھەمەسىدىن كەتەسى رابەعە سۇلتان بېگم اېدى، اونى قارەكۇز بېگم دېيىشردى. اونى اۋزى حياتلىگىدە سۇلتان محمودخان گە چىقرگن اېدى. خاندن باباخان اسملى بىر اۋغىل توغىلگن اېدى، خىلە مقبول گىنە اۋغلان اېدى. اۋزىكلر (شېيانىلر) خاننى خۇجنددە شەھىد اېتگندە، اونى وىنە اونىگدېك بىر نېچە نارسىدەنى ھەم نابود قىلدىلر. سۇلتان محمودخان فاجەئەسىدىن سۇنگ رابەعە سۇلتان بېگم نى جانى بېك سۇلتان آلدى.

ايگىنچى قىزى صالحە سۇلتان بېگم اېدى، اونى آق بېگم دېر اېدىلر. سۇلتان احمد مىرزا وفاتىدىن كېين سۇلتان محمود مىرزا تۇيلر قىلىپ، كەتە اۋغلى سۇلتان مسعود مىرزا گە آلىپ بېردى. سۇنگرە اوشا بېگم، مېر نىگار خانم بىلن كاشغرگە توشدى.

اۋچىنچى قىزى عايشە سۇلتان بېگم اېدى. بېش ياشىمدە سمرقندگە كېلگندە مېنگە بېشىك كېرتى^{۱۵} قىلىشگن اېدى. سۇنگرە سرگردانلىك پىتلىرىمدە خۇجندگە كېلدى، اۋشندە اۋلىندىم. سمرقندنى ايگىنچى مرتە آلگىمدە بىرگىنە قىزى بۇلگن اېدى، بىر نېچە كۈندن سۇنگ تىگرى رحمتىگە باردى. تاشكندنى شېيانىلرنىڭ باسىپ آلىشلىرىدىن بورونراق اېگە چىسى نىڭ خصوصىتى بىلن مېندىن چىقىدى.

تۇرتىنچى قىزى سۇلتان بېگم اېدى، اونى سۇلتان على مىرزا آلگندى؛ اوندن سۇنگ تېمور سۇلتان، اوندن سۇنگرە اېسە مېھدى سۇلتان آلدى.

ھەمەسىدىن كيچىك قىزى معصومە سۇلتان بېگم اېدى. آنەسى ارغونلردن، سۇلتان ارغون نىڭ جىينى جىيە سۇلتان بېگم اېدى. مېن خراسان گە بارگندە كۇرىپ، خوشلې، سۇرەب، كابىل گە كېلتىرىپ آلدىم. بىر قىزلى بۇلدى. اوشە فرصتدە ياق "زاچە" خستەلىگى

۱۵. بېش كېرتى (بېشىك كېتدى، قۇلاق تېشلىش) - بالەلرنى بېشىكدەلىگىدە ياق اۋنشتىرىپ قۇيىش عادىتى. "اۋزبېكستان مىلى انسكلوپېدىيەسى، دولت علمى نىرياتى، ۲۰۰۱، ۲-جلد، ۵-بېت."

ییلن وفات اېتدی. قیزیگه آنه‌سی نینگ اسمی قۇییلدی.

خاتین و کنیزلری. اولگیسی سلطان ابوسعید میرزا آلیب بېرگن مېهرنگارخانم اېدی. یونس خان نینگ کتّه قیزی، مېنینگ آنه‌م نینگ توغیشگن اېگه‌چیسى اېدی. ینه بیرى ترخانلردن اېدی، اونى ترخان بېگم دېر اېدیله. ینه بیرى قوتلوق بېگم، اوشه ترخان بېگم نینگ کؤکلداشی اېدی. سلطان احمد میرزا عاشق بۇلیب آلگن، جوده سویوکلی و خۇب اېرکه - تئتیق اېدی. مى ایچردى. اونینگ تیریکلیگیده سلطان احمد میرزا باشقه عیاللریگه بارمس اېدی. آخری اۇلدیردی و بدناملیگیدن خلاص بۇلدى. ینه بیرى-خانزاده بېگم ترمذ خانزاده‌لریدن اېدی. مېن سمرقندگه بېش یاشیمده سلطان احمد میرزا قاشیگه کېلگن یتده آلگن اېدی. هنوز یوز یاپوغى بار اېدی. تورکانه رسم بیلن مېنگه بویوردیلر، مېن یوزینی آچدیم.

ینه بیرى احمد حاجى بېک نینگ لطیف بېگم اسملى قیز نیره‌سى اېدی، میرزادن کېین اونى حمزه سلطان آلگن، حمزه سلطان دن اوچ اوغلى بۇلگن اېدی. مېن حمزه سلطان و تېمور سلطان باشلیق سلطان لرنى يېنگیب، حصارنى آلگنیمده، بو سلطانزاده‌لر و ینه بیر نېچه سلطانزاده‌لر اسیر توشگندى، همه‌سینی آزاد قیلدیم.

ینه بیرى حبیبه سلطان بېگم اېدی. او سلطان ارغون نینگ جیئى اېدی.

امیرلری: جانی بېک دۇلداى. او سلطان ملک کاشغرى نینگ اینیسی اېدی. سلطان ابوسعید میرزا اونى سمرقند حاکمی، سلطان احمد میرزانی اېسه اېشیک آغه قیلیب، اۇز اېشیگی اختیارینی بېرگن اېدی. غرایب فعل-اطوارلى کیشى بۇلگن اېکن. او حقده قیزیق واقعه‌لرنى روایت قیله‌دیله. جمله‌دن، روایتلردن بیریده ایتیلیشیچه، او سمرقند حاکمی بۇلگن یتلری شیبانیلردن اېلچى کېله‌دی. بو اېلچى اۇزبک اولوسیده پالوان صفتیده مشهور اېکن. اۇزبکلر زۇر کیشینی بۇقه دېر اېمیش. شونده جانی بېک: "بۇقه موسېن؟ بۇقه بۇلسنگ، کېل، کوره‌شلیک" دېگن اېکن. بو اېلچى هر قنچه عذر سۇره‌سه‌ده، قۇیمه‌ی کوره‌شگه توشه‌دیله. جانی بېک یقیتهدى. مردانه کیشى اېدی.

ينه بيرى سلطان ملك كاشغري نينگ اۋغلى احمد حاجى بېك اېدى. هرات حكومتىنى سلطان ابوسعيد ميرزا بيرقنچه وقت اونگه بېرگن اېدى. عمكىسى جانى بېك اۋلگندن سۇنگ، اونىنگ مرتبه سىنى بېرىب، سمرقندگه يوباردى. احمد حاجى بېك خوش طبع و مردانه كىشى اېدى. "وفايى" تخلصى بار اېدى. دېوان ترتيب بېرگن، شعرى يامان اېمس اېدى، بو ييت اونىكى دىر:

مستم، اى محتسب، امرؤ ز من دست بردار،
احتسابم بكن آن روز كه يابى هوشيار.
(ترجمه سى:

قىلمه بېزاوته مېنى، اى محتسب، مست من بوگون،
ايسته گنچه قىل سۇراق تاپگن كونىنگ هوشيار مېنى.)

ميرعليشير نوايى هرات دن سمرقندگه كېلگن پىتلىرى احمد حاجى بېك بىلن بيرگه بۇلر اېدى. سلطان حسين ميرزا پادشاه بۇلگندن سۇنگ هرات گه كېلدى. جوده اولوغ اعتبار تاپدى. احمد حاجى بېك چاپقىر آتلر سقلب، يخشى مينر اېدى. بو آتلر نينگ اكثرى ذاتدار اېدى. مردانه كىشى اېدى، سردارلىگى مردانه ليگيدېك اېمس، بې پروا كىشى اېدى. مهم ايشلىرىنى نوكر و سودرلىرى ترتيبگه كېلتىرىب يورردى. بايسونقور ميرزا سلطانعلى ميرزا بىلن بخاراده اوروشىب مغلوب بۇلگنيدە قۇلگه توشدى. درويش محمد ترخاننى اۋلدىردى، دېگن تهمت بىلن حرم تىسىز لرچه قتل اېتدىلر.

ينه بيرى درويش محمد ترخان اېدى. او اۋرده بۇغه ترخان نينگ اۋغلى، سلطان احمد ميرزا، سلطان محمود ميرزا نينگ توغىشگن تاغه سى اېدى. سلطان احمد ميرزا قاشيده گى برچه بېكلردن اولوغراق و معتبراغى شو اېدى. مسلمان، آدمى و درويش صفت كىشى اېدى. هميشه قرآن كۇچىرىب اۋتيردى. شطرنجنى كۇپ و يخشى اۋىنردى. قوش علمىنى يخشى بىلردى، قوش بىلن كۇپ اۋقىلردى. آخرى بايسونقور ميرزا بىلن سلطان على ميرزا نينگ غوغاسى (بخارا جنگى) ده اولوغلىك زمانيدە يمان آتلىق بىلن اۋلدى.

ینه بیرى عبدالعلی ترخان اېدى. او درویش محمد ترخان‌گه یقین قرینداش اېدى. سینگلیسى (باقى ترخان‌نینگ آنه‌سى) هم شونده بیرگه اېدى. درویش محمد ترخان عمل و وظیفه‌ده اوندن اولوغ بۆلسه‌ده، بو فرعون نسخه اونى کۆزگه ایلمسدى. بخارا حکومتی بیر نېچه ییل اونینگ قۇلیده اېدى، نوکرى اوچ مینگگه یېتگن؛ نوکرنی یخشى شفقت کۆرسه‌تیب سقلردى. سخاوتی، معامله‌سى و محکمه یوریتیشی، ترتیب-توتوملری و بزمى پادشاه‌لرگه خاص اېدى. قتیق قۇل و ظالم، فاسق و دماغدار کیشی اېدى. شیبانی خان، گرچه نوکرى بۆلمسه‌ده، کۆپ وقت او ییلن بیرگه بۇلردى. کیچیک-کیریم سلطانلرنینگ اکثریتی اونگه نوکر بۇلگندیلر. شیبانی خان‌نینگ بونچه‌لیک کوچه‌ییب کېتماغیگه و بونچه‌لیک قدیم خاندانلرنینگ بوزیلماغیگه عبدالعلی ترخان سببچی بۇلدى.

ینه بیرى سیدیوسف اوغلاقچی اېدى. اونینگ کتّه آتّه‌سى مۇغولدن کېلگن اېکن. آتّه‌سینی اولوغ بېک میرزا قدرله‌گن اېدى. سیدیوسف اوقوولی و تدبیرلی کیشی اېدى. مردانه‌لیگی هم بار؛ قۇیزنى یخشى چلردى. مېن کابل‌گه کېلگن دستلبکی پیتلری یانیمده اېدى، کتّه اعتبار کۆرستگندیم، اعتبارگه ارزىگولیک فضیلتلری هم بار اېدى. اولگی ییلی هندوستان‌گه قۇشین تارتگنیمده سیدیوسف بېکنى کابل‌گه حاکمیت تېپه‌سیگه قۇیگندیم. اؤشه فرصتده عالم‌دن اؤتدى.

ینه بیرى درویش بېک. تېمور بېک قدرله‌گن اېگو تېمور بېکنینگ نسلیدن اېدى. حضرت خواجه عبیدالله‌گه اخلاصی بار اېدى. موسیقی علمیدن خبردار، ساز چلر، شعرى قابیلیتی بار اېدى. سلطان احمد میرزا چیرچیق سووی بۇییده شکست تاپگنده، چیرچیق سوویگه غرق بۇلدى.

ینه بیرى محمد مزید ترخان درویش محمد ترخان‌نینگ توغیشگن اینیسی اېدى. بیر نېچه ییل تورکستان حاکمی بۇلدى. شیبانی خان تورکستاننى اوندن آلدى. اوقوولی و تدبیرلی کیشی اېدى. رحمیسز و اخلاقسیز اېدى. سمرقندنى ایگینچی و اوچینچی مرتّه آلگنیمده مېنینگ حضوریمده کېلگندى. مېن هم یخشى اعتبار کۆرستگندیم. کؤل ملک اوروشیده اؤلدى.

ينە يىرى باقى ترخان اېدى. او عبدالعلى ترخان نىنگ اۋغلى و سلطان احمدمىرزانىنگ
 عمكى بچەسى اېدى. آتەسىدن سۇنگ بخارا حكومتىنى اونگە بېرگندىلر. سلطان على مىرزا
 زمانىدە جودە كوچە يىگن، نوكرى بېش-آلتى مىنگگە يېتگن اېدى. سلطان على مىرزاگە
 اونچەلىك مطيع و اطاعتكار اېمىسدى. شىيانى خان بىلن دېبوسىدە قلعەسىدە اوروشىپ،
 يېنگىلدى. اۋشە غلبەدن كېين شىيانى خان بخارانى آلدى. قوشنى كۇپ يىخشى كۇردى.
 ايتىشلر بچە، اونىنگ يېتى يوزتە قوشى بار اېكن. فعل-اطوارىدە ايتىشكە ارزىگۇلىك فضىلەت
 يۇق اېدى. مىرزالىكە و دولتمندلىكە اولغە يىگندى. آتەسى شىيانى خان گە يىخشىلىكلر
 قىلگنى باعث شىيانى خان قاشىگە باردى. او حق تېمس، مروتسىز كورگن يىخشىلىكلرى
 عوضىگە باقى ترخاننى ھېچ قدرلەمەدى و اونگە شىقت قىلمەدى. او خوار-زارلىككە آخسى
 ولايتىدە عالمىدن اۋتدى.

ينە يىرى سلطان حسين ارغون اېدى. بىر قنچە وقت قارە كۇل حكومتى قۇلىدە بۇلگنى
 اوچون سلطان حسين قارەكۇلى نامى بىلن مشهور اېدى. او قوولى و تدبىرلى كىشى اېدى.
 مېنىنگ قاشىمدە ھم كۇپ بۇلر اېدى.

ينە يىرى قول محمد بوغدا قوچىن اېدى. مردانەلىگى ھم بار اېكن.
 ينە يىرى عبدالكرىم اشريت او يغور اېدى. سلطان احمد مىرزا قاشىدە اېشىك آغە اېدى.
 سخى و مردانە كىشى اېدى.

سلطان احمد مىرزا وفاتىدن سۇنگ بېكلر اۋزارا كېلىشىپ، تاغ يۇلى آرقەلى سلطان
 محمودمىرزاگە چاپر يوبارىپ، ياردم سۇردىلر. سلطان ابوسعيدمىرزانىنگ آغەسى منوچەر
 مىرزانىنگ اۋغلى ملك محمد مىرزا سلطنت آرزوسىدە بىر نېچە دەيدى و بې باشلرنى اۋزىگە
 قۇشىپ، لشكرىدن آيرىلدى. بىراق، سمرقندگە كېلىپ ھم ھېچ ايش قىلەلمەدى. اۋزىنىنگ و
 ينە بىر نېچە بېگنە پادشاهزادەلرنىنگ اۋلىمىگە سېبىچى بۇلدى، خلاص.

بو خبر سلطان محمودمىرزاگە يېتگنى زھاتى ياق، او درحال سمرقندگە كېلىپ، زحمت و
 مشقتسىز تىختگە اۋتيردى. سلطان محمودمىرزانىنگ بىر نېچە يامان ايشلرىدن عزيز و شرفلى

سپاھى ھمدە اھالى نىفرتلىنىپ قاچىش يۇلىنى توتدى.

اولى شوكة، ذكر ايتىلگن ملك محمد ميرزا سلطان محمود ميرزا عمكىسى نىنگ اۋغلى و اۋزى نىنگ كويىلىق ايدى؛ يىنە تۇرت ميرزانى كۆكسرايگە چىقىرىپ، ايگىسىنى قۇيىپ يوبارىپ، ملك محمد ميرزانى و يىنە بىر ميرزانى شەھىد قىلدى. بولرىنىڭ بعضىسى گە اصلىدە پادشاهلىك تېگمىس ھم ايدى. اولرىنىڭ بوندەي آرزولرى يۇق ايدى. گرچە ملك محمد ميرزادە بىر آز گناھ بۇلسەدە، باشقىلرى نىنگ ھېچ گناھى يۇق ايدى.

سلطان محمود ميرزا قتيق قۇل و ترتيبلى، دېوانپرست، محكمەدە كۆپ اۋتيرەدىگن كىشى ايدى. حساب علمىنى بىلر، بىراق طبعى ظلم و بوزوقلىككە مايىل ايدى. سمرقندگە كىرگچ، اۋزگچە ترتيب و توتوم اۋرنتىدى، يىنگى سالىقلر چىقرە باشلەدى.

بورون حضرت خواجه عبيدالله گە تېگىشلى كىشىلر، پىر حمايه سى باعث، كۆپ فقير-مسكىنلر خراج و سالىقلردن خلاص بۇلدىلر، سلطان محمود ميرزا آدملىرى شولرگە ھم عزت-اكرام كۆرسەتتىش نرى تورسىن، ظلم و زۇرلىك كۆرسەتە باشلەدىلر. بوندەي تضييقلر خواجه نىنگ اولادىگە نسبتاً ھم قۇللنىلدى.

بوندن تشقىرى، اۋزى قندەي ظالم و اخلاقسىز بۇلسە، بېك و كىچىك بېكلر و نوكر و خدمتچىلرى نىنگ برچەسى ھم شوندەي ظالم ايدىلركە، حصار اېلى، خصوصاً، خسروشاھ گە تعلقلى اېل ھمىشە ايچكىلىك و بوزوقچىلىك بىلن مشغول بۇلدى. بوشو درجە گە يېتىدىكە، خسروشاھ نىنگ نوكرلرىدىن بىرى بىر كىشى نىنگ خاتىنىنى تارتىپ آلەدى. خاتىن نىنگ اېرى خسروشاھ گە عرض قىلگندە، او جواب بېرىپ: "بىر نېچە يىل سېن بىلن بۇلگن ايدى، اېندى بىر نېچە كون اونىنگ بىلن بۇلسىن"، دېدى.

يىنە شوكة، شھر و بازار اېلى، تورك و سپاھى نىنگ اۋسىمىر اۋغلانلرى شاھ بېچە قىلەدى، دېگن قۇرقوۋدە اويدن چىقمىسدىلر. سمرقند اھلى يىگىرمە-يىگىرمە بېش يىل سلطان احمد ميرزا زمانىدە آسايشتە و فراغت بىلن كون كېچىرگن ايدى؛ اكثر مھم ايشلر حضرت خواجه طفىلى عدالت و شريعت يۇلى بىلن عملگە آشردى. بوندەي ظلم و بوزوقچىلىككە

خلق‌نینگ جان و دللری آزار چپکیب، رنجیدیلر. عزیز و شریف، فقیر و بی‌چاره‌لر نفرت و
 قرغیشگه آغیز آچیب، قۇل کؤتردیلر.
 حذر کن ز درد درون های ریش،
 که ریش درون عاقبت سر کند،
 به هم بر مزن تا توانی دلی،
 که آهی جهانی به هم برکند.
 (ترجمه‌سی:
 دلنی یره‌له‌مه، آهیدن چؤچی،
 بو یره بیرار کون سیرتگه تپیه‌دی.
 بیرارته کؤنگیلگه بیر مه‌گیل آزار،
 جهاننی اؤرتشگه بیر آه یپته‌دی.)
 خلص، ظلم و بوزوقچیلیک کثافتیدن سلطان محمود میرزا سمرقندده بپش-آلتی آیدن
 آرتیق حکمرانلیک قیله آلمه‌دی.

تۇقىز يوزىنچى (۱۴۹۵-۱۴۹۶) يىل واقىەلىرى

مېنگە سۇلتان محمودمىرزادىن عبدالقەدۇس بېك اسمىلى اېلچى كېلدى. تونغىچ اۇغلى سۇلتان مسعودمىرزاگە آغەسى سۇلتان احمدمىرزانىنگ آق بېگم اسمىلى ايگىنچى قىزىنى توى-تماشالار بىلەن آلگىنى نىنگ بېلگىسى صفتىدە ساقچى كېلتىردى: آلتىن و كوشۇش بىلەن پىستەلر قىلىدىلەر.

اېلچى نىنگ حسن يعقوبگە قىرىنداشلىقى بار اېكەن. حسن يعقوبنى وعدەلەر بىلەن سۇلتان محمودمىرزاگە قرەتگىنى كېلگەن اېكەن. يوشاق جواب آيتىپ، اۇزىنى او تامانگە اۇتگەندېك كۆرسەتەتەن اېلچىنى جۇتتى. بېش-آلتى آيدىن سۇنگ حسن يعقوبنىنگ فعلى اۇزگەتەن، مېنىنگ يىقىندەگى كۆتە-كېچىك بىلەن يامان مەاملە قىلەباشلەدى. ايش شۇ درجەگە يەتتىكە، مېنى جۇنەتەن، جەهانگىر مىرزانى پادشاه قىلماقچى بۇلدى. حسن يعقوبنىنگ باشقە كىشىلەر، امىرلەر و سپاهى بىلەن ھەم مەاملەسى يىخىشۇ اېمىس اېدى. اونىنگ بوشۇندىن بىرچە اېل خىردار بۇلگەندى. خواجه قاضى و قاسم قوشچىن، على دوست تەغابى و اوزون حسن ھەمدە يەنە بعضى خىر خواھلەر مېنىنگ اولوغ آنەم اېسان دولت بېگم نىنگ قاشىگە يىغىلىشىپ، حسن يعقوبنى بېكلىكەن توشىرىپ، فەتەسىگە بىرھەم بېرىشكە قارار قىلدىلەر. خاتىنلەر آرسىدە فەكرلەش و تەدبىردە اولوغ آنەم اېسان دولت بېگمگە يەتەدىگىنى كەم اېدى، كۆپ عاقىلە و تەدبىرلى اېدى. مەھم ايشلەر كۆپراق اولرنىنگ كېنگىشى بىلەن بۇلدى.

حسن يعقوب ارگەدە، آنەم و كۆتە آنەم-اېسان دولت بېگم تەشقى قۇرغاندەگى شاھكە قرەشلى مەزلەدە اېدىلەر.

فتنەچىنى عملدن توشىرىش نىتى بىلەن آلتىب ارکە قەرب يۇل آلدىم. حسن يعقوب قوش
 اويگە آتلانگن اپکن. خبر تاپىب، اوشە ياقدن-آق سمرقند سىرى جۇنپ قالىبدى.
 اونىنگ اطرافىدە گىلر، برچە بېكلرى قۇلگە آلىندى. توتىلگن بېكلر-محمد باقرىبىك،
 سلطان محمد دۇلداي نىنگ آتەسى سلطان محمود دۇلداي اېدىلر. اولردن باشقەلرى ھەم بار
 اېدى. ايرىملرىگە سمرقندگە كېتىشگە رۇخست بېرىلدى. اېشىك آغەلىك و اندىجان شەھرى
 حاكملىگى قاسم قوچىن گە تاپشىرىلدى.

سمرقندگە كېتىش نىتىدە يۇلگە چىققن حسن يعقوب كندى بادام گچە بارگن اپكن. بىر
 نېچە كوندن سۇنگ بوزوق فكر بىلەن اخسى گە قەرب يۇل آلىب، خۇقان كېنتى اطرافلىرىگە
 كېلگنيدە خبر تاپىب، بعضى بېكلر بىلەن يىگىتلەرنى اونىنگ اوستىگە جۇتەدىك. ھجومچى
 قىسم بېكلرى بىر گروە يىگىتلەرنى اۋزلىرىدىن ايلگىرىق قراۋوللىككە يوبارگن اېدىلر. حسن
 يعقوب بىلىپ قالىب، كېچەسى بو قراۋوللىككە اجرە تىلگن يىگىتلەرنىنگ اوستىگە يورىب،
 مالشاخى طرزىدە عسكەر تىزىب، اۋق آتتيرەدى. لېكن قارانغى كېچەدە قاچە آلمەى، اۋز
 عسكەرنىنگ اۋقى چكەسىگە تېگىب، قىلمىشى نىنگ قربانى بۇلدى.

چو بد كرى، مېاش اېمەن ز آفات،

كە واجب شۇ طبيعت را مكافات.

(ترجمەسى:

يامانلىك قىلدىنگىمى: سېنگە يۇق نجات،

طبيعتكە واجب عوض — مكافات.)

اوشبو يىلى شېھەلى طعامدن اۋزىمنى تارتە باشلەدىم. پىچاق، قاشق و دسترخوانگچە
 احتياط بۇلر اېدىم. تونگى عبادتلەرنى ھەم كمراق ترك اېتتىم.

ربيع الآخر آيىدە سلطان محمودمىرزا بىر آغىر كىسلىككە چلىنىپ، آلتى كوندە عالمىدن
 اۋتدى. قىرق اوچ ياشدە اېدى.

تولدى و نسل-نسبى: سگىز يوز اېلىك يېتتىنچى (۱۴۵۳) يىلى توغىلگن اېدى. ابوسعيد

میرزانیڭ اوچینچی اۋغلی، سلطان احمد میرزانیڭ توغیشکنی اېدی.

شکل و شمایل: پست بۋیلی، سییرهک سقاللی، سېمیز، کم حوصله‌راق کیشی اېدی.

اخلاق و فعل-اطواری یخشی، نمازنی کنده قيلمسدى. ترتیب و باشقریش قابلیتی جوده یخشی اېدی. حساب علمینی پخته بیلردی. ولايتلردن بیرار تنگه، بیرار درهم هم اونینگ رخصتیسیز خرج قیلینمىدی. نوکری نینگ معاشی هیچ قچان کمه‌یتیريلمىدی. بزم و هدیه‌سی، ضیافتی و دېوانی (محکمه‌ده ایش یوریتیشی) جوده یخشی اېدی. برچه‌سی قاعده و ترتیب بیلن آلیب باریلردی. شونده‌ی ترتیب و انتظام اۋرنتگن اېدی که، لشکر هم، خلق هم اونى سوءاستعمال قیله آلمىدی. آلدینلری قوش آویگه جوده اۋچ اېکن. سۋنگره کۋپراق حیوان آوله‌یدینگن بۋلدى. ظلم و بوزوقلیک بیلن کۋپ مشغول بۋلر، متصل می ایچردی. کۋپ بچه سقلر، اۋزیگه قره‌شلی جایلر نینگ قه‌پیریده چیرایلی اۋسمیرلر بۋلسه، اولرنی تورلی یۋللر بیلن کېلتیریب، بچه قیلردی. بېکلر نینگ اۋغیللرینی، کۋگلداشلرینی بچه قیلر، حتا اۋزی نینگ کۋگلداشیدن توغیلگنگه هم بو خدمتنی بویورگندى. بو شوم عادت شونچه‌لیک رسم بۋلگن اېدی که، بچه‌سیز کیشی یۋق اېدی. بېساقالبازلیکنی هنر دېب بیلشردی. بچه سقله‌مسلیکنی عیب سنه‌شردی. ظلم و بوزوقچیلیک نینگ کثافتیدن برچه اۋغلانلری جوان مرگ بۋلدیلر.

شعرگه اشتیاقی بار اېدی. دېوان ترتیب بېرگن، بیراق شعرى جوده بۋش و بی مزه اېدی. اونده‌ی شعر یازگندن کۋره، یازمه‌گن یخشیراق.

یامان اعتقادلی کیشی اېدی. حضرت خواجه عبیدالله‌نی قدرله‌مسدى. یوره‌ک‌سیز، حیاسی کمراق کیشی اېدی. اطرافیده بیر نېچه مینواز و بی‌باکلر ییغیلگن، دېوان و خلاق قاشیده یامان و خونیک حرکتلر قیلردی. بد کلام اېدی. سۋزینی درحال انگلب بۋلمىدی.

اوروشلری: ایگى مرته صف تارتیب جنگ قیلدى. هر ایگله‌سیده هم سلطان حسین باقرا میرزا بیلن تۋقنه‌شدى: بیر مراتبه استرابادده مغلوب بۋلدى. ینه بیر مرته اندخود توپراغیده، چکمن دېگن یپرده هم مغلوب بۋلدى. ایگى مرته بدخشان نینگ جنوب

تامانىدەگى كافرىستانگە بارىپ غزوت قىلدى. شو سىبىلى فرمانى نىنگ سرلوحەسىدە سلطان محمود غازى دېب يازدىلر.

ولايتلىرى: سلطان ابوسعیدمىرزا اونگە استرآبادنى بېرگن اېدى. عراق واقعهسىدن كېين (اوشە يېردە ابوسعیدمىرزا جنگدە ھلاک بۇلگن) خراسانگە كېلدى. بو پىتدە حصار حاکمى قنبرعلى بېك سلطان ابوسعیدمىرزانىنگ بو يروغى بىلن هندوستان لشكرىنى يىغىب عراققە، مىرزانىنگ آرقەسىدن بارەياتگندە خراسان دە سلطان محمودمىرزاگە قۇشىلدى. سلطان حسين بايقرامىرزانىنگ آوازەسىنى اېشىتگىچ، خراسان خلقى ھجوم قىلىپ، سلطان محمودمىرزانى خراسان دن ھىدەدىلر. سلطان محمودمىرزا سمرقندگە سلطان احمدمىرزا قاشىگە كېلدى. بىر نېچە آيدن سۇنگ احمد مشتاق باشلىق سىد بدر و خسروشاھ ھمدە ينە بعضى يىگىتلر سلطان محمودمىرزانى آلىب قاچىپ، حصارگە قنبرعلىبېك قاشىگە باردىلر. اوشندن بېرى قھقە بىلن كۇھتن تاغى نىنگ جنوب طرفىدەگى ولايتلر، چنانچە، ترمذ و چغانيان، حصار و ختلان، قوندوز و بدخشان هندوكش تاغىگچە سلطان محمودمىرزانىنگ اختيارىگە اۋتدى. اكەسى سلطان احمدمىرزا اۋلگندن سۇنگ اونىنگ ولايتى ھم بونىنگ تصرفىدە بۇلدى.

اولادى: بېش اۋغىل، اۋن بىر قىز كۇردى. برچە اۋغىللرىدن كئەسى سلطان مسعودمىرزا اېدى. آنەسى مىر بزرگ ترمذى نىنگ قىزى اېدى.

ينە بىر اۋغلى بايسونقور مىرزا اېدى. آنەسى پاشاھبېگم اېدى. ينە بىر اۋغلى سلطانعلى مىرزا اېدى. آنەسى زھرەبېگم آغە اۋزبک چورى اېدى.

ينە بىر اۋغلى سلطان حسين مىرزا اېدى. آنەسى خانزادەبېگم مىر بزرگ نىنگ نىرەسى اېدى. او مىرزا تىرىكلىگىدە اۋن اوچ ياشىدە تنگرى رحمتىگە باردى.

ينە بىر اۋغلى سلطان اۋىس مىرزا اېدى. آنەسى يونس خان نىنگ قىزى، مېنىنگ آنەم نىنگ سىنگلىسى سلطان نگارخانم اېدى. بو تۇرت مىرزانىنگ حالتلىرى مذکور اثر نىنگ تېگىشلى واقعه لرىدە ذکر اېتىلەدى.

اوچ قىزى بايسونقور مىرزا بىلن بىر توغىشگن اېدى. كئەسىنى سلطان محمودمىرزا

عمکیسی منوچهر میرزانینگ اۋغلی ملک محمد میرزاگه چیرگن ابدی.

ینه بېش قیزی میربزرگ نینگ نېوره سی خانزاده بېگم دن ابدی. کتّه سینی سلطان محمود میرزا وفاتیدن کپین ابابکر کاشغریگه بېردیلر. ایگینچی قیزی بیکه بېگم ابدی، سلطان حسین بايقرا میرزا حصارنی قمل قیلگنده سلطان ابوسعید میرزانینگ قیزی پائنده سلطان بېگم دن توغیلگن حیدر میرزا اسملی اۋغلیگه آلیب، یرەشیب، حصارنینگ اوستیدن قیتیب کپتدی. اوچینچی قیزی آق بېگم ابدی. تۆرتینچی قیزی آی بېگم ابدی. سلطان حسین میرزا قوندوز اوستیگه کپلگنده، عمرشیخ میرزا اۋغلی جهانگیر میرزانی اندیجان لشکری بیلن کۆمککە یوبارگنده جهانگیر میرزاگه نامزاد بؤلگن ابدی. توقیز یوز و اۋنینچی ییلی (۱۵۰۴) آمودریا بۇيیده باقی چغانیانی مېنگه کپلیب ملازمت قیلدی. بو بېگملر آنەلری بیلن ترمذده ابدیلر. بولر هم باقی چغانیانی نینگ کۆچ-کۆرانی بیلن کپلیب قوشیلدیلر. کاهمردگه کپلگنده آی بېگم نی جهانگیر میرزا آلدی. بیرگینه قیز کۆردی. مذکور ییلده او کتّه آنەسی خانزاده بېگم بیلن بدخشان ولایتیده دیر. بېشینچی قیزی زینب سلطان بېگم ابدی. کابلنی اېگلله گنیمده آنەم قوتلوق نگار خانم نینگ تکلیفی بیلن اونى آلدیم، خيله هم جهتلیک بؤلمه دی. ایگى-اوچ ییلدن سۇنگ چپچک خسته لیگی بیلن عالمدن اۋتدی. ینه بیر قیزی مخدومه سلطان بېگم ابدی. سلطان علی میرزانینگ توغیشگن اېگه چیسى دیر. حاضر بدخشان ولایتیده. ینه ایگى قیزی ایگى کنیزکدن توغیلگن: بیرى نینگ آتی رجب سلطان، ینه بیرى نینگ اسمی محب سلطان دیر.

خاتینلری و کنیزکلری: کتّه خاتینی میربزرگ ترمذی نینگ قیزی خانزاده بېگم ابدی. میرزا اونى جوده سېوردی. او سلطان مسعود میرزانینگ آنەسى ابدی. خانزاده بېگم اۋلگنده میرزا جوده قتیق تعزیه توتگندی. اوندن سۇنگ میربزرگ نینگ نېیره سی- خانزاده بېگم نینگ برادرزاده سینی آلدی. اونى هم خانزاده بېگم دېر ابدیلر. بېش قیز و بیر اۋغیل نینگ آنەسى ابدی.

ینه بیرى- پاشاه بېگم. قاره قۇیلوق بهارلو ایماغی تورکمن بېکلردن علی شکور بېک نینگ

قىزى اېدى. اونی اۆل جهانشاھ مىرزا بارانى قارەقۇيلوق نىنگ اۇغلى محمدى مىرزا آلگن اېدى. آذربايجان و عراقنى جهانشاھ اولادىدن آق قۇيلوق اوزون حسن آلگىچ، على شۇكور بېك نىنگ اۇغىللىرى تۇرت-بېش مىنگ اويلى قارەقۇيلوق تورکمنلر بىلن سلطان ابوسعید مىرزا خدمتگه کىردىلر. سلطان ابوسعید مىرزا يېنگىلگندە بو ولايتلرگه توشدىلر. سلطان محمود مىرزا سمرقنددن حصارگه کېلگندە اېسە، اولر سلطان محمود مىرزا خدمتگه کىردىلر. پاشاھ بېگم نى سلطان محمود مىرزا اۋشە پىتدە آلگن اېدى. پاشاھ بېگم بىر اۇغىل، اوچ قىز نىنگ آنەسى اېدى.

ينە بىرى سلطان نگار خانم اېدى. نسى خانلر واقعه لرىدە شرحل ب يازىلگندى. چۇرى و کنىز کلىرى هم انچه اېدى. معتبر چۇرىسى زهره بېگم آغە اېدى. اۋزىک دن. سلطان ابوسعید مىرزانىنگ تىرىکلىگىدە، ياشلىگىدە آلگندى. او بىر اۇغىل، بىر قىز نىنگ آنەسى اېدى. کنىزلىرى هم انچه اېدى. اولرنىنگ ايگىتە سىدن ايگى قىز بۇلگن اېدى کە، يوقارىدە ذکر قىلىندى.

امىرلىرى: خسروشاھ تورکستانلىک قىپچاقلردن. کىچىکلىگىدە ترخان بېکلىرى نىنگ خدمتيدە اېدى. بلکه شخسى ساقچى اېدى. اوندن سۇنگ مزىدېک ارغون گە نوکر بۇلدى. او خسروشاھ نى هر تامانلما قدرلەگن اېدى. عراق مغلوبىتيدە سلطان محمود مىرزاگە قۇشلىب يۇلدە کېلە ياتگندە ارزىرلى خدمتلر قىلگنى اوچون سلطان محمود مىرزانىنگ اعتبارىنى قازاندى. کېىنچە لىک جودە کوچە يىب کېتدى. سلطان محمود مىرزانىنگ زمانيدە ياق خسروشاھ نوکرى بېش-آلتى مىنگگە يېتگندى. آمودريادن هندوکش تاغىگچە بدخشان دن باشقە ولايتلرنىنگ همەسى اونگە تعلقلى اېدى. بىر بوتون مستحکم بېکلىک توزدى. ضياقتى و سخاوتى يخشى اېدى. سادەلىگىگە قرەمى، جودە تايرمان-چاپرمان اېدى. قنچە کۆپ تاپسە، شونچە يخشى خرج هم قىلردى.

سلطان محمود مىرزادن سۇنگ اۇغلانلرى نىنگ زمانيدە هم جودە کوچە يىب کېتدى. نوکرى يىگىرمە مىنگگە يقىنلشگن اېدى. گرچە نماز اۋقېب، طعامدە پرهىز قىلسە هم، اما

بېتىمىز، بوزوقى، ادراكسىز، بېفەم، بېوفا و عاقىبتىز كىشى اېدى. بېش كونلىك اوتر دىنا اوچون بىر اۋزى اۋستىرگن ولى نعمتزا دەسى سلطان محمود مىرزا اۋغلى نىنگ كۈزىنى كۈر قىلدى. باشقە بىرىنى اۋلدىردى. تنگرى قاشىدە عاصى و خلق آلدىدە يامان آتلىق بۇلدى. قىامت تانگىگچە لعنت و نفرتگە سزاوار بۇلدى. بو اۋتر دىنا اوچون شوندى يامان ايشلر قىلدى. بوندەى جودە آباد ولايت و بونچەلىك كۈپ يراغلىك نوكرگە اېگە بۇلە توريىب، بىر ماكيان بىلن هم اوروشمەدى. ھلى بو واقەلر ذكرى كېلەدى.

ينە بىرى پىر محمد اېلچى بوغە، قۈچىن اېدى. بلخ دروازەسىدە ھزارەلر بىلن اوروشدە سلطان ابوسعيد مىرزا آلدىدە بحث بايلىشىپ مشت جىنگىگە كىرگەندى. مردانە كىشى اېدى. سلطان محمود مىرزاگە دايم ملازمت قىلدى. مىرزانىنگ اختىيارى گە قىرەب ايش توتىردى. سلطان حسين بايقرا مىرزا قوندوزنى قىلگەندە، خسروشاھگە قرشى آز كىشى بىلن زىرھلى كىمىسىز اۋىلەمەى نېتمەى تونگى باسقىنگە آتلەندى. او شوندى كۈپ نوكرگە قرشى نېمە هم قىلە آلردى! محمد اېلچى بۇغە آرقەسىدن قوۋگونچى باردى: او اۋزىنى درياگە تشلب، غرق بۇلدى.

ينە بىرى ايوب اېدى. سلطان ابوسعيد مىرزا قاشىدە خراسان تىن قۇرىقچىلرى قىسمىدە خىدمەت قىلدى. بو مردانە كىشى بايسونقور مىرزانىنگ بېك آتەسى اېدى. يېمك و كىمىگى معيارى بىلن اېدى. ھىلەش و سۈزەمال بۇلگىنى اوچون سلطان محمود مىرزا اونگە "بې حيا" دېپ خطاب قىلر اېكن.

ينە بىرى ولى، خسروشاھنىنگ توغىشگن اينىسى اېدى. نوكرىنى يىخشى سقىلدى. سلطان مسعود مىرزانىنگ كۈزىگە مىل تارتىلماغىگە و بايسونقور مىرزانىنگ اۋلدىرىلماغىگە سىبىچى او اېدى. جىمىع اېل نىنگ غىبىتىنى قىلدى. تىلى زەر و فەش سۈزلر ايتگوچى، قىسر و بې مزە اېركك اېدى. اۋزىدن باشقە ھېچ كىشىنى بىرر-بىر ايشدە پسند قىلمىسدى. مېن قوندوز ولايتىدن كېلىپ دوشى اطرافىدە خسروشاھنى نوكر-سودرىدن اىيرىپ جۇنشگە رخصت بېرگن پىتىمدە، او ھم اۋزىكلر قۇرقوۋىدن اندراب و سېرابگە كېلگەندى. او موضىلەردەگى

ايماكلارنى باسيب-تلب، بيزنى دېب كابل گە كېلدى. ولى محمد شيبانى خان قاشىگە باردى. سمرقند شەرىدە باشى قىرقىلدى.

ينە يىرى شەيخ عبداللە برلاس اېدى. شاھ سلطان محمدنىڭ بىر قىزى اوندى اېدى. بو عيال بابكر ميرزا بىلن سلطان محمودخاننىڭ خالەسى بۇلەدى. شەيخ عبداللە برلاس تۇنى ترنگ و تار كيىر اېدى. آدمى و اصيل كىشى اېدى.

ينە يىرى محمود برلاس اېدى. نۆنداكلىك 'برلاسلىرىن. سلطان ابوسعيدميرزا قاشىدە ھەم بېك اېدى. سلطان ابوسعيد ميرزا عراق ولايتىنى اېگللەگندە كرمان شەرىنى محمود برلاس گە بېرگن اېدى. بابكر ميرزاگە مزىدبېك ارغون و قارەقۇيلوق توركمەن بېكلىرى قۇشلىپ، سلطان محمود ميرزانىڭ اوستىگە حصارگە يورگندە، سلطان محمودميرزا آغەسى يانىگە- سمرقندگە كېتدى. محمود برلاس حصارنى بېرمەي، يىخشى حمايە قىلدى. دېوان توزگن شاعر اېدى.

سلطان محمود ميرزانىڭ وفاتىدىن سۇنگ خسروشاھ بو واقىعەنى اېلدىن يىشېرىپ، خزىنەگە قۇل چۇزە باشلەدى. بوندەي خېرىقندەي يىشېرىن قالدردى؟ درحال بوتون شەھر خلقىگە يايىلدى. اۋشە كونى سمرقند خلقىنىڭ كتە ھىيتى اېدى. لشكر و فقرا خسروشاھنىڭ اوستىگە ھجوم قىلىش پىيدە بۇلدېلر. احمد حاجى بېك و ترخان بېكلىرى غوغانى باسيپ، خسروشاھنى چىقىرىپ حصارگە اوزەتدېلر. سلطان محمودميرزا حياتلىگىدە كتە اۋغلى سلطان مسعودميرزاگە حصارنى، بايسونقور ميرزاگە بخارانى بېرگن اېدى. بو واقىعە، يعنى سلطان محمودميرزانىڭ وفاتى پىتيدە ھېچ قىسى اۋغلى حاضر اېمس اېدى. خسروشاھنى ھىدەشگندىن سۇنگ سمرقند و حصار بېكلىرى اۋزارا كېلىشىپ بخاراگە- بايسونقور ميرزاگە كىشى يوباردېلر و كېلتىرىپ، سمرقند تىختىگە اۋتىرغىزدېلر. بايسونقور ميرزا پادشاھ بۇلگندە اۋن سگىز يىش اېدى.

1-“Navandok”

اوشه فرصتده تاشکند حاکمی سلطان محمودخان سلطان جنید برلاس و سمرقندنینگ بعضی اولوغلری سۆزی بیلن سمرقندنی اېگللش امیدیده لشکر تارتیب، کنبای^۲ موضعیگه کېلدی. سمرقنددن بایسونقور میرزا هم کتّه، یخشی قوراللانگن لشکر بیلن چقیب، کنبای موضعیده صف تارتیب اوروشدیلر. حیدر کؤکلداش مۇغول لشکرینینگ اولوغ تینچی، هجومچیلیک قسیمی نینگ باشلیغی اېدی؛ همه‌لری آتدن توشیب، جنگه کیردیلر. سمرقند و حصارنینگ همتملی ییگیتلری آت سالدیلر. حیدرېک باشلیق آتدن توشگنلر بوتونله‌ی آت‌لر یاغی آستیده قالدیلر. حیدرېک قۇلگه آلینگچ، مۇغوللر اوروشه آلمه‌دیلر، یېنگیدیلر. کۆپ مۇغول کیشیسی قیریلدی. بایسونقور میرزا اؤز آلدیده هم کۆپ کیشی نینگ باشینی آلدیردی. شونچه‌لیککه باریلدی که، اؤلیک نینگ کۆپلیگیدن شاه چادرینی اوچ یرگه کۆچیردیلر.

بو فرصتده مینگلیک اېلیدن بۇلگن، آتم‌نینگ آلدیده کیچیکلیگیدن خدمت‌لر قیلیب بېکلیک مرتبه‌سیگه یېتگن، بیراق سۇنگره بیر گناهی طفیلی مرتبه‌سی پسه‌یتیریلگن ابراهیم سارو اسفره قۇرغانینی اېگللب، بایسونقور میرزا آتیگه خطبه اؤقیتدی، مخالف تامانیده بۇلدی.

شعبان آییده ابراهیم سارو فتنه‌سینی دفع اېتیش اوچون لشکر آتلندی. اوشبو آیینگ آخیریده اسفره‌نی قمل قیلدیک. اوشه کونی ییگیتلر شۇخلیک قیلیب، یېتیب کېلگندن-آق، قۇرغان نینگ تشقریسیده‌گی ینگى سالینگن قۇرغاننی آلدیلر. سید قاسم اېشیک‌آغه شو کونی همه‌دن یخشیراق حرکت قیلیب، اؤزیب قیلیچ اوردی. سلطان احمد تبیل هم قیلیچی نینگ کوچینی کۇرستدی. محمد دؤست تغایی هم قیلیچبازلیک دادینی بېردی. بیراق بهادرلیک اولوشی ساورینینی سید قاسم آلدی. بهادرلیک اولوشی مۇغوللرده قدیمی رسم دیر. هر اوروش و حرب معرکه‌سیده هر کیم‌که اېلدن اؤزیب قیلیچ اورگن بۇلسه، اولوشنی اوشه آله‌دی. شا هر خیه‌گه بارگنده، تاغهم سلطان محمودخان نینگ نمونه‌لی بهادرلیک اولوشینی

سید قاسم آلدی. اولگی كونگی اوروشده خدای بپردی بیک آتمگه تخش^۳ اوقی تېگیب، اۋلدی. زرهلی کییمسز اوروشگه کیریلگنی اوچون بعضی ییگیت-یلنگ نابود بۋلیب، انچه آدم یره دار بۋلدی. ابراهیم سارونینگ قاشیده بیر تخشآتری بار اېدی، جوده یخشی آتردی. اونینگدېک تخشآترنی کۋرمه گن اېدیک. اکثر اېلنی او یره دار قیلدی. قۇرغان آلینگندن سۇنگ، اۋشه تخشآتر دایم مېنینگ قاشیمده بۋلدی. قمل اوزاققه چۋزیلدى. ایکی-اوچ پېرده سرکۋېلر یسەب، پېرآستی یۋللرینی قزیش بویوریلدی. قلعه آلیش حرکتیگه جدي کیریشیش تعینلندی. قمل قیرق کونگه چۋزیلدى.

آخری ابراهیم سارو عاجز قالیب، خواجه مولانای قاضی نینگ واسطه چیلگی بیلن قوللیقنی بۋینیگه آلیب، شوال آیدیه قیلیچ، سداغینی بۋینیگه آسیب کېلیب، ملازمت قیلیب، قۇرغانی تاپشیردی.

خۇجند هم اوزاق مدتلردن پېری عمرشیخ میرزا دولتیگه تعلقی اېدی. بیراق بو تۋس-تۋپالانلرده حاکمیدن پۋتور کېتگنی اوچون سلطان احمد میرزاگه قرر اېدی. شو مناسبت بیلن اونینگ اوستیگه یوریش قیلیب باریلدی. خۇجندده میرمۋغول نینگ آتەسى عبدالوهاب شیغاۋول اېدی. مېن یتگن زھاتی یاق قۇرغانی تگشیب-تارتیشیب اۋتیرمەى تاپشیردی.

بو فرصتده سلطان محمودخان شاهرخیهده اېدی. بوندن بورونراق سلطان احمد میرزا اندیجان توپراغیگه کېلگنده خان هم کېلیب، اخسی نی قمل قیلگندى. ذکر اېتیلگنیدېک، خاطریمگه کېلدى که، خان آنەمینگ اکەسى دیر، آرە بونچەلیک یقین بۋلگنی باعث باریب باش اېگسم، اۋتگن کینه-کدورتلر برطرف بۋلسە، یقین-بیراقدە اېشیتگن-کۋرگنگە یخشی بۋلەدى، دېب کېلیب، شاهرخیهدن تشقریدهگی حیدر بیک سالگن باغده خانگە ملازمت قیلدیم. خان باغ نینگ اۋرتەسیدهگی اولوغ چاردردە (تۋرت اېشیکلی) اویده اۋتیرگن اېدیلر. اویگە کیرگچ، اوچ مرتە تعظیم قیلدیم. خان هم تعظیم قیلیب اۋرینلردن توردیلر.

۳-تخش- کیچیک اۋق آتیش قورالی.

کۆریشیب، قَیتیب تعظیم قیلگندن سۇنگ، یانلریگه آلیب، کۇپ شفقت و مهربانچیلیکلر کۆرستیدیلر.

بیر-ایگى کوندن سۇنگ کندیرلیک داوانی بیلن اخسی و اندیجان سری یولگه توشدیم. اخسی گه یتیب آتەمنینگ مزارینی طواف قیلدیم. اخسی دن جمعه نمازی وقتى چقیب، بندسالار یۇلى آرقەلى شام بیلن خفتن نمازی آرسیده اندیجان گه کەلدیم. بو بندسالار یۇلى توقیز ییغاچ یۇل دیر. اندیجان ولایتی نینگ دشتە یشاوپچی اھالیسیدن بیرى آدمى کۇپ چکرەک اېلى دیر. بېش-آلتى مینگ اویلىک اېل. اولر فرغانه بیلن کاشغر آرسیدهگى تاغلردە استقامت قیلەدیلر. آتلىرى کۇپ و قۇیلىرى بې حساب دیر. او تاغلردە قارەمال اۋرینگە قۇتاس سقلەیدیلر. قۇتاسلىرى هم کۇپ بۇلەدى. تاغلرى بېرک و چېگرەدە بۇلگنى اوچون مال بېرىشگە اۋرگنمەگنلر. چکرەک دن مال آلیب، لشکرگە بۇلیب بېرىش اوچون لشکرنى قاسمېپکە باشلەتیب، چکرەک کە یوباریلدى. قاسمېپک باریب، ییگیرمە مینگە یقین قۇی و مینگ-مینگ بېش یوز ات آلیب، لشکرگە اولشدى.

لشکر چکرەک دن قیتگندن سۇنگ اۋرەتپە نینگ اوستیگە آتلیلدى. اۋرەتپە اوزاق مدتلىر عمرشیخ میرزا تصرفیدە اېدى. میرزا اۋلگن ییلى قۇلدن چقیب کەتگندى. بو فرصتدە بايسونقور میرزانینگ اینیسی سلطان علی میرزا بو بېردە اېدى. سلطان علی میرزا خبر تاپیب، اۋزى پُلغَر و مسچا تاغلیکلریگە چقیب کەتیب، بېک آتە شیخ ذوالنوننى اۋرەتپەگە قۇیگن اېدى. خۇجنددن اۋتیب یریم یۇلگە یتگندە، خلیفەنى شیخ ذوالنونگە اېلچى صفتیدە یوباریلدى. او بې عقل ناکس مناسب جواب بېرمەى، خلیفەنى توتتیریب، اۋلیمگە بویوردى. قسمتدە یۇق اېکن، خلیفە خلاص بۇلیب، یوز مینگ مشقت و عذابلىر بیلن ایگى-اۋچ کوندن کەین ییاو و یلنغاچ قَیتیب کەلدى.

اورەتپە طرفلرگە کەلدىک. قیش یقین قالگنى اوچون اېل شالى-مالینی بوتونلەى ییغیشتیریب آلگن اېدى. شوسبیدن بیر نېچە کون اۋتگچ، اندیجان سری قَیتیب یۇلگە توشیلدى. بیز قیتگندن سۇنگ خان لشکرى اۋرەتپە اوستیگە یوردى. اۋرەتپە کیشیلری

سقلەى آلمەى، او يېرنى تشلب چىقىدىلر. خان اۋرەتپەنى محمد حسين كۋرەگان گە بېردى. اۋشە وقتدن توقيز يوز سگيزىنجى يىل گچە (مىلادى ۱۵۰۲ يىل) اورەتپە محمد حسين كۋرەگان دە اېدى.

تۇقىز يوز بيرينچى (۱۴۹۵-۱۴۹۶) يىل واقعه لرى

سلطان حسين بايقرا ميرزا خراسان دن حصار اوستيگه لشكر تارتيب، قيشده ترمذ تۇغرىسيگه كېلدى. سلطان مسعود ميرزا هم لشكر ييغيب، ترمذگه رۇپەرە كېلىپ اۋتيردى. خسرو شاه اۋزى قوندوزنى محكم قىلىپ، اينيسى ولىنى لشكرگه يوباردى. قيش نىنگ اكثرينى سوو ياقه سىده اۋتكزدىلر، نريگه اۋته آلمەدىلر. سلطان حسين ميرزا ايشبيلرمان و تجربه لى پادشاه ابدى. قوندوز سرى دريا يوقارىسيگه كۈچدى. رۇپەرە سىده گى لشكرنى غافل قالدىريب، عبداللطيف بخشى باشلىق بېش-آلتى يوز عهدە برا آدملىرىنى كىلىف كېچىگىگه يوباردى. او لشكر خبر تاپگونچە، عبداللطيف بخشى تعيين بۇلگن ابل يىلن كىلىف كېچىگىدن اۋتيب، سوو ياقه سىنى اېگللەدى. بو خبر سلطان مسعود ميرزاگه يېتىپ بارگچ، ولى خسرو شاه بو كېچگن آدملىرىنىگ اوستيگه بارماققە هرچند حركت قىلدى، سلطان مسعود ميرزانىگ قۇرقاقلىگىدن ياكە ولى نىنگ تېسكرىسى بۇلگن باقى چغانيانى نىنگ رايىگە قرەب، بو كېچگن لشكر نىنگ اوستيگە يورمەدى. لشكر ترتىسىز يۈسەين دە حصار سرى قىتدى.

سلطان حسين ميرزا سوو كېچىپ، بديع الزمان ميرزا و ابراهيم حسين ميرزانى، محمد وليبك و ذوالنون ارغوننى خسرو شاه اوستيگە هجومچى قىسم قىلىپ يوباردى. مظفر ميرزا و محمد بوروندوق برلاسنى ختلان اوستيگە جۈنتدى. اۋزى حصار اوستيگە كېلدى. يقين بارگنده خبر تاپدىلر. سلطان مسعود ميرزا حصارده تورماق نىنگ يۈلىنى تاپالمەي، كمرو

نەھرى ياقەلب، يوقارى سىرى تاغ يۇلى بىلەن اينىسى بايسونقور مىرزا قاشىگە- سمرقندگە كېتىدى. ۇلى ھەم خىلان سىرى يۇل تارتىدى. ھىزار قۇرغانىنى باقى چىغانىانى، مەمۇد بىرلاس و قۇچبېك نىنگ آتەسى سىلطان ھەمىد بېرىكىتىدىلەر.

ھەمە سىلطان و مەھدى سىلطان بىر نېچە يىلدىن بېرى شىيانى خاندىن آيرىلىپ كېلىپ، سىلطان مەمۇد مىرزا خەمتىدە ەپىدىلەر. بىرچە ەزبەكلىرى بىلەن مەمۇد دۇغلت سىلطان ھەسەن دۇغلت و جەمە ھىزار ولايتىدە ەتەرگەن مۇغوللار بىلەن بو تەلەكەدە قارەتېگەن سىرى يۇل تارتىدىلەر. سىلطان ھەسەن مىرزا بو خەبەرلىرىنى ەپىتىپ، ەوالمەھسەن مىرزانى و بەئزى يىگىتلىرىنى كەمۇد دەرەسى يوقارىسىگە، سىلطان مەسۇد مىرزا آرتىدىن يوباردى. تار دەرەگە كىرگەن پىتىدە آرتىدىن پىتىپ بارگەن بۇلسەلەردە، لېكىن آتەرلى ەش ھەم قىلەلمەدىلەر. بىراق، مىرزا بېك فرەنگىياز (ەۋقاتەر) ەندە قىلىچ بىلەن ەش كۇرسەتەدى.

ەبراھىم تەرخان، ەقۇب ەبۇب، ەنە بەئزى لىشەر ھەمە سىلطان و مۇغوللارنىنگ ەستىگە قارەتېگەن گە يوبارىلدى. قارەتېگەن دە كېنىدىن پىتىپ ەورو شىدىلەر. لېكىن ەلەر سىلطان ھەسەن مىرزانىنگ ەلغار قىسمىنى باسىپ، بېكلىرىنىنگ ەكرىنى قۇلگە توشىرىپ، ەنە قۇيىپ يوباردىلەر. ھىزاردىن ەشە چىققانلاردىن كېيەن ھەمە سىلطان، مەھدى سىلطان، ھەمە سىلطان نىنگ ەۋغلى مەماق سىلطان، مەمۇد دۇغلت (سۇنگەرلەر مەمۇد ھىزارى سەفىتىدە مەشۇر بۇلىپ ەپىدى)، سىلطان ھەسەن دۇغلت و بو سىلطانلەرگە تەلەقلى ەزبەكلەر، ھىزار ولايتىدە ەشەب تەرگەن سىلطان مەمۇد مىرزا نەكرلىرى بۇلگەن مۇغوللار بىزنى دەپ رەمزان آيىدە ەندىجانگە كېلىدىلەر.

ەپىتىدە تېمۇرى سىلطانلار رەسمى بىلەن تۇشك ەستىدە ەتەرگەندىم. ھەمە سىلطان بىلەن مەھدى سىلطان و مەماق سىلطان كېلگەنلەردە، بو سىلطانلارنىنگ تەظىمىگە ەرنىمەن تورىپ، تۇشكەن توشىپ، سىلطانلار بىلەن كۇرىشىدىم. سىلطانلارنى ەۋنگ قۇل تامانىمگە ەتەرغىزدىم. مەمۇد ھىزارى باشلىق بىرچە مۇغوللار كېلىدىلەر. بىرچەسى ملازەملىكنى ەختىار قىلىدىلەر.

سلطان حسین بايقرا ميرزا کېلىب حصار قۇرغانىنى قمل قىلدى. لهْم^۲ قۇرماق، قۇرغان آلماق، تاش اورماق و تاشاتر قازان قورماق نىنگ پىيده کېچە و کوندوز آرام و قرارى يۇق اېلدى. تۇرت-بېش پېرده لهْم قۇدىردى. شهر تامان دروازه يانىدن قزىلگن لهْم انچه ايلگريله گندى. قۇرغان اېلى هم لهْم قزىب، بو لهْمنى تاپدىلر. قۇرغانلىکلر يوقارىدن بولرگه تامان توتون هیده ديلر. هجومچىلر تېشىكنى بېرکيتگچ، توتون يوقارىگه قۇرغان اېلى نىنگ اۈزلرلگه قىتىپ، قۇرغان اېلى اۈلیم و هیمه سیده لهْم دن قاجىپ چىقىدىلر. آخرى کۈزه-کۈزه سوو کېلتىرىپ قويىپ، تشقى اېلنى لهْم دن قاجىردىلر. ينه بير مراتبه بير تۈده ایلدم يىگىتلر چىقىپ لهْم اوستیده گى يىگىتلرنى قاجىردىلر. ينه حسین بايقرا ميرزا توشگن شمال طرفدن تاشاتر قازان قورىپ، کۈپ تاش بیلن اوریپ، قلعه نىنگ بير بورچگى ده گى منارهنىنگ ايچىنى اۋىدىلر. خفتن نمازی پىتیده قلعه نىنگ كونگيره دار اوستونى اوچدى. بعضى يىگىتلر تېزلىک قىلىپ اوروشگه رخست سۈردىلر. سلطان حسین ميرزا "کېچەسى بۇلدى"، دېب رُخصت بېرمه دى. تانگ آنگونچه قۇرغان اېلى قلعه نىنگ اوچگن اوستونىنى تۈله تعميرلې، قىته دن تىكله گن اېدىلر. اېرتەسى اوروش هم بۇلمه دى. بو ايگى آى، ايگى يريم آیده دۇق-پۇيسه و قلعه تېشماق، سرکۇب تىكله ماق و تاش آتماقدن باشقه توزوک اوروش بۇلمه دى.

بدیع الزمان ميرزا و خسرو شاه اوستیگه يوباريلگن لشکر قىسمى قوندوزدن اوچ-تۇرت يىغاچ قويىراق توشگنده خسرو شاه بار کيشىسى بیلن اسلحه له نیب، قوندوزدن چىقىپ، آرده قۇنىب، بدیع الزمان ميرزا و لشکرى نىنگ اوستیگه باستىرىپ کېلدى. بولر شونچه ميرزالر و شونچه سردار بېکلر عسکرلری خسرو شاه نىنگ کيشىلریدن ايگى حصه آرتیق بۇلمسه ده، بير يريم حصه دن کۇپراق بۇله توریپ چۇچىپ، احتياط کارلىک دېيه خندقدن چىقمه ديلر. خسرو شاه نىنگ يىخسى-يامان، کتّه-کىچىک نوکرى تۇرت-بېش مىنگچه اېدى.

خسرو شاه بو اۋتر بي بقا دنيا اوچون و کېتر نوکرى بولفا اوچون شونچه يامانلىک و

۲- لهْم- دشمن موضعی سرى بير آستى يۇل؛ نقب.

بدناملىكىنى اختيار قىلىپ ھەمدە مونچە ظلم و عدالتسىزلىك قىلماقنى اۋزىگە شعار قىلىپ، كۈتۈپ-كۈتۈپ ولايتلارغا اېگە بۇلىپ، شۇنچە كۆپ نوكر و سۈدر سقلش توتومىنى قىلىپ، بلكە سۈنگەرلەر نوكر و ملازملرى يىگىرمە-اۋتۇز مىنگە يېتىپ، ولايتلرى و ناحىلرى اۋز پادشاھى و ميرزالرىدن آرتىپ، ەمرىدە اېرىشگن غلبەسى شۇ بۇلدى. شۇ طفىلى خسروشاھ و تابعلرى نىنگ نامى سردارلىككە چىقىپ، مردانە بۇلدىلر. خندقدن چىقمەگنلر قۇرقاقلىكدە نام چىقىرىپ، يورەكسىزلىك بىلن افسانە بۇلدىلر.

بدىع الزمان مىرزا اوندن كۈچىپ، بىر نېچە منزل قۇنىپ تالىقان نىنگ آلغۇ تاغىگە كېلىپ توشدى. خسروشاھ قوندوز قۇرغانىدە اېدى. تشقىرىدن اولرگە خوف سالىپ تورىش اوچون اينىسى ولىنى بىر تۇدە جسور يىگىتلرى بىلن اشكىمىش، فلول و او تاغ اېتكىلرگە يوبارگن اېدى. يەنە محب على قۇرچى بىر دستە بهاڧر يىگىتلرنى آلىپ كېلىپ، ختلان درياسى نىنگ ياقەسىدە بولر نىنگ آدملىرگە اوچرەپ، اولرنى يىنگىپ، بىر گروە كىشىنى اسىر قىلىپ، بىر نېچە باشنى كېسىپ كېتدى. سۈنگى نوبت بونىنگ قصدىگە سىدىم على اېشىك آغە، اينىسى قولى بېك و بهلول ايوب بىر قىسم كوچلى يىگىتلر بىلن كېلىپ، ەنبركۈە اېتىگىدە خواجە چىنگال موضعىدە خراسان لشكرى كۈچگن محلى تۇقنەشەدىلر. كۆپ كىشى يېتىپ سىدىم على و قولبابانى، يەنە بىر گروە يىگىتلرنى اسىر آلدى.

بو خبر سلطان حسين مىرزاگە يېتىشىدى. بونىنگ اوستىگە حصار نىنگ بهار ياغىنلرى سېيىدن لشكر ھەم تشویشدن خالى اېمىسدى. يرەش اوچون اىچكىلردن محمود بىرلاس چىقىپ كېلدى. تشقىرىدن خواجە پىر بكاوول^۳، اولوغ آغەلر ھەمدە موجود بۇلگن سازندە و حافظلر كېلىپ، سلطان محمود مىرزانىنگ خانزادە بېگم دن بۇلگن كۈتۈپ قىزىنى سلطان ابوسعەد مىرزانىنگ قىز نىبەرسى پايندە سلطان بېگم دن بۇلگن حىدر مىرزاگە آلىپ، حصار اوستىدن قۇزغەلىپ قوندوز سرى يوزلندىلر. قوندوزگە كېلىپ ھەم بىر آز سياست قىلگن

۳-بكاوول - شاھ دربارى نىنگ آشپزى.

بۇلیب شهرنی قمل قیلدیلر. آخری بدیع‌الزمان میرزا آره‌گه توشیب، یره‌شیب، ایچکری-تشفری توشگن ییگیترلری المشتیریپ قیتیپ کبتدیلر.

خسرو شاه‌نینگ بونچه‌لیک اولغه‌یماغیگه، بونچه حدی سیغمس ایشلرنی قیلماغیگه سلطان حسین میرزانینگ ایگی مراتبه کبلیب هم اونى پینگه آلمه‌ی قیتماغی سبب بولدی. سلطان حسین میرزا بلخ‌گه ییتگنده ماوراءالنهر ولایتی مصلحتی اوچون بلخ‌نی بدیع‌الزمان میرزاگه بېریب، اونینگ ولایتی بۇلگن استرابادنی مظفر حسین میرزاگه بېردی. هر ایگله‌سینی بلخ و استراباد حاکم‌لیگیگه بیر مجلسده تعظیم‌قوللوق قیلدیردی. انه شو سببدن بدیع‌الزمان میرزا رنجیدی. کپینگى شونچه ییللیک دشمنلیکلر و فتنه‌لرینگ سببی شو اېدی.

اوشبو رمضان آیی سمرقندده ترخانیلر فتنه‌سی صادر بۇلدی. شرحی شوکه، بایسونقور میرزا حصار بېکلری و لشکر سردارلری بیلن یخشی مناسبت و توتومده اېدی، لېکن سمرقند بېک و سپاهی‌لری بیلن اونچه‌لیک اېمسدی. شیخ عبدالله برلاس اېنگ اولوغ اعتبارلی بېک اېدی. اؤغلانلری بایسونقور میرزا عایله اهلی بیلن شونچه‌لیک یقین و قدردان اېدیلرکه، اولرنی عاشق‌لیک و معشوق‌لیککه اؤخشه‌تر اېدیلر. ترخان بېکلری و بعضی سمرقند بېکلری شو سببلرگه کؤره، بایسونقور میرزادن رنجیدیلر.

درویش محمد ترخان بخارادن کبلیب، سلطانعلی میرزانی قرشیدن کبلیتیریپ، پادشاه کؤترب، باغ‌نوگه کبلیدی. بایسونقور میرزا شو پېرده اېدی. بایسونقور میرزانی نوکر-سودریدن آیریپ توتقون طرزیده ارکه‌ک کبلیتیردیلر. ایگله میرزانی بیر جایگه اوتیرغیزدیلر. کبچقورون، نمازدیگرده بایسونقور میرزانی کؤکسرایگه چیقیریپ قتل اېتیش خایلیده اېدیلر. بایسونقور میرزا طهارت آلماق بهانه‌سی بیلن بۇستان سرایی نینگ شرقی‌شمال طرفیده‌گی بیر اویگه کیردی. اېشیک آغزیده ترخانیلر تورگندیلر. میرزا بیلن محمد قولی قوچین، حسن شربتچی بیرگه کیردیلر. قسمت‌ی قره‌نگ که، میرزا طهارتگه کیرگن اوی نینگ آرقه طرفیده فقط خشت قَلب چیقیلگن اېشیگی بۇلیب، اوندن حویلی آرقه‌لی تشقیریگه چیقیلر اېکن. درحال بو خشتلرنی ییقیتیپ، ارک‌نینگ غاتفر طرفیده‌گی دېواری نینگ سووچقتر اریغی آرقه‌لی چیتیپ،

ايگىنچى دېۋاردن آشيب خواجه كفشيرگه، خواجهگاخواجه اويىگه باردىلر. طهارتخانه اېشىگىدە تورگنلر بىر پىسدىن سۇنگ ملاحظە قىلىپ كۆرسەلرگە، مىرزا قاقچىدى.

اېرتەسىگە اېرتەلب ترخانلر يىغىلىپ خواجهگاخواجهنىڭ اېشىگىگە بارەدىلر. خواجه: «يۇق دىر» دېب، بىر مەيدى. بولر هم زۇرلب آلمەيدىلر. چونكە خواجهلرنىڭ حرمت مرتبەسى زۇرلب آلىشگە يۇل قۇيمىس اېدى. بىر-ايگى كوندن سۇنگ خواجه عبدالمكارم، احمد حاجىبېك و يەنە بعضى بېك، كىچىك بېكلر، سپاهىلر و شېھر اېلى نىڭ جمعىسى عاموى ھجوم قىلىپ خواجهنىڭ اويىدىن مىرزانى كېلتىردىلر؛ سلطان على مىرزانى و ترخانلرنى اركدە قەمەدىلر. اركنى بىر كون هم سقلەي آلمەدىلر.

محمد مزىد ترخان چارراھە دروازەسى بىلن چىقىپ قاقچى بخاراگە باردى. سلطان على مىرزا بىلن درويش محمد ترخان قۇلگە توشدى.

بايسونقور مىرزا احمد حاجىبېك نىڭ اويىدە اېكنىدە درويش محمد ترخاننى كېلتىردىلر. بايسونقور مىرزا بىر-ايگى سۇز سۇرەدى. يىخشى جواب بېرە آلمەدى. يىخشى جواب بېرگوليك ايش قىلمەگن اېدى كە، جواب بېرسە! مىرزا اونى اۋلىمگە بويوردى. درويش محمد ترخان بې طاقتلىكدن اوستونگە ياپىشدى. اوستونگە ياپىشگنى بىلن قۇيەدىلرمى؟! قتل اېتدىلر. سلطان على مىرزانى كۇكسراي گە چىقىرىپ كۇزلىرگە مىل تارتىشنى بويوردى.

تېموربېك سالگن عالى عمارتلردن بىرى كۇكسراي دىركە، او سمرقند اركىدە جايلىشگن. عجىب خاصىتلى عمارت دىر. تېموربېك اولادىدن ھر كىم باش كۇتريب تىختگە اۋتيرسە هم بوندە اۋتيرەدى، ھر كىم تىخت آرزوسى بىلن باش قۇيسە هم بوندە قۇيەدى. حتا كە، فلان پادشاھنى كۇكسراي گە چىقىردىلر، يعنى اۋلدىردىلر، دېگن كىنايەلى گپ يورردى. سلطان على مىرزانى كۇكسراي دە كوزلىرگە مىل تارتدىلر. جراح نىڭ اختىارى بىلنمى يا بېخاسدنمى نشتردن سلطان على مىرزانىڭ كۇزلىرگە ھېچ بىر ضرر يېتمەدى. بونى او درحال بىلدىرمەدى. سلطان على مىرزا خواجه يحيى نىڭ اويىگە باردى. ايگى-اۋچ كوندن سۇنگ

قاچیب، بخاراگه-ترخانلرگه باردی. حضرت خواجه عبیدالله اولادی نینگ آره‌سیده بو سببدن اتفاقلیک-ایناقلیک پیدا بۇلدى. اولوغى اولوغیگه مربى، کیچیگی کیچیگیگه حامی بۇلدى. بیر نېچه کوندن سۇنگ خواجه یحیی هم بخاراگه باردی. بایسونقور میرزا لشکر تارتیب بخاراگه، سلطان علی میرزانینگ اوستیگه یوردی. بخاراگه یقین قالگنده سلطان علی میرزا و ترخان بېکلری صف تارتیب چیقیدیلر. بیر آز اوروش بۇلدى. غلبه سلطان علی میرزا طرفیده بۇلیب، بایسونقور میرزا شکست تاپدی. احمد حاجیبېک وینه بیر گروه سره ییگیتلر قۇلگه توشدی، اکثریتینی اۇلدیردیلر. احمد حاجیبېکنى دروېش محمد ترخان نینگ قتلى سببلى حرمتسيزلرچه قتل اېتدیلر.

سلطان علی میرزا بایسونقور میرزانینگ آرتیدن درحال سمرقندگه یوردی. بو خبر شوال آییده اندیجانگه، بیزگه یتیب کېلدى. بیز هم سمرقند امیدى بیلن اوشه شوال آییده-یاق لشکر تارتیب آتلندیک. سلطان حسین میرزا حصار و قوندوزدن قیتگن اېدى. سلطان مسعود میرزانینگ و خسرو شاه نینگ خاطرى جمع اېدى. سلطان مسعود میرزا هم سمرقند آرزوسیده شهرسبز اوستیگه کېلدى. خسرو شاه اینیسی ولى نى مسعود میرزاگه قۇشدى. اوچ-تۇرت آی سمرقندنى اوچ تاماندن قمل قیلدیک.

خواجه یحیی سلطان علی میرزا آلدیدن کېلیب، آرده اتفاق و هم جهتلیک اورتماقچی بۇلدى. کوریشماققه راضى بۇلیب، سمرقنددن ایگى-اوچ شرعى قویراق سوغد طرفیدن مېن لشکریم بیلن باردیم. او طرفدن سلطان علی میرزا لشکری بیلن کېلدى. نریدن تۇرت-بېش کیشی سلطان علی میرزا، بېریدن تۇرت-بېش کیشی بیلن مېن کۇهک سووی نینگ آره‌لیغیدن کېچیب، آت اوستیده-یاق کۇریشیب، سۇره‌شیب، اولر او طرف کېتدیلر، مېن بو طرف کېلدیم.

ملا بنایى نى و محمد صالح نى اوشنده خواجه یحیی خدمتى ده کۆردیم. محمد صالح نى اوشنده بیر مرته‌گینه کۆردیم. ملا بنایى اېسه کېنچه‌لیک انچه وقت مېنینگ خدمتیمده بولدى.

سلطان على ميرزا بيلن كۇرىشگىنىمىزدىن سۇنگ، قىش يىقىن كېلىپ قالگىن اېدى، سمرقند اېلى ھىم اونچەلىك تنقىصلىكنى كېچىرەياتگىن اېمىدى. شو سېبىلى مېن انديجانگە، سلطان على ميرزا بخاراگە قېتىدىك.

سلطان مسعود ميرزا شىخ عبدالله برلاس نىنگ قىزىگە جودە مايىل اېدى. اونى آلىپ، مملەكت آلىشلىك دغدغەسىنى قۇيىپ، حصارگە قېتىدى. بلكە بوكېلىشدىن مقصدى شو بۇلگىن دىر. شېراز و كىناي موزىلەردىن مەدى سلطان قاچىپ، سمرقندگە باردى. حمزە سلطان ضامن دن اجازە بيلن سمرقندگە باردى.

تۇقىز يوز ايگىنچى (۱۴۹۶-۱۴۹۷) يىل واقعه لرى

اوشبو قىشده بايسونقور ميرزانىڭ ايشى انچه رواج تاپكن اېدى. سلطان على ميرزا تامانىدىن عبدالكريم اشريت كۇفين و اونىڭ يقينىده گى موضعلرگه كېلگن اېدى. سمرقندىن مېدى سلطان بايسونقور ميرزا لشكرى نىڭ هجومچى قىسمىنى باشلىب كېلىپ، بولر نىڭ اوستىگه تىشلىدى. عبدالكريم اشريت بىلن مېدى سلطان نىڭ اوزلىرى يوز مە-يوز بۇلدىلر. عبدالكريم نىڭ آتىگه مېدى سلطان چېركسى قىلىچ سالىب يىقتىدى. اوزى توره ياتگن حالتىده مېدى سلطان قولى نىڭ تىرسگىدىن چاپدى. اونی قۇلگە توشىرىپ، اۋشە هجومچى لشكرنى يىخشى باسدیلر. بو سلطانلر سمرقند ايشىنى و ميرزالر نىڭ سلطنتىنى كوچسىز بىلىپ، ايرىلىپ، بهارده شىيانى خان قاشىگه كېتىدىلر.

شونچه واقعه لردن سۇنگ سمرقندلىكلر تۇپلنىپ، سلطان على ميرزانىڭ قرشىسىگه لشكر تارتىپ چىقىدىلر. بايسونقور ميرزا سرپلگه كېلدى. سلطان على ميرزا خواجهى كاردىن گه كېلدى. اوشبو فرصتده خواجه منىراۋشى نىڭ قوتقوسى بىلن خواجه ابوالمكارم و اندىجان بېكلرىدىن ويس لاغرى، محمد باقر و ينه قاسم دۇلداى ھمدە بايسونقور ميرزانىڭ بىر گروه يقىن كىشىلرى بخارا اوستىگه يوردىلر. يقىن يېتگنلرىدە بخاراده گىلر خبردار بۇلدىلر، بولر نىڭ ايشلىرى يورىشمى، آرتگه قېتىدىلر.

سلطان على ميرزا بىلن كۇرىشگنىمىزدە، يازده اولر بخارادىن، مېن اندىجاندىن كېلىپ، سمرقندنى قىل قىلەمىز، دېب كېلىشىلگن اېدى. اوشە وعدەلەشووگە كۇرە، رمضان آيىدە

اندىجان دىن آلتىب، يارىيلاق موضىيگە يىتگندە، مىرزىلارنىڭ يۈز مە-يۈز ئۆتۈرگۈنلىرى خىرىنى
 اېشىتىپ، ئۇلۇن خواجه مۇغولنى ايگى-اۈچ يۈز جىگرى يىگىتلەر بىلەن ھۇجۇمچى قىسىم قىلىپ
 آيىردىك. يقىن يىتگىنىمىزدە بايسونقور مىرزا بىزنىڭ بارەياتگىنىمىزدىن خىر تاپىپ، صفى
 بوزىلگەن يۈسىندە آرقەسىگە قىتەدى. بو يىگىتلەر اۈشە كېچە اولرىنىڭ يۈلىنى كۈندەلنىگە
 كېسىپ چىقىپ، كۇپ كىشىنى آتىپ، انچە اۈلجە كېلتىردىلەر.

بىز بىر-ايگى كۈندىن سۇنگ شېراز قۇرغانىگە يىتدىك.

شېراز قاسم دۇلداي دە اېدى. قۇرغان بېگى شېرازنى سقلەي آلمەي، قۇرغاننى تاپشىردى.
 شېراز قۇرغانى ابراھىم سارو اختىيارىگە بېرىلدى. تانگدە فطر ھىيتى نمازىنى اۈشە پىردە
 اۋقىپ، سمرقند سىرى يۈلگە چىقىپ، آيىار استراحتگاھى گە تۈشدىك. اۈشە كۈنى قاسم
 دۇلداي، ويس لاغرى، حسن نبىرە، سلطان محمد سىفل، سلطان محمد ويس اۈچ-تۇرت
 يۈز كىشى بىلەن كېلىپ، ملازمت قىلدىلەر. بايسونقور مىرزا كۈچىپ، آرقەگە قىتگچ، بىز
 آيىرىلىپ پادشاھ قوللۇغىگە كېلدىك، دېيىشدى اولر. آخرى معلوم بۇلدى كە، بولر بحثلاشپ
 بايسونقور مىرزا دىن آيىرىلىپ، شېرازنى مدافە قىلگىنى كېلگەن اېكىنلەر. شېراز ايشى بۈندەي
 بۇلگچ، ناعلاج قالىپ كېلىشىدى.

قارەبولاققە تۈشگىنىمىزدە بعضى يېرلى كىشىلەرگە بې باشلىك قىلگەن (تلەگەن) مۇغوللارنى
 تۈتىپ كېلتىردىلەر. قاسم بېك سياست اوچون ايگى-اۈچتەسىنى پرچە-پرچە قىلدىردى. تۇرت-
 بېش يىلدىن سۇنگ حىرى سرگردانلىكلردە مسچادىن خان قاشىگە-تاشكېنت گە يۈل آلگىنىمىزدە
 قاسم بېك شو سىبلى بىزدىن آيىرىلىپ، حصارگە كېتدى. قارەبولاق دىن اۋتىپ، سوو كېچىپ، يام
 تۇغرىسىدە تۈشدىك. اۈشبو كۈن بعضى خاص بېكلەر خىيابان باشىدە بايسونقور مىرزانىڭ
 آدملىرى بىلەن تۇقنىشىلەر. سلطان احمد تېلنىڭ بۇغزىگە نىزە سىنچىپ يىقتىدىلەر، لېكىن
 قۇلگە تۈشمەدى. خواجه كلاننىڭ كۈتە اكەسى خواجه ملا صدرىنىڭ يۇغان تامىرىگە
 اۋق تېگدى. اۈشە زەھاتى تىگرى رحمتىگە باردى. جودە يىخشى يىگىت اېدى. آتەم ھەم
 قدرب، مۇھىدار قىلىپ اېدى. طالب علملىگى بار اېدى، تېلنى خىلە بىلەر اېدى، مەكتۇب

یازیشی هم یخشى ابدى. قوشچیلیکنی و دعا بیلن یامغیر یاغدی ریشنی هم بیلردی. یام اطرافلریده اېکنیمیزده شهردن کۆپ بازارچیلر و هر خیل آدملر چقیب، اوردەمیز بازارىگه ایلنېب، سودا-ساتیق قیلر اېدیلر. بیر کونى کېچقورون بیردن خلایق غوغا کۆترېب، مسلمانلر مالینى تماماً تالان-تاراج قیلدیلر. لشکر ضبطى شو درجه‌ده اېدى که، اېل نینگ تلنگن نرسه‌لری نینگ همه‌سینی سقله‌مه‌ی قېترېب بېرسینلر، دېگن فرمان بۇلدى. اېرته‌سى اېرته‌لب ایگى-اوج ساعت ایچیده بیر قېتیم ایپ و ایگنه سېنیغیگچه بیرار نرسه لشکر قۇلیده قالمة‌دى، همه‌سینی اېگه‌لریگه قېترېب بېردیلر.

او بېردن کۆچیب سمرقند نینگ شرق طرفیده‌گی خان یورتیگه توشیلدى. بوجای سمرقنددن اوج کوروه^۱ مسافه‌ده. قیرق-اېلیک کون بو یورتده اؤتیریلدى. بو یورتده لیگیمیزده بیر نېچه مراتبه تشقیریدن و ایچکریدن یوره‌کلى ییگیتلر خیابانده یخشى قیلیچ چاپیشدى. بیر مرته خیابانده ابراهیم بېکچیک قیلیچبازلیک قیلگنده یوزینى چاپدیلر. شوندن سۇنگ اونی ابراهیم چاپوق دېر اېدیلر. ینه بیر سفر خیابانده پل مغاک‌ده (غارکۆپرېگی) ابوالقاسم کؤهبر بیراونی گرزى بیلن اوردی. ینه بیر مرته خیابانده ترناو موضعیده جنگ بۇلدى. میرزاشاه قۆچین گرزى بیلن بیراونی قولتدی. میرزاشاه قۆچینى اېسه شونده‌ی چاپدیلرکه، بۇینى نینگ یرمیگچه کېسیلگندى، کتّه تامیری گینه کېسیلمه‌گندى.

خان یورتیده اېکنیمیزده قۇرغانده‌گیلر فریب بیلن کیشى یوباریب، کېچه‌سى غارِ عاشقان

۱- کوروه- مسافه اؤلچاوی؛ بابر نینگ ایضاحیگه کۆره تۆرت مینگ قدم اوزونلیکده‌گی مسافه و هر قدم بیریریم قری و هر قری اېسه بیر شرعى گز (۶۰ سانتیمتر). بوحسابده آلتى مینگ گز یعنی ۳۶۰۰ متر مسافه‌لیگی معلوم بۇلەدى، بیراق رحمتلى دهخدا کوروه (کروه) نى فرسخ نینگ اوج حصه‌دن بیر حصه‌سى وایگى کیلومتر حدویده‌گی مسافه و ۳۵۲۰ گزگه تېنگ اوزونلیکنى افاده قیلەدى، دېب قیدابته‌دى. حالانکه بابر اونی میل بیلن برابر فاصله اېکنلیگینی اؤز شعریده قوییده‌گی چه ایضاحلیدی: «تۆرت مینگدور قدم بیلە بیر میل بیر کُروه آنى هند اېلى دېر بیل.» میل ۱۶۰۹ متر و دریا میلی ۱۸۵۲ متر مسافه دن عبارت. بابر اؤشه عربچه میلنى، یعنی دېنگیز سووی نینگ کۆز ایلغه‌گودېک تۇلقینلەنېب قېرغاققه قلقيگن مسافه، یعنی تۆرت مینگ قدمنى نظردە توتگنى حالده، دهخدا نینگ ایضاحى ناتؤغرى چیقەدى و کوروه فرسخ نینگ اوجدن بیر قسیمی اېمس، بلکه یرمیدن کۆپراق مسافتنى بیلدیرووچى اؤلچاو بېرلیگی دیر. (ت. بهایی)

طرفىگە كېلىنىڭ، قۇرغاننى بېرەمىز، دېدىلەر. بو خيال بىلەن كېچەسى آتلىنىپ، پل مغاك كە باردىم. بىر گروھ سرە يىگىتلەر و پىادەلەر وعدەلشگەن يېرگە يوبارىلدى. ايچكىرىدىن بىز نىنىڭ پىادەلردىن غفلتدە قالدۇرىپ تۇرت-بېشتەسىنى اۇلدۇردىلەر كە، خبردار بۇلدىك. خىلە جسور پىادەلر اېدىلەر. بىرىسى نىنىڭ آتى حاجى اېدى. مېنگە ياشلىگىدىن خىدمەت قىلدى. يەنە بىرىنى محمود كوندورى سىنگە دېر اېدى. بىرچەسىنى اۇلدۇردىلەر.

بو يورتدە اېكىمىزىدە سمرقنددىن شەرلىكلەر و بازارچىلەر شونچەلىك كۇپ چىققان اېدى كە، لشكر اۋردەسى شەرگە ايلنگەندى. شەردن ھەر نىمە اىستەسەلەر، لشكرگاھدن تاپىلدى. بو مدتدە سمرقنددىن باشقە بىرچە قۇرغانلەر و تاغ و توز قۇل آستىمگە كىرىپ اېدى. شاودار تاغى نىنىڭ اېتىگىدە اورگوت ناملى قۇرغاننى بىر جماعە بېرىكتىدى. ضرورت بۇلىپ بو يورتدىن كۇچىپ، اورگوت اوستىگە بارىلدى. طاقت قىلالمەي خواجه قاضىنى آرهگە سالىپ كېلدىلەر. بىز ھەم گناھلىرىنى عفو قىلدىك. يەنە سمرقند قىلىگە قېتىدىك.

اوشو يىلى سلطان حسين مىرزا بىلەن بدىع الزمان مىرزا آرهسىدەگى نفاقلەر اوروشگە ايلندى. بونىنىڭ تفصىلاتى شوگە، اۋنگەن يىلى بلخنى بدىع الزمان مىرزاگە، استرابادنى مظفر مىرزاگە بېرىپ قوللوق قىلدۇرگەن اېدى، بو حقدە يوقارىدە يازگەن اېدىك. اۋشە مدتدن بو مدتگچە كۇپ اېلچىلەر بارىپ-كېلدىلەر.

آخىرى علىشېرىپك ھەم اېلچىلىككە كېلدى. ھەرچەندى ھەم بدىع الزمان مىرزا استرابادنى اينىسى گە بېرماققە راضى بۇلمەدى: «مېنىڭ اۋغلىم محمد مۇمن مىرزانى ختتە قىلگەندە، مىرزا اونگە بېغىشلەگەن»، دېدى.

بىر كۈنى علىشېرىپك بىلەن حسين بايقرا آرهسىدە بىر صەھبەت بۇلىپ اۋتدى كە، بو مىرزانىنىڭ تېز فېھلىگى گە، علىشېرىپك نىنىڭ كۈنگىلى نازك و يوشاقلىگىگە دىل دىر. علىشېرىپك مەخفى سۆزلەرنى مىرزانىنىڭ قولايغىگە كۇپ گېرىدى. تەغىن دېدى كە: «بو سۆزلەرنى اونوتىنىڭ». مىرزا درحال ايتدى كە: «قىسى سۆزلەرنى؟» علىشېرىپك كۇپ تاثيرلىنىپ، راسە يىغلەدى.

آخرى آتە-اۋغىل آره سىده گى بو گپ-سۆزلر شونگە آلىب كېلدى كە، آتەسى آتەسى نىنگ اوستىگە و اۋغلى اۋغلى نىنگ اوستىگە بلخ و استرابادگە لشكر تارتىدلىر. سلطان حسين ميرزا بدىع الزمان ميرزا اوستىگە، مظفر حسين ميرزا مؤمن ميرزا اوستىگە لشكر تارتدى. گرزىوان نىنگ قويسىده يىكچىراغ^۲ اۋتلاغىگە قويىدىن سلطان حسين ميرزا، يوقارىدىن بدىع الزمان ميرزا كېلدىلر. چارشنبە كۈنى رمضان آيى نىنگ باشىدە ابوالمحسن ميرزا سلطان حسين ميرزانىنگ يىر نېچە بېكلىرى و يىر دستە هجومچىسى بىلن ايلگرىراق كېلدى. اونچەلىك كۆپ اوروش هم بۆلمەدى، بدىع الزمان لشكرى باسىلدى. كۆپ سرە يىگىتلر قۇلگە توشدى. سلطان حسين ميرزا برچەسى نىنگ باشىنى كېستىردى. يالغىز بو اېمس، قىچان كە يىر اۋغلى ياولشكن بۆلسە، هميشە باستىردى. قۇلگە توشكن نوكرلىرى نىنگ برچەسى نىنگ باشىنى كېستىردى. حق اونىنگ تامانىدە بۆلگچ، اونى قىلسىن.

بو ميرزالر شونچەلىك بوزوقچىلىك و عىش-عشرتگە مشغول اېدىلر، رمضاندىك تېرك و عزيز آيگە يىر كېچەلىك فرصت قالگندە، آتەسىدىك كۆپنى كۆرگن و ايش بىلرمان پادشاه يىم كۈنلىك يۇلدن كېلگن وقتدە هم، آتەسىدىن ايمىنمەي، خدادن قۇرقمەي، هنوز ايشى مى ايچماق، مجلس آزالىك بىلن دلخوشلىككە بېرىلماق بۆلدى: مقرردير، بوندەي كىشى اۋشندەي شكست تاپەدى و بوندەي يشەگن اېلنى هر كىم بېنگە آلەدى.

نېچە يىل كە، استراباد حكومتى بدىع الزمان ميرزادە اېدى، خاندان اهلى و خدمتكارلر همەدە يىگىت-يىلنگى جودە سېزدوق و زېب-زىنتگە باتگن اېدى. آلتىن و كوموش اسباب-انجاملرى جودە كۆپ اېدى. دېدبەلى كىيىنگن يىگىتلرى و چاپقىر آتلىرى بې حساب اېدى. برچەسىنى شو پىردە باي بېردى. قاچە ياتگىندە تاغ يۇلىگە اوچرەب، اېنىش و اوچمە جايلىرگە يۇلىقىپ، اۋزى تشویش بىلن اوچمەدن توشدى. كۆپ اېلى بو اوچمەدە نابود بۆلدى.

سلطان حسين ميرزا اۋغلىنى باستىرگندىن سۇنگ، بلخگە كېلدى. بدىع الزمان ميرزا بلخگە

۲-حاضرگى فارياب ولايتىگە قرەشلى بلچراغ تومنى

شيخ على تغايىنى قۇيىب اېدى. چاره قيله آلمەي، چىقىپ بلخنى تاپشردى. سلطان حسين ميرزا بلخنى ابراهيم حسين ميرزاگە بېرىپ، محمد وليپك و شاه حسين تن قۇرىقچىنى او بيلن قالديريپ، اۋزى خراسانگە قىتىپ كېتىدى.

بديع الزمان ميرزا شكستدن سۇنگ تله نيپ، باربودىنى الديريپ، يىگىت-يلنگ و يىاو-يلنگى بيلن قوندوزگە-خسروشاهگە تامان يۇل آلدى. خسروشاه هم يىخشى خدمتلىر قىلدى. آت و تويەدن، چادر و شاهانە چادرلردن، بلكه برچە سپاهىلىك يراغ-اسلحه سىدن ميرزاگە و ميرزا بيلن بۇلگىنگىرگە بېرىپ، شودرجەدە خدمت و آدمگرچىلىك قىلدىكە، بونى كۇرگىلر: بورونكى يراغ-اسلحه بيلن بونىنگ اۋرتەسىدە فرق يۇق، تفاوت بلكه طلا و كوموش نرسەلردەگىنە خلاص، دېدىلر.

سلطان مسعود ميرزا بيلن خسروشاه نىنگ آره سىدە سلطان مسعود نىنگ بېقرارلىگى، خسروشاه آبرو-اعتبارى نىنگ آرتگىدن جنجل و كىنە-كدورتلىر چىققن اېدى. خسروشاه ولى و باقىنى بديع الزمان ميرزاگە قۇشىپ، سلطان مسعود ميرزانىنگ اوستىگە-حصارگە جنگگە يوباردى. اولر قۇرغانگە يقىن هم كېلە آلمەدىلر. اطراف-تېورە كىدن نرىدن بېرى بىر-ايگى قىلىچ سالىشىدىلر. بىر نوبت حصار نىنگ شمال طرفى قوشخانە اۋلنگىدە محب على قۇرچى اېلدن آيرىلىپ كېلىپ، يىخشى جنگ قىلدى. آتدن يىقىلىپ قۇلگە توشىش آلدىدە ينە او تاماندن زۇرلب، خلاص قىلدىلر. بىر نېچە كوندن سۇنگ نرى-بېرى صلح توزگن بۇلىپ، قىتىپ كېتىدىلر.

بىر نېچە كوندن سۇنگ بديع الزمان ميرزا تاغ يۇلى بيلن قندهار و زمينداورگە: ذوالنون ارغون و اونىنگ اۋغلى شاه شجاع ارغون تامانگە جۇنەدى. ذوالنون ارغون خىسلىلىك و بخىللىگىگە قرەمى، يىخشى خدمتلىر قىلدى. بىر تارتىق قىلگىندە قىرق مىنگ قۇى ساوغە قىلدى. غرايب واقەلردن بىرى شوكة، سلطان حسين ميرزا بديع الزمان ميرزانى يېنگىن چارشنبە كونى، استراباددە مظفر ميرزا محمد مۇمن ميرزانى يېنگەدى. بوندن هم عجب راغى شونەدەكە، چهارشنبه اسملى كىشى محمد مۇمن ميرزانى قۇلگە توشىرىپ كېلتىرەدى.

تۇقىز يوز اوچىنچى (۱۴۹۷-۱۴۹۸) يىل واقعه لرى

باغ ميدان نىنگ آرقه سىده گى قۇلبه يىلنگىلىگىگە توشىلدى. سمرقند نىنگ سپاھى و اھالىسى پل محمد چپ موضعيگە ياپىرىلىپ چىقدى. بىز نىنگ آدملىرىمىز تيار بۇلمە گىلىكلرى باعث، يىگىتلر اسلحه لىنگونچە سلطانقولى و باباقولى نى قۇلگە توشىرىپ، قلعه گە آلىپ كېتىدىلر. بىر نېچە كۈندىن سۇنگ كۇچىپ، كۇھك نىنگ آرقه سى قۇلبه نىنگ باشىگە توشىلدى. سىدىوسف بېكىنى اۋشە كۈنى سمرقندىن ھىدەدىلر. اوشبو يورتگە كېلىپ ملازمت قىلدى.

سمرقنددە گىلر او جايدىن كۇچىپ، بىزنى بو يېردىن قېتىپ كېتىدى دېپ اۋىلىپ، سپاھ و شھر اھلى مىرزا كۇپرېگىگە چىقىدىلر. بار يىگىتلرنى قوراللىق آتلىشىگە بو يوردىك. اىگى طرفدىن پل مىرزادىن و پل محمد چپدىن كوچ كېلتىرىدىلر. تىگرى ايشىمىزنى اۋىنگلەدى-ياو باسىلدى. زۇر-اۋرىپكلر و سرە-سرە يىگىتلرنى قۇلگە توشىرىپ كېلتىرىدىلر. شو جملەدىن، محمد مسكىن حافظ دۇلداىنى ھم. اونىنگ شھادت برماغىنى چاپىپ، آلىپ كېلتىرىدىلر. يەنە محمد قاسم نىبەرنى اينىسى حسن نىبەرە اسىر قىلىپ كېلتىردى.

بۈندە سپاھى و اېلگە تىنقىلى يىگىتلردىن خىلە بار اېدى. يەنە شھر جىگرى يىگىتلردىن دېوانەى جامە بافنى و كل قاشوقنى كېلتىرىدىلر، اولر ايشو و جىگرىلىكە سوپىكسىز، اوچر اېدىلر. غار عاشقان دەۋلگىن پىادەلرنىنگ قىصاصىگە اولرنى عذابلر بىلەن اۋلدىرىش بو يورىلدى. سمرقند اېلىگە بوكتە شىكست اېدى. بۈندىن سۇنگ قۇرغاندىن چىقالمەى قالدىلر. ايش شو درجەگە يېتىدى كە، بىز نىنگ اېل خندق ياقەسىگە بارىپ قول و چۇرى كېلتىرر اېدىلر.

آفتاب مېزان بورجىگه اۋتدى، ساووق توشدى. كېنگىشگە كىرەدىگن برچە بېكلرنى چقىرىپ، كېنگىش، شونگە قارار قىلىندى كە، شەر آدملىرى جودە كوچسىزلىپ قالگن. تنگرى عنايتى بىلن بو كون بۇلسە ھم آلرمىز، تانگ-لە بۇلسە ھم آلرمىز. تشقىرىدە ساووقدە تشویش تارتىگندىن كۈرە، شەرنىنگ يىقىندىن كۈچىپ، بىر قۇرغاندە قىشلاق سالماق كېرەك. كېتەدىگن ھم بۇلسىك، اول مەلەدە بې-تەردىراق كېتىپ بۇلەدى. قىشلاققە خواجه دىدار قۇرغانىنى مەسلەحت كۇرىپ، كۈچىپ خواجه دىدارنىنگ آلدەدەگى يىلنگىلىككە توشىلدى. قۇرغانگە كىرىپ اوى و كپە يەرلىرىنى تەيىن قىلىپ، ايش اوستەلىرى و نظارتچىلەر قۇيىپ، يورتگە كېلدىك. بىر نېچە كون قىشلەيدىگن اويلار تيار بۇلگۈنچە يىلنگىلىككە اۋتەرىلدى.

بو مەدتە بايسونقور مىرزانىنگ توركىستانگە-شىيانى خانگە كېتە-كېت كىشىلەر يوبارىپ، شىيانى خاندىن كۆمەك تەلەگنى حەقىدەگى خەبەر يايىلدى. قىشلاق اويلار تيار بۇلىپ، قۇرغانگە كىردىك. شىيانى خان توركىستاندىن جەلەلەپ، اۋشە سەھر بىزنىنگ تورگن جايىمىز اوستىگە كېلدى. بىزنىنگ لىشكرىمىز يىقىندە اېمىس اېدى. قىشلش مەسلەحتى بىلن بەعضىلەر رىباط خواجهگە، بەعضىلەر كابودگە، بەعضىلەر شېراز قۇرغانىگە كېتىگن اېدىلەر. شونگە قەرمەي، بار لىشكر بىلن اسلەھلەنىپ چىقىلدى. شىيانى خان چەيدەش بېرمەي، اۋزىنى سەمرقەند سەرى تارتىدى. سەمرقەند اطرافىگە باردى. بايسونقور مىرزانىنگ مەدەسىدەگىدېك بۇلمەگنى اوچون او شىيانى خان بىلن يەخشى مەاملەدە بۇلمەدى. بىر نېچە كۈندىن سۇنگ شىيانى خان ھېچ ايش قىلە آلمەي، نا امىد بۇلىپ توركىستانگە قەيتىپ كېتىدى.

بايسونقور مىرزا يېتتى آي قەملەدە بۇلدى. بىر امىدوارلىگى شىيانى خاندىن اېدى، اوندىن ھەم امىدىنى اوزدى. بايسونقور مىرزا ايگى-اۋچ يۈز آچ اوروغى بىلن قوندوزگە-خەسرەشە يورتىگە جۇنۇب كېتىدى. تەرمذ اطرافىدىن آمۈنى كېچەياتگن پەتدە سەلطان مەسعود مىرزانىنگ ھەم اوروغى، ھەم مەتبەر كىشىسى تەرمذ حاكىمى سەيد حەسەن اكبەر خەبەر تاپىپ، بايسونقور مىرزانىنگ اوستىگە يوردى. مىرزا سەوۈدىن اۋتىگن اېدى. مىرەم تەرخان اوشىندە سەوۈگە چۈكىدى. كېيىن قالگن ايرىم كىشىلەر، كوچ-كۈرەن اولرىنىنگ قۇلىگە توشىدى. بايسونقور مىرزانىنگ تەھەر

محمد اسملی تن قوریقچیسی هم قولگه توشدی. بایسونقور میرزانی خسرو شاه یخشی کوتیب آلدی.

بایسونقور میرزا سمرقندنی تشلب چیققچ، بیزگه خبری کهدی. خواجه دیداردن آتلیب، سمرقندگه یؤل آلدیک. یۆلدە اولوغلر، بیکلر و ییگیتلر بیرین-کبتین استقبالگه چیقیدیلر. ربیع الاول آبی نینگ آخرلریده کھلیب، ارکده گی بوستانسرای گه توشدیم. تنگری تعالی نینگ عنایتی بیلن سمرقند شهری، ولایتی میسر بۆلدى و اختیاریمگه اؤتدی.

بیر یوزی نینگ اھالی یشەیدیگن قسمیده سمرقندچه لطیف شهر کمراق دیر. بېشینچی اقلیمدن دیر. اوزونلیگی ۹۹ رمزی نجومی درجه، ۵۶ دقیقه، اپنی ۴۰ درجه و دقیقه دیر. شهری-سمرقند، ولایتینی ماوراءالنهر دپیدیلر. هېچ دشمن قهر و غلبه بیلن بونی اېگلله یالمه گنی اوچون "بلدهی محفوظه" - "حمایه ده گی شهر" دپیدیلر. سمرقند حضرت امیر المؤمنین عثمان زمانیده مسلمان بؤلگن دیر. صحابه دن قاسم ابن عباس او پیرگه بارگن دیر. قبری آھنین دروازه سی نینگ تشقریسیده. حاضر مزار شاه (شاه زنده) نامی بیلن مشهور. سمرقندنی اسکندر بنا قیلگن. مؤغول و تورک اولوسی سېمیرقند دېرلر. تېموربېک (امیر تېمور) پایتخت قیلگن اېدی. تېموربېک دن ایلگری تېموربېکده ی اولوغ پادشاه سمرقندنی پایتخت قیلگن اېمس. قلعه سی نینگ دېوارینی اوستیدن قداملب اؤلچب چیقیشنی بویوردیم. اؤن مینگ آلتی یوز قدم چیقدی.

اېلی نینگ برچه سی سْتی، پاک مذهب و شریعتگه عمل قیلووچی، دیانتلی اېل دیر. حضرت رسول اکرم زمانلریدن بېری ماوراءالنهرده شونچه لیک کؤپ اسلام اماملری بیتیشیب چیققلرکه، باشقه ولایتلر نینگ بیرارته سیده بونچه لیک کؤپ امام کوزه تیلمه گن. کلام علمی اماملریدن بؤلگن شیخ ابومنصور سمرقند نینگ ماتورید ناملی محله سیدن دیر. کلام اماملری ایگی گروه دیر: بیرینی ماتوریدیہ^۱ دپیدیلر، بیرینی اشعریہ^۲ دپیدیلر. ماتوریدیہ

۱- ماتوریدیہ- بیر کلام مکتبی دیر که اونى ابومنصور محمد بن محمود ماتوریدی سمرقندى دیر، بو مکتب حضرت امام ابوحنیفه (رح) فقهی اویلریدن آدوقلنهدی.

فرقه‌سی شیخ ابومنصورگه منسوب دیر. ینه "صحیح بخاری" مؤلفی خواجه اسماعیل خرتنک هم ماوراءالنهر دیر. امام ابوحنیفه مذهبیده "هدایه" دن معتبراق کتاب فقه علمیده کم، اونینگ مؤلفی هم فرغانه‌نینگ مرغینان ناملی ولا یتیدن دیر، بو هم ماوراءالنهرگه کیره‌دی.

سمرقند معموره (آبادانلیک) نینگ چپگه راغیده بنیاد تاپگن بۇلیب، شرقی فرغانه و کاشغر، غربی بخارا و خوارزم، شمالی تاشکند و شاهرخیه‌که، شاش و بناکت دېب یازهدیلر، جنوبی بلخ و ترمذ. کۆهک (زرافشان دریاسی) شمالیدن آقهدی، او سمرقنددن ایگى کوروه کپله‌دی. بو سوو بیلن سمرقند آرسیده بیر تپه‌لیک بار، اونى کۆهک (کیچیک تاغ) دپیدیلر. بو دریا کۆهک‌نینگ توبیدن آققنى اوچون کۆهک سووی دپیدیلر. بو دریادن بیر کتّه نهر چيقرگنلر، بلکه کیچیک دریاچه‌ده‌ی بار دیر، اونى دیرغم سووی دپیدیلر. سمرقندنینگ جنوبیدن آقهدی. سمرقنددن بیر شرعیچه کپله‌دی. سمرقندنینگ باغلری و محله‌لری، ینه نپچه تومنلری بو سوو بیلن آبادان. بخارا و قاره‌کۆل‌گچه اؤتیز-قیرق ییغاچ مسافه‌گه یقین جایلر کۆهک سووی بیلن آبادان و اپکینزار دیر. شونده‌ی کتّه دریا اپکین و عمارت ایشلریدن اصلا آرتمه‌یدی، شونینگ اوچون یازده اوچ-تۆرت آی بخاراگه سوو باریب یېتمه‌یدی. اوزومی و قاوونی، آلمه‌سی و اناری، خلص، برچه مېوه‌سی یخشی بۆله‌دی. اینیقسه، ایگى مېوه سمرقندده مشهور دیر: سمرقند آلمه‌سی و سمرقندنینگ صاحبی اوزومی، قاری کابل-ده‌گیدېک توشمه‌سه هم، قیشی قتیق ساووق دیر. کابل‌چه بۆلمه‌سه هم، یازلرده یخشی هواسی بار.

تېموربېک‌نینگ و اولوغ‌بېک میرزانینگ عمارتلىرى، باغلری سمرقند محللریده کۆپ دیر. سمرقند ارکیده تېموربېک بیر اولوغ‌کۆشک سالگن، تۆرت قبتلى، کۆکسرای نامى بیلن معلوم و مشهور، جوده یوکسک عمارت دیر. ینه آهنین دروازه‌سیگه یقین قلعه‌نینگ ایچیده تاش‌دن بیر جامع مسجدی سالگن، او پیرده اکثریت هندوستان‌دن آلیب کپلینگن تاش یۇنرلر

۲- اشعریه- ابوالحسن بن اسماعیل اشعری کلام مکتبى شو نام بیلن آتله‌دی و بو مکتب پیرولری اشعره دپيله-

ايشله گنلر. مسجد نىنگ پېش تاقى كتيبه سى-يازويده: «وَإِذْ يَرْفَعُ إِبْرَاهِيمُ الْقَوَاعِدَ مِنَ الْبَيْتِ وَإِسْمَاعِيلُ رَبَّنَا تَقَبَّلْ مِنَّا إِنَّكَ أَنْتَ السَّمِيعُ الْعَلِيمُ» آيتىنى شونده يىرىك حرفلر يىلن يازگنلرکه، اونى بير كوروھگه يقين پېردن اوقيسه بۆله دى. بو هم جوده يوكسك عمارت دىر.

سمرقند نىنگ شرفيده ايگى باغ سالگن، اونىنگ يىرى يىراقراق بۇلىب، باغ بۇلدو دىر، يقينراغى باغ دلکشا (كۇنگىل آچر) دىر. او پېردن فېروزه دروازه سى گچه خيابان قىلىب، ايگى طرفيده تېرەك درختلرى اېكتيرگن. دلکشا باغيده هم بلند كۇشك سالدیرگن. او كۇشكده تېمور بېك نىنگ هندوستانده گى اوروشلرى تصويرلنگن. ينه كۇھك تېپه ليگى نىنگ اېتگيده كان گل نىنگ قاره سووى^۳ اوستيده بير باغ سالگن. نقش جهان دېب ناملنگن. مېن كۇرگن پيتده بو باغ بوزىلگن اېدى، نامى هم قالمەگن اېدى. ينه سمرقند نىنگ جَنوبِ يده باغ چنار بۇلىب، قلعه گه يقين دىر. ينه سمرقند نىنگ قوبى قىسميده باغ شمال و باغ بهشت بار. تېمور بېك نىنگ نبیره سى، جهانگير ميرزانىنگ اوغلى محمد سلطان ميرزا سمرقند نىنگ تاش قۇرغانيده-چقرده بير مدرسه سالگن. تېمور بېك نىنگ قبرى و اولادیدن هر كيم كه سمرقندده پادشاه ليك قىلىيدى، اولر نىنگ قبرى اۋشه مدرسه ده دىر.

اولوغ بېك ميرزانىنگ يىرىك عمارتلریدن سمرقند قلعه سى نىنگ ايچيده گى مدرسه و خانقاه دىر. خانقاه نىنگ گنبدى جوده كته گنبد دىر؛ عالمده اونچه ليك كته گنبد يۇق، دېب حسابله يديلر. ينه بو مدرسه و خانقاه گه يقين بير يىخسى حَمَام سالدیرگن، بو ميرزا حمامى صفتيده مشهور دىر. اونىنگ صحنىگه هر خيل تاشلردن تۈشه لگن. خراسان و سمرقندده بونده ي حَمَام بار ليگى معلوم اېمس. ينه بو مدرسه نىنگ جَنوبِ يده مسجدى مَقْطَع ناملى بير مسجد سالدیرگن. مَقْطَع (بۇلكلنگن) دېيشلرى نىنگ سببى، بۇلك- بۇلك ياغاچلرنى تراشلب، اِسلامى و خِتايبى نقشلر سالىنگنى، بوتون دېوارلرى و شيفتلىرى اوشبو يۋسينده

۳-قاره سوو- بو سوونى آب رحمت هم دېيدىلر.

نقابلنگنیدن دیر. بو مسجدنینگ قبله‌سی بیلن مدرسه قبله‌سی نینگ آره‌سیده کۆپ تفاوت بار. ایتیدن، بو مسجد قبله‌سینی انیقلشده منجم اصولینی (استرانومیک یؤسینده) قۇللەگنلر. ینه بیر یوکسک عمارتی کۆهک تپه‌لیگی ایتکلریده‌گی رصدخانه دیر که، بو زیچ، بیتمک‌نینگ مسکنی دیر. اوچ قبتلی دیر. اولوغ‌بیک میرزا بو رصدخانه‌ده "زیچ کۆره‌گانی" ("کۆره‌گانی استرونومیک جدولی") نى توزگن دیر که، عالمده حاضر بو جدول عملده دیر. باشقه استرونومیک جدول بیلن کم عمل قیله‌دیله‌ر. بوندن بورون "زیچ ایلخانی" ("ایلخانی استرونومیک جدول") گه عمل قیلینر اېدی که، اونى خواجه ناصر توسی هلاکوخان زمانیده مراغه شهریده توزگن دیر. هلاکوخاننى ایلخان هم دیدیلر. ایتیدن، عالمده پیٹی-سکیزدن آرتیق رصد توزیلمه‌گن. شو جمله‌دن، بیرى-مأمون خلیفه رصد توزگن که، "زیچ مأمونی" نى اؤشه اساسده یازگنلر. ینه بیرینی بطليموس توزگن. ینه بیرى هندوستان‌ده راجه بیکر امجیت هندو زمانیده ملؤت مملکتیدن اوچەى و ده‌ار شهرلریده توزیلگن. بو جایله‌ر حاضر مندو نامیده مشهور دیر. ینه بیر رصد توزگنلر، حاضر هندولر عمل قیله‌دیگن هندوستان‌ده‌گی رصد شو دیر. بو رصد توزیلگنیه‌گی بیر مینگ بېش یوز و سکسان تۆرت ییل بۆلگن. بو اۆلگى زیچلرگه قره‌گنده نقصانلیراق دیر.

ینه کۆهک تپه‌لیگی نینگ ایتگیده، غرب تامانیده اولوغ‌بیک میرزا باغ میدان دېب اتلگن بیر باغ سالگن دیر. بو باغ‌نینگ اؤرتە‌سیده بیر یوکسک عمارت قد کؤترگن. بونی چهلستون (قیرق اوستونلی) دېدیله‌ر، ایگى قبتلی، اوستونلری نینگ همه‌سى تاشدن. بو عمارت‌نینگ تۆرت بورچگیده مناره‌سیمان تۆرت بورج (ایچی ایلنه‌زینەلى مناره‌لر) تیکله‌گنلر که، یوقاری چقیله‌دیگن یۇللر بو بورجلر آرقەلى دیر. باشقه همه جایله‌رده‌گی اوستونلری تاشدن. بعضیسینی تاشنى یۇنیب ایلان اؤره‌لگن طرزده اؤیمه‌کارلیک بیلن ایشله‌گنلر. یوقاریده‌گی قبت‌نینگ تۆرت تامانى ایوان بۇلیب، اوستونلری تاشدن یسه‌لگن. اؤرتە‌سى چاردە (تۆرت

٤- زیچ بیتمک- استرونومیک جدول توزیش، چنانچه زیچ اولوغ‌بیک منه شو رصدخانه‌ده بۆلگن علمی تدقیقات اساسیده یازیلگن دنیانینگ اېنگ مشهور استرونومیک جدوللری قطاریگه کیره‌دی.

اېشكىلى) اوى دىر. عمارت اساسى بوتونلەى تاشدن قەلئىب يىسەلگن. بو عمارتدن كۆھك تېپەلىگىگە قرەتیب اېتكىدە يىنە بىر باغچە سالگن، اوندە بىر يىرىك تاش تخت قۇيىلگن، اوزونلىگى تخمىنأ اۋن تۇرت-اۋن بېش قرى بۇلىپ، اېنى پىتى-سگىز قرى، بۇيى بىر قرى. بوندەى كتە تاشنى انچە يىراق يۇلدن كېلتىرگنلر. اۋرتەسىدن درز كېتگن. ايتىشلىرىچە، تاشنى بو يېرگە كېلتىرىشگندن سۇنگ درز كېتگن. اوشبو باغچەدە يىنە بىر چاردەرە عمارت سالگن، ازارەسى (اساس نىنگ تشقى بېزەگى) بوتونلەى چىنىدىن، اونى چىنخانىە دېدىلر. ختاي دن آدم يوبارىب كېلتىرتىرگن.

سمرقند قلعهسى نىنگ اىچىدە يىنە بىر قدىمى عمارت بار. اونى مسجد لقلقە دېدىلر. اونىنگ گىنبى اۋرتەسىدە پېرنى تېپسەلر بوتون گىنبىدن "لق-لق" تاووشى كېلەدى، قىزىق حادثە دىر. ھېچ كىم بونىنگ سېرىنى بىلمەيدى.

سلطان احمد مىرزانىنگ زمانىدە ھىم بېك و كىچىك بېكلر كوپ باغ-باغچەلر برپا اېتدىلر. شو جملەدن، دروېش محمد ترخاننىنگ چارباغىچە صفالىك و ھوالىك، كۇزنى يىشنەتەدىگن چارباغ كم. باغ ميدان دن قو يىراق، تېپەلىك اوستىدە قۇلبە يىلنگىلىگىگە تۇتۇش بىر چارباغ سالىدى. بو يىلنگىلىك اونىنگ پستىدە يىستەنىپ ياتەدى. چارباغدە ھىم پست-بىلند پېرلرنى پۇختە رېجە اساسىدە تۈزەتەپ، قېرەغاچلر، سرو و اق تېرەكلر اېككنلر، خىلە كۆركم منزل دىر. كم چىنىكى شوكة، كتە آقر سووى يۇق.

سمرقند شھرى عجايب آراستە بىر شھر دىر. بو شھرنىنگ بىر خصوصىتى باركه، بونقەسى كمدن-كم شھردە بۇلەدى، يعنى ھر ھنرمندنىنگ علاھىدە بازارى بار، بىر-بىرىگە ارەلشگن اېمس، بو قىزىق رسم دىر. يىخشى نانو اىلىكلرى و آشپزلىكلرى بار دىر. عالمدە يىخشى قاغاز سمرقنددن چىقەدى. قاغاز جوازلىرىگە سوو بوتكل كان-گل دن كېلەدى. كان-گل سىياھ(آب قارەسوو) ياقەسىدە دىركە، بو قارەسوونى آب رحمت ھىم دېدىلر.

سمرقندنىنگ يىنە بىر متاعى قىرمىزى بىخمل دىر كه، اونى اطراف و يىراق-يىقىنلرگە اېلتەدىلر.

تېورەك- اطرافىدە يىخشى اۋلنگلىرى بار. بىر مشهور سىھونلىك^۵ كان گل اۋلنگى دىر. سمرقند شەرىدن شىرق طرفدە، بىر آز شىمالگە مايىل، بىر شىرى كېلەدى، قارەسوۋى بار، اونى آبىر حىمت ھىم دېدىلر: كان گل نىنگ اۋرتەسىدن آقەدى، يېتى سىگىز تېگىرمان سوو بار. بو سوونىنگ اطرافى بوتونلەى سوو آلىنەدىگن جايلىردن عبارت. بعضىلر بو اۋلنگ نىنگ اصلى نامى كان آبگىر (كۈلمك) دېدىلر، بىراق تارىخلردە فقط كان گل دېب يازەدىلر، خىلە يىخشى سىھونلىك دىر. سمرقند نىنگ سلطانلرى ھىمىشە بو سىھونلىكنى يازگى استراحت جايى قىلەدىلر. ھىر يىلى بو سىھونلىككە چىقىب، بىر آى، اىگى آى يىشەدىلر. بو سىھونلىك نىنگ يوقارىراغىدە، شىرقى- جىنۇب تامانندە يىنە بىر اۋلنگ موجود بۇلىب، خان يورتى دېب ناملىگن. او سمرقند نىنگ شىرقى تامانىدە دىر، سمرقنددن بىر يىغاچ ئرىدە. قارەسوو اونىنگ آرەسىدن اۋتىب، كان گلگە بارەدى. خان يورتىدە بو قارەسوو يوقارىدن شونندەى اىلىنب كېلەدى كە، اىچىدە بىر لشىركاگە سىغەدىگن يېر بار. چىقىر پىرى خىلە تار دىر. بو يېرنىنگ خوش ھوالىلىگىنى كۈزلب، سمرقند قىلىدە بىر قىچە وقت بو يېردە تۇختەگن ابدىك. يىنە بىر سىھونلىك بۇدندە قۇرىغى دىر (يازگى استراحتگاھ)، باغ دلکشا بىلن سمرقند آرەسىدە. يىنە بىرى كۈل مىگاك سىھونلىگى دىر: سمرقنددن اىگى شىرىچە كېلەدى، غرب تامانندە بۇلىب، بىر آز شىمالراقە. بو ھىم يىخشى گىنە سىھونلىك دىر. بىر يانىدە بىر كىتە كۈل بار، شو باعث كۈل مىگاك اۋلنگى، دېدىلر. سمرقند قىلىدە مېن خان يورتىدە اۋتىرگىنىمدە، سلطان على مىرزا بو يېردە تۇختەگندى. يىنە قۇلبە سىھونلىگى بار، بو كىچىكىنەراق يىلنگلىك دىر. شىمالى قۇلبە كېنتى و كۈھك درياسى، جىنۇبى باغ مىدان و درویش مىحمد ترخان نىنگ چارباغى، شىرقى كۈھك تېپەلىگى.

ماوراءالنھرىنىنگ يىخشى ولايتلىرى و تومىنلىرى بار. سمرقند يقىنىدەگى كىتە ولايت بخارا دىر. سمرقند نىنگ غربى طرفىدن يىگىر مە بېش يىغاچ يۇل دىر. بخارانىنگ ھىم بىر نېچە

۵-سىھون- اۋلنگ، اۋتلاق

تومنلری بار. بو جوده عجایب شهر دیر. مېهوسى كۆپ و یخشى بۇله دى، قاوونى هم جوده یخشى بۇله دى. ماوراءالنهرده بخارا قاوونىچه كۆپ و یخشى قاوون بۇلمه يدى. فرغانه ولايتىدن اخسى نینگ بير نوع قاوونى باركه، "ميرتېمورى" دېدىلر، بو قاووندىن چوچوكراق و نازكراق بۇلسه ده، بيراق بخاراده هر نوع قاوون كۆپ و یخشى بۇله دى. ينه بخارا قرالىسى مشهور دیر. بخارا قرالىسىدېك قرالى هېچ بيرده بۇلمس: بۇستىنى ارچىب، قوريتىب، تبرك قىلىپ ولايتدن ولايتگه ابلته ديلر. ايچنى يوشمه تيش اوچون كۆپ یخشى دوا دیر. پروارى (سېمىز) تاووغى و غازى كۆپ. ماوراءالنهرده بخارا ميلريدن اؤتكىراق شراب بۇلمس. مېن سمرقندده اۆل ايچگنلر يمدە بخارا شرابلريدن ايچر اېديم.

ينه كېش ولايتى دور. سمرقندنىنگ جنوبيده، توقیز يىغاچ يۆل دیر. سمرقند بيلن كېش آره سیده بير تاغ توشگن: ايتمك داوانى دېدىلر. تاش تراشلىك اوچون تاشلارنىنگ همه سىنى بو تاغدن آليب كېته ديلر. بهارلر صحراسى، شهرى، دلە و تامى يم-يشيل بۇلگنى اوچون شهر سبز هم دېدىلر. تېموربېك نىنگ توغىلىب اؤسگن جايى كېش بۇلگنى اوچون اونى شهر و پايتخت قىلىشگه كۆپ سعى-حركتلر قىلدى. كېشده يوكسك عمارتلر بنا قىلدى. اؤزيگه دېوانده بير اولوغ پىشتاق (ايوان) و ينه اؤنگ يانیده همده سؤل يانیده ولايتلر بېكلرى بيلن دېوان بېكلرى محكمه لرى اوچون ايگى كىچىكراق پىشتاق قورگن دیر. ينه عرضگه كېلگن خلايق اوچون بو دېوانخانه نىنگ بورچك-بورچكلريده كىچىك-كىچىك خانه چه لر بنياد اېتگن. بونده يوكسك عمارتنى عالمده كم، دېب ايتە ديلر. دېدىلر، بو كسرا تاقيدن هم يوكسكراق دیر. ينه كېش ده مدرسه و مقبره تىكله گن دیر. جهانگير ميرزا و تگين بعضى اولادى نىنگ مقبره لرى اؤشه بيرده دیر. كېش نىنگ باش شهر بۇلىشگه سمرقندچه ليك امكانيتى كته بۇلمه گنى اوچون تېموربېك آخرى پايتخت اوچون سمرقند نىنگ اؤزىنى تله دى.

ينه قرشى ولايتى ديركه، نسف و نخشب هم دېدىلر. "قرشى" مۇغولچه سۆز دیر، قبرستاننى مۇغول تىليده "قرشى" دېدىلر. ايتىدن، بو نام چىنگىزخان يوريشيدن سؤنگ

قۇيىلگن. بو يېردە سوو كم، بهارى يىخشى بۇلەدى، اپكىنى و قاوونى يىخشى بۇلەدى. سمرقنددن جَنوب تامانده، بير آز غربگه تامان اۋن سگيز يىغاچ يۇل دىر. بغرى قراسيمان قوش بۇلەدى كه، اۋنى قىلقويروق دېيديلر. قرشى ولايتىده سان-سناقسىز بۇلگنى اوچون اۋنى بو يېرلرده مرغك قرشى (قرشى قوشچهسى) دېيديلر.

ينه خوزار^۶ ولايتى دىر. ينه كرمنه ولايتى دىر. سمرقند بىلن بخارا آرهسىده. ينه قارهكۇل ولايتى دىر. برچهسىدن كۇره سوو قويىسىده دىر. بخارادن يېتى يىغاچ غرى-شمالده دىر. يىخشى تومىلرى بار. شو جملەدن، سوغد تومنى و سوغدگه تۇش تومىلر. باشى ياريلاق، آياغى بخارا، بير يىغاچ يۇل يۇق كه، آباد قىشلاقلىرى بۇلمەسىن. بېحد مشهور تومىلركه، تېموربېك: «مېنىڭ بير باغيم باركه، اوزونلىكى اۋتيز يىغاچ دىر» دېگنده شو تومىلرنى كۇزدە تۇتگن.

ينه شاودار تومنى دىر. شهر و محلهلرگه تۇش. خيله يىخشى تومن دىر. بير طرفى سمرقند بىلن شېرسىز آرهسىدهگى تاغ بۇلىب، كېنتلىرى اكثر بو تاغ اېتكىلرگه تۇشگن. ينه بير طرفى كۇھك درياسى دىر، خوش هوا و سېرصفاء، سووى مۇل، نعمتى ارزان، خيله يىخشى تومن دىر. مصر و شامنى كۇرگن جهانگىشتەلر بوندن ده چىرايلى جاى بار، دېب ايتىمەيدىلر. ينه باشقه تومىلرى بۇلسە ده، قىداپتلىگنلرچە اېمس. شونىڭ اوچون اوشبو بىلن گېنە كفايه لنىلدى.

تېموربېك سمرقند حكومتىنى جهانگىر مىرزاگه بېرگن اېدى. جهانگىر مىرزانىڭ اۋلىمىدن سۇنگ كتە اۋغلى محمد سلطان جهانگىرگه بېردى. شاھر مىرزا ماوراءالنهر ولايتلىرىنىڭ ھەممەسىنى كتە اۋغلى اولوغبېك مىرزاگه بېرىب اېدى. اولوغبېك مىرزادىن اۋغلى عبداللطيف مىرزا آلدى. بو بېش كونلىك اۋتر دنيا اوچون اۋشندە دانىشمند و قرى آتەسىنى شھيد قىلدى. اولوغبېك مىرزانىڭ اۋلىمى حقىدەگى تارىخ اصولىدە قىزىق جاى بار.

۶. حاضرگى اۋزبېكىستان نىڭ قشقه دريا ولايتى گه قرەشلى غوزار تومنى.

نظم:

اولوغ‌بېک بحر علوم و خرد،
که دنیا و دین را ازو بود پُشت.
ز عباس شهد شهادت چشید،
شُدش حرف تاریخ: "عباس کش".
(مضمونی:

اولوغ‌بېک کیم، علم و عقل دېنگیزی ابدی،
او دنیا و دین نینگ عظیم تیه‌نچی ابدی.
او عباسدن شهیدلیک نینگ بالینی تاتدی،
وفاتی تاریخی هم "عباس اؤلدیردی" بۆلدی.)
اؤزی هم بېش-آلتی آی سلطنت قیلمه‌دی، بو بیت مشهور دیر:
پدرکش پادشاهی را نشاید،
اگر شاید به شش ماهش نیاید.
(مضمونی:

آته‌نینگ قاتلی پادشاه بولا لمس،
اگر بۆلسه، آلتی آیدن آشالمس.)
اونگه اتب یازیلگن شعرى تاریخ هم قیزیق چیققن.
عبداللطیف خسرو جمشیدفر که بود،
درسلكِ بندگانش فریدون و زردشت.
بابا حسین کشت جمعه‌ش به تیر،
تاریخش بنویس که بابا حسین کشت

(مضمونى:

عبداللطيف ابدى جمشيدسيماں شاه،

قوللرى صفيده فريدون، زردوش.

بابا حسين آتدى اونى جمعه كىچ،

تارىخىنى يازگىن: "بابا حسين كشت" (اولدىردى).

عبداللطيف ميرزادى سۇنگ شاھرخ ميرزانىڭ نېرەسى ابراهيم سلطان ميرزانىڭ اوغلى
عبدالله ميرزا (اولوغبېك ميرزا نىڭ كويى) تەختگە اۋتيردى. بىر يىم يىل-ايگى يىلگە يقىن
پادشاهلىك قىلدى. اوندىن سۇنگ حاكىمىتى سلطان ابوسعيد آلدى، او تىرىكلىگىدە سمرقند
تەختىنى تونغىچ اوغلى سلطان احمد ميرزاگە بېرگن ابدى. سلطان ابوسعيد ميرزادى كېيىن
سلطان احمد ميرزا پادشاهلىك قىلدى. سلطان ابوسعيد ميرزانىڭ وفاتىدىن سۇنگ سمرقند
تەختىگە سلطان محمود ميرزا اۋتيردى. سلطان محمود ميرزادى سۇنگ بايسونقور ميرزانى
پادشاه قىلدىلار. ترخانلار غوغاسى پىتىدە بايسونقور ميرزانى توتىپ، اينىسى سلطان على
ميرزانى بىر-ايگى كۈن تەختگە اۋتيرغىزدىلار. يەنە بايسونقور ميرزا نىڭ اۋزى حاكىمىتى
قېتىرىپ آلدى. اوشە يىللار ذكريدە بو حقدە يازىلگن ابدى. بايسونقور ميرزادى حاكىمىتى مېن
آلدىم. بوندىن كېيىنكى واقعه لردە گى اۋزگىشلار حقىدە كېينراق يازەمىز.

سمرقند تەختىگە اۋتيرگىچ، سمرقند بېكلرى نىڭ حەرمىنى عىنا بورونگىدېك جايىگە
قۇيدىم. بىز بىلەن بۇلگن بېكلرنى ھەم اۋزلىرىگە يەشە قۇلىپ، شەققىتىنى اۋرنىگە قۇيدىم.
سلطان احمد تېلگە كېلىپ، اونى قەدرلەيم: او ايچكى بېكلەر دورەسىدە ابدى، اولوغبېكلەر
دورەسىگە قۇشدىم. پېتى آى قەل قىلىپ، تشويشلار بىلەن آلېنگن سمرقنددىن لشكر اېلىگە اۋل
كېلگندە اۋلجە-مۈلجەدېك نەرسەلەر توشگن ابدى. بو سمرقنددىن اۋزگە ھەمە ولايتلار مېنگە
قەرشلى ابدى. سلطان على ميرزاگە قرەگن بو ولايتلارنى تالان-تاراج قىلىپ بۇلمىدى. شونچە
تالان-تاراج چېككەن ولايتلاردىن بىرەر نەرسە آلماق قەندە مىسر بۇلسىن؟

لشكرىنىڭ آذوقەسى تۈگەدى. سمرقندنى آلگىمىزدە سمرقند شونچەلىك خراب ابدى

كه، مدد، اوروغ و پول بيلن بېرىلەدىگن ياردمگە احتياج بار اېدى. كىشى نىنگ بوندى شرايطدە بىر نرسە آلىشى تۇغرىسىدە گپ ھم بۇلىشى ممكن اېمس اېدى. بو جەتلردن لشكر خلقى كۇپ تنقىصلىك تارتدى. بىز ھم اېلگە نرسە يېتكىزەلمەدىك. اولر اويلرىنى ھم ساغىندىلر. بىر-ايگىتەلب قاچە باشلەدىلر. اول خانقولى بىانقولى دېگن كىشى قاچگندى، يىنە ابراهيم بېكچىك قاچدى. مۇغوللارنىڭ ھەمەسى قاچدىلر. سۇنگرە سلطان احمد تىبل ھم قاچدى. بو فتنەنى باستىرىش اوچون خواجه قاضىنى يوباردىك. اوزون حسن خواجهگە اۋزىنى خىلە مخلص و اعتقادلى توتر اېدى. مقصد، اوزون حسن نىنگ ھەمكارلىگى بىلن قاچگنلارنىڭ بعضىلرگە جزا بېرىش و بعضىسىنى بىز نىنگ قاشىمىزگە قىترىب يوبارىش اېدى.

بو فتنەلرگە گىجىگىلەتوۋچى، بوندن قاچىب بارگنلارنى يامانلىككە اوندوۋچى اوزون حسن توز كۇر قىلگورنىڭ اۋزى اېكن. برچەسى سلطان احمد تىبل بارگنى زھاتى آچىق و آشكارا يامانلىك تامانىدە بۇلدىلر. سمرقندى آلىش امىدەدە نېچە يىل جدل لشكر تارتگن بۇلسك، سلطان محمودخان دن بىرار ايشانچلى مدد و كۇمك بۇلمەسەدە، لېكن او سمرقند آلىنگندن سۇنگ اندىجاننى آلىشنى ايستر اېدى. اكثر لشكر خلقى، مۇغوللر ھەمەسى قاچىب اندىجان و اخسىگە بارگن فرصتلردە اوزون حسن و تىبل او ولايتلارنى جھانگىر مىرزاگە بېرماقچى بۇلدىلر. بىر نېچە سبىلرگە كۇرە، اولرگە بونى بېرىش نىنگ علاجى يۇق اېدى: بىرى بو كە، گرچە خانگە بو ولايتلر وعدە قىلىنمەگن بۇلسەدە، بىراق خان تىلەگن اېدى. خان تىلەب توريب، جھانگىر مىرزاگە بېرىلسە، خان بىلن آرە مطلقا بوزىلردى. يىنە بىرى بو كە، اېل قاچىب او ولايتلرگە بارگن شوندى بىر يىتدە بو يروق يۇسىنىدە بو طلب قۇيىلدى. اگر بو تكليف بورونراق آرەگە توشسە، بلكە اۋرىنلى بۇلر اېدى. اولر نىنگ حەمكىگە كىم ھم راضى بۇلردى؟! مۇغول و اندىجان لشكرى، بعضى ايچكى بېكلر ھم اندىجانگە بارگندىلر.

مېن بىلن سمرقنددە بېك و كىچىك بېكلر، يىخشى و يامان مىنگە يقىن كىشى قالدى. اولر

ایسته گنیدېک بۇلمه گنى اوچون قاپچې بارگن قۇرققن اېللىرى بوتونله ی اؤزلىرگه قۇشدیلر. وهیمه ده قاپچې بارگن اېل هم قۇرقینچدن بونده ی واقعه نى تنگریگه یالباریب تیلر اېدیله. فتنه چیلر اخسى دن اندیجان اوستیگه لشکر تارتیب یامانلیک و یاولیکنى انیق و آشکارا قیلدیله.

تۇلون خواجه بارین اېلتى نینگ مردانه، سره و جنگرى ییگیتلریدن اېدى. آته م عمرشیخ میرزا اونى عمل بیلن اعزازه گن و هنوز اعتبارده اېدى. مېن هم تربیت قیلیب بېک قیلیب اېدیم. عجب مردانه و عظمت ییگیت اېدى. بونده ی اعتبارگه ارزیدىگن کیشى اېدى. مۇغوللر ایچیده انابتلى ایشانچلى کیشیمیز تۇلون خواجه بۇلگنى اوچون اېلگه نصیحت قیلیب قۇرقوونى خیاللریدن چیقارسین، اېل واهمه دن حیاتلرینى برباد قیلمه سین دېگن مقصده اونى اندیجان گه یوبارگن اېدیك. بو فتنه چى و توز کور قیلگورلر اېلنى شو درجه گه یېتکزگن اېدیله، وعده و مراضات گه چارلش، نصیحت همده تهیدید هېچ فایده قیلمس اېدى. تۇلون خواجه نینگ کۇچى ایگى سوو آره سیده اېدى. ایگى سوو آره سینی رباطک اؤرچینی دپیدیلر. اوزون حسن بیلن سلطان احمد تنبل بیر قسم هجومچى لشکرنى تۇلون خواجه اوستیگه یوباردیلر. باریب غفلتده توتیب آلیب، کېلتیریپ اؤلدریدیلر. اوزون حسن و تنبل جهانگیرنى آلیب کېلیب، اندیجاننى قمل قیلدیله.

لشکر سمرقندگه آتلنگنده اندیجان گه على دوست تغایى و اخسى گه اوزون حسن قۇیلگن اېدى. سۇنگره خواجه قاضى هم کېلیب اېدى. سمرقنددن بارگن لشکر کیشیلریدن هم انچه ییگیتلر بار اېدى. خواجه قاضى اؤشه قلعه مدافعه سیده مېنینگ طرفدارلریم اوچون اؤن سگیز مینگ قۇرنى قورغانده گى ییگیتلرگه و ییز بیلن سمرقندده بۇلگن ییگیتلر نینگ خاندانلریگه اولشدى. قمل دوامیده مېنینگ آنه لریم و خواجه قاضى دن متصل «اگر کېلیب فریادیمیزگه یېتمسه نگیز ایش چتاق بۇله دى. بیزنى بونده ی قمل قیلماقده لر» مضمونیده خطرلر کېلیب توردى. سمرقند اندیجان کوچى بیلن آلینگن اېدى. اگر اندیجان قۇلده بۇلسه، خدا خواهله سه، سمرقندنى ینه قۇلگه آلسه بۇله دى. اوستمه-اوست شو مضمونده مکتوبلر کېلدى.

اوشه پىتده بير مراتبه سلامتليگيم يامانلىشىپ، توزه لگن اېدىم. توزه لىش پرهيزيگه يىخشى عمل قىلمه گنىم اوچون، اوزولدىم. بو نوبت قىتق آغريدىم. شونچه ليك كه، تورت كونگچه تىليم توتىلدى، آغزىمگه پخته يىلن سوو تاميزر اېدىلر. مېنىنگ يىلن قالگن بېك و كيچيك بېكلر همده يىگيت-يىلنگ مېنىنگ ساغه يماغىمدن اميد اوزىب، هر كيم اوز ايشى بىلن مشغول بۇلدى. شونده ي بير وضعيتده بېكلر خطا قىلىپ، اوزون حسن دن قطعى طلبلر بىلن اېلچىلىككه كېلگن نوكرگه مېنى كۆرسه تىب، كېتىشگه رخصت بېردىلر. تورت-بېش كوندن سۇنگ احواليم بير آز يىخشى بۇلدى. بيراق تىلىمده توتىلىش بار اېدى. بير نېچه كوندن سۇنگ اوز حالىمگه كېلدىم.

آنەلريم — آنەم و آنەم نىنگ آنەسى اېسان دولتېگم، ينه استاد و پىريم خواجه مولاناي قاضى بو مضمونده خطلر يازىپ، بونده ي طلب قۇيىپ توريشگنده كىشى قىسى كۇنگىل يىلن بو پىرده توره آلردى؟

رجب آيى، شنبه كوني اندىجان گه آتله نىب سمرقنددن چىقديك. بو نوبت سمرقند شېرىده يوز كون پادشاه ليك قىلدىم. كېنىكى شنبه ده خۇجندگه يېتىدىم. اوشه كوني اندىجان دن بيركىشى، بىز سمرقنددن چىققن شنبه كونىده-يېتى كون بورون، على دوست تغايى اندىجان قلعه سىنى مخالفلر گه بېردى، دېگن خبرنى كېلتىردى. تفصيلاتلرى بوكه، مېنىنگ كىسلىگىمده مېنى كۆرسه تىب بېكلر رخصت بېرگن اوزون حسن نوكرى قىتىپ بارىپ، اندىجان قۇرغانىنى قىلگن مخالفلرگه پادشاه تىلدن قالگن، آغزىگه پخته بىلن سوو تاميزه يېتىلر، دېدى. عين شونده ي سۇزلرنى او على دوست تغايى قاشيده هم آنت ايچىپ ايتىتتى. جكن دروازه سيدة تورگن على دوست تغايى بو سۇزدن بې سرانجام بۇلىپ، مخالفلرنى ايچكيريگه قۇيىپ، عهد و شرط قىلىپ، قلعه نى بېرگن. ذخيره دن و اوروشه ديگن كىشىدن قۇرغانده هېچ كملىك يۇق اېدى. بو شونچه كه اوشه منافق، توز كۆر قىلگور كىشى نىنگ نامردلىگى اېدى. او يوقاريدىگى بهانه لرنى اوزىگه اساسلى وجه دېب بىلدى. اولر اندىجان نى آلگندن سۇنگ مېنىنگ خۇجندگه كېلگنىمنى اېشىتىپ، خواجه مولاناي

قازىنى ارک دروازەسىدە حەرمەتسىزلەرچە آسىپ، شەھىد قىلدىلار.

خواجه مولاناي قازىنىنىڭ اسمى عبدالله دىر. بو نام بىلەن مشهور بۇلگەن اېدى. آتە طرفىدن نسب شىخ برهان الدين قىلىچگە تۇتۇشەدى. آنە طرفىدن سلطان اىلىك ماضىگە باغلەندى. فرغانە ولايتىدە بو طبقە اېلباشى و شىخ الاسلام ھەمدە قازى بۇلىپ كېلگەن دىرلەر. خواجه مولاناي قازى حضرت خواجه عىبداللهنىڭ مريدى اېدى. اولردن تربىت تاپگەندى. خواجه قازىنىنىڭ ولىلىگىگە مېنىڭ ھېچ شەك-شەبھەم يۇق دىر. ولىلىك-نىڭ بوندىن ھەم يىخشىراق دىلى بۇلەدىمى: اولرگە قەد قىلگەنلردن آز فرستە نام و نشان قالمەدى. خواجه مولاناي قازى عجايپ كىشى اېدى. اوندە اصلاً قۇرقۇق دېگەن نەرسە يۇق اېدى. اوندە يىن يۈرەكلى كىشى تاپىلمەيدى. بو صەفت ھەم ولىلىك دىلى دىر. عادى كىشى ھەر قەچە بەھادىر بۇلسە-دە، بىر آز دىغدەسى و قۇرقۇق بۇلەدى. خواجه دە اصلاً دىغدە و قۇرقۇق يۇق اېدى. خواجه واقەسىدىن سۇنگ خواجهگە مەنسۇپ كىشىلەر: نوكر، خەدمەتكار، قىنداش و اھل و عايەلەرنى بوتۇنلەي تۇتۇرىپ تەلەتدىلەر. مېنىڭ كەتە-آنەمنى و اۋز-آنەمنى، بەعضى مېنىڭ بىلەن بۇلگەنلەرنى كۈچلەرنى بىلەن خۇجەندگە- مېنىڭ قاشىمگە يوباردىلەر.

اندىجاننى دېپ سەمەرقەندنى قۇلدن بېردىك. اندىجان ھەم قۇلدن چىققەن اېدى. بىز خۇدەي «غافل او يېردن قۇۋىلگەن و بو يېردن ايرىلگەن»، دېگەنلەردىك بۇلدىك. كۈپ مەشكەل و مەشقتە قالدىك. چۈنكە پادىشاھ بۇلگەنمەن بېرى بۇندەي نوكر و ولايتدن ايرىلمەگەن اېدەم، اۋزىمنى تەنگەنمەن بويان بو يۇسۇندە عذاب و مەشقتە كۈرگەنمنى اېسلايمەن.

خۇجەندگە كېلگەچ، بەعضى مەنەققەت كىشىلەر خەلىفەنىڭ مېنىڭ قاشىمە بۇلىشىنى كۈرە-آلمەدىلەر. مەھمەد حەسەن مەيرانى و بەعضى باشقە كىشىلەرنى ھەم شۇنگە كۈندىردىلەر. خەلىفەگە تاشكەند سەرى رەخەست بېرىلدى. قاسەم بېكىنى تاشكەندگە خان قاشىگە يوبارىپ، اندىجان اۋستىگە يۈرۈشى تەماس قىلىندى. خان ھەم لىشكر تارتىپ آھنگەران تاغ اېتەگى بىلەن كېلىپ، كەندىرلىك داۋانىنىڭ تۈبىگە تۈشكەندە مېن خۇجەنددن بارىپ، خان تاغەمنى كۈردەم. كەندىرلىك داۋانىنى آشىپ اخسى طرفىگە تۈشىلدى.

او طرفدن مخالفلار ھەم بار لشكرىنى يىغىپ، اخسى گە كېلىدىلار. بۇ فرصتدە پاپ قۇرغانىنى مېن اوچون بېرىكتىدىلار. خان نىنگ بىر آز سست يورىشىدن فايده لىنىپ، مخالفلار پاپ قۇرغانىنى اېگىللىب آلدىلار، گرچه خان نىنگ اخلاق-اطوارى يىخشى اېسەدە، بىراق سپاهىلىك و سردارلىكدن انچه بې بهره اېدى. اخير، احوال شوندى اېدى كە، اگر يىنە بىر حملة قىلىنسە، اوروشمەى آق ولايت قۇلگە آلىندى. انە شوندى بىر يىتدە مخالفلارنىنگ فريب آمىز سۇزلىرىنى قولاققە آلىپ، صلح حقىدەگى چۇپچىگىنى آرەگە سالىپ، خواجه ابوالكارم بىلن تىبل آغەسى بېك تېلبەنى (او پىتدە خان نىنگ اېشىك آغەسى اېدى) اېلچىلىككە يوباردىلار. او جماعە اۇزلىرىنى قوتقرىش اوچون بىر نېچە چىن و يالغان سۇزلىرىنى ايتىپ، خان گە يا آرەدەگىلرگە پارەلر بېردىلار. خان بونگە قناعت قىلىپ قېتىپ كېتدى.

مېن بىلن قالگن بېكلر، اىچكىلر و يىگىتلر اكثريتى نىنگ كۇچلرى اندىجان دە اېدى. اندىجاننى آلىشدىن نا اميد بۇلگنلرىدن سۇنگ، بېك و كىچىك بېكلردن، ھەمدە يىگىت-يىلنگدن پىتى-سگىز يوز كىشى مېندن ايرىلدىلار. ايرىلگنلر: بېكلردن على درويش بېك، على مزىد قۇچىن، محمد باقر بېك، شىخ عبدالله اېشىك آغە، مىرىم لاغرى. مېنىنگ بىلن قالگنلر: غرىبلىك بىلن مشقتى تىلەگنلر، يىخشى-يامان، تخمىنأ، اىگى يوزدن كۇپراق، اوچ يوزدن آزاراق اېدى. بېكلردن قاسم قۇچىن بېك، ويس لاغرى بېك، ابراهيم سارويى مىنگىلىغ بېك، شىرىم تىغايى، سىدى قرا بېك؛ اىچكىلردن مىر شاھ قۇچىن، سىد قاسم اېشىك آغە جلايىر، قاسم عجب، محمد دوست، على دوست تىغايى، محمد على مبشر، خدای پېردى توغچى مۇغول، ياراك تىغايى، سلطانتولى باباقولى، پىر ويس، شىخ ويس، يارعلى بلال، قاسم مىر آخۇر، حىدر ركا بدار. مېنگە كۇپ آغىر كېلدى، بې اختيار اوزاق يىغىلەدیم.

او بېردن خۇجندگە كېلدىم. مېنىنگ آنەمنى و كتە آنەمنى و بعضى مېن بىلن قالگنلرنى كۇچلرى بىلن خۇجندگە، مېنىنگ قاشىمگە يوباردىلار. رمضاننى خۇجنددە اۇتكزدىك. سلطان محمودخان گە كىشى يوبارىپ كۇمك تىلەب، سمرقند اوستىگە آتلىلدى. اوغلى سلطان محمد خانىكە و احمد بېككە تۇرت-بېش مىنگ لشكر بىلن سمرقند اوستىگە

يوريشنى بويورىپ، خان ھم آتلىپ، اۋرەتپەگچە كېلدى. او يېردە خان بىلەن كۈرىشىپ، سمرقند اوستىگە يارىلاق يۇلى بىلەن جۈنەدەم. سلطان محمد و احمدبېك باشقە يۇل بىلەن ايلگىرىق يارىلاققە كېلگەن اېكەن. مېن بۇركە يىلاۋى آرقەلى يارىلاق نىنگ داروغەسى تۈرەدىگەن سىگزار قۇرغانىگە كېلدىم. سلطان محمد خانىكە و احمدبېك شىيانى خان نىنگ كېلىپ، شېراز و اونىنگ اطرافلىرىنى تەلەگىنىنى اېشىتىپ، آرقەگە قېتىدىلەر. ضرورت بۇلدى، مېن ھم قېتىپ خۇجندگە كېلدىم.

سلطنت دغدغەسى و يورت آلىش آرزوسى بار اېكەن، بىر مرتە، ايگى مرتە ايش يورىشمەگىنى بىلەن قەرب اۋتېرىپ بۆلمەيدى. اندىجانگە يورىش خىالى بىلەن كۆمەك تېلەگىنى تاشكەندگە خان قاشىگە باردىم. شاھبېگمىنى و قىرىنداش-اوروغلىرىنى ھەم يېتى-سگىز يىلدىن بېرى كۆرمەگەندىم. شو بھانە بىلەن اولرنى ھەم كۆردىم. بىر نېچە كۈندىن سۇنگ سىد محمد مىرزا دۇغلت، ايوب بېكچىك و جان حسن بارىننى يېتى-سگىز يۈزچە لىشكر بىلەن كۆمەككە بېرىدىلەر. بو كۆمەكنى آلگىچ، خۇجنددە تۇختىپ تۈرمەي، تېز يورىپ كەندى بادامنى سۇل تاماندە قالدېرىپ، كېچەسى بىلەن شاتو قۇيىپ، خۇجنددىن اۋن يىغىچ، كەندى بادامدىن اوچ يىغىچ مسافەدەگى نىسوخ قۇرغانىنى، اچكىرىدەگىلرنى غەلتدە قالدېرىپ، اېگىلەدىك.

قاۋون پېشىغى اېدى. نىسوخدە بىر نۇوع قاۋون بۆلەدى كە، "اسماعىل شىخى" دېدىلەر، پۇچاغى سىرىق، سىغرى تېرىسىمان، يۈمشاق قاۋون بۆلەدى، طعمى آلمەنىكىگە اۋخىشەيدى، كۆشتى تۇرت اېنلىك، عجب لىذىد قاۋون دېر. بۈندەي قاۋون او تاماندە باشقە جايدە بۆلمەيدى.

اېرتەسى مۇغول بېكلىرى: «آدمىمىز آز، بو بىر قۇرغاننى آلگەن بىلەن نې مدعا حاصل بۆلگەي؟» دېپ عرض قىلدىلەر. درۋاق، شۈندەي اېدى. او يېردە تۈرىش يا قۇرغاننى سىقلىش مسالەسىدە بىر قارارگە كېلەلمەي، قېتىپ، خۇجندگە كېلدىك.

اوشبو يىلى خسروشاھ بايسونقور مىرزا بىلەن لىشكر تارتىپ، مكر و فرىب بىلەن چىغانىاننى آلدى. سلطان مسعود مىرزاگە: «كېلىنگ، سمرقند اوستىگە يورايلىك، سمرقند مىسر بۆلسە،

بیر میرزا سمرقندده اؤتیرگهی، ینه بیر میرزا حصارده»، دېب اېلچى یوباردى.

سلطان مسعود میرزانىنگ بېک، ایچكى و ییگیت-یلنگلری اوندن رنجیگن اېدیله. سببى- شیخ عبدالله برلاس میرزاگه قىیناته بؤلگنى اوچون بايسونقور میرزا قاشیدن سلطان مسعود میرزا قاشیگه باریب جوده اولوغ اعتبار تاپدی. حصار ولايتی کمدرآمد و کیچیکراق ولايت بؤلسه-ده، اونىنگ تېگیشینی مىنگ تومن تنگه (اؤن میلیون تنگه) قىلیب، ختلان ولايتینی قوش قۇللب تاپشیردی. ختلان ولايتیده سلطان مسعود میرزانىنگ بیر قنچه بېکلری و ایچکىلری نىنگ یېرلری بار اېدی. همه سیگه اېگه بۇلدى. شیخ عبدالله اؤزى و اؤغلانلری اساسی همده ایریم اېشیک اختیارلیگینی آلدیلر. رنجیگنلر قاجیب-قاجیب بايسونقور میرزا قاشیگه کبله باشلهدیلر.

خسروشاه و بايسونقور میرزا فریب آمیز سؤزلر بیلن سلطان مسعود میرزانى غافل قىلیب، چغانیان دن جدل آلتىب، ناغاره وقتیده حصار قۇرغانینی قمل قىلیب آلدیلر. سلطان مسعود میرزا قۇرغاندن تشقرى محله لرده-آته سى سالگن دولتسرا ناملى عمارتده اېدی. قۇرغانگه کیره آلمه ی، قاجیب، شیخ عبدالله برلاس بیلن ختلان سرى جۇنه دی. آرده شیخ عبدالله برلاس دن ایریلیب، او باج کېچىگى بیلن اؤتیب، سلطان حسین میرزا حضورىگه باردی. خسروشاه حصار ولايتینی آلگچ، بايسونقور میرزانى حصارده اؤتقزیب، ختلاننى ولیگه بېردى. بیر نېچه کوندن سۇنگ بلخنى قمل قىلیش امیدى بیلن آتلندى. اوزیدن ایلگریراق نظر بهادر ناملى اولوغ نوکرىنى اوچ-تۇرت مىنگ کیشى بیلن بلخ اطرافلریگه یوباردى. اوچ-تۇرت کوندن سۇنگ بايسونقور میرزانى آلیب کېلیب، بلخنى قمل قیلدى.

بلخده سلطان حسین بايقرانىنگ اؤغلى ابراهیم حسین میرزا حاکم اېدی. ینه سلطان حسین نىنگ بېکلردن هم خيله کیشى بار اېدی. اینیسى ولیگه کتّه قۇشین قۇشیب، شبورغاننى قمل قىلیب، تېوره ک-اطرافینی تالان-تاراج قىلیش اوچون یوباردى. ولی باریب شبورغاننى یقینیدن هم قمل قیله آلمه دی. بار لشکرىنى زردک چۇلیده گى اېل و خلقنى تالان-تاراج قىلیشگه یوباردى. باریب زردک چۇلینی تلب، یوز مىنگدن آرتیقراق قۇى و اوچ

مینگگه یقین تویه آلیب کەلدیلەر. ولی اوندن سۇنگ سانچارک ولایتیگه هجوم قیلیب، تاغده بپرکینگن بعضی اہللرنی آلیب کەلیب، بلخده اکەسیگه قۇشیلدی.

خسروشاہ بلخنی قمل قیلگن فرصتده بیر کونی منہ شو نظر بہادر اسملی نوکرنی بلخ نینگ اریقلرنی بوزگنی یوباردی. ایچکریدن سلطان حسین میرزانینگ اعتبارلی بېگی تېنگر بېردی سمانچی یتمیش-سکسان ییگیت بیلن چقیب، نظر بہادر بیلن یوزمہ-یوز بۇلیب، ییقتیب، باشینی کەسیب آلیب، قلەگه کیردی. کۆپ مردانەلیک کۆرسەتیب، زور ایش قیلدی.

ذوالنون ارغون و اوغلی شاہ شجاع بدیع الزمان میرزاگه نوکر بۇلیب، قیز بېریب، فتنہ و بوزوقچیلیککە بېریلدیلەرکە، شو ییلی حسین میرزا اولرنی دفع اېتیش اوچون لشکر تارتیب بۇستگه کەلیب توشدی. لشکریگه ہېچ طرفدن یېگولیک کەلمەدی، آچلیکدن ناچار احوالگه توشگنلریدہ بۇست داروغەسی بۇست نینگ قۇرغانینی بېردی. بۇست ذخیرەسی نینگ مددی بیلن خراسانگه قېتیب کەتدی. سلطان حسین میرزادېک اولوغ پادشاہ مونچہ اسباب و دبدبہ بیلن بیر نېچہ مرتہ قوندوز، حصار و قندھار اوستیگه لشکر تارتیب، آلہ آلمەى قېتیب کەتگنی اوچون اوغلانلری و بېکلری باتیرلنپ کەتیب، یاولشدیلر و فتنہلر قیلدیلر. یازگه چقیب، استرابادنی اېگلەش مقصدیدہ یامانلیک قیلە باشلەگن اوغلی محمد حسین میرزانینگ نیتلرنی برطرف اېتیش اوچون محمد ولی بېک باشلیق بېکلرنی کۆپ لشکر بیلن استرابادگه هجومگه جۇنہ تیب، اۋزی نیشین سیھونلیگیدہ اوتیریپ اېدی کە، بدیع الزمان میرزا و ذوالنون نینگ اوغلی شاھبېک کوتیلەگندہ سلطان حسین میرزانینگ اوستیگه لشکر تارتیب کەلدیلر. بختلی تصادفگه کورہ، حصارنی آلدیریپ قۇیب، سلطان حسین میرزا حضوریگه آتلنگن سلطان مسعود میرزا اوشبو کون یېتیب کەلدی؛ استرابادگه کەتگن لشکر ہم کەلیب، شو کونی سلطان حسین میرزاگه قۇشیلدی. ایگى لشکر رۇپەرہ بۇلگن زہاتى یاق اوروشہ آلەمدی ہم. بدیع الزمان میرزا بیلن شاھبېک قاجدی.

سلطان حسین میرزا سلطان مسعود میرزانى یخشى کۇریب، کویاولیککە قوللوق

قىلدېرىپ، عنایت و شفقتلر كۆرستىدى. بوندىن ايلگىرىراق سلطان حسين ميرزا خدمتيدە بۇلگن خسروشاھنىڭ اينىسى باقى چغانىاني بىلن سمرقند و اندىجان گە تكرراراً يوريش قىلىپ، ھېچ ايش چىقراقلمەي، يەنە قېتىپ خۇجندگە كېلدىك. خۇجند كىچىكراق بىر يېر دىر. يوز-ايگى يوز نوكرلىك كىشى نىڭ تىرىكچىلىگى تشويش بىلن اۋتەدى. يوكسك آرزولى كىشى قرەب اۋتيرمەيدى. سمرقندنى اېگللەماق اميدى بىلن اۋرەتپەدەگى محمد حسين كۆرەگان دۇغلت گە كىشىلر يوبارىپ، سۇزلىشىپ، بو وقلرى اونگە تېگىشلى بۇلگن حيرت خواجەنىڭ ملك يېرلىرىدىن يارىيلاق قىشلاقلىرىدىن پشاغرنى، بو قىش بىزگە وقتىنچە خصومت بىلن خراسان دە تورمەي، بىر بهانە تاپىپ، سلطان حسين ميرزادىن رخصتسىز خسروشاھ گە تامان جۈنەدى. خسروشاھ حصاردىن بايسونقور ميرزانى سۈرەب كېلتىردى. اوشبو فرصتدە اولوغ بېك ميرزانىڭ اوغلى ميرانشاه ميرزا آتەسى بىلن ياولشىپ، هزارە قلعه سېگە كىرىپ، هزارەدە ھەم مراضات سىزلىك قىلىپ، تۈرە آلمەي، او ھەم خسروشاھ قاشىگە كېلگن اېدى.

بعضى قىسقە اۋىلەيدىگنلر اوچلە پادشاھزادەنى ھەم اۋلدىرىپ، خسروشاھ آتىگە خطبە اۋقېتىشگە تيار اېدىلر. خسروشاھ بو ايشنى مصلحت كۆرمەي، سلطان مسعود ميرزانى كىچىكلىگىدىن بېرى اسرەب اولغەيتىرگن، اونگە بېك آتەلىك قىلگن بۇلسە ھەم، نە اونگە و نە باشقەگە وفا قىلەدىگن، بو بېش كونلىك دىياني دېب، بو كۆرەنمك اونى توتىپ كۆزلىرىگە نشتىر سىنچىپ، كۆر قىلدى.

بىر نېچە كۆگلداس و صادق كىشىلرى سلطان مسعود ميرزانى سمرقندگە، سلطان على ميرزا قاشىگە اېلتىش فكري بىلن كېشگە كېلدىلر. او جماعە ھەم قصد پيىدە بۇلدى. كېشدىن قاچىپ، چارچۇي كېچىگى بىلن اۋتېب سلطان حسين ميرزا قاشىگە باردى.

كىم كە بوندەي يامان يۇلگە قدم قۇيسە و بوندەي ايشگە مېل قىلسە، قيامتگچە يوز مېنگ لعنتلر بۇلسىن. ھەر كىم خسروشاھنىڭ قىلغىلىگىنى اېشيتسە، لعنتلر آيتسىن! بو واقعه نى اېشيتىپ لعنتلەمەگن كىشى ھەم لعنتگە سزاوار بۇلسىن. بو خونىك حركتدىن سۇنگ خسروشاھ

بايسونقور مىرزانى پادشاھ قىلىپ، حصارگە جۈنەتدى. مىرانشاھ مىرزاگە سىد كامل نى كۈمك
قۇشىپ، باميان سىرى يوباردى.

تۇقىز يوز تۇرتىنچى (۱۴۹۸-۱۴۹۹) يىل واقعه لرى

سمرقند و اندىجان گە تکراراً يوریش قىلىپ، ھېچ ایش چىقالمەي، ینە قېتىپ خوجندگە کېلدىک.

خوجند کىچىکراق بىر يېر دىر. يوز-ايکى يوز نوکرلىک کىشى نینگ تریکچىلىگى تشویش بىلن اۋتەدى. يوکسک آرزولى کىشى قرەب اۋتیرمەیدی. سمرقندنى اېگللەماق امیدی بىلن اۋرەتپەدەگى محمد حسین کۋرەگان دۋغلت گە کیشیلر یوباریب، بو وقتلری اونگە تېگیشلى بۇلگن حیرت خواجە نینگ ملک-یەرلریدن یاریلاق قیشلاقلریدن پشاغرنى، بو کىشى بیزگە وقتینچە بېریب تورسین، دېب سۋردیک. مدعامیز او یېردە اۋتیریب، سمرقند ولایتینی قۇلگە کیریتیش اوچون قۇلدن کېلگنچە اورینیش اېدی. محمد حسین میرزا هم راضی بۇلدى.

خۇجنددن آتلىنىپ پشاغرگە جۇن بېتىدیم. ضامن گە يېتگن فرصتدە ایسیتمە باشلندی. ایسیتمە گە قرەمەي، ضامن دن آتلىنىپ تاغ یۇلى بىلن اوتیب، رباط خواجە قۇرغانی نینگ اوستیگە کېلدىم. اېل غفلتدە لیگیدە شاودار تومنی نینگ داروغەسى اۋتیرەدیگن رباط خواجە قۇرغانیگە شاتى قۇیب آلماقچى بۇلدىک. سحریتى يېتىدىک. اېلى خبردار بۇلدى. ینە قېتىپ، ھېچ بېردە تۇختەمەي پشاغرگە کېلدىک. ایسیتمە توتگنیگە قرەمەي اۋن اوچ-اون تۇرت ییغاچ یۇلنى عذاب و مشقت بىلن باسیب اۋتدیم. بىر نېچە کوندن سۇنگ ابراھیم سارونى، ویس لاغرینی و شیریم تغاینى خاص بېکلر و ییگیتلر بىلن باریب، یارییلاق قۇرغانلرینی سۇز یا کوچ بىلن قۇلگە آلیش اوچون ھجومچى قىسم اېتىپ تعینلەدىک.

بو فرصتده ياريلاق سيد يوسف بېكده اېدى. مېن سمرقنددن چىققندە قالگن اېدى، اونى سلطان على ميرزا هم قدرلردى. سيد يوسف بېك اينيسى و اۋغلىنى ياريلاق قۇرغانلرى نىنگ حمايه و تعميرىگه يوبارگن اېدى. احمد يوسف (بو واقعه يازيله ياتگن پىتده سيالكوت حكومتى اونده اېدى) اۋشه ياقده، اۋشه قۇرغانلرده اېدى. بىز نىنگ بېكلر و يىگىتلىرىمىز هم بارىب بوتون قىش بۋىي بعضى قۇرغاننى صلح بىلن قۇلگه كىرىتدىلر، بعضى سىنى اوروشىب كوچ بىلن آلدىلر، آيرىملرىنى عيارلىك و غلهمىسلىك بىلن اۋغىرىنچه اېگلىب آلدىلر. اولاتلرده مۇغول و اۋزبكلر (شېبانيلىر يورىشى) سببلى، قۇرغانى بۆلمەگن بىرار قىشلاق يۇق اېدى. اوشبو فرصتلرده بىز طفىلى سيد يوسف بېك اينيسى و اۋغلىدن بدگمان بۇلىب، اولرنى خراسانگه جۇنئدى. بو قىش شوندهى تلاش و تارتىشىش بىلن اۋتدى. ياز كېلىب صلح اوچون خواجه يحيىنى يوباردىلر، اۋزلىرى هم لشكر پىيده شېراز و كابود اطرافلىرىگه كېلدىلر. بىز نىنگ بار لشكرىمىز ايگى يوزدن كۇيراق، اوچ يوزدن آزاراق اېدى. هر طرفده كوچلى غنىملر انديجان تامانده اېدىلر، طالع هېچ مدد قىلمەدى. سمرقندگه اورىنىب، هېچ ايش يورىشمەدى. ضرورتدن صلح توزگنگه اۋخشەب كېلىشىب، پشاگردن آرقەگه قىتىلدى.

خۇجند كىچكىنە بىر پىر دىر. بىر بېك نىنگ تىرىكچىلىگى اونده تشويش بىلن اۋتەدى. بىر يىم-ايگى يىلگه يقىن كىشىلرىمىز و عايله اعضالىرىمىز بىلن شو پىرده اېدىك. او مسلمانلر هم بو مدتده امكانى بارىچە خرج تارتىب و خدمت قىلدىلر، هېچ كمچىلىككە يۇل قۇيمەدىلر. ينه قىسى يوز بىلن خۇجندگه بارەمىز؟ خۇجندگه بارىب هم كىشى نىمە قىلەدى؟

بارماققە نې مسكنې مىسر،

تورماققە نې مأمىنى مقرر.

آخرى اوشبو تردد و پرىشانلىك بىلن اورەتپەنىنگ جنوب طرفيدهگى يىلاولرگه باردىك. بىر نېچە كونى او تامانلرده، اۋز احوالىمىزگه اۋزىمىز حيران، كېتر-توررىمىزنى بىلمەى، سرگردان اۋتكزدىك.

بىر كونى شو پىرده اېكنىمىزده، بىزدېك وطندن آيرىلىب، سرگردان يورگن خواجه

ابوالمكارم مېنى كۆرگنى كېلدى. كېتر-تورر بېرىمىزدن، قىلر-قىلمىس ايشىمىزدن سۇراقلىق و سوريشتىرىپ، قىتق تائىرلىق، بىزنىڭ حالىمىزگە اچىنىپ، فاتحه اۇقىپ كېتدى. مېنگە ھم جودە قىتق تائىر قىلدى، سىقىلدىم.

شو كۈنى نماز عصر پىتى درەنىڭ پىستىدە بىر اتلىق پىدا بۇلدى. بو على دوست تىغايى نىڭ يۇلچوق اسملى نوكرى اېكن. اونى على دوست تىغايى مېندىن عظيم گناھلر اۋتگن بۇلسە ھم، اميدقىلەمن كە، مرحمت قىلىپ گناھىمدىن كېچىپ، بىز تامان يۇلگە توشسەلر، مرغىنانى تاپشىرىپ، بىر نوع قوللىق و خىزمەتلر قىلگەيمېن، تاكە گناھىم اريب، خىجالتىم بىر طرف بۇلسىن، دېگن معنادە يوبارىيدى.

بۈندەى خىرانلىك و سرگردانلىكدە بو خبر كېلىشى بىلەن ھېچ اندىشە قىلمەى، اۋىل بۈتۈر مەى، اۋشە زمان-اق-قوياش باتەياتگن پىتدە مرغىنانى آلىش نىتدە يۇلگە توشدىم. بو بىر بىلەن مرغىنان آرەسى تخمىنأ يىگىر مە تۇرت-يىگىر مە بېش يىغاچ مسافە اېدى. اۋشە كېچە تانگ آتگۈنچە و اېرتەسى كۈنى پېشىن نمازى وقتىگچە ھېچ يېردە دَم آلمەى يورىلدى. پېشىن نمازى وقتىدە خۇجندىنىڭ تىگاب دېگن قىشلاغىگە توشىلدى. آت ساووتىپ، آنگە يېم بېرىپ، تون يرمى-ناغارە وقتىدە تىگابدىن آتلىنىلدى. اۋشە كېچە تانگ آتگۈنچە و اېرتەسى آفتاب باتگۈنچە و يەنەگى كېچەسى تانگدىن اېرتەراق مرغىنانگە بىر يىغاچ قالگندە ويس-بېك و بعضىلر تردگە توشىپ: «على دوست قنچە يامانلىكلر قىلگن كىشى بۇلسە، بو آرەدە بىر-ايگى نوبت اېلچى بارىپ-كېلمەى، كېلىشوو و عھد و شرط بۇلمى، نىمەگە ايشانىپ بارەيىمىز»، دېپ عرض قىلدىلر. در واقع، بۈندەى تشويشلىرىنىڭ اساسى بار اېدى. بىر آز تۇختىپ، كېنگەشەپ آلدىك. آخرى شۈندەى قارارگە كېلىندى كە، گرچە بو تردلر اۋرىنلى بۇلسە-دە، بۈنى ايلگىرىراق اۋىلىش كېرەك اېدى. اوچ كېچە-كۈندۈز تىنمەى، دَم آلمەى يىگىر مە تۇرت-يىگىر مە بېش يىغاچ يۇلنى باسىپ كېلدىك: نە آتدە مدار قالگن و نە آدملىردە. بو يېردىن اېندى قندەى آرقەگە قىتەمىز، قىتەمىز ھم قىسى تامانگە بارەيمىز؟ بو يېرگچە كېلدىكىمى، بارماق كېرەك! ھېچ نىمە خدانىڭ اىستىگىدىن اۋزگە بۇلمىس.

سۆزنى بىر جايگە قۇيىپ، توكل قىلىپ جۈنەدىك. بامداد نمازى وقتىدە مرغىنان قۇرغانى نىنگ اېشىگىگە كېلدىم. على دوست تىغاي دروازەنىڭ آرقەسىدە تۇرىپ، دروازەنى آچمەي، عەھد التماس قىلدى. عەھد و شرط قىلىنغان سۇڭ دروازەنى آچىپ، ايگى دروازە طبقەسى آرسىدە ملازمت قىلدى. على دوست بىلەن كۆرىشكىمىزدىن سۇڭ قۇرغان ايچىدەگى بىر مناسب حويلىگە توشىلدى. مېنىڭ بىلەن بۆلگەن كۆتە-كىچىك ايگى يوز قىرق كىشى اېلدى. اوزون حسن و سلطان احمد تىبەل ولايت خەلقىگە كۆپ ظلم اۆتكەپ، يامانلىكلار قىلغانىلار. ولايت اېلى نىنگ ھەمەسى مېنى طلب قىلدى. مرغىنانگە كىرگىمىزدىن ايگى-اوچ كۈن اۆتگەچ، قاسم بېككە پىشاغردىن، يىڭى نوكر بۆلگەنلەر و على دوست بېك نىنگ نوكرلىرىدىن يوزدىن كۆپراق كىشىنى قۇشىپ، اندىجان نىنگ جەنۇب طرفىدەگى تاغ اېللىرىگە-اشاريان، توروقشاران و چكەك كى تومىلارگە بىز تامانگە مايىل قىلىش ياكە زۆرلىك بىلەن اۋشە اېللىرىنى اطاعتكە كېلتىرىش اوچون يوبارىلدى. ابراهيم سارو، ويس لاغرى و سىدى قرانى يوزگە يىقىن كىشى بىلەن اخسى تامانگە، خۇجند سوۋىنى كېچىپ، او تاماندىگى قۇرغانلار و تاغ اېللىرىنى ھەر نىمە قىلىپ بۇلسە ھەم بىزگە بۇيسوندىرىش اوچون جۈنەتەلدى.

بىر نېچە كۈندىن سۇڭ اوزون حسن و سلطان احمد تىبەل جەھانگىر مىرزانى آلىپ، موجود عسكەر و مۇغولنى تۇپلەپ، اندىجان و اخسى نىنگ لشكەرگە قۇشىلەدىگەن كىشىلىرىنى صفگە قۇشىپ، مرغىناننى قەل قىلماق امىدى بىلەن شەھردىن بىر شەرى نرى-شەرق تاماندىگى سەپان ناملى قىشلاققە كېلىپ توشىدىلار. بىر-ايگى كۈندىن سۇڭ صف تارتىپ، يراغلىنىپ مرغىنان محەللىرىگە كېلدىلار. قاسم بېك، ابراهيم سارو و ويس لاغرى سىنگىرى سەردارلار ايگى طرفگە يورىشكە جۈنەتەلگەن، مېنىڭ بىلەن سىناقلى كىشىلەر قالغان بۇلسەلەردە، بار يىگىتلەر صف تارتىپ چىقىدىلار. دىشمەننى محەللەردىن ايلگىرى كېلگەننى قۇيمەدىلار. اۋشە كۈنى دىستارپىچ تەن قۇرىقچى خەلپە مىداندىە يىخشى جىڭ قىلىپ، راسە اۋزىنى كۆرسەتتى. غەنىملەر ھېچ ايش قىلەلمەدىلار. قەتە ايگىنچى مەرتەبە قۇرغان يىقىنىگە كېلمەدىلار. قاسم بېك اندىجان نىنگ جەنۇبى تاغلىرىگە بارىپ اېلدى، اشاريان و توروقشاران، چكەك و او طرفلەردەگى تاغ-تۈزدەگى اېل و

اېلتلر بوتونله ی بیزگه کېلیب قوشیلدی. غنیم لشکریدن هم بیر- ایگیتله بیزگه قاجیب کېله باشلهدیلر. اخسی طرفیگه سِردریادن اؤتیب بارگن ابراهیم سارو بیلن ویس لاغری قۇلیگه پاپ قۇرغانی وینه بیر-ایگی قۇرغان کیردی.

اوزون حسن و سلطان احمد تنبل ظالم، بوزغونچی و کافر طبیعت کیشیلر اېدیله، خلق و ولایت اېلتلری بولردن جوده آزار چېککن اېدیله. اخسی اولوغلریدن حسن دېکچه اؤز جماعتی بیلن وینه اخسی نینگ بیر تۆده جنگری، چینلری کېلیشیپ، قاره تیاق قیلیپ، اخسی نینگ تاشقۇرغانیده گیلرنی کوچلی ضربه لر بیلن ارککه تیقیپ، ابراهیم سارو، ویس لاغری و سیدی قرا باشلیقلرنی طلب قیلیپ، اخسی نینگ تاشقۇرغانیگه کیریتدیلر. اؤشه پیتلری شیبانی خان دن قاجیب خان قاشیگه کېلگن بنده علی، حیدر کؤگلداش و حاجی غازى منگیتنى تومن بېکلری بیلن سلطان محمودخان بیزگه کؤمککه یوبارگن اېدی. اوشبو محلده کېلدیلر. بو خبر اوزون حسن گه پیتگچ، تیپیرچیلپ قالیب، ایشانچلی نوکرلری و سره ییگیتلرنی اخسی نینگ ارکیگه مدد اوچون یوباردی. اولر سحر وقتى دریا یاقه سیگه کېلیپ پیتدیلر.

بیزنینگ لشکریمیز و مؤغول لشکری خبر تاپیب، بیر قسم کیشیلرنی آتلیرنی یلنغاچلب، سوودن اؤتکزدیلر. یاردمگه کېلگنلر شاشگنیدن کېمهنی یوقاریگه تارتمه ی، کېچگن پیریدن- آق قۇییب یوباردیلر. قۇرغانگه اؤته آلمه ی، قوی توشدیلر. بیزنینگ لشکریمیز و مؤغول لشکری کېمهنینگ اطرافیکه آت یلنغاچلب کیره باشلهدی. کېمهده گیلر هېچ اوروشه آلمه دیله. قارلواچ بخشی مؤغول بېک اؤلانلریدن بیرینی چقیریب، قۇلیدن توتیب چاپیب اؤلدیردی. بونینگ نیمه فایده سی بار اېدی؟ خشت قالبیدن کؤچگن اېدی. اکثر کېمهده گیلرنینگ اؤلیپ کېتیشلریگه شو حرکت سبب بؤلدى. بیر زومده دریاده گیلرنی اؤره ب آلیپ، برینی قیردیلر.

قارلواچ بخشی، خلیل دېوانه، قاضی غلام اوزون حسن نینگ معتبر کیشیلریدن اېدیله. بولردن بیرى قاضى غلام گینه قوللوق بهانه سی بیلن خلاص بؤلدى. ینه معتبر ییگیتلریدن حاضر مېنینگ قاشیمده اعتبارده بؤلگن سیدعلی اېدی. ینه پیتمیش سکسان سره ییگیتدن

حیدر قولى، يەنە قوليكە كاشغرى سىنگرى اوشبو بېش-آلتىتە سناقلى كىشى خلاص بۇلدى. بو خبرلرنى اېشىتىپ، غنىملر مرغىنان اطرافىدە تورەآلمەى اندىجان سىرى پراكنده يۇسىندە قاچدىلر. اندىجانگە اوزون حسن نىنگ كوياوى ناصربېكنى قۇيگن اېدىلر. اگر اونى ايكىنچى اوزون حسن دېب بۇلمەسە-دە، اوچىنچىسى دېسە بۇلردى. تجربەلى كىشى اېدى، مردانه ليگى هم بار اېدى. بو واقعه لرنى يىلىپ، اولر نىنگ ايشانچىسىز ليكلرنى سېزگىچ، اندىجان قۇرغانىنى بېركىتىپ مېنگە آدم يوباردى. بولر اندىجانگە يېتگندە قۇرغان بېركىلگىنىنى يىلىپ، اوزارا كېلىشالمەى، اوزون حسن كۇچىگە-اخسى سىرى جۇنەدىلر.

سلطان احمد تىل اۈز ولايتىگە-اۈشگە كېتدى. جهانگىر مىرزانى بىرنېچە خاص نوكرلىرى و يىگىتلىرى اوزون حسن دن آلىب قاچىپ، هنوز اۈشگە يېتمەگن تىلگە بارىپ قۇشىلدىلر. اندىجان نىنگ بېركىتىلگنى خبرى مېنگە كېلدى. ھىللەمەى، مرغىنان دن كون چىقرەدە آلتىپ، توش قېتگندە اندىجانگە كېلدىم. ناصربېك و اۋلانلرى دوست بېك و مىرىم بېكنى كۇرىپ، سۇرەشىپ، عنايت و شفقت كۇرسەتىپ، خورسند قىلدىم.

آتە ولايتىم ايكى يىلگە يقىنلىشگن اېدى كە، قۇلدىن چىققندى، تىگرى عنايتى بىلن ذوالقعدە آيىدە ھىجرى ۹۰۴ (۱۴۹۹) يىلى يەنە مېنگە مىسر بۇلىپ اېگللندى. جهانگىر مىرزا بىلن قۇشىلىپ آلگن سلطان احمد تىل اۈش سىرى بارىپ اېدى. اۈشگە كىرگىچ، اۈش دە خلق قىزىل آياق-قارەتياق قىلىپ، اولرگە ضربە بېرىپ اورە-اورە اۈش دن قوويپ، قۇرغانى بىز اوچون سقلىپ، بىزگە كىشى يوباردىلر. جهانگىر و تىل سناقلى كىشىلرى بىلن سراسىمەگە توشىپ اۈزگندە كىردىلر.

اوزون حسن اندىجانگە كىرەآلمەى، اخسى طرفگە كېتگن اېدى. بارىپ اخسى نىنگ اركىگە كىردى، دېگن خبر كېلدى. ايش باشى و فتنە باشى شو بۇلگنى اوچون، بو خبر كېلگىچ، اندىجان دە تۇرت-بېش كوندن آرتىق تورمەى، اخسىگە تامان آتلندىك. بىز اخسىگە يېتگىچ، چارەسىنى تاپالمەى، عھد و امانلىك تىلپ، قۇرغانى تاپشىردى. بىر نېچە كون اخسى دە تورىپ، اخسى، كاسان و او يورت نىنگ ايش كوچىنى يۇلگە سالىپ، سرانجاملپ،

ھجومچى قىسم مۇغول بېكلىرىگە رخصت بېرىپ، اوزون حسننى كۈچى و تېگىشلى كىشىلىرى بىلن آلىب اندىجانگە كېلىندى. قاسم عجب خاص نوكرلر گروھىدن اېدى، حضورىمدە بېكلىك مرتبەسىگە يېتگن اېدى، اخسىدە اونى امانت داروغە قىلىپ قالدېرىلدى. اوزون حسن بىلن عهدلشوو بارلىگى طفىلى، جان و ماليگە ضرر، نقصان يېتكزمەي، قارەتېگىن يۇلى بىلن حصار سىرى كېتىشگە اجازە بېرىلدى. او بىر نېچە سناقلى كىشىلىرى بىلن گىنە حصارگە كېتدى. اۈزگە برچە نوكرلرى اوندن آيرىلىپ قالدېلر.

بو تھلكەلى پىتلردە بىزگە تعلقلى اېلنى و خواجە قاضى ھمدە اولرگە يقىنلرنى توتگن، تەگن شولر اېدى. بعضى بېكلر بىلن اتفاق تۈزىپ، شۈندەي قرارگە كېلدىككە، مونچە يره مسلىك و بوزغونچىلىكلر قىلگن، مونچە بىزگە تعلقلى مۇمن-مسلماننى توتگن، تەگن بو جماعت اېدى. اۈزلرى نىنگ بېكلرىگە نې وفا قىلدېلركە، بىزگە وفا قىلسەلر! بولرنى توتىپ تەگن تەسك، نىمە عىبى بار؟ خصوصاً، بىز نىنگ كۈز اۈنگىمىزدە آتېمىزنى مىنىپ، تۈنىمىزنى كىيىپ، بىز نىنگ قۇيىمىزنى يىپ يورسەلر، بۈنگە كىم چىدەيدى؟! اگر شفقت قىلىپ، توتتېرىلمسە يا تەتېلمسە، بىز بىلن حربى سفلردە و مشقتلردە بۇلگن جماعت نىنگ حاضر تېگن ماللىرىگە فرمان بۇلسەكە، قېتريب آلسەلر. شو بىلن گىنە قوتولسەلر ھم مئتدار بۇلىشلىرى كېرەك. بو ملاحظە تېزدە معقول كۆرىندى. بىز نىكىلر اۈزلرى تىگن نرسەلرىنى قېتريب آلسىنلر، دېگن فرمان بۇلدى. بو ايش معقول و اۈرىنلى بۇلسەدە، بىر آز شاشىلىشگە يۇل قۇيىلگن اېكن.

جھانگىر مىرزادېك غنىم يان گىنەمىزدە اۋتېرگندە، اېلنى بۈندەي چۈچىتماق نىنگ ھېچ معناسى يۇق اېدى. مملكت آلىش و يورت باشقرىشەدە، گرچە بعضى ايشلر يۈزەكى قرەگندە معقول و اساسلى كۆرىنسەدە، اما ھر ايش نىنگ ضمنىدە يۈزمىنگ ملاحظە واجب و لازمدور. اوشبو بىر ملاحظەسىز حكىم يورىتگنىمىز عاقبتىدە قنچەدن قنچە غوغا و فلاكتلر يۈز بېردى. آخرى اندىجاندن ايگىنچى مرتە چىقىشىمىزگە سبب ھم اوشبو چوقور اۋىلنمەگن حكىمىمىز بۇلدى. شو باعثدن مۇغوللر قۇرقوو و واھمەگە بېرىلىپ، رباطك موضعىدن (بو

جانىنى ايگى سوو آرهسى ھەم دېيىدىلەر) اوزگند طرفىگە كۈچىپ، تىبلگە آدم يوباردىلەر. مېنىڭ
 آنەم قاشىدە مىنگ بېش يوز-ايگى مىنگگە يىقىن مۇغول اولوسىدىن بار اېدى. حصارىن حمزە
 سلطان و مەھدى سلطان، محمد دۇغلەت بىلەن يەنە شونچە مۇغول كېلگەن اېدى. ھەمىشە
 يامانلىك و بوزوقچىلىك مۇغول اولوسىدىن صادر بۇلىپ كېلگەن دىر. حاضرگچە بېش مرتە
 مېن بىلەن يوللىدىلەر. مېنگە مەنسەب سىزلىكىدىن يوللىشىلارنى يۇق. بوندەى حركەتلەرنى اولر اۈز
 خانلەرگە نەسبەتاً ھەم تەكرار-تەكرار قىلىدىلەر. مېن خەداى پېردى بۇقانىنى مۇغوللار آرسىدىن
 عالىدە قەدرلەپ تەلەگەن اېدىم. او وفات اېتىپ، مۇغوللار آرسىدە يەنە ياتىغان اۈغلى سلطانقولى
 چىناق بو خەبەرنى كېلتىردى. اوز اېل و اولوسىدىن ايرىلىپ بو خەبەرنى يېتكۈزگەن يەنە
 بۇلدى. گرچە بو واقەدە يەنە يەنە بۇلگەن بۇلسە، لېكىن سۇنگرە شوندەى ايشلار قىلدى كە،
 عاقبەتدە يوز بار قىلگەن بوندەى خەمتلەرى ھەم يۇقۇقە چىقەدى. ھەلى بو خەدە يازىلەدى.

كېيىنكى قىياپەتلەرى ھەم مۇغوللىك نىڭ عاقىبەتى اېدى.

بىزگە خەبەر كېلگەچ، بېكەرنى يىغىپ كېنىگەش اۋتەزدىك. بېكەلەر غەرض قىلدىلەر كە، بو
 كېچىك بىر ايش، بونگە پادىشاھ نىڭ ائەلەمەنىگە احتىياج بارمى؟ قاسم بېك بىرچە بېكەلەر و
 لىشەرنى باشلەپ بارىپ، دېيىشىدى اولر. شونگە كېلىشىدىك. اولر آسان يۇل توتىدىلەر و تەدبىر
 خەتتا بۇلگەن اېكەن. بو كۈنى قاسم بېك بېكەرنى و لىشەرنى باشلەپ چىقىدى. اولر يېتىپ
 بارگەنچە تىبل نىڭ اۈزى كېلىپ، مۇغوللەرگە قۇشلىگەن اېكەن.

تەنگەلەسى اېرەتە بىلەن ايلەمەش درياسى نىڭ يىسى كېچىك ناملى كېچىگەن اۋتەشلىرى
 بىلەن آق يوزمە-يوز بۇلەدىلەر، يەنە اوروشەدىلەر. قاسم بېك اۈزى سلطان محمد ارغون بىلەن
 رۇپەرە بۇلىپ، ايگى-اۈچ نوبەت قىلىپ سالىپ، اونى باش كۈترگەن قۇيمەيدى. آخىرى يىگىتلەر
 شەكست تاپەدىلەر. قاسم بېك، عالى دوست تەغايى، ابراھىم سارو، لاغرى، سىدى قرا، يەنە اۈچ-
 تۇرت بېك و اچچىكلەر جەنگەن سەلامەت چىقىدىلەر. اۈزگە كەتەر بېكەلەر و اچچىكلەر قۇلگە
 توشىدىلەر. اسىر توشىگەن بېكەلەر-اچچىكلەردىن عالى درويش بېك، مېرىم لاغرى، تۇقە بېك
 تەغايى بېك، محمد دوست، عالى دوست، مېرىشە قۇچىن، مېرىم دېوان ھەر بىرلىرى بو اوروشەدە

ايگى يىگىتچە قىلىچ چاپەدىلر. بىزىنىڭ تامانىمىزدىن ابراهيم سارونىڭ اينىلىرىدىن صمد اسملى، اولر تاماندىن حصارلىك مۇغوللاردىن شەسوار ناملى جنگىچى يوزمە-يوز بۇلەدىلر. شەسوار شوندى قىلىچ چاپەدى كە، دوبولغەدن اۋتىب، قىلىچ صمدنىڭ باشىگە انچە باتەدى. شوندى جراحتىگە قرەمسدن صمد شوندى چاپەدى كە، شەسوارنىڭ باشىدىن قۇل كىچىچە سويكنى قىلىچ آلىب كەتەدى. شەسوارنىڭ دوبولغەسى يۇق اېكن. شەسوارنىڭ باشىنى اۋىدىلر، يىخشى بۇلدى. صمدنىڭ باشىنى اۋىر كىشى يۇق اېدى. اوچ-تۇرت كوندن كېن اۋشە جراحت بىلن قضا قىلدى. بو مغلويت سرگردانلىكلردن و فلاكتلردن خلاص بۇلىپ اېندىگىنە ولايت آلگن پىتىمىزدە جودە بې وقت شىكست اېدى.

اولوغ بېك-ركن اعظمىم قنبرعلى مۇغول اندىجاننى آلگن چاغىمدە ولايتىگە كەتگن اېدى، يۇق اېدى. شونچەلىك بىلن تىل جهانگىرنى آلىب كېلىپ، اندىجاندىن بىر شرعى نرىدەگى ايش تېپەلىگى نىڭ آلدەگى سېھونلىككە توشدى. بىر-ايگى مراتبە چەل دختراندى غنىم لشكرى صف تارتىپ، عىش تېپەلىگى نىڭ اېتىگىگە كېلدى. بىزىنىڭ يىگىتلىرىمىز محله و باغلردن درحال يراغلنىپ چىقىدىلر، دشمن ايلگرى كېلەلمەدى، اېتكلردن آق نرى كېتدى. ياو اوشبو جاىگە كېلگندە اسىر توشگن بېكلردن مىرىم لاغرى و تۇقەنى اۋلدىردى. بىر آىگە يقىن بو اطرافدە اۋتىرىپ، هېچ ايش قىلەلمەدى. اۋش تامانگە قرەب قىتدى. اۋش ابراهيم ساروگە بېرىلگندى. اونىڭ آدملىرى اۋشە پىردە اېدى، اۋشنى ياوگە قرشى بېرىتىدىلر.

تۇقىز يوز بېشىنچى (۱۵۰۰-۱۴۹۹) يىل واقعه لرى

ولايتدەگى اتلىق و پياده عسكرلرگە شاشىلىنچ خبر يېتكزۈۈچى بېكلر ونظارتچىلر يوباريلىدى. قنبرعلى گە و اۈز ولايتلرگە كېتگن عسكرلرگە تۈرە^۱، كېتمان، آيالتە و باشقە حربى قورال- يراقلر ھمدە آذوق- طعام تاپىب كېلتىرىش اوچون سېرغىرت تاپەغان كىشىلر يوباريلىدى. برچە ولايتلردن اوروشگە يراقلى بۇلگن اتلىغ و پيادلرنى تۈپلەدىم و ھر طرفگە كېتىب قالگن نوكر و سپاھىلرنى چقىرىپ، تنگريگە توكل قىلگن حالدە، محرم آيى نىنگ اۈن سگىزىنچىسىدە حافظ بېك نىنگ چارباغىگە قرەب يوردىم. بىر-ايگى كۈن اوشبو چارباغدە تورىپ، قالگن اسلحە و آذوق-طعامنى تيارلەب ھمدە قۇشىنى اۈنگ قنات و سۇل قناتگە، مركز و ھجومچى قىسمگە بۇلىپ، اتلىغ و پيادلر بىلن دشمنگە قرشى اۈش تامانگە يوردىك. اۈش گە يقىن كېلگىنمىزدە مخالفلر اۈش اطرافىدە تۈرە آلمەى اۈش شىمالىدەگى رباط سرھنگ تومنى تامانگە كېتگنى حقىدە خبر آلىندى. شو آقشام لاتكند قىشلاغىگە قۇندىك.

اېرتەلب قۇشىنى صفگە تىزىپ و يورىش قىلىپ اۈش دن اۈتگندە غنىملر نىنگ اندىجان تامان كېتگنى حقىدە خبر كېلدى و بىز اۈزگند تامانگە قرەب يوردىك. اۈزگند يېرلرگە ھجوم قىلىش اوچون ايلگر يراق بو تامانگە چاپقونچى يوباردىك. اندىجان تامانگە كېتگن مخالفلر اېسە تۈندە خندققە توشىپ شھر دېۋارلرگە شاتى قۇيە ياتگن چاغدە شھرلىكلر سېزىپ

۱ - تۈرە - بۈى برابر قىلقان.

قالیشکن. غنیملر ھېچ نېمە قىلالمەي چېكىنەدىلر. بىزنىكىلر ھەم اۋزگند اطرافىنى تەلش
اۋچون باردىلر و اما دېرىلى ھېچ نېمە قۇلگە كىرىتالمەي قوروق قىتدىلر.

اۋشگە قرەشلى و اۋزى نىنگ مستحکملىگى بىلن شەرت تاپگن مازو قۇرغانىدە تىبل
ايگى يوز-ايگى يوز اېلىكتە آدمى بىلن اوکەسى خىلىلنى قالدیرگن و او قۇرغاننى محکم
بېرىتىپ آلگن اېدى. اۋزگندن آرقەگە قىتىپ مازو قۇرغانىگە ھجوم قىلدىک. مازو-انچە
مستحکم قۇرغان دىر. ساي آقەدیگن شمال تاماندهگى دېۋارى انچە بلند. مسافە شونچەکە،
اگر ساي تاماندىن اۋق آتسەلر دېۋارگچە يېتىپ بارىشى ممکن. سوونى باشقە تامانگە
بورەدیگن ترناو اۋشە تامانده. قۇرغان دېۋارى نىنگ ايگى ياندىن ترناو سووى آقەدیگن تامانگە
تار يۇل اۋتگن. تېپەلىک اېسە خندق بىلن اۋرەلگن. خندق سايگە يقىن بۇلگنى اۋچون
ساي نىنگ قازاندېك قازاندېك كتە تاشلرىدن قۇرغانگە آلىپ چىقىپ تۇپلېب قۇيگنلر. مازو
قۇرغاندىن آتلىگن بوندەي كتە تاشلر بىز قورشې آلگن بىرارتە قۇرغاندىن تىلنمەگن اېدى.
كتەبېك نىنگ اکەسى عبدالقدوس كۇھر قلە دەۋارى نىنگ اېتك تامانىگە چىققن اېدى،
دېۋاردن اونگە قرشى شوندەي كتە تاشنى تىشلەدىلرکە، عبدالقدوس ھېچ نرسەگە آسىلمەي،
خىرىت، ضررلنمىسدىن شوندەي بلند جايدىن پىستگە يومەلنىپ-يومەلنىپ تېپەلىک نىنگ اېتك
قىسمىگە كېلىپ توشدى. ھېچ پىرى لت يېمەي، شو آندە ياق آنگە مىندى-يو، چاپتېرىپ
كېتىدى. قۇشترناو اۋزەنىدە يارەلى بلال نىنگ كەسىگە تاش بىلن شوندەي اوردىلرکە، آخرى
باشىنى اۋىدىلر. كۇپ آدم اۋشندەي تاش ضررىدىن ھلاک بۇلدى. اېرتەلب اوروش
باشلەنىپ، چاشگاگچە ترناو بۇلرىنى اشغال قىلدىک، اوروش كېچقورونگچە دوام اېتىدى.
ترناو اطرافى اشغال قىلىنگىچ، اېرتەلب دشمنلر امانلىک تىلب قلەدەن چىقىدىلر. تىبل نىنگ
اينىسى خىلىلنى يېتمىش-سكسان، بلکە يوزتە سرەلنگن آدمى بىلن اسىر آلىپ احتياط بىلن
قۇرىقلش اۋچون اندىجانگە يوبارىلدى. بىز نىنگ ھەم بېكلىرىمىز و يقىنلرىمىزدن آيرىملرى،
بعضى فداکار كىشىلرىمىز اسىر توشدى. اوشبو جنگ يىخسى نىجە بىلن توگەدى.

مازونى اېگللەگچ، اۋش نىنگ اۋنجوت اۋبە دېگن قىشلاغىدە توختەدىک. تىبل ھەم

انديجان دن قېتىب رباط سرهنگ اطرافیده گى آب خان دېگن قىشلاققە كېلىپ تۇختەدى. بو ايگى قۇشېن آره سیده گى مسافه بير يىغاچ كېلر اېدى. شو آره ده قنبرعلى بېتاب بۇلىپ اۇش گە جۇن ب كېتىدى. بير آى- قىرق كونچه اوروش قىلمەى شو پېرده تورديك. لېكن بىزىنىگ و اولر نىنگ تاميناتچى عسكەرلى اۋرتە سیده تۇقنە شوولر بۇلىپ توردى. اۋشە كونلرى اۋرده همده بوتون اطراف كېچە لرى هوشيارلىك بىلن قۇرىقلىندى. خندقلر قزىلدى، خندق بۇلمەگن جايلرگە اېسە غولر توتىلدى. برچه جنگچىلر قوراللىنگن حالده خندق ياقە سىگە چىقىپ اۋرنشدىلر. شونچه احتياطكارلىككە قرەمەى، هر اوچ-تۇرت كونده كېچقورونلرى اۋرده دە تۇس-تۇپالان و قىچقىرىقلر بۇلىپ تورردى. بير كونى سىدېپك تغاىى دشمن نىنگ تاميناتچىلرگە قرشى هجوم قىلگن اېدى، غنىم آدملىرى غالب كېلىپ، قۇققىسندن بۇلگن جنگده سىدېپكنى اسير آلدىلر.

شو يىلى خسرو شاه بلخ گە قرشى يوريش مقصىديه بايسونقور ميرزانى قوندوزگە چقىرىپ آلدى و بلخ گە هجوم قىلدى. او اوباج دېگن جاىگە يېتگىنده بدبخت، ناشكر خسرو شاه حكمرانلىك آرزوسیده شوندهى قىلدى-اخىر پستكش، قابىلتسىز، ذاتى و نسبى ناتعین، ئۇناق و شجاعىتىز، ناانصاف و عدالتسىز بو بدبختگە حاكميت حيف اېمسمى! بايسونقور ميرزانى بېكلىرى بىلن توتىپ، بايسونقور ميرزا بۇنىنگە ارغمچى سالىدى، محرّم آيى نىنگ اۋىنىچى كونى شوندهى ذكاوتلى، سېرفضىلت، شخسى خدمتلىرى و نسبى پېزەب تورگن شھزادەنى شھيد قىلدى. اونىنگ بېكلىرى و يقىنلىرىدن هم بير نېچە سىنى اۋلدىردى.

بايسونقور ميرزا نىنگ تولدى و نسبى: سگىز يوز سكسان ايگىنچى يىلى حصار ولايتىده تولد تاپگن اېدى. سلطان محمود ميرزانىنگ ايگىنچى اۋغلى، سلطان مسعود ميرزادىن كىچىك، سلطان على ميرزا، سلطان حسين و خان ميرزا نامى بىلن مشهور بۇلگن سلطان وىس ميرزادىن كتە. آنەسى پاشاه بېگم اېدى.

تبقى قىافەسى: كۈزلى كتە-كتە، تۈلە يوزلى، اۋرتە بۇيلى، چهرەسى توركمەن گە اۋخشش ملاحظلى يىگىت اېدى.

اخلاقی و فعل-اطواری: عدالتلی و کمتر، خوش چقچق و فضیلتلی پادشاهزاده ابدی . ایتیشلریچه، اونینگ استاذی شیعه مذهبللی سید محمود بؤلگن. شو سبیدن بایسونقور میرزاگه هم طعنه قیلیشگن. سؤنگره لر ایشیتدیم که، او سمرقندده بو یامان عقیده (مذهب) دن واز کپچگن و اعتقادده پاکلنگن. می ایچیشگه خیله حرص قویگن ابدی. ایچمه گن و قتلریده اېسه، نمازلرینی ادا اېتردی. سخاوتده و هدیه لر بېریشده اؤرتە-میانه اېدی. نستعلیق خطینی جوده یخشی یازردی. نقاشلیکده هم قۇلی یامان اېمس اېدی. شعرنی هم اؤزینگه خاص یؤسینده یازردی. عادلی تخلص قیلگن اېدی. شعرى دېوان ترتیب بېرگونچەلیک بؤلمه گن اېدی. بو مطلع اونیکیدیر:

سایه وار از ناتوانی جابه جا می افتم،
گر نگیرم روی دېواری ز پا می افتم.
(مضمونی:

توتەسم دېوارلردن هر قدم، سایه دېک بېر اوزره توشگوم دَم-بدم.)
سمرقندده بایسونقور میرزاغلرلی شونچەلیک رسم بؤلگن که، میرزانینگ شعرلی بؤلمه گن اوی کم تاپیلەدی.

جنگلری. ایگی مرتبه صف تارتیب اوروشدی. بیر مرتبه سلطان محمودخان بیلن. بایسونقور میرزا تختگه ینگى چیققن پیتده سلطان محمودخان سلطان جنید برلاس و باشقه بعضیلرینینگ اغوالری، گيجگيجلشی بیلن سمرقندنی آلیش امیدیده لشکر تارتیب آق کوتل دن اؤتیب، رباط سوغد و کنبای اطرافلریگه کېلدى. بایسونقور میرزا سمرقنددن چیقیب، کنبای ده اوروشیب، یخشی بېنگدی. اوچ-تؤرت مینگ مۇغول نینگ باشینی کېسدى. خان نینگ حقیقی یقینی بؤلگن حیدر کؤکلداش شو اوروشده اؤلدى. ینه بیر مرتبه بخاراده سلطان علی میرزا بیلن اوروشیب، مغلوب بؤلدى.

ولایتلری. آتەسى سلطان محمودمیرزا بخارانى اونگه بېرگن اېدی. آتەسیدن سؤنگ آتەسى نینگ بېکلری ییغیلیب، اتفاق بیلن بایسونقور میرزانى سمرقندگه پادشاه قیلدیلر.

بخاراھم انچه وقتلرگچە اونینگ حاکمیتی آستیده ابدی. ترخانلر ياولشگنلریدن سۇنگ بخارا بايسونقور ميرزا تصرفیدن چيقدی. مېن سمرقندنی آلگنیمده، بايسونقورميرزا خسروشاهنى قاره تارتیب کېتدی. خسروشاه اونگه حصارنى آلیب بېردی.

اوندن هېچ اولاد قالمدی. خسروشاهنینگ يورتیگه کېلگنده عمکیسی سلطان خلیل میرزانینگ قیزینى آلدی. اؤزگه خاتین و چوریسی یوق ابدی. بیر کیشینی اؤز قۇلیده اولغەیتیریب معتبر بېک قیلەآلهدیگن استقبالی سلطنتگه اېگه بۇلمەدی. بېکلری آتەسى نینگ و عمکیسی نینگ بېکلری گینه ابدیلر.

بايسونقور میرزانینگ قتلیدن سونگ قۇچ بېک نینگ آتەسى سلطان احمد قراوول، آغە- اینیسی، کۇچی و تېگیشلى کیشیلری بیلن قاره تېگین ولايتیدن چیقیب، ییزنى دېب کېلدى. اؤشده بېتاب ياتگن قنبرعلى هم خستەلیکدن فارغ بۇلیب، او هم کېلدى. شونده ی پیتده سلطان احمد قراوول نینگ اؤز جماعتی بیلن کېلیب قۇشیلشینی غیب کۇمگی حسابلب، ابرتهلب-آق غنیم اوستیگه صف تارتیب یوردیک. اولر آب خانده توریش بېرمەى، یورتیدن کۇچدی. بعضی چادر، قالین، سفر انجامی-کورپه-تۇشکدېک نرسەلر لشکریمیز قۇلیگه توشدی. کېلیب اونینگ یورتیده تۇختەدیک. اوشبو آقشام تېل جهانگیرنى آلیب، اؤنگ یانیمیزدن ایلنېب اؤتیب بیز تورگن جایدن اندیجان تامانده اوچ ییغاچلیک مسافەده گى خۇیان دېگن کېنتگه کېلیب کیردی. ابرتەسیگه بیز هم لشکرنى اؤنگ قنات، چپ قنات، مرکز و هجومکار قسملرگه ترتیب قیلیب، آتلرگه حمایه یاپینچیققرنى یاپیب، ساووتلر کییب، یراغلنېب، منتظم صفلەنېب، بۇیى برابر قلقلان کۇترگن پیادهلرنی آلدینگە سالیب، غنیم اوستیگه یوردیک. ییز نینگ اؤنگ قناتیمیز-على دوست تغایى تابعلری بیلن؛ چپ قناتیمیز ابراهیم سارو، ویس لاغری، سیدی قرا، محمد علی مبشر، خواجه کلان بېک نینگ آغەسى کیچیک بېک، ینه بعضی ایچکیلر؛ سلطان احمد قراوولنى و قۇچ بېکنى آغە-اینیلری بیلن چپ قناتگه قۇییلدی. قاسم بېک مرکزده-مېنینگ قاشیمده ابدی. هجومکار قسمدە قنبرعلى و ینه بعضی ایچکیلر ابدی.

خۇبان دىن اوچ شرعى مسافەدەگى خۇبان نىنگ شرقي-جَنوبى تامانىدەگى سقا ناملى كېنتگە يېتىشىپ اېدىك كە، غنىم كىشىلىرى خۇبان كېنتىدىن صفلىنىپ چىقدى. بىز ھم ایلدەملىك يۈرەۋەردىك. ھوشيارلىك و احتياطىمىزنى قىلىپ، اۋچىلەر ھمايەسى اوچون مخصوص يىرىك تۈرەقلانلارگەچە تيارلانگن اېدى، تۈقنەشۇو بۇلەدىگن پىتدە اولر كېنراق قالىشدى. تنگرى نىنگ عنايتى بىلن اولرگە احتياج بۇلمەدى. يېتگن زھاتى بىز نىنگ چپ قناتدەگى كىشىلىرىمىز بىلن اونىنگ اۋنگ قناتى آلىشىپ كېتدى. خواجه كلان نىنگ آغەسى كىچىك بېك اوندە يىخشى قىلىچلشدى. محمد على مبشر ھم كىچىك بېك دىن قالىشمەدى. ياوشۇ تۈقنەشۇوگە ھم تاب كېلتىرالمەي، قاجدى. اۋنگ قنات بىلن ھجومكار قىسم حتا اوروشگە كىرىشگە اولگورمەدى. كۈپ يىگىتلرنى توتىپ كېلتىردىلەر. اولر نىنگ باشلىرىنى كېسىشنى بويوردىك. بىز نىنگ بېكلىرىمىز-قاسم بېك و على دوست بېك (كۈپراق على دوست) ھوشيارلىك و سردارلىككە رعايە قىلىپ، قوۋگىنچىلىرىمىزنى يىراق يوبارىشنى مصلحت كۆرمەدىلەر. بو جەھتدىن ياونىنگ كۈپ كىشىسى قۇلگە توشمەدى.

خۇبان كېنتى نىنگ اۋزىگە توشدىك. مېنىنگ بىرىنچى صف تارتىپ جنگ قىلىشىم شو اېدى. تنگرى تعالى نىنگ فضل و كرمى بىلن غلبە و ظفر نصيب اېتدى. بونى خىرلى استقبال نشانەسى دېب بىلدىك.

اېرتەسىگە آتەم نىنگ آتەسى-مېنىنگ اولوغ آتەم شاھ سلطان بېگم اندىجان دىن كېلدى. جھانگىر اگر قۇلگە توشگن بۇلسە، تىلب آلىش خىالى بىلن عاشققن اېكن. قىش يقىنلشگنى اوچون دلە-دشتدە دان-دون قالماگن اېدى؛ اۋزگند اوستىگە بارىشنى مصلحت كۆرمەي، اندىجان گە قېتىپ كېلىندى. بىر نېچە كوندن سۇنگ كېنگىشىپ، شوندەي قرارگە كېلدىك كە، بىز نىنگ اندىجان دە قىشلە ماغىمىزدىن غنىم كىشىسىگە ھېچ ضرر و خلل يېتمەس، بلكە اولر نىنگ اۋغىرلىك و عسكىر يىغىش بىلن كوچەيىپ آلىش احتمالى باردىر. بىر يېردە قىشلە ماق كېرەك كە، تاكە لشكر آدوق سىزلىكدن عاجز بۇلمەسەن و غنىم كىشىسىگە ھم تھدىد سالىپ تورىش احتمالى بۇلسەن. بو مصلحت اوچون رباطك اۋرچىنى دەگى، بو

رباطک تومنینی ایگی سوو آره‌سی هم دېدیلر، ارمیان و نو‌شاب اطرافلریده قیشله‌ماق خیالی بیلن اندیجان‌دن کؤچیب، مذکور کېنتلرگه کېلیب قیشلشگه قرار بېردیک.

بو جایلر یخشی آو قیلینه‌دیگن یېرلر دیر. ایله‌میش دریاسی نینگ یقینیده‌گی قلین تۇقی لرده بوغو، مرهل و تۇنغیز کۆپ بۇله‌دی. پست-پست جنگلریده قیرغاوول و یاوواپی قویان کۆپ بۇله‌دی. تېپه‌لیکلریده رنگدار، تاو‌لنیب توره‌دیگن چیرایلی تولکی کۆپ بۇله‌دی. تولکیسی اوزگه یېر تولکیلریگه قره‌گنده یوگوروک بۇله‌دی. بو قیشلاقده اېکنیمیزده هر ایگی-اوچ کونده آوگه آتلندردیم. تۇقی لرگه اوت قۇیب، بوغو-مرهل اولردیک. پستک-پستک جنگللرنی اؤره‌ب آلیب، قوش اوچیریب قیرغاوول اولردیک. بو یېرنینگ قیرغاووللری بېحد سېمیز بۇله‌دی، او قیشلاقده یشه‌گن پیتلریمیزده قیرغاوول اېتى مۇل اېدی. اوشبو قیشلاقده لیگیمده مېن رعایت قیلیب بېک قیلگن کیشیم-خدای بېردی توغچی ایگی-اوچ مرته تنبل نینگ ده‌یدیگن ییگیتلرینی باسیب، باشلرینی کېسیب کېلتیردی. اندیجان و اؤش اطرافلریده هم هجومکار ییگیتلریمیز حرکته بۇلیب، ییلقیلرینی هیده‌ب، غنیم کیشیلرینی اؤلدیریب، اولرنی عاجز قیلدیر. اگر قیشنی شو قیشلاقده اؤتکز یلسه اېدی، غنیم نینگ یازگه یېتمه‌ی-آق تومره‌قه‌ی بۇلیشی احتمال‌دن خالی اېمس اېدی. غنیمنی شونچه‌لیک بی‌چاره‌حال و عاجز قیلگن پیتیمیزده قنبرعلی ولایتیگه بارماققه اجازه سؤردی. منه شو حالتلرنی اېسیگه سالیب، منع قیلیندی، اونینگ جهلی چیقادی. عجب یېنگیل و ملاحظه‌سیز اېرکک اېدی. ضرورت بولدی، ولایتیگه اجازه بېریلدی. بورون ولایتی خۇجند اېدی. بو نوبت اندیجان‌نی آلگنیمیزده اسفره و کندی بادام‌نی هم اونگه بېریلدی. بیز نینگ بېکلریمیز آره‌سیده کۆپ ولایتلی و کۆپ نوکرلی کیشی قنبر علی اېدی. هېچ کیم نینگ نوکری و ولایتی اونیکچه اېمس اېدی.

قیرق-اېلیک کون او قیشلاقده اېدیک. قنبر علی نینگ دلالتی بیلن بعضی لشکر اېلیگه هم رخصت بېریلدی.

اؤزیمیز هم اندیجان‌گه کېلدیک. قیشلاقده و اندیجان‌ده بۇلگن پیتیمیزده تنبل نینگ

كيشىسى تىنمەي خان قاشىگە تاشكەندگە بارر و كېلەر اېدى. خان نىنگ اوغلى سلطان محمد نىنگ بېك آتەسى و خان نىنگ اولوغ رعايت قىلگن بېگى احمد بېك تىبل نىنگ توغىشگن عمكىسى اېدى. بېك تېلبە خان نىنگ اېشىك آغەسى اېدى. تىبل نىنگ توغىشگن اكەسى اېدى. بارە-كېلە خان نى تىبل گە كۆمك يوبارېشگە كۆندىردىلر. كۆمكەن بورونراق توغىلگىدىن بېرى مۇغولستان دە يىشەب اولغەيگن بېك تېلبە، او ولايتگە كىرمەي، ولايت پادشاهلرېگە خدمت قىلمىس، خانلرگە گىنە خدمت قىلر اېدى، كۆچ و اهل و عيالنى تاشكەندە قۇيىپ، اۋزى كېلىپ اينىسى تىبل گە قۇشىلدى.

بو فرصتە غلطى حادثە يوز بېردى. اخسى گە وقتىنچەلىك قۇيىلگن قاسم عجب غنىم نىنگ آزگىنە دەيدى نوكرى كېنىدىن چىقىپ، قوولب بىچراتە بىلن خۇجند سوويدن اۋتە يانگەندە تىبل نىنگ كۆپ كىشىسىگە اوچرەب قۇلگە توشدى. تىبل لشكرىمىز نىنگ ترقەگنى خبرىنى اېشىتگىچ، اكەسى بېك تېلبە خان بىلن سۆزلىشىپ كېلگن اېدى. كۆمك كېلىشى انىق و مقرر اېدى. اۋزگەندەن آتلەنىپ ايگى سوو آرسىگە كېلدى. شوپىتە كاسان دن حقيقى خبر كېلدى كە، خان تىبل نىنگ كۆمگىگە سلطانم اسمى بىلن مشهور بۇلگن اوغلى سلطان محمد خانىك نى احمد بېك بىلن تعيين قىلىپ، بېش-آلتى مىنگ لشكر قۇشىپتى. اولر ارچە كېنت يۇلى بىلن كېلىپ كاسان نى قىلدىلر. بىز هم يىراق دەگى كىشىلرېمىزگە باقمەي، حاضر بۇلگن كىشىلرېمىز بىلن فرصت كوتەي، قىش نىنگ قىتق ساووغىدە تىگرېگە توكل قىلىپ، اندىجان دن بند سالار يۇلى بىلن آشىپ سلطانم بىلن احمد بېك نىنگ اوستىگە آتلەندىك. كېچەسى ھېچ يىردە تۇختەمەي، تونى بىلن يورىپ اخسى دە توشدىك. اۋشە آقشام قىتق ساووق اېدى. شونچەلىك ساووق اېدى كە، بعضىلر نىنگ قۇل-اياقلىرىنى ساووق اوردى. كۆپ كىشى نىنگ قولاقلىرى آلمەدېك-آلمەدېك قۇرىپ چىقدى. اخسى دە تۇختەب اۋتىرمەي، قاسم عجب نىنگ اۋرنىگە يارك تاغاي نى وقتىنچەلىك قۇيىپ، كاسان اوستىگە اۋتدىك. كاسان گە بىر شرعى قالگەندە خبر

كېلدى كە، احمدبېك بىزدىن خبر تاپىپ، سلطانىم بىلەن اپىل-تېل قېتىپ كېتىدى. تېل بىزنىڭ آلتىنغىمىزنى بېلىپ، اكەسىگە كۆمكەكە شاشىپ كېلەياتىكەن. كۈن ايگى نماز آرهسى پىتى اېدى كە، تېل لشكرىنىڭ قارەسى نوكند تامانىدىن پىدا بۇلدى. اكەسى نىڭ بۈندەى ناچار قالىپ، ملاحظەسىز چېكىنىشىدىن و بىزنىڭ بۈندەى ايلدم پېتگىمىزدىن لال و حىرتدە تورىپ قالدى. بىز دېدىك كە، اونى بىزگە بو تخليت خدا پېتكزدى، حاضر او سراسىمەدە تورىپتى، اگر بىز حركت قىلىپ، اولرگە تشلنسىك، تنگرى كۆمگىدە بىرارتەسى ھەم قاجىپ كېتالمەيدى. ويس لاغرى وىنە بعضىلر دېدىلر كە، كۈن كېچ بۇلدى. بوگون بۇلمسە، اېرتەگە اوروشرمىز، قەياققە ھەم بارىشردى؟ اېرتەلب ھەرقەپىردە بۇلسە، اوچرەتەمىز، دېپ درحال ھجوم قىلىشنى معقول كۆرمەدىلر. شۈندەى گىنە اېشىككە كېلگن غنىم ھېچ قندەى ضرر كۆرمەى قوتولدى. «قاپودەگىنى قاپمىسە، قريگونچە قىغورر» دېگن مقال بار.

يېت:

كار ھارابە وقت بايد جست،

كار بې وقت سست باشد، سست.

(مضمونى:

ايش وقتىدە اونوملى بۇلور،

بې وقت ايش نىڭ ايشكىلى بۇلور.)

اولر اېرتەسى اېرتەلبگچە فرصتى غنىم بېلىپ، كېچەسى ھېچ پېردە توشمەى، بارىپ ارخيان قۇرغانىگە كىردىلر. اېرتەسىگە غنىم نىڭ اوستىگە يورىپ، اونى تاپمى، سۇنگىچە كېلىپ، ارخيان قۇرغانىنى يقىندىن قىلىشنى معقول كۆرمى، اوندن بىر شرعى مسافەدەگى غزنەى نمىگانگە توشىلدى. اۆتۈز قىرق كۈن بىز بو يورتدە اېدىك. تېل ارخيان قۇرغانىدە اېدى. آز-آز كىشى بېرىدىن بارىپ، نرىدىن كېلىپ آره يۇلدە تۇقنەشىپ قېتەر اېدى. بىر كېچە تۈنگى باسقىنگە كېلدىلر. اۈردە نىڭ تشقرىسىدىن بىر دستە يىگىتلر اۋق آتىپ قېتىدىلر. اۈردە

تېورەگىنى خندق قىلىپ، شاخ-شەلر توتىپ، احتىياطلر قىلىنىپ اېدى. ھېچ ايش قىلەلمەدىلر. اوشبو يورتدە اېكنىمىزدە قنبرعلى ايگى-اوپ مراتبە بىزدن ناراضى بۇلىپ ولايتىگە بارماقچى بۇلدى. بىر قتله اۇزىچە اۆلىنىپ، جۇنەگندى، بعضى بېكلرنى يوبارىپ، تشويشلر بىلن قىتردىك.

بو ائادە سىدىوسف مەجىم سلطان احمد تنبل گە كىشى يوبارىپ، او تامانگە اۋتدى. اندىجان نىنگ تاغ اېتكلىرىنى اويغور مەجىم دېدىلر. ايگى موضع تاغ اېتگى دىر. سىدىوسف مەجىم اولرنىنگ اولوغى اېدى. سۇنگرە درگاھدە تنبىلى بۇلىپ قالگن اېدى. ايشى اولوغلىكدن ھم اۋتىپ اېدى. گرچە اونى ھېچ كىم بېك قىلمەسە ھم اونىنگ بېكلىك دغدغە و دعواسى بار اېدى. غايت منافق و توتوروقسىز نىسخە اېدى. مېن بو نوبت اندىجاننى آلگنىمدن اوشبو زمانگچە چمەسى ايگى-اوپ مرتە مېن تامانگە اوتىپ، تنبل گە غنىم بۇلدى. يەنە ايگى-اوپ مرتە تنبل تامانگە اوتىپ، مېنگە ياولشدى. آخرگى غنىم بۇلگنى بو اېدى. اونىنگ بىلن بىرگە اېل و اولوس و اىماقلر انچەگىنە اېدى. او تنبل گە قۇشلىمەسەن دېپ اۋرتەدن يۇل سالدىك. آرەدە قۇنىپ، پىشخاران اطرافلىرىگە كېلدىك. پىشخاران قۇرغانىگە تنبل نىنگ كىشىسى كېلىپ كىرگن اېكن. بىز نىنگ ھجومچى قىسمىمىز بېكلرى: على درويش بېك و قۇچ بېك آغە-اينىسى بىلن پىشخاران دروازەسىگە بارىپ، زۇر جنگ قىلدىلر. قۇچ بېك آغە-اينىسى بىلن يىخشى جىسارت كۇرسىدى. اكثرى نىنگ قۇللرى حرب ايشىگە تېگدى.

پىشخاران نىنگ بىر شرعى بېرىسىدە بىر تېپەلىك اوستىگە توشدىك. تنبل جھانگىرنى يانىگە آلىپ، پىشخاران قۇرغانى نىنگ آرقە تامانىگە توشدى. اوچ-تۇرت كوندن سۇنگ بىز نىنگ فكرىمىزگە مخالف بېكلر: على دوست و قنبرعلى سالاخ اۋز يىقىنلىرى و قۇشلىگنلىرى بىلن بىرگە بۇلگنلر يەرەش سۇزىنى آرەگە سالە باشلەدىلر. مېنىنگ اۋزىم و خىرخواه يىقىنلىرىم نىنگ بو يەرەشدىن اصلا خبر-پېرلىرى يۇق اېدى. بىزلر بو حالتگە اصلا راضىلىك بېرمىس اېدىك. بو ايگى نىسخە ايگى اولوغ بېك بۇلگنى اوچون، اگر بولرنىنگ سۇزىگە قولاق سالمەي، صلح بۇلمەسە، بولرنىنگ اۋزگە احتماللرى ھم بار اېدى. ناعلاجلىكدن، شو

يۈسۈپنىڭ صلح تۈزدىك: خۇجند سوۋىنىڭ اخسى تامانىدەكى ولايتلار جەھانگىر مىرزاگە تەلقى بۇلەدى، اندىجان طرفدەكى ولايتلار مېنگە تەلقى بۇلەدى. اۈزگندى ھەم كۈچلەرنى چىقرگندى سۇنگ بىزنىڭ محكمەگە تاپشۇرەدىلەر. ولايتلار ايشلارنى قرار تاپگندى سۇنگ مېن و جەھانگىر مىرزا اتفاق تۈزىپ، سمرقند اوستىگە يۈرگەيمىز. سمرقند تىختى مىسر بۇلىپ، غلبە تۇمىنلنغىچ، اندىجان جەھانگىر مىرزاگە بېرىلەدى. سۇز شۇنگە قرار تاپدى.

جەھانگىر مىرزا و تىبل اېرتەسىگە كېلىپ، رجب آيى نىڭ آخىرەدە مېنگە ملازمت قىلدىلەر. انە شۇندە قىطعى عھد و شرطلارگە كېلىشدىك. جەھانگىر مىرزاگە اخسى سىرى رىخت بېرىپ، اۈزىم اندىجانگە قىتېب كېتىدەم. اندىجانگە كېلگىچ، تىبل نىڭ اينىسى خىلىل و اونىڭ بىلەن اسىر تۈشگەن گروھنى بىندەن آزاد قىلىپ، سىرپالار كىيىدىرىپ رىخت بېرىلدى. اولر ھەم بىندەگى بىزنىڭ بېك و اىچكىلەرنى-تەغابى بېك، محمد دوست، مىرشاھ قوچىن، سىدىبېك، قاسم عىجب، پىر وىس، مىرىم دېوان باشلىقلەرنى بىندەن چىقىرىپ يۈباردىلەر.

اندىجانگە كېلگندى سۇنگ على دوست نىڭ فعل-اطوارى تاماماً اۈزگىچە بۇلدى. مېن بىلەن دىرىدلىك و مىشقتلى حربى سىفرلەردە بىرگە بۇلگەن كىشىلەرگە يامان مناسىبتە بۇلە باشلەدى. اول خلىفەگە "رىخت" بېردى. اوندى سۇنگ ابراھىم سارو و وىس لاغرىنى بېگناھ و اساسسىز تۈتتىرىپ، تەلەتېب، ولايتلاردىن آيىرىپ جۇنەتېب يۈباردى. قاسم بېك بىلەن كېلىشالمەي يۈرردى. تشقىرىدەن قرەگندە، او شۇندەى حسابلەدى كە- خلىفە و ابراھىم خواجە قاضى طرفدارلەرى دىرلەر؛ مېندىن قىصاص آلەدىلەر. اونىڭ اۈغلى محمد دوست ھەم پادشاھلەرگە خاص خط-حركاتلار قىلە باشلەدى: صحبت، شىلان-عاموى طعام، محكمە و بۇيۇقلەردە سلطانلار اصولىنى قۇللەي باشلەدى. بو آتە و اۈغىل تىبلنى آرقە قىلىپ، بۇندەى خط-حركاتلار بىناىد قىلدىلەر.

مېندە ھەم اونچەلىك اختىار و اقتدار قالامەدى كە، بولرىنىڭ نامەقول حركاتلارنى منع قىلە آلسەم. چۈنكە تىبل دېك دشمن بولرىنىڭ آرقەسى و حمايەچىسى دىر. نىمەنى كۈنگىللەرى تىلەسە، اۈشەنى قىلەر اېدىلەر. عىجب نازك بىر پىتلەر اېدى. ھېچ نىمە دېب بۇلمىدى. بو آتە-

اوغیلدن او مدتده انچه-مونچه خوارلیکلر تارتیلدی.

سلطان احمد میرزانینگ عایشه سلطان بېگم ناملی قیزی آته و عمکیسی تیریک اېکنلیگیده مېنگه قلینلیک قیلیب اېدیله، خوجندگه کېلگندی، شعبان آیدیه آلدیم. آلگنیمده اول مهريم یامان بولمسه-ده، لېکن بیرینچی او یلنیشیم اېدی، حب و تارتینچماقلیک باعث هر اؤن، اؤن بېش-یېگيرمه کونده بیر بارر اېدیم. سؤنگره لر او مهر هم قالمه دی، بیراق تارتینیش هنوز کؤپراق بولدی: بیر آیدیه و قیرق کونده آنه م خانم التماسلر بیلن زورلې-زورلې تشویشلر بیلن یوبارردی. بو فرصتلرده بیر اؤرده بازاری باشلیغی نینگ اوغلی بار اېدی-بابري اسملی، آتی هم عجب مناسب توشیب اېدی.

شعر:

مېن انگه غریب میل پیدا قیلدیم،

بلکه انگه اؤزنی زار و شیدا قیلدیم.

اوندن ایلگری هېچ کیشیگه مایل بولگن اېمس اېدیم، بلکه مهر و محبت خصوصیده گی گپ-سؤزلرنی اېشیتمس اېدیم. او پیتلری بیرته-اېکیته بیت فارسیده بازردیم. بو بیتتی اؤشنده ایتیب اېدیم.

بیت:

هېچ کس چون من خراب و عاشق و رسوا مباد،

هېچ محبوبی چو تو بی رحم و بی پروا مباد.

(مضمونی:

هېچ کیم مېندېک خراب و عاشق و رسوا بولمه گی،

هېچ محبوب سېن کبی بی رحم، بی پروا بولمه گی.)

احیان-احیانده بابري مېنینگ قاشیمگه کېلر اېدی. لېکن مېن حیا و تارتینچماقلیک باعث بابري تامانگه تیک قره ی آلمسديم: التفات و گېلشیش قه پیرده دیسيز! نشئه و اضطراب سببیدن شکر قیلر اېدیم، کېتگنیدن شکایت قیلیشگه مېنینگ قنده ی امکانیم بولسین؟

ملازمت تکلیم قیلماقده هم کیمده حد و طاقت بار ابدی! بیر کونی اوشه مهر و محبت
پیتلری بیر گروه کیشیلر یولداش ابدیلر، بیر کؤچه‌ده کبله‌یاتگن ابدیم. بیردنیگه بابری یوزمه-
یوز اوچره‌ب قالدی. مېنده خجالتیم زورلیگیدن شونده‌ی حال یوز بپردی که، نق اېریب
کېته‌یاتگندېک ابدیم. تیک باقماق‌لیک یا سؤز سؤزله‌ماق‌نینگ هم امکانی یوق ابدی. یوز
تارتینیش و تشویش بیلن نری اؤتیلدی. محمد صالح‌نینگ بو بیته‌ی خاطرگه کبلدی. بیت:

شوم شرمنده هرگه یار خودرا در نظر بینم،

رفیقان سوی من بیند و من سوی دیگر بینم.

(مضمونی:

یاریمه دوچ کبلگنیمده حال خراب، شرمنده من،

دوستلر کؤز تیکسه‌لر مېنگه تامان، مېن قیده من؟!)

بو بیت عین شو حالتیمگه جوده ماس کبلدی. عشق و محبت طغیانیدن، یاشلیک و

تېله‌لیک زورلیگیدن باش‌یلنگ، آیاق‌یلنگ کوی و کؤچه‌ده، باغ و باغچه‌ده سیر قیلر ابدیم. نه

آشنا و بېگانه التفاتی و نه اؤز و یات پرواسینی قیلر ابدیم.

عاشق اؤلگاچ بېخود و دېوانه بؤلدم، بیلمه‌دیم،

کیم پری رخساره‌لر عشقیگه بو اېرمیش خواص.

گاها تېله‌لردېک یالغیز دله‌دشتگه بارر ابدیم. گاه باغلر و محله‌لرنی کؤچه‌مه-کؤچه

اختر ابدیم. نه یورماق‌ده اختیاریم بار ابدی، نه اؤتیرماق‌ته؛ نه بارماق‌ده قراریم بار ابدی، نه

تورماق‌ده. شعر:

نې بارورگه قوتیم بار، نې توررگه طاقتیم،

بیزنی بو حالتقه سېن قیلدینگ گرفتار، ای کؤنگول.

اوشبو ییل سلطان علی میرزا بیلن محمد مزید ترخان‌نینگ آره‌سیده مخالفت توشدی.

سببی بو ابدی که، ترخانلر جوده کؤپ اعتبارلی و باشباشداق بؤلیب ابدیلر. بخارانی

بوتوله‌ی باقی ترخان آلیب ابدی. بخارا درامدینن بیراوه‌گه بیرار حصه بېرمسدی. محمد مزید

ترخان هم سمرقند توشوميگه مطلق حاکم بۇلىپ، بوتون ولايتى اۇغىللىرى، يقينلىرى و تئيشلريگه آلىپ اېدى. شھردن سلطان على ميرزاگه تېگيشلى بۇلگن مبلغدن باشقه بيرار جايدن بيرار چقه هم آرتيقيچە تېگمس اېدى. سلطان على ميرزا كپ-كتە ييگيت بۇلىپ قالگن اېدى. ترخانلرينىڭ بوندى مىناسبتلريگه قچانگچە صبر قىلسين؟ بير نېچە ايچكىلىرى بيلن محمد مزيد ترخان نينىڭ قىلدىگه توشدى. محمد مزيد ترخان بو حالنى يېقىب، نوكر-سودرى، يقين و قدردانلىرى، ينه اونينىڭ بيلن بيرگه بۇلگن بېكلرى، چنانچە، سلطان حسين ارغون، پير احمد ارغون، خواجه حسين، اوزون حسن نينىڭ اينيسى قرا برلاس، صالح محمد و ينه بعضى بېكلر، ييگيتلر بيلن شھرنى تشلب چىقىدى.

خان او فرصتلردە خان ميرزاگه محمد حسين دۇغلت، احمدبېك و ينه كۆپلەپ مۇغول بېكلرىنى قۇشىپ سمرقند اوستيگه يوريشنى تەيىنلەگندى. حافظ بېك دۇلدای و اۇغلى طاهر بېك هم خان ميرزا نينىڭ بېك آتەسى اېدىلر. حسن نبيره، هندوبېك، بعضى ييگيتلر حافظ بېك و طاهر بېك مىناسبتى طفيلى سلطان على ميرزادىن قاچىپ، ميرزا خان قاشيگه بارگن اېدىلر. محمد مزيد ترخان كيشيلر يوبارىپ، خان ميرزانى و مۇغول لشكرىنى تىلب، شاودار تومنيگه كېلىپ، ميرزا خاننى كۆرىپ، مۇغول بېكلرى بيلن ملاقات قىلدى.

مۇغول بېكلرى نينىڭ محمد مزيد بېكلرى بيلن مصلحتلرى يىخشى چىقمەدى. حتا اولر محمد مزيد ترخاننى توتىشنى هم خيال قىلگن اېدىلر. بو بېكلر وضعيتى انگلەب، مۇغول لشكرىدن بير بهانه بيلن آيرىلدىلر. بولر آيرىلگچ، مۇغول لشكرى هم توره آلمەدى، قيتىب ياريلاققە بارىپ توشگندە سلطان على ميرزا آز كيشى بيلن سمرقنددىن تېزلىك بيلن آتلەنىپ خان ميرزا بيلن مۇغول لشكرى اوستيگە كېلىپ يېتەدى، لېكن اوروشە آلمىسدىن، پراكتە بۇلىپ قاچەدىلر. آخرگى چاغدە سلطان على ميرزانينىڭ بيرىخشى ايشى شو بۇلدى كە، محمد مزيد ترخان و اولر بو ميرزالردىن واز كېچىپ، بوندىن ايلگىرىراق مېنىڭ قاشىمدە بۇلگن، اندىجان قىلمىدە هم خواجه قاضى بيلن بير-بىرلريگە سوينچىق بۇلىپ، جان فدايىلىكلر قىلگن مۇغول عبدالوهابنى يوبارىپ مېنى تىلەدىلر. بىز هم انه شو معاملەگە زار اېدىك.

اوشبو مصلحت اوچون صلح قىلىپ سمرقند اوستىگە يوريشگە اشتياقمند ابدىك. درحال مير مۇغولنى اخسىگە- جهانگير ميرزا قاشىگە اوچرەشيش جايىنى بېلگىلىش اوچون يوبارىلدى. سمرقند اوستىگە آتلنماقچى بۇلدىك. ذوالقعدە آيىدە سمرقند اوستىگە لشكر آلتىپ، آرەدە ايگى قۇنىپ، قۇباگە توشدىك. نماز عصرده خبر كېلدى كە، سلطان احمد تېل نىنگ اينىسى خلیل كېلىپ اوش قۇرغانىنى اۇغرىنچە آليىدى. تفصیلاتى بوكە، صلح بۇلگندە تېل نىنگ اينىسى خلیل باشلىق اسيرلر، قید اېتىلگندىك، قۇيىپ يوبارىلگندى. تېل خلیلنى اوزگندەگى كۇچ و اوروقلرىنى چىقماق اوچون يوبارگندى. كۇچ چىقماق بهانهسى بىلن بارىپ، اوزگندەگە كىرىپ بوگون چىقەى-اېرتەگە چىقەى دېب حیلە قىلىپ چىقمەى تورردى. بىزىنىگ لشكرىمىز آتلنگندە فرصت تاپىپ، اوش خالى قالگندە كېچەسى بىلن كېلىپ، اوش قۇرغانىنى اۇغرىنچە آليىدى.

بو خبر بىزگە كېلگىچ، تورماق نىنگ و ينه بولر بىلن مراضات سىزلىك نىنگ مصلحتىنى بير نېچە اساسلرگە كۆرە معقول تاپمەى، سمرقند سرى يۇلگە توشەبېردىك. سىبىلریدن بيرى بوكە، بىزىنىگ لشكر اته گنىمىز همەسى يوريش يراغىنى قىلىش اوچون اوى-اويلرگە هر تامانگە ترقب كېتگن اېدى. صلحگە ايشانىپ، بولر نىنگ مكر و يامان نيتلریدن بېخبر و غافل ابدىك. ينه بيرى بوكە، على دوست و قنبرعلى دېك اولوغ بېكلرىمىزدن بير نېچە مرتە يامان خط-حرکتلر صادر بۇلدى كە، اولرگە ايشانچ قالمەدى (بو حقدە يازىلگن اېدى). ينه بيرى بوكە، محمد مزید ترخان باشلىق برچە سمرقند بېكلرى مېنى تېلپ مير مۇغولنى يوبارىپ اېدىلر. سمرقند دېك پايتخت تورگندە اندىجان دېك يېر اوچون كىشى نىنگ وقت اؤتكزىشى اۋرىنلى اېمىس اېدى.

قۇبادن مرغىنانگە كېلىندى. قۇچ بېك نىنگ آتەسى سلطان احمد بېككە مرغىنان بېرىلگندى. ايرىم ضرورتلر و عايله وىي حالتلرگە كۆرە، مېنىنگ بىلن اېرگشە آلمەى مرغىنانده قالدى. اۋغلى قۇچ بېك بير-ايگى آغە-اينىسى بىلن بيرگە كېلىدلر. اسفرە يۇلىگە توشىپ جۇنەدېك. اسفرەگە قرەشلى مهن ناملى قىشلاققە كېلىپ توشدىك.

خيرلى تصادفدن قاسم بېك جماعتى بىلن، على دوست جماعتى بىلن، سيد قاسم ينة بير گروه ييگىتلر بىلن اوشبو آقشام مهن ده اېكنيميزده، خودى ايلگريدن وعده له شيب قۇيلىگندېك، كېلىپ قۇشىلدى. اوندن آتلىنىپ، خسبان دشتى بىلن يوريب، چۇپان كۇپريگيدن اۋتيب، اۋرەتپەگە كېلدىم. قنبرعلى اۋز ولايتى خۇجنددن تىبل گە ايشانيب لشكر مصلحتىنى سۋرەشگە اخسى گە كېلەدى. بو واقعه صادر بۇلگىچ، تىبل اونى قۇلگە آلىپ، ولايتلىرى نىنگ اوستىگە يۈرەدى. بير توركى مقال باركه: «اينانمە گيل دوستىنگە، سمان تيقىر پوستىنگە». يۇلدە كېلە ياتگنيميزده يىاو قاجىب يوز تشويشلىر بىلن اۋرەتپەگە كېلدى. اۋرەتپەدە اېكنيميزده خبر كېلدى كه، شىباني خان قلعه ي ده بوسيه ده باقى ترخاننى باسيپ، بخارا اوستىگە بارىپتى. اۋرەتپەدن بوركه يىلاوى يۇلى بىلن سنگزارگە كېلدىك. سنگزار داروغه سى قۇرغاننى بېردى. قنبرعلى توتىلىپ، آلديريپ كېلىنگن اېدى، اونى سنگزارده قۇيىپ اۋتدىك. كېلىپ خان يورتىگە توشكندە محمد مزىد ترخان باشلىق سمرقند بېكلىرى كېلىپ ملازمت قىلدىلر. سمرقندنى آلىش مسأله سىنى بولر بىلن كېنگشىب آلىندى. دېدىلر كه، خواجه يحيى هم پادشاه طرفدارى دير. اگر خواجه كفيل بۇلسه، سمرقند جنگ و جدلسيز آسانلىك بىلن مىسر بۇلەدى. بو خصوصده بير نېچه مراتبه خواجه يحيى گە كىشىلر يوباريپ سوزلەتيلدى. خواجه يحيى بىزنى سمرقندگە كىر يتماقچى اېكىننى انىق ايتىپ يوبارمەدى. لېكن نااميد بۇلگودېك سۇز هم ايتمەدى. خان يورتىدن كۇچىپ، درغم ساحلىگە كېلدىك. درغم قىرغايىدن خواجه يحيى گە خواجه محمد على كتابدار يوباريلىدى. او كېلسىنلر، شهرنى بېرەمىز، دېگن خبر كېلتىردى. درغم دن كېچگە يقين آتلىنىپ، شهرگە يۇل آلدىك.

سلطان محمد دۇلداي نىنگ آتەسى سلطان محمود دۇلداي يورتىدن قاجىب بارىپ بو كېلىشودن اولرنى خبردار قىلىدى. خبر تاپگنلرى اوچون قىلگن او خياليمىز مىسر بولمەدى. قىتېب درغم ساحلىگە توشدىك. مېنىگ بير يىخشى رعايت قىلگن بېگم- على دوست توتتيريپ قوولەگن ابراهيم سارو مىنگلىغ مېن يارىلاققه كېلگن فرصتده سيد

یوسف بېک‌نینگ اۇغلى محمد یوسف بیلن کېلىپ ملازمت قىلدى. اونینگ دستیدن بعضیسی قولنگن، بعضیسی تالنگن و بعضیسی توتتیریلگن، علی دوست‌نینگ ضدیده بولگن، ییزنینگ سینشته بېکلریمیز و ایچکیرلیمیز بیرین-بیرین ییغیلیپ قاشیمیزگه کېلدیلر.

علی دوست ضعیفلنپ قالدى. سببی-تبیل‌نی آرقه قیلیپ، مېنگه و مېنینگ خیر‌خواه‌لریمگه جبرو جفالر اؤتکزدی. مېنینگ هم طبعیم بو آدم بیلن یامان اېدی. هم خواطرلنپ، هم خجالتدن توره‌آلمه‌دی، کېتیشگه رخصت سوره‌دی. مېن هم منتدار بولپ، رخصت بېردیم. علی دوست و محمد دوست اؤشه رخصت آلگنیچه تبیل حضوریگه باردیلر. تبیل‌گه یقین بولگن بو آتە‌لیک-اؤغیللیکدن کۆپلپ یاوولیکلر و یامانلیکلر صادر بولدى. بیر-ایک ییلدن سۇنگ علی دوست‌نینگ قۇلیگه کوی‌دی‌رگی چقیپ اؤلدى. محمد دوست اؤزبککە قۇشیلگن، ایشی اونچه‌لیک یامان اېمسدى. او بېردن هم کۆرنمک‌لیک قیلیپ قاقچیب، اندیجان‌نینگ تاغ اېتکلرگه باریپ، یاوولیکلر و فتنه‌لر اویوستیردی. آخری اؤزبک قۇلیگه توشدى. کۆزلرینی کۆر قیلدیلر. «کۆزلرینی توز توتتی» مقالی‌نینگ معناسی شو بولسه کېرەک. بولرگه رخصت بېرلگندن سۇنگ غوری برلاس‌نی بیر نېچه ییگیتلر بیلن خبر کېلتیریش اوچون بخاراگه یوباریلگن اېدی. خبر کېلدى که، شیبانی خان بخارانی آلیپ، سمرقند اوستیگه قرەب یۇلگه توشدى. ییز او یېرده بۇلیشنى مصلحت کۆرمە‌ی، کېش سرى یۇلگه توشدیک. سمرقند بېکلری‌نینگ اکثر کۆچلری هم کېش‌ده اېدی. کېش‌گه کېلگندن بیر-ایک هفته اؤتگج خبر کېلدى که، سلطان علی میرزا سمرقندنى شیبانی خان‌گه بېردی. تفصیلاتی بوکه، سلطان علی میرزانینگ آنە‌سى زهرە‌بېگی آغە بیلەمسلیگی و بې‌عقللیگیدن شیبانی خان‌گه بو مضموندە مخفی کیشی یوبارە‌دی: شیبانی خان اونى آله‌دیگن بولسه، اۇغلى شیبانی خان‌گه سمرقندنى بېرە‌دی. آتە‌سى‌نینگ ولایتینی الگندن سۇنگ اېسە شیبانی خان سمرقندنى سلطان علی میرزاگه بېرە‌دی.

بور بېجە‌دن ابو یوسف ارغون‌نینگ خبری بار اېکن، بلکه بور بېجە‌نى کۆرستگۇچی اؤشه غدار اېکن

توقیز یوز آلتینچی (۱۵۰۱-۱۵۰۰) ییل واقعه‌لى

شیبانی خان اوشبو خاتین نینگ وعدەسى بیلن کېلىب باغ میدان گە توشتی. توش وقتیدە سلطان علی میرزا بېک و کیچیک بېکلىرىگە، ییگیت-یلنگیگە-هیچ کیمگە خبر قىلمەى، هیچ کیم بیلن کېنگشمەى، یقینیدەگى بیر نېچە کتە-کیچیکلىرى بیلن چارراھە دروازەسیدن باغ میدان گە شیبانی خان قاشیگە باردی. شیبانی خان اونچە یخشى قبول ھم قىلمەدى. کوریشکندن سۇنگ قویى يانده اۇتقىزدی. خواجه یحیی سلطان علی میرزانینگ چیققنیدن خبر تاپیب، اضطرابدە قالدى. هیچ چاره تاپە آلمەى خواجه یحیی ھم خان قبولیگە باردی. شیبانی خان اۋرنیدن تورمسدن کۋریشیب قۇیە قالدى. بیر مونچە شکایتامیز سۇزلر ایتتى. خواجه یحیی جۇنەگنیدە شیبانی خان تعظیم قیلیب اۋرنیدن توردى. جان علی خواجه علیباى نینگ اۋغلى رباط خواجه دە اېدی. میرزاسى نینگ خان حضوریگە بارگىنىنى اېشىتىب، او ھم شیبانی خان قاشیگە کېلدى. بو بدبخت خاتین (زھرەبېگى) اېسى پست بۇلگنیدن، اېرگە تېگیش ھوسى بیلن اۋغلى نینگ خان و مانینی ییلىگە بېردی. شیبانی خان اونگە دزەچە پروا ھم قىلمەدى. بلکه حرم عیالى، چۇرى-خدمتکار یچە ھم کۈزگە ایلەمدی.

سلطان علی میرزا ھم اوز ایشیگە حیران و سرایدن خان آلدیگە چیققنیدن بېحد پُشیمان اېدی. بعضى یقین کیشیلری وضعیتی انگلب، میرزانى آلیب قاچماقنى خیال قیلدیلر. سلطان علی میرزا راضى بۇلمەدى: اجلى یتیب تورگنى اوچون-قوتولمەدى. تېمور سلطان بیلن بیرگە اېکنلیگیدە تۇرت-بېش کوندن سۇنگ اونى قۇلبە اولنگیدە اۋلدىردیلر. بو بېش

كونلىك اۋلرجان اوچون يامان آت بىلن كېتىدى. خاتىن كىشى سۈزىگە كىرىپ، اۋزىنى
يخشى كىشىلەر صفىدىن چىقىردى. مونداق كىشى نىنگ واقعه سىنى بوندن آرتىق يازىپ بۇلمىس.
بو يۈسىنلىك شرمندەلى حركتلىرىنى بوندن آرتىق اېشىتىپ بۇلمىس.

سلطان على مىرزانى اۋلدىرگندىن سۇنگ جان على نى هم مىرزاسى نىنگ قاشىگە يوباردى.
شىبىانى خان خواجه يحيى دن خواطردە اېدى. شونىنگ اوچون اونى ايگى اۋغلى: خواجه
محمد زكريا و خواجه باقى بىلن خراسان تامانگە جۇنتىدى. كېيىندىن بىر نېچە اۋزىك بارىپ،
حضرت خواجه يحيى نى ايگى ياش اۋغلى بىلن خواجه كاردىن اطرافىدە شھيد قىلدىلر.
شىبىانى خان: خواجه نى اۋلدىرىشگە مېن بويروق بېرمەگنمىن، بونى قنبرى بىلن كۆپك بې
قىلدىلر، دېر اېكن. بو گېي اوندىن يامانراق. «عذرى گناھىدىن بدتر» دېگن مقال بار. شوندى
ايشلرنى بېكلر اۋز باطنى بىلن خانىدىن و پادشاھىدىن رخصتسىز قىلە باشلەسە، اوندى خانلىگى
و پادشاھلىگى قەيىردە قالدى؟!

سمرقندىن اۋزىك آلگېچ، كېش دن حصار سىر يۇلگە توشدىك. محمد مزىد ترخان
باشلىق سمرقند بېكلرى كۆچ و اهل و عياللىرى بىلن بىرگە جۇنەدىلر. چغانىان نىنگ چىلتو
يىلاويگە توشگندە محمد مزىد ترخان باشلىق سمرقند بېكلرى ايرىلىپ، بارىپ خسروشاھگە
نوكر بۇلدىلر.

بىز شھر و ولايتىدىن محروم، بارر-توررىمىز نامعلوم اېدى. خسروشاھ بىزنىنگ خاندانگە
نسبتاً قنچەلىك حرمتسىزلىكلر قىلگن بۇلمەسىن، چارە تاپالمەي، ضرورتىدىن اونىنگ ولايتى
ايچى بىلن گىنە اۋتدىك. قارەتېگىن و آلاى بىلن اۋتېب، كىچىك خان تاغەم آلەچە خانگە
بارسك مىكن دېب هم خيال قىلگن اېدىم، بو مىسر بۇلمەدى. كمرودى بىلن يوقارىگە يورىپ،
سرتاق داوانىدىن آشماقچى بۇلدىك، نۆانداك تومنىگە يېتىگندە خسروشاھنىنگ نوكرى تۇقۇز
آت و تۇقۇز پرچە متاع كېلتىردى. كمرودى درەسىگە يېتىگنمىزدە، شېرەلى تىن قۇرىقچى قاچىپ
خسروشاھ قۇغانىگە كېتىدى. تانگەلسى قۇچ بېك بىزدىن ايرىلىپ، حصارگە كېتىدى. كمرودى
درەسىگە كىرىپ يوقارى تامانگە قرەب كېتىدىك. تار و اوچمە يۇللردە، بلند و تىك داوانلردە

کۆپ آت و تویه قالدی. اوچ-تۆرت منزل قۇنیب، سرتاق داوانیگه یېتدیک. داوانمیسن-داوان! هېچ قچان بوندە ی بلند و اوچمه یۇللر ییلن یورمه گن اېدیک. کۆپ تشویش و مشقتلر بیلن خطرلی تار و اوچمه لردن اؤتیپ، یوزعذاب و مشقت ییلن هلاکتلی بلندلیکلر، تار داوانلردن اشیب، فان تومنیگه کېلدیک. فان تاغلری نینگ آره سیده بیر کتّه کؤل بار، اونینگ محیطی-سطحی تخمیناً بیر شرعی کېله دی، عجب کؤل دیر؛ غرایباتدن خالی اېمس.

ابراهیم ترخان شېراز قورغانینی بېرکیتیپ اؤتیریتتی، یارییلاق قورغانلریده هم خواجه دیدارده بۇلگن قنبرعلی و ابوالقاسم کؤهبر اؤزبک سمرقندنی آگنده خواجه دیدارده توره آلمی، یارییلاققه کېلیپ، یارییلاق و پستکی قورغانلرنی بېرکیتیپ اؤتیریدیلر، دېگن خبر کېلدی. فاننی اؤنگ قۇلدە قۇیب کشتود سری یوردیک. فان حکمداری کرم و سخاوت، خدمتکارلیگ و آدمیلیک ییلن مشهور و تنیقلى اېدی. سلطان مسعود میرزا، سلطان حسین میرزا حصار اوستیگه کېلگنده اینیسی بایسونقور میرزاگه-سمرقندگه بو یول ییلن باریب اېدی. فان بېگی یتیمیش-سکسان آت تارتیق قیلدی. باشقه ملازمتلرنی هم اوشبو یۇسینلیک قیلدی. مېنگه بیر ناچارراق آت یوباریب، اوزی کېلمه دی. سخاوت ییلن مشهور بۇلگن اېل بیزگه کېلگنده خسیس بۇله دی. مروّت ییلن دانغی چیققن اېل نینگ مروّتی اونوتیله دی. سخاوت و کرم ییلن تنیقلى و مشهور بۇلگن خسرو شاه بدیع الزمان میرزاگه قنده ی ملازمتلر قیلگنی یوقاریده قید اېتیلدی.

ینه باقی ترخانگه و اؤزگه بېکلرگه راسه کۆپ آدمگرچیلیک، تارتیقلر قیلگن اېدی. ایگی نوبت اونینگ ولایتی آرقه لی اؤتیشیمیزگه تۇغری کېلدی. بیز نینگ خاندانیمیز اهلی او یاقده تورسین، اېنگ پست نوکرلریمیزگه قیلگن آدمگرچیلیکنی هم بیزگه قیلمه دی، بیزنی حتا نوکریمیزچه کوزگه ایلمه دی.

ییت:

کیم کؤروب تور، ای کؤنگول، اهل جهان دین یخشیلیغ،
کیم که اندین یخشی یوق، کؤز توتمه آندین یخشیلیغ.

فان دىن اۋتگىچ، كشتۇد قۇرغانىدە اۋزىكلەر بار دېب خيال قىلىپ، كشتۇد اوستىگە جۈنەدىك. كشتۇد قۇرغانى ھەم بوزىلگەن اېكەن. بو مدتدە اوندە حەمدار كىشى اۋتىرگەن اېمىس اېكەن. اوندىن اۋتىپ كۆھەك سوۋى نىنگ ياقەسىگە توشدىك. يارى نىنگ تۇغرىسىدىن- كۆھەك سوۋىدىن كۆپرىك بىلەن كېچدىك. رباط خواجه قۇرغانىنى تۇستىدىن بىلدىر مەي آلىشىدىن دېب قاسم بېك باشلىق بېكلەر يوبارىلدى. بىز يارىدىن اۋتىپ، شونقارخانىە تاغىدىن آشىپ، يارىلاققە كېلدىك. رباط خواجهگە بارگەن بېكلەر شاتى قۇيە ياتگەن پىتدە سېزىپ قالىدىلەر، قىترىدىلەر؛ قۇرغانىنى آلامەي قىتىپ كېلدىلەر.

قەبرىلى سەنگەزادە اېدى، كېلىپ كۆردى. ابوالقاسم كۆھر و ابراھىم ترخان آبرۇلى كىشىلەرنى ملازمتگە يوبارىپ، حەرمەت-احترام اظهارينى قىلدىلەر. يارىلاق قىشلاقلىرىدىن اسفەدك قۇرغانىگە كېلدىك.

اۋشە فرستە شىيانى خان خواجه دىدار تومنىدە اۋتىرگەن اېدى. اوچ-تۇرت مىنگە اۋزىك عەسكىرى بار اېدى. يەنە شو بېرلى سپاھىدىن ھەم شونچە چاغلى كىشى يىغىلگەندى. سەمرقەند قلەئە بېگىلىگىنى جانۇفا مىرزاگە بېرگەندى. بېش-آلتى يۈز كىشى بىلەن او سەمرقەند قۇرغانى نىنگ اىچىدە اېدى. حەمزە سەلطان بىلەن مەھدى سەلطان اۋزلىرىگە تېگىشلى كىشى قارەسى بىلەن سەمرقەند يېقىنىدەگى بۇدەنە قۇرۇغىدە اۋتىرگەن اېدى.

بىز نىنگ كىشىلەرىمىز يەخشى و يامان-ھەمەسى اىگى يۈز قىرغاق كىشى اېدى. بىرچە بېكلەر و يىگىت-يىلگە بىلەن سۆزلىشىپ، شونگە قارار قىلدىك كە، شىيانى خان سەمرقەندنى يېقىندە آلىپ، ھەنوز اېل اونگە و او اېلگە كۈنگىللىرى بىر تۇختىمگە كېلمەگەن. اوشبو فرستە بىر ايش قىلسەك-قىلە آلەمىز. اگر سەمرقەند قۇرغانىگە شاتى قۇيىپ، اۋغىرلىك بىلەن آلسەك-سەمرقەند اېلى ھەم بىز نىكى بۇلەدى. نې چارەلەر بار؟ اگر بىزگە مەددە قىلمەسلەر، اۋزىك اوچون ھەم اوروشمەيدىلەر. سەمرقەندنى قۇلگە كىرەتگەندىن سۈنگە ھەرنې تەگرى نىنگ خواھىشى بۇلسە، اۋشە بۇلگۈسى دىر.

بو قارار بىلەن پېشىن نەمازىدىن سۈنگە يارىلاقدىن آتلىنىپ، كېچە تون بۇيى يۇل يۈرىپ، يىرىم

كېچەدە خان يورتىگە يېتىدىك. او آقشام اېل خبردار بۇلىدى دېب قۇرغان نىنگ يقىنىگە بۇلمەي، خان يورتىدن آق آرقەگە قېتىلدى. تانگ آترده، رباط خواجهدن قويراقدە كۆهك سووينى كېچىب يە يارىلاققە كېلدىك. بىر كون اسفېدك قۇرغانىدە ھەمە ايچكىلر: دوست ناصر، نوپان كۆككلاش، خانقولى، كرېمداد، شېخ دروېش، خسرو كۆككلاش، مېرىم ناصر سىنگرلر حاضر اېدىلر، مېنىنگ قاشىمدە اۋتىرگن اېدىلر. ھەر تۇغرىدن آرەدە سۆز اۋتر اېدى. دېدىم كە: «قنى، ايتىنگلر-چى، تنگرى تۇغرى كېلتىرسە، سمرقندى قچان آلگە يىمىز؟» بعضى دېدىلر كە: «يازده آلگە يىمىز». او محل كېچ كوز اېدى. بعضىلر: "بىر آي"، بعضىلر "قىر قون"، بعضىلر "يىگىر مە كون"، دېدىلر. نوپان كۆككلاش دېدى كە: «اۋن تۇرت كوندە آلگە يىمىز». تنگرى تۇغرى كېلتىردى: راپە-راست اۋن تۇرت كوندە ياق سمرقندى آلدىك.

اۋشە فرصتدە عجايب توش كۆردىم. توش كۆرسىم، حضرت خواجه عبىدالله كېلمىشلر، مېن استىقباللرېگە چىقىمىن. خواجه كېلىب اۋتىردىلر. خواجه نىنگ آلدىلرېگە بىر آز آدمىراق دسترخوان سالىشىدى. بو سېىدن حضرتگە بىر آز ملال كېلگنمىش. ملا بابا مېن سرى باقىب اشاره قىلەدى. مېن ھەم اىما-اشارە بىلن دېدىم كە، بو ايشدە مېنىنگ عىيىم يۇق. دسترخوان سالوچى خطا قىلىدى. خواجه بونى فھملب، بو عذرنى قبول قىلدى. اۋرىنلرىدن توردىلر. اوزە تىب چىقىدىم. اوشبو اۋى نىنگ دەلىزىدە اۋنگ قۇلىمدن يا چپ قۇلىمدن توتىب شوندى اۋرتىدىلر كە، بىر ياغىم پېردن اوزىلدى. توركى-اۋزېك تىلىدە دېدىلر كە: «شېخ مصلحت بېردى». اۋشە بىر نېچە كوندە ياق سمرقندى آلدىم.

بىر-ايگى كوندن سۇنگ اسفېدك قۇرغانىدن وسمند^۱ قۇرغانىگە كېلىندى. بىر مراتبە سمرقند ولايتىگە بارىب، سېزدىرىب قۇيگن اېدىك، يە تنگرىگە توكل قىلىب، اۋشە خيال بىلن وسمنددن پېشىن نمازىدن سۇنگ سمرقند اوستىگە يوردىك. خواجه ابوالكارم ھەم ھەمراھ اېدى. يىرىم كېچە خىابان نىنگ پل مغاك — مغاك كۆپرىگىگە يېتىب، يېتمىش-

سكسان سرە يىگىتلەرنى اجرەتەي، غارِ عاشقان تۇغرىسىدىن شاتى قۇيىپ چىقىپ كېلىپ،
فېروزە دروازەسىدەگى قۇرىقچىلار اوستىگە يورىپ، دروازەنى قۇلگە آلىپ، بىزگە كىشى
يوبارنىڭلار، دېپ بويوردىك.

بويىگىتلەر بارىپ غارِ عاشقان تۇغرىسىدىن شاتى قۇيىپ چىقەدىلەر. ھېچ كىم سېزمەي
قالەدى. اوندىن فېروزە دروازەسىگە كېلىپ فاضل ترخان (اوپىك ترخانلاردىن اېمىس،
توركىستانلىك سوداگر ترخانلاردىن بۇلەدى. شىيانى خانگە توركىستاندە خىزمەت قىلىپ، اعتبار
تاپىپ اېدى) اوستىگە قرشى يورەدىلەر. فاضل ترخاننى بىر نېچە نوكرى بىلەن اوروشىپ،
اولەرنى اۆلدەيرىپ، دروازەنىڭ قىلىنى بالته بىلەن چاپىپ، دروازەنى آچىدىلەر.

اوشبو فرستەدە مېن يېتىگىم زھاتى ياق فېروزە دروازەسىدىن اىچكىرى كىردىم. ابوالقاسم
كۆھبۇرنىڭ اۋزى كېلمەگەن اېدى. اينىسى احمد قاسمنى اۋتۇز قىرقتە چە نوكرى بىلەن يوبارىپ
اېدى. ابراهيم ترخاننىڭ كىشىسى ھەم يۇق اېدى. شەرگە كىرىپ خانقاھدە اۋتۇرگىمىدە
احمد ترخان ناملى اينىسى بىر نېچە نوكرى بىلەن كېلدى. شەر خەلقى ھەنوز اويقودە اېدىلەر.
دوكاندارلەر دوكانلرىدىن قرەب، تىيىپ دعا قىلدۇرۇلەر. بىر آز فرستەن سونگ شەر خەلقى خېردار
بۇلدى. بىزنىڭ اېلگە و شەر خەلقىگە عجايب شادلىك و نشئە اېدى. اۋزىكلەرنى كۆچە-
كۆيدە قوتۇرگەن ايتلۇر دېك تاش و تىاق بىلەن اورىپ اۆلدەيرىلەر. تەخمىنەن تۇرت-بېش يۈز
اۋزىكىنى اوشبو يۈسىندە اۆلدەيرىلەر.

شەر قۇرغان بېگى جان و فا خواجه يىحى نىڭ اويلرىدە اېدى، قاچىپ چىقىپ
شىيانى خان قاشىگە كېتدى. دروازەدىن كىرىپ مدرسە و خانقاھ سىرى يورە قالدىم. كېلىپ
خانقاھ تاقى نىڭ اوستىدە اۋتۇردىم. تانگ آتگۈنچە تېورەك-اطرافدە سوران و غوغا بۇلدى.
بعضى خېردار بۇلگەن ارباب و دوكاندارلەر كېلىپ، نشئە و شادمانلىكلەر بىلەن كۆرىشىپ،
يېگۈلىكلەر كېلتىرىپ، دعالر قىلدۇرۇلەر.

تانگ آتگەندىن سۇنگ خېر كېلدى كە، آھنىن دروازەسىدە اىگى دروازەنىڭ آرەسىنى
اۋزىكلەر بېركىتىپ اوروشماقەلەر. درحال آتلىنىپ، آھنىن دروازەسىگە قرەب يۇلگە تۇشدىم.

مېن بیلن اۋن-اۋن بېش، يیگيرمه کيشی بار اېدی. اېل یۇقسيل. اېندی گينه شهر قۇلگه آلیندی. هرکیم بیر گۆشه ده قیز یقسنیپ سۈرەب-سۈریشتریش بیلن مشغول. مېن يېتگونچه آھنین دروازه سیدن اۋزبکلرنی شهر خلقي اوروب-سۈرۈب تشقري چقیریدیلر. شیبانی خان بو خبرنی اېشیتیب، اضطراب بیلن آفتاب چیققنده یوز-یوز اېلیک کیشی بیلن آھنین دروازه سیگه یېتیب کېلدی. او اوروش قیزیگن دروازه گه کېلیپ اېدی. مېن بیلن بۇلگن آزمی-کۈپمی کیشی مقداری، ایتیلگنیدېک، معلوم اېدی. شیبانی خان کۈردی که، هېچ ایش قیله آلمس، تۇختب تورمه دی، درحال قیتیب کېته قالدی.

او یپردن قیتیب کېلیپ، ارکده بۇستان سرايگه توشدیم. اربابلر وزاده گانلر، شهر اولوغلری مېنی کېلیپ کۈریب، قوتلوغ بۇلسینلر قیلدیلر. یوز قیرق ییلگه یقین سمرقند پایتختی بیزنینگ اختیاریمیزده اېدی. اېندی قه پیرلرده گی یات دشمنیمیز-اۋزبک کېلیپ اېگه بۇلیپ آلگن اېدی. قۇلدن کېتگن مملکتی ینه تنگری قیترب بېردی. غارت بۇلگن، تالان-تاراج قیلینگن ولایت تصرفیمیزگه کیردی.

سلطان حسین میرزا هم هراتی اوشبو یۈسینده یو غافللیگیده آلگن اېکن. لېکن ایش بيله دیگن روشن و انصافلی کیشی نظریده عیان دیرکه، بو واقعه بیلن او حادثه آره سیده کۈپ فرق باردیر. اول بوکه، سلطان حسین میرزا کوپ ایش کۈرگن، کۈپ تجربه لر کېچیرگن اولوغ یاشلی پادشاه اېدی. ایگینچیسى بوکه، غنیمی یادگار محمد ناصر میرزا-اۋن یېتی-اۋن سگیز یاشلی تجربه سیز اۋغلان اېدی. اوچینچیسى بوکه، غنیم نینگ ایچیدن کیفیت و حالتی بیلگن کیشی میرعلی میراخور حسین میرزاگه کیشیلر یوباریب، اونى غنیم غافل پیتده دشمن اوستیگه کېلتیردی. تۇرتینچیدن، غنیم قۇرغانده اېمس، باغ زاغانده اېدی. سلطان حسین میرزا هراتنی آلگن پیتده یادگار محمد میرزا و یقینلری شونده ی ایچکیلیککه توشگن اېکن دیرلرکه، اۋشه کېچه یادگار محمد میرزانینگ اېشیگیده اوچ کیشی بۇلیپ، اۋزی هم، اولرهم مست اېدیلر. بېشینچیدن، سلطان حسین میرزا اۋشنده غنیم غافللیگیده کېلدى و اونى قۇلگه آلدی.

مېن سمرقندنى الگنيمده اۋن تۇقۇز ياش دە اېدىم. نە كۈپ ايش كۇريب اېدىم، نە تجربەم بار اېدى. ايگىنچىسى بوكە، مېنىڭ غنىمىم شىيانى خان دېك تجربەلى، كۈپ ايش كۈرگن و اولوغ ياشلى كىشى اېدى. اوچىنچىسى بوكە، بىزگە سمرقنددن ھېچ كىشى كېلمىدى. اگرچە شەر خلقى مېنگە نسبتاً كۈنگىللىك بۇلسەلدە، بىراق شىيانى خان نىڭ قۇرقىنچىدن ھېچ كىشى بو خيالىنى قىلە آلمىس اېدى. تۇرتىنچىسى بوكە، مېنىڭ غنىمىم قۇرغاندە اېدى: ھم قۇرغان آلىندى، ھم غنىم قاچىرىلدى. بېشىنچىسى بوكە، بىر مرتبە سمرقندنى آلىش مقصدىدە كېلىپ، غنىمگە سېزدىرىپ قۇيىپ، ايگىنچى مرتبە كېلگندە تىگرى ايشىمنى تۇغرىلەدى: سمرقند اېگللندى.

بو ايتىگنلىرىمدن مقصد اېلگە طعنە قىلماق اېمىس، واقەنىڭ حقيقىتى شو اېدى كە، بو يېردە يازىلدى. بو بىتىلگنلردن نىت اۋزىمنى اولوغلەماقلىك اېمىس، راستى شو اېدى كە يازىلدى. بو غلبە خصوصىدە شاعرلر واقەنىڭ شەرى تارىخىنى ايتىگن اېدىلر. شو جملەدن، بىر يىت خاطرە قالگن اېكن.

يىت:

باز گفتم خرد، كە تارىخش،

"فتح بابىر بهادر است"، بدان.

(يىت مضمونى:

عقل ىنە تارىخين ايلەدى تحرير:

بابىر بهادر نىڭ ظفر فتحى دىر.)

سمرقند آلىنگندن سۇنگ شاودار، سوغد و شو تومنلر يقىنىدەگى قۇرغانلر بىرتە-بىرتە مېنگە تامان يوزلنەباشلەدىلر. بعضى قۇرغانلردن اۋزىك قلەبېگىلرى واهمەگە توشىپ، تشلب چىقىدىلر و بعضى قۇرغانلر اۋزىك كىشىلرىنى قوولب، بىزگە كىردىلر. بعضىلر داروغەلرنى توتىپ، قۇرغانلرىنى بىز اوچون بېركىتىدىلر. اوشبو فرصتدە شىيانى خان نىڭ ھمدە اۋزىكلرنىڭ كۈچلىرى و اوروقلىرى توركىستاندن كېلدىلر. شىيانى خان خواجه دىدار و

على آباد تومنلرىدە اېدى. قۇرغانلارنىڭ مېنگە بوندە كىرگنلىرى و اېل نىنگ بو يۇسىندە قېتىگىنى كۇرىپ، اۇتىرگن يېرىدن بخارا سىرى كېتىدى. تنگرى عنایتى بىلن سوغد و ميانكالى قۇرغانلرى اوچ-تۇرت آیدە اكثر بىزگە تامان يوزلندىلر. باقى ترخان هم فرصت تاپىپ قرشى قۇرغانىگە كىردى. خوزار و قرشى هم اوزبكلىر تصريفدن چىقىدى. قارەكۇلنى هم مروندن ابوالمحسن مىرزانىنگ كىشىسى كېلىپ آلدى. ایشیمىز راسه ترقى اوستىدە بۇلدى.

مېنىنگ والدەلریم، كۇچ و اوروقلریم مېن اندىجان دن چىققند سۇنگ يوز تشویش و مشقتلر بىلن اورەتپەگە كېلگن اېدىلر. كىشى يوبارىپ سمرقندگە كېلتىردىك. اۋشە كېچە-كوندولزلى سلطان احمد مىرزانىنگ قىزى عايشە سلطان بېگم دن، بىرىنچى مراتبە مېنىنگ نكاحىمگە كىرگن كىشى شو اېدى، بىر قىز بۇلدى. اۋنگە فخرالنساء اسمى قۇيىلدى. مېنىنگ تۇنغىچ فرزندىم شو اېدى. اۋشە پىندە مېن اۋن تۇقىز ياشدە اېدىم. اۋشە بىر آى-قىرق كون ايچىدە اونى خدا رحمتىگە آلدى.

سمرقند غلبەسىدن سۇنگ اطراف-تېورەكدەگى گرېللەگن و دغدغەلى خانلر، سلطانلر، امىرلر و چېك-چېگرەدەگىلرگە كۇمك و مدد سۇرەب منتظم اېلچىلر، خبرچىلر باردىلر و كېلدىلر. بعضىلرى تجربەلىلىكلرىگە قرەمەى يېنگىلتكلىك بىلن انكار قىلدىلر. بىي آدابلىكلر و ناخوشلىكلر كۆرگن آيرىم طبقلر خوف-خطردن قۇرقىپ، اۋزلرىنى بىلىپ-بىلمىگە سالدىلر. كۇمك يوبارگن بعضىلرگە كېلىسك، كۇنگىل تۇلرلى اېمس اېدى. بو حالتلرنىنگ هر بىرى اۋز وقتىدە ھلى قىد اېتىلەدى.

بو ايكىنچى نوبت سمرقندنى آلگىمىزدە علىشېرېبك تىرىك اېدى. بىر نوبت مېنگە مکتوبى هم كېلگن اېدى. مېن هم بىر مکتوب يوبارىپ اېدىم: آرقەسىدە توركى يىت ايتىپ، يىتىپ يوبارىپ اېدىم. جواب كېلگونچە تلە-تۇپ-غوغا-تۇپالانلر بۇلدى. شىيانى خان سمرقندنى آلگندە، ملا بنايىنى ملازم قىلىپ اېدى. شىيانى خان بىلن بىرگە اېدى. سمرقند فتحىدن بىر نېچە كون اۋتىپ او سمرقندگە كېلدى. قاسم بېك اوندىن گمانسىرەب، اونگە شەرسىز سىرى "رخصت" بېردى. بىر نېچە كوندن سۇنگ، فضىلتلى كىشى بۇلگنى و ھېچ

قندهی گناه صادر قيلمه گنی اوچون اونى سمرقندگه كېلتيرديك. دايم قصيده و غزل منظور
قىلر اېدى. نواده بير كوينى مېنگه آتې منظور اېتدى. اۋشه پیتده بير رباعى هم ايتیب منظور
قىلدى.

رباعى:

نې غلّه مرا كزو توانم نوشيد،
نې مهمل غلّه تا توانم پۇشيد.
آنراكه نه خۇردن است و نى پۇشيدن،
در علم و هنر كجا توانم كۇشيد.
(مضمونى:

پېب-ايچگنى مېنده نه نان، غلّه م بار دير،
فقير ليكدن نه كييم، نه سلّه م بار دير.
پېب-ايچگنى و كييگنى نرسه م يۇغ و
قندهى دېيمن: الهام تۇله كلّه م بار دير؟)

او فرصتلرده بيرته-ايگيته ييت ايتر اېديم. لېكن بوتون غزل يازمه گن اېديم. بيرگينه توركى
رباعى ايتيب يوباردىم:

رباعى:

ايشلر بارى كۇنگلونگده گيدېك بۇلگوسيدور،
انعام و وظيفه بارى بويرولگوسيدور.
اول غلّه و مهمل كه دېب اېردينگ، بېردىم،
مهملگه بۇى و غلّه دين اوى تۇلگوسيدور.

ملا بنابى بورباعى نينگ بيرينچى مصرعى نينگ قافيه سىنى رديف قىليب، باشقه قافيه
يىلن بير رباعى يازيب منظور اېتدى:

ميرزام كه، شاه بحرو بر بۇلغوسيدور،

عالمده هنر بيرله سر بۇلغوسيدور.
بیر مهمل اوچون مونچه عنايت بۇلدى،
مستعمل اگر دېسم، نېلر بۇلغوسيدور.
اوفرستده خواجه ابوالبركه فراقى شهرسبزدن سمرقندگه كېلىپ اېدى. دېدى كه: «اوشه
رديف و قافيه ده ايتماق كېرك اېدى». اوشبورباعينى خواجه ابوالبركه ايتدى.
رباعى:

بو جوركه قىلدى دور سۇرولگوسيدور،
سلطان كرم بو عذرنى قۇلغوسيدور.
تۇكولگن اگرچه تۇلمس، اې ساقى،
تۇكولگانيميز بو دورده تۇلگوسيدور.
بو قىشده ايشيميز كۇپ ترقى ده اېدى. شيبانى خان نىنگ ايشى تنزلده اېدى.
بو ائناده بير-ايگى يره مسراق ايش بۇلدى. مرودن كېلىپ قاره كۇلنى آلگنلر اونى
سقله آلمه ديلر. قاره كۇل ينه اوزبكلكر قره ماغى گه كىردى. قلعه ده بوسيده ابراهيم
ترخان نىنگ احمد ترخان ناملى اينيسى حاكم اېدى. شيبانى خان كېلىپ قمل قىلدى. بيز
لشكر يىغيب اسلحه تيارله گونچه، زۇرلب آلدى. اېلنى تاماماً عاموى قتل قىلدى.
مېن سمرقندنى آلگنيمده سناقلى ايگى يوز قىرق كىشىم بار اېدى. بېش-آلتى آي نىنگ
آره سیده تنگرى تعالى نىنگ عنايتى بيلن شونچه بۇلدى كه، شيبانى خان دېك كىشى بيلن
سرپلده صف تارتيب اوروشديك. بو حقه ده اېلدى يازيله دى.

تېوره ك و اطرافده گيلردن: خاندن ايوب بېكچىك، قشقه محمود و بارينلر تۇرت-بېش
يوز كىشى بيلن كۆمكه كېلگن اېدى. جهانگير ميرزادن تېل نىنگ اينيسى خليل يوز-ايگى
يوز كىشى بيلن كۆمكه كېلگن اېدى. سلطان حسين ميرزادېك تجربه لى پادشاه دن،
شيبانى خان نىنگ فعل-اطوارينى ميرزادن يخشىراق كىشى بيلمس اېدى، هېچ كىشى كۆمكه
كېلمه دى. بديع الزمان ميرزادن هم كىشى كېلمه دى. خسرو شاه هم قۇرقوودن آدم يوبارمه دى.

بو خاندانگه نسبتاً اوندن حددن كۆپ يامانلىكلر صادر اېتىلگن اېدى، خودى قيد اېتگنيمىزدېك، بيزدن جوده قۇرقردى.

شوال آيىده شىيانى خان بيلن اوروشماق مقصىديه سفر قىلىپ باغ نوگه چىقىدىم. بېش-آلتى كون باغ نوده لشكر يىغماق و اسلحهنى تيارلش مصلحتى اوچون اۇتيرىلدى. باغ نودن آتلىپ كۆچ-كۆچلشيب يۇلگه توشدىك. سرپل دن اۇتيب تۇخته دىك. اۇرده گرد-اطرافىنى تاماماً شاخ، خندق بيلن اۇرەب، احتياط قىلىپ مستحكمه دىك. شىيانىخان نرىدن كېلىپ خواجه كاردزن موضعيگه توشدى. آرە تخمينا بىر يىغاچچە كېلردى. تۇرت-بېش كون بو يورته اۇتيرىلدى. بىزنىنگ كىشىمىز و غنىم كىشىسى كونده نرىدن كېلىپ، بېرىدن بارىپ، آتېشىب كېلىشر اېدى. بىر كونى غنىم آدملىرى كۇپراق كېلدى. خيله اوروش بۇلدى. هېچ كىمگه غلبه نصيب اېتمەدى. بىزنىنگ بىراقدارىمىز بىنگىللىك قىلىپ آرنگه قېتىپ خندققە كىرپىتى. بعضىلر اونى سىدى قراپىك بىراغى اېدى، دېدىلر. سىدى قرا گرچە سۇزى نىنگ اوستىدن چىقەدىگن كىشى اېسە-دە، قىلىچگە كېلگندە كوچسىزراق اېدى.

اوشبو پىتلىرى شىيانى خان بىر كېچە تونكى باسقىنگە كېلدى. لشكرىمىز اطراف ايلنەسى شاخ-شېبە، خندق بيلن مستحكم و محكم قىلىنگندى. كېلىپ هېچ ايش قىلە آلمەدى. خندق نىنگ تشقرىسىدن سوران سالىب، بىر مونچە اوق آتېپ قېتىشدى. اوروش ايشىگە مېن سعى-حركت قىلدىم. قنبر على هم بۇش كېلمسدى. باقى ترخان مىنگ-ايگى مىنگ بېش يوز كىشى بيلن كېشگە توشپىتى، ايگى كونده بىزگە كېلىپ قۇشيله دى. سىد محمد مىرزا دۇغلت هم خان بابام قاشىدن كۆمككە كېلىپ، مىنگ-مىنگ بېش يوز كىشى بيلن يۇلگە توشپىتى. آرەدەگى مسافە تۇرت يىغاچ يۇل دىر. اېرتەلب بىزگە قۇشيليشە دى. انه شونده پىتدە شاشىلدىك، اوروشدىك.

به تندى سبك دست بردن به تيغ،

به دندان گزد پشت دستى دريغ.

(مضمونی:

غضبیدن خنجرگه قۇل چۇزگن کیشی،

افسوس برماغینی تیشلش دیر ایشی.)

مېنینگ غیر تیم نینگ سببی شو اېدی که، اوروش کونی سگیز یولدوز آره‌لیقده اېدی. اگر او کوندن اؤتسه، اؤن اوچ-اؤن تورت کونگچه سگیز یولدوز غنیم نینگ آرقه تامانیده بۇلردی. بو ملاحظه‌لر هېچ نرسه اېکن دیر. اؤرینسيز شاشیلییمیز. اېرتەلب اوروش نیتی بیلن ساووت کییب، آتلرگه زره‌لی یاپینچیلر سالیب، برانغار^۲، جوانغار^۳، قۇل^۴، ایراویل^۵ توزیب، صفلنېب آتلندیک. اؤنگ قناتده ابراهیم سارو، ابراهیم جانی، ابوالقاسم کؤهبر و ینه بعضی بېکلر؛ چپ قناتده محمد مزید ترخان، ابراهیم ترخان، ینه سمرقند بېکلریدن سلطان حسین ارغون، قرا برلاس، پیر احمد، خواجه حسین؛ قۇلده قاسم بېک و ینه بعضی یقین ایچکیلر توردی. ایراویلده قنبر علی سلاخ، بنده علی، خواجه علی، میرشاه قوچین، سید قاسم اېشیک‌آغه، خالدار، بنده‌لی نینگ اینیسی قوچ، حیدر، قاسم بېک نینگ اوغلی اېدیله. حاضر بۇلگن سره ییگیتلر و ایچکیلر نینگ همه‌سی ایراویلگه قۇیلگن اېدی.

بیز صف تارتیب چیققچ، غنیم هم رۇپه‌ره‌دن صفلنېب پیدا بۇلدى. اؤنگ قناتده محمود سلطان، جانی بېک سلطان، تېمور سلطان، چپ قناتده حمزه سلطان، مېه‌دی سلطان و ینه بعضی سلطانلر کېلر اېدی. صفلر یقینلشگچ، غنیم نینگ اؤنگ قناتی نینگ اوچی بیز نینگ آرقه‌میز سری بوریلدى. مېن هم آلغه قېرب، اولر سری یوردیم. بیز نینگ ایش کؤرگن، قیلیچ چاپگن ییگیتلریمیز نینگ همه‌سی ایراویلگه قۇیلگن اېدی، اولر اؤنگ قۇل سری قالدی. آلدیمیزده هېچ کیشی قالمه‌دی. شونگه قره‌مه‌ی، ایلگری کېلگن کیشیلرینی اوریب، قیتریب،

۲- برانغار - لشکر نینگ اؤنگ قناتی.

۳- جوانغار - لشکر نینگ چپ قناتی.

۴- قۇل - لشکر مرکزیده شاه توره‌دیگن جای.

۵- ایراویل - هجومچی قىسم، تعرضی کوچ.

حولىگە تىقلىدىك. شو درجەگە يېتىدى كە، غنىم نىنگ بعضى قرى اولوغلىرى شىيانى خان گە: «يورش كېرەك، تۇختب تورماق نىنگ وقتى اۋتدى» دېيىشىپتى. اۋزى تۇختب تورىپتى. غنىم نىنگ اۋنگ قناتى يىزىنىگ چپ قناتىمىزنى باسىپ آرقەگە ايلندى. ايراولول هم اۋنگ قۇل سرى قالىب، آلدىمىز يلىگ بۇلدى. كېيندىن و آلدىندىن غنىم كىشىلىرى زۇرلىب اۋق ياغدىرىشگە كىرىشدى.

بىزگە كۈمككە كېلگن مۇغول لشكرى نىنگ اوروشگە طاقتلىرى يۇق اېدى. اوروشماقنى قۇيىپ، اۋزىمىز نىنگ اېلنى-اۋق تلىب، آتدىن توشىرىشگە كىرىشدىلر. بىر بو گل اېمس، همىشە بدبخت مۇغول نىنگ عادتى انه شونقە. باسسە هم اۋلجە آلەدى، باستىرسە هم اۋز اېلىنى تلىب، اۋلجە آلەدى.

آلدىمىزدە گىلرنى قىتق باستىرىپ كېلگندە، بىر نېچە مرتبە اورىپ قىتردىك. ايلگرىدىن هم باستىرىپ كېلدىلر، كېين يىزىنىگ آرتىمىزگە اۋتىپ آلگن قىسم هم يىراغىمىز تامانگە اۋق آتە باشلەدى. ايلگرىدىن و كېيندىن باستىرىپ كېلىندى. يىزىنىگ اېلنى سراسىمەگە سالدىلر.

اۋزىك نىنگ اوروشدە بىر اولوغ هنرى اوشبو تۇلغەمە دىر، يعنى جىنگە تىنىمسىز عىسكر سالىپ تورىش دىر. ھېچ اوروشى تۇلغەمەسىز بۇلمەيدى. بوندن تشقرى، ايلگرى و كېين بېك و نوكرلر منتظم اۋق ياغدىرىپ صفنى سقلب كېلەدىلر، قىتگندە هم ترتىب بىلن صف بۇلىپ قىتەدىلر.

مېن بىلن اۋن-اۋن اىگى كىشى قالىب اېدى. كۈھك درياسى يقىن اېدى. اۋنگ قنات نىنگ اوچى درياگە تۇقىنىپ اېدى. دريا تامانگە يۇنەلدىك. كۈھك درياسى نىنگ اېنگ تۇلىپ آقەدىگن پىتى اېدى. درياگە يېتىشىمىز بىلن زەرەلنگن حالتىمىزدە سووگە كىردىك. يرمىدىن كۇپراغىگە يورىپ كېلىندى. اوندن سۇنگ سوزىپ اۋتىشگە تۇغرى كېلردى. بىر اۋق آتىمى مسافەنى آتدە سوزىپ اۋتدىك. سوودن اۋتگچ، آت زەرەلرنى كېسىپ تشلەدىك. سوودن شىمال سرى اۋتىلگچ، ياودن اجرەشدىك. لېكن يگە-يىمىنى توشىرووچى، يلنغاچلاوچى-ھەمەسى شوم مۇغوللرىمىز اېدى. ابراهيم ترخاننى و يىنە انچە زۇر-زۇر

يىگىتلىرىنى مۇغوللار تلب، آتدن توشىرىپ ضايىع قىلدىلار. كۆھك درياسى نىنگ شىمال طرفى بىلن قۇلبە اطرافىدە كۆھك درياسىنى كېچىپ اۆتدىك.

ايگى نماز آره سىدە (عصر و شام) شىخزادە دروازە سىدن كىرىپ ارکكە كېلدىم. اولوغ- اولوغ بېكلار، يىخشى-يىخشى يىگىتلەر و كۆپ كىشى بو اوروشدە نابود بۇلدى. ابراهيم ترخان، ابراهيم سارو و ابراهيم جاني، بونى قرەنگ كە، بىر اوروشدە اوچ ابراهيم اسملى بېك نابود بۇلدى. يەنە ابوالقاسم كۆھر، حىدر قاسم بېك نىنگ اولوغ اۋغلى خدای بېردى بىراقدار، خدای بېردى برلاس، سلطان احمد تىل نىنگ بورونراغ بىر نېچە مرتە قىد اېتىلگن اينىسى خلیل شو اوروشدە نابود بۇلدىلار. يەنە بعضىلەر هر طرفگە قاچدىلار. شو جملەدن، محمد مزىد ترخان خسرو شاه گە- حصار و قوندوز سىرى كېتدى. يەنە اولوغ رعايت قىلگن بېگىمىز قنبر على سلاخ مۇغول، شونچە اعتبار تاپگن بۇلسە دە، شوندى پىتدە ھم جەتلىك قىلمەي، سمرقنددن كۆچىنى آلىپ، بو ھم خسرو شاه قاشىگە باردى.

يەنە بعضى ايچكىلەر و يىگىتلەر، چنانچە، كرېمداد، خدايداد توركمەن، جانيكە كۆكلداش و ملا بابايى پشاغرى ھم كېتدى. او پىتلرى ملا بابا نوكر اېمس اېدى، مېماندېك يورردى. اورەتپە سىرى كېتدىلار. يەنە بعضىلەر، شىرىم تىغايى ھم جماعتى بىلن، گرچە، بىز بىلن بىرگە سمرقندگە كىرگن، كېنگشىب اۋلىك-تيرىكنى سمرقند قۇرغانى نىنگ ايچىدە كۆرىپ، قۇرغاننى بېركىتماقچى بۇلگن بۇلسك دە، اولر سۆزلرىدە تورىشمەدى. مېنىنگ آنەم اېگە چىسى، سىنگلىسى قۇرغاندە تورىپ، ھمە كۆچ و اوروق، قىيىن قراسىنى اورەتپەگە چىقىرىپ يوبارىپ، اۋزى گىنە بىر نېچە كىشى قراسى بىلن قۇرغاندە توردى. بىر بو اېمس، دايم شوندى قىتق ايشلر توشگندە بوندەي اوزاقنى كۇرالمسلىك و ھم جەتسىزلىكلر شىرىم تىغايى دن صادر بۇلگن دىر.

اېرتەسىگە اېرتەلب خواجه ابوالكارم، قاسم بېك، برچە بېكلر، ايچكىلەر و سۆز تېگر يىگىتلىرىنى چارلب كېنگەشىب، قۇرغاننى بېركىتىش و اۋلىك-تيرىگىمىزنى قۇرغان ايچىدە كۆرىشگە كېلىشىدىك. مېن، قاسم بېك، حضورىمدەگى ايچكىلەر و يىگىتلەر بىلن كۆمك

بۇلدىك. بو مصلحت اوچون شەرنىنگ اۋرتەسىدە-اۋلۇغېك مىرزا مدرسەسى تامى نىنگ اوستىدە اق چادر تىكىپ اوتىردىم. باشقە بېكلر و يىگىتلەرگە دروازەلردە، قلە نىنگ ايلنەسى بۇلىب دېوارلر اوستىدە نظارت مسافەلرى تقسىملندى.

ايگى-اوج كوندن سۇنگ شىيانى خان كېلىپ شەر قۇرغانىدن يىراقراق بىر يېرگە توشدى. سمرقندىنىگ محلە-محلە، تاركۇچە-بېرككۇچە بېباش و اوروشقاق ياشلرى تۇدە-تۇدە يىغىلىشىپ، چىنىلرچە ھىقىرىق بىلن مدرسە اېشىگىگە كېلىپ، اوروشگە چىقر اېدىلر. شىيانى خان اوروشگە آتلنگندە قورغان نىنگ يقىنىگە ھم كېلەلمىدى. بىر نېچە كون شوندى اۋتدى. اۋق و قىلىچ زخم و ضربىنى، جنگ ميدانى، قتل و حربى كۇرمەگن بېباش و چىنىلر بو معاملەدن باتىرسىنىپ دروازەدن يىراق-يىراق چىقە باشلەدىلر. ايش كۇرگن يىگىتلر بوندەى احتياطسىز چىقىشلرنى منع اېتسەلر، اولر بولرگە طعنە قىلە باشلەدىلر.

بىر كونى شىيانى خان آھنىن دروازەسى سىرى اوروشگە كېلدى. شەرنىنگ جنگرى يىگىتلرى باتىرسىنگىلرى اوچون دايمگىدېك دروازەدن باتىرلرچە يىراق چىقىدىلر. بولر نىنگ آرقەسىدن بعضى آتلىق يىگىتلر چىقىرىلدى. اشتىرگىدن طرفىدە كۇكلداشلر و يقىن اىچكىلر: شىرىم، نۇيان كۇكلداش، قول نظر تغاىى، مزىد سىنگىرلر و بعضىلر چىققندە اوج-تۇرت اۋزىك بولرگە آت سالىدى. قول نظر بىلن قىلىچلشدىلر. كېلگن اۋزىك پىادەلرى زۇرلىك قىلدىلر. شەرنىنگ چىنى جنگرىلرنى يىنگىدىلر: آھنىن دروازەسىگە تىقىدىلر. قۇچبېك و مىرشاھ قۇچىن خواجە خضر مسجىدى نىنگ يانيدە توشىپ قالدىلر. پىادەلرنى چىكىنىتىرگىلرى زھاتى اىلگىرىگى آتلىقلرى خواجە خضر مسجىدىگە يىغىلىپ كېلدىلر. قۇچبېك چىقىپ، اوشبو اىلگىرى كېلگن اۋزىكلر بىلن يىخشى چاپىشىپ، مردانەوار ايش كۇرستى. برچە آدمىلر قرەب تورگن اېدى: آلدىن قاچىگىلر ھم تۇختەمەى قاچىشىردى. اۋق آتىش دن و اوروشىش دن اېندى نفع يۇق اېدى. مېن دروازە نىنگ اوستىدن كماندن آتر اېدىم. يىنە بعضى يقىنىمدەگىلر اۋق آتر اېدىلر. يوقارىدن ياغىلگن اۋق نىنگ ضربىدن خواجە خضر مسجىدىدن اىلگىرى اۋتەلمەدىلر. اۋشە يېردن آق قىتدىلر.

قمل پیتیده قۇرغان دېۋارى نینگ اوستیده هر كېچە يورر اېدىك. گاهى مېن، گاهى قاسم بېك، گاهى ينه بېكلر و ايچكىلردن بعضيلر ايلنردى. فېروزە دروازەسىدن شىخزادە دروازەسىگچە دېۋار اوستیده آت بيلن يورسە بۇلردى. اۈزگە يېرلردە يىاو يورلردى. بعضيلر يىاو يوررپ ايلنىپ چىقردى. بىر ايلنگونچە تانگ آتر اېدى.

بىر كۈنى شىيانى خان آھنىن دروازەسى بيلن شىخزادە دروازەسى آرەسىدە اوروش باشلەدى. اوروش بو يېردە بۇلە يانتگى اوچون مېن كۈمكەدە ليگىم سىبلى بو يېرگە كېلدىم. گازورستان دروازەسى بيلن سۇزنگران دروازەسى طرفىگە پروا قىلمەدىك. اۋشە كۈنى شىخزادە دروازەسى نىنگ اوستىدن اۋق آتیشدە بىر بۇز آتلىق نىنگ آتىنى كمان اۋقى بيلن يىخسى آتدىم. شو اۋق بيلن آق كۈنى بىتدى. بو آرەلىقەدە اولر شونچەلىك باستىرىپ كېلدىلرە، اشترگردن موضعيەدە قلعة دېۋارى نىنگ تويىگچە يېتىدىلر. بىز بوندە حرب و ضرب بيلن مشغول بۇلىپ، او طرفدن تاماماً خبرسىز قاليمىز؛ يىگىر مە بېش-يىگىر مە آلتى كىشى شاتى تيار قىلگن اېكلر، هر شاتى نىنگ كېنگلىكى شونچەلىك كە، اوچ كىشى، ايگى كىشى يانمە-يان چىقە آلردى. يېتى-سكىز يوز زور يىگىتتى بو شاتىلر واسطەسىدە گازورستان دروازەسى بيلن سۇزنگران دروازەسى نىنگ آرەلىكى تۇغرىسىدە پىستىر مە قۇيىپ، اۋزى او طرفدن جنگ باشلەگن اېكن. اېلى برچە بو طرف اوروشكە مشغول بۇلىپ، آرەلىق مسافە خالى بۇلگن پىتدە پىسىب تورگن يېردن چىقىپ، ايلدم كېلىپ، بو شاتىلرنى ايگى دروازەنىنگ آرەلىغى- محمد مزىد ترخان حويليسى نىنگ تۇغرىسىدن بىر تۇلە قۇرغان دېۋارىگە قۇيدىلر.

قۇچ بېك نىنگ، محمدقولى قۇچىن نىنگ و ينه بىر بۇلك يىگىتلرنىنگ قۇرىقلەيدىگن پىرى شو يېر اېدى. بو يىگىتلر محمد مزىد ترخان نىنگ حويليسىدە اېدىلر. سۇزنگران دروازەسى قرا برلاس نىنگ قۇرىقلەيدىگن جايى اېدى. گازورستان دروازەسى شىرىم تىغايى و آغە- اينيسى نىنگ، قوتلوغ خواجە كۈكلداش نىنگ نظارت جايى اېدى.

اوروش او تاماندە بۇلە يانتگىدن قراوللر غافللىكدە قالىپ، قول و قوللوقچى ايش-كوچ اوچون اويىگە، بازارگە بارىپ، ترقلەپ كېتگن اېدىلر. نظارتچى بېكلرى بىر-ايگى يېتىم-اېسىر بيلن قالگن اېدى.

قۇچبېك، محمدقولى قوچىن، شاھ صوفى، يەنە بىر يىگىت يىخشى قىشلىق كۆرسەتەتتى.
مردانەلىكلەر قىلدى. قۇرغان دېۋارى اوستىگە ياۋ كىشىسى نىنگ بەزىلىرى چىققندىلەر،
بەزىلىرى چىقماقدا ەپدىلەر. بو مذكور بۇلگن تۇرت كىشى يۇگورىپ كېلىپ قىلىچ سالىپ،
كۈچلى ضربه بېرىپ، دشمننى توشىرىپ قاچىردىلەر. ەمەسىدن قۇچبېك جىسارت
كۆرسىتىدى. قۇچبېك نىنگ يگانە ياقىملى و نمونەلى اىشى شو بۇلدى. بو قىملىدە اىگى مرتە
قۇلى جودە يىخشى اىشگە ىرەدى. قىرلا س ەم سۇزنگران دروازەسى نظارتىدە يالغىز قالىپ
ەپدى. او ەم غنىمنى يىخشى قىتردى. قوتلوق خواجە كۆكلىداش و قولنظر مىرزا ەم اۋزلىرگە
تېگىشلى نظارت جايى-گازورستان دروازەسىدە ەپدىلەر. اولر ەم آز كىشى بىلن يىخشى مدافىعە
قىلىپ، كۆندەلنگدن يىخشى جىنگ قىلدىلەر. يەنە بىر نوبت قاسمبېك يىگىتلىرنى باشلەپ،
سۇزنگران دروازەسىدن چىقىپ، اۋزىكلرنى خواجە كىشىرگچە قولىپ، بىر نېچە كىشىنى
اسىر توشىرىپ، باشىنى كېسىپ كېلدى. دان ەپندى پىشگن چاغ ەپدى، ەپچ كىم ەلى يىنگى
داندىن شەرگە كىرىتمەگن ەپدى.

قىملى مدتى اوزاققە چۈزىلدى. ەلگە كۆپ تىقىصلىق بۇلدى. شو درجەگە يېتى كە، فقىر
و بى چارە ايت ەپتىنى، ەپشك ەپتىنى بېيىشگە كىرىشىدى. آتگە-خاشاك تىقچىل بۇلدى.
درختلىرنىنگ بىرگىنى آتگە بېر ەپدىلەر. اۋشندە سىنلدى كە، بىرچە يىراقلىردن توت بىرگى و
قىرەغاچ يىراغى آتگە يىخشىراق ەپمىش. بەزىلەر قوروق ياغاچلىرنى رندەلەپ، قىيغىنى سوۋگە
اىويتىپ آتگە بېر ەپدىلەر. اوچ-تۇرت اىگچە شىيانى خان قۇرغان نىنگ يىقىنىگە كېلمەى،
يىراقىدن قۇرغاننى اىلىپ كۆچىپ يۇرر ەپدى. بىر آقشام ەل غافل ىرىم كېچەگە يىقىن فېروزە
دروازەسى طرفىگە كېلىپ، ناغارە چەلىپ سوران سالدىلەر. مېن مدرسەدە ەپدىم. كۆپ تىردد و
دغدىغە بۇلدى. بوندن سۇنگ ەر كېچە كېلىپ، ناغارە چەلىپ سوران سالىپ، غوغا قىلر
ەپدىلەر.

ەر قىچە اطراف و تېۋرەك يىقىن-يىراققە كىشىلەر يوبارىلسە ەم، ەپچ كىمدن كۆمك و بىرار
مدد يېتىشمەدى. زۇر و قۇتىمىز بار بۇلگن پىتدە ەپچ قندەى شىكست و بىرار نقصان بۇلمىس

اېدى. كۈمك و مدد قىلمەدىلر، بوندى و وضعيتده قندهى حساب بيلن مدد قىلردىلر. بولرگه اميد باغلب قىلمده قلعهنى قۇرىقله ماق تۇغرى اېمس اېكن.

بورونگيلر دېدورلرگه، قۇرغان بېركيتماقلىككە باش كېرەك؛ ايككى قۇل كېرەك؛ ايككى آياق كېرەك: باش سردار بۇلەدى. ايككى قۇل-ايككى تاماندىن كېلەدىگن كۈمك و مدد بۇلەدى. ايككى آياق-قۇرغان نىنگ ذخيرهسى بيلن سووى بۇلەدى. بيز بو اطراف و تېورەكده گيلردن كۈمك و مددگه كۇز توتەمىز، اولر نىنگ هر قىسىسى اۈز دردى بيلن آواره.

سلطان حسين ميرزادېك مردانه و تجربه لى پادشاه بيزگه مدد قىلمەى، كۈمكلر بېرىپ اېلچى يوبارمەى، شىبانى خانگه قىل پىتيدە كمال الدين حسين گازرگاھىنى اېلچىلىككە يوباردى.

تېل اندىجاندىن پىسكېنت تومنىگە كېلدى. خان هم احمدبېك و يير قىسم لشكر بيلن تېل نىنگ رۇپەرەسىگە چىقدى. لك-لكان و توراك چارباغى موضعيده يوزمە-يوز بۇلدىلر. اوروش-توروش بۇلمەى اجرەشدىلر. سلطان محمودخان اوروش آدمى اېمس اېدى. سپاهىلىكدن جوده بهرەسىز اېدى، تېل بيلن يوزلشگن پىتده خاندە يورەكسىزلرگە خاص حالت و كيفيت ظاهر بولەدى. احمدبېك تورك كىشى اېدى، يىراق مردانه و خيرخواه آدم اېدى. عجايب قىتق بىر گېنى خانگە ايتەدى: «بو تېل اۈزى قىچەلىك كىشى دىركە، بونچە تھلكە و تردد تارتەسىز. اگر كۈزىنگىز قورقسە، كۈزىنگىزنى باغلب يوزلشىنگ!»

توقيز يوز يېتتىنچى (۱۵۰۱-۱۵۰۲) يىل واقعه لرى

قمل مدتى اوزاققه چۇزىلدى. ھېچ طرفدن ذخيره و آذوق كېلمەدى. ھېچ بىر يېردن كۆمك و مدد ھم بۆلمەدى. لشكر و خلق نا اميد بۆلىپ، بىر تەدن، ايگىتەدن قۇرغاننى تشلب قاچە باشلەدى. شىيانى خان قۇرغان اپلى نىنگ عاجزلىگىنى انگلب، كېلىپ غار عاشقان موضعىگە توشدى. مېن ھم شىيانى خان نىنگ رۋپەرەسىگە-كۆي پايدان دە ملك محمد ميرزانىنگ اويلرىگە كېلدىم. اوشبو كونلردە جھانگىر ميرزانىنگ ياولشىشىگە و سمرقنددن چىقىشىمىزگە سىبىچى بۆلگن اوزون حسن خواجه حسين اۋغلى (بورون بونى قيد اپتگن اپدىك: قنچەدن-قنچە فتنە و بوزغونچىلىكلر قىلگن كىشى) اۋن-اۋن بېش نوكرى يىلن كېلىپ قۇرغانگە كىردى. بو كىرىشى انچە مردانە كىرىش اپدى.

لشكر و شهر خلقىگە يېتىشما وچىلىك و تنقىصلىك كۇپراق بۆلدى. يقىن و معتبر كىشىلر اۋزلرىنى قۇرغان دېوارىدن تشلب قاچە باشلەدىلر. سىنىشتە بېكلردن ويس شىخ و ويس لاغرى ھم قاچىپ قالدىلر. اطراف-تېورە كدن اميدىمىز مطلقا اوزىلدى. ھېچ طرفدن اميد يۇق اپدى. آذوق-طعام و ذخيره كم اپدى. بارى ھم توگەدى. ھېچ يېردن آذوق و ذخيره كېلمەدى. انه شوندى پىتدە شىيانى خان صلح سۆزىنى آرەگە سالدى. اگر بىرار طرفدن اميدىمىز بۆلگنىدە يا ذخيره مىز قالگنىدە، صلح سۆزىگە قولاق سالىمىدىك. ضرورت بۆلدى، نرىدن بېرى صلح توزىب، وقت ىرىم كېچەگە يقىنلشگنىدە شىخزادە دروازەسىدن چىقىلدى. والدم خانمنى آلىب چىقىدىم. يەنە ايگى خاتىن كىشى چىقىدى: بىرى-بىچكە خليفە،

ايگىنچىسى-مىنگىلىك كۆگلداس اېدى. مېنىڭ اېگەچىم خانزادەبېگم اوشبو چىقىشىدە شىيانى خان نىڭ قۇلىگە توشدى. سوغدىنىڭ اولوغ شاھارىقلرىدە قارانغى كېچەدە اورىنىپ، يۇل يۇقاتىپ، يوز تشوئىش بىلن تانگ آتگىدە خواجه دىداردن اۋتىپ، چاشگاهدە قاربوغ تېپەلىگىگە تىر مشدىك. قاربوغ تېپەلىگى نىڭ شىمالىدىن خودك كېنتى نىڭ اېتىگى بىلن ايلان اۋتىنى توسماللېب جۇنەدىك. يۇلدە كېتىشىدە قنبر على و قاسم بېك بىلن آت چاپتىردىك. مېنىڭ آتىم اۋتدى. اولرىنىڭ آتى آرقەدە قالگىنىنى كۆرىش خىالىدە قىرىلىپ قرەدىم. آيىل بۇشب قالگن اېكن، اېگر آلىنىپ كېتدى. باشىم بىلن يېرگە يىقىلدىم. گرچە اۋشە زھاتى اورنىمدن تورىپ آنگە مىنىپ آلگن بۇلسم دە، اېسىم آقشامگچە اصلىگە كېلمەدى. بو عالمده اۋتگن واقەلر توش و خىالدىك كوزىم و كۈنگىلىمگە كۆرىنر، كېچر اېدى.

كېچقورون عصر نمازى چاغى ايلان اۋتىدە توشىپ، آت سۋىپ اېتىنى كباب قىلدىك. آتلرنى بىراز تىندىرىپ سۇنگ يۇلگە توشدىك. تانگ آتمسىدىن خىلىلە قىشلاغىگە يېتىپ تۇختەدىك. خىلىلەدن دىزەك كە كېلىندى. اوفرستە دىزەك دە حافظ محمدبېك دۇلداي نىڭ اۋغلى طاهر دۇلداي قۇرغان بېگى اېدى. سېمىز گۆشتلر و نان ارزان، چوچوك قاۋون و يىخشى اوزوملر فراۋان. اوندەى مشقتدن بوندەى ارزانچىلىك و اوندەى فلاكتلردن بوندەى امانلىككە كېلدىك.

وهم و عسرتتىن امانى تاپتوق،

ىنگى جان، تازه جهانى تاپتوق.

(مضمونى:)

قۇرقوو، قحطلىكدن امانلىك تاپدىك،

ىنگى جان و ىنگى جهانلىك تاپدىك.)

اۋلىم واهمەسى كۈنگىلدىن كۆترىلىپ، آچلىك شىدتى اېلدىن دفع بۇلدى. عمرىمىزدە بونچە فراغت قىلمەگن اېدىك. عمر بۇيى امانلىك و ارزانچىلىك قدرىنى بونچەلىك بىلمەگندىك. عسرت فلاكتدن سۇنگ، فراغت مشقتدن كېين لذتلىراق و يىخشىراق

كۆرىنەدى. تۇرت-بېش مراتبه انه شوندهى كۆرگىلىكلردن راحتگه و مشقتدن فراغتگه قېتىنكىمىز. بىرىنچىسى منە شو اېدى. اوشندهى دشمن بلاسىدن و آچلىك عذابلىرىدن خلاص بۇلىپ، امانلىك راحتى و ارزانچىلىك فراغتگه يېتىشىدىك. اوچ-تورت كون ديزه كده استراحت قىلىدىك. اوندىن سونگ اورەتپە سىرى يۇلگە توشىدىك. پشاغر يۇلدىن بىر آز چېگەر اقلدە. اونده ايلگرى بىر مدت بۇلگندىم، اۋتىب كېتىشده بارىب اونى سىر قىلدىم. پشاغرىنىڭ قۇرغانىدە اوزاق وقتلردن بويان مېنىڭ آنەم خانم گە خدمت قىلەدىگن آتىن اولاسىزلىك طفىلى سمرقنددە قالگن اېدى، اوچرەب قالدى، كۇرىشىدىم، سۇرەشىدىم. سمرقنددىن بو يېرگە بىياو كېلىدى.

مېنىڭ آنەم خانم نىڭ سىنگىلىسى خوب نكار خانم عالمدىن اۋتىگن اېكن. اورەتپەدە خانم گە و مېنگە اېشىتىردىلر. آنەم نىڭ آنەسى ھم اندىجان دە وفات قىلگن اېكن، اونى ھم شو يېردە اېشىتتىم.

خانم آنەم نىڭ فاجعه لى اۋلىمى باعث آنەلرى، اينىلرى، سىنگىللىرى، شاه بېگم، سلطان محمودخان، سلطان نكار خانم و دولت سلطان خانمنى كۇرالمەگن اېدى. جۇدالىك مدتى اۋن اوچ-اۋن تۇرت يىلگە چۈزىلگندى، توغىشگنلرنى كۇرىش اوچون تاشكندگە يۇل آلدىلر. مېن محمد حسين ميرزا بىلن سۇزلىشىپ، اورەتپە كېنتلىرىدىن دھكت دېگن يېردە قىشلەماقچى بۇلدىم. بارىب خاندان اھلىنى دھكت گە قۇيىپ، بىر نېچە كوندن سۇنگ شاھبېگمنى، خان تاغەمنى و خان اوروغ-ايماقلىرىنى كۇرگنى مېن ھم تاشكندگە جۇنەدىم. بارىب شاهبېگم و خان تاغەم گە ملازمت قىلىپ، بىر نېچە كون اۋشە يېردە بۇلدىم. آنەم نىڭ توغىشگن آپەسى مېر نكار خانم ھم سمرقنددىن كېلدى. مېنىڭ آنەم قوتلۇغ نكار خانم آغرىب قالدى، انچە يامان آغرىدى. قىيىق خطرلرنى اۋتكزدى.

حضرت خواجگا خواجه سمرقنددىن چىقىپ كېلىپ، فركت دە اۋتېرىپ اېدىلر. فركت گە بارىپ خواجهنى كۇردوم. خان تاغەم لطف و مرحمت يۇلىنى توتىپ، ولايت و تومن بېرر، دېگن اميددە اېدىم. اورەتپەنى وعدە قىلدىلر. محمد حسين ميرزا بېر مەدى. بىلمەدىم، اۋزىچە

بېرمەدىمى يا يوقايرىدن اشاره بۇلدىمى؟ بىر نېچە كۈندىن كېيىن (دەكت اۋرەتپەينىڭ تاغ اېتىكى كېتىلىرىدىن دىر، اولوغ تاغنىڭ تويىدە جايلىشكن. بو تاغدىن اۋتىگچ، مسچا كېلەدى. اېلى گىرچە سارت وقىشلاقدە يشەسەلر-دە، توركلردېك گلە و سوروولى اېللىر دىر. دەكت نىڭ قۇيىنى قىرق مىنگ حسابلىر اېدىلر) شو كېتىدەگى اھالى نىڭ اويلرىگە جايلىشدىك. مېن بىر كتەراغى نىڭ اويىگە توشدىم، قى كىشى، آلتىمىش-يېتتىمىشلردە اېدى، لېكن ھلى ھم آنەسى بار اېدى. انچە عمر كۆرگن خاتىن اېدى: بىر يوز اۋن بىر ياشدە اېدى. تېمورىپك ھندوستانگە كىرگندە بو خاتىن نىڭ اوروغىدىن بىرى اۋشە لشكردە بۆلگن اېكن. اۋنى اېسلىب، حكاية قىلىپ بېرىدى. بىر دەكتدە شو خاتىن نىڭ اۋزىدىن توغىلگن، نېورە، قىز نېورە و نېورەنىڭ نېورەلىرىدىن تۇقسان آلتى كىشى يشردى، اۋلگنلىرى بىلن ايگى يوزتە حساب قىلىشردى. نېورەسى نىڭ نېورەسى يىگىرمە بېش-يىگىرمە آلتى ياشلردەگى، قاپ-قارە سقاللى بىر يىگىت اېدى. دەكتدە اېكىنىمىزدە، دەكت نىڭ تېورەك-اطرافىدەگى تاغلرى ھمىشە يىاو يورىب، سىر قىلدىم. اكثر يلىڭ-اياق يورردىم. يلىڭ-اياق كۆپ يورگىمىدىن آياقلىرىم تاغ و تاشنى تفاوت قىلمەي قالگن اېدى. اۋشندە سىر پىتى-بىركۈنى نمازدىگر بىلن نمازشام آرەسىدە بىر اينىگىچگە سېزىلر-سېزىلمس يۇلدن بىر قارەمال توشىب بارر اېدى. مېن دېدىم كە: «بو يۇل قەياققە بارر اېكن؟ قارەمالدىن كۆزنى اوزمىڭ، قارەمالنى يۇقاتمىڭ، تاكە يۇل نىڭ قەيىرگە آلىب بارىشى معلوم بۆلگەي.» خواجه اسدالله لطف قىلىپ شۈندەي دېدى:

«گاۋگم شود چه كار كنيم؟»

(مضمونى: قارەمال يۇقالسە نىمە قىلەمىز؟ قارانغى توشسە نىمە قىلەمىز؟).

اوشبو قىش عسكرلرىمىزدن بعضىسى بىز بىلن حرىي سفرلردە يورەآلمەي، اندىجانگە كېتىش اوچون رخصت سۈرەدىلر. قاسم بېك تۈلىب-تاشىب: «بو كىشى بارەياتگن اېكن، جهانگىر مىرزاگە اۋز مخصوص كىملىرىڭىزنى يوبارىنىڭ»، دېدى. بىر آق قوندوزدىن تىكىلگن قىلپاغىمنى يوباردىم. قاسم بېك ىنە، تىبلگە ھم بىر نىمە يوبارسىڭىز

بۇلمەيدىمى؟-دېب قىزىقتىردى. خواھلەمەسم-دە، قاسم-بېك نىنگ قىزىقتىرىشى طفىلى نۇيان كۆكلىداش نىنگ سمرقندە اۋزى يەتگن بىر اېگىك يىسى قىلىچى تىبل گە يوبارىلدى. مېنىنگ باشىمگە تېككن قىلىچ اوشبو قىلىچ نىنگ اۋزى اېدى. بو كېنىكى يىل واقعه لرىدە ذكر اېتىلەدى.

بىر نېچە كوندن سۇنگ، مېن سمرقندىن چىققندە قالىب كېتگن اولوغ آنەم اېسان دولت بېگم، سمرقندە قالگن كۈچ-اوروغ آچ و آزىب-تۈزگن حالده كېلدىلر. اوشبو قىش اۋرتەسىدە شىيانى خان موزلەگن خۇجند سووينى كېچىب، شاھرخىە و پىسكېنت اطرافلرىگە ھجوم قىلدى. خبر كېلگچ، كىشىمىز نىنگ آزلىگىگە قرەمەى، تېز آتلندىك. خۇجند نىنگ قويسىدەگى كېنتلرى، ھشتىك تۇغرىسى بىلن يۈلگە توشدىك. ساووق نىنگ ضربى جودە كۈچلى اېدى. بو بىرلردە ھادروىش شمالى تىنمەيدى، ھمىشە قىتىق اېسەدى. شو درجەدە ساووق اېدى كە، اۋشە اېگى-اۋچ كۈن آرسىدە اېگى-اۋچ كىشى ساووق نىنگ شەتيدن اۋلگن اېدى. مېندە غىسل گە احتىياج بار اېدى. ياقەلرىنى قىلن موز قاپلەگن، سوونىنگ تېزلىگى باعث اۋرتەسى موزلەمەگن بىر ارقىدەگى سوۈگە كىرىب غىسل قىلدىم. اۋن آلتى مراتبە سوۈگە شۇنغىدىم. سوونىنگ ساووقلىگى خىلە تاثير قىلدى.

اېرتەسىگە خۇجند سوويدن خاصلر تۇغرىسىدە موز اوستىدن يورىب اۋتدىك. دريادن اۋتېب، تون بۇيى يورىب پىسكېنت گە كېلدىك. شىيانى خان ھم شاھرخىە اطرافلرىنى تىلب، قىتېب كېتتى. او فرصتدە پىسكېنت ملا حىدر نىنگ اۋغلى عبدالمنان دە اېدى. عبدالمنان دن كىچىكراق مۇمن اسملى بىر يەرەمس و ھوايى اۋغلى سمرقندە اېكىمدە مېنىنگ قاشىمدە اېدى، امكان قدر اعتبار كۈرستگندىم. بىلمەدىم، نۇيان كۆكلىداش سمرقندە اونىنگ بىلن قندەى يامان معاملە قىلىدى كە، بو كىنە سقىلگن اېكن. اۋزىك ھجومچىسى نىنگ قىتگىنى حقىدە خبر كېلگچ، خان قاشىگە كىشى يوبارىلدى.

پىسكېنت دن كۈچىب آھنگران كېنتلرىدە اۋچ-تۇرت كۈن تۇختب قالدىك. سمرقندەگى آشنالىك طفىلى ملا حىدر نىنگ اۋغلى مۇمن نۇيان كۆكلىداش نى و احمد قاسم نى، ينە

بعضىلارنى ضىافتگە چارلەيدى. مېن پىسكېنت دن كۈچگىنىمدە، بو گروە پىسكېنت دە قالدى. بو جماعەگە بىر جر ياقەسىدە ضىافت بېرىشەدى. بىز كېلىپ آھنگران كېنتلريدن سامسىير ك دېگن كېنتگە توشىدىك. اپرەتەسىگە نۇيان كۈكلداش جرلىكدن مستلىكدە يىقىلىپ اۋلىيدى، دېگن خبر كېلدى. نۇيان نىنگ توغىشگن تاغەسى حق نظرنى ىنە بىر گروە كىشى بىلن يوبارىلدى، بارىب نوياننى يىقىلگن يېرىدن تاپىب، احتياط قىلىپ، پىسكېنت دە توپراققە تاپشېرىپ كېلدىلر. بولر صحبت قورگن يېردن بىر كمان اۋقى آتېمى نرىدە بلند بىر جرنىنگ آستىدە نۇيان نىنگ اۋلىگىنى تاپىدىلر. بعضىلر، مۇمن سمرقندەگى كىنەنى سقلىب، نويان گە قصد قىلگن، دېگن گمانگە ھم بارىشدى. حقىقتىنى ھېچ كىم بىلمەدى. مېنگە بو حال جودە قىتق تائىر قىلدى. كم كىشى نىنگ اۋلىمىدن بونچە تائىرلنگن اېدىم. بىر ھفتە، اۋن كونگچە ھمىشە يىغلردىم. اولىمى نىنگ ابجد حسابىدەگى سنەسى - «فوت شد نۇيان» (نۇيان وفات اېتدى) سۆزلرىدە تاپىلدى.

بىر نېچە كوندن سۇنگ دەكت گە قىتىپ كېلدىم. بهار باشلىنىشى بىلن شىيانى خان نىنگ اورەتپە اوستىگە كېلىشى حقىدە خبر بۇلدى. دەكت تېكىس يېر بۇلگىنى اوچون آب بردن داوانى بىلن تاغلى مسچاگە آشدىك. مسچانىنگ پستكى كېنتى آب بردن دىر. بو آب بردن دن قویراق دە بىر چشمە بۇلىپ، بو چشمە تېپەسىدە بىر مزار تورپىتى. اوشبو چشمە دن يوقارىسى مسچاگە قرەشلى. قویرىسى پلغارگە تعلقلى دىر. اوشبو چشمە باشىدە، اونىنگ ياقەسىدەگى تاشگە بو اوچ يىتنى اۋىب يازدىردىم:

شنىدم كە، جمشېد فرخ سرشت،

بە سرچشمە يى بر سنگى نوشت:

در این چشمه چون ما بسی دم زدند،

برفتند تا چشم برهم زدند.

گرفتیم عالم با مردی و زور،

و لېکن نېردىم با خود به گور.

(مضمونی:

اېشیتگنیم بارکه، جمشیددېک ایامدار

بیر بولاق تاشیگه یازدیردی یادگار:

«او بولاق باشیگه کۆپلر یېتدیلر،

کۆز یومیب آچگونچه ییتیپ کېتدیلر.

مردلیگ و زفۇرلیک-له عالمنی آلدیک،

لېکن قبرستانگه قوروق یۇل سالدیک.»

بو تاغلی مسکندە تاشگه اؤییب بیت و نرسه‌لر بیتیش عادت دیر. اوشبو مسچاده

اېکنیمیزده، شاعر ملا هجری حصار طرفیدن کېلیپ ملازمت قیلدی. اوشبو مطلع‌نی اؤشه

ییتلری بیتگن اېدیم:

تکلف هر نېچه صورتته توتولسه، اندین آرتوقسېن،

سېنی جان دېرلر، اما بی تکلف جاندين آرتوقسېن.

شیبانی خان اؤره‌تېپه‌نینگ تېوره‌ک-اطرافلریگه کېلیپ، بیر سیره بوزغونچیلیک قیلیپ

قېتدی. شیبانی خان اؤره‌تېپه‌نینگ اوستیده اېکنیده کیشیمیزنینگ آزلیگیگه و یراقسیزلیگیگه

قره‌مه‌ی، یاو اېشیک آلدیگه کېلگنده امکاننی قۇلدن چيقرمسلیک اوچون مسچاده‌گی

خانداننی قۇییب، آب‌بردن داوانیدن آشیب دهکت کېنتیگه کېلدیک. شیبانی خان درحال

قېتیپ کېتدی.

ینه داوان آشیب مسچاگه کېلدیک. ولایتیمیز یۇق، یېریمیز یۇق، تاغدن-تاققه بونده‌ی

سرسان و سرگردان آشماق، تورماق بېهوده، دېگن فکرگه کېلدیک. خان حضوریگه-

تاشکندگه، فقط تاشکندگه بارماق کېره‌ک. قاسم‌بېک بو یوریشگه راضی بۇلمه‌دی. ایلگری

ییتگندېک، او قاربولاق‌ده ضبط و سیاست اوچون اوچ-تۇرت مۇغولنی اۇلدیرتیرگن اېدی.

اقتیدن، انه شونگه کؤره او باریشگه ایگیلندی. کؤپ توشونتیریشگه اوریندیک، بۇلمه‌دی.

آغه-اینی و تابعلری، تنیش-بیلیشلری ییلن حصارگه یۇل آلدی. بیز آب‌بردن داوانیدن آشیب،

خان حضورىگە تاشكەندگە روانە بۇلدىك. شو پىتلرى تىبل لشكر تارتىب آهنگران تاغى اېتكلىرىگە كېلدى. لشكر ايچىدە محمد حصارى نامى بىلن مشهور بۇلگن محمد دۇغلت، يەنە اوكتەسى سلطان حسين دۇغلت، قنبر على سالاخ كېلىشىپ آلىب تىبل گە قىصد قىلدەدىلر. بو حالتنى تىبل سېزگىچ، اولرتورە آلمەدىلر: خان قاشىگە قاقىپ كېلدىلر.

قربان ھىيتى شاھرخىدە اۋتدى. تۇختاوسىز يورىپ، خان حضورىگە-تاشكەندگە باردىم. بورباغىنى ايتىپ اېدىم. يىخشى قافىھلشتىرىشدە ايكىلنگندىم. او پىتدە شعر اصطلاحلىرى طلبلىرىگە اونچەلىك قىتق عمل قىلمىدىم. خان خوش طبع كىشى اېدى، شعر بىتردى، گرچە توزوكراق غزلى كم بۇلسەدە، بورباغىنى خانگە منظور ايتىپ، ترددىمنى عرض قىلدىم. كۇنگىل تىنگودېك قانقيرلى جواب تاپمەدىم. آفتىدن، شعرا اصطلاحلىرى طلبلىرىگە كمراق رعايە قىلىپ يازىلگندىر. رباعى اوشبو دىر:

ياد اېتمس اېمىش كىشىنى محنتتە كىشى،

شاد اېتمس اېمىش كۇنگولنى غربتتە كىشى.

كۇنگولم بو غرىبلىكتە شاد اۋلمەدى ھېچ،

غربتتە سېوونمس اېمىش، البتە، كىشى.

سۇنگرە معلوم بۇلدى كە، توركى سۇزلردە جاي تقاضاسى بىلن "ت" (تا)، "د"، (دال)، يەنە "غ" (غىن)، "ق" (قاف) و "ك" (كاف) بىر-بىرلىرى بىلن المىشنىپ قالر اېكن.

بىر نېچە كوندن سۇنگ تىبل اۋرەتپە اوستىگە كېلدى. بو خبر بېتگىچ، خان تاشكەنددن لشكر جۇنتىدى. پىسكېنت بىلن سامسىيرەك آرسىدە چپ قنات و اۋنگ قناتنى صفگە تىزگن اېدىم، كېلىپ كۇردىلر. مۇغول تعاملچە توغ باغلەدىلر. خان آتدن توشدى. تۇقىز توغنى خان نىنگ آلدىدە تورغىزىپ، بىر مۇغول مال نىنگ اۋرتە اىلىگىگە بىر اوزون آق بۇزنى باغلب، قۇلىگە توتىپ آلگن. يەنە اوچ پرچە اوزون بۇزنى اوچ توغ نىنگ توتقىچىدن قوئىراق باغلب، توغ نىنگ دستەسى آستىدن آلىپ كېلتىردىلر. بىر بۇزنىنگ اوچىنى خان باسىپ توردى. يەنە بىر توغقە باغلنگن بۇزنىنگ اوچىنى مېن باسىپ توردىم. يەنە بىر بۇزنىنگ اوچىنى سلطان محمد

خانیکه. او مۇغول بۇز باغلان مال نینگ اۋرتە ایلگینی قۇلیگە آلیب، مۇغولچە سۇزلردن بیر نیمەلر دېب توغقە قرەب اشارە قیلەدی. خان و برچە تورگنلر توغ سىرى قىمىزلر ساچەدىلر. برچە گرنى و ناغارەلرنى بیر يۈلە چلەدىلر. صفدە تورگن لشکر خلقى بیر يۈلە سوران سالەدى. اوچ مراتبە انە شونەدى قیلەدىلر. اوندن سۇنگ آتلىب، سوران سالیب، شونچە لشکر اطرافیدە یوگوردیلر. مۇغول آرەسیدە چینگیزخان نینگ توزوگی حاضرگچە نق چینگیزخان دوریدە گیدېک دیر.

اۋنگ قنات اۋنگ قناتدە، چپ قنات چپ قناتدە، مرکز مرکزە، هر کیم آتەباباسیدن قالگن بیریدە گینە تورەدی. اۋنگ قنات و چپ قناتدە کیم نینگ اعتبارى كۇپراق بۇلسە، صف نینگ باشراغیدە تورەدىلر.

اۋنگ قناتدە چراسى بیلن بېكچىك اوروغى ھمیشە صف باشیگە چىقىشگە اینتیلەدىلر. او فرصتدە چراسى اوروغى نینگ تومن بېگى قشقە محمود اېدى، انچه مردانه يىگیت اېدى. نامى ھم تومنكە مشهور بۇلگن بېكچىك تومنى نینگ تومن بېگى ايوب يعقوب اېدى. باشگە چىقماق اوچون اوروشدىلر. بىر-بىرلریگە قىلىچلر كۇتردىلر. آخرى، آفتیدن، شونەدى قرارگە كېلىندى: ایلنە آلیب اوروشیشدە بىرى باشگە چىقەدى، صفدە تورگندە ایگینچىسى باشگە چىقەدى.

اېرتەسى سامسىرەك تومنىدە دورە آلیب آوگە چىقىدىلر. كېلىب توراك چارباغیگە توشىلدى. نھایەسىگە يېتكىزگن غزلنى شو كونى اوشبو يورتدە توگتدیم. او توگللنگن غزل بو دیر:

مطلع:

جانیمدین اۋزگە یار وفادار تاپمەدیم،

كۈنلۈمدین اۋزگە محرم اسرار تاپمەدیم.

بو غزل آلتى يېت دیر. بوندن سۇنگ یازیلگن هر بیر غزل اۋشە ترتیب بیلن بیتیلدى.

بوندن كۈچە-كۈچە خۇجند دریاسى نینگ ساحلیگە كېلدىلر. بیر كونى سیر طریقە سیدە

سوودن اۋتيب، طعام پيشيريپ، ييگيتلر و خدمتكارلارنى شۇخلىككە سالدېك. اوشبو كون مېنينگ آتيم آيىلى نينگ آلتين ايلگه گىنى اۋغيرلەدىلر. اپرته سى سحرلېاق خانقولى بىانقولى بيلن سلطان محمد ويس قاجيب تنبل نينگ آلدېگه باردىلر. گرچه حقيقت معلوم بۇلمسە-دە، برچه بو حركت شولردن صادر بۇلگن، دېب گمان قىلدى. احمد قاسم كۈھبەر هم اجازە سۈرەب اۋرەتپەگە كېتدى. او هم شو كېتگىچە قېتمەدى. تنبل گە قۇشيليپ كېتدى.

تۇقىز يوز سگىزىنچى (۱۵۰۲-۱۵۰۳) يىل واقعهلىرى

خان نىنگ بو يورىشى بى فائده راق يورىش اېدى- قۇرغان آلىش و ياونى باسش يۇق: باردىلر، كېلدىلر. تاشكندده بۇلگن پىتمىده، خىله محتاجلىك و خوارلىك تارتىلدى، ولايت يۇق، ولايت اميدوارلىكى يۇق، نوكرلر اكثر ترقه دى، مېن بىلن قالگن سناقلى كىشىلر اېسه يۇقسىللىكدن مېنىگ بىلن يورالمس اېدىلر.

خان تاغه مېنىگ اېشىگىگه بارسم، گاه بىر كىشى، گاه اىگى كىشى بىلن باردىم. بىراق يىخىلىگى شو اېدى كه، اولر يات اېمس، قرىنداشلر بۇلردى. خان تاغه مېگه كۇرىنىش بېرىپ، شاه بېگم حضورىگه باردىم. اوز او يىمدېك باش يلىگ، آياق يلىگ كىرر اېدىم.

آخرى بوندەى سرگردانلىك و بو خىل قۇنىمسىزلىك جانىمگه تېگدى. دېدىم كه: «بوندەى قىينچىلىك بىلن تىرىك بۇلگونچە، باش آلىپ يۇقالىپ كېتسم يىخىشراق. بو خىل خوارلىك و زارلىك بىلن اېلگه كۇرىنگونچە آياغىم يېتگنچە كېتسم يىخىش. ختاي گه بارماقنى نىت قىلىپ، باش آلىپ كېتىش حركىتىگه توشدىم. كىچىكلىكدن بېرى ختاي طرفلرىگه هوسىم بار اېدى. بىراق سلطنت و باشقه باغلنىشلر طفىلى بو نىت مىسر بۇلمىدى. سلطنت هم كېتدى. آنەم هم آنەلرىگه، اينىلرىگه قۇشىلدى. سفر مانعلىكلرى برطرف بۇلدى، او دغدغه لر دفع بۇلدى». خواجه ابوالكارم واسطه چىلىگىدە اوشبو سۇزنى خان گه يېتكىزىشنى سۇردىم: شىيانى خان دېك غنىم پىدا بۇلدى، اونىنگ ضررى توركه و مۇغولگه بىر بار دىر. هلى حاضرچه او يېرلى خلقتى يىخىش باسىب آلماى تورىپ، كۇپ كوچه يىمسىدن تورىپ بونىنگ فكرىنى قىلماقلىك كېرەك. نېگه كه، دېمىشلر:

امروز بکش چو ميتوان کشت،
آتش چو بلند شد جهان سوخت.
مگذارکه زه کند کمان را،
دشمن چو به تير مي توان دؤخت.
(مضمونی:

بوگون ياونی محو ايت قۇلینگدن کېلسه،
آلا و کوچەيدیمی: يانه دی جهان.
دشمنکه اۇقینگنی اياوسيز آتگين،
کمان اۇقلەشېگە بېر مەگين امکان.)

کېچىک خان تاغەم ھەم يېگىرمە تۆرت-يېگىرمە بېش يىل دېرکە، ملاقات قىلمەيدىلەر، مېن ھەم اولرنى كۆرگن اېمسمن. مېن بارسىم و كېچىک خان تاغەمنى كۆرسىم، ھەم ملاقات قىلىشگە واسطە اىزلب، بونىنگ حرکتىدە بۇلىسم بۇلرمىكن. مقصىدىم شو بھانە بىلن بو آرەلردن چىقىش اېدى. مۇغولستان و تورفانگە بارگندە اېسە، ھېچ قندە تۇسىق و وھىمە قالمەيدى، اۋز جلوىم اۋزىم نىنگ قۇلىمدە بۇلەدى. بو خىالىمدن ھېچ كىشى واقف اېمس اېدى، بىراونى بوندن خبردار ھەم قىلىپ بۇلمىدى. چونكە آنەمگە ھەم بوندە سۆزلرنى ايتىپ بۇلمىدى. يەنە مېنىنگ اطراف-تېورەگىمدە يورگن بىر نېچە كتە-كېچىكلرنىنگ ھەر بىرى اميدوارلىك بىلن مېنگە اېرگشىپ سرگردانلىكنى بىرگە تارتماقەلەر. اولرگە ھەم بوندە گېلرنى ايتىش نىنگ ھېچ قىزىغى يۇق اېدى. خواجە ابوالىكارم شاھبېگمگە و خان تاغەمگە بو سۆزنى ايتگچ، اولر راضىلىك بېرىشمىكن؟ يەنە كۈنگىللىرگە كېلرە، اعتبار تاپمەگنىمدن رخصت تىلەماقەدەن. بو جەتدن ناموس قىلىپ رخصتدە بىر آز اۋىلنىپ توردىلەر.

اوشبو فرصتدە كېچىک خان تاغەمدن بىر كىشى كېلدى: كېچىک خان انىق كېلماقەدە اېكن. بورېجەم ھەم بۇلمەدى. يەنە بىر كىشى كېلىپ، كېچىک خان نىنگ يقىن يېتگنى خبرىنى ايتگچ، شاھبېگم و كېچىک خان تاغەم نىنگ سىنگىللىرى: سلطان نىگارخانم و دولت

سلطان خانم، مېن، سلطان محمد خانیکه و میرزاخان-برچه کیچیک خان تاغەم استقبالیگه چیقیدیک. تاشکند بیلن سیرەم‌نینگ آره‌سیده یغما دېگن منزل و ینە بیر نېچە منزلچەلر بار. ابراهیم آتە و اسحاق آتە‌نینگ قبرلری اۋشە پېردە دیر. شو جایلرگچە باریلدی. کیچیک خان تاغەم‌نینگ شو زمان‌اق کېلیشینی انیق بیلەمە، ھەلەتدن سرعت بیلن آتلیب اېدیم. خان بېردن اوچرەگنی باعث آتدن توشدیم. ایلگری یوردیم. مېن توشگندە یاق کیچیک خان تاغەم خبردار بۇلدى، خیلە اونغیسیزلندی. آفتیدن، او بیر جایدە بې ملال جایلشیب، کپین مېن بیلن تعظیم قیلیب کۇریشیشنی خیال قیلگن. یقین باریب توشدیم. وقت تقاضا قیلەمەدی، تعظیم قیلگونچە فرصت ھەم بۇلمەدی، اېگیلیب باریب کۇریشدیم. اضطراب و خجالتدە قالیب، درحال سلطان سعیدخان بیلن باباخان سلطاننى توشیب مېن بیلن تعظیم قیلیب کۇریشیشگە بویوردیلر. خان نینگ اۋلانلریدن اوشبو ایگى سلطانگینە کېلیب اېدى، اۋن اوچ-اۋن تۇرت یاشدە اېدیلر. بو سلطانلر بیلن کۇریشیب آتلیب، شاھبېگم قاشیگە کېلدىک. اۋتگن-کېچگن کیفیت و حالتلردن یریم کېچەگچە اۋتیریپ گېلشدیلر. اېرتەسى کونى کیچیک خان تاغەم مېنگە مۇغولچە رسوملى باش-ایاق کییم و بېلباغینی، اېگریک ذاتدار آتینی ھدیە قیلدى. حشمتلى مۇغولى بۇرک، سىنچمە تیککن ختایی اطلس تون، بورونگی رسمدەگى چقماقتاش خلته‌چەلى ختایی بېلباغ، تۇن‌نینگ سۇل یاقەسیگە خاتین کیشی نینگ یاقەسیگە آسەدیگن عنبردان و خلته‌چەسیدېک نرسەلر آسیلگن؛ اۋنگ تامانیگە ھەم خودی منە شونەدی اوچ-تۇرت نرسە آسیلگن. او بېردن تاشکند سىرى يۇلگە توشدیلر.

اولوغ خان تاغەم ھەم تاشکنددن اوچ-تۇرت ییغاچ یۇل یوریب، قرشیمیزگە چیقیب کېلدى. بیر پېردە کتە چادرلر تیکیب، اولوغ خان اۋتیردى. کیچیک خان رۇپەرەدن کېلردى. یقین یېتگچ، خان نینگ چپ قولى بیلن آرقەسیدن ایلنېب اۋتیب، خان نینگ آلدیگە توشیب کېلدى. کۇریشر بېرگە یېتیشیب، توقیز مراتبە اېگیلیب کۇریشدى. اولوغ خان ھەم، کیچیک خان ھەم یقین یېتگچ، توریب کۇریشدیلر، اوزاق قوچاقلشیب توریشدیلر. قېتگندە ھەم

كېچىك خان تۇقىز مراتبە تعظيم قىلدى. تارتىق تارتىگندە ھەم تىكرار-تىكرار اېگىلدى. اوندن سۇنگ كېلىپ اۋتيردىلر.

كېچىك خان نىنگ كىشىلرى بوتونلەى مۇغولچە يسەنىب آلگن اېدىلر: مۇغولچە بۇركلر، ختاىى اطلس و سىنچمە تىكىلگن تۇنلر، مۇغولچە یشیل سغرىلىك سداقلر، اېگرلر، مۇغولى آتلر و ھر بىرلرى علىحدە فرقلنوۋچى زېب-زىنت بىلن كېلىشىدى. كېچىك خان آزاراق كىشى بىلن كېلىپ اېدى: مىنگدن كۇپراق، ايگى مىنگدن آزاراق چىقىردى. كېچىك خان تاغەم غلطى فعل-اطوارلى — زۇر قىلىچباز و اۋزىگە ايشانگن، مردانە كىشى اېدى. او قورال-اسلحەدن قىلىچگە كۇپراق اعتقادلى اېدى. دېر اېدى كە: «شش پر^۱، چۇقمار^۲، كېستىن^۳، تىرزىن و بالته تېگسە بىر يېرگە تائىر قىلەدى؛ اگر قىلىچ تېگسە باشدن-اياققەچە كېسەدى.» قىلىچىنى ھرگىز اۋزىدن ايىرمىس، يا بېلىدە، يا قۇلىدە بۇلردى. چېگە جايدە اولغەيگنى اوچون بىر آز قىشلاقىراق، دغل سۇزلى اېدى. قىد اېتىلگنىدېك، اوشبو مۇغولچە كىيمدە كېچىك خان تاغەم بىلن بىرگە كېلدىم. خواجه ابوالمكارم اولوغ خان تاغەم بىلن اېدى: مېنى تىيمەى «بولر قىسى سلطان دىر؟» دېب سۇرەبدى. آيتگنلرىدن سۇنگ تىيىدى.

تاشكندگە كېلىپ درحال سلطان احمد تىبل نىنگ اوستىگە اندىجان گە لشكر تارتىدى. كندىرلىك داۋانى ارقەلى يۇلگە توشدى. آھنگران تاغ اېتكلىرىگە يېتگندە كېچىك خاننى و مېنى ايلگرىراققە يوباردىلر. داۋاندن آشىب زىرقان و كرنان يورتىدە ايگى خان قۇشىلدىلر. كرنان يورتىدە بىر كون دم آلدىلر، لشكرلىرى نىنگ حسابى اۋتتيز مىنگتەچە اېدى.

آلدىندن تىبل ھەم لشكرنى يىغىب، اخسىگە كېلىپتى، دېگن خبر كېلە باشلەدى. خانلر كېنگش قىلىپ، مصلحت شونگە قرار تاپدى كە، مېنگە بىر قىسم لشكر قۇشەدىلر. مېن خۇجند درياسىدن اۋتىپ، اۋش و اۋزگند سىرى بارىپ، ياۋ ارقەسىگە ايلنىپ اۋتەمن.

۱- شش پر- آلتى قىزەلى گرز

۲. چۇقمار-تۇقماق شكىلدەگى قىدىمى اوروش قورالى، تاش كېسەدىگن ياكە پرچەلەيدگن گرز، پۇت.

۳- كېستىن- قىدىمى اوروش قورالى.

شۈنگە كېلىشىپ، ايوب بېكچىكىنى تومنى^۴، جان حسن بارىننى ئۈز قىسمى، محمد حصارى دۇغلت، سلطان حسين دۇغلت، سلطان احمد ميرزا دۇغلت نىڭ ئۈزىنى (دۇغلت تومنى بولردە اېمس اېدى)، قنبرەلى و سارىغ باش ميرزا ايتىرچىنى لىشكر بېگى قىلىپ مېنگە قوشىدىلر. كرنان دە خانلردن آيرىلىپ، سكان موضعىدە خۇجند درياسىدن سال بىلن ئۈتدىك، خۇقان ملكىدن ئۈتۈپ، قۇبانى باسىپ آلىپ، آلە يلوق ملكى آرقەلى ئۈش اوستىگە جدل يوردىك. سحر وقتى ئۈش قۇرغانىگە يېتگىمىزنى اېل سېزمەى قالدى. ئۈش اېلى چاره تاپالمەى، ئۈشنى بىزگە تاپشردىلر. ذاتا، ولايت اېلى بىزنى كۆپ تىلر اېدىلر. تىبلدن قۇرقىنلرىدن و بىزنىڭ يىراقلىگىمىزدن چاره تاپالمىدىلر. ئۈشگە كىرگىچ، اندىجان نىڭ شرق و جنوبىدەگى تاغ و تېكىسلىكلر، اېل و اولوسلر بوتونلەى بىزگە قرەدى. بورون فرغانە نىڭ پايتختى بۇلگن ئۈزگندىن يىخى قۇرغانى بار، چېگرەدە جايلىگن. اېلى بىزگە تابعلىكىنى قبول قىلىپ، كىشى يوبارىپ، مېن تامانگە ئۈتدى. بىر نېچە كوندن سۇنگ مرغىنان اېلى ھم قۇرغان بېگىنى اورىپ قوولب، مېنگە قۇشىلدى. خۇجند درياسى نىڭ اندىجان طرفىدەگى قۇرغانلردن بىرگىنە اندىجاندىن ئۈزگە برچەسى بە تمام مېنگە قۇشىلدى. بو پىتدە شونچە قۇرغانلر بىزگە قۇشىلگنى گە قرەمسدن، ولايتدە، بوندەى اوروشلر آز-ماز بۇلىپ تورر، لېكن ھېچ قىسى تاماندن غالبلىك و مغلوبلىك معلوم بۇلمىس اېدى. اندىجان تامانلردەگى اېل و اولوس، قۇرغان و ولايت اكثر مېنگە قۇشىلگنلرى اوچون اندىجان نىڭ اېلى ھم اصلىدە مېنى تىلر اېدى، يىراق چاره تاپالمىدى. خيالگە كېلدى كە، بىر كېچە اندىجان يىقىنىگە بارىپ، كىشى كىرىتىپ، خواجه و اربابلرى بىلن سۇزلىشسك، احتمال، بىزنى بىرار طرفدن كىرىتىش. بو خيال بىلن ئۈشدىن آلتىپ، يىرىم كېچەسى اندىجاندىن بىر يىراقىدەگى چهل دختران رۇپەرەسىگە كېلدىك. قنبر علىپىك وىنە بعضى بېكلرنى ئۇختەلىك بىلن قۇرغانگە كىرىتىپ، خواجه و ارباب بىلن سۇزلىشىنلر دېپ اىلگىرىق يوباردىك. بىز

۴- تومن- اۈن مىنگ عىسكرلىك لىشكر.

۵- سال- ياغاچدن ارقان باغلب تۇقىلگن قايىق.

يوبارگن بېكلرنى كوتىب آت اوستىدە ياق توريىب اېدىك. بعضىلر پىنكەدە، بعضىلر اويقوسىرەگن، كېچەنىنگ اوچىنچى قىسمى اېدى، بىردىنگە ناغاره چىمىزنىنگ اونى و سوران اېشىتىلدى. دشمن نىنگ كۆپ-آزلىگىنى بىلمەي، خبرسىز و اويقوسىرەگن لشكر بىر يۈلە بىر-بىرىگە قرەمەي تىرقىرەب قاچە بېردى. مېن اېلنى توختە تىشگە ھم فرصت تاپمەدیم. تېز دشمن تامانگە آت سوردیم. مىر شاھ قوچىن، بابا شېرزاد و دوست ناصر مېن بىلن بىرگە قوزغەلدى. بىز تورت كىشىدن اۈزگە برچە اېل قاچماققە يوز قويدىلر. آزارق آرتگە يورگن اېدىم كە، ھجوم قىلگنلر اۋق آتیب، سوران سالىب، يېتىب كېلىشىدى. بىر قشقە آتلىك كىشى مېنگە تامان يقىنلىشىپ كېلدى. آتىگە اۋق آتدیم، يومەلب كېتىدى. بىر آز باسىلگندېك بۇلدىلر.

مېنىنگ بىلن بۇلگن اوچ كىشى دېدىلر كە: «قارانغو كېچە ياونىنگ كۆپ-آز اېكنلىگى معلوم و انىق اېمس. بىزنىنگ لشكر اېلى بوتونلەي كېتىدى. بىز تۇرت كىشىدن ياولر قنچەلىك ضرر كۆردى؟! بارىب ترقەلمەگن لشكرگە يېتىپ، كېين اوروشماق كېرەك». تېزكارلىك بىلن اېلگە يېتىپ، اوريىب، قىمچىلېب، ھرچند قىلدىم، لشكر تۇختەمەدى. يەنە بو تۇرت كىشى بىلن قېتىپ، ياونى اۋققە توتدىك، آزارقاقىنە تۇختەدىلر. بىر-ايگى نوبت كۆردىلر كە، بىز اوچ-تۇرت كىشى، آرتىق اېمىسمىز، يەنە اېلنى قولش و اسىر توشىرماققە مشغول بۇلدىلر. اۋشبو يۈسىندە اوچ-تۇرت مرتە بارىب اېلنى تىدىم. اېل تىلمەگچ، يەنە اۋشبو اوچ كىشى بىلن قېتىپ اوق ياغدېرىپ، غنىمنى قېتىردىم. اېلنى ايگى-اوچ كوروھگچە خرابوك و پشامون روپرەسىدەگى تېپەلىككە چە قولب كېلدىلر.

تېپەلىككە يېتگندە، محمد على مبشر اوچرەدى. مېن دېدىم كە: «بولر آز كىشى دىر، تۇختەب آت سالەلىك». تۇختەب آت سالدېك، دشمن تۇختەب قالدې. ترقەلگن اېل او طرف-بو طرفدن يىغىلىپ كېلدىلر. بعضى من-من دېگن يىگىتلر شو قاچگنى بىلن تۇغرى اۋشگە بارىدىلر.

واقعة تفصیلاتی بوندەى بۇلگن اېكن: ايوب بېكچىك نىنگ تومىدن بىر نېچە مۇغول

اوش ده بیزدن ایریلیب، قزاقلیککه (تالان-تاراج قیلیشگه) (اندیجان اطرافیکه کپلگن اېکنلر. لشکریمیز نینگ غلّه-غاوورینی اېشیتیپ، زیرکلیک بیلن ایلگریق کپلیب اۋرانلشده دیلر-رمز آیتهدیلر). اۋران ایگگی خیل بۆله‌دی: هر بیر قوم‌نینگ اۋرانى بار. چنانچه: بعضى قوم‌نینگ اۋرانى "دردانه" دیر و بعضى سینیکی "توقبای" یا که "لولو"؛ ینه باشقه‌سى: بوتون لشکرگه جنگ پیتی ایگگی سۋزنى اۋران قیلیب قۇیه‌دی که، ضرور وقتده هر قه‌پرده اوچره‌شگنده، بیرى بیر سۋزنى ایتسه، ینه بیرى اۋشه ایتیلیشى کبره‌ک بۆلگن ایگینچی سۋزنى ایتهدی. انه شو یۋسینده اېل یاودن ایریله‌دی و اۋز کیشی سینی یاتدن فرق قیله‌دی. بو یوریشده رسمى اوران "تاشکند" بیلن "سیره‌م" سۋزلری اېدی. "تاشکند" دېسه، "سیره‌م" دېییلگه‌ی و "سیره‌م" دېسه، "تاشکند". بو توپالانده خواجه محمد علی ایلگریق اېکن. مۇغوللر: "تاشکند، تاشکند"، دېپ کپلگنده خواجه محمد علی سراسیمه‌ده قالیب، جواباً او هم "تاشکند، تاشکند" دېدی. مۇغوللر یاو کیشیسی دېپ خیال قیلیب، سوران سالیب، ناغاره‌چی ناغاره چه‌لیب، اۋق قۇیه‌دیلر. اوشبو خطالیک طفیلی لشکر بیر جایده تورمه‌ی، ترقه‌لیشیپ کبتدیک.

او توزگن رېجهم عملگه آشمه‌دی. ینه قیتیپ اۋش گه کپلдіک. بېش-آلتی کوندن سۋنگ تاغ و توز و قۇرغانلر مېنگه یوز توتگنیدن تنبل و اونینگ طرفدارلری هدیکسیره‌ب، نې قیلیشلرینی بیلمی، لشکری و اېلی اوچا-تۇرتاۋلشیپ تاغ و توزگه قاجیشگه کیریشدیلر. اولر نینگ آره‌سیدن کپلگن بعضى کیشیلر دېدیلرکه: «تنبل نینگ ایشی بوزیلیش عرفه‌سیده. اوشبو اوچ تۇرت کونده انیق تمام بوله‌دی.»

بو خبرلر کپلگچ، اندیجان اوستیگه آتلندیک. اندیجان قۇرغانیده تنبل نینگ کیچیک اینیسی سلطان محمد کلپۋک تورردی. توتلیک یۋلی بیلن کپلیب، اندیجان نینگ جنوب طرفیده‌گی خاکان‌گه پېشین نمازی پیتی هجوم قیلیندی. اۋزیم هم هجومچیلر کپینیدن یوریب، عیش تېپه‌لیگی نینگ خاکان طرفیده‌گی اېتک قسیمیگه کپلیم. قراولدن خبر کپلدى که، سلطان محمد کلپۋک بار کیشیسی بیلن محله و باغلردن تشقری عیش تېپه‌لیگی نینگ اېتگیگه چیقیدى. هجومده گیلر هنوز بیغیلمه‌گن اېدی. چاپقونچیلریمیز نینگ بیغیلیشیگه

قرەمەي زودلىك بىلەن ياوسرى تېزگىنە يۈلگە توشىدىم. كەلپۈك نىنگ كىشىسى بېش يۈز تەدەن كۇپراق ەبىدى. گرچە بىز نىنگ كىشىمىز اوندەن كۇپ بۇلسەدە، لېكەن عىسكرلەر تالان-تاراج قىلىشكە ترقەب ەبىدى. رۇپەرە كېلگەن پىت نىنگ اۈزىدە ياق شىلىندىك. جەنگاور صف و تىرتىنى ملاحظە قىلمەي، غنىم سىرى شتاب بىلەن يۈلگە توشىدىك. يقىن يېتىگچ، غنىم تۇختەي آلمەدى. بىر-ايگى قىلىچ آلىشگونچە ەم بۇلمەدى، قاچە بېردى. كېيىنلىرى خاكەن دروازەسى نىنگ يقىنى گچە قوويب اسىر آله باشلەدىك. ياونى باسىب، محلە نىنگ ياقەسى-خواجە كەگە يېتىگندە نمازشام كىرگەن ەبىدى. درحال دروازەگە يېتىش خىيالىدە ەبىدىم.

اولوغ قىرى تەجرەبەلى بېكلەر: ناصىر بېك، دوست بېك نىنگ آتەسى قىبرىلىپك مصلحت بېردىلەر كە: «كېچ بۇلدى. قارانغودە قۇرغانگە جودە يقىن بارماق تۇغرى ەمس، سەل كېينراق توشەيلىك. ەرتەلب قۇرغاننى بېرىشەن اۈزگە علاجلرى قالمىدى». بو تەجرەبەلى بېكلرنىنگ سۈزىگە كىرىب، محلەلر يانگىنەسىدن قېتىدىك. اگر قۇرغان ەشىگىگە بارسك ەكەن، بېشك و شېبە قۇرغان قۇلگە كىر ەكەن. خفتەن نمازى پىتى ەبىدى، كېلىب خاكەن ارىغىدن اوتىب، رباط رۈزك قىشلاغى نىنگ يانىگە توشىلدى.

گرچە، تىل نىنگ لشكرى بوزىلىب، اۈزى اندىجانگە قېتىب كېلىشى خىرىنى ەشىتسك-دە، تەجرەبەسىزلىكدەن غفلتدە قالدىك. خاكەن ارىغىدېك بېك ارىق نىنگ ياقەسىدە جايلىشىش اۈرنىگە، ارىقدەن اۈتىب كېلىب، رباط رۈزك قىشلاغى نىنگ يانىگە تېپ-تېكىس پېرگە توشىلدى. قراول يۇق، جەنگ دولىنى چلوۈچى يۇق، غافل ياتگەن ەبىدىك. تانگ آلدە ەبىل شىرىن اويقودە ەبىدى كىم، قىبرىلى آتىنى قىستە بارە ياتىب «ياو پىتى، تورىنگ!» دېب قىچقىردى. شوندە دېب، لحظە تۇختەمەي اۈتىب كېتىدى، قىتمەدى. مېن ەمىشە تىنچ-امانلىكدە ەم تۇن، اۈق-يائىنى تشلەمەي ياتردىم. تورىب آق قىلىچ، سداقنى باغلب، درحال آتلەندىم. بىراقدار نىنگ بىراق باغلەگونچە فرصتى بۇلمەدى، بىراقنى قۇلىگە آلىب آق آتلەندى. ياو كېلە ياتگەن تامانگە قرەب جۇنەدىك. اۈشە آتلەنىشە اۈن-اۈن بېش كىشى ەمرا ەبىدى. بىر اۈق آتىمى يورگەن ەبىدىك ەم كە، ياونىنگ ەجومچىسىگە يېتىدىك. بو حالتدە مېنىنگ بىلەن اۈنتەچە

كىشى بار اېدى. ايلدم يېتىب بارىپ اۇق قۇيىپ، ايلگريگى كىشىسىنى آلدىك. ينه بير اۇق آتىمى مسافه گه قولب بارىپ، قۇلىگه (مرکزىگه) يېتدىك.

سلطان احمد تنبل يوزته چه كىشى بىلن تۇختب تورىپتى، تنبل نىنگ اۋزى، ينه بير كىشى صفيدن او بىلن ايلگريراق چىقىپ: "اور-اور!"، دېب تورىپتى. بيراق اېلى اكشرى يانلرىنى بېرىپ، قاچەى-قاچمى دېگندېك بۇلىپ تورىپتى.

اوشبو پىتده مېن بىلن تۇرت كىشى قالىپ اېدى: دوست ناصر، ميرزاقولى كۇگلداس، كرىمداد، خدايداد توركمەن. كمانگه قۇيگن بيرته اۋقنى تنبل نىنگ دوبولغەسىگە آتدىم. ينه سداققە قۇل چۈزدىم، خان تاغەم بير يىشيل قىرەلى اۇق بېرىپ اېدى، اۋشە چىقدى. تشلەگنى حىفيم كېلدى. ينه سداققە سالگونچە ايگى اۇق آتگونچە فرصت اۋتدى چمەمدە. ينه بير اۋقنى يېسلىب آلىپ ايلگريراق يوردىم. بو تورت كىشى هم كېنىراق قالدى. قرشىمدەگى ايگى كىشىدن بيرى تنبل اېكن، او هم ايلگريراق يوردى. آرەدە بير كتە كوچە بار اېدى. مېن بو سرىدن، او او سرىدن يۇلگە كىرىپ يوزمە-يوز بۇلدىك. شوندەى كە، مېنىنگ اۋنگ قۇلىم ياو سرى، تنبل نىنگ اۋنگ قۇلى بىزنىنگ سرى بۇلدى. تنبل نىنگ بير كېچىمدن اۋرگە برچە يراغى بار اېدى. مېنىنگ سداق و قىلىچدن اۋزگە ھېچ يراغىم يۇق اېدى. قۇلىدەگى اۇق بىلن قلقانى نىنگ توتقىچ تامانىنى كۇزلب آتدىم.

اوشبو حالتدە اۋنگ سانىمگە ياي اۋقىنى اۋتكىزىپ آتدىلر. باشىمدە دوبولغە بۇركى اېدى. تنبل باشىمگە چاپدى، باشىم قىلىچ ضربىدن كرخت بۇلدى. دوبولغە بۇركىدن بيرار تارى كېسىلمەگنىگە قرەمسدن، باشىم خىلە يرهلندى. قىلىچنى آلمەگن اېدىم، قىنىدە اېدى، قىلىچ سوغورىشگە فرصت بۇلمەدى. كۇپ دشمن آرەسىدە يگە و يالغىز قالدىم. تورر پىتى اېمسدى، جلونى قىتردىم. ينه بير قىلىچ اۋقلىرىمگە توشىپتى. يېتى-سگىز قدم قىتىپ اېدىم كە، پىادەلردن اوچ كىشى مېنگە قوشىلدى. مېندن سۇنگرە تنبل دوست ناصرگە هم قىلىچ سالگن.

غنىملر بىر نشانە آتيمىچە كېيىندە تەقىب اېتىپ كېلىدىلار.

خاكان اريغى جودە كۆتە و چوققور؛ ھەر قىندە يېرىدىن كېچىپ اۋتىپ بۆلمەيدى. تىگرى تۇغرى كېلىتىردى: بو اريق نىنگ بىر كېچىگىگە تۆپە-تۇغرى كېلىدىك. اريقدىن كېچىگىچ، دوست ناصرنىنگ آتى ضعيفراق اېدى، يىقىلدى. تۇختىپ، اونى آلتىتىرىپ خرابوك بىلن فرغانە ارەلىغىدەگى تېپەلىك آرقەلى اۋش سىرى كېتىدىك. قىرگە چىققىن پىتىمىزدە مزىد تىغايى كېلىپ قوشىلدى. اونىنگ ھەم اۋنگ آياغىگە تىزەسىدىن قويمىراققە اۋق تېگىپتى. گرچە اۋق تېشىپ اۋتمەگن بۆلسەدە، لېكىن اۋشگە كۆپ تشويش تارتىپ كېلىدى. مېنىنگ سرە كىشىلىرىمنى اسىر آلدىلار: ناصرىپك، محمد على مبشر، خواجه محمد على، خسرو كۆكلاش، نعمان تىن قۇرىقچى شوندا اسىر توشىدىلار. يەنە يىگىت-يىلگىدىن انچە كىشى اسىر توشدى.

خانلار تىل نىنگ ايزىدىن كېلىپ، اندىجان نىنگ اطرافىدە تۇختەدىلار. اولوغ خان سىھونلىك يانىدە-مېنىنگ كۆتە آنەم اېسان دولت بېگىم نىنگ قۇش تېگىرماندەگى باغىگە قۇندى. كىچىك خان بابا توكىل قىدىمچى نىنگ يىقىنىگە توشدى. اىگى كوندن سونگ اۋشدىن كېلىدىم. اولوغ خاننى قۇش تېگىرماندە كۆردىم. خان بىلن كۆرىشىگىم زەھاتى ياق مېنگە اۋتگن يىرلارنى كىچىك خانگە بېرىدىلار. مېنگە بوندەى عذر اېتتىلار، شىيانى خان دېك غنىم سىمىر قىلدېك شىھرنى آلىپ، اۋسىپ بارماقەدە. اۋشبو مصلحت اوچون كىچىك خاننى نې يىرلردن كېلىتىردىلار، بوندە يېرى يۇق، او ولايتلار يىراق. خۇجند درياسى نىنگ جەنۇبى ولايتلارنى اندىجاندىن باشلىپ كىچىك خانگە بېرىمك كېرەككە، اوندە اۋرەنەشسىن. اخسىدىن باشلىپ خۇجند درياسى نىنگ شىمالى ولايتلارنى مېنگە وعدە قىلىدىلار. بوندە اۋرنىشىگىدىن سۇنگ، يورىپ سىمىر قىلدە ولايتىنى آلىگىچ، سېنگە بېرەمىز. اوندن سۇنگ فرغانە بە تمام كىچىك خاننىكى بۆلەدى» دېدىلار. آفتىدىن مېنگە ايتىلگن بو سۆزلەر فريپ اېكىن. مىسر بۆلگىدىن سۇنگ عملەگە آشماغى معلوم اېمىس اېدى. چارە يۇق اېدى، اىستىر-اىستەمس راضى بۆلدىم. اولوغ خان نىنگ قاشىدىن آلتىپ، كىچىك خاننى كۆرگىنى بارەياتگىنىمدە سالاخ لقبى بىلن

مشھور قىبرىلىك مېنىڭ يانېمگە كېلىپ ايتتى كە: «كۆردىڭىزمى، درحال قۇلگە كىرگن ولايتلارنى آلدېلر. بولر بىلن ايشىڭىز يورېشمەيدى. ھلى ھم اوش، مرغىنان، اۋزگند و اېگللنگن ولايت، اېل-اولوس قۇلىڭىزدە دىر، درحال بارىب اوش گە كىرىب، قورغانلارنى بېركىتىب، سلطان احمد تىبل گە كىشى يوبارىب يرهشىب، مۇغولنى اورىب چىقىرىب، ولايتلارنى تىبل بىلن دوستانە بۇلىشىپ آلىڭ». مېن دېدىم كە: «بونىڭ علاجى يۇق. خانلر توغىشگنلرېم. بولرگە نوكرلىك قىلگنىم، تىبل گە پادشاهلىك قىلگندن آرتىقراق دىر». سۆزى تاثير قىلمەگنىنى كۆرىب، ايتگنىدن پشيمان بۇلىپ، قىتىپ كېتدى.

مېن بارىب كىچىك خان تاغەمنى كۆردىم. بورون كۆرىشگندە بېخاسدن يېتىپ بارگندىم، كىچىك خان توشگونچە فرصت بۇلمەگن، تعظىمسىز كۆرىشىپ اېدى. بونوبت يقىنراق كېلگنىمدە اېسە، او چادر طئابى نىڭ اوچىگە يۈگورىپ چىقىدى. آياغىمدە اۋق يرهسى بارلىكى طفىلى عصا توتىپ تشوېش بىلن يورردىم. يېتىپ، كورىشىپ: «اينىم، بهادرېم ايشىسېز»، دېپ قۇلىمدن توتگنچە، چادرگە كېلتىردى. كىچىكراق چادر تىكىشگندى. چېگە پېردە اولغەيگنى اوچون چادر و اۋتېرر پېرى كۆرىمسىز و كۆچمىچىلرگە خاص بۇلىپ، قاوون، اوزوم و آت اېزارلرى ھم اۋزى اۋتېرەدېگن چادرنىڭ اىچىدە اېدى.

كىچىك خان نىڭ حضورىدن چىقىپ، اۋزىم نىڭ اۋردەمگە كېلدىم. يرهمگە قرەشگە آتىكە بىخىسى اسملى مۇغول جراحىنى يوبارىدىلر. مۇغول خلقى جراحنى ھم بىخىسى دېدى. او جراحلىكدە جودە ماھر اېدى. كىشى نىڭ مېھسى ضرب پېسە، دارو بېردى. ھر تورلى يرهلرنى اىلدىزدن قىلىنگن مرھم بىلن آسان معالجه قىلدى. بعضى جراحتكە مرھمىدېك دارو قۇير، بعضىسىگە يېگنى دارو بېردى. مېنىڭ سانىم يرهسىگە جون كويدىرىپ باسېشنى بو يوردى، پلته قۇيمەدى. اىلدىزدېك نرسەنى ھم بىر مرتە پىدىردى. اۋزى دېر اېدى كىم: «بىراونىڭ اىنگىچكە پاىچەسى سىنىب بىر توتمچە پېرى مېدە-مېدە بۇلىپ اېدى. اېتىنى يارىب سويكلرىنى تامما آلىپ، سويك اۋرنىگە دارونى اون قىلىپ سالدېم. او دارو سويك اۋرنىدە سويكدېك بېتىدى». بوندەى عجاىب و غراىب حادثەلردن

انچه گينه ايتيب بېردى كه، ولايت طبييلرى بوندهى دوالشدين عاجز ديرلر.

اوچ-تۇرت كوندن كېين قنبرعلى ايتكن سۇزلريدن اۋزى خوفسيروب، وهيمه گه توشيب قاچيب، انديجان گه كيردى. بير نېچه كوندن سۇنگ خانلر اتفاق قىليب، ايوب بېكچىكنى تومنى بيلن، جان حسن باريننى بارين تومنى بيلن سريغ باش ميرزانى لشكر بېگى قىليب، مينگ ايگى مينگچه كيشىنى مېنگه قۇشىب، اخسى طرفگه يوباردىلر. اخسى ده تىبل نينگ اينيسى شىخ بايزيد باش اېدى. كاسان داروغهسى شهباز قارلوق اېدى. او پيتده شهباز نوكند قۇرغانى نينگ آلدیده اۋتيرگندى. خۇجند درياسىنى بېچراته رۇپره سیده كېچيب اۋتیب، نوكندگه شهباز اوستيگه يوردىك. تانگدن بورونراق نوكندگه يقين يېتكن پيتده بېكلر خبر يېتكزدىلر، بو شهباز همه نرسهنى انيق سېزگن. جنگاور صفنى بوزمهى ياروغده ياق يېتیب بارسك درست بۇلهدى. استهراق يوريلدى. شهباز اېسه بېخبر اېكن. بيز نوكند يقينىگه يېتكن پيتده خبردار بۇليب، تشقريدن قاچيب ايچكرى كيرپيتى. بوندهى حادثه لر كۇپ صادر بۇلگن دير: غنيمنى يېقه گن، دېب آسانگينه انكار قىليب، ايش وقتى ضايع بۇلهدى. تجربه انه شوندهى حالتلرنى اۋرگتهدى. بوندن مقصد شوكة، فرصت يېتكن پيتده تېزلىك و غيرتنى قۇلدن بېرمسلىك كېرەك. سۇنگره ئشيمان بۇلىش بې فايده دير.

تانگ آتگنده قۇرغان اطرافیده آز-ماز اوروش بۇلدى. تېزكارلىك بيلن اوروشگه كيريشمه دىك. نوكنددن تاغ سىرى-يىشخاران طرفيگه هجوم قىليب، تلىگه كېلىشيدىك. شهباز قارلوق فرصتنى غنيمت بىليب، نوكندنى تشلب، قاچيب كاسان گه باردى. بيز قېتىب كېلىپ نوكندده جايلىشيدىك.

بو وقتلرده اطراف-تېوره كنى بيز نينگ لشكرىمىز بير نېچه مراتبه بارىب تلىگهدى. بير نوبت اخسى نينگ كېنتلرني تالان-تاراج قىلدى. ينه بير مراتبه بارىب كاسان گه هجوم قىلدىك. شهباز بيلن اوزون حسن نينگ ميرىم اسملى اسره ندى اۋغلى اوروشگه چىقدى. اوروشيب، يېنگىلدىلر. ميرىم اۋشنده اۋلدى.

اخسى نينگ مستحكم قۇرغانلريدن بيرى پاپ قۇرغانى دير. پاپلىكلر پاپ قۇرغانىنى

مستحکم‌ل، بیزگه کیشی یوباریدیلر. سید قاسم‌نی بیر نېچه ییگیتلر بیلن جۇتندیک. اخیسی نینگ اوستکی کېنتلری تۇغریسیدهگی دریادن اۇتیب پاپ قۇرغانیگه کیردیلر.

بیر نېچه کوندن کېین غرایب ایش صادر بۇلدى. او پیتده ابراهیم چاپوق تغایی، احمد قاسم کۇهبر، قاسم ختیگه ارغون شیخ بایزید بیلن اخیسیده اېدیلر. اوشبو ذکر اېتیلگنلرگه ایگى یوزته‌چه زۇر ییگیتنى قۇشیب، دېدرستدن بیر کېچه پاپ قۇرغانی نینگ اوستیگه یوباردی. سید قاسم احتیاط چاره‌لرینی کۇرمەى غافل یاتگن اېکن، قۇرغانگه یېتیب، نروان قۇییب چیقیب، دروازه‌نى آلیب، کۇترمه کۇپرېک قۇییب یېتمیش-سکسان زۇر یراقلیک ییگیتلر کیرگنیده، سید قاسم‌گه خبر بېرەدیلر. اوقولیک، کۇیلکچن توریب بېش-آلتی کیشی بیلن سالیشیب، اورە-اورە بولرنى قوویب چیقردی. بیر نېچه باشنى کېسیب مېنگە یوباردی. گرچه بوندەى غفلتده یاتماقلىگی سردارلىککە خاص بۇلمسەدە، لېکن آز کیشی بیلن بوندەى یراقلیک زۇر ییگیتلرنی ددیل ضربەلر بیلن اوریب چیقماغى خیلە مردانه ایش اېدی. بو مدتده خانلر اندیجان قۇرغانی نینگ قملی بیلن مشغول اېدیلر. قۇرغان اېلى یاونی قۇرغان نینگ یقینىگه کېلگنى قۇیمسدى. ییگیتلر آتلیق چیقیب، تشقیریده آلیشردیلر. اخیسی دن شیخ بایزید طرفدارلیک اظهار قیلیب کیشی یوباره باشلەدی. ییزدن تېزلیک بیلن باریشیمیزنى سۇردی. بوندن مقصدی تورلى حیلە بیلن مېنى خانلردن اییریش اېدی. مېن خانلردن آیریلسم، خانلر اندیجان‌ده تورە آلیشمسدى. بو التماسى اکەسى تېل نینگ مصلحتی بیلن اېکن. خانلردن آیریلیب، بولر بیلن اتفاق توزماقلىکنی اۇزیمیزگە مناسب دېب ییلمەدیک. اونینگ تیلەگینى خانلرگە ییلدیردیک. خانلر: «بارسین. هر نې قیلیب بۇلسەدە، شیخ بایزیدنى توتسین» دېیشیپتى. بو مکر و فریب بیز نینگ عادت و اصولیمیز اېمس اېدی. علی‌الخصوص، آرەدە عهد بار اېدی. بوندەى عهدنى بوزیش یخشی بۇلمس.

کۇنگلیمگە کېلدى که، بیر علاج قیلیب اخیسی‌گه کیریپ آلسک: یا شیخ بایزید تېبلدن کېچیب بیز تامان بۇلەدی، بیز اوچون فایدەلى بۇلگن بیرار خیرلى اۇرگریش صادر بۇلەدی. بیز هم کیشی یوباردیک. عهد و شرط قیلیب بیزنى اخیسی‌گه تکلیف قیلدى، باردیک.

استقباليمىزگە چىقىپ، اينىم ناصر مىرزانى ھەم كېلتىرىپ، بىزنى اخسى قۇرغانىگە ئالىپ باردى. تشقى قۇرغاندە ئاتەمنىڭ عمارتلىرىدە مېنگە جاي تەيىن قىلىدى. بارىپ اۋشە يەرگە توشىدىم.

تېل شىيانى خانگە اكەسى بېك تېلبەنى يوبارىپ، اونگە اطاعت اظهارى قىلىپ، يانىگە چقىرگن اېدى. بو فرصتدە شىيانى خاننىڭ مەكتۇبلىرى كېلدى: "بارەپمەن"، دېپ بېتتېتى. بو خبر خانلەرگە يېتىگچ، تېپىرچىلىپ، اۋتىرالمەي اندىجان اوستىدن تورىپ جۈنەدىلر. كىچىك خاننىڭ عدالت و مىسلمانلىك بىلەن شەھرى بار اېدى. اۋش، مرغىنان و او كىرگن قۇرغانلەرگە قۇيىلگن مۇغوللر اېل كوتگىنىنىڭ خەلافي-ظلم و يامان مەنسەب قىلە باشلەدىلر. خانلر اندىجاندىن كېتىگچ، اۋش و مرغىنان اېلى ھىجوم قىلىپ، قۇرغاندەگى مۇغوللرنى توتىپ، تىلەپ، اورىپ-قۇلۇپ چىقىردىلر.

خانلر خۇجند درياسىنى كېچمەي، مرغىنان و كندى بادام آرقەلى قېتىپ، خۇجنددە دريادىن كېچىدىلر. تېل خانلرنىڭ كېيىنچە مرغىنانگە كېلدى.

بىز بو ھالەتدە تەرددە اېدىك: تۇختەپ تۈرەيلىك دېسەك، خانلەرگە اونچە ايشانچ يوق. سېسىز-نېسىز تىلەپ چىقماق ھەم ئاقۇلەي اېدى. بىر كۈنى اېرتەلەپ مرغىناندىن جەھانگىر مىرزا كېلدى، كۈرىشىدىم. شو يىتدە شەيخ بايزىد ھەم بىزاوتە بۇلىپ كېلدى، اېسەنكىرەب قالگن. مىرزا و ابراھىم بېك دېدىلەر: «شەيخ بايزىدىنى تۇتماق كېرەك. ارگىنى قۇلگە ئالماق كېرەك». در ھەقىقەت، تۇغرى ايشىنىڭ ھەسابى شو اېدى. مېن دېدىم كە: «ئەھد قىلىشىگىمىز. بىز نېچۈك ئەھدگە خەلاپ ايش قىلەمىز؟». شەيخ بايزىد ارگە كېتدى. كۈپرىككە آدم قۇيماق كېرەك اېدى. كۈپرىككە ھەم كىشى قۇيەمدىك. تەجرىبەسىزلىكدن شۇندەي اۋسەللىكلر بۇلدى. اېرتەسى كۈنى سەھرەلەپ تېل اىگى-اۋچ مىنگ يراغلىك كىشى بىلەن كېلىپ، كۈپرىكدن اۋتەپ ارگە كىردى. مېنىڭ اصلىدە كىشىم آزاراق اېدى. اخسىگە كىرگچ، يەنە بەعضىلرنى قۇرغانلەرگە، بەعضىلرنى قۇرغان بېگىلىككە ھەمدە دان-دۈن تاپىپ كېلىش اۋچون ھەر تەرەپ-ھەر تەرەپكە يوبارىلىپ اېدى. مېنىڭ بىلەن اخسىدە يۈزدن كۈپراق كىشى بار اېدى. بار كىشىمىز

بیلن آتلیب کۈچه-کۈچه نینگ باشیده ییگیتلرنی تعین قیلماق و اوروش تردیدیه ابدیک هم که، شیخ بایزید، قنبرعلی و محمد دوست تنبل قاشیدن صلح توزگنی شتاب بیلن کبلدیلر. اوروشگه تعین بۈلگنلرنی جای-جاییگه قویب، کبگش قیلماققه آتمنینگ مقبره سیگه کبلیب توشیب، جهانگیر میرزانی هم چارله دیم. محمد دوست قیتیپ کبتدی. شیخ بایزید بیلن قنبرعلی کبلدیلر. مقبره نینگ جنوبی ایوانیده اۋتیریب کبگش یاتگن ابدیک. جهانگیر میرزا ابراهیم چاپوق بیلن بولرنی توتماققه کبلیشیشگن اېکن. جهانگیر میرزا مېنینگ قولاغیمگه: «بولرنی توتماق کبره ک»، -دېدی. مېن: «تشیو تارتمنگ. حاضر بولرنی توتیش وقتى اېمس. اصلاح بیلن ایش آلیب باریش معقولراق. چونکه اولر جوده کۈپ، بیز جوده آرمیز. اولر بو کوچللیک بیلن ارک ایچیده، بیز بو ضعیفلیک بیلن تشقی قۇرغانده میز»، -دېدیم.

شیخ بایزید و قنبرعلی هم بو کبگشده حاضر ابدیلر. جهانگیر میرزا ابراهیم بېک سری یقینلشیب، بو ایشنی منع قیلش اشارتینی قیلدی. بیلمه دیم، عکسینچه فهمله دیمی یاخود غفلتده قالیب بو حرکتی قیلدیمی: در حال شیخ بایزیدنی توتدی. تورگن ییگیتلر اطراف-تېوره کدن تشلئیب، بو ایگی کیشینی تیت-پیت قیلماقچی بۈلدیلر. ایش صلح و اصلاح چېگره سیدن اۋتدی. بو ایگی کیشینی اسیر آلیب، اوروشگه آتلندیک. شهرنینگ بیر طرفی جهانگیر میرزانینگ ذمه سیگه یوکلندی. میرزانینگ کیشیسی آز ابدی. بیر گروه اۋز کیشیمدن هم میرزاگه کۈمک تعین قیلدیم. او اۋز جایگه یبتدی، مېن بیر یېرده اېلنی اوروش قیلشگه تعین قیلیب، ینه بیر طرفگه کبلدیم. شهرنینگ اۋرته سیده تېکس یېر بار ابدی. او یېرگه بیر گروه ییگیتلرنی قویب، اۋزیم نری کبتدیم. بو جماعتی کۈپ آتلیق و پیاده لر کبلیب، کوچ بیلن سوریب، کۈچه گه هیده ب چیقیشیتی.

شو ائنده مېن یېتیپ باردیم. ییتگن زهاتیم آق آتنی دشمن اوستیگه اېندیردیم. اولر داش بېرالمه ی، تیرقیرهب قاچه بېردیلر. کۈچه دن قاچیریب تېکس یېرگه چقیریب، قیلیچ سالر ییتیمده آتیم نینگ آبگیگه آتدیلر. آتیم بوکیلیب، بونینگ اۋرته سیده مېنی یېرگه اوردی.

چقانلىك بىلن توريب بير اوق آتدىم. صاحبقدم كاهل نىنگ بير ناچارگينه آتى بار ابدى، توشىب آتىنى مېنگە بەردى، مېندىم. بوندى كىشى تەيىن قىلىپ، يەنە بير كوچە باشىگە يۇل آلدىم. سلطان محمد ويس آتىم نىنگ ناچارلىگىنى كوريپ، توشىپ، آتىنى مېنگە توتقۇزدى، او آنگە مېندىم.

اوشبو فرصتدە قاسم بېك نىنگ اوغلى قنبرعليبېك يره دار حالده جهانگير ميرزا قاشىدن كېلدى. «بىر مدت ايلگىرى جهانگير ميرزانى هجوم قىلىپ صفدن چىقردىلر. جهانگير ميرزا چىقىپ كېتدى. بىز نىمە قىلىشىمىزنى بىلمەي قالدىك»، دېدى او.

شوپىت پاپ قۇرغانىدن سىد قاسم بېتىپ كېلدى. جودە بېي محىل او پېردن چىقىپتى. بوندى يېتدە اۋشندەى بېرك قۇرغان قۇلدە بۇلسە، قندەى يىخشى ابدى! مېن ابراهيم بېك دن: «نىمە قىلماق كېرەك؟» دېب سۇردىم. آزاراق يره سى بار ابدى. اۋشندىنى يا اېسەنكىرەشندىنى، توزوك جواب بېرالمەدى.

مېن كۇپرىكدن اۋتىپ، اونى بوزىپ، اندىجان سىرى يۇلگە توشسك دېگن خيالگە باردىم. شوندى بابا شېرزاد خىلە يىخشى ملاحظە يورىتدى. دېدى كە: «دروازە نىنگ اۋزىدن كوچ بىلن باستىرىپ كىرەمىز.» بابا شېرزاد نىنگ مصلحتى بىلن دروازه سىرى روانە بۇلدىك. خواجه ميرميران هم مردانه سۇزلر ايتدى. كۇچە اۋرتەسىدە كېلە ياتگىنىمىزدە سىد قاسم، دوست ناصر باقى ھېز بىلن قىلىچبازلىك قىلىشردى.

مېن، ابراهيم بېك و ميرزا قولى كۆكلىداش ايلگىرراق ابدىك. دروازه گە رۇپەرە بۇلگن زھاتى ياق كۇردىم كە، شىخ بايزىد كويلك اوستىدن فرەجى كىيىپ، اوچ-تۇرت اتلىق بىلن دروازدەن كىرىپ كېلە ياتىر. كمانىمدەگى اۋقنى چمەل ب آتدىم. انچە يىخشى آتدىم. بۇنىگە تېگىزە يازدىم. او شتاب بىلن دروازدەن كىرگىچ، اۋنگ قۇل سىرى كېتدى.

كۇچە بۇلىپ قاچە و بەردى. بىز هم اونىنگ آرتىدن بارە و بەردىك. تانگدە شىخ بايزىد بېخاس

۷-قۇى جونىدن تۇقىلگن قىشكى آق كىيىم.

قۇلگە توشگندە جهانگیرنینگ کیشیلریدە اېکن. اولر چیققچ، شیخ بایزیدنی هم بیرگە آلیب چیقیدیلر. اولدیریش خیالیگە هم باردیلر. یخشی یم اولدیرمە ی قۇیب یوباردیلر. اولردن خلاص بۇلیب دروازەدن کیریپ کبلە یاتگندە، مېنگە اوچرەب قالدی. میرزاقولی کۆکلداش بیر پیادەنی گرزى بیلن اوردی. ینە بیر ییو میرزاقولی اۋتگچ، ابراهیم بېکنی اۋققە توتدی. ابراهیم بېک "هۋ-هۋ" دېب اۋتیب کېتگچ، اېشیکلیک یېردن ییراو مېنینگ قۇلتیغیمگە اۋق اتدی. قلماقی ساووت نینگ ایگی قېت ییراغینی کېسپیتی. قاچە وېردی، ارقەسیدن آتدیم.

اوشبو حالتدە بیر ییو عسکر قۇرغان دېواری اوستیدە قاچیب بارردی. بۇرکینی دېوار کونگرەسیگە تۇغریلپ آتدیم. بۇرکی کنگرەگە قەدەلگنچە قالدی. سەلسی قۇلیگە چوۋەلیب کېتدی. ینە بیر آتلیق مېنینگ یانیمدن شیخ بایزید قاچگن کۈچە تامان قاچیب بارماقدە اېدی. قیلیچنی ارقەسیگە سنجیدیم. آتدن اېگیلیب اېدی کە، کۈچە تامیگە تېەندی، ییقلمەدی. تشویش بیلن قاچیب قوتولدی. دروازەدە بۇلگن آتلیق-ییوانی قولب، دروازەنی آلدیک. اۋیلپ اۋتیریش نینگ پیتی اېمس اېدی. چونکە ایگی-اۋچ مینگ یراقلیک کیشی - ارکەدە، یوز-ایگی یوز کیشی تشقی قۇرغاندە. جهانگیر میرزانى بیر سوت پېشیمی مدتی بورونراق قولب چیقیریدیلر. کیشیلریمیز نینگ یرمی او بیلن چیقیب کېتپیتی. شوندە ی احوالگە قرەمە ی تجربە سیزلیکدن دروازەدە توریب، یقین بۇلسە کېلسین، ینە بیر اورینیپ کۈرەمیز دېگن مضموندە جهانگیر میرزاگە کیشی یوباردیک. ایش قۇلدن کېتگن اېدی.

ابراهیم بېکنینگ آتی ضعیف اېدیمی یا یرەدارمی، مېنگە: «آتیم خراب»، دېدی. محمد علی مېشرنینگ سلیمان اسملى نوکرى بار اېدی. شو فرصتدە هېچ کیشی تکلیف قیلمە ی اۋزی آرەگە توشیب، آتینی ابراهیم بېککە بېردی. خیلە مردانە ایش قیلدی. اۋشە دروازەدە تورگندە کۈلگل دروازەبانی کیچیک علی مردانەلیک اظهار قیلدی. او پیتدە او سلطان محمد وېس نینگ نوکرى اېدی. اۋش دە هم ایگی مراتبە یخشی جسارت کورستدی.

میرزاگە بارگن کیشی کېلیب: «بیر آز آلدین جهانگیر میرزا چیقیب کېتپیتی»، دېدی. تۇختب توریشگە وقت یۇق اېدی، بیز هم جۋنەدیک. شونچە تورلیگنی هم هېچ بیر حسابگە

توغرى كېلىمىدى. يىگىرمە-اۋتۇزچە كىشى بىز بىلەن قالىپ اېدى.

بىز جۈنەگچ، كۇپ اسلەھلىك غنىم كىشىلىرى يېتىپ كېلىشىدى. بىز پىلرواندىن اۋتۇگىمىزدە، پىلرواننىڭ شەھىرىگە ياكى اۋمىلىرى يېتىدى. قاسىمبېكىنىڭ اۋغلى حمزەنىڭ آنە تامانىدىن باباسى بىندە غلىبېك ابراھىمبېككە قىچقىرىپ ايتەدى: «دايم كۆتە كېتىپ يورردىڭ. تۇختە، قىلىچ سالىشەيلىك.» ابراھىمبېك مېنىڭ يانىمدە بارردى. «كېل، نې مانغلىك بار؟!» دېدى.

بې عقل آدم گىنە بوندى مغلۇبىت پىتىدە قىزىق قانلىك قىلەدى. بې وقت كېرىلىش! تۇختىش و تعويقە سالىش وقتى اېمىس اېدى، ايلدم يورەۋىردىك. ياكى كىشىلىرى بىزنىڭ سۇنگىمىزچە تىرىسىز قاچە ياتىڭ كىشىلىرىمىزنى قۇلگە توشىرە-توشىرە كېلمەقدەلر. اخسىنىڭ بىر شرعىسىدە گىبۇ چىن دېگەن پىر بار. گىبۇ چىن دىن اۋتەقالىپ ابراھىمبېك مېنى چارلەدى. كېيىن باقسىم، شىخ بايزىدنىڭ بىر يىگىتى ابراھىمبېككە اۋق تېكىزىپتى. جۇلۇمنى قىتردىم. خانقۇلى بىناقۇلى مېنىڭ يانىمدە اېدى: «بې محل قىتماق بو»، دېدى. جۇلۇمنى االىپ يۇلگە توشدى. سىنگگە يېتگۈنچە اكىر كىشىمىزنى اسىر الدىلر.

سىنگ اخسى دىن اىڭى شرعى (۵ كىلومىتر) دىر. سىنگ دىن اۋتۇگچ، ارتىمىزدە ياكى كىشىسى كۇرىنمى، سىنگ سوۋى يوقارىسى بۇيلىپ يوردىك. شۇندە سىگىز كىشى قالگەن اېدىك: دوست ناصر، قىنبر غلى قاسىمبېك، خانقۇلى بىناقۇلى، مىرزاقۇلى كۇكلىداش، شەھىم ناصر، عبدالقۇدۇس سىدى قرا، خواجه حسىنى و سىگىزىنچى مېن اېدىم. بو سوۋى يوقارىسىدە بىر يۇلك اوچرەدى. بو پست قىملىك اىچى كىشى نىزىدىن يىراق خىلوت يۇل. يوقارى تامانگە يورىپ ىنە بىر قورۇق پست قىملىككە توشدىك. كىچ كىرە باشلەگىدە، پست قىم يىردىن تېكىسلىككە چىقىلدى. تېكىسلىككە يىراق دىن بىر قارە كۇرىندى. اېلنى نىزىدىن چىتدە تورغىزىپ، اۋزىم يىاۋ بىر تېپەلىككە چىقىپ قراۋوللىك قىلە ياتگىنمىدە، ارقە طرفىمىزدىن كۇپ اتلىق بىر قىرىنىڭ اۋستىگە شتاب بىلەن چىقدى. اولرىنىڭ كۇپ ياكە ازلەگىنى انىق بىلگۈنچە بۇلمەدى، اتلىنىپ يۇلگە توشدىك.

قووغينچيلر ييگيرمه-ييگيرمه بېش كيشى اېكن. قيد اېتىلگنيدېك، بيز سگيز كيشى اېدىك. اگر او پيتده بونچه مقدار كيشى اېكينيى انيق بيلسك، يخشيلب اوروشرديك. بولر نينگ آرقه سیدن ينه قووغينچيلر كېلىشه ياتگن دير، دېب اويله ديك. شونينگ اوچون تۇخته مهى يوره وېرديك، قاچگن غنيم كۇپ بۇلسه هم آز قوو وچى بيلن يوزلشه آلمس. بېكارگه ايتمه گنلركه: «مغلوب صفگه بير «هى!» سۇزى كفايه دير.»

خانقولى دېدى: «بونقه بيلن بۇلميدى، برچه ميزنى قۇلگه آلىشه دى. ايگى يخشى آتى بو آردن آليب، سيز و ميرزاقولى كۇگلداس قۇش آت بيلن ايلدم يورينگ، شايد چيقه آلسنگيز». يامان مصلحت اېمس اېدى. اوروشده ايشيميز يوريشمه گچ، شو يۇل بيلن قوتوليش امكانى بار اېدى. شو زهاتى بيراونى ياو آره سيدة آتدن توشيريب قالدير ماقليك خوش ياقمه دى. آخرى اۈزلرى هم بيرين-بيرين تامما قالديلر. بو مينگن آتيم بير آز سستراق اېدى. خانقولى توشيب آتيني بېردى. آت اوستيدناق سكره ب مينديم. خانقولى مېنينگ آتيمگه ميندى. اوشبو حالتده كېينده قاليشگن شاهيم ناصر بيلن عبدالقدوس سيدى قرانى اسير آلديلر. خانقولى هم قالدى: حمايه و مدد پيتى اېمس اېدى. آت نينگ اۈزى قه ياققه يېلديريپ بارسه، اۈشه ياققه كېترديك، آتى يورالمه گن قاله وېردى. دوست بېك نينگ آتى هم حالدن تايدى، قالدى. بو مينگن آتيم هم سستليك قيله باشله دى. قنبرعلى توشيب آتيني بېردى، مينديم. قنبرعلى هم آتيمگه ميندى و قالدى. خواجه حسيني آفساق كيشى اېدى، اۈزىنى تېپه ليكلر سىرى تارتدى. مېن و ميرزاقولى كۇگلداس قالديك. آت نينگ يېلىپ يوريشگه مدارى قالمه گن اېدى. ايلدم گينه باردىك. ميرزاقولى نينگ آتى هم سستليك قيله باشله دى. مېن: «سېنى تشلب قه پيرگه باره، يوره وېر، اۈليك-تيريك بير بۇله يليك»، دېديم. انچه وقت ميرزاقولىگه قهره ب يوردىم. آخرى ميرزاقولى دېدى: «مېنينگ آتيم حالدن تايدى. كېته آلمه سسىز. مېنگه قهره ب قۇلگه توشمنگ. يورينگ، قوتوليب چيقه آلسنگيز!» مېن غلطى بير حالتگه توشديم. ميرزاقولى هم قالدى. مېن يالغيز قالديم. ياودن ايگى كيشى پيدا بۇلدى: بيرى نينگ آتى بابا سېره مي، ينه بيرى بنده على. مېنگه يقينراق كېلديلر. آتيم حالدن كېتگن اېدى و تاققه چه هم

بىر كۈرۈھگە (۵/۲ كىلومېتر) يېقىن يۇل بار اېدى، بىر تاش اويۇمى اوچىرىدى. «آت ھاريدى، تاغ ھم يىراق، قەياققە بارەي؟! سداغىمدە ھم يىگىر مەتەچە اۇق بار اېدى، توشەي. بو تاش اويۇمىدە اۇقىم بارىچە ايتىشى» دېب خيال قىلدىم.

ينە بىر خيال قىلدىم كە: «زارە، تاققە يېتە اَلسم. تاققە يېتگندىن سۇنگرە بىر دىستە اۇقنى بېلىمگە سىنچىب، تاققە تىرمشەي». اياغىم سىزىگە خىلە ايشانچىم بار اېدى. بو خيال بىلن كېتەۋېردىم. ايتىمىنىڭ اىلدىم يورىشىگە مەدارى قالمەگندى. بولر ھم اۇق يېتىرگە يېتىدىلر. مېن ھم اۇقىمنى اَيب اتمەدىم. بولر ھم احتياط بۇلىپ يىقىنراق كېلمەدىلر. اوشە يۇسىندە اېرگىشىپ كېلىشەۋېرىشىدى. كۈن باتە ياتگندە تاققە يىقىنلىشىدىم. اولر بلند آواز دە دېدىلر: «بۈندەي قىلىپ قەيىرگە بارەسىز؟ جھانگىر مىرزانى توتىپ كېلتىردىلر». ناسىر مىرزا ھم اولرىنىڭ قۇلىدە اېدى. بو سۇزلىرىدىن مېنى خىلە ۋاھمە باسدى. سىبى شۈكە، بىرچە مىز اونىڭ قۇلىدە بۇلىسك، خطر احتمالى كۆپ دىر. جواب بېرمەدىم، تاغ سىرى يۈرەۋېردىم. يەنە خىلە يۇل يۈرگندىن سۇنگ، يەنە سۇز ايتە باشلەدىلر. بو گۈل اۆلگىدىن ملايمراق سۇزلىر ايتىدىلر. آتدىن توشىپ سۇز ايتە باشلەدىلر. بولرىنىڭ سۇزىگە قولاق سالىمى يۈرەۋېردىم. دىرەدىن يوقارىلىشىپ بارماق دەدىم. خفتىن نمازى يېتىگچە يۈردىم. آخرى بىر اويچە كېلەدىگن تاشگە يېتىدىم، تاشدىن ايلنىپ اۋتدىم. يىرىك تاشلر باشلىنىپ، آت يۈرە اَلمەدى.

اولر ھم توشىدىلر. حرمت و تعظيم بىلن انچە ملايمراق سۇز باشلەدىلر. «بۈندەي قارانغى كېچە بۇلسە، يۇل يۇق، قەيىرگە بارەسىز؟»، دېيىشىدى. «سىزنى سلطان احمد پادشاھ قىلىپ كۈترەدى»، دېب آنتلر اىچىشىدى.

مېن دېدىم كە: «مېنىڭ كۈنگىلىم او ياققە تارتمە يېتى. او بىرگە بارىش ھېچ ھم مەمكىن اېمىس. اگر سىزلىرىنىڭ خىالىنىڭىزدە اۋرىنلى خىدمەت قىلىش بۇلسە، بۈندەي يىخشى امكانىت اېشىگى اوزاق يىللر ھم تاپىلمىس. مېنى بىر يۇلگە باشلىگ كە، خانلر اَلدىگە بارەي. سىزلىرگە كۈنگىللىرىڭىز تىلەگندىن كۈرە آرتىقراق رعايت و شفقت قىلەي. يۇق، اگر بۈنى قىلمەسنىڭىز، كېلگن يۇلىڭىز بىلن قىتتىڭ». مېنىڭ اَلدىم-اَلدىم. بو ھم مېنگە

قىلگن بىر يىخى خىزمىتىڭىز بۇلەدى.

«كاشكى كېلمەسكە ۱۶۱. كېلدىكىمى، ۱۶۱ سىزنى بوندە تىشلى، قندە قىتىپ كېتەمىز؟ ۱۶۱ بىز بىلەن بارمەسنىڭىز، مىلى، قەپەرگە بارسىڭىز ھەم خىزمىتىڭىزدە بۇلەيلىك» دېيىشەدى.

«۱۶۱ سۆزىڭىز چىنلىگىگە ۱۶۱، دېدىم مېن. قراننى ۱۶۱گە قۇيىپ ۱۶۱نى ۱۶۱دىلەر. مېن بىر ۱۶۱ تىسكىن تاپىڭدېك بۇلدىم. «۱۶۱ ۱۶۱نىڭ يىقىنىدە كېڭ كۆل يۇلى بار دېگەن ۱۶۱دىلەر. ۱۶۱ يۇلگە باشلىگەن»، دېدىم. ۱۶۱ ۱۶۱نىڭ بۇلەلەردە، لېكىن تۇلىق ۱۶۱نىڭ يۇقى ۱۶۱دى. ۱۶۱نىڭ ۱۶۱لىرى ۱۶۱نىڭ، ۱۶۱نىڭ ۱۶۱لىرىدىن يوردىم. بىر-۱۶۱ كۆرۈە يۇل بارىلىپ ۱۶۱دى، بىر ساي سۈيگە يېتىدىك. «كېڭ كۆل يۇلى شو ۱۶۱مىسىكىن؟»، دېپ سۇردىم. ۱۶۱لىرى ۱۶۱ قىلدىلەر. «۱۶۱ خىلە ۱۶۱لىرىدە دىر»، دېدىلەر. كېڭ كۆل يۇلى ۱۶۱لىدە شو ۱۶۱كىن. بولر ۱۶۱لىك ساغىنىپ، يىشردىلەر. يىرىم كېچەگە بارىپ، يەنە بىر سۈيگە يېتىدىك. شۇندە ۱۶۱لىرى: «۱۶۱لىكى ۱۶۱ كېچىمىز. كېڭ كۆل يۇلى ۱۶۱دە قالىدى»، دېدىلەر.

«خۇش، نىمە قىلماق كېرەك؟» دېدىم مېن. «۱۶۱مىزدە غۇا يۇلى يىقىن دىر. ۱۶۱ يۇل بىلەن فرىكت گە ۱۶۱دىلەر»، دېپ جواب بېرىلدى. ۱۶۱ يۇلگە باشلىشى.

كېچەنىڭ تۇرتىن ۱۶۱ قىسمىچە يۇل يوردىك. غۇادان چىقىپ كېلەدىگەن كىرەن سايىگە يېتىدىك. «۱۶۱ شو يېردە تۇرىنك، مېن بارىپ، غۇا يۇلىنى تېكىشىرىپ كېلەي»، دېدى بابا سېرەمى. ۱۶۱ مەتەن سۇنك كېلدى.

«بۇركە باشلىق بىر نېچە كىشى بو يۇلگە كېلىپتى. بوندان ۱۶۱ بۇلمىس» دېدى. بو سۆزنى ۱۶۱شەيتىپ، ۱۶۱نى بۇلدىم. ۱۶۱ يۇلدە قالدىم، تانگ يىقىن و مقصد يىراق.

مېن دېدىم: «بىر يېرگە باشلىگەن كە، كوندوز ۱۶۱دە بېكىتىپ، كېچە بۇلگىچ، ۱۶۱-مات تاپىپ، خۇجند سۈيىنى كېچىپ ۱۶۱نى، نىرگى ساحل بۇلىپ خۇجند سۈيى بارەيلىك.»

«بوندە بىر تېپەلىك بار. ۱۶۱دە يىشەنسە بۇلەدى»، دېيىشىدى ۱۶۱لىرى. كىرەن قۇرغان يېگى بىندە ۱۶۱لى دى. «۱۶۱مىزگە و ۱۶۱مىزگە يېگۈلىك تاپمەسكە بۇلمەيدى. مېن كىرەن گە بارەي. ھەر

نیمە تاپىلسە، كېلتىرەي»، دېدى او. او بېردن قېتىپ كرنانگە يۈزلەندى. كرنانگە بىر كورۈە قالگىندە تۇختەدى. بىندە على كېتدى، اوزاق مدت قالىپ كېتدى. تانگ آتېپ كېلماقەدە، او ھېچ كېلمەسدى. خىلە اضطراب چېكىدىم. تانگ آتگەندە بىندە على ایلدەلمەپ كېلدى. آتگە يېمىش كېلتىرمەدى. اوچتە نان كېلتىردى. ھەر يېرىمىز بىر ناننى قۇيىنگە سالىپ، شتاب بىلەن قېتىپ، يوقارى تېپەلىك نىنگ اوستىگە چىقىپ، بىر يېردە آتلىرى باغلىپ، بىر بىلەنلىككە چىقىپ، ھەر قېسىمىز ھەر طرفگە قاراپ ۈللەپ قېلىپ اوتىردى.

توشگە يېقىنلىشىپ قالگەندە احمد قۇچىن تۇرت آتلىق بىلەن غۈادان اخسى تامانگە اۋتېپ قالدى. بىر خېالىم احمد قۇچىننى چارلەپ، وعدە و مايلىكلەر يىلدىرىپ، آتلىرىنى آلماقچى بۇلدىم؛ آتلىرىمىز بىر كېچە-كۈندۈز ھەرب و ھەربىدە اېدى، يېمىش ھەم يېمەگەن، خراب بۇلگەن اېدى. يەنە كۈنگۈل چاپمەدى: اولرگە ايشانە آلمەدى. قاشىمەگىلەر بىلەن شۈنگە كېلىشىدىك: اولر بو آقشام كرنازدە بۇلەدىلەر. كېچەسى احتياطكارلىك بىلەن كىرىپ آتلىرىنى چىقرەلسەك، قەياققە بۇلسەيم كېتىش امكانى توغىلەدى.

توش پىتى اېدى. كۈز يېتەر يېردە بىر سوۋارى نىنگ ھەربى انجاملرى يىلتىرەپ كۈرىندى. كىملىگىنى ھېچ بىلەلمەدىك. بو محمد باقر اېكەن. اخسىدە بىز بىلەن بىرگە اېدى. اخسىدن چىققەندە ھەر كىم ھەر طرفگە ترقەلىپ، يىشېرىنىپ يۈرگەن اېكەن. بىندە على بىلەن بابا سېرەمى: «آتلر اىگى كۈندىرە، يېمىش يېمەگەن. اۋتلاققە توشىپ، آتلىرىنى اۋتگە قۇيەلىك»، دېدىلەر. او بېردن آتلىنىپ، اۋتلاققە توشىپ، آتلىرىنى اۋتگە قۇيدىك. نمازدىگەر محلى، بىر آتلىق كىشى بىز بېكىنگەن تېپەلىككە چىقىپ كېلماقەدە اېدى، تىيىدىم: غۈانىنگ اولوغى قادىر بېردى. بولرگە: «قادىر بېردىنى چارلەنگ»، دېدىم. چارلەدىلەر. كۈرىپ، سۈرەشىپ، عنایت شىفقت سۈزلەر ايتىپ، وعدەلەر قىلىپ، مايلىكلەر اظھار اېتىپ جۇنتىدىم، تاكە ارقان، اۋراق، بالتە، سوۋ كېچىك اسبابى، آت يېمى، يېگۈلىك و اگر علاجى بۇلسە، آت ھەم كېلتىرسە. خىتان نمازى پىتى شو جاي نىنگ اۋزىگە كېلىشىگە وعدەلەشدىك.

كېچ نمازشام پىتى بىر آتلىق كرناز طرفىدىن غۈا سىرى اۋتېپ بارردى. «كىم سەن؟»، دېپ

سۆردیک. جواب بېردی. بو هم محمد باقر بېک اېکن. بایه توشده کۆرگن بېردن ینه بیر بېرگه یشیرینگنی باره یاتگن اېکن. تاووشینی شونچه لیک اؤزگرتیردی که، گرچه ییللر مېن بیلن بېرگه بۆلگن اېسه ده، اصلا تني آلمه دیم. اگر اونی تئیب اؤزیمیزگه قۇشسک یخشی بۆلردی. او اؤتیب کېتگنیدن کپین خيله خواطرگه توشدیم. اېندی ییز قادر بېردی غوایی بیلن کېلیشیلگن یتگچه توره آلمس دیک. بنده علی: «کرنان نینگ محله لریده خلوت باغچه لر بار، اوندە هیچ کیشی بیر او بار دېب گمان سیره مەیدی. او بېرگه باریب، قادر بېردی گه کیشی یو باره یلیک، اؤشه بېرگه کېلسین»، دېدی. شو خیال بیلن آتلیب، کرنان نینگ محله لریگه کېل دیم. قیش اېدی، انچه ساووق اېدی. بیر اېسکی مۆینه لی پۇستین تاپیب کېلتیر دیلر. کیل دیم. بیر کاسه سؤک آشی تاپیب کېلیش دى. ایچ دیم. عجب حضور قیل دیم. «قادر بېردی گه کیشی یو باردینگمی؟»، دېب سۆردیم بنده علی دن. «یو باردیم» دېب جواب بېردی. بو بدبخت فراستیسز خاتین چلیشلر اؤزارا کېلیشیب، بیر کیشینی اخسی گه-تنبیل قاشیگه یو بارگن اېکنلر. بیر اوستی یاپیق اویگه کیریب، اؤت یاق دیک. بیر پیت کؤزیم اویقوگه کېتدی. بو اېرکک نسخه لر عیارلیک قیلیب، ینه مېنگه ایتە دیلر که: «قادر بېردی دن خبر آلمه گونچه بو بېردن قیمرل ب بۆلمه ییدی. بو بېر محله لر آره سی دیر، چېتده بؤم-بؤش باغلر بار. او بېرگه بارسک، هیچ کیم گمان سیره مەیدی.»

یریم کېچه ده آتلیب چېگه باققه باردیم. بابا سیره می تام اوستیده او یاقدن-بو یاققه یوره دی. توشگه یقین تامدن توشیب، مېنینگ قاشیمگه کېلیب: «یوسف قۇرغان بېگی کېلماقده»، دېدی.

مېنى غلطی واهمه باس دى. «بیلیب کېل چی، او مېنینگ شو بېرده لیگیمنى بیلر میکن؟» دېدیم. چیقیب سۆزلیشیب کېل دى. منه بو خبرنی تاپیب کېل دى: «یوسف قۇرغان بېگی ایتدی: «اخسی دروازە سیده بیر پیاده او چره ب، دېدی که: «پادشاه کرنان ده فلان بېرده دیر» مېن هیچ کیمگه بیلدیر مەى، بو پیاده نی اوروشده مېنگه اسیر توشگن ولى خزینه چی بیلن بیر بېرگه قەمەب قویب، اؤزیم بو یاققه چاپیب کېل دیم. بېکلر نینگ بو ایشلردن خبرلری یوق دیر.»

«سېن نېمە دەپ ئۆيلەيسەن؟» دېيە سۆزدىم بابا سېرەمدىن.
 ايتتى كە: «برچەسى ئۆز ئادەملىرىنىڭ ئىشلىرىنىڭ دىرى، ئولر نېمەيم قىلىشردى. بارماق كېرەك. ئولر سېزنى پادىشاھ قىلىپ كۆتۈرەدىلر.»
 دېدىم كە: «شۇنچە تۆقنەشوو و اوروش بۇلىپ ئۆتگەندە، قندەي ايشانچ بىلن ئولر يانىگە بارەي؟»

شولرنى گېلىشىپ تورگن اېدىك، يوسف كىرىپ آلدېمدە تىز چۆكىپ بوكىلىپ ايتدى كە:
 «نېمەسىنى يىشېرەمن. سلطان احمدبېكىنىڭ خېرى يۇق دىر. شېخ بايزىدېك سىزنىڭ خېرىنىڭىزنى تاپىپ مېنى يوباردى.»
 شونى ايتگىچ، مېندە اللەنچون حالت يوز بېردى. عالمدە جان قۇرقوويدن يامانراق نرسە بۇلمىس اېكن. «راستىنىڭىنى ايت، دېدىم مېن،- اگر ايش ئۆزگەچەراق بۇلگودېك بۇلسە، مېن يووينىپ آلەي.»

يوسف آنتلر اىچدى. لېكن اونىڭ آنتىگە كىم ايشانردى؟ ئۆزىمدە طاقىسىزلىكنى حس قىلدىم. ئۆرنىمدن تورىپ، باغنىڭ بىر گۆشەسىگە باردىم. ئۆزىم بىلن ئۆزىم ملاحظە قىلدىم. دېدىم كە: «كىشى اگر يوز، بارىڭ كە مىڭ يىل يشەسە هم آخرى ئۇلماق كېرەك.
 اگر صد سال مانى ورىكى روز،
 بىايد رفت از اين كاخ دلفروز.
 (مضمونى:

اگر يوز يىل و گر بىر كون عمر بار،
 بودلكش قصردن كېترسن ناچار.)

ئۆلىمنى بۇنىمىگە آلدىم. ئۆشە باغدە بىر سوو آقىپ كېلردى، طهارت آلدىم. اىڭى ركعت نماز ئوقىدىم. باشىمنى مناجاتگە قۇيىپ، تىلك تىلەياتگن اېدىم كە، كۆزىم اويقوگە كېتىدى. توش كۆرەپىمن: خواجه يعقوب (خواجه يحيى نىڭ ئوغلى، حضرت خواجه عبيدالله نىڭ نېرەلرى) رۇپەرەمگە آق-قارە تۈسدەگى آتدە، شۇندەي آت مىڭن كۆپ آتلىقلر بىلن كېلىدىلر.

«غم يېمەنگىز. خواجه احرار مېنى سىزگە يوباردىلر»، دېدىلر. «يىز اولرگە اللەدن مدد سورەب، پادشاهلىك تاختىگە اۋلتورغىزگىمىز. هر يېردە مشكل ايش توشسە، يىزنى نظرىگە كېلتۈروب ياد اېتسىن، يىز اۋشە يېردە حاضر بۇلورمىز»، دېب تەيىنلەدىلر. حاضر اوشبو ساعىتدە فتح و غلبە سىزنىڭ تاماندا دىر. باش كۈترىڭ. اويغا نىڭ.»

اۋشل حالتدە خوشحال بۇلىب اويغاندىم، يوسف داروغە و ھىراھلرى يىر-يىرىگە: «بھانە قىلىب ھىللەپتى، توتىب باغلەماق كېرەك» دېب مصلحت قىلىشردى.

بو سۇزنى مېن اېشىتىپ قالدىم. «سىزلر بو تىخلىت سۇزلەيسىز. اما كۈرەيىن-چى، قىسىڭىز مېنىڭ قاشىمگە كېلە آلرسىز!» دېدىم. شۇندەي دېب تورگىمىزدە باغ دېۋارىنىڭ تشقىرىسىدە كۇپ آتلىقلارنىڭ كېلەياتگن آۋازى اېشىتىلدى.

يوسف داروغە: «يىز اگر سىزنى تىبل قاشىگە آلىب بارسىك اېدى، يىزنىڭ ايشىمىز ايلگرى سىلجىگن بۇلردى. حاضر سىزنى توتگنى يەنە كۇپ كىشى يوبارىپتى»، دېدى. او كېنى شۇنگە يىقىنلىشتىردى كە، گويا بو آۋاز تىبل يوبارگن كىشىلارنىڭ آتلىرى تاۋوشى اېدى. بو سۇزنى اېشىتىگچ، مېن كۇپراق اضطرابگە توشىپ، قىلر ايشىمنى بىلەمى قالدىم.

اۋشە دىققەتدە بو آتلىقلار باغنىڭ اېشىگىنى اىزلب اۋتيرىشگە فرصت تاپمەي، دېۋارنىڭ اېسكىرگن يېرىنى بوزىپ، اىچكىرى كىردىلر.

قرەسم، مېنىڭ جان تارتگن نوكرىم قوتلوق محمد برلاس و بابايى پىرغرى، اۋن-اۋن بېش، يىگىر مە كىشى بۇلىب يېتىپ كېلدىلر. بولر يقىن يېتىپ، آتدن اۋزلرىنى تشلب، يىراقىدن تەظيم قىلىپ، اىگى بوكىلىپ، مېنىڭ آياغىمگە يىقىلدىلر. اۋشە دەمدە شۇندەي حالتگە توشگن اېدىم كە، گويا مېنگە خدا قىتەدن جان اعطاء قىلگن. «يوسف داروغە و بو تورگن ساتقىن ذاتلارنى توتىپ باغلىڭ»، دېدىم مېن. او اېركك نىسخەلر قاچە باشلگن اېدى، هر يېر-هر يېردە بىر تەدن توتىپ باغلىب كېلتىردىلر. «سىزلر قەيىردن كېلەپسىزلر. قندەي قىلىپ خبر تاپدىڭىز؟» دېب سۇرەدىم مېن. قوتلوق محمد برلاس دېدى: «اخشىدن قاچىپ چىققىندىن كېين سىزدن ايرىلگچ، اندىجانگە كېلدىم، خانلر ھىم اندىجانگە كېلىپتىلر. مېن توش

كۆردىم، توشىمىدە خواجه عىبدالله دېدىلەر: «بابر پادشاھ كىرەن دېگەن كېنتدە دىر. بارىب اونى
 آلىب كېلىنگ، پادشاھلىك تىختى اونگە تعلقلى دىر». مېن بو توشنى كۆرىپ، خوشحال
 بولىپ، اولوغ خان، كىچىك خانگە بو حقىدە ايتىدىم. خانلر گە: «مېنىنگ بېش-آلتى آغە-
 اينىم، اوغىللىرىم بار. ىنە بىر نېچە يىگىت قۇشىنگ. بارىب كىرەن طرفىدن خبر آلەين»،
 دېدىم.

خانلر دېدىلەر: «بىز ھم شوندى دېب اولەيمىز، او اۋشە پىرگە بارگەن بۇلسە كېرەك.»
 اۋن كىشىنى تەيىن قىلىپ: «اۋشە تامانگە بارىپ، خۇپ تېكىشىرىپ، خبر آلىنگ. اللە يار
 بۇلسىن، تاپرسىزلر»، دېدىلر. شو سۆز اوستىدە بابايى پرغرى دېدى: «مېن ھم بارىپ
 قىدىرەمن». او ھم ايگى يىگىت اينىسى بىلەن بىرگە قۇشىلىپ آتلندىك. بوگون اوچ كۈندىرە،
 يۇلدەمىز، الحمدلله، سىزنى تاپدىك»، دېدىلر. ايتدىلەر: «يورىنگ، آتلنىنگ، بو باغلانگىلرنى
 ھم آلىپ كېتەلىك. بۈندە تورماق يىخشى اېمس. تىل سىزىنىنگ بو پىرگە كېلگىنىگىزدن خبر
 تاپىدى. ھر قندە قىلىپ بۇلسە ھم، بارىب خانلرگە قۇشىلەلىك.» اۋشە زماڭن آتلنىپ،
 اندىجان طرفگە قرەب يۇلگە توشدىك.

ايگى كۈندىن بو يان ھېچ طعام يېمەگەن اېدىم. پېشىن نمازى پىتى بىر قۇنى تاپىپ كېلىپ،
 بىر يېردە قۇنىپ، سۇيىپ، كىباب قىلدىلر. اۋشە كىبابدىن تۈيگۈنچە يېدىم. اوندىن سۇنگرە
 آتلنىپ، بېش كۈنلىك يۇلنى ايگى كېچە-كۈندۈزدە تېزلىك بىلەن باسىپ اۋتدىك. اندىجانگە
 كىرىپ اولوغ خان تاغەمگە و كىچىك خان تاغەمگە كۆرىنىش بېردىم و اۋتگەن كۈنلرنى تاماماً
 بىان قىلدىم. خانلر بىلەن تۇرت آي بىرگە بۇلدىك. ھر يېردە بارگەن-كۆرگەن نوكرلرىم يىغىلدىلر.
 اوچ يۈزدىن كۇپراق كىشى بار اېدى. خاطرېمدىن كېچدى كە: «قچانگچە بو فرغانە ولايتىدە
 سرگردان بۇلىپ يۈرەمىز. بىرار ياققە باش آلىپ كېتەي، آمىدىم يوريشسە»، دېب محرم آيىدە
 فرغانە ولايتىدىن خراسان طلبىدە آتلنىپ چىقىدىم.

افغانستان بۇلىمى

تۇقىز يوز تۇقىزىنچى (۱۵۰۳-۱۵۰۴) يىل واقعه لرى

محرم آيىدە فرغانە ولايتى دن خراسان گە بارىش نيتىدە حصار ولايتى يىلاولرىدن بۇلگن ايلاك يىلاويگە كېلىپ توشدیم. اوشبو يورتدە يىگىرمە اوچ ياش نىنگ ابتداسىدە يوزىمگە اُستَره^۱ تېكىزىدیم. مېنگە اميدوارلىك بىلن اېرگشىپ يورگن اولوغ-كىچىك ايگى يوزدن كوپراق، اوچ يوزدن آزاراق اېدى. كوپچىلىگى پىادە، قۇللىرىدە تىاق، آياقلىرىدە چارپق و اېگىنلىرىدە چاپان اېدى. قشاقلىك شو درجەدە اېدى كە، اختيارىمىزدە ايگىتەگىنە چادر بار اېدى. مېنىنگ چادرىم والدهمگە تىكلندى. مېنگە هر يورتدە آلە چوق^۲ يسردىلر. آلە چوقدە اۇتيرردیم.

گرچه خراسان نيتى بىلن بۇلگە چىققن بولسك-دە، لېكن شو احوالىمىزدە بوللايتدن نە خسروشاھ نوكرلرىدن اميدوارلىك بار اېدى. دېيرلى كون آرە بير كىشى كېلىپ ولايت يېرلىرى و اېل و اولوسدن حكايله لىتر اېدى كە، بو اميدوارلىكنى كوچه يىتيردى.

بو فرصتدە خسروشاھگە اېلچىلىككە يوباريلگن ملا بابايى پشاغرى كېلدى. خسروشاھدن كۈنگىلگە ياققودېك سۇز كېلتىرمەدى. لېكن حصار اېلى و اولوسىدن خبرلر كېلتىردى. ايلاك دن اوچ-تۇرت كۈچىش بىلن حصار اۈلكەسى نىنگ خواجە عماد دېگن يېرىگە كېلىپ تۇختەدىك. بو يورتدە محب على قۇرچى خسروشاھدن اېلچىلىككە كېلدى. كرم و

۱- اُستَره - عربچە ساقالنى قىرەدىگن تىغ، پاگى.

۲- الە چوق- ياغاچدن تۇقىلگن كپە سىمان اوى.

سخاوتى بيلن مشهور بۇلگن خسروشاھ ولايتى آرقەلى ايگى مراتبە اۋتديک، او پستکش باشقە کيشيلرگە قيلگن آدمگرچيلیکنى بيزگە قيلمەدى. ابل و ولايتدن اميدوارليگيميز باعث، هر منزلده انچه-انچه تۇختب قاليشلر بۇلردى. او فرصتده اېنگ اولوغ کيشيميز بۇلگن شيريم تغايى، خراسانگە باريشگە چيده مسدن، قيتيب کپتيش خيالىده اېدى. سرپل دن مغلوب بۇليب کېلگنيميزده هم کۈچ-کۈرانينى جۈنەتيب يوباريب، اۋزى يالغيز قلعهده قالگندى، نامردراق کيشى اېدى. بير نېچە بار بوندهى حرکتلر قيلگندى.

قباديانگە ييتگنده خسروشاھنينگ اينيسى - چغانيان، شهر صفا و ترمذ حکمدارى باقى چغانيانى خطيب قرشىنى يوباريب، طرفدارليک اظهار قيليب، بيزگە قۇشيلماقچى بۇلدى. آمو سووينىگ اويچاچ كېچيگيدن اۋتگنده، كېليب مېنگە ملازمت قيلدى. باقى نينگ تكليفيگە بناء، ترمذ تۇغريسگە كېليب كۈچلرينى آمودن تامما كېچيريپ اۋزيميزگە قۇشيب، او فرصتده اونينگ اۋغلى، خسروشاھنينگ جيئى احمد قاسمگە تعلقلى بۇلگن كاھمرد(كهمرد) و باميان سري يۇل آلدیک. كاھمردنينگ آجر ناملى دره قۇرغانيده اوى-اېلنى قالديريپ، ينه بير قولەى وضعت رۋى بېرسە، شونگە كۈرە عزت كۈرەميز، دېب اۋيله ديك.

اييککە ييتگنده، بورونراق مېنينگ قاشيمده بۇلگن، يخشى قيليجباز، بو الغاودلغاولرده مېندن ايريليپ، خسروشاھ قاشيگە كېتگن يارعلى بلال بير نېچە ييگيت بيلن قاچيب كېلدى. خسروشاھنينگ مۇغوللريدن بيزگە نسبتاً خير خواھليک سۈزلرى كېلتيردى.

درهى زندانگە ييتگنده قنبرعليپك، اونى قنبرعلى سلاخ هم دېرلر، قاچيب بيزگە كېلدى. اوچ-تۇرت كۈچيش بيلن كاھمردگە كېليب آجر قۇرغانيده اوى-اېلنى قالديرديک.

آجرده ليگيميزده سلطان محمود ميرزانينگ خانزاده بېگم دن بۇلگن، بورون ميرزالر تيربيگيده جهانگير ميرزاگە نشانه قيلينگن قيزى جهانگير ميرزاگە نکاحلندى. اوشبو ائشاده باقى بېک مېنگە لاف-قافلر و دغدغلر بيلن ايتر اېدى که: «بير ولايتگە ايگى پادشاھ و بير لشکرگە ايگى لشکر باشى-غوغا و ويرانليک، فتنه و ترقاقليک باعثى دير. اخير ايتيشگن-کو:

ده درويش در گليمى بخسپند، دو پادشاھ در اقليمى نگجند.

نیم نانی گر خۇرد مرد خدای، بذل درویشان کند نیم دیگر.
ملک اقلیمی بگیرد پادشاه، همچنان در بند اقلیم دیگر.
(مضمونی:

اون درویش بیر قالینده یاته دی، ایگی پادشاه بیر اقلیمگه سیغمهیدی.
الله نینگ جوانمردی تاپسه بیرته نان، یرمین درویشلرگه سیندیریپ بپرر.
بیر اقلیم یورتلرین آلگن پادشاه ایگینچی اقلیم نینگ فکریده بۇلر.)

امید شونده ی که: «بوگون-اېرته خسرو شاه نینگ برچه نوکر و جنگاورلری، پادشاه قوللیغینی قبول قیلیشسه. اولر آره سیده کۇپ فتنه چی کیشیلر بار، مثل ایوب بېک نینگ اۇغلانلری و ینه بعضیلر بار که، بیز نینگ میرزالر نینگ آره سیده همیشه یامانلیک و فتنه گه سببی بۇلیپ، آغمه چیلیک قیله دیلر. حاضر اوشبو فرصتده جهانگیر میرزا گه خراسان سَری خیر و یخشیلیک بیلن رخصت بپر یلسه، تاکه اېرته-این دین ندامت و پُشیمانلیککه سبب بۇلمه سین.» آغه-اینی و خویش-اقارب دین، هر قنچه کمچیلیک صادر بۇلسه هم، واز کپچیش مېنینگ شانیمگه تۇغری کېلمس اېدی. چونکه مېندن کۇنگیللری قالیشی ممکن. گرچه جهانگیر میرزا بیلن بورون آره میزده مملکت و نوکر یوزه سیدن انچه گینه کېلیشما و چیلیک لر، قصدلشولر بۇلیپ اۇتگن اېسه ده، لېکن بو گل او یورتیمیزدن مېن بیلن یۇلداس بۇلیپ کېلگن اېدی. آغه-اینیلیک چېگره سی دن چیقمه ی، مېنگه یوره کدن خدمت قیله یاتگندی. اوندن خفه چیلیککه سبب بۇله دیگن بیرار شبهه لی خط-حرکت کۇرینمسیدی. هر قنچه تکرار عرض قیلگن بۇلسه ده، مېن قبول قیلمه دیم. آخری باقی بېک ایتگنیدېک، اۇشه فتنه چیلر: یوسف ایوب و بهلول ایوب مېنینگ قاشیمدن جهانگیر میرزانینگ آلدیگه قاجیب باریب، یامانلیک و فتنه حرکتیده بۇلیپ، جهانگیر میرزانی مېندن اییریپ، خراسان گه آلیپ کېتدیلر. اوشبو فرصتلرده سلطان حسین میرزادین بدیع الزمان میرزا گه، مېنگه، خسرو شاه و ذوالنون گه بیر مضمونده گی اوزوندن-اوزاق مکتوبلر کېلدی. او خطلر حاضرگچه مېنده دیر. مضمونی شونده ی اېدی: «سلطان احمد میرزا، سلطان محمود میرزا و اولوغ بېک میرزا-آغه-

اينىلر اتفاق قىلىپ يوريش قىلگندە مېن مرغاب ياقەسىنى تۈسدىم. ميرزالر يقين يېتىپ ھېچ ايش قىلەآلمەي قېتىدىلر. اپندى ھم اگر اۈزبىك آتلنەدىگن بۇلسە، مېن مرغاب ياقەسىنى تۈسەي. بديع الزمان ميرزا بلخ، شبورغان و اندخود قۇرغانلرىگە کوچلى كىشىلرىنى قۇيىپ، اۈزى گرزىوان و درەي زنگدە او تاغلىك مسكنلرنى بېركىتسەن».

مېنىنگ بو يېرلرگە كېلگنيم خبرى سلطان حسين ميرزاگە بارىپ يېتگن اپدى. مېنگە ھم يازىپ اپدى كە: «سېن كاھمرد و آجرده او تاغ اپتكلىرىنى بېركىتىپ، خسروشاھ حصار و قوندوز قۇرغانلرىدە ايشانچلى كىشىلرنى قۇيىپ، اۈزى و اينىسى ولى بدخشان و ختلان تاغلرىنى تۈسسەنلر. اۈزبىك ھېچ ايش قىلەآلمەي قېتگوسى دىر».

سلطان حسين ميرزانىنگ بو خطلرى اميدسىزلىك سېچىسى بۇلدى. نېگەكە، تېمورىبكىننىگ يورتىدە بو تارىخى سەنەدە ھم ياش، ھم تصرفىدەگى پىر-ملك، ھم لشكر حسابى جھتىدن اوندىن اولوغراق پادشاھ يۇق اپدى. بىز كۈز توتر اپدىك كە، كېتمە-كېت اپلچىلر و خبرچىلر شاشىلىنچ كېلىپ، مەنە بوندەي حكملىر كېلتىرسەلر اپدى: «ترمذ، كىلىف و كركى كېچىكلرىدە مونچە كېمە يسىنگ، كۈپرىك اسبابىنى فلان مىقداردە تيار قىلىنگ. يوقارىگى تۇقۇز اولىم كېچىكلرىنى يىخشى احتياط قىلىنگ». تاكە بىر نېچە يىل اۈزبىك غوغا-تۇپالانلرىدن كۈنگلى سىنىققن بو اپللىرىنىنگ كۈنگلى كۈترىلىپ، كۈچەيىپ، اميدوار بۇلىسىنلر.

سلطان حسين ميرزادېك تېمورىبكىك اۈرنىگە اۋتىرگن اولوغ پادشاھ غنىمىنىنگ اوستىگە يورىشىنى دېمەي، پىر بېركىتماقتى، مدافەنى دېسە، اپل و اولوسدە قندەي اميدوارلىك قالسەن؟ بىز بىلن كېلگن آچ اوروق^۳ و اۋى-اپلىنى، باقى چغانىانىنى و اۋغلى محمد قاسمىنىنگ بار سپاھىلرىنى كۈچ-ماللرى بىلن آجرده قالدېرىپ، لشكرنى آلىپ چىقىدىك. خسروشاھنىنگ مۇغوللرىدن تۇختاوسىز كىشى كېلىپ: تالقاندىن پادشاھنىنگ

۳. اوروق - حربى يورش پىتىدە لشكر كېتىدىن يۈرەدىگن كۈچ (آباز).

خیرخواهلیگینی تیل، بار مۇغول اولوسی کۈچیب اشکمش و فلول سَری جۇنه‌دیک. پادشاه جدلیک ییلن پیتیب کهل سینلر. خسرو شاه‌نینگ اکثر کیشیسی اوندن یوز اۋگیریب، پادشاه قوللویگه کبله‌دی، دېگن خبرلر پیتکزه باشلشدی.

بو وقتده شیبانی خان‌نینگ اندیجان‌نی آلیب، حصار و قوندوز اوستیگه لشکر تارتگنی حقیده خبر کهلدی. بو خبرنی ایشیتگن خسرو شاه قوندوزده تۇخته‌ی آلمه‌ی، قۇل آستیده‌گی بار کیشیسینی کۈچیریب، کابل‌گه یۇل آلدی. خسرو شاه قوندوزدن کۈچیب چیققن زهاتی‌اق، قوندوزنی ملا محمد تورکستانی اسملی ایشانچلی کیشیسی شیبانی خان‌گه تاپشیریش اوچون بېرکیتدی.

بیز سمتو یۇلی ییلن قیزیل سوو سَری توشگن پیتده خسرو شاه‌گه تعلقلی پېرلر- حصار و قوندوزده بۇلگن اوچ-تۇرت مینگ اویلی مۇغول اولوسی کوچلری بیلن کېلیب بیزگه قۇشیلدی.

قنبر علی مۇغول (ایلگری ذکر ایتگن اېدیک، تکرار بۇلدى) وِیسقى کیشی اېدی، اونینگ فعل-اطواری باقى بېککه یاقمه‌دی. باقى بېک‌نینگ کۈنگلی اوچون اونگه رُخصت بېریب یوباردیک. اۋغلی عبدالشکور اۋشندن بویان جهانگیر میرزا خدمتیده بۇلدى.

خسرو شاه مۇغول اولوسی نینگ بیزگه قۇشیلگنینی ایشیتیب، خيله جانسرک بۇلیب، چاره تاپالمه‌ی، کویاوی یعقوب ایوب‌نی مېنگه اېلچیلیککه یوبارییدی. قوللیک همده خیرخواهلیک اظهار قیلیب، اگر کېلیشالسک، قوللیککه کېلگوم دیر، دېب التماس قیلییدی. باقى چغانیانی کۈنگلیگه قره‌گنیم اوچون، هر قنچه مېنگه خیرخواه بۇلسه‌ده، اکه‌سی نینگ تصرفینی هم قۇیمسدى. او کفیل بۇلدى. شونگه کېلیشیدیک که، اونینگ جانی امانده بۇله‌دی. مالیگه هم اۋزی قنچه اختیار قیلسه، هېچ بیر کېلیشماوچیلیک بۇلمه‌یدی.

یعقوب‌گه کبیتیش اوچون اجازه بېرگنیمزدن سۇنگ قیزیل سوودن قویگه، اونینگ اندراب سووی بیلن قۇشیلیش جایگه یقین یېرده توشیلدی. اېرته‌سی، ربیع‌الاول آیی نینگ اۋرته‌سیده یالغیز اۋزیم اندراب سوویدن اۋتیب، دوشی یېرلریده بیر اولوغ چنار توییده اۋتیردیم. او

طرفدن خسروشاھ حشمت و دېدبە بىلەن كۆپ كىشىسى ھىمراھلىگىدە كېلىدى. قاعدە و
تەملىگە كۆرە، يىراقىدە ئاتىدىن توشىدى. كېلىپ كۆرىشىگىدە اوچ مرتە ئېگىلىپ، قېتىگىدە ھىم اوچ
كۆرە، ھال سۈرەشىش و تارتىق تارتىگىدە بىر مەرتەبەدىن تەعظىم قىلىدى. جھانگىر مىرزا و خان
مىرزاگە ھىم اوشبو يۈسىندە تەعظىم قىلىدى. قىرى سېمىز ئېركىك نېچە يىللار اۋز مەرادىچە يورىپ،
سلطانلىكدىن اۋز نامىگە بىرەر خەتتە اۋقىمەگەن ئېلىدى. يىگىرمە بەش، يىگىرمە ئالتى مرتە
اوستمە-اوست تەعظىم قىلىدى، ئالدىمىدە او ياقىدىن بويلاققە بارىپ كېلىدى. تاللىقىپ تەمام
يىقىلە يازدى. شۇنچە يىللىك قىلگەن بېكلىگى و سەلتەنتى تەمام بۇرىندىن چىقىدى. كۆرىشىپ
تارتىق تارتىگەن سۇنگ، اۋتىرىشىگە بويوردىم، اۋتىردى. بىر-ايگى گرى، اۋتىرىپ، او ياق-بو
ياقنى سۇز و ھىكايت ايتىلدى. نامردلىك و ھىرامخۇرلىكدىن تەشقىرى، او بىر فراسەت و بىر مەزە
ويستى ھىم ئېكەن.

اعتبارلى و ايشانچىلى نوكرلىرى كۆزىنىڭ ئالدىدە گىرۈ-گىرۈ كېلىپ مېنگە نوكر
بۇلە ياتىگەن پىتى شۇ احوالگە يېتىدى كە، پادىشاھلىك قىلىپ گېردە يىپ يورگەن ئېركىك بۇندە
خوار-زارلىكدە ايسىر-ايسىرەمس كېلىپ نې ھالەتلەر بىلەن مېنگە مەلازەت قىلىدى.

اوندىن ايگى قىزىق ايشى سادىر بۇلدى. بىرى: نوكرلىرى ايرىلگەن سەببىلى اونىڭ كۆنگىلىنى
كۆتىرىشىگە ھىركەت قىلگەنمىدە، او بۇنگە جۈاباً: «نوكرلەر تۇرت مەرتەبە عىنا شۇندە يېنىدىن
ايرىلىشىگەن، يەنە كېلىشىگەن»، دېدى. ايكىنچىسى: اينىسى ولى نىڭ قىچان كېلىشى، امو
درىاسىدىن قىسى كېچىك بىلەن اۋتىشىنى سۈرەگەنمىدە، دېدى كە: «اگر كېچۈو تاپىلسە، تېز
كېلەدى. بىراق كېچىكلەر سوو كۆپىگەچ، اۋزگەردى. او كېچۈونى سوو آلىپ كېتىدى»، دېگەن
مقال بار.

دولتى نىڭ و نوكرى نىڭ اوندىن كېتىشى خەسەسەگە بۇ سۆزنى اونىڭ تىلىگە تەگىرى
سالىدى. انچەدىن سۇنگ مېن آلتىپ لىشكرگاھگە كېلىدىم، او ھىم توشىگەن يېرىگە كېتىدى.

۴- گرى- ھىندوستان نىڭ قەدىمىي تەقۋىمىدە بىر كىچە- كۈندۈز نىڭ ۶۰ ھەسەدىن بىر ھەسەسى (۲۴دەقىقە)

اوشبو کوندن اعتباراً اولوغ-کیچیک، یخشی-یامان بیکلری و بیک نوکرلری گرو-گروه بؤلیب کۆچ و ماللری بیلن اوندن آیریلیب، بیزگه کبله باشله دیلر. ابرته‌سی کونی پیشین نمازی پیتیدن تا کبچقورونگچه اونینگ قاشیده هبچ کیم قالمه‌دی.

«قُلِ اللَّهُمَّ مَلِكُ الْمَلِكِ تُؤْتِي الْمَلِكَ مِنْ تَشَاءُ وَتَنْزِعُ الْمَلِكَ مِنْ تَشَاءُ وَتُعِزُّ مَنْ تَشَاءُ وَتُذِلُّ مَنْ تَشَاءُ بِيَدِكَ الْخَيْرُ إِنَّكَ عَلَىٰ كُلِّ شَيْءٍ قَدِيرٌ»

قادر خدانینگ ایشینی قره‌نگ که، ییگیرمه-اوتیز مینگ نوکرینینگ اېگه‌سی، قهلوغ‌دن (اونی دربند آه‌نین هم دېرلر) هندوکش تاغیگچه سلطان محمود میرزاگه تعلقلی ولایتلرینینگ همه‌سیگه حاکم اېدی. حکمرانلیکنی مستقل روشده قیلر اېدی. خسروشاه‌نی بیر یریم کونده اوروش یوق، تلاش یوق، بیزنینگدېک قشاق و فلاکت باسگن ایکی یوز-ایکی یوز اېلیک کیشی نینگ قاشیده شوندهی خوارو زار، ناچار و عاجز قیلدی که، نه نوکرینگه اختیاری قالدی، نه مالیگه، نه جانیگه.

خسروشاه‌نی کؤریب قیتگن آقشام میرزاخان قاشیمگه کېلیب، اکه‌لری نینگ قانینی دعوا قیلدی. بیزنینگ آدم‌لر دن هم بعضیلر بو فکرنی یاقله‌دیلر، درواقع شریعت و عرفگه کؤره هم مناسبی شو اېدی که، بوندهی کیشیلر جزاسینی تارتسین. عهد بؤلگنی باعث خسروشاه‌نی آزاد قیلیب، فرمان بېردیک که، کوچی پیتگنچه نرسه‌لرینی آلسین‌ده، کپتسین. اوچ-تؤرت قطار خچیر و تویه‌ده بار جواهر، آلتین، کوموش و نفیس نرسه‌لرنی یوکلپ آلیب کپتدی. شیریم تغایی‌نی قوشیب جؤنتدیک، خسروشاه‌نی غؤری و دهانه یؤلای بیلن خراسان س‌ری یوباریب، اوزی کا‌همردگه باریب کؤچیمیزنی آرتیمیزدن کابل‌گه کپلتیریشینی بو‌یوردیک.

او یورتدن کابل‌گه باریش نیتیده کؤچیب، خواجه زید موضعیگه کېلیب توشدیک. شو کونی حمزه‌بی منغیت اؤزبک‌نینگ تالانچیسینی باشلب کېلیب، دوشی بیرلرینی تالان-تاراج

۵- آیت ترجمه‌سی: «آیت، ملک اېگه‌سی، ای خداایم، سېن کیمنی خواهله‌سنگ، شونگه حکمرانلیک بېره‌سن. سېن کیمدن خواهله‌سنگ، حکمرانلیکنی تارتیب آله‌سن؛ کیمنی خواهله‌سنگ عزیز قیله‌سن؛ کیمنی خواهله‌سنگ، خوار قیله‌سن؛ یخشیلیک اؤز قۇلینگده، سېن هر بیر نرسه‌گه قادر‌سن.»

قىلدى. سىدقاسم اپشېك آغە و احمد قاسم كۆھبۇر بعضى يىگىتلەر بىلەن يوبارىلدى. بارىپ، تالانچىلارنى بايلىق باسىپ، بىر نېچە باش كېسىپ كېلتىردىلەر. اوشبو يورتىدە خسروشاھ نىنگ قورال-اسلحە خانەسىدەگى زەرھلى كىمىلەر اولشىلدى. يېتتى-سككىز يوزتەچە زەرھلى كىمىم و كۆھە بار اېدى. خسروشاھ دن قالگن نرسە لردن بىرى شولر اېدى. يەنە چىتتى ايدىشلر هم خىلە توشدى. باشقە كۆزگە كۆرىنگودېك نرسە بۆلمەدى.

خواجە زىد موضەيدىن تۆرت-بېش مراتبە قۇنىب-كۆچىپ، غۇربند شەھرىگە كېلدىك. اُشۇر شەھرىگە توشگندە، مقيم ارغون نىنگ اولوغ بېگى بۆلگن شېرك ارغون نىنگ، يىزدن بېخىر، لشكر بىلەن كېلىپ باران درياسى ياقەسىدە اۋتىرگنى حقىدە خەبەر تاپدىك. مقصەدى- پنجشېر يۇلى بىلەن اۋتگن كىشىنى اۋشە پىتتى كابل دن قاچىپ، تركلانى افغان آرسىگە لمغان تومنىگە بارگن عبدالرزاق مىرزا تامانگە اۋتگنى قۇيمسلىك اېدى. بو خەبەرنى تاپگچ، اىگى نماز آرسىدە او يېردن كۆچىپ، كېچەسى بىلەن يۇل يورىپ، تانگە وقتى ھويان داوانىدن آشدىك.

سەھىل يولدوزىنى سىرە كۆرگن اېمىدىم. داوانگە چىققن زەھاتى ياق آسمان نىنگ جەنۇب طرفى پىستىدە ياروغ يولدوز كۆرىندى. «شوسەھىل اېمىمىكن؟»، دېدىم. «سەھىل دىر»، دېدىلەر. باقى چغانىانى بو بىتتى اۋقىدى:

تو سەھىلى، تو كجا تابى و كجا طالع شوى،
چشم تو بر هر كه مى افتد نشان دولت است.
(مضمونى:

سېن سەھىل سېن، قەيدە بلىقىپ، قەيدە پارلەيسن اېكن،
كوزلرىنگ هر كىمگە توشسە، بۆلدى دولتىن نشان.)

آفتاب نىزە بۇيى كۆتۈرلىگىندە سەنجە درەسى اېتىگىگە كېلىپ توشىلدى. يىزدن اىلگىرى

بارگن قراول ییگیتلر و ینه بعضی ییگیتلر قاره‌باغ‌نینگ پستی-اېگری یار توپراغیده شېرک بیلن تۇقنه‌شه‌دیلر. آز-ماز اوروشکندهک بۇلیشه‌دی. ییزنیکیلر ایلغار بیلن تېزده اولرنی ینگه‌دیلر. شېرک‌نی و ینه یتیمیش-سکسان-یوز زۇر ییگیتلرنی اسیر قیلیب کېلتیردیلر. شېرک‌نینگ قانیدن کېچیب، ملازم قیلدیک.

خسروشا، قوندوزدن اېل-اوروغیگه باقمه‌ی، کابل‌گه یۇل آلگنیده اونگه تعلقلی اېل و اولوس بېش-آلتی بۇلککه اجره‌له‌دی. بدخشان‌ده‌گیلر بیر بۇلک: روستا هزاره‌سیده‌گی سیدیم علی دربان، پنجشیر یۇلی بیلن آشیب اوشبو یورتده ییزگه باش اېگیب کېلیشدی؛ ینه بیر بۇلگی: یوسف ایوب و بهلول ایوب اېدی. اولر هم بو یورتده خدمتیمگه کېلیدیلر. ینه بیر بۇلک: بهلول ایوب‌نینگ اینیسی ولی-ختلان‌دن؛ ینه بیر بۇلک: ییلانچیلیق، نکدری، قاق‌شال و قوندوز ولایتیده یشه‌یدیگن ایماقلر. بوهر ایگی بۇلک اندراب و سراب بیلن کېلیب، پنجشیردن آشیب خیالیده اېدیلر.

ایماقلر ایلگریق سراب‌ده اېکنلیکلریده، کیندن ولی کېلیدی. ایماقلر اونینگ یۇلینی تۇسیب، اوروشیب ینگیدیلر. اوزی قاجیب اوزبککه کېتدی. شیبانی خان سمرقندنینگ چارسوسیده باشینی کېستیردی. قالگن نوکر-سودری تلتیب، ینگیلیب، اوروغ-ایماقلری بیلن اوشبو یورتده مېنگه قوللوق قیلیب کېلیدیلر. سیدیوسف اۇغلاچچی هم ایماقلر بیلن کېلیدی.

بویورتدن کۇچیب، قاره‌باغ یانیده‌گی آقسرائ سیهونلیگیگه توشیلدی. خسروشا‌نینگ اېل-اوروغلری-ظلم و باشباشداقلىککه اۇرگنگن نوکرلر اېلگه ظلم قیله باشله‌دیلر. آخری سیدیم علی دربان‌نینگ بیر زور نوکرینی بیراونینگ بیر کۇزه یاغینی تارتیب آلگنی اوچون اۇرده‌گه کېلتیریب تیاقلتدیم. تیاق آستیده‌یاق جانی چیقدی. اېل بو سیاستدن تاماً باسیلیدی.

اوشبو یورتده‌لیگیمیزده کابل‌نینگ اوستیگه درحال باریش-بارمسیلیک کېنگشیلیدی. سیدیوسف‌بېک و بعضیلر: قیش یقین، درحال لمغان‌گه بارماق کېرەک، دېب مصلحت بېردیلر. او یېرده ینه نې مصلحت رۇی بېرسه، اۇشنگه یره‌شه عمل قیلینر. بیز-باقی چغانیانی و بعضیلر کابل اوستیگه بارماقعه قرار قیلیب، او یېردن کۇچیب، کېلیب ابا قۇروغی‌گه

(حکمدار عايلەسى نىنگ يازگى استراحت مسكنى) توشدىك. اوشبو يورتده مېنىنگ والدهم خانم و كاھمردده قالگن اېل-اوروغ آغىر خطرلرنى باشدن كېچىرىپ، بىزگە كېلىپ قۇشىلدى.

گپ شوندهكە، شىرىم تىغايى خسروشاھگە قۇشىپ يوبارىلگن اېدى، خسروشاھنى خراسانگە اوزەتىپ، اۋزى بارىپ اېل اوروغىمىزنى كېلتىرىشى لازىم اېدى. دھانەگە يېتىگندە شىرىم نىنگ فكرى اۋزىگەردى. خسروشاھ شىرىم بىلن بىرگە كاھمردگە بارەدى. چونكە اونىنگ جىيىنى- احمد قاسم كاھمردده اېدى. خسروشاھ احمد قاسمنى ارقة قىلىپ، اېل-اوروغىمىزگە يامانلىكنى كۈزلەيدى. باقى چىغانىاني نىنگ كۆپ مۇغول نوكرلىرى اېل-اوروغلىرى بىلن كاھمردده اېدىلر. اولر شىرىم تىغايى بىلن مخفى كېلىشىپ، خسروشاھ و احمد قاسمنى توتماقچى بۇلەدىلر. خسروشاھ بىلن احمد قاسم آجر درەسى نىنگ يانئىدەگى يۇل بىلن قاچىپ، خراسانگە كېتەدىلر. مۇغوللارنىنگ اوشبو كېلىشولرىدن مقصدلىرى اۋزلىرىنى اولردن آيىرماقلىك اېكن.

خاندانىمىز اھلى بىلن بۇلگن اېل خسروشاھنىنگ دىغدەسىدن خلاص بۇلىپ، آجىردن چىقىپ، كاھمردگە يېتىگن پىتى سىقانىچى اېلتى ياولشىپ يۇلنى تۇسدى. اكثر باقى بېككە تعلقلى اېل و اولوسنى اولر تلهيدىلر. قول بايزىدنىنگ اۋغلى-تېزەك كىچىك اۋشە يېردە اېدى، اسىر توشدى. اوچ-تۇرت يىلدىن سۇنگرە كابىلگە كېلدى. قىيىنەلگن، تلىگن اوروغىمىز، بىز اۋتىگن قىپچاق يۇلى بىلن آشىپ، ابا قۇروغىدە كېلىپ بىزگە قۇشىلدى.

اوپىردن كۈچگىچ، آرەدە بىر قۇنىپ، چالاك سىھونلىگىگە توشدىك. چالاككە كېنگىشىپ كابىل شەرىنى قىل قىلىشگە كېلىشدىك، سۇنگرە كۈچىپ، مېن اۋزىم قۇشنى نىنگ مركز قىسمىدەگى برچە كىشىلر بىلن حىدر تىقى نىنگ باغى و قول بايزىد آشپزنىنگ قىرستانى آرەلىغىگە توشدىم. جھانگىر مىرزا اۋنگ قنات آدمى بىلن بىزنىنگ كتە چارباققە قۇندى. ناصر مىرزا چپ قنات اېلى بىلن قوتلوق قدم قىرستانى نىنگ ارقةسىدەگى سىھونلىكدە تۇختەدى. دايم كىشىمىز بارىپ مقيم بىلن مذاكرە آلىپ بارردى. او گاه عذر

سۇرر، گاه انىق بىر گپ ايتىمىدى. اونىنگ تعويققة ساليشىگە سبب- بىز شېركنى قۇلگە توشىرگن زھاتى ياق، او آتەسىگە، اكەسىگە كىشى چاپتىرگن، آتە-اكەسىدن اميدوار اېدى.

بىر كونى لشكر قۇلى، اۋنگ قنات و چپ قناتى تاماماً زرهلى كىمىلر كىيب، آتلىرگە هم زرهلى ياپىنچىقلر ساليب، شەرگە يقىنراق بارىلسىن، دېگن فرمان بۇلدى: شونده هم يراق نمايش اېتىلەدى، هم ايچكىرىدەگى اېلگە بىر سياست بۇلەدى. جهانگىر مىرزا و اۋنگ قنات كۈچەباغ آرقەلى ايلگر يراق كېلدىلر. قۇلنىڭ آلدى سوو بۇلگنى باعث مېن مركز كىشىسى بىلن قۇتلوق قىدم قىرستانى طرفىدن كېلىب، قىر آلدىدەگى تېپەلىك اوستىگە چىقىدىم. هجومكار قىسم كىشىلىرى قۇتلوق قىدم كۈپرىگى نىڭ اوستىگە تىقىلىپ باردىلر. او پىت ھلى كۈپرىك يۇق اېدى. يىگىتلر شۇخلىك قىلىپ، چرمگران دروازەسىگەچە اوروشىپ باردىلر. مقيم نىڭ آز سانلى كىشىلىرى اوروشگە تاب بېرالمەي قاچىپ قۇرغانگە كىردىلر.

ارك نىڭ توپراق اۋىلىگن تېپەلىگىگە كۈپ كابل اېلى تماشگە چىققن اېدى. قاچە يانگندە راسە چىگ-تۇزان كۈترىشىپ، اۋزلىرىنى ايچكىرىگە آلدىلر. كۈپرىك بىلن دروازە آرەسىدەگى بلند قىرنىڭ اوستىدە يۇل اۋرتەسىدە كۈپ چوقۇرلىكلر قزىپ، اوستىنى خىس بىلن ياپگن اېدى. سلطانقولى چىناق و بعضى يىگىتلر آت سوريپ بارگندە، بىر-بىرىگە اورىلىشىپ يىقىلدىلر. اۋنگ قنات طرفىدن بىر-ايكى يىگىت كۈچەباغ آرەلب چىققنلر بىلن بىر-ايكى قىلىچ ساليشىپ آلىشىدىلر. اوروشگە فرمان بۇلمەگنى اوچون اوشبو خط-حرىكلر بىلن چېكىلىپ، آرتگە قىتدىلر.

قۇرغان اېلى قىتق اېسەنكىرەب قالدى. مقيم بېكلرنى آرەگە ساليپ، قۇللوققە كېلىپ، كابلنى تاپشیرماقچى بۇلدى. باقى بېك چغانيانى نىڭ واسطەچىلىگىدە كېلىپ مېنگە ملازمت قىلدى. بىز هم عنایت و شفقت يۇسىنىدە ایش تۇتىپ، اونىڭ كۈنگىلدىن واهمە و قورقۇونى برطرف قىلدىك. اېرتەسى تانگدە بار نوكر و سودرى، مال و اسباب-اسكونەلىرى بىلن چىقىپ، قۇرغاننى تاپشیرەدى، دېگن قارارگە كېلدىك. خسروشاھگە تعلقلى اېللر اۋزباشىمچەلىك و تالانچىلىككە اۋرگنگن اېدى. مقيمنى و مقيمگە تعلقلى كىشىلىرىنى مال-

حالحرى بيلن كابل دن دخلسيز چيقرسينلر، دېب جهانگير ميرزا، ناصر ميرزا و اولوغ بېكلرنى همده ايچكى- يقينلرنى تعيينله ديك. مقيم گه تېبه نى يورت تعيين قىلدك.

اېرته سى اېرته لب ميرزالر و بېكلر دروازه لرگه باريب خلايق نينگ توپالان و غوغاسينى كؤريب: «سيز كېلمه گونچه بو اېلنى كيشى تينچيتالمه يدى»، دېب مېنگه آدم يوبارديلر. آخرى اوزيم آلتلديم. تۆرت-پېش كيشينى اوق بيلن آتيب، بير-ايگى كيشينى پرچه-پرچه قىلديرديم. غوغا باسيلدى. مقيم اوزيگه تېگيشلى كيشى و جهاز و نرسه لرى بيلن ساغ-سلامت باريب تېبه گه توشدى.

ربيع الاول آيى نينگ آخريده تنگرى تعالى نينگ فضل و كرمى بيلن كابل و غزنى ملك همده ولايتلىرى جنگ-جدلسيز مېنگه ميسر بۇلدى و فتح اېتيلدى.

كابل ولايتى تورتينچى اقليمده دير. شهر آباد يېرلر نينگ اؤرته سيدة جايلاشكن. شرقى لمغانات، پرشاور، هشنغر و بعضى هند ولايتلىرى دير. غربى تاغلى مسكنلر دير، كرنود و غور اوشه تاغلرده دير. حاضرگى پينده هزاره و نكدرى قوملىرى نينگ مسكنى شو تاغلر دير. شمالى هندوكش تاغيگه توتشكن. قوندوز و اندراب ولايتلىرى دير. جنوبى فرمل، نغر، بنو و افغانستان دير.

كيچكىنه ولايت دير. اوزونه سيگه چؤزىلگن. شرق دن غربگه تامان يسته نكن. اطراف-تېره گى تماماً تاغ دير. قلعه سى تاققه توتشكن. قلعه نينگ غربى- جنوب طرفيده كيچىك قراق تاغ بار. او تاغ نينگ چؤقي سيدة كابل شاهى عمارت قىلگنى باعث بو تاغنى شاه كابل دپيديلر. بو تاغ دېوارى تاردردن باشلنهدى. ده يعقوب دره سيدة توگه يدى. ايلنه سى ايگى شرعى كېله دى. بو تاغ نينگ اېتكلىرى تاماميله باغلر دير. مېنينگ اولوغ عمكيم اولوغبېك ميرزا زمانيده ميرزانينگ بېك آتە سى ويس بېك بو تاغ نينگ اېتگيده بير اريق چيقرگن. اېتكده گى باغلر نينگ همه سى شو اريق دن يشنه يدى. شو اريق آخريده گلگينه ناملى موضع بۇليب، خلوتگينه گۆشه دير. اونده كۆپ سرخوشليكلر قىلگنمىز. گاها مطائبه يۇسينيده خواجه حافظ نينگ بو بيتى اوزگرتيريش بيلن اوقيلر اېدى كيم:

ای خوش آن وقتی که بی‌پاوسر ایامی چند،
ساکن گلکینه بودیم به بدنامی چند.
(مضمونی:

خوش زمانلر بیر گروه بی‌باشلر و سلپی سیاق،
گلکینه ده ساکن ابردیک و سورردیک طمطراق.)

قلعه نینگ جنوبیده شاه کابل تاغی نینگ شرقیده بیر کتّه کؤل بار. ایلنه سی بیر شرعیگه
یقینلشه دی. شاه کابل دن کابل گه تامان اوچ کیچیکراق چشمه آقیب چیقهدی: ایکیته سی
گلکینه موضعیده دیر. بیر چشمه باشیده خواجه شمو ناملی مزار بار؛ ینه بیر خواجه
خضر نینگ قدم جای دیر. بو ایگی بیر کابل اہلی نینگ سیرگاہی دیر. ینه بیر چشمه خواجه
عبدالصمد موضعی رۋپهره سیده، اونی خواجه رۋشنایی دپیدیلر.

شاه کابل تاغیدن بیر قایه-تومشوق ایریلیب تورپیتی، اونی عقابین^۷ دپیدیلر. عقابین
قایه سیدن باشقه ینه بیر پرچه گینه تاغ توشکن بولیب، کابل قلعه سی نینگ ارکی بو تاغ نینگ
اوستیده دیر. اولوغ قورغان ارک نینگ شمالی طرفیده دیر. بو ارک غرایب طرزده یوکسک و
یخشی هوالی بپردہ جایلشکن. بو کتّه کؤل و اوچ سیهونلیک-سیاه سنگ (قاره تاش)، سۋنک
قورغان و چالاک ارکه یانداش دیر. او پیردن بوتون تپوره ک-اطراف خودی آفاق آستیده
تورگندپک کۋرینه دی. اولنگلر یشیللیک پیتلری جوده سۋلیم کۋرینه دی. یاز چاغلری کابل ده
شمالی ییل اہسیب توره دی. اونی پروان ییلی دپیدیلر. ارکده گی شمالگه قره گن درچه لی
اویلر جوده خوش هوا دیر.

ملا محمد طالب معمای کابل ارکی نینگ تعریفیده بیر بیتنی بدیع الزمان میرزا نامیگه
اتب اۋقیر ابدی. بیت اوشبو دیر:

بخۋر در ارک کابل می، بگردان کاسه پی درپی،

۷- عقابین - ایگی بورگوت.

كه هم كؤه است و هم دريا و هم شهرست و هم صحرا.

(مضمونى:

سيمير كابل اركيده مى، قلدح ايلنتيريب تينمه‌ى،

بو منزل تاغ و هم دريا و هم شهر و هم صحرا.)

خودى، عربلر عربدن باشقەنى "عجم" دېگنلريدېك، هندوستانلىك هندوستانلىك بۆلمە گنلرنى "خراسانلىك" ديدى. هندوستان بيلن خراسان آره‌سیده قوروقلىكده گى يۆلده ايگى كته قۇنىمگاه بار: بيري-كابل، ينه بيري-قندهار. كابل گه كاشغر، فرغانه، توركستان، سمرقند، بخارا، بلخ، حصار و بدخشان دن كاروانلر كېله‌دى. خراسان دن كاروان قندهار گه كېله‌دى. هندوستان بيلن خراسان نى باغلاوچى واسطه كابل ولايتى دير. كۆپ يخشى سودا مسكنى دير. سوداگرلر ختاي گه ياكه روم گه بارسه لر هم شونچه ليك سودا قيله آله‌ديلر. هر يىلى يېتى-سگيز-اۋن مينگ آت كابل گه كېله‌دى. قويى هندوستان دن اۋن-اۋن بېش-يىگيرمه مينگ قاره‌ماللىك كاروان كابل گه كېله‌دى. هندوستان دن قلين متاع، آق كييم-كېچك، قند، نبات، شكر و داريوارلر كېلتيره‌ديلر. كۆپ سوداگرلر اۋتيزدن اۋن، قيرقدن اۋن (فايز) فايده آليشگه راضى بۆلمه‌يديلر.

خراسان، عراق، روم، چين متاعلرى كابل دن تاپيله‌دى. كابل هندوستانلىك سوداگرلر نينگ هم قۇنىمگاهى دير.

گرمسېر (ايسىق اقليم) و سردسېر (ساووق اقليم) جايلر كابل گه يقين دير. كابل دن بيركونده سيره قار ياغمه‌يديگن جايگه بارسه بۆله‌دى. ينه نجومى (استرونوميك) ايگى ساعته شونده يېرگه بارسه بۆله‌دى كه، او يېرده هېچ قچان قاركمه‌يمه‌يدى. احيان-احيانده شونده ياز كېله‌دى كه، قار قاله‌يدى. ايسىق و ساووق اقليمده يېتىشه‌ديگن مېوه‌لر كابل اطرافيده كۆپ دير. كابل و اونينگ كېنتلريده ساووق اقليمگه منسوب مېوه‌لردن اوزوم، انار، اۋرىك، آلمه، بهى، امروء، شفتالى، قارالى، سنجد، بادام و يانغاق كۆپ بۆله‌دى. مېن قرالى نهالينى كېلتيريب اېكتيرگنمن، يخشى قراليلر بۆلدى و هنوز گوركيره‌ياتگن اېدى.

ایسیق اقلیم مېهولریدن، چنانچه، نارنج (اپلسین)، توروئج (لیمون)، املوک و نیشکرنی لمغاناتدن کېلتیردیلر. نیشکرنی مېن کېلتیریپ اېکتیریپ اېدیم. چیلغۇزەنی نيجراودن کېلتیره‌دیلر. کابل اطرافیده‌گی تاغلیک جایلدن عسل کۆپ کېله‌دی. عسلخانه‌لری باردیر. بیرگیته غزنی طرفه‌گی تاغلیک مسکنلردن عسل کېلمه‌یدی، خلاص. کابل نینگ رواچی یخشی بۇله‌دی. بهی بیلن قرالیسی هم یخشی دیر. بادرنگی هم یخشی.

بیر نوع اوزومی بار، آب انگور دپیشه‌دی، جوده یخشی اوزوم دیر. مست قیلە‌دیگن چاغیرلری بۇله‌دی. خواجه خاوند سعید تاغی اېتکلری نینگ شرابی اچقیلیگی بیلن مشهور دیر. هلی هم تقلید بیلن اونینگ تعریفینی کېلتیره‌دیلر: «می لذتینی مست بیلور، هوشیارلرگه نی حضور؟»!

اېکینی یخشی بۇلمه‌یدی. اگر خراسان اوروغی بۇلسه، اونچه‌لیک یامان بۇلمه‌یدی. جوده لطیف هواسی بار. کابل هواسیدېک هوالی پیر عالمده بارلیگی معلوم اېمس. یازلرده کېچه‌لری پۇستینسیر یاتیب بۇلمه‌یدی. قیشده، گرچه قار اکثر کتّه توشسه‌ده، لېکن قتیق ساووغی یوق - دیر. سمرقند و تبریز هم خوش‌هوالیکده مشهور دیر، لېکن او شهرلرده قتیق ساووق بۇله‌دی.

اطرافیده تۇرت یخشی اؤلنگی بۇلیب، شرقی-شمالی طرفی سۇنکقۇرغان سیهونلیگی دیر. او کابل دن ایگی کوروه مسافه‌ده‌گی یخشی سیهونلیک. اۆتی آتگه یخشی، چیینی کم بۇله‌دی. غربی-شمالی چالاک سیهونلیگی دیر، کابل دن بیر کوروه نریده‌گی کېنگ سیهونلیک دیر، یازده چیینی آتگه عذاب بېره‌دی.

غریگه دېورین سیهونلیگی توشگن. اصلیده بو پیرده ایگی سیهونلیک بار: بیرى تېبه سیهونلیگی، ینه بیرى قۇش نادر سیهونلیگی دیر. بو حساب بیلن بېش اؤلنگ (سیهونلیک) بۇله‌دی. هر ایگی اؤلنگ کابل دن بېرار شرعی مسافه‌ده، کیچیکراق سیهونلیکلر دیر. لېکن اۆتی آتگه جوده خوشخۇر، چیینی یوق. کابل سیهونلیکلری ایچیده بوندە سیهونلیک باشقه پیرده یوق.

شرقی سیاه‌سنگ (قاره‌تاش) سیهونلیگی دیر. چرمگران دروازه‌سی بیلن بو سیهونلیکنی

قوتلوق قەدىمىنىڭ قەبرىستانى توتىتىرىدى. يازلىرى چىيىنى كۆپ بۇلگىنى باغىش بولسىمۇ ئىكەن دە چارۋانى كەم قۇرىدىلار. بولسىمۇ ئىكەن توتىش كەمى سىمۇنىلىكى ھەم بار. اوشۇبۇ ھىساب بىلەن كابل اطرافىدە ئالتى سىمۇنىلىك بۇلدى، لېكىن تۇرت اوتلاق مەشھۇر دىر.

كابل ولايتى مەستەكەم بېرىك ولايت دىر. يات-يانىنىڭ بولالايتىگە كىرماق مەشكىل. بلەخ، قوندوز و بدەخشان بىلەن كابل ارەسىدە ھەندۇكەش تاغى يىتىگەن. بولتاغدىن يېتى يۇل آشەدى، اوچ يۇل پەنجىرىدە دىر. يوقارىراق خۇاك داۋانى دىر، اوندان قویرىراق طول، اوندان قویرىراق بازارك داۋانلىرى. بول اوچ داۋاندىن يەنجىرىق طول دىر. لېكىن يۇلى بىرآز اوزونراق دىر. آفتىدىن، شول باغىش طول (اوزون) دېگەنلەر. تۇغرىراغىدە بازارك دىر. طول و بازارك داۋانلىرى آرقەلى سىرابكە توشىلەدى. بازارك داۋانىنى سىراب اېلى پارندى قىشلاغىگە اينىگى اوچون پارندى داۋانى دېدىلەر.

ينە بىرى پروان يۇلى دىر. كەتە داۋان بىلەن پروان ارەسىدە يەنە يېتى داۋان بارلىكى اوچون ھەتتە بېچە (يېتى بالە) دېدىلەر. اندراب طرفىدىن ايگى يۇل كېلىپ، كەتە داۋانگە قۇشلىپ، ھەتتە بېچە بىلەن پروانكە كېلەدى. كۆپ مەشقىلى يۇل دىر. اوچ يۇل غۇربەندە دىر. پروان يۇلىگە يەنجىراق يۇل يىنگى يۇل داۋانى دىر. اوليان (وللىلەر) و خەنجانگە اينەدى. يەنە بىر يۇل قىچاق داۋانى دىر. اول اندراب سوۋى بىلەن قىزىل سوۋىنىڭ قۇشلىشىگە قەرب توشەدى. بول يۇل ھەم يەنجى يۇل دىر.

ينە بىر يۇل شىبىرتو داۋانى دىر. يازلىرى سوۋ كۆپەيسە، شىبىرتو داۋانىدىن آشىپ، باميان و سىغان يۇلى بىلەن، قىشلىرى آبدەرە بىلەن يورەدىلەر. قىشدە تۇرت-بېش آي بىر شىبىرتو داۋانىدىن اۋزىگە ھەمە يۇللار بېكىلەدى. بول داۋاندىن آشىپ، آبدەرە بىلەن يورەدىلەر. يازلىرى سوۋلر كۆپىگەندە ھەم بولۇلارنىڭ قىشكى ھالىتى سەقلىنىپ قالەدى. چۈنكە تگاب يۇللىرىدە سوۋلر اۋتىپ بۇلمەس درجەدە كەتە كېلەدى. تگاب بىلەن يورمەي، تاغ بىلەن يورىشنى خيال قىلسەلەر، اۋتىش قۇرقىنچلى دىر. كوزلر اوچ-تۇرت آي، قار آزەيىپ، سوۋلر كەمەيگەندە، بول يۇللردن اۋتىشنىڭ عىن پەيتى دىر. تاغلردە و تار كېچىۋولردە اۋغرى-قراقچىلەر ھەم اوچەرەب تورەدى. خراسان

اطرافىدىن كېلەدىگن يۇل قندھاردن اۋتەدى. بو يۇل تېپ-تېكىس تۇغرى يۇل دىر. بو يۇلدە داوان يۇقى.

هندوستان طرفىدىن تۇرت يۇل چىقەدى. بىر يۇل لمغانات آرقەلى اۋتەدى. بو يۇلدە خىير تاغلىرىدە كىچىكقراق داوان اوچرەيدى. يەنە بىر يۇل بنگش آرقەلى، يەنە بىر يۇل نَغَر آرقەلى، يەنە بىر يۇل فرمول آرقەلى اۋتەدى. بو يۇللردە ھەم كىچىكقراق داوانلار بار. بو يۇللار بىلەن كېلەدىگنلار سىند درياسى نىنگ اوچ كېچىگىدىن اۋتەدىلەر. نىلاب كېچىگىدىن اۋتەدىگنلار لمغانات آرقەلى كېلەدىلەر. قىشلىرى كابل درياسى بىلەن سىند درياسى نىنگ قۇشلىشىدىن يوقار يراقىدەگى سىند، كابل و سواد (سوات) دريالرىدەگى كېچىك آرقەلى اۋتەدىلەر.

مېن اكثر هندوستانگە لشكر بىلەن كېلگىنىمدە كېچىكلەر آرقەلى اۋتەدىم. كېلىپ، ابراهيمنى بېنگىپ، هندوستاننى فتح قىلگىنىمدە نىلاب كېچىگىدىن كېمە بىلەن اۋتەدىم. اوشبو كېچىكىدىن اۋزگە سىند درياسى نىنگ ھېچ يېرىدىن كېمەسىز اۋتەپ بۇلمەيدى. دىنكوت كېچىگى بىلەن اۋتەگنلار بنگش آرقەلى كېلەدىلەر. چوپارە كېچىگى بىلەن اۋتەگنلار اگر فرمول آرقەلى كېلسەلەر، غزنىگە كېلەدىلەر و اگر دشت آرقەلى بارسەلەر، قندھارگە كېتەدىلەر.

كابل ولايتىدە خىلمە-خىل قوملار بار دىر. تاغ آرهلىقلىرى و تېكىسلىكلردە توركلەر، ايماكلەر، صحرايى عربلەر، شەر و بعضى كېنتلىرىدە سارتلار استقامت قىلىشەدى. يەنە بعضى كېنتلىرى و ولايتلىرىدە پشايى، پراجى، تاجىك، بركى و افغانلار ياشەيدى. غربى تاغلىرىدە ھزارە و نكدريلر ياشەيدىلەر. بولر نىنگ آرسىدە بعضىلرى مۇغول تىلىدە گېلىشەشەدى. شرقى-شمالى طرفىدەگى كئور و گېرك سىنگرى تاغلار كافرىستان دىر، جَنوبى اېسە افغانىستان دىر.

كابل ولايتىدە اۋن بىر-اۋن ايگى تىلدە سۆزلىشەدىلەر: عربى، فارسى، توركى، مۇغولى، ھندى، افغانى، پشايى، گېرى، بركى، لمغانى. بىرلار ولايتىدە بونچەلىك خىلمە-خىل قوم و ھەرتورلى تىللردە سۆزلەشەشەلەر بارلىگى معلوم اېمس.

كابل ولايتىدە اۋن تۇرت تومن بار. سمرقند، بخارا و يەنە بو اۋلكەدەگى بىر كتە ولايت قرەماغىدەگى ولايتچەلرنى تومن دېيىدەر. اندىجان، كاشغر و اول آرهلردە اۋرچىن،

هندوستان ده اېسه پرگنه دېدیلر. گرچه باجور، سواد، پرشاور و هَشَنَغَر بورون کابل گه تابع بولسه-ده، اوشبو يیلده افغان قومی باسقينلری سببلی بعضیسی ترقه لیب، بعضیسی افغانلرگه قوشیلیب کېتگن. ولايتليگی قالمه گن.

شرقی لمغانات ولايتی دیر. بو ولايت بېش تومن و ايگي بولوک دیر (تومندن کيچيکراق کېنت). لمغان تومنلريدن کته راغی نينگنهار، بعضی تاريخلرده نگرهار دېب يا زيشه دی. قورغان بېگي اوتيره ديگن بېر آدينه پور دیر. کابل دن شرق تامانده اؤن اوچ ييغاچ يؤل دیر. نينگنهار بيلن کابل آره سی جوده يامان يؤل دیر. اوچ تورت پيرده کيچيکراق-کيچيکراق داوانلری، ايگي-اوچ پيرده تار دره لری بار. خيريلجي و برچه يؤل تۇسر قراقچيلر افغانلر دیر. بو پيرلرده اېل يشه مس، يۇلتۇسرلر کۇپ، آبادانچيلیک يۇق اېدی. قۇروقسای نينگ اېتگی قاره تو موضعینی مېن بنياد قيلدیرديم. شوندن سۇنگ يؤل خوف-خترسيز بۇلدى.

ايسيق اقليم بيلن ساووق اقليم آره سیده گي چېگره حدود-بادام چشمه داوانی دیر. بو داوان نينگ کابل طرفیده قار ياغه دی. قۇروقسای و لمغانات طرفیده قار ياغميدی. بو داواندن توشگچ، کيشی اؤزگه بېر عالمگه دوچ کېلگندېک بۇله دی: درختلر اؤزگچه، اوتلر اؤزگچه، جانوارلر اؤزگچه، اېل نينگ رسم و رسموی اؤزگچه.

نينگنهار تومنيده تۇقیزته ساي بار. شالیسی و بوغدايي يخشی بۇله دی. نارنجی، تورونجی و اناری کۇپ، يخشی يېتيله دی.

آدينه پور قۇرغانی نينگ آلدیده، جنوب طرفه گي بېر بلندليکده تۇقیز يوز اؤن تۇرتينچی (۱۵۰۸) يیلى بېر چارباغ سالديم. او باغ وفا دېب ناملنگن، سايگه توتش؛ ساي قۇرغان بيلن باغ آره سیده دیر: نارنجی، تورونجی و اناری کۇپ بۇله دی. بهارخاننی بېنگيب لاهور و ديپالپورنی آلگن ييليم کېله کېلتيريب اېکتيرگنديم، کوکرگن اېدی. اوندن بورونگی يیلى شکرقمیش هم اېککن اېدیلر، شکرقمیشلر يخشی بۇلگندی. بدخشان و بخاراگه او شکرقمیشلردن يوباريلگن اېدی. يېری بلند، آفر سووی متصل، هوا سی قیش پیتی معتدل، باغ نينگ اؤرته سیده بېر کيچيکراق تېپه ليک يسته نگن؛ بېر تېگيرمان سووی بو باغ نينگ

اۋرتەسیدن و باغ‌نینگ ایچیدەگی تېپەلیک‌نینگ اوستیدن ھمیشە آقیب تورەدی. باغ اۋرتەسیدەگی چارچمن (تۆرت‌بورچک گۈلزار) شو تېپەلیک اوستیدە برپا ایتیلگن. باغ‌نینگ غربی جنوبی طرفی دە اۋنگە اۋن اۋلچاویدەگی حوض، اطرافى بوتونلەى نارنج درختلىرى دیر؛ انار درختلىرى ھم بار. بو حوض‌نینگ تېورەك-قىرغاقلىرى بە تمام سەبرگەزار دیر. باغ‌نینگ اېنگ سۆلیم یېرى اوشبو دیر. نارنجلر سرغەیگن محلى كۆپ یخشى كۆرىنەدی؛ خیلە یخشى باغ بنیاد تاپدی.

كۈەسفید نینگنھارنینگ جنوبیدە یستەنگن بۇلیب، بنگش بیلن نینگنھار اوشبو تاققە توتشەدی. آتلیققە یۈل یۇق دیر. بو تاغدن توقیز ساي چیقەدی. تاغده قار ھرگز كمەیمەیدی. شوباعثدن بۇلسە كېرەك، كۈەسفید-آق تاغ دېیدیلر. قویى اۋتلاققە ھېچ قار توشمەیدی. آرەلیق مسافە یریم كونلیك یۈل دیر. بو تاغ اېتگیدە یخشى ھوالی یېرلر بار. سوولری ساووق، موزگە ھېچ احتیاج بولمەیدی.

آدینەپور قۇرغانی نینگ جنوب طرفی سرخروود (قیزیلسای) سایی دیر. قۇرغان تېپەسیدە بنیاد تاپگن، ساي تامانی قیرق-اېلیك قری تیک تاغ دیر. شمالیدە بیر پرچە تاغ بۇلیب، خیلە مستحکم قۇرغان دیر. بو تاغ نینگنھار بیلن لمغانات‌نینگ آره‌سیدە. قچان کابل‌ده قار یاغسە، بو تاغ چۇقیسیگە قار توشەدی. لمغان اېلی کابل‌ده قار یاققینی شوندن بیلەدیلر. بو کابل‌دن لمغانات‌گە کېلەدیگن یۈل. اگر قۇروقسای بیلن کېلینسە، بیر یۈل دیری داوانیدن آشیب، بولان‌ده باران دریاسیدن اۋتیب لمغانات‌گە بارەدی. ینە بیر یۈل قۇروقسای‌دن پستدە قۇرەتودن اۋتیب اولوغ نوردن باران دریاسی آرقەلی بادپېچ (قویون) داوانیدن آشە لمغان‌گە یېتەدی. اگر نیجراو بیلن کېلسەلر، بدرآودن، سۇنگ قرمنگریق‌دن اۋتیب بادپېچ داوانیگە بارەدی.

لمغان‌نینگ بېش تومنیدن بیرى نینگنھار بۇلسە-دە، لېکن لمغانات‌نى اوچ تومنگە نسبت بېرەدیلر. او اوچ تومندن بیرى الیشنگ تومنى دیر. شمالیدە ھندوکش تاغیگە توتش قارلیک یوکسک بېرک تاغلر بار. بو تاغ اھالیسی تماماً کافرستان دیر. الیشنگ‌گە یقینراق کافرلر یورتی میل دیر. الیشنگ سایی میل‌دن چیقەدی. حضرت نوح پیغمبر‌نینگ آتەسى مەھترلام‌نینگ

قبرى اليشنگ تومنيده دير. بعضى تاريخ كتابلريده مهترلامنى لامك (لامكان) هم دېگنلر. بو اېل تيليىنى ملاحظه قىلىپ كورسك، بعضى پيت "ك" (كاف) تاووشى اورنيگه "غ" (غين) تلفظ قيله ديلر. شو باعثدن بۇلسه كېرەككە، بو ولايتتى لمغان دېگنلر.

ينه بير تومنى الينگار دير. الينگارگه يقينراق كافرستان كور دير. الينگار سايى كوردن چيقيده. بو ايگى سوو اليشنگ بيلن الينگاردن اؤتيب، بير-بيرگه قۇشيليپ، منديراور تومنيدين قوييراقده باران درياسىگه قۇشيله دي.

او ايگى موضعدن بيرى دره ي نور دير. اوخششى يۇق بير منزل بنياد تاپگن. قۇرغانى دره نينگ آلدىنگى قسמידه بير تومشوقسيما قايه نينگ اوستيده قوريلگن كە، ايگى طرفى ساي دير. شالى پايه سى كۇپ، يۇلسيز يوريب بۇلمه يدى. نارنج، تورونج و باشقه ايسيق اقليم مېوه لرى پيئيله دي. بير آز خرما درختلى هم اوچره يدى. قۇرغان نينگ ايگى طرفيده گى ساي ياقه لرى تماماً درختلىر دير؛ كۇپراغى املوك درختى دير. بو مېوه نى بعضى توركلر قاره ييميش ديديلر. او دره ي نوره كۇپ بۇله دي، باشقه پيرده بو مېوه اوچره مه دي. اوزومى بوتونله ي درختلىر اوستيده دير. لمغاناتده دره ي نور شرابى مشهور. ايگى نوع شراب بۇله دي: اژه تاشى و اېگاو تاشى ديديلر. اژه تاشى سرغيش دير؛ اېگاو تاشى خوشرنگ قىپ-قىزىل بۇله دي، لېكن اژه تاشى كۇپراق كيف پيره دي. بيراق ايگله سى نينگ كيفى هم شهرتلىچه اېمس.

يوقارى سَر دره لريده ميمون بۇله دي، بوندن قوبى- هندوستان سَرى هم ميمون بار، بوندن يوقاريده بۇلمه يدى. بو اېل بورون چۇچقه سقلر اېدى، بيز نينگ زمانده برطرف قيلدى.

ينه بير تومن كتر و نورگيل دير. بو تومن لمغاناتدن باشقه چهراق بنياد تاپگن دير. كافرستان نينگ ايچيدن ولايت سرحدى اؤتگن. كته ليگى لمغان تومنلريچه بۇلسه ده، لېكن مالى كم، ساليقنى آزاراق بېره ديلر. چغانسراي درياسى شرقى-شمالى طرفدن كافرستان نينگ ايچى بيلن كېلىپ، بو ولايت نينگ آره سيدن اؤتيب، كامه موضعده باران درياسىگه قۇشيليپ، شرقه قهره آقه دي. نورگيل بو دريانينگ غرب طرفى دير، كتر شرق طرفى. مير سيدعلى همدانى رحمة الله عليه سياحت قىلىپ كېلىپ، كتردن بير شرعى يوقاريراقده وفات

اېتىگنلر. مريدلرى بو يېردن ختلانگه اېلتىدىلر. عالمدين كۆز يومگن يېرلىرى حاضر بير مزار بۇلىپ قالگن. ۹۲۵ (۱۵۱۹) يىلى كېلىپ چغانسراينى آلگنيمده، بو جايىنى طواف قىلىپ اېدىم. نارنج، تورونج و گوروچى كۆپ بۇلەدى. اچچىق چاغىرلرنى كافرىستاندن كېلتىرەدىلر.

بو اېل قىزىق بير اودومدىن روايت قىلدىلر، بو عقلگه سىغمىدى. بيراق بوخبر كۆپ مراتبه اېشيتىلدى: بو تومنينگ قوينى تامانىنى لمتە كندى دېيدى. اوندىن پستى درەى نور و آترگه تعلقلى دير. اوشبو لمتە كندى دن يوقارىسى تاماماً تاغلىك جايلىر، كىر، نورگىل، بجور، سواد و اوشه اطرافده شوندهى رسم عمل قىلەدى: بيرار خاتىن اۇلسه، اونى زمبىل سيمان ياغاچ سۇرىگه سالىپ، تۇرت طرفىدن تۇرت كىشى كۆترەدى. اگر عمرىده يامان ايش قىلمەگن بۇلسه، اۇلىك حركتلىپ، بو كۆترگنلرنى بېخاسدىن تىترەتىپ يوبارەدى. بو شونچەلىك بۇلەدى كە، كۆترگنلر اۇزلرىنى اوستەلىك بىلن سقلەسەلر، اۇلىك سۇرىدن توشەدى. اگر يامان ايش قىلگن بۇلسه، حركت قىلمەيدى قىمىرلەمەيدى. بونى يالغىز بو اېلدىن گىنە اېشىتمەدىك. بجور، سواد و برچە تاغلىك مسكنلر اېلى بير آوازىدن شو واقعه نى روايت قىلدىلر. بجورنىنگ سولطانى حيدر على بجورى او ولايتنى خىلە يخشى ضبط قىلدى. او آنەسى اۇلگىندە يىغلمەگن، عزا توتمەگن، قارە كىيمەگن. «بارىنگ، آنەمنى سۇرىگه سالىنگ، اگر حركت قىلمەسە- كويدىرەمن»، دېگن. سۇرىگە سالەدىلر، عادىتى حركت او اۇلىكدن صادر بۇلەدى. بونى اېشيتگىچ، قارە كىيىپ، عزا توتەدى.

ىنە بير موضع چغانسراى دير، بير كېنت دير، ناچارگىنە بير پېر، كافرىستاننىنگ باشلىنىشىده دير. اېلى كافرلر بىلن ارەلش بولگنى اوچون، مسلمان بۇلسەلر-ده، كافرلر رسمىگه عمل قىلەدىلر. چغانسراى درياسى نامى بىلن مشهور بۇلگن كتە نهر چغانسراىنىنگ شرقى شىمالىدن و بجورنىنگ آرقە طرفىدن آقىپ كېلەدى. غرب طرفىده پىچ ناملى كافرىستان كېنتىدن ىنە بير كىچىكقراق ساي كېلىپ، بو سووگە قۇشيلهدى. چغانسراىنىنگ سرغىش اچچىق چاغىرلى بۇلەدى. اونىنگ درەى نور چاغىرىگە هېچ نسبىتى يۇق دير. اۇزىنىنگ اوزومى و باغى يۇق. دريا يوقارىسىده گى كافرىستاندن و پىچ ناملى

كافرستان دن كېلتيره ديلر. مېن چغانسراي نى آلگنيمده پيچ كافرلرى بو اېلگه كۆمككه كېلىپ اېدى. چاغير بونده شونده ي رسم دېركه، هر كافرنينگ بۇينده بير مېش چاغير بۇلردى. سوو اۋرنيگه شراب ايچيب يوريشه دى.

گرچه كامه مستقل يېر بۇلمەي، نينگنهارگه تابع بۇلسەدە، اونى هم علاحيده موضع حسابله يديلر.

ينه بيرى نيجراو تومنى دير. كابل نينگ شرقى-شماليده گى تاغليك مسكن. آرقه سيدة گى تاغلر نينگ همه سى كافرستان دير عجيب بير گۆشه. اوزوم و مېوه سى كۆپ، شرابى هم كۆپ بۇله دى. بيراق قينه تمه قيله ديلر. قيش موسمى تاووقنى كۆپ پرورش قيله ديلر. اېلى شرابخۇر، بې نماز، قورقمس و كافر طبيعت اېل دير. تاغلريده ناجو (صنوبر)، چيلغۇزه، بلوت و خنجك درختلىرى كۆپ اوچره يدى. ناجو، چيلغۇزه و بلوت درختى بوندىن قوييده اۋسە دى. نيجراودن يوقاريدە اصلا بۇلمە يدى. بولر هندوستان درختلىرىدىن دير. بو تاغليكلىرى اېلى نينگ چيراقلىرى فقط چيلغۇزه^۸ ياغاچيدىن دير، شمع دېك يانه دى، جوده غرايب.

نيجراو تاغلريده اوچر تولكى بۇله دى. اوچر تولكى بير جانواركه، موشوكدن كتھ راق، ايگى قۇلى و ايگى بوتى نينگ آرسيدة كۆرشپلك قناتيدېك پرده سى بار. دايم مېنگه كېلتيريشر اېدى. درختدن-درختگه پستگه تامان بير كمان اۋقى آتيمىگه اوچە دى، دېيشه دى. مېن اۋزيم اوچگننى كۆرمە ديم. درختگه قۇيدىك، چقان تير مېش چيقدى، اوندىن قولە ديلر، قناتىنى يايىپ، اوچگندېك اېتىپ، بې آزار يېرگه توشدى. بو تاغلرده لۇچه قوشى هم اوچره يدى. بو قوشنى بوقلمون دېيديلر. باشيدن قويروغى گچه بېش-آلتى خيل رنگى بار. بۇينى كېترينگ بۇينيدېك، كتھ ليگى تاغ ككليگيچه كېلە دى، آفتيدن هندوستان تاغ ككليگى دير. او اېل قيزيق نرسە نى روايت قىلديلر: قيش بۇلگچ، بو قوش تاغ اېتكلىرىگه توشە دى، اگر اوچيرسەلر، اوزومزار دن اۋتسە، قيتيب اصلا اوچالمە يدى، توتيب آلە ديلر. ينه

۸. چيلغۇزه: جلغوزه

بىر سىچقان نىجراۋدە بۇلر اېكن. اۈنى "مۇشكىن سىچقان" دېدىلر. اۈندىن مۇشك ھىدى كېلر مېش. اۈنى مېن ھىلىگچە كۇرمەدېم.

ىنە بىرى پىنجشېر تۈمنى دىر. يۇل اۈستىدە جايلىشكن. كافرىستان اۈنگە جۈدە يقىن دىر. يۇلتۇس قراقچىلر پىنجشېردىن اۋتەدىلر. كافرلرگە يقىن بۇلگىنى اۈچۈن پىنجشېردىن ھىم اولوش آلېشەدى. مېن بو نوبت كېلىپ ھىندۈستاننى فتح اېتگىندە، كافرلر كېلىپ پىنجشېردە انچە كىشىنى اۋلدىرىپ، كۇپ خرابلىكلر قىلىشىپتى.

ىنە بىرى غۇربىند تۈمنى دىر، اۈ ولايتلردە داۋاننى بىند دېدىلر. غۇرگە بو داۋان ارقەلى بارەدىلر. اۋتېدىن شو سېلى غۇربىند دېگىنلر. درەنىنگ باش قىسملرىنى ھزارەلر اېگىللىك آلېشكن. بىر نېچە كېنتلر كىم حاصلراق دىر. غۇربىند تاغلرىدە كوموش كانى و لاجورد كانى بۇلەدى، دېيىشەدى.

ىنە تاغ اېتگى كېنتلر بۇلىپ، باشى مېتكەچە، پروان، پىستى-دۇنامە، اۋن اىگى-اۋن اۈچ كېنت دىر؛ مېۋەلى كېنتلر دىر، شرابلىرى كىف بېروۈچى دىر. بو آرەدە خۈاجە خان سەيدىنىنگ شرابلىرى ھەمەسىدن اچىقراق. بو كېنتلر بە تمام تاغ اېتگىدە و تاغەدە جايلىشگىنى اۈچۈن مال سالىقلىرىنى تۇلب تورسەلدە، لېكن خىرچە، استعمالدە، پۇل مەاملەسىدە يىخى اېمىسلر.

بو كېنتلردىن قۈيى تاغ اېتگىدە تاغ بىلەن باران درياسى آرەلىغىدە اىگى پىرچە تېكىس دىشت بار. بىرىنى كۇرە تازىان (غۇرلر خۈتىگى^۹)، ىنە بىرىنى دىشت شېخ دېيىشەدى. يازلر چىكىن تالە اۋتى كۇپ يىخى بۇلەدى. توركلر و اىماقلر يازدە بو پىرگە كېلەدىلر. بو تاغ اېتكلرىدە رىنگ-بىرنگ ھىر خىل نۈعلى لالەلر اۋسەدى. بىر مراتبە سىنەتتىم: اۋتېز اىگى-اۋتېز اۈچ نۈع بىر-بىرىگە اۋخىشەمس لالە چىقدى. بىر نۈع لالە بۇلەدى كە، اۈندىن بىر اۋزىل گۈل نىنگ ھىدى كېلەدى، اۈنى لالەى گۈلبۈى (گۈل ھىدىلى لالە) دېر اېدىك. اۈ دىشت شېخدە بىر پىرچە گىنە پىردە اۈچرەيدى، اۈزگە پىردە بۇلمەيدى. ىنە اۈشبو اېتكىدە، پرواندىن قۈيىراقىدە سىدىرگ لالە

۹- خۈتىك - اېشكىنىنگ بالەسى؛ ياش اېشكى.

آچيله دى. او هم بير پرچه يبرده، غۇربند تاردەرنىڭ چىقىشىدا ۋەسەدى.

بو ايگى دشت نىڭ آرسىدە بير كىچىكراق تاغ قد كۆترگن. بو تاغدا بير پرچه قوم اويولگن، تاغ باشىدن توبىگە چە خواجه رېگ روان (يورمە قوم) دېدىلر. ايتىشلىرىچە، يازلىرى بو قومدن ناغاره و دۇمبىرە آوازى كېلىرىش.

ينە كابل گە تابع كېنتلر بار. كابل نىڭ غەربى-جەنۇبىدە قارلى كۆتە تاغ توشگن. اوينىڭ قارى كېنىگى يىل قارىگە چە يېتەدى. كېنىگى يىلگە قار يېتەيدىگن يىل كەمدن-كەم بۆلەدى. كابل دە موزدانلر موزى توكەسە، شو تاغدن قار كېلتىرىپ يخاب قىلىپ ايچەدىلر. كابل دن اوچ شرعى يۇل دىر.

ينە يىرى باميان تاغى دىر. او جودە بلند تاغ. هيرمند، سىند، دوابە، قوندوز و بلخاب دريالرى شو تاغدن چىقەدى. ايتىشلىرىچە، بير كۈندە هر تۇرت دريا سوويدن ايچىش مەكەن. بو كېنتلر اساساً تاغ اېتكىلىرىدە برپا اېتىلگن. باغىدە اوزوم كۆپ بۆلەدى. مېۋەسى خىلمە-خىل هم مۇل. بو كېنتلر آرسىدە استالف و استرغىچ گە تېڭ كېلەدىگن يىرىك كېنت يوق. اولوغبېك مىرزا بو كېنتلرنى خراسان و سمرقند دېب اتر اېكن. لمغان هم بو كېنتلرگە ۋەخشەب كېتەدى. اوزومى و مېۋەسى او كېنتلرنىكىچەلىك بولمەسە، لېكن ھواسى نىڭ قىياسى يۇق. قارلى تاغ لمغان تاغى دىر.

استالف چەلىك كېنت بو يقىن آردە مەلۇم اېمس. كۆتە نەر كېنت نىڭ ايچىدن آقېب اۋتەدى. ساي نىڭ هر ايگى طرفى باغلر دىر. سىزەلىك، صفالى باغچەلىرى بار. سووى ساووق. يخابگە احتياج بۇلمس، اكثر وقت تىنىق دىر. بو كېنتدە باغ-كلان (كۆتە باغ) ناملى اولوغبېك مىرزاگە تېگىشلى باغ بار اېدى. مېن اېگەلرگە پولىنى بېرىپ آلدېم. باغدن تشقرى بلند چنارلر بار. چنارلرنىڭ آستى يم-يشىل، صفالى بير منزل دىر. باغ نىڭ اۋرتەسىدن بير تېگىرمان سوو ھمىشە آقېب تۈرەدى. بو اريق بۇيىدە باغ اۋرتەسىدە چنار و باشقە درختلر اۋسگن. بورون بو اريق اېگرى-بوگرى و كۆرىمسىز اېدى. مېنىڭ كۆرستمەم بۇيىچە، بو اريقنى توغرى رېجە يىلن كۆرىملى قىلدىلر. جودە يخشى يېر بۇلدى.

بو کبنتلردن قویراق-دشتدن بیر-بیر یریم کوروه یوقاریراقده، تاغ تویدده چشمه آقیب یاته‌دی. اونی خواجه سه‌یاران (اوچ دوست) دېب اته‌یدیلر. بو چشمه‌ده و اونینگ اطرافیده اوچ نوع درخت اؤسگن. چشمه‌نینگ اؤرته‌سیده قلین چنار درختلری بار. لطیف سایه تشلب توره‌دی. چشمه‌نینگ ایگی طرفیده-تاغ تویدده‌گی قیرلرده قلین باشقه بلوت درختلری اؤسه‌دی. کابل نینگ غربی تاغیده اوشبو ایگی بؤلک بلوتزاردن باشقه جایده بلوت درختی اصلا اوچره‌مه‌یدی. چشمه‌نینگ آلدیده، دشت طرفیده، قلین ارغوانزار یسته‌نگن. بو ولایتده شوندن اؤزگه ارغوانزار یوق. ایتیشلریچه، بو اوچ توره‌گی درخت اوچ عزیزنینگ کرامتی دیر. سه‌یاران دېب نام بېریلیشی سببینی شوندن کؤردیلر. بو چشمه‌نینگ اطرافیکه تاش تېردیردیم. چشمه‌نی گچ و ساروچ ییلن اؤنگه اؤن قری قیلیب اؤره‌تتیردیم. چشمه‌نینگ تورت تامانی کؤریملی و نشیمن مسکن بؤلدی؛ او بوتونله‌ی ارغوانزارگه توتشیب کپتگندی. ارغوان گؤللگن چاغی عالمده بونده‌ی عجایب یېر باشقه تاپیلمسدی. سریق ارغوانی هم کوپ بؤله‌دی. سریق ارغوان بیلن قیزیل ارغوان تاغ اېتکلریده چمن بؤلیب آچیلده‌دی. بو چشمه‌نینگ غربی-جنوبی طرفیده بیر دره‌دن همیشه یریم تېگیرمان سوو آقیب یاته‌دی. اریق قؤدیریپ، بو سسونی سه‌یاران دشتی نینگ غربی-جنوب طرفیده‌گی تېپه‌لیک اوستیکه کپلتیرغیزدیم. تېپه‌لیک اوستیده کتّه ایلنه صوفه سالدیردیم. صوفه‌نینگ اطرافیکه تماماً تال درختلری اېکیلدی. جوده یخشی منزل بؤلدی. بو صوفه‌دن یوقاریراق-تېپه‌لیک یانینی اوزومزار قیلدیردیم. اوشبو اریق نینگ بو بېرگه کپلتیریلیش ییلی تاریخ اصولیده "جؤی خوش" (یخشی اریق) سؤزلری حسابیدن (۹۲۵) تاپیلدی.

ینه بیرى لھوگر تومنی دیر. کتّه کبنتی چرخ دیر. حضرت ملا یعقوب قدس سره (سرلری مقدس بؤلسین) منه شو چرخ‌دن. ملازاده‌ی ملا عثمان هم چرخلیک دیر. سجاوند هم لھوگر کبنتلریدن دیر. خواجه احمد و خواجه یونس سجاوندن دیرلر. چرخ‌نینگ باغلری جوده کوپ. لھوگر نینگ باشقه کبنتلریده باغ بؤلمه‌یدی. اوغانشال اېل دیر. کابل ده شو سؤز رسم دیر. چمه‌سی بو سؤز «افغان شعار» بؤلگن بؤلسه کپره‌ک که، "اوغانشال" دېیشگن.

ينه بيرى غزنى ولايتى دىر. بعضيلر تومن هم ديدىلر. سبكتېگين بيلن سلطان محمودنينگ همده اولادى نينگ پايتختى غزنى بولگن اېكن. بعضيلر غزنىن طرزىده هم يازهدىلر. سلطان شهاب الدين غوري هم شو بېرنى اوزىگه پايتخت قىلگن اېكن. سلطان شهاب الديننى "طبقات ناصري" كىتابىده و بعضى هند تارىخىده معزالدين (ديننى اعزازلا وچى) دېب يازگنلر. غزنى اوچىنچى اقليمدە دىر. اونى زابل هم ديدىلر. زابلستان شو ولايتگه تېگىشلى. بعضيلر قندهارنى هم زابلستانگه كىرەدى، دېب حسابله گنلر. غزنى كابل دن غربگه تامان اۋن تۇرت يىغاچ يۇل دىر. بو يۇل بيلن بير نېچە مراتبه تانگ باشىده غزنى دن جۇن، ايگى نماز آرهسى و نمازدىگرده كابل گه يېتىپ بارىلگن اېدى. آدينه پور اۋن اوچ يىغاچلىك يۇلده بۇلسە هم يۇل نينگ يامانلىگىدن بير كوندە يېتىپ بۇلمەيدى. كم حاصلراق ولايت دىر. نهرىده تۇرت-بېش تېگىرمان سووى بۇلەدى. غزنى شەرى و ينه تۇرت-بېش كېنتى اوشبو سوو بيلن آبادان دىر. ينه اوچ-تۇرت كېنتى كارىز بيلن سوغارىلەدى. كابل اوزومىدن غزنى اوزومى يخشىراق بۇلەدى. قاوونى هم كابل قاوونىدن افضلراق. آلەمەسى هم يخشى بۇلەدى. اونى هندوستانگه اېلتردىلر. اېكىن يېتىشتىرىش جوده سېر مشقت دىر. اېكىن اېكىش آلدىدن هر يىلى يېرگە بوتونلەى ينگى توپراق سالەدىلر. لېكن بو يېرنىنگ كابل اېكىنىدن حاصلى آرتىقراق بۇلەدى. رۋىن^{۱۰} اېكەدىلر. حاصلى بوتونلەى هندوستانگه كېتەدى. بو اېل نينگ يخشى حاصلى رۋىن دىر.

هزاره و افغانلر صحرا-دشتده يشەيدىلر. كابل گه قرەگندە غزنى دە هميشە ارزانچىلىك دىر. اېلى حنفى مذهبلى، پاكىزه اعتقادلى مسلمان اېل دىر. اوچ آى رۋزە توتەدىگن اېلتى هم انچه گينه. عياللىرى حجابده و ياپىنگن دىرلر.

۱۰- رۋىن. كۆپ يىللىك اۋسىملىك بۇلىب، بۋى ۳۰-۱۵۰ سانتىمترگە يېتەدىگن ايلديزپايەسى سۈدرەلىب اۋسۈوچى شاخلىنغن سىلندرسىمان يۇغان بۇغىملى اۋت دىر. اۋنىنگ تركىبىده هر خىل كىمياۋى مادەلر بۇلگنى باعث، داروسازلىك صنعتىده خام اشيە صفتىده استفاده قىلىنەدى. حاضر رۋىن(رۋىنگ) نينگ ايلديزىنى قىنەتەب قالين اېپلىرىنى بۇيەيدىلر، او قىزغىش، اېت رنگى بۇياققە اېگەدىر.(ت.بهايبى)

ملا عبدالرحمان غزنى نىنگ اولوغلىرىدىن اېدى. دانشمند كىشى اېدى، هميشه درس ايتردى. جوده دىندار، تقوادر و پرهيزكار كىشى اېدى. ناصر ميرزا اولگن يىلى او هم عالمىدىن اؤتدى.

سلطان محمودنىنگ قبرى غزنى محله لرى آره سىده. سلطان قبرى اونده بولگنى اوچون روضه دېرلر. غزنى نىنگ يىخسى اوزومى روضه دن دىر. اولادى سلطان مسعود بىلن سلطان ابراهيم نىنگ قبرى هم غزنى ده دىر. غزنى ده تبرك مزارلر كؤپ دىر.

كابل و غزنى نى آلگن يىلیم كؤهت، بنو، دشت و افغانستان گه يوريش قىلىپ، كؤپ كىشىلرنى قتل قىلىپ، دوكى بىلن اؤتیب، آب ايستاده نىنگ يانى بىلن غزنى گه كېلگنىمده، غزنى نىنگ كېنتلریده بىر مزار باردوركه، صلوات ايتىلگچ، قبر حركتگه كېلهدى، دېب ايتدىلر. بارىپ كۆردىك. قېرىنىنگ تېرەنگىنى سېزىلدى. سؤنگره معلوم بۇلدى كه، بو حال قېر خدمتچىلرى نىنگ حيله لرى اېكن. قېرىنىنگ اوستىگه ارقان تارتىپ، اوستىگه دېوارسىمان قىلىپ متاع تشلب قۇيىلگن. هر زمان ارقان قىمىرلىتىلسه، متاع تېرەنگىنى اوچون آستىده گى قېر قىمىرله گندېك تويوله دى. بو خودى كېمه گه كىر مه گن كىشى كېمه گه اؤتيرسه ساحل تېرەنگندېك بۇلىپ تويولىشىگه اؤخشەيدى. خدمتچىلرنى قېردن يىراق توريشگه بويوردىم. بىر نېچه مراتب صلوات ايتگنلریده هم قېرده بىرارحركت سېزىلمەدى. بويوردىم كه، ارقان و متاعنى آلىپ تشلب، قېرىنىنگ اوستىگه گنبد قىلدىلر. قېر خدمتچىلرى نىنگ اولگى ايشلرى تهديد بيله منع اېتىلدى.

غزنى- جوده كم حاصل يېر. هندوستان و خراسان نى اؤز ضبطلریده توتگن پادشاهلرنى نېگه بونده ي ناچار غزنى نى پايتخت قىلگنلىكلرگه هميش تعجب قىلىنه دى. سلطان محمود زمانیده اوچ-تۆرت تۇغان بۇلگن اېكن. بىر تۇغان اوشبو غزنى درياسىده. غزنى دن شمال سرى اوچ يىغاچ يوقارىراقدن سلطان بىر كته تۇغان سالىبدى. بو تۇغان نىنگ بلندلىگى قىرق-اېلىك قرى، اوزونلىگى تخمىناً اوچ يوز قرى كېله دى. سوونى اونده ذخيره قىلىپ سقلىپ، احتياجگه يره شه اېكىنگه آچر اېكنلر.

علاءالدين جەھانسۇز غۇرى بولايىتىنى اېگىللەگىدە اوشبو تۇغاننى بوزىب سلطان اولادى نىنگ كۆپ قىرلىرىنى كويدىرىپتى. غزنى شەرىنى بوزىپتى و كويدىرىپتى. اېلىنى تلىپتى، اولدىرىپتى. قۇلىدىن كېلگىچە قتل و بوزوقچىلى قىلىپتى. اۋشندىن بېرى بو تۇغان بوزوق دىر. ھندوستان فتح قىلىنگىن يىلى بو تۇغاننى تىكلش اوچون خواجە كلان گە مېلغ يوبارىلدى. تىنگرى عىنايتىدە اميد باركە، بو تۇغان آباد بۇلەدى.

ينە يىرى بىند سىيخ دىر (سىيخ تۇغانى). غزنى نىنگ شىرقىدە، بو ھم غزنى دىن ايگى-اوچ يىغاچ مسافەدە. او ھم اوزاق مدتلىرىدىن بويان خراب دىر. آباد قىلىنەدىگىن قابىلىتى ھم يۇق. يىنە يىرى سىردە (قىشلاقباشى) تۇغانى دىر. بو تۇغان آباد دىر.

كىتابلىرىدە يىتىدىلەرگە، غزنى دە يىر چىشمە بار، اگر نجاست و افلاسلىكلرنى بو چىشمەگە سالىسەلەر، اۋشە زھاتى تۇپالان و تۇفان، ياغىن و جلە باشلىرىش. يىنە يىر تارىخى ائىردە كۆرىلىدىكى، ھىند رايى (شاھى) سىبكتېگىننى غزنىدە قىلگىنىدە، سىبكتېگىننىنگ بو يىرىغى بىلەن بو چىشمەگە نجاست بىلەن افلاس نىسەلرنى سالىدىلەر. تۇپالان و تۇفان، ياغىن و جلە باشلىنىدى. اوشبو حىلە بىلەن او غنىم نى دفع قىلەدى. مېن غزنى دە كۆپ سۆرەب سورىشتىردىم، بو چىشمەدىن ھېچ كىم يىرار درك بېرمەدى. بو ولايتلىرىدە غزنى و خوارزم ساووقلىگى بىلەن مشھور دىر. عراقىن (ايگى عراق) و آذربايجان دە سلطانىيە ھەمدە تېرىز ھم ساووغى بىلەن شەرت قازانگىن.

ينە يىرى زورمت تومنى دىر. كابل نىنگ جەنۇبى طرفىدە. غزنى نىنگ شىرقى-جەنۇبى كابل دىن اۋن ايگى-اۋن اوچ يىغاچ و غزنى دىن يىتى-سىگىز يىغاچلىك يۇل؛ سىگىز كېتىدىن عبارت دىر. قۇرغان بېگى اۋتيرەدىگىن يىرى گىردىز دىر. گىردىز قۇرغانى نىنگ ايچىدە اكشرا اويلىر اوچ قېتلى و تۇرت قېتلى دىر. گىردىز انچە مستحکم قۇرغان. خلقى ناصر مىرزا بىلەن ياولشىب، مىرزاگە انچە تشويش كېلتىردى. زورمت اېلى اوغانشال اېل دىر. اېكىن و دھقانچىلىك قىلەدى، بو يىردە درخت و باغلار يۇق. بو تومنى نىنگ جەنۇبىدە يىر تاغ بار، اونى بركستان تاغى دېب اتەيدىلەر. بو تاغ نىنگ اېتىگىدە بلندىراق يىردە چىشمە چىققىن. شىخ محمد مىسلمان نىنگ قېرى شو يىردە.

ينه بىرى فرمول تومنى دىر. كم حاصل يىر. آلمه سى يامان بۇلمه يدى. اونسى مۇلتان و هندوستان گه آليپ باره ديلىر. افغان حكمدارلىرى زمانيدە هندوستان ده حرمت-اعتبارده بۇلگن شيخ محمد مسلمان نينگ اولادى شيخزاده لر فرمول دن دىر.

ينه بىرى بنگش تومنى دىر. تېوهرک-اطرافى تماماً يۇلتۇس افغانيلر دىر. چنانچه، خوگيانى، خير يلجى، تۇرى و لندر سينگرى اېلتلر شو چېگه يىرلر ده تۇخته گن. شو سبيلرگه كۇره كۇنگيل تۇلگودېك خراج تۇلمه يدىلر. قندهار، بلخ، بدخشان و هندوستان نى فتح اېتېشېك اولوغ ايشلر آره گه توشكنى باعث بنگش نى ضبط اېتېشگه فرصت بۇلمه دى. تنگرى يارله قې فرصت تاپكندە، بنگش نى يۇل تۇسر لرگه قۇشېب ضبط اېتېش نيتيده دىرمن.

كابل نينگ كته قىشلاقلرىدن بىرى آله ساي دىر. او نيجراودن ايگى-اوچ شرعى آليسدە. بو يېرگه نيجراو طرفيدن تۇپە-تۇغرى شرق سىرى يورىب كېلىنە دى. كۇره دېگن يېرگه يېتگندە آله ساي گه قره ب كيچىكراق داوان كۇترىلگن. بو ايسىق و ساووق اقليم اۋرتە سىده اولرنى اجرەتوۋچى كۇره داوانى دىر. اوشبو كۇره داوانى اېرتە بهارلر قوشلرنينگ اۋتە دىگن جايى دىر. نيجراوگه قرەشلى پېغان اېلى بو داوانده كۇپ قوش توتە دىلر. داواندن چىقىشده هر يېر-هر يېردە تاشدن پىستىر مەلر يىسە گنلر. قوش توتە دىگن كىشىلر بو پىستىر مەلر ده اۋتېرىب، تۇرنينگ يىر اوچىنى بېش-آلتى قرى اوزاقراققە محكمەلەيدىلر؛ تۇرنينگ باشقە طرفىنى يېردە گى تاشگە باستىرە دىلر. ينه بىر طرفيده تۇرنينگ يىر ميگچە اوچ-تۇرت قرى ياغاچ باغله يدىلر. ياغاچ نينگ يىر اوچى پىستىر مەدە اۋتېرگن كىشى نينگ قۇليده بۇلە دى. اولر يىسە لگن پىستىر مە تېشىكلرىدن قرەب كوتە دىلر. قوشلر يقين كېلىشى بىلن تۇرنى كۇترە دىلر. قوشلرنينگ اۋزى تورگە كىرە دى. شو يۇل بىلن كۇپ قوش توتە دىلر. شونده ي مبالغە قىلە دىلرگە، گاھا شونچەلر كۇپ قوش توتىلگنيدن، اولرنى بۇغىزلب اولگورالەيدىلر.

بو ولايتده آله ساي انارى مشهور دىر. گرچه جوده زۇر انار بۇلمسە دە، لېكن او ولايتده آله ساي انارىدن يخشىراق انار يۇق. بو يېرنينگ انارلرىنى تماماً هندوستان گە اېلتە دىلر. اوزومى هم يامان بۇلمە يدى. نيجراو شرابلرىدن آله ساي شرابلرى اچىقراق ھمدە خوشرنگراق دىر.

ينه بيرى بدراو قيشلاغى دير. آله ساي نينگ يانيدە. بو يېردە مېوہ بۆلمەيدى. دھقانى كافىر دير. دان يېتىشتيرەيدىلر. خراسان و سمرقنددە تورک (اۋزبېکلر) و ايماكلر دلە-دشتدە يشەگنلريدېک، بو ولايت نينگ دلە-دشتلريدەگيلر هزاره و افغانلر دير. هزاره لردن اپنگ اولوغى سلطان مسعود هزاره بۆلسە، افغانلردن اولوغراغى مھمند افغانى دير.

کابل نينگ برچە يېرلريدن، باج و صحراييلرى بيلن قۇشيب، سگيز يوزمينگ شاهرخى پول ييغيديلر.

کابل ولايتى نينگ شرق طرفيدەگى تاغلرى هم، غرب طرفيدەگى تاغلرى هم ايگى تورلى دير. اندراب، خۇست و بدخشانات تاغلرى ارچەليک، سپربولاق، يوشاق تېپەليکلردن عبارت تاغلر دير. تاغى نينگ قيرلرى و اۋتلاغى نينگ اۋتى بيردېک يىخشى بۆلەدى. کۇپراق بوتەکە اۋتى اۋسەدى، آت اونى يىخشى يېيدى. انديجان ولايتيدە بو اۋتنى بوتەکە اۋتى دېيديلر. اونگە قۇيىلگن نام نينگ سببى معلوم اېمس اېدى، بو ولايتلردە معلوم بۆلدى. بو اۋت بوتە-بوتە بۆليپ اۋسگنى اوچون بوتەکە دېر اېکنلر.

حصار، ختلان، سمرقند، فرغانه و مۇغولستان نينگ ييلاولرى تاماماً شونگە اۋخشش ييلاولر دير. گرچە فرغانه بيلن مۇغولستان ييلاولرىنى بويلاولرگە قياسلب بۆلمسەدە، لېکن اۋشە يۇسيندەگى تاغ و ييلاولر دير.

نيجراو، لمغانات، بجور و سواد تاغلرى ناجو و چيلغۇزە، بلوت، زيتون و خنجكزارگە سپراب تاغلردير. اۋتى بو تاغلر نينگ اۋتيدېک اېمس، قلين و بلند بۆلەدى، لېکن فايده سيز اۋتدير. آت و قۇي يىخشى يېمەيدى. او تاغلر دېک بلند اېمس، کۆزگە غريب کۆرينەدى، لېکن جودە مستحکم تاغلردير. يې-يىسى تېپەليکلر بۆليپ کۆرينەدى، لېکن تاماماً تېپەليکلرى و تاغى ييرىک تاشلى قير و تاغدير، همە يېردن آت بيلن يوريب بۆلمەيدى. بو تاغلردە هندوستان قوشلرى، جانوارلرى، چنانچە، تۇتى، شارک، طاووس، لۇچە، ميمون، نيله گاو و کۆتەپاي کۆپ اوچرەيدى. بو ايتىلگن جانوارلردن باشقە تورلى قوش و جانوارلر هم بارکە، اوندى جانوارلر هندوستاندە هم يۇق.

غرب طرفىدەگى درەى زىندان (زىنداندرە)، درەى صۇف، گىزىوان و غىرجىستان تاغلىرى بىر- بىرىگە اۇخشاش تاغلىرى دىر. اۇتلاغى اكثر سىھونلىكلرىدە بۇلەدى. او تاغلىرىدە گىدېك تاغ و قىرىدە بىر خىل اۋت اۋسمەيدى. اوندەى قلىن درختلىرى و ارچەسى ھىم يۇق دىر. لېكىن اۋتى آت و قۇيگە يېگۈلىك دىر.

بو تاغلىرىنىڭ اوستى بە تمام آت چاپتىرگۈدېك تېكىس، اپكىنلىرى بوتونلەى اۋشە پىردە بىتەدى. بو تاغلىرىدە كىيك كۆپ بۇلەدى. سوللىرى درەلر آستىدن آفەدى، اكثر پىرلىرى بىر بوتون. ھىر قە پىردن پستگە توشىب بۇلمەيدى. قىزىغى شونىدەكە، بىرچە تاغلىرىنىڭ بىر ك جايلىرى بىلدىلىكلردە بۇلسە، بو تاغلىرىنىڭ بىر ك پىرلىرى پستلىكلرىدە دىر. غۇر، غىزنى و ھىزارە تاغلىرى ھىم شو يۇسىندەگى تاغلىرى دىر، اۇتلاغى سىھونلىگىدە بۇلەدى. تاغلىرىدە درختى ھىم آز دىر. ارچە درختى يۇق. اۋتى آت و قۇيگە بېشىلى. كىيگى كۆپ. ذكر اپتىلگن تاغلىرىنىڭ بىر ك پىرلىرى قويىلىرىدە بۇلەدى، بو تاغلىرى اوندەى اپمس دىر.

ينە خواجه اسماعىل، دشت، دوكى و افغانستان تاغلىرى ھىم بىر-بىرىگە اۇخشاش تاغلىرى دىر. پست-پست، اۋتى آز، سوللىرى تىقىص، درختسىز، كۆرىمسىز، ناباب تاغلىرى دىر. تاغلىرى اپللىرىگە ماس توشگن، زېرا: "تېنگ بۇلمەگونچە، تۇش بۇلمس"، دېگنلىرى. عالمىدە بونىدەى خونىك، كۆرىمسىز تاغلىرى كىم بۇلەدى.

كابل دە قىش قارى كتە توشسەدە، يىخشى اۋتىنلىرى بار دىر و يقىن دىر؛ بىر كۈندە بارىب كېلتىرسە بۇلەدى. خىنجك، بلوت، بادامچە و قىر قىند درختلىرىدن اۋتىن قىلىنەدى. بولدىن يىخشىراغى خىنجك دىر: ياروغ يانەدى (توتونىنىڭ يىخشى ھىدى بۇلور، چۇغى ھىم كۆپ مدت اۋچمەيدى)، ھۇلى ھىم يانە وېرەدى. بلوت ھىم يىخشى اۋتىن دىر. سىستراق يانەدە، لېكىن يىخشى ايسىتەدى، چۇغى ھىم اوزاق تورەدى. بلوت درختىنىڭ يىنە عىجاب بىر خاصىتى بار: يىشىل پىراقلى شاخلىرىگە اۋت قۇيسەلر، عىجبىب بىر تاووش بىلن يانەدى. پستىدن تېپەسىگچە چىرس-چىرس اپتىب، بىر لىحظەدە يانەدى. بو درختىنىڭ يانىشى جودە يىخشى تماشى دىر. بادامچە بىرچەسىدن كۆپراق ايشىلتىلەدى، چۇغى اوزاق تورمەيدى. قىر قىند

پست-پست تيكنلر دير، ھۇل و قوروغى تېنگ يانەدى. غزنى اېلى نىنگ اۋتىنى شۇ دير.

كابل ولايتى تاغ آرەلریدە بنياد بۇلگن. تاغلر يونغىچقە پال لريدېك يىستىگن، آرەلر تېكىسلىك دير. جىلگەلر آقېب تورهدى. اكثر قىشلاقلىرىدە گى آبادانلىكلر شو آرەلىقدە. كىيگى و آو قوشى كۇپ اېمس. كوز و بهار فصللریدە قىزىل كىيىك، آرخرلر اوچرەيدى. يېرلى اھالى نىنگ قىشلاققە، يىلاوگە اۋترده معین توتقاووللرى^{۱۱} بار دير. آو قوشلى و تازى ايتلى يىگىتلر باريب، توتقاوولنى سقلىب كىيىك توتتيرهديلر. خورد كابل و سرخاب طرفیدە قولان ھم بۇلەدى. آق كىيىك اېسە مطلقا يۇق. غزنى نىنگ آق كىيىگى و قولانى بولەدى. غزنى نىنگ آق كىيىگىچە سېمىز كىيىك كم اوچرەيدى. يازدە كابل دە قوش توتىلەدىگن جايلر جودە كۇپ. اكثر قوشلرنىنگ اۋتىش جايى باران درياسى ساحلى حسابلەندى. سېبى، شرق تامانى تاغلر دير. غرب طرفى ھم تاغلر دير. اوشبو يېرنىنگ تۇغرىسى باران درياسى ساحلىدە، بىر كتە ھندوكش داوانى بار خلاص، باشقە داوان يۇق. شو باعث قوشلر تاماماً شو يېردن اۋتەديلر. اگر شىمال بۇلسە، ياھندوكش داوانى اوستيدە بىرآز بولوت پيدا بۇلسە، قوشلر اۋتالمەيدى. ھەمەسى باران سيھونلىگىگە توشەدى. بو پىتدە اۋشە اطرافدە گى اېل كۇپ قوش اۆلەيدى.

باران ساحلىگە قىش نىنگ آخىرلىرىدە اۋردك كۇپ كېلەدى، جودە سېمىز بۇلەدى. اوندن كېين تورنە و قرقرە، يىرىك قوشلر بېحد كۇپەيەدى. اوشبو ساحلدە تورنەگە چىلوير آتېب، چىلوير بىلن راسە توتەديلر. اوقار، قرقرە و قۇتانى (آق تورنە) ھم چىلوير بىلن كۇپلپ توتەديلر. بوندە قوش توتىش اصولى باشقە جايدە اوچرەمەيدى.

چىلوير بىلن قوش توتىش اصولى شوندەى: بىر گز اوزونلىكدە اينگىچگە چىلوير اېشەديلر. بو چىلويرنىنگ بىر اوچىگە كمان نىنگ پرسىز اۋقىنى محكمەيدىلر، ايگىنچى اوچىگە شاخدن يەسلگن حلقەنى باغلەيدىلر. يەنە بىر قريچ^{۱۲} كېلەدىگن ياغاچگە كمان اۋقى

۱۱-توتقاوول- كىيىك توتىش اوچون اۋرگە تېلگن كىيىك.

۱۲-قريچ- باش برماق بىلن جىمجىلاق نىنگ برماق يايىلمەسىگە تېنگ، يعنى ۱۹-۲۰ سانتى مترگە تېنگ.

تاماندىن چىلويرنى تۈگەگۈنچە اۋرەيدىلەر، چىلوير تۈگەگچ، حلقەنى بېركىتەدىلەر. اوندان سۇنگ بىلكدېك كېلەدىگن ياغاچنى چىلوير ايچىدن چىقرەدىلەر. حلقەنى برماقە سالىب، كېلەياتگن قوشنىنگ آلد تامانىگە اۋقنى آتەدىلەر. قوشنىنگ قناتى يا بۇينىگە توشىب، چىرمىشىب، قوش يىقىلەدى. بوتون باران اېلى شو اصولدە كۇپ قوش توتەدى. لېكن بو قوش توتماق نىنگ انچەگىنە مشقتى بار. يامغىرلى و قارانغى كېچەلرى بوندەى اصول جودە اسقاتەدى. بو كېچلردە قوشلر يىرتقىچ و قوشخۇر حيوانلردن خوفسىرەب تانگ آنگۈنچە تىنمىدى و متصل اوچەدى. قارانغى كېچلردە قوشلرنىنگ يۇلى آقر سوو دىر، قارانغىدە آقريب كۆرىنەدى. قۇرقىنچىدن سوونىنگ يوقارى و پستكى تامانىگە تانگ آنگۈنچە بارىب- كېلەۋېرەدىلەر. چىلويرنى انه شو پىتدە آتەدىلەر. مېن بىر مراتبە كېچەسى چىلوير آتدىم، چىلوير اوزىلدى، قوش هم تاپىلمەدى. اېرتەسى اېرتەلب قوشنى اوزىلگن چىلوير بىلن تاپىب كېلتىردىلەر.

بو اصول بىلن باران اېلى اوقار (قارە تورنە)نى كۇپ توتەدى. ساچگە سىنچىلەدىگن قارە قوش پتى اوقاردن آلىنەدى. عراق و خراسان گە كابل دن بارەدىگن مال منە شو ساچگە سىنچىلەدىگن پت دىر. برچە قوش توتووچى صيادلر قوللر دىر. اولر ايگى يوز-اوچ يوز اويلىك دىرلر. تېمورىپك اولادلىرىدن بىرى بو قوللرنى مۇلتان طرفلرىدن كۇچىرىب كېلگن دىر. اولرنىنگ يگانە مشغولاتى قوش توتماقلىك دىر. كۇللر يسەب، كۇپلر اۋرگە تىلگن قوشلرنى كېلتىرىب باغلب قۇيىب، كۇل اۋرتەسىگە تۇر اۋرنەتىب، هر خىل قوشلرنى توتەدىلەر. فقط قوش آولاوچى صيادلرگىنە اېمس، باران دە يشەيدىگن اېللر هم چىلوير آتىب، توزاق قۇيىب، هر خىل يۇل بىلن قوش توتەدىلەر. اوشبو موسمەدە باران سوویدە بلىقلرنىنگ يلىپى اۋتیشلىرى بۇلەدى. تۇر بىلن، ينە چىغ^{۱۳} باغلب، جودە كۇپ بلىق توتەدىلەر. ينە كوز پىتلىرى، قولان قویروغى دېگن اۋت چىقىب، پىتلىب، گۇلب، دان باغلىگنیدە، بو قولان

قويروغيدن اۋن-اۋن ايگى باغ همده كۈك شوواقدن ييگيرمه-اۋتيز باغنى سوو باشيگه آليب كېلىپ، يىنچىپ، سووگه سالەدىلەر. سالگن زھاتى ياق سووگه كىرىپ مست بۇلگن بلىقلرنى توتە باشلەيدىلەر. قويىراق بىر قولەى پىردە جىخ^{۱۴} اۋرتەدىلەر. جىخ باغله ماق شوندهى كه، تال نىنگ برماق دېك-برماق دېك نودەلر نى چىغ دېك تۇقىدىلەر. بو چىغنى سوونىنگ قويىلىش پىرىدە كاوك قىلىپ قۇيىپ، اطرافىگه تاش قەلەيدىلەر. سوو بو چىغىگه شىرىللىپ توشەدى. توشگن سوو آقېب كېتەدى، بلىق جىخ اوستىدە قالەدى. مست بۇلگن بلىقلرنى يوقارىدن توتە-توتە كېلەدىلەر. بو جىخە كۇپراق توتەدىلەر. گلبھار، پروان، استالف دريالرىدە بلىقنى شو اصول بىلن توتەدىلەر.

ينە قىش چاغى لمغانات دە عجايىب طرزە بلىق توتەدىلەر. سوو قويىلەدىگن پىرلردە اۋى اۋرنىچە پىرنى چوقورراق قۇيىپ، تاشلرنى اۋچاق شىكلىدەگى بو چوقورلرگە اۋرنەتىپ، اوستىگە يەنە تاش قەلەيدىلەر. بو پىرگە سوو قويىسىدن بىر اېشىك قۇيەدىلەر. تاشنى شوندهى قەلەيدىلەر، اوشبو بىر اېشىكدن اۋزگە ھېچ پىردن بلىق كىرىپ-چىقە آلمەيدى. بو قەلنگن تاش نىنگ اوستىدن سوو آقېب توشەۋېرەدى، چوقوردە گۈيا بلىقخانى پىدا بۇلەدى. قىش پىتى قچان بلىق كېرەك بۇلسە، بو چوقورلرنىنگ بىرىنى آچىپ، قىرق-اېلىك بلىقنى بىر پىسدە كېلتىرەدىلەر. اۋنى مەنە بو اصولدە آچەدىلەر: چوقورنى مەين بېلگىلى پىردە بىناد اېتەدىلەر. اۋ چوقورنىنگ بىر اېشىگىدن باشقە ھەمە طرفىگە شالى پىخلى تشلې، اوستىگە تاش باستىرەدىلەر. اېشىگىگە چىغ دېك نرسە تۇقىپ، ايگى باشىنى بىر پىرگە كېلتىرىپ باغلهيدىلەر. بونىنگ ايچىدە يەنە بىر نىمەنى چىغ دېك تۇقىپ بېركىتەدىلەر. اۋنىنگ آغزى بو چىغ بىلن برابر بۇلەدى، اۋزۈنلىگى بورۈنگى چىغ نىنگ يىر مىچە بۇلەدى. ايچكىرىگى آغزىنى تارقىلەدىلەر. بو ايچكىرىگى چىغ نىنگ ايچكىرىگى آغزىدن كىرگن بلىق، كتە چىغ نىنگ ايچىگە بارەدى. كتە چىغ نىنگ پىستكى آغزىنى شوندهى بېركىتەدىلەر، اۋندن بلىق چىقە آلمەيدى. ايچكىرىگى

۱۴- جىخ- نودەدن يىسەلگن سېد.

چیغ نینگ قوی طرفیده گی ایچکی آغزینی شونده ی قیلیشگن که، یوقاریگی آغزیدن کیرگن بلیق، ایچکریگی آغزیدن بیرته لب اۋته دی. بو ایچکریگی آغزیده گی نوده لری نینگ اوچینی بیرکتیرگنلر. بلیق بو آغزیدن اۋتیب، کته چیغ نینگ ایچیگه کیره دی. چیر آغزینی بپرکتیرگنلر. او پیردن بلیق چیه آلمه یدی. قیتسه بو کیچیک چیغ نینگ ایچکریگی آغزیده گی نوده اوچلری طفیلی اۋتالمه یدی. بو چیغ بیلن چیقیش ایشیگینی بپرکتیب، بلیقخانه نینگ اوستونینی تپهدن آچه دیلر. اونینگ اطراف شالی پخلی بیلن اۋره لگن. هر نی قۋلگه کپلسه، بو چوقورده توته دیلر. بلیق قاچگنی بیلن ایشیک فقط بیرته دیر. او اۋشه ایتیلگن چیغه توشه دی، اۋشه پیرده توته دیلر. بو خیل بلیق توتیشنی هم باشقه پیرده کۋرمه دیک.

کابل نی آلگندن بیر نچه کون اۋتیب، مقیم قندهار تامانگه کپتیش اوچون رخصت سۋردی. عهد و شرط بیلن کپلگنی اوچون تمام بوتون آدم لری و قرینداش لری، مال-ملک و متاع لری بیلن ساغ-سلامت آته-اکه سی نینگ آلدیگه رخصت بپریلدی. مقیمگه رخصت بپرگن دن سۋنگ کابل ولایتی میرزالرگه و برچه مهمان بپرکلرگه تقسیم قیلیندی. غزنی تومنی اونگه قره شلی جایلر بیلن جهانگیر میرزاگه بپریلدی. نینگنهار تومنی، مندیراور، دره ی نور، کتر، نورگیل و چیغانسرای ناصر میرزاگه بپریلدی. اوزیم بیلن قشاقلیکلرده (سرگردانلیکلرده) بۋلیب کپلگن بپرکلر و بیگیتلر نینگ بعضیلرگه کپت، قیشلاق دپک مسکنلر بپریلدی. هپچ کیمگه ولایت بپریمه دی. یالغیز بو اېمس، هر قچان که، تنگری تعالی مېنگه بیرار دولت بپرسه، مهمان و مسافر بپرکلرنی، بیگیتلرنی اۋز تربیه له گنلریم و اندیجان لیکلردن آرتیقراق، یخشیراق کۋردیم. شونگه قره مه ی، بو قیزیق بلا ابدی که، همیشه اېل مېنی «اۋزی و اندیجان لیکلردن اۋزگه اعتبار قیلمه یدی»، دېب غیت قیله دیلر. «دشمن نی دېمس، توشگه نی کیرمس»، «شهر دروازه سینی یاپیب بۋله دی، دشمن آغزینی یاپیب بۋلمه یدی» دېگن مقاللر بی چیز اېمس دیر.

سمرقند، حصار و قوندوزدن کۋپ اېل و خلق کابل ولایتگه کپلگن ابدی، شونده ی مصلحتگه کپلیندی: کابل کم درآمد پیر. سالیقلر قیلیچ ضربیده آینه دی، قلمده روخطگه

آلینگنلرى ھىم پول و مالنى وقتىدە تاپشيره و بىرمىدىلر. برچە كىشىلرىمىزگە پول پىتكىزىپ بېرىش امكانى يۇق. بولرگە و اولرىنىڭ كۈچلىرىگە بىرار مىقدار دان-دون بېرىپ، اطراف يقىن-يىراقنى تەلش گە كېلىشىدىك. نھايت، كابل و غزنى ولايتى ھىمدە اولرگە قرەشلى جايلردن اۋتيز مىنگ قاپ دان آلىش مۈلجللندى. كابل نىڭ درآمد و حاصلنى بىلمەي بوندەي كتە سالىق يوكلىنگىندىن ولايت انچە خراب بۇلدى.

اوشبو محللردە بابرى خطنى اختراع قىلدىم. سلطان مسعودى نىڭ ھزارەسىگە كۆپ قۇي و آت سالىغى سالىندى. سالىق اوندىرووچىلر يوبارىلدى، بىر نېچە كوندن سۇڭ سالىق يىغووچىلردن خبر كېلدى كە، ھزارلر مال بېرىشدىن باش تارتماقدهلر. بوندن ايلگرى ھىم بىر نېچە مراتبە اولر گردىز و غزنى يۇللرىدە قراقچىلىك قىلگندىلر. شوباعث سلطان مسعودى ھزارەنىڭ قىسمىگە آتلندىك. ميدان يۇلى بىلن كېلىپ، سۇرخ داوانىدن تونلپ اۋتىپ، تانگ چاغى چاتو يىقىنىدە ھزارەلرگە ھجوم قىلىندى. لېكن كۈنگىل تۇلگودېك اۋلجە اۋنمەدى. شوندن سىڭسوراخ يۇلى بىلن قىتىپ، جھانگىر مىرزاگە غزنىگە كېتىشى اوچون رخصت بېرىلدى. كابل گە توشكندە درياخان نىڭ اۋغلى يار حسين بھيرە طرفىدن قوللوققە كېلدى. بىر نېچە كوندن سۇڭ لشكرنى ترتىپگە كېلتىرىپ، يېرسوو، جاي بىلەدىگن كىشىلرنى چارلپ، تېورەك-اطرافنى تېكشىرىپ كۈرىشىگە كىرىشىدىك. بعضىلر دشتىگە يورىشنى تكليف قىلدىلر، بعضىلر بىڭشنى مناسب كۈردى، باشقەلر ھندوستانگە يورىشنى مصلحت بېردىلر. كېڭىش ھندوستانگە يورىش قارارىگە كېلدى.

شعبان آيىدە، آفتاب دلو بورجىدە اېدى، كابل دن ھندوستان نىتى بىلن آتلنىلدى. بادام چشمە و جىگدەلىك يۇلى بىلن آلتى منزلدە قۇنىپ، آدېنەپورگە كېلىندى. ايسىق اقليم ولايتلىرى و ھندوستان يېرلىرىنى سىرە كۈرگن اېمىدىك. نىنگنھارگە يىتگچ، اۋزگە بىر عالم نمايان بۇلدى: گياھلر و درختلر اۋزگچە، حيوانلر اۋزگچە، قوشلر اۋزگچە، اېل و خلق نىڭ رسم و عادىتى، توتوملىرى اۋزگچە؛ حىرتدە قالدىك. در حقيقت، حىرتگە ارزىگوليك جايلر دىر.

ایلگریق ولایتیگه کهلگن ناصر میرزا آدینه پورگه کهلپ ملازمت قیلدی. او تاماندن کهلگن ایماق و احشام قیشلش مصلحتیگه تمام کؤچیب، لمغانات گه کهلگن ایدیلر. اولرنینگ لشکرلرینی و آرتده قالگن لشکرلرنی بیر-ایگی کون او اوشه پیرده کوتیب، اوزیمیزگه قوشیب کهلپ، جوی شاهی دن اؤتگچ، قوی قوش گنبدگه توشیلدی. ناصر میرزا نوکر-سودریگه ولایتدن بیرار نرسه ییتکزیب، ایگی-اوچ کون کپنراق کهله ی دهب قوش گنبدده رخصت تیلب قالدی. قوش گنبددن کؤچیب، گرم چشمه گه توشگنده، خوگیانی نینگ اولوغلریدن پیخی نی کاروانی بیلن کهلتیردیلر. یؤل تاپیش مصلحتی یوزه سیدن پیخی نی یؤلداش قیلپ آلدیک. بیر-ایگی منزل یورگچ خیبردن اؤتیب، جام گه توشیلدی.

کؤره کتری نینگ تعریفینی ایشیتگن ایدیک. جؤگیلر و هندولرنینگ بیر عبادتخانه سی شو اېکن. بیراق یئرلردن کهلپ کؤره کتری ده ساچ و سقال آلدیرر اېمیشلر. جام گه توشگچ، بگرام نی ایلنیش اوچون آتلندیم. کته بیر درختی کؤریب، بگرام اطرافلرینی سیر قیلدیم. ملک بوسعید کمري باشچی ایدی. بیر نېچه کیشیدن کؤره کترینی سؤردیک، ایتمه دی. قیتیب اؤرده گه یقین ییتگنیمیزده ملک بوسعید خواجه محمد امین گه: «کؤره کتری بگرام نینگ قاشیده ایدی. تار غار و خطرلی جای بؤلگنی اوچون ایتمه دیم»، دېب ایته دی. خواجه درحال ساووقینه قیلپ، اونینگ ایتگنینی ییتکزدی. کون کېچ بؤلگندی، یؤل هم بیراق ایدی. باره آلمه دیک. شو یورته سیند دریاسیدن کپچیب اؤتیش و قیسی تامانگه آتلنیش مسأله سی کنگشیب آلیندی.

باقی چغانیانی، سوو کپچمسدن شو یپردن جؤن کؤهت دېگن بېرگه بارسه بؤلر اېکن، کؤپ اھالیلیک و مالیلیک اېللر اېمیش، دېب عرض قیلدی. بیر نېچه کابل لیکلرنی آلب کهلدی. اولر بو سؤزلریگه موافق سؤزلر ایتدیلر. بو یئرلر حقیده سیره ایشیتگن اېمسدیک. اولوغ اختیارلی کیشیمیز باقی چغانیانی کؤهت تاماننی مصلحت کؤریب، اؤز مدعاسی نینگ اثباتیگه بیر نېچه گواھلر هم کهلتیرگچ، سوودن اؤتیش و هندوستان گه آتلنیشدن واز کپچیلدی. جامدن کؤچیب، باره دریاسیدن اؤتیب، محمد پیخ داوانیگه یقینراق

كېلىپ توشىلدى. او پىتدە خوگياني افغانى پرشاورده اېدى. لشكردن قۇرقىپ، اوزلرېنى بو تاغ اېتكلىرىگه تارتىپ اېدىلر. خوگياني نىنگ اولوغلىرىدن خسرو خوگياني بو يورتدە كېلىپ قوللوق قىلدى. اونى هم پىخى بىلن يۇلنى انىق بىلىش مصلحتى يوزەسىدن همراە قىلىپ آلدىك.

اوشبو يورتدن يىرىم كېچەدە كۇچىپ، كون چىقر محلى محمدپىخدن اؤتدىك. چاشتگاهدە كؤهت گە هجوم قىلىندى. كۇپ ھۇكىز و سىگىرلر اؤلجە توشدى. افغانلردن هم كۇپ اسير آلىندى. اسيرلر تاماماً آيىرىپ آزاد قىلىندى. اويلرىدە دان-دون بې نھايت اېدى. هجومچىلرىمىز سىند درياسى ياقەسىگچە هجوم قىلىپ بارىپ، آردە بىر تۇختب، كېلىپ بىزگە قۇشىلدىلر. باقى چغانىاني وعدە قىلگنىدېك كتە اؤلجە لشكر قۇلىگە توشمەدى. باقى بېك اوز تكليفىدن خجالت بۇلدى. كؤهتدە ايگى قۇنىب، هجومچىلرنى يىغىپ، قىسى تامانگە يورىش مصلحتى كېنگشىلدى. بنگش و بنو اطرافلرىدە گى افغانلرگە هجوم قىلىپ، نغر يۇلى ياخود فرمول يۇلى بىلن كابل گە قىتيلهدى، دېگن قرارگە كېلدىك.

كابل گە كېلىپ مېنگە ملازمت قىلگن درياخان نىنگ اوغلى يارحسین «دَلْزَاك، يوسفزاى و خوگياني گە فرمانلر بۇلسە، تاكە اولر مېنىگ سۇزىمدن چىقمسەلر، سىند درياسى نىنگ او يوزىدە پادشاهلىك قىلىچىنى چاپسم»، دېب التماس قىلدى. او اىستەگنىدېك فرمانلر بېرىپ، كؤهتدە اونگە رخصت بېرىلدى. كؤهتدن كۇچىپ، ھنگو يۇلى بىلن يوقارى بنگش سرى روانە بۇلدىك. كؤهت بىلن ھنگونىنگ آرسىدە بىر درە بار: ايگى طرفى تاغ يۇلى. بو درە بىلن كۇچىپ بارەياتىپ، درەگە كىرگىمىزدە كؤهت نىنگ و او بېرلر افغانلر نىنگ برچەسى يىغىلىپ، درەنىنگ ايگى طرفىدە گى تاغ اوستىگە چىقىپ سوران سالىپ، غوغا قىلەباشلەدىلر. ملك بوسعيد كمري بوتون افغانستانى يىخشى بىلردى. بو يورىشدە يۇلباشچى او اېدى. او: «آلدىمىزدە گى يۇل نىنگ اؤنگ طرفىدە بىر بۇلك تاغ بار. اگر افغانلر بو تاغدن او تاققە اؤتسەلر، اولرنى اؤرەب آلىپ، قۇلگە توشىرسە بۇلەدى»، دېب ايتدى.

تنگرى تۇغرى يۇلگە سالدى: بو افغانلر اېرگشىپ كېلىپ، اؤشە بۇلك تاققە چىقىدىلر. بىر گروە يىگىتلرنى يوبارىپ، درحال ايگى تاغ آرسىدە گى بۇيىننى اېگللشلىرىنى بو يوردىم. باشقە

لشکر اہلیگہ فرمان بۇلدى كہ، او یوز-بو یوزدن، هر تاماندن باریب، بو افغانلرنینگ جراسینی بېرسینلر. هر طرفدن اۋرەب آلینگچ، افغانلر اوروشه آلمەدیلر هم. بیر زومده یوز-یوز اېلیک افغانگه هجوم قیلیب قیلیچ چاپیشیب، قۇلگه توشیریب، بعضیسینی تیریک، اکثری نینگ باشینی کېلتیردیلر. افغانلر اوروشماقدن عاجز بۇلسەلر، دشمنلری نینگ آلدیگه اۋت تیشلب کېلر اېکن. یعنی، بو- مېن سېنینگ مالینگمن، دېگنی اېکن. بو عادتى اۋشه پیرده کوردیک. عاجز قالگن افغانلر اۋت تیشلب کېلیدیلر. تیریک کېلتیریلگنلری نینگ هم باشی کېسیلیب، تۇخته گن یورته کله مناره تیکلندی.

اېرتەسېگه او پېردن كۈچیب، هنگوگه توشیلدى. بو اطرافده گى افغانلر بیر پرچه تاغنى سینگیر قیلیدیلر. "سینگى" سۈزینی کابلگه کېلگنده اېشیتدیك. بو اېل تاغنى تاش بیلن تۈسیشنى سینگیر دېشکرکن. لشکر اېلى پېتىشى بیلن اق افغانلرنینگ سینگیرنى اۋشه تیب، یوزایگى یوز عصیانکار افغان نینگ باشینی کېسیب کېلتیردیلر. بو پیرده هم کله مناره تیکلندی. هنگودن كۈچیب، آرەده بیر قۇنیب، یوقاریسى بنگش نینگ اېتگى بۇلگن تیل دېگن پیرگه توشیلدى. بونده هم لشکر اېلى بو تېورەك-اطرافده گى افغانلرنى تالان-تاراج قیلیدیلر. بیر سینگیردن بعضى هجومچیلریمیز پینگىلراق قېتىشى. بو پېردن كۈچیب، يۇلسیز یوریب، آرەده بیر تۇختب، اېرتەسى تانگده بیر تېپەدېک اېنىشدن توشیب، اوزوندن-اوزاق تار تاغ آرەلیغیدن اۋتیب، بئوگه توشیلدى. لشکر اېلى، تویه و آتلر بو کبى پستگه توشیشده همده تار تاغ آرەلیگى يۇللریده جوده كۈپ مشقت چېکیدیلر. توشگن اۋلجە سېگير، ھۈکیزلرنینگ اکثرى يۇللرده قالدى.

كته يۇل اۋنگ قۇلیمیزده-بیر-ایگى كوروه نریده اېکن. بو يۇل آتلىق يۇلى اېمس اېکن. قۇیچی و چوپان گاھا گلە و سوروونى شو يۇل و تار تاغ آرەلیغى بیلن ھیدەگنى اوچون بو يۇلنى گۈسپندليار دېر اېکنلر. افغان تیلیده يۇلنى "ليار" دېیدیلر. ملک بوسعيد کمري يۇلباشچی اېدى. اکثر لشکر اېلى يۇل چېپ توشگینى ملک بوسعيددن کوردیلر.

بنگش و نغر تاغلریدن اۋتگن زهاتى ياق تېپ-تېکيس پیرده بنياد تاپگن بئو باشلنەدى. شىمال تامانىده بنگش و نغر تاغلرى جايلىشگن. بنگش نهري بئوگه چيقيەدى. بئو شو سوو بیلن

آباد دير. جنوبیده چؤپره و سیند دریاسی بار. شرقی دینکوت، غربی دشت که، بازار و تاک هم دپیدیلر. افغان قبیلله لریدن گورانی، کیوی، سور، عیساخیل، نیازی شو ولا پتنی اېگللشکن. بَنوگه توشکن زهاتی یاق خبر تاپیلدی که، دشتده گی بیر قبیلله شمالده گی تاغلرنی سینگیرلب تورپتی. جهانگیر میرزا باشچیلیگیده لشکر یو باریلدی. کیوی نینگ سینگیری اېکن. باریب قیسقه وقتده آلیب، عاموی قتل اېتیب، کؤپ باش کېسیب کېلتیردیلر. آق متاعدن لشکر اېلیگه انچه گینه توشدی. بَنوده هم کله مناره کؤتیریلدی. بو سینگیر آلینگندن سؤنگ کیوی نینگ اولوغلریدن شادیخان اسملی کیشی اؤت تیشلب کېلدی. اسیرلرنی آزاد قیلدیک. کؤهت گه هجوم قیلگنده بنگش و بَنو پیرلریده گی افغانلرنی تلب، نَغری ولی یاکه فرمول ولی بیلن قیتیلده دی، دېگن قرارگه کېلگن اېدیک. بَنونی تله گندن سؤنگ پیرسونی بیلده دینگن کیشیلر دشت یقین، اهالیسی کؤپ، ولی هم یخشی، فرمول گه آلیب چیه ده دی، دپیشدی. دشت گه هجوم قیلیب، اؤشه یؤل آرقه لی چیقیشگه کېلیشيب آلیب، اېرته سی سحرده او پیردن کؤچیب، اوشبو نهرنینگ یاقه سیده عیساخیل نینگ کېنتیگه توشیلدی. عیساخیل خبر تاپیب، اؤزلرینی چؤپره تاغلریگه تاریشیتیلر. عیساخیل نینگ کېنتیدن کؤچیب، چؤپره تاغلری نینگ اېتگیگه توشیلدی. هجومچیلریمیز تاغلرگه باریب، عیساخیل نینگ بیر سینگیرینی بوزیب کیریب، قوی، مال و متاع کېلتیردیلر. اوشبو آقشام عیساخیل افغانلری تونگی قیرغینگه کېلدیلر.

او یوریشده کؤپ احتیاطکارلیک قیلینردی، شونینگ اوچون هېچ ایش قیله آلمه دیلر. شونده ی احتیاطکارلیک قیلینر اېدی که، جنگاور صف نینگ اؤنگ قنات، چپ قنات، مرکز، هجومچی قسملری نینگ هر قیسسی اؤزیگه تېگیشلی جایده توریب، هر بیر قسم نینگ قوراللانگن گروهلری اؤرده نینگ اطرافیده گی چادرلردن بیر اؤق آتیمی بیرا قراققه پیاده چیقیب، بوتون کېچه اؤشه پیرلرده قالر اېدی. هر کېچه شو یؤسینده چریک اېلی نینگ همه سی نوبتمه نوبت چیتیریلدی. ایچکی کیشیلریمیزدن اوچ-تورته سی مشعل کؤترب هر آقشام نوبت بیلن ایله نیب کېلردی. مېن هم بیرار نوبت ایلنر اېدیم. نوبتیده چقمه گن

کیشی نینگ بورنینی تېشیب، لشکر اۋرتەسیدە ایلنتیرردیک. اۋنگ قناتده جهانگیر میرزا، باقی چغانیانی، شیریم تغایی، سید حسین اکبر و ینه بعضی بیکلر اېدی. مرکزده کتّه بیکلردن هېچ کیم یۇق، همه سی ایچکی بیکلر اېدی. هجومچی قسمدە سید قاسم اېشیک آغه بابا اۋغلی، الله قولى بېرن و ینه بعضی بیکلر اېدی. لشکر آلتی بۆلککه اجرە تیلگندى. هر بۆلککه نوبتى بیلن بیر کېچە-کوندوز لشکر اطرافینی ایلنپ چیقیش تعینلنگندی.

اوتاغ اېتگیدن کۈچیب، غربگه قرەب یوریب دشت بیلن بئونینگ آرسیدە بیر سووسیز کۈلدە توشیلدی. لشکر اېلى ساینی قزيب، اۋزلری و مال حاللریگه سوو آلدیلر. بوسایدن بیر-بیر یریم قرى یېر قزىلسە، سوو چىقر اېدی. فقط شو بیرگینە سایدن بوندەى سوو چىقمەیدى، بلکه هندوستان نینگ همه سایلریدە شوندەى خصوصیت بار، بیر قرى-بیر یریم قرى قزىلسە، البتە، سوو چىقەدى. قیزیق، قادر الله حکمتینی کۈرینگ کە، هندوستان دە، دریالردن اۋزگە آقر سوو بۆلمسە دە، سایلری شوندە یگینە سووگە یقین دیر. اوشبو مال یاییلەدیگن سایدن سحر کۈچیب، نمازدیگر پیتی دشت نینگ کېنتلریگە آتلیق عسکرلر قسیمی یېتیشدی. هجومچیلر بیر نېچە کېنتنی تلب، مال-حال، متاع و سودا آتلىرى كېلتىردىلر. بواقشام تانگگچە، اېرتەسى توشگچە، اوندن كېين هم آرقەدە قالگن يۈكلى مال-حال، تویە، ییاءولینگ یېتیب کېلدى. بوندە تۇختەگن کونیمیز هجومچیلر دشت کېنتلریدن کۈپ هۈکیز، سیگیر و قۋى کېلتیردیلر. افغان سوداگرلریگە دوچ کېلیب، کۈپ آق متاع و طبابت داریوارلری، قند و نبات، چاپقیر آتلىر همده سودا آتلىرى كېلتىردىلر.

خواجه خضر نوحانی افغانلر آرسیدە مشهور و معتبر سوداگرلردن اېدی. بیر مۇغول اونى قۇلگە توشیریپ، باشینی کېسیب کېلتیردی.

شیریم تغایی هجومچیلر نینگ آرتیدن بارگن اېدی، بیر ییاءو افغان شیریم تغایی بیلن یوزمە-یوز کېلیب، اونینگ شهادت برماغینی کېسیب تشلەدى.

اېرتەسى سحرلب کۈچیب دشت کېنتلری نینگ آرسیگە، یقینراققە توشیلدی. اوندن کۈچیب، گۈمل دریاسی یاقەسیدە تۇختەدیک. دشتدن غربی طرفگە ایگى یول چىقر اېکن:

يىرى سنگ سۇراخ يۇلى- بركدن اۇتىپ فرمول گە كېلەدى. يەنە يىرى گۈمل سايىنى ياقەلب برك كە يېتىمى، او هم فرمول گە كېلەدى. بعضىلر گۈمل يۇلىنى معقول كۆردىلر. دشتەدە اېكنىمىزدە ايگى- اوچ كون متصل يامغىر ياغدى. گۈمل سايى انچه كتەلشگن اېدى. شو درجەدەكە، قىنەلىب كېچىك تاپىپ، زۇرغە اۇتدىك. يۇل بىلەدىگن كىشىلر: «گۈمل يۇلىدە بو سايىنى بىر نېچە مرتبە كېچماق كېرەك. اگر سوو بوندەى كتە بۇلسە، مُشكل دىر»، دېب ايتىشىدى. بو يۇلدە هم تردد كۆپ بۇلدى، هنوز بىر قارگە كېلالمسدىك.

اېرتەسى كۇچىش ناغاره سىنى چلدىرىپ، آت اوستىدە ياق قىسى يۇل بىلن يورىش قرارىنى بېرىش خىيالىدە اېدىم. عيد فطر اېدى. مېن عيد غسلىگە مشغول بۇلدىم. جهانگير ميرزا و بېكلر سۆزلىشىدىلر. بعضىلر دېدىلر كە، دشت نىنگ غرىبىدە، مەترسلىمان تاغى بار. اوشو تاغ دشت بىلن دوكى نىنگ آره سىدە دىر. تومشوغىدن ايلنىپ اۇتيلسە، يۇل تۇغرى دىر. گرچە بىر- ايگى مرتە قۇنىپ- كۇچىش تفاوتى بۇلسە هم، رايلىرى شونگە قرار تاپىپ، تومشوق يۇلىگە جۇنە شىپتى. غسلىدن فارغ بۇلگونىمچە، لشكر اېلى بوتونلەى تومشوق يۇلىگە راستلنىپ، اكثرى گۈمل سايىدن هم كېچىپ اۇتىشىدى. ايلگرى كۆرىلمەگن يۇللر بۇلگنى اوچون يۇل نىنگ يقىن- يىراغىنى بىلمەى، مجمل ملاحظە بىلن شو يۇلگە توشدىك. عيد نمازىنى گۈمل سايى نىنگ بۇيىدە اۋتەدىك. نورۇز شو عيدگە يقىن كېلىپ اېدى. تفاوتى بىر- ايگى كون اېدى. شو مناسبت بىلن بوغزلىنى ايتىپ اېدىم:

ينگى آى يار يوزى بىرلە كۇروب اېل شاد بىرەملر،

منگە يوزو قاشىنگ دىن اىرو بىرەم آيىدە غملر.

يوزى نورۇزى، وصىلى عىدىنى بابر غنىمت توت،

كە موندىن يىخشى بۇلمس بۇلسە يوز نورۇز و بىرەملر.

گۈمل سايىدن اۇتىپ، جَنوبگە قرەب تاغ اېتگى بىلن يوردىك. بىر- ايگى كوروە يۇل يورگندىك هم كە، كونى بىتگن بىر نېچە افغان تاغ اېتگىدەگى قىرلردە پىدا بۇلدى. آت باشىنى اۋشە ياققە بوردىك، اكثرى قاچدى. بعضىسى جەل قىلىپ تاغ اېتگىدەگى تاشلر و كمرلرگە

بېرىندىلەر. بىر افغان بلند تاش نىنگ اوستيده تورردى. آفتيدىن، نرىگى طرفى جىرلىك اېدى، قاچىر پىرى ھىم يۇق اېدى. ساووت كىيىگىن سلطانتولى چنان ھىجوم قىلىپ اونى چاپىب تشلەدى. مېنىنگ قاشىمىدە بىر قىلگىن توزوك ايشى اوشبو بۇلدى. اوشبو ايشى آبروسى نىنگ آرتىشىگە سىبب بۇلدى. ىنە بىر كىمردە قوتلوق قدم بىر افغان بىلەن اوروشىپ، توتىشىپ، اۋن-اۋن اىگى قىرى بلندلىكىدىن بىرگە اوچدىلەر. باشىنى كېسىپ كېلتىردى. ىنە بىر تاغ اوستيده كېپە بىلەن بىر افغان ياقەلشىپ، تاغ تېپەسىدىن ىرمىگچە يومەلەب كېتىدىلەر. اونىنگ ھىم باشىنى كېلتىردى. بو افغانلاردىن ھىم انچەگىنە اسىر توشگىدى، ھىمەسى آزاد قىلىندى.

دشتدن كۈچىپ مەترسلىمان تاغى اېتگى بۇلىپ جىنوب سىرى يورىپ، آردەدە اوچ بار قۇنىپ، سىند سووى ساحلىدەگى مۇلتانگە قرەشلى كېنتلردىن بىلەدېگىن كېنتگە يېتىشىلدى. شەر اھالىسى كېمەلەرگە توشىپ سوودىن اۋتدىلەر. بعضىلەر اۋزلىرىنى سووگە تشلەپ، سوزىپ اۋتدى. اوشبو كېنت رۇپەرەسىدە بىر آرال بار اېدى. كېين قالىپ كېتگىن آدمىلەر آرالدا كۈرىندىلەر. كۈپچىلىك لشكر آدملىرى آت و ىراغلرى بىلەن اۋزلىرىنى سووگە تشلەپ، سوزىپ اۋتدىلەر. بىر نېچە كىشى آقىپ كېتىدى. غرق بۇلگىنلار اىچىدە مېنىنگ نوكرلىرىمدىن بىرى قول احمد آروق اېدى و مەتر فراش بار اېدى. جھانگىر مىرزا نوكرلىرىدىن بىرى قېتىمس توركىمن بار اېدى. بو آرالدا بعضى متاع و كۈرپە-تۈشكەپك اۋلجە نرسەلەر لشكر اېلىگە نصىب اېتىدى. بو پىرلەردەگى اېل نىنگ بىرچەسى كېمەلەر بىلەن سىند درياسى نىنگ او ساحلىگە اۋتدىلەر.

اوشبو آرال تۇغرىسىدىن اۋتگىنلار نىنگ بىر قىسمى سوونىنگ كۈتەلىگىگە ايشانىپ قىلىچلرىنى قۇلگە آلىپ، شمشىر اۋىنەتەپ، پۇپسە قىلەباشلەدىلەر. آرالگە اۋتگىنلەرگە قرەپ قول بايزىد بىكاوول يالغىز يىلغاچ آت بىلەن اولار نىنگ رۇپەرەسىدىن اۋزىنى سووگە سالىدى. آرال نىنگ او تامانىدەگى سوو اىگى-اوچ حصە كوپ اېدى، بو يوزدەگى سوو بىر حصە. آت سوزدىرىپ بارىپ، نرىگى بېتدەگىلر نىنگ يقىنىدە- بىر اۋق آتىمى يېردە سىياز پىرگە چىقدى. سوو آت نىنگ قارىندىن كېلدى. بىر سوت پىشگونچە مدت تعويققە سالىدى. آفتيدىن، ھاوورىنى باسىپ آلدى شېكىللى، آرتيدىن ھېچ كىم كۈمكە بارمەدى و كۈمكە بارىش احتمالى ھىم يۇق

اېدى. سۇنگره اولرىنىڭ اوستىگە ايلدم آت سوردى. اولر بير-ايڭى اۇق آتېب تېگىزە آلمەي، قاچىپ كېتىشىدى. يالغىز، يىداق آت بىلن، كۇمكسىز سىند درياسىدېك سوودن آت سوزدىرىپ كېچىپ، غىملرنى قاچىرىپ، بېرلىرىنى آلدى. زۇر مردانە ايش قىلدى. ياونى قاچىرگندن سۇنگ لىشكر اېلى اۋتېب، متاع، مال-حال اۋلجە كېلتىردىلر. قول بايزىد بوندن بورون ھم بير نېچە مرتبە انە شوندەى خدمت و مردانەلىكلر كۇرستگن اېدى، آبرو-اعتبارى بىلن شغللەنىپ آشپزلىك مرتبەسىدن مخصوص آشپز مرتبەسىگە يېتكىزىپ اېدىم. اونىڭ اوشبو ايشى طفىلى ھم اونىڭ خصوصىدە كتە عنايت و تربىتلر قىلدىم. تفصىلاتى كېيىنچەلىك ذكر اېتىلەدى. درحقيقت، عنايت و تربىتگە ارزىگۈلىك ھم اېدى.

ينە ايڭى بار قۇنىپ سىند درياسى ياقەلب، قويىگە قرەب كۇچىلدى. لىشكر اېلى تالانچىلىك قىلە-قىلە آتلىرىنى خراب قىلدىلر. توشگن مالى ھجوم قىلگىنىگە ارزىگۈلىك نرسەلر اېمىسدى. فقط قارەماللر اېدى. دشتدە ھم قۇى و بعضى بېردە متاعدېك نرسەلر لىشكر قۇلىگە توشردى. دشتدن اۋتگچ، قارەمالدن باشقە قۇلىگە توشگۈدېك نرسە يۇق اېدى. سىند درياسى ساحلىدە قۇنگن پىتلىرىمىزدە ھم شوندەى بۇلدىكە، ملازمت قىلىپ كېلگن كىشى اوچ يوز-تۇرت يوز قارەمال كېلتىردى. كۇپلىگىدن قندەى كېلتىرگن بۇلسەلر، ھرقۇنگن بېرىمىزدە اۋشندەى قالدردى. اوچ كۇچىش سىند ساحلى بۇلىپ بۇلدى. اوچ كۇچىشندن سۇنگ پىركانو مزارىگە كېلىپ توشدىك. لىشكر اېلىدن بعضىلرى مزار خدمتچىلرىگە آزار بېرگنى باعث سياست اوچون بىرتەسىنى پرچە-پرچە قىلدىردىم. بو مزار ھندوستاندە كۇپ معتبر مزار دىر. اوشبو مزار مھترسلىمان تاغىگە تۇتۇش تاغلر اېتىگىدە جايلىشگن. بو مزاردن كۇچىپ داوان اوستىدە تۇختەدىك.

اوندن كۇچىپ دۇكى ولايتىگە قرەشلى سايگە توشىلدى. او يورتدن كۇچەياتگىمىزدە مېنىڭ آدملىرىم شاھبېك نىڭ نوكرى: سىوى قۇرغانبېگى فاضل كۇگلداش نىڭ قراووللىككە چىققن يىگىرمتەچە كىشىسىنى تۇتېپ كېلتىردىلر. او پىتدە شاھبېك بىلن آرەمىزدە اونچەلىك كېلىشماوچىلىكلر بۇلمەگنى اوچون آت و يراقلىرى بىلن قۇيىپ يوبارىلدى. آرەدە

تۇختب دوکی نینگ کبنتلریدن چوتالی قیشلاغی یقینینگه توشدیک. سیند دریاسیدن نریراقدە و سیند یاقەسیدە تینمە ی تالانچیلیک قیلینر ابدی. آتلیر یېمیش و کۆک خوید اۋتی سېرا بلیگیدن حالدن تاییب قالمسدى. سیند دریاسیدن پیرکانو سرى چیقیلگندە، کۆک خوید هم یوق ابدی. احیان- احیانده ایگی-اۋچ کۈچیشده آز-ماز خویدزار تاپیلردی. آتگه یېمیش هم تاپیلمسدى. اوشبو یورتلردە لشکر اېلی نینگ آتلیر حالدن تاییب، آرتدە قالە باشلەدی. چوتالی دن اۋتیب توشگن یورتدە اولا و سیزلیکدن مېنینگ چادریم هم قالیب کېتدی.

اوشبو یورتدە آقشام شوندە یامغیر بۇلدى کە، چادر ایچیدە سوو تۇیققدن یوقاریگە چیقدى. قالینلرنی بیر یېرگە تھلب، بلند قیلیب اوستیدە اۋتیردیم. بو کېچە شوندە ی مشقتدە تانگ آتدی. ینە ایگی بار قۇنگیمیزدن سۇنگ جهانگیر میرزا کېلیب، قولاغیمگە: «خلوت سوزیم بار»، دېدی. خلوتدە سۇزلاشدیک. ایتیشیچە، باقى چغانیانی کېلیب اونگە: «پادشاهنى بېتى-سگیز کیشی ییلن جۇنە تیب، سیند دریاسیدن اۋتکزىب، سیزنى پادشاه قیلیب کوترە یلیک»، دېگنمیش. مېن: «بو کېنگشده ینە کیم بار ابدی؟»، دېب سۇردیم. ایتتى کە: «مېنگە درحال باقى بېک ایتدی. اۋزگە سینی بیلمە دیم»، مېن دېدیم: «ینە باشقە لرینی تېکشیریب کۇرینگ. آفتیدن، سید حسین اکبر و سلطان علی چوهره، ینە خسرو شاه نینگ بعضی بېک و کیچیک بېکلری، ییگیت-یلنگ هم بار بۇلگن»، در حقیقت، جهانگیر میرزا بوندە جودە یخشی ایش قیلدی. توغیشگنلیکنی جایگە کېلتیردی.

جهانگیر میرزانینگ بو ایشی مېنینگ اۋشە ایشیمگە جواب ابدی کە، کاهمرددە اونگە هم بدبخت مردک اغوا و فساد قیلگن، مېن اېسە اونى حمایە قیلگندیم. او یورتدن کۈچیب باشقە یورتگە توشگنیمیزدە، لشکر اېلیدن آتی یرر کیشیلرنی جهانگیر میرزاگە باشلە تیب، او پېردە گی افغانلر اوستیگە یوباریلدى. اوشبو یورتدە لشکر اېلی نینگ کۆپ آتلیر آرتدە قالە باشلەدی. ایریم کونلری ایگی یوز، اۋچ یوز آت قالیب کېتردی. سرە-سرە کیشیلر ییوا قالدیلر. مېنینگ سرە ایچکیلریمدن بۇلگن شاه محمود اۋغلاقچی نینگ هم آتلیر تماماً قالیب، ییوا کېلدى. غزنیگچە لشکر اېلی نینگ آتلیر شو حالگە توشدی. اۋچ-تورت کۈچیشدن سۇنگ

جھانگیر میرزا بیر گروہ افغانلرنی تالان-تاراج قیلیب، بیر گلہ قوی کبلیتیردی. بیر، ایگی، اوچ کۋچیشدن سۋنگ آبِ استادہ گہ یتدیک. عجایب کتہ سوو نمایان بۋلدی. او تاماندہ گی دشتلر ہم اصلا کۋرینمسدی. سوو آسمان بیلن توتہ شیب کبتگندپک ابدی. او ساحلدہ گی تاغلر و قیرلر خودی سہراب نینگ او ساحلدہ گی تاغ و قیرلر سینگری معلق کۋرینردی. بو تاغلر و قیرلر ہم یریلن کۋک نینگ آرسیدہ معلق کۋرینہ دی. بوندہ بیغیلہ دیگن سوولر کتواز وادیسۋ نینگ، زورمت اۋتلاغی نینگ و غزنی نہری نینگ، بہار یامغیرلری نینگ سہللری و یازلر سوو کۋیگندہ دہقانچیلیکدن آرتگن سوولر اہمیش. آبِ استادہ گہ بیر کوروہ قالگنیدہ عجایب منظرہ نینگ گواہی بۋلدیک: ہر زمان بو سوو بیلن آسمان نینگ آرسیدہ شفقدپک نرسہ قیپ-قیزیل بۋلیب کۋرینہ دی. ینہ برطرف بۋلہ دی. یقین یتگونچہ بو حال ابدی. یقین یتگندہ معلوم بۋلدی کہ، بو یاووایی غاز اہکن. اۋن مینگ اہمس، ییگیر مہ مینگ اہمس، جودہ کۋپ یاووایی غازلر اوچیب قنات قاققنیدہ، قیزیل پرلری گاہ کۋرینیب، گاہ کۋرینمہ ی قالرکن. فقط بو قوش اہمس، بوندہ ہر نوع قوشدن بپحد و حساب. بو سوو یاقہ سیدہ قوش تخملری مۋل. سوو قیرغاغیدن بو قوشلر نینگ تخملرینی آلگنی کپلگن ایگی افغان بیزنی کورگنی زہانی اۋزینی سووگہ تشلہ دی. بیر نہچہ کیشی یریم کوروہگہ یقین جایگہ باریب توتیب کبلیتیردیلر.

ایتیشدی کہ، بوتون یۋل بۋیی سوو بیر تہکس-آت نینگ قارنیدن کپلرکن. اۋتیدن، تہکس یر بۋلگنی اوچون سووی چوقور اہمس دیر. کتواز دشتی نینگ آبِ استادہ گہ کبلہ دیگن سایۋ یاقہ سیگہ کپلیب توشدیک. بو سای قوروق سای دیر. اوندہ ہرگز سوو اقمس. نہچہ مرتہ بو یردن اۋتگن بۋلسک، سایدہ آقر سوونی ہبچ کۋرمہ دیک. بو گل یاز یاغینلری سبیلی سایگہ شونچہ کۋپ سوو کبلیتی کہ، اصلا کپچیک تاپالمہ دیک. گرچہ اونچہ کپنگ بۋلمسہ دہ، جودہ چوقور ابدی. آت و تویہ لر نینگ ہمہ سینۋ سوزدیریب اۋتکز دیک. بعضی کۋرپہ-تۋشکدپک نرسہ لر نی ارقانگہ باغلب او ساحلدن تارتیب آلدیلر. بو سوودن اۋتگچ، کھنہ نائی بیلن سرددہ توغانیدن اۋتیب، غزنی گہ کبلدیک. جھانگیر میرزا بیر-ایگی کون مہماندارلیک

کۆرسه‌تیب، آشلر تارتیب، هدیه‌لر قیلدی. اؤشه ییلی اکثر سوولر شو درجه‌ده کتّه کبلیب اېدی که، ده یعقوب دریاسیدن کبچیک تاپیلمه‌دی.

مېن کۆلده یستنگن کېمه‌نی کبلیتیریب، کمري رۋپه‌ره‌سیده ده یعقوب دریاسیگه سالیشرینی بویوردیم، اېل کېمه بیلن اۋتیب آلدی. شونده ی قیلیب، سجانود داوانیدن آشیب، اونگه بېتمه‌بېت بولگن کمري دن کېمه بیلن سوودن اۋتیب، ذوالحجه آیده کابل‌گه کبلیدیک. سید یوسف‌بېک بیر نېچه کون بورونراق قولونج خسته‌لیگی بیلن تنگری رحمتیگه باریددی. ناصر میرزا نوکر-سودریگه ولایتلریدن بیرار نرسه ییتکزیب، ایگی-اوچ کون کپنراق کبله‌ی، دېب قۇش گنبده رخست تیلب قالیب اېدی. بیزدن آیریلگچ، دره‌ی نور اېلی بیر آز بۋیسونمه‌گنلیگی سببلی لشکرینی دره‌ی نورگه یوباره‌دی. دره‌ی نور قۇرغانی نینگ مستحکملیگی و شالیزار یپرلری نینگ پست و بلندلیگی حقیده ایلگریراق یازگن اېدیک. اوشبو لشکر سرداری فضلای لشکرنی احتیاط قیلمه‌ی، بونداق سۇقماق یۆلده و پست-بلند یپرده تالان-تاراج اوچون ترقه‌تیب یوباره‌دی. دره‌ی نور آدم‌لری چیقیب پراکنده تالانچیلرینی زورلپ آرقه‌گه سوریشلری بیلن باشقه‌لر توریش بیرمه‌ی قاچه‌دیلر. دشمن تامانده‌گیلر بیر گروه کیشینی اۋلدیریب، آت و یراغلرینی تارتیب آله‌دی. لشکرگه فضلای دېک کیشی سردار بۋلسه، حالی منه شونده‌ی بۇلغوسی دیر. شو سببدنمی یا ناصر میرزانینگ کۋنگلیده اېگریلیگی بار اېدیمی-ییزنینگ ایزیمیزدن کېلمه‌دی، قالدی. ینه، ایوب‌نینگ اۋغیللری یوسف و بهلول دېک ظالم طبیعت، فتنه‌چی، مقتنچاق و کبر-هوالی کیشی بۋلمسه کپره‌ک. الینگار یوسف‌گه، الیشنگ اېسه بهلول‌گه بېریلگندی، بولر هم ولایتلریدن بیرار نرسه آلیب، ناصر میرزا بیلن کېلماقچی اېدیلر. ناصر میرزا کېلمه‌گنی اوچون اولر هم کېلمه‌دیلر. بوقیش ناصر میرزانینگ همکاسه و صحبتداشی شولر اېدی. منه شو قیشده بیر مرتبه باریب ترگلانی افغانلرینی تالان-تاراج قیلدیلر. یاز کېلیشی بیلن برچه اېل-اېلت نینگنهار و لمغانات‌گه، چېتدن کېلگن اېل-اولوس نینگ کۋچ و ماللرینی کۋچیریب، سوریب باران یاقه‌سیگه کېلدی. ناصر میرزا باران و اۋشه اطرافلرده اېکنیده بدخشانیلر نینگ اۋزبکلرینی اۋلدیریب، اۋزبک

بیلن یوزکۆریشمس بۆلگنی خبری کپلدى. تفصیلاتی شۇ دیرکه، شیانی خان قوندوزنی قبری گه بېریب، اۆزی خوارزم گه کپتدی. قنبر بدخشان اېلینی اۆز تامانگه مایل قیلیش حقیده خط جۆنه تیش مقصدیده محمد مخدومی نینگ محمود اسملی اۇغلینی بدخشان گه یوباردی. آته لری بدخشان شاه لری نینگ بېکلریدن بۆلگن مبارک شاه باش کۆتریب، مخدومی نینگ اۇغلی وینه بیر نېچه اۆزبک نینگ باشینی کپسدى. بورون شافتبور نامی بیلن مشهور بولگن قلعه ی ظفرنی قۇرغان قیلیب مستحکمله دی. قلعه ی ظفر نامینی او قۇیدی. او وقتده خملنگان خسرو شاه نینگ قورچیسى بۆلگن محمد قۇرچی نینگ قۇلیده اېدی. او روستا قده شیانی خان نینگ صدرینی بیر نېچه اۆزبک بیلن اؤلدی ریب، خملنگان نی مستحکمله دی. آته لری شاهلر نینگ بېکلریدن بۆلگن زبیر راغی هم راغده یاولشدى.

خسرو شاه نینگ نوكرى جهانگير توركمن بو بوزغونچىلىكده بېگىدن آيرىلىپ بير نېچە قالگن-قاچگن سپاهى و آيماقنى يىغىپ، اۋزىنى چېتگە تارتدى. ناصر ميرزا بو خبرلرنى اېشيتىپ، بدخشان ھوسىدە بير نېچە بې عقل و كلتەينىڭ گىجگىجىلىشى و اغواسى بىلن او تاماندن كېلگن برچە تشقى اېللارنىڭ كۈچ-ماللىرىنى كۈچىرىپ، ھىدەب شىرتو و آبدەرە يۇلى بىلن او تامانگە اۋتدى.

خسروشاه احمد قاسم بیلن آجردن قاجیب، خراسان سری کپتیدیلر، یۆلدە بدیع الزمان میرزا و ذوالنون بېک بیلن اوچرەشیب، بیرگەلشیب، برچەلری ھراتگە باریب، سلطان حسین میرزاگە ملازمت قیلدیلر. بولر نېچە ییللر میرزاگە دشمنلیک قیلیب، یوز خیل آدابسیزلیکلر کۆرستگن، اولردن میرزانینگ کۆنگلیدە قنچە داغلر یوق اېدی، دیپسیز! برچەلری مېن طفیلی بوندە ی خوارلیک و زارلیکلر بیلن باریب میرزانی کۆردیلر. خسروشاهنی نوکر سۆدریدن، آیریپ بوندە ی بې چارە حال قیلمەسم، کابلنی ذوالنون نینگ اوغلی مقیمدن آلمەسم اېدی، اولرنینگ باریب میرزانی کۆرمکلری ممکن بۆلمەسدى. بدیع الزمان میرزا ھم بولرنینگ قۆلیدە خمیر اېدی، بولرنینگ سۆزلر یدن چیتگە چیقالمەسدى.

سلطان حسین میرزا برچہ سیگہ سخاوت کورسہ تیب، پامانلیکلرینی یوزیگہ سالمہی،

انعاملر هم قىلدى. خسروشاھ بىر آز وقت اۋتكچ: «مېن بارسىم او ولايتلرنى تاماماً آلەمن»، دېب اۋز ولايتلرى سىرى رخصت سۋردى. بو كېلىشى نىنگ اۋزى بې محل و اۋرىنسيز بۇلگىنى باعث، رخصتنى كېچىكتىرىشىدى. اولر پىسلگە سالگىنلرى سىرى بو رخصتنى تىكرار التماس قىلدى. قىستب طلب قىلە وېرگچ، محمد بوروندوق اونگە شوندى دېب جواب بېردى: «اۋتيز مېنگ نوكرىنگ بىلن بوتون ولايتلر قۇلىنگدە بۇلگن پىتلرى نې قىلدېنگ كە، اېندى بېش يوز كىشىنگ بىلن اۋزىك تصرفى دەگى ولايتلردە نىمە قىلە آلەسن؟» انچە نصيحتلر قىلىپ، معقول سۋزلر ايتدىلر. اجلى پىتكىنى اوچون اونگە تاثير قىلمەدى. كو پراق قىستە يوېرگچ، آخرى اجازە بېردىلر.

اۋچ-تورت يوز كىشىسى بىلن توغرى دهانە حدودىگە كىرىپ كېلدى. اۋشە فرصتدە ناصر مىرزانى دهانە توپراغىدە كۈردى. بدخشان سردارلرى فقط ناصر مىرزا تامانىدە اېدىلر. خسروشاھنى خواھلەمس اېدىلر. ناصر مىرزا قنچە سعى-حركت قىلدى. خسروشاھ هم انگلب، كۈھستان گە بارىشگە راضى بۇلمەدى. خسروشاھنىنگ نىتى مىرزانى كۈز-كۈز قىلىپ آلىپ يورىپ، ولايتلرنى اېگىلش اېدى. آخرى صحبتى كېلىشمى، اشكىمىش پىرلىرىدە صف تارتىشىپ، ساووتلر كىشىپ، اوروشە يازىپ ايرىلىشىدى. ناصر مىرزا بدخشان سىرى جۈنەدى. خسروشاھ باشقە تىكە سىلتىگىلرنى يىغىپ، يىخى-يامان مىنگتە چە كىشىسى بىلن قوندوزنى قىل قىلىش نىتىدە كېلىپ، بىر-ايگى يىغاچ بېرىدەگى خواجە چارتاققە توشدى. محمد شىبانى خان اندىجان دە سلطان احمد تىبلنى اسىر آلىپ، حصار اوستىگە يۇل آلگىنى بىلن او يېردە گىلر اوروش-تلىشىز ولايتلرنى تشلب چىقدىلر. شىبانى خان حصارگە كېلدى. حصارده شىرىم تىن قۇرىقچى و بىر گروه زۇر يىگىتلر بار اېدى. بېكلرى ولايتلرنى تشلب كېتىشىدى، بولر اېسە حصار قۇرغانىنى بېرمەى قۇرىقلەدىلر.

شىبانى خان حصار قىلمىنى حمزە سلطان بىلن مەدى سلطان ذمەسىگە قۇيىپ، اۋزى قوندوزگە كېلىپ، اينىسى محمود سلطان گە قوندوز ولايتىنى تارتىق قىلدى. اۋزى تۇختە مسدن خوارزم گە-چىن صۇفى نىنگ اوستىگە قرەب جۈنەدى. سمرقندگە هم پىتمەگن

اېدى كه، اينيسى محمود سلطان قوندوزده اۋلدى. قوندوزنى قنبري مروي گه بېردى. خسرو شاه كېلگن پىتده قوندوزده قنبري باش اېدى. قنبري كېتمە-كېت حمزه سلطان گه و قالگن اۋزگە سلطانلرگە كىشىلر يوباريب كۈمك سۈردى. حمزه سلطان آموياقەسىگە- سرايگە كېلىپ لشكرىنى اۋغىللىرى و بېكلىرىگە باشلىتىپ، قوندوزگە يوباردى. بولر پېتىشى بىلن آق رقييلرى قلعه دن چىقىدىلر. اوروشە آلمەدىلر هم. بو خام سېمىز اېركك قاچە آلمەدى هم. اوشە زھاتى ياق حمزه سلطان نىنگ كىشىلرى اونى آتدن توشىرىشىدى. جىينى احمد قاسمنى، شىرىم تن قۇرىقچىنى، ينه بعضى سرە يىگىتلىرىنى اۋلدىردىلر. قوندوزگە آلىپ كېلىپ خسرو شاه نىنگ باشىنى كېسىدىلر. باشىنى خوارزم گە شىيانى خان قاشىگە يوباردىلر.

خسرو شاه ايتگندېك، خسرو شاه قوندوز توپراغىگە كېلگنى زھاتى مېنىنگ قاشىمدەگى قالگن نوكر سۈدرى نىنگ تورىش-يورىشى اۋزگە چەراق بۇلدى. اكثريتى كۈچىپ، خواجه رواج و اۋشە تامانلرگە اۋزلىرىنى تارتىدىلر. مېنىنگ قاشىمدەگى لشكر نىنگ كۈپى اونىنگ نوكر- سۈدرى اېدى. مۇغوللر اۋزلىرىنى يخشى توتىدىلر. بىردملىك كۈرستىدىلر. خسرو شاه نىنگ اۋلگنى حقيده گى خبر كېلىشى بىلن اۋتگە سوو اورگندېك باسپىلە قالدىلر.

توققیز یوز اۋن بیرینچی (۱۵۰۶-۱۵۰۵) ییل واقعه‌لری

محرم آیدیه آنه م قوتلوغ نگارخانم تېرلمه کسلیگه چلیندی. قان آلیشیدی. فایده‌سی بۆلمه‌دی. بیر خراسانلیک طیب بار اېدی. سید طیب دېردیلر. خراسان اصولی بیلن تربوز بېردی. اجل بیتیب کېلگن اېکن، آلتی کوندن سۇنگ- شنبه کونی تنگری رحمتیگه باردی. اولوغبېک میرزا تاغ اېتگیده بیر عمارت سالگن اېدی. باغ نورۇزی ناملی. وارثلری نینگ رخصتی بیلن یکشنبه کونی شو باققه کېلتیریپ، مېن و قاسم کۆگلداش توپراققه تاپشیردیک. بو حقده کیچیک خان تاغهم آله‌چه خان و کتّه آنهم اېسان دولت‌بېگم گه هم خبر قیلدیک. خانم نینگ قیرغی یقینلشیپ قالگنیده، خراسان دن خانلر نینگ والده‌سی- شاه‌بېگم، مېنینگ خاله‌م سلطان احمد میرزا عایله‌سیدن مېر نگارخانم همده محمد حسین کۆره‌گان دۇغلت کېلدیلر. عزا ینگیلیپ، ایریلیقلر آلاوی نینگ چېکی یۇق اېدی. عزا رسمی جایگه قۇییلگندن سۇنگ، فقیر و مسکینلرگه آش و طعام تارتیلدی، اۋتگنلر نینگ ارواحیگه ختم و دعا لر قیلیندی. کونگیللرگه تسکین بېریپ، قاره کییملرنی تشلب، بو مهم ایشلردن فارغ بۇلگچ، باقی چغانیانینینگ سعیی بیلن قندهار اوستیگه لشکر تارتدیک. سفر قیلیپ کېلیپ، قۇش نادر سیهونلیگیگه توشیب اېدیک هم که، مېنی ایسیتمه توتدی. غلطی خسته‌لندیم. مېنی هر قنچه حرکت قیلیپ اویغاتسeler، اۋشه زهاتی ینه کۆزیم اویقوگه کېتردی. تۇرت-بېش کوندن سۇنگ هرقله‌ی بیر آز یخشی بۇلدیم.

اۋشه پیتی شونده‌ی زلزله بۇلدى که، قۇرغان دېوارلری و باغلر نینگ تاملری اکثر قولب، شهر و قیشلاقلرده‌گی کۆپ اویلر بېر بیلن بیرته بۇلدى، اوی و تام آستیده قالیب اۋلگنلر

كۆپ بۇلدى. پىمغان كېنتى نىنگ اويلرى به تمام يىقىلدى. يېتمىش-سكسان سره اېركك تام آستىده قالىب اۇلدى. پىمغان يىلن بېكتوت آره سىده اوزونلىكى بىر تاش آتىمى كېله دىگن بىر پرچه بىر كۆچىب، بىر اۇق آتىمى پستگه قوله دى. كۆچگن يېرنىنگ اۋرنىده چشمه لر پىدا بۇلدى. استرغىچ دن ميدان گچه تخمينا آلتى-يېتى يىغاچ مسافه يۇل بار؛ بىر شونچه ليك يارىلگن اېدى كه، بعضى طرفى بېلگه يېتر درجه ده بلند، بعضى طرفى بېلدن پست، بعضى يارىلگن يېرگه آدم سىغردى. زلزله بۇلگن چاغى برچه تاغلر باشىدن چنگ كۆترىلدى. نورالله تنبورچى قاشىمده ساز چلىب اۋتىرگنده، ياننده ينه بىر ساز بار اېدى. اۋشه لحظه هر اىگى سازىنى قۇلىگه آلدى. اۋزىنى شونچه ليك توتالمى قالدى كه، سازلر بىر-بىرىگه اورىلدى. جهانگير ميرزا تېپه ده-اۋلۇغ بېك ميرزا سالگن عمارتلردن بىرى نىنگ بالاخانه سى ايوانىده اېدى. زلزله بولگچ، اۋزىنى يېرگه تشله دى، هېچ بىر ضرر يېتمه دى. جهانگير ميرزانىنگ يقىنلريدن بىرى اوشبو بالاخانه ده اېكن. بالاخانه تامى اونىنگ اوستىگه يىقىلىپتى. خدا سقله دى، هېچ يېرىگه بىرار آزار يېتمه دى. تېپه ده گى اويلرنىنگ اكثرى تېپ-تېكىس بۇلدى. اۋشه كۈنى اۋتيز اوچ مرته بىر تېبره ندى. بىر آيگچه هر كېچه-كوندۈزده اىگى-اوچ مراتبه بىر تېبره ندى. قۇرغانده گى مناره و دېوارلرنىنگ شكست يېتگن، تۈكىلگن جايلرىنى اصلاح قىلىش و تعميرلش اوچون بېك و سپاهىلرگه فرمان بۇلدى. يىگىر مه كون-بىر آيدە يوره كدن غيرت و تيرىشقا قىلىك بىلن قۇرغان نىنگ سىنىق-بوزوغىنى بىتكىزىپ تىكلشدى.

بورونراق قندهار تامانگه رېجه لشتىرىلگن يورىش خسته ليك و زلزله طفىلى كېنراق قالىب اېدى؛ خسته ليكلرنى كېچىرىپ، قۇرغاننى بىتكىزىپ، بورونگى نيت ينه قطعى قرار تاپدى. ھلى- ھنوز قندهار تامانگه يورىشنى يا تالان-تاراج اوچون تاغ و دشت اخترىشنى انىقلىب آلمه گندىك. شنيز اۋزە نىگه توشگىنمىزده، جهانگير ميرزا و بېكلرنى يىغىب كېنگشلىدى. قلات اوستىگه يورىشگه قرار قىلدىك. جهانگير ميرزا و باقى چغانىانى بو يورىش اوچون كۆپراق حركت قىلدىلر. يارىگه يېتگن پىتى شېرعىل تىن قۇرىقچى، كىچىك باقى دېوانه و ينه بىر نېچه كىشى نىنگ قاچر خياللىرى بار اېمىش، دېگن خبرنى تاپدىك، اولر

توتیب کپلتیریلیدی. مېنینگ قاشیمده اېکنیده، حضوریمدن چېتده بؤلگنیده هم، او ولایت و بو ولایتده شېرعلی تن قۇریقچی تورلی فتنه و یامانلیکلرصادر اېتگندی، جزاگه تارتیلیب قتل اېتیلیدی. قالگنلرنی آت و یراغیدن محروم قیلدیک. قلاتگه یېتیشیمیز بیلن آق زرهلنمه‌ی، جنگاور صف تارتمه‌ی هر طرفدن اوروش باشله‌دیک، انچه وقت اوروشدیک.

خواجه کلان‌نینگ آغه‌سی کیچیک بېک خيله مردانه ییگیت اېدی. بیر نېچه مراتبه مېنینگ کوز آلدیمده قیلیچ چاپیب اوزینی کورستگندی. بو حقده اوز وقتیده ذکر اېتگندیم. قلات قلعه‌سی نینگ غربی - جنوبی طرفیده گی مناره‌گه یاپیشیب چیقہ یاتگن پیتی کوزیگه نیزه سنجیدیلر. بیر - ایکی کون اؤتیب، قلاتنی آگندن سؤنگ، شو یېرده وفات اېتدی. کیچیک باقی دېوانه شېرعلی بیلن قاچه یاتگن چاغی توتدیریلگندی. یامانلیگی کسریدن دروازه آلدیده دېوار توبیگه یېتگنیده، آتیلگن تاش ضربیدن اؤلدی. ینه بیر - ایکی کیشی هم اؤلدی. نماز دیگرگچه شو یؤسینده اوروشیلدی. ییگیتلر اوروشیب، کوچ صرفلب، خالدن تایگن پیتی ایچکریده گیلر آمانلیک تیلب قۇرغاننی تاپشیردیلر. قلاتنی ذوالنون ارغون مقیم‌گه بېرگن اېدی. مقیم‌نینگ نوکرلریدن فرخ ارغون و قاره بولوت قلاتده اېدیدلر. سداق و قیلیچلرینی بۇیینلریگه آسیب کېلیدیلر. گناهلرینی عفو قیلدیک. بو طایفه‌گه ظلم قیلماق مېنینگ نیتیم اېمسیدی. چونکه اؤزبک دېک غنیم یانیمیزده تورگنیده، آرده بونده‌ی ایشلر بؤلسه، یراق - یقیندن اېشیتگن - کورگن نېمه دېیدی؟! بو یوریش جهانگیر میرزا و باقی بېک‌نینگ حرکتی بیلن بؤلگن اېدی، شونینگ اوچون قلاتنی سقلشنی جهانگیر میرزا ذمه‌سیگه تاپشیردیک، قبول قیلمه‌دی. باقی بېک هم بو مسأله‌ده یخشی جواب بېرمه‌دی. قلاتنی شونچه اوروشیب کوچ بیلن آلیشیمیز بی فایده بؤلیدی. قلاتدن جنوب سری سواسنگ، آله‌تاغ و اوشه طرفلرده گی افغانلرنی تالان - تاراج قیلیب، کابل‌گه کېلیدیک. کابل‌گه توشگن آقشام مېن قۇرغانگه باردیم. چادر و اولولر چارباغده اېدی. خیریلجی اؤغریسی کېلیب، مېنینگ بیر زرهلنگن تۇریق آتیمنی و ینه بیر یخشی خچیریمنی چارباغدن چیقیریب آلیب کېتیدیدی.

باقی چغانیانی آمو یاقه‌سیگه کېلیب، بیزگه قۇشیلگنیدن بېری اوندن معتبر و اېرک -

اختيارى بلند كىشى يۇق اېدى، قندهى سوز آيتسه، نيمه ايش قىلسه اونىنگ سۈزى-سۈز، ايشى-ايش اېدى. بىز اوندىن ارزىرلى بىرار خدمت و انسانيت همىتىگه خاص همىتى هرگز كۈرمەگن اېدىك، عكسىنچە، كۆپ ادبىزلىك و يامانلىكلرنى بىزگە كۈرستگندى. خىسسى، دغل، حسدچى، ايچى قاره و بىراونى كۈرالمەيدىگن، خۇلقى يامان كىشى اېدى. خىسسىلىكى شو درجەدە اېدى كە، ترمذنى تشلب، كۈچى و مالى بىلن بىزگە قۇشىلگىنىدە، فقط اۈزىگە تېگىشلى قۇيلىرى تخمىنأ اۋتۈز-قىرق مىنگ بار اېدى. هر يورتدە آلدىمىزدن پادە-پادە قۇيلىرى اۋتردى، بىزىنىگ يىگىت-يىلنگلر اېسە آچلىكدن عذاب تارتىشردى. بىر قۇي بېرمەدى. آخرى — كاهمردگە بارگندە اېلىكتە قۇي بېردى. مېنى پادشاه قىلىپ كۈترگىنگە قرەمى ناغارهسىنى اۈز اېشىگىدە چلدىرردى. هېچ كىم بىلن صمىمى اېمس اېدى، هېچ كىمنى كۈرالمىدى. كابلدىن توشەدىگن درآمدىنىگ همەسى، سوداگرلردن آلىنەدىگن باج اونىنگ حصەسى اېدى، كابلنىنگ قلعه بېگىلىكى، پنجشير، كدى هزاره، كۈشكك و اېشىك آغەلىك منصبى بوتونلەى اونده اېدى. شونچەلىك اعتبار تاپىپ هم اصلا راضى و شكر قىلووچى اېمس اېدى. او نېچاغلى بوزوق خياللرگە بارمەسىن (بولرنى ذكر اېتدىك) اۈزىمىزگە آلمەدىك، يۈزىگە سالمەدىك. شونگە قرەمى، هميشە ناز قىلىپ كېتىشكە رخصت سۈرردى. نازىنى كۈترىپ، عذر آيتىش بىلن مدعاسىنى منع قىلردىك. بىر-ايگى كون باسلىپ، ينە رخصت سۈرەشنى باشلردى. نازى و رخصت تىلەشى حددن آشدى. اونىنگ خۇلق و فعلى بىزىنىگ هم جانىمىزگە تېگدى، رخصت بېردىك. رخصت تىلەگندىن سۈنگ پۇشيمان بۇلدى، بې تاقىتلىكلر قىلە باشلەدى، فايدهسى بۇلمەدى. مېندىن تۇقۇز گناه صادر بۇلمەگۈنىچە، جزاله مەيمىن، دېپە شرط قىلىپ اېدىلر، دېپ ايتتىرىپ يوبارپتى. مېن اۋن بىر گناهىنى بىرمە-بىر اېسلەتەي مەلا بابدان ايتىپ يوباردىم. مۇلزم بۇلدى. كۈچ و مالى بىلن هندوستان طرفىگە رخصت بېرىلدى. اۈزىنىنگ بىر نېچە نوكرى خىيىردىن اۋتكىزىپ قۇيىپ كېلدى.

باقى گاگيانىنىنگ كاروانىگە قۇشىلىپ، نىلابنى كېچىپ اۋتدى. او پىتدە يارحسىن درياخان كچەكوتدە اېدى. كۈهتدىن آلىپ بارگن فرمانلىرىنى رۈكش قىلىپ، دلزاك و

یوسفزایی دن بیر گروه افغانلرنی وینه بیر گروه جت، گوجورنی اؤزیگه همراه و نوکر قیلیب، ایش-کوچی اېل تله‌ماق، یؤل اورماق اېدی. باقی نینگ خبرینی اېشیتیب، یؤلینی تۈسیب، باقی بیلن بارگنلرنی اۋرهب آلدی. باقی نی اۋلدیریب خاتینینی آلدی. بیز باقی گه هېچ یامانلیک قیلمه‌ی قۇییب یوبارگندیک، لېکن او اۋز یامانلیگی کسریگه قالیب، اۋز عملیگه اۋزی مبتلا بۇلدى. بیت:

تو بدکنده‌ی خودرا به روزگار سپار،

که روزگار تورا چاکریست کینه‌گذار.

(مضمونی:

یامانلیک قیلگننی حیاتگه تاپشیر،

او قصدینگ آلگووچی ملازمینگ دیر.)

بو قیش بیر-ایگی قار یاققونیچه چارباغده اۋتیردیک. کابل گه کېله یاتگنیمیزده تورکمن هزاره‌سی کۆپ بی ادبلیک و یولتۈسرلیکلر قیلیب اېدی. اولرگه هجوم قیلیشنی اۋیل، اولوغبیک میرزانینگ شهرده‌گی بۇستانسرای دېگن عمارتیده توریب، شعبان آییده اۋشه یپردن تورکمن هزاره‌سینی تالان-تاراج قیلیشگه آتلندیک. دره‌ی خوش آغزیده-جنگلکده هجومی باشلهدیک. آز-ماز هزاره تکلندی. دره‌ی خوش یقینیده‌گی غارده بیر گروه هزاره یشیرینگن اېکن. اکثر حربی سفیرلیمده مېن بیلن بیرگه یورگن، قۇربگی 'منصیبده‌گی شیخ دروېش کۆکلداش یاینی کوچلی تارتر و اۋقنی یخشی آتر اېدی، بو غارنینگ آغزیگه بیلمسدن یقینلشیب، کیریپ باره‌دی. ایچکریدن بیر هزاره کۆکسیگه اۋق آته‌دی. اۋشه کونی آق اۋلدى. تورکمن هزاره‌سی نینگ کۇپراغی دره‌ی خوشده قیشله‌گن اېکن، اولرنینگ اوستیگه یؤل آلدیک.

دره‌ی خوش نینگ جایلشیشی غلطی: دره‌نینگ یریم کوروهچه کېله‌دیگن آغزیده تاغلر

تارەيتىرگن درە توشگن. يۇل تاغ نىنگ كمرىدە دىر. يۇلدىن قويى ھم اېلىك-آلتىمىش قىرى تىك قايەلر جايلىشگن. يۇل نىنگ يوقارىسىدە يەنە اۋتە ناقولەى يۇل بار. آتلىقلر بىر تە-يىتەلب اۋتەدى. بو تار تاغ يۇلدىن اۋتىپ، شو كۈنى وقت ايكى نماز آرەسىگچە (قوياش باتىشىگە يقىن) بارىپ يىتمەى بىر يېردە قۇندىك.

ھزارەنىنگ بىر سېمىز تويەسىنى تاپىپ كېلتىردىلر. اونى سۈيىپ، گۈشتى نىنگ بىر قىسمىنى كباب قىلدىك، يەنە بىر قىسمىنى آفتابدە پىشىرىپ يېدىك. بونچە مزەلى تويە اېتىنى سىرە يېمەگن اېدىك. بعضىلر قۇى گۈشتىدىن فرق قىلەآلمەدىلر. بو يېردن اېرتەلب كۈچىپ، ھزارەلر قىشلىگن يورتلر اوستىگە روانە بۇلدىك. بىر نەھر قالگنىدە، اىلگىرىدىن كىشى كېلىپ: «بىر تار جايەدە ھزارەلر سوو كېچىگىنى شاخلر بىلن بېركىتىپ، اېلنى تۈسىپ اوروشماقەلر»، دېدى. بونى اېشىتگىنىمىز زەھاتى تېز جۈنەدىك. بىر آراز يۇل يورگچ، ھزارەلر اوروشەياتگن يېرگە يېتىدىك.

اۋشە قىش قار كۆپ ياققن، يۇلسىز يورىش مشقتلى اېدى. تگاب سووى نىنگ قىرغاقلىرى تاماماً موزلەگندى. بو دريادەگى موز و قار طفىلى يۇلسىز يېرىدىن اۋتىپ بۇلمىس اېدى. ھزارەلر بو سوونىنگ چىقىر يېرىدە كۆپ شاخ كېسىپ سالگندىلر. اۋزلىرى تگابلردە و اونىنگ يانلىرىدە آتلىق و يىياۋق آتىپ اوروشەياتگن اېدىلر.

محمد على مبشرېك مېنىنگ يىنگى حرمتگە لايىق بېكلىرىمدىن اېدى. جودە مرد و اعتبارگە ارزىرلى، يىخشى يىگىت اېدى. ساووت كىيمەگن. اىلگىرىراققە شاخ تىشلىگن يۇلگە جۈنەدى. يىقىنىگە اۋق آتدىلر. اۋشە زەھاتى جان تسلىم قىلدى. تېزلىك بىلن كېلگن اېدىك. كۆپچىلىك نىنگ ساووتى يۇق اېدى. بىر-ايگى اۋق مېنىنگ باشىمدىن آشىپ اۋتدى. احمد يوسف بېك اضطراب چېكىپ، ھر زمان: «بۈندەى يلنغاچ كىرىپ بارەسىز. ايگى-اۋچ اۋقنى كۆردىم كە، باشىنگىزدىن اۋتدى»، دېردى. مېن دېدىم كە: «سىز مردانە بۇلىنگ. مېنىنگ باشىمدىن بونقەلر كۆپ اۋتگن». شو پىت قاسمبېك بو سوودىن كېچىك تاپىپ ساووتى بىلن كېچىپ اۋتىپ، آت سالگن اېدى، ھزارەلر تۈختەمەى قاچەباشلەدىلر. اوروشىپ تورگنلر اسىر

آله-آله، يار آرتىدىن قوۋدىلار. قاسم بېككە بو ايشى اوچون بنگش انعام قىلىندى. حاتم هم بو يورىشىدە يامان اېمىس اېدى. شونگە كۆرە شىخ درويش كۆكلاش نىنگ منىبى-قۇربىگىلىك حاتمگە عنایت بۇلدى. كېچىقولى بابا هم بو يورىشىدە يىخشى ايش كۆرسىتىگنى اوچون بىر قىشلاقنى كېچىكە عنایت قىلدىك. سلطانقولى چىناق بولرىنىنگ آرتىدە اېدى. قار قلىن بۇلگىنى اوچون چىغىردىن چىقىپ بۇلمىسدى. مېن هم شو يىگىتلار بىلن يۇلگە توشىدىم.

هزاره قىشلاقلىرى نىنگ يىقىنىدە قۇي و يىلقىلارگە دوچ كېلدىك. مېن اۋزىم تۇرت-بېش يوزگە يىقىن قۇي، يىگىرمە بېشتە آت يىغىدىم. سلطانقولى، يىنە اىگى-اوچ كىشى يىقىن اېدىلار، بىرلىشىپ حرىك قىلدىك. اىگى نوبت اۋزىم تالان-تاراجدە قىتىشگىنمىن. بىرى-مىنە شو هوجوم بۇلدى. يىنە بىر سفر اوشبو توركىمن هزارهسىنى خراساندىن كېلەياتىگىدە بىزنىكىلار تالان-تاراج قىلىپ، كۆپ قۇي و آت كېلتىرگىندىلار. هزارلرىنىنگ عىال و بالە-چىقەلرى بىياو يورىپ، قارلىك قىرلارگە چىقىپ توردىلار. بىر آز سىستىكىلىك قىلدىك، كون هم كېچ بۇلىپ قالگىندى. قىتىپ هزارلرىنىنگ اويلرىگە توشىلدى. بو قىش قار انچە كۆپ توشىگىندى. اوشبو يىردە يۇلدىن تشقىرىدەگى قار آت نىنگ قارىنىگچە چىقىردى. كېچەسى قورىقچىلىككە چىققىنلار قار قلىن بۇلگىنى باعث تانگ آتگونچە آتدىن توشمەدىلار. اېرتەسى بىروقت قىتىپ، درەي خوش نىنگ اىچىدە هزارلرىنىنگ قىشلاغىدە تۇختىپ، او يىردىن كۆچىپ، جىنگلككە توشىلدى. يازك تىغابى و يىنە بعضىلار كېنىراقدىن كېلىپ اېدى. شىخ درويشنى آتگىن هزارلرىنى بارىپ توتىنگىلار، دېب بو يىروق بېرىلدى. كونى بىتگىن بدىختلار غاردە اېكن. بولر بارىپ، توتون قۇيىپ بىتمىش-سىكسان هزارلرىنى توتىپ آلدىلار. كۆپچىلىگى قىلىچ بىلن چاپىپ تىشلىدى.

هزاره يورىشىدىن قىتىپ، نىجراۋدىن مال آلىش مصلحتى اوچون باران سىيھونلىگى نىنگ پىستى-آيتوغدى توپراغىگە كېلدىك. جهانگىر مىرزا غزنىدىن چىقىپ بىز آيتوغدى يىرىدە اېكنلىگىمىزدە ملازمتگە كېلدى. بو ائىئادە رمضان آيى نىنگ اۋن اوچىنچىسىدە مېن قوياىنچىق خىستەلىگىگە يۇلىقدىم. مېنى قىرق كونىگچە اوباندىن بو يانگە بىراو ايلىتىرىپ قۇيردى. نىجراۋ درەلرىدىن پىچغاندە، غىن كېنتى نىنگ اولوغى حسين غىنى آغە-اينىسى بىلن اطاعتسىزلىك و

بېزىبىتلىكىدە مشهور بۇلىپ تىلىگن اېدىلر. اولرگە قرشى لشكرنى جهانگير ميرزاگە باشلەيتىپ يوبارىلدى. قاسمبېك ھەم باردى. لشكر بارىپ سرکۇبگە چىقىپ سىنگىرلنگن يېرنى كوچ بىلن آلىپ، بىر گروھىنى قتل اېتتىردى. قويانچىق خستەلىگى تشويشى طفىلى تاخترواندېك نرسە يسەب باران ساحليدن شەرگچە مېنى كۇترىپ بۇستانسراگە كېلتىردىلر. اوشە قىش نىنگ اۈزىدە بىر نېچە كون بۇستانسراە اۋتيردىم. بو كسلىك ھلى-ھنوز تۈزەلمىسیدن، اۈنگ يۈزىمگە چىققان چىقدى، نشتر سالدىلر. بو خستەلىككە قرشى سورگى اىچدىم. صحت تاپىپ، چارباققە چىقدىم. جهانگير ميرزا ملازمتگە كېلدى. ايوب نىنگ اوغىللىرى يوسف و بهلول جهانگير ميرزا قاشىگە بارىپ مېنگە قرشى فتنە و يامانلىك اويوشتىردىلر. شونىنگ اوچونمىكن، بو سفر جهانگير ميرزا اولگىدېك صميمى كۇرىنمەدى. بىر نېچە كۈندن كېين تېپەدن كۇچىپ، ساووت كىيىپ ايلدم غزنى گە كېتدى. ناننى قۇرغانىنى آلىپ، بىر نېچە كىشىسىنى اۋلدىرىپ، اېلىنى بوتۈنلەي تلەدى. بار كىشىلىرىنى مىدە-چۈيدە سىگىچە كۇچىرىپ، ھزارە نىنگ اىچى بىلن باميان طرفىگە يۈزلەندى.

تىگرىگە روشندىركە، مېندن و مېنگە تعلقلى اېلدن بونچە ناخوشلىك و قصاص آلىشگە سبب بۇلەدىگن ھېچ بىر ايش صادر بۇلمەدى يا بىرار سۇز ايتىلمەدى. سۇنگرە معلوم بۇلدى كە، قۇيىدەگى واقە كېتىشىگە سبب بۇلگن اېكن: جهانگير ميرزا غزنى دن كېلەياتگندە قاسمبېك و بېكلر استقبالىگە چىقىدىلر. ميرزا بۇدەن گە قوش سالەدى. يېتىپ قوش چنگلىنى سالىش پىتىدە بۇدەن اۈزىنى يېرگە اورەدى. «آلدىمى، آلدىمى؟» دېب قىچقىرەدىلر. قاسمبېك: «غنىمنى بونداق عاجز قىلگندە قۇلدن چىقرەدىمى، آلەدى»، دېدى. بو سۇز اولرگە بلای جان بۇلەدى. كېتماقلىرى نىنگ بىر سىببى مەنە شو اېدى. يەنە بىر-ايگى بۈندن ارزىمىسراق و بۇشراق بىر سۇزنى ھەم رۇكش قىلدىلر. شۈندن سۇنگ غزنىنى تشلەپ، ھزارە آرقەلى اىماقلر تامانگە اۋتدىلر. او فرصتدە اىماقلر ناصر ميرزادن آيرىلىپ اېدىلر. لېكن اۈزىككە قۇشلىمەگندىلر. ياي، استراب و او يېرلرنىنگ يىلاولرىدە اېدىلر. اوشبو دملردە سلطان حسين ميرزا محمد شىبانى خاننى دفع اېتىشگە ترددلىپ، برچە اۋغىللىرىنى چقىرتىردى. مېنى ھەم سىد سلطان

علی خواب‌بین‌نینک اوغلی سید افضل‌نی یوباریب چقیرتیرگن ایدی. خراسان تامانیگه یورماق ییزگه بیر نچه جهتدن لازم بۇلدى. بیر سببی: سلطان حسین میرزادېک تېمورېک اۋرینده اۋتیرگن اولوغ پادشاه قۇشین تۈپلې، تېوره‌ک و اطرافده‌گی اۋغیللری و بېکلرینی چقیرتیریب، شیبانی خان دېک غنیم‌نینک اوستیگه یوریش قیلگنده، اېل آياغی بیلن بارگنده، ییز باش بیلن بارگه‌یمیز، اېل تیاق بیلن بارگنده، ییز تاش بیلن بارگه‌یمیز. اېکینچی سببی: جهانگیر میرزا بوندی کېک و یامانلیک بیلن کېتدی‌که، یا کېکینی برطرف، یا ضررینی دفع قیلگه‌یمیز.

اوشبو ییلی شیبانی خان چین‌صوفی‌نی خوارزمده اۋن آى قمل قیلیب آلدی. بو قملده تله‌ی اوروشلر بۇلدى. خوارزم ییگیتلری کۈپ مردانه‌لیکلر کۈرستیدیلر، کوره‌شده هېچ خطاگه یۈل قۇییشمە‌دی. شونده‌ی اۋق‌آترلیک قیلدیلرکه، کۈپ بار قلقلاندن، ساووتدن، بعضاً ایکی قبت ساووتدن هم اۋتکزیب کماندن اۋق آتیدیلر. اۋن آى قملدارلیک تارتیلر، هېچ یپردن امیدوارلیک بۇلمە‌دی. بعضی ییگیت-یلنگ یوره‌کسیزلیک قیلیب، اۋزبک بیلن سۈزلیشېب، اۋزبکنى قۇرغانگه کیرغیزدی. چین‌صوفی بوندن خبردار بۇلیب، اۋزی کېلیب قورغانگه کیره‌ياتگن اوزبکلرنی اوریب توشیره‌ياتگن محلی اۋز تن‌قۇریقچیسى آرقە‌سیدن اونگه کماندن اۋق آتدی، او اۋلدى. اوروشه‌دیگن کیشی قالمە‌دی، قۇرغاننى آلدیلر. چین‌صوفی‌گه رحمت. مردانه‌لیک بیلن جان چېکیب، بیرار لحظه‌نى بېکار کېتکزمە‌دی. شیبانی خان خوارزم‌نى کۈپک‌بی‌گه بېریب، اۋزی سمرقندگه کېلدى. بو ییل نینگ آخری ذوالحجه‌ آيیده سلطان حسین میرزا شیبانی خان‌نینک اوستیگه لشکر تارتیب، بابا الهی‌گه یتکندیه تنگری رحمتیگه باردی.

تولدو نسل-نسبی: سگیز یوز قیرق ایگیده (۱۴۳۸) هرات‌ده شاه‌رخ میرزا زمانیده تولد تاپگن ایدی. سلطان حسین میرزا بن منصور بن بایقرا بن عمرشیخ بن امیر تېمور. منصور میرزا بیلن بایقرا میرزا پادشاه‌لیک قیلگن اېمس. آنە‌سی فېروزه‌بېگیم ایدی، تېمورېک‌نینک نبیره‌سی. سلطان حسین میرزا میرانشاه میرزانینگ هم نبیره‌سی بۇلردی. سلطان حسین میرزا

ايگى تامانلمه شرفلى عايله دن، اصل پادشاه اېدى. بير آنه دن ايگى اوغىل، ايگى قيز اېدىلر. بايقرا ميرزا و سلطان حسين ميرزا، آقابېگم و ينه احمدخان آلگن قيز- بده كه بېگم. بايقرا ميرزا سلطان حسين ميرزا دن كته و اونينگ نوكرى اېدى. لېكن محكمه ده حاضر بولمىدى. محكمه دن تشقري همه يېرده بير توشكده اوتيردىلر. اوكه سى اونگه بلخ ولايتىنى بېرگندى. بير نېچه ييل بلخ گه حكمرانلىك قىلدى. اوچ اوغلى بار اېدى: سلطان محمد ميرزا، سلطان ويس ميرزا و سلطان اسكندر ميرزا. آقابېگم سلطان حسين ميرزانينگ اېگه چىسى اېدى. ميرانشاه ميرزانينگ نيره سى. سلطان احمد ميرزا آليب اېدى. كيچىك ميرزا اسملى بير اوغلى بار اېدى. بورونلرى تاغەسيگه خدمت قىلردى. سۇنگره سپاهىلىكنى ترك قىليب، مطالعه گه مشغول بۇلدى. دېرلرگيم، دانشمند بۇلگن اېكن. شعرى استعدادى هم بۇلگن اېكن. بورباغى اونيكى:

عمرې به صلاح مى ستودم خودرا،

در شېوهى زهد مى نمودم خودرا.

چون عشق آمد کدام زهدو، چه صلاح،

المت لله آزمودم خودرا.

(مضمونى:

عمر بۇيى اۋزىمنى يخشىلىك بيلن مقتهب يوردىم،

اۋزىمنى زاهد و تقوادر قىليب كۇرسه تردىم.

عشق كېلگچ، قنى اۋشه زاهدلىگ و قنى اۋشه يخشى فضيلتلىرىم؟

خداگه شكركه، اۋزىمنى سينتهب آلدىم.)

ملا عبدالرحمن جامي نينگ رباعيسى بيلن توارد (عينا بىر خيل) بۇلگن. سۇنگى

يىللرى حج طوافىنى هم قىلدى. بده كه بېگم هم سلطان حسين ميرزانينگ اېگه چىسى اېدى.

حربى قۇنىمسيزلىكلرى پىتلىرىده احمدخان حاجى ترخانى گه بېرگن اېدىلر. ايگى اوغلى بار

اېدى. اولر هرات گه كېلىپ انچه مدت سلطان حسين خدمتده بۇلدىلر.

شکل و شمایل. قیق کۈزلی، شېراندام کیشی اېدی. بېلیدن پستی اینگیچکە اېدی. اولوغ یاشگە یېتیب، سقالی آقرگن بۇلسەدە، خوشرنگ، قیزیل-یشیل ایپک متاعلردن کییم کییردی. قاره قۈزی تېریسیدن قیلینگن بۇرک یا قلقاق کییردی. احیان-احیان-عیدلردە کیچیک اوچاۋرمە سلەنی یپ-یسی چیرمب، قرقرە پتینی سنچیب، نمازگە بارردی.

خلقی و فعل - اطواری. تاختگە اۋتیرگن پیتی اۋن ایگی امامنی خطبەدە اۋقیتیش نیتیدە بۇلگن اېکن. علیشېربېک و بعضیلر منع قیلیدیلر. اما کپین برچە ایشلری و خط-حرکتلری سنت و جماعت مذهبى بیلن موافق بۇلگندى. مفاصل (روماتیزم) خستەلیگی طفیلی نماز اۋقیی آلمس، رۈزە هم توتمسدى. سۈزە مال و خوش خلق کیشی اېدی. خلقي بیرآز تېزراق، سۈزی هم خلقيدېک اۋتکیر اېدی. بعضی یوموشلردە شریعتگە کۈپ رعایە قیلردی. بیر سفر بیر اۋغلی بیر کیشینی اۋلدیرگنی اوچون خون طلبلرگە تاپشیریب، قاضیخانگە یوباردی.

دستلب تختنی آلگن پیتلری آلتی-یپتی ییل ایچمەدی. اوندن کپین ایچکیلیککە بېریلدى: قیرق ییلگە یقین خراسان دە پادشاهلیک قیلگن بۇلسە، بیرار کون یۇق اېدی کە، پېشین نمازیدن سۇنگ ایچمەگن بۇلسین. لېکن هېچ قچان تانگدە خمارباسدی قیلگن اېمس. اۋغیللری، برچەسپاهیسی و شهر اېلی ایچکیلیککە بېریلگن اېدی. عیش-عشرت و اخلاقسیزلیکنی حددن آشیرر اېدیلر.

شجاعتلی، مرد کیشی اېدی. جنگدە بیر نېچە مرتبە اۋزی یاوگە قیلیچ اورگن، بلکە هر جنگ میدانیده کۈپ مرتبەل قیلیچ اورگن اېدی. تېمورېک نسلیدن هېچ کیم نینگ سلطان حسین میرزاچەلیک قیلیچ چاپگنی معلوم اېمس. نظامی استعدادی بار اېدی. دېوان هم ترتیب قیلیب اېدی. تورکی تیلدە یازردی. تخلصی "حسینی" اېدی. بعضی بیتلری یامان اېمس. لېکن میرزانینگ دېوانی بوتونلە ی بیر وزندە دیر. هم یاش، هم سلطنتدە اولوغ پادشاه اېدی، کیچیکلردېک قۇچقار سقلب، کبوتر سقلب، کبتر بازلیک قیلردی، خۇراز هم اوروشتیرردی.

جنگ و جدللری. قۇنیمسیز حربی حرکتلریده بیر مرتبە گورگان دریاسیدن سوزیب

اۋتېب، بىر گروھ اۋزېكنى يىخشى يېنگىدى. يەنە بىر گل سۇلتان ابوسەيد مىرزا مۇھەممەد ئالى بىخشى باشلىق اوچ مىنگ كىشىنى ايلغار قىلىپ يوبارىپ اېدى. سۇلتان حسين مىرزا ئالتمىش يىگىت بىلەن كېلىپ، تۇقەنشېب يېنگىدى. سۇلتان حسين مىرزانىڭ بىر يىخشى و كۆرپىزلى ايشى شۇ دىر. يەنە بىر مۇرتە استراباددە سۇلتان مۇھەممەد مىرزا بىلەن اوروشىپ، اونى يېنگىدى. بىر سۇر استراباددە سوغدىلىك سەد بن حسين تۇركمەننى اوروشىپ يېنگىدى. يەنە تەخت ئالگىندىن سۇڭ چىناراندە يادگار مۇھەممەد مىرزا بىلەن اوروشىپ، اوندىن اوستون كېلدى. يەنە سىرپىل مۇرغابدىن شتاب بىلەن كېلىپ، باغ زاغاندە اىچىپ ياتگن يادگار مۇھەممەد مىرزانى قۇلگە ئالدى. اۋشە ئالگىنى بىلەن خراساننى اۋز قۇلىدە سىقلەدى. يەنە اندخود و شىبورغان يەرلىرى بۇلگن چىكماندە سۇلتان مۇھەممەد مىرزا بىلەن اوروشىپ غالب بۇلدى.

عراقدىن كېلىپ قارقۇلۇق تۇركمەنلەرگە قۇشىلگن ابابكر مىرزا اولوغبېك مىرزانى تكانە و خماردە يېڭىپ، كابىلنى ئالدى، عراق آرزوسىدە كابىلنى تەشلىپ، خىردىن اۋتېب، خوشاب آرقەلى مۇلتان مەملىكىدىن اۋتېب، سىويگە چىقىدى؛ او يېردىن كېتىپ كرماننى آلىپ، ھلى مستەھكەملەنە ئالمەى خراسان ولايتىگە كىرگىدە سۇلتان حسين مىرزا تەزلىك بىلەن بارىپ اونى يېنگىدى. بىر سۇر بىلچىراغدە بىر اۋغلى بىدەى الزمان مىرزانى يېنگىدى. يەنە ھلوى چىشمەدە ايكى اۋغلى - ابوالمەحسن مىرزا و كېپىك مىرزادىن اوستون كېلدى. يەنە بىر مۇرتە لشكر تارتىپ كېلىپ، قوندوزنى قىل قىلىپ، ئالمەى قىتدى. يەنە بىر مۇرتە ھىصارنى ھەم قىل قىلىپ، ئالمەى قىتدى. يەنە بىر مۇرتە ذوالنونىڭ ولايتى اوستىگە كېلدى. بۇست قۇرغانبېگى بۇستنى بېردى. اوزگە ھېچ ايش قىلمەدى. بۇستنى ھەم تەشلىپ قىتىپ كېتدى. سۇلتان حسين مىرزا بېك مۇرد و اولوغ پادىشاھ بو ايكى - اوچ يۇرىشدە شاھانە سۇر نىيىتى جايبىگە قۇيمەى، ھېچ ايشنى بىتكەمەى، آرتىگە قىتدى. يەنە نىشىن سىھونلىگىدە ذوالنونىڭ اۋغلى شاھبېك بىلەن كېلگن اۋغلى بىدەى الزمان مىرزا بىلەن اوروشىپ، يېنگىدى. بۇندە قىزىق بىر تەصادف يۇز بېرەدى: سۇلتان حسين مىرزانىڭ لشكرى آزانلى اېكن. اكثر لشكرى استراباد تۇمىنگە يوبارگن اېكن. اۋشە اوروش كۈنى استرابادگە كېتگن لشكر كېلىپ قۇشىلەدى. بو تاماندە

حصارنى بايسونقور ميرزاگه آلدیریب، سلطان حسین میرزانینگ آلدیگه کبله یاتگن سلطان مسعود میرزا هم اؤشه کونی کبلیب قاله‌دی. سبزوآرده بدیع الزمان میرزاگه قرشی بارگن ایلغار حیدر میرزا هم اؤشه کونی کبله‌دی.

سلطان حسین میرزانینگ اؤن تۇرت مینگ سره ییگیتی بار اېکن وقیرق مینگ عسکر ییگیتلری مرکزده اېکن. عسکرلرگه تعلقلی ایشلر خندق تۇلدیرماق وقزماق، یؤل یسه‌ماق، اؤتین و بیم-خاشاکنى اولاوگه بیتکزماق دیر. اولرنینگ هر بیر ییگه سکسان جهریب (طناب) پیر پیردیلر: بوندن قیرق طنابیگه اېکین اېکیب، حاصلیدن اؤزلری بهرهمند بۆله‌دلر و کاتبلر بونی اولرنینگ معاشیگه قۇشیب حسابله‌یدیلر. قالگن قیرق طنابدن آرتیق پیرگه اېکین اېکسه‌لر، سالیق تۆله‌یدیلر.

ولایتلری: خراسان ولایتی اېدی. شرقی بلخ، غربی بسطام و دامغان، شمالی خوارزم، جنوبی قندهار و سیستان. هرات دېک شهرگه اېگه بۆلدى، تون و کون عیش و عشرتدن اؤزگه ایشی یۇق اېدی. بلکه قۇل آستیده‌گیلری و یقین تئیشلریده عیش و عشرتگه پیریلمه‌گن کیشى یۇق اېدی. جهانگیرلیک و لشکرتارتیشلیک مشقتینی چېکمه‌دی. ذاتاً، بارگن سه‌یین نوکر و ولایتی کمه‌یدی و آرتمه‌دی.

اولادی. اوندن اؤن تۇرت اؤغیل، اؤن بیر قیز قالگندی. اؤغیللری نینگ اولوغی بدیع الزمان میرزا اېدی. آنه‌سی سنجرمیرزا مروی نینگ قیزی اېدی. ینه بیراوغلی شاه غریب میرزا اېدی، بوکری اېدی. گرچه ضعیف کۆرینسه‌ده، قابلیتی یخشی اېدی. گرچه تنه‌سی ضعیف بۆلسه‌ده، سؤزی یاقیملى اېدی. "غریبی" تخلصی ییلن دېوان هم ترتیله‌گن اېدی؛ تورکی و فارسیده شعرلر یازردی. اوشبو بیت اونیکى دیر:

درگذر دیدم پریرویی شدم دېوانه‌اش،

چیست نام او، کجا باشد ندانم خانه‌اش؟

(مضمونی:

گذرده پری یوزنی کۆریب دېوانه بۆلدیم،

اونینگ اسمی نیمه، اویى قه‌یبرده اېکینى بیلمه‌دیم.)

بیر نېچه وقت هرات شهرى حاکمليگىنى سلطان حسين ميرزا شاه غريب ميرزاگه پېرگن اېدى. آتهسى نېنگ زمانیده ياق قضا قىلدى. اوندن اوغىل قىز قالمهدى. ينه بيرى مظفر ميرزا اېدى. سلطان حسين ميرزانينگ سويوکلى اوغلى شو اېدى. خيله سويگوليك اخلاق و فعل-خوڻى هم يۇق اېدى. آتهلرى اونى آرتىقراق كۆرگنى اوچون اوغىللىرى نېنگ اكثرى ياولشدى. بو ايگلهسى نېنگ آتهسى سلطان ابوسعيد ميرزانينگ غنچه چيسى خديچه بېگيم اېدى. ابوسعيد ميرزادان آق بېگم ناملى بير قىزى بار اېدى. ينه ابوالمحسن ميرزا و كېيك ميرزا اېدى كه، آتى محمد محسن اېدى. بو ايگىسى نېنگ آتهسى لطيف سلطان آغه چه اېدى. ينه بيرى ابوتراب ميرزا اېدى. بورونلرى اونينگ خيله توغريلگيدىن روايت قىلدىلر. آتهسى نېنگ كسلليگى كوچه يگنده اوڭره چه خبر اېشيتيب اوكهسى محمد حسين ميرزا بيلن عراققه قاچيب كېتىدى. عراقده سپاهيلىكنى ترك قىليب، درويشلىك اختيار قىليپتى. آرتيق اوندن بيرار خبر اېشيتيلمهدى. سهراب ميرزا اسملى بير اوغلى بار. مېن حمزه سلطان بيلن مهدي سلطان باشلىق سلطانلرنى پېنگيب، حصارنى آلگنيمده خدمتيمده اېدى. بير كۆزى كور اېدى. خير تلنرلى درجه ده خونيك اېدى. اخلاقى هم كورنيشيدېك اېدى. بير يامان ايش قىليب قويدى، تورالمهدى، كېتىدى. استراباد اولكه سيدة بير قلتيس حركتى طفيلى نجم ثاني اونى عذاب بيلن اوڭليردى. ينه بيرى محمد حسين ميرزا اېدى. عراقده بونى و شاه اسماعيل نى بير بېرده توتقنليكه آلگن اېكلر. او شه پيت اونگه مريد توشگن اېكن، سؤنگره غليظ رافضى (شيعه) بوليب كېتىدى. آته-آنه و اوكهسى برچهسى سنى، او اېسه بوندهى رافضى. استرابادده شو گمراه ليگى و بدبختليگى بيلن اوڭلدى. اونى خيله مرد و بهادر دېرديلر. اوندن يازيشكه ارزىيدىگن بيرار ايش ظا هر بولمهدى. نظمي قابليتى بار اېكن. بو بيت اونيكى دير:

آلوده ي گردى ز پى صيد كه گشتى،

غرق عرقى در دل گرم كه گذشتى.

(مضمونى:

آو ايزيدن چاپيش بيلن گردگه باتدينگ،

قيزغين دلدن كېچيش بيلن تېرگه باتدينگ.)

ینه، بیر فریدون حسین میرزا ابدی. یاینی کوچ بیلن تارتیب، اوقنی یخشی آتردی. کمانی نینگ توپۇقى^۲ ایتیشلریچه، قیرق باتمان^۳ اېکن. اوزی انچه مرد ابدی، لېکن آمدسیز ابدی. قه‌پرده اوروش قیلگن بۇلسه، مغلوب بۇلدى. رباط دوردده فریدون حسین میرزا، اوکەسى ابن حسین میرزا تېمور سلطان و عبیدسلطان شیبانی خان نینگ ایلغارى بیلن اوروشیب مغلوب بۇلدیلر. اونده فریدون حسین میرزا یخشی ایش کؤرسه‌تیشتی. دامغانده فریدون حسین میرزا و محمد زمان میرزا شیبانی خان قۇلگه توشدی. هر ایگیسینی اۇلدیرمه‌دی، قۇیب یوباردی. سۇنگره شاه محمد دېوانه قلاتنى مدافعه قیلگنده او پیرگه بارگندی. اۇزبک قلاتنى آلگنیده قۇلگه توشدی، اۇلدیردیلر. بو اوچله‌سى میرزانینگ مینگلی‌بی آغه‌چه اسملى اۇزبک غنچه‌چیسیدن توغیلگن اېدیلر.

ینه، حیدر میرزا ابدی. آته‌سى پاینده سلطان بېگم ابدی. سلطان ابوسعید میرزانینگ قیزی ابدی. آته‌سى زمانیده مشهد و بلخده بیر قنچه وقت حکمرانلیک قیلدی. سلطان حسین میرزا حصارنى قمل قیلگنیده سلطان محمود میرزانینگ خانزاده بېگم‌دن بۇلگن قیزینى بونگه آلیب، یره‌شیب، حصار اوستیدن توریب کپتدیلر. بیرگینه قیزی قالگندی، شادبېگم اسملى. سۇنگره کابل‌گه کپلدى. عادل سلطان‌گه بېریلدى. حیدر میرزا آته‌سى زمانیده‌یاق عالم‌دن اۇتدی.

۲- توپۇق- یومه‌لاق ساقه‌شکل کمان اوقی.

۳- باتمان- ترازوتاشی؛ اۇزبک تیلی ایضاحلی لغتیده اونى ۸۹۸ گرامگه تېنگ آغیرلیک اۇلچاوی دېب قیدایتیلگن بۇلسه، قادر توردیوف و مهیا ذاکروه‌لرنینگ «معرفت» گزېته‌سیده «عجایبات- قیزیرلی معلوماتلر» سیره‌سیده نشرایتیلگن قدیمی شرق اۇلچاو بیرلیک‌لری باره‌سیده‌گی مقاله‌لریده ۷۸ پوندگه یا‌که ۱۲۸ کیلوگرامگه تېنگ دېب فکر بیلدیریلگن. بو ایکله‌سى هم بابر نظرده توتگن آغیرلیکنى افاده قیلیشی احتمال‌دن بیراق، یعنی کمان اوقی ۴۰ باتمان بۇلگن تقدیرده بیرینچی حالده قریب ۳۶ کیلوگرام وایگینچی حالده ۵۱۲۰ کیلوگرام بۇله‌دی و بو درجه‌ده‌گی آغیر اوق و یا تاشتی قۇل یا‌که کمان بیلن آتیش ناممکن. باتمان مسلمان مملکتلرنینگ اکثریتیده تورلی دورلرده و تورلی میزانلرده قۇللینگنی باعث فقط اونینگ شرعی میزانی- ۸۳۲ گرام آغیرلیگی متنیمیز حقیقتیگه ماسراق کورینه‌دی. (ت. بهایی)

ينه، محمد معصوم ميرزا اېدى. قندهار حاكمليگىنى اونگه بېرگندى. شو مناسبت بيلن اولوغ بېك ميرزانينگ بير قيزىنى بو اۋغليگه سۈردى. هرات گه كېلتيرگنده كټه تۋى قىليب، كټه چادر تىكدى. آتەسى اونگه قندهارنى بېرگن بۇلسەدە، لېكن آق قىلەدىمى، قارە قىلەدىمى، شاه بېك ارغون قىلردى. بو ميرزادە بيرار اختيار و اعتبار يۇق اېدى. شونينگ اوچون قندهارده تورمەى، خراسان گه باردى. آتەسى حياتليگيدە ياق دنيادان اۋتدى.

ينه، فرخ حسين ميرزا اېدى. او هم توزوك عمر كۆرمەدى. او كەسى ابراهيم حسين ميرزادان بورونراق بو دنيادان سفر قىلدى.

ينه، ابراهيم حسين ميرزا اېدى. قابليتى يامان اېمس اېكن. هرات شرايىنى حددن آرتىق ايچە-ايچە، آتەسى زمانيدە ياق اۋلدى.

ينه، ابن حسين ميرزا بيلن محمد قاسم ميرزا اېدى. ھلى بولر خصوصيدە يازىلەدى. بو بېش ميرزانينگ آتەسى بابا آغەچە اېدى، غنچەچى اېدى.

ھمەسەيدن كټەسى قىزى سلطانيم بېگم اېدى. آنەدن يالغيز توغىلگندى. آتەسى چۈلى بېگم قزاق بېكلىرى نينگ قىزى اېدى. خىلە سۆز بىلردى. سۆزگە چېچن اېدى. آغەسى بايقرا ميرزانينگ اۋرتەنچە اۋغلى سلطان ويس ميرزاگە چىقىرىب اېدى. بير قىز و بير اۋغلى بار اېدى. قىزىنى شىيان سلطانلريدن يولبرس سلطان نينگ او كەسى اېسانقولى سلطان گە چىقىرگن اېدى. اۋغلى محمد سلطان ميرزا دىركە، بو پىتدە قنوج ولايتىنى مېن اونگە بېرگن اېدىم. سلطانيم بېگم كابل دن اوشبو يىلى نىبرەسىنى آلىب ھندوستان گە كېلە ياتگنيدە نىلابدە تىگرى حكىمىنى بىتكىزىدى. سويگىنى يىقىنلىرى آلىب قىتدىلر، نىبرەسى بىز نينگ آلدىمىزگە كېلدى.

ينه، پايندە سلطان بېگم دن توغىلگن تۇرت قىزى بار اېدى. اېنگ كټەسى آق بېگم نى ابوالقاسم بابر ميرزانينگ سىنگلىسى بېكە بېگم نينگ نىبرەسى محمد قاسم ارلات گە چىقىرىب اېدىلر. بيرگىنە قىز كۆرىشىدى. قارە كۆز بېگم اسملى. ناصر ميرزا آلىب اېدى. ايگىنچى قىزى كىچىك بېگم اېدى. سلطان مسعود ميرزا مايلى اېدى. ھرقنچە حركت قىلدى، پايندە سلطان بېگم كلتە اۋىلىب، بېرمەدى. سۇنگرە سىدا آتە نينگ نىسلى ملاخواجە گە چىقىردى.

اوچینچی قیزی بیکه‌بېگم‌نی و تورتونچی قیزی آغە‌بېگم‌نی سینگلیسی رابعه سلطان‌بېگم‌نینگ اوغیللری بابر میرزا ییلن سلطان مراد میرزاگە بېرگندی.

مینگلی‌بی آغە‌چەدن ایگی قیز توغیلگن. کتەسی نینگ اسمی بیرەم سلطان اېدی. بايقرا میرزانینگ قیز تامانندن نبیره‌سی بۇلگن اندخود سیدلریدن سید عبدالله میرزاگە بېرگن اېدیلر. بیر اوغلی بار اېدی، سید برکە اسملی. مېن سمرقندنی آلگنیمده خدمتیمده اېدی. سۇنگرە اورگنج سری توشیب سلطنت دعوا سینی قیلدی. استرابادده قیزیلباشلر اولدیردی.

ینە بیر قیزی نینگ آتی فاطمه سلطان اېدی. تېموربېک نسلیدن یادگار محمد میرزاگە بېرگندیلر. پاپا آغە‌چەدن اوچ قیز بۇلگن. اولوغی-سلطان نژادبېگم. سلطان حسین میرزا آغە‌سی نینگ کیچیک اوغلی اسکندر میرزاگە چیقارگندیلر.

ایکینچی قیزی بېگم سلطان‌نی سلطان مسعود میرزاگە کۆزی معیوب بۇلگنیدن سۇنگ بېردیلر. بیر قیز، بیر اوغلی بار اېدی. قیزی سید سلطان حسین میرزانینگ خاتینی آفاق‌بېگم اسرە‌گندی. هرات‌دن کابل‌گە کېلدی. سید میرزا آفاق‌گە بېریلدی. بېگم سلطان سلطان مسعود میرزانی اۋزبک اولدیرگندن سۇنگ اوغلینی آلیب کعبە سری کېتدی. اوشبو کونلردە اۋزی و اوغلی مکە‌ده اېکن، دېگن خبر کېلدی. اوغلی کتە‌گینە بۇلگن اېمیش. اوچینچی قیزی سید میرزا دېگن اندخود سیدلریگە بېریشگندی. او کۇپراق سیدی میرزا اسمی ییلن مشهور اېدی.

ینە بیر غنچه‌چیدن بیرتە قیز توغیلگن اېدی. سلطان اسملی. آنە‌سی زبیده آغە حسن شیخ تېمورنینگ نبیره‌سی اېدی. شیبان سلطانلریدن قاسم سلطان‌گە بېرگندیلر. اونندن قاسم حسین سلطان اسملی بیر اوغلی بار اېدی. او هندوستان‌ده مېنینگ خدمتیمگە کېلدی. رنا سَنگانینگ جنگیده قتنە‌شدی. بَدَاۋُننی اونگە بېردیک. قاسم سلطان‌دن سۇنگ اونى اۋز اوروغلریدن بۇلگن بۇران سلطان اَلدی. اونندن عبدالله سلطان دېگن بیر اوغلی بار، حاضر مېنینگ ملازمتیمده. کیچیک یاشده بۇلیشیگە قرە‌مە‌ی خدمتی یامان اېمس.

خاتین - خَلَجَلری. اول آلگن خاتینی بیکە سلطان‌بېگم اېدی. سنجر میرزا مروی‌نینگ قیزی اېدی. بدیع‌الزمان میرزا اونندن توغیلگن. خُلقی جودە اېگری اېدی. سلطان حسین

ميرزانی کۆپ رنجيتردی. خُلقي يامانليگيدن ميرزا بېزار بۇلدى، آخري قۇيدى و خلاص بۇلدى. نيمه قيلسين، حقيقت ميرزا تامانیده اېدى.

زن بد در سراى مرد نکو،

هم درين عالم است دؤزخ او.

(سعدى شېرازى)

(مضمونى:

بخشى اېر اوييده يره مس خاتين،

شودنياده اېر نينگ دؤزخى تعين).

تنگرى هېچ مسلمانگه بوبلانى سالمه سين. يامان فعللى، خُلقي اېگرى خاتين، الها، عالمده قالمه سين!

ينه بيرى چۇلى بېگم اېدى. آزاد بېكلرى نينگ قيزى اېدى. سلطانيم بېگم اوندىن توغيلگندى.

ينه، شهربانو بېگم اېدى. سلطان ابوسعيد ميرزانينگ قيزى اېدى. تختنى اېگلله گنيدن سۇنگ آلگن. چېكمان اوروشيده ميرزانينگ برچه عياللىرى تخت رواندىن چيقيب آتگه مينگنلريده بو اوكه سيگه ايشانيب تخت رواندىن چيقمه گن و آتگه مينمه گن. بونى ميرزاگه يېتكزه ديلر. بو سببدن شهربانو بېگمنى قۇيدى و سينگليسى پاينده سلطان بېگمنى آلدى. اؤزبک خراساننى آلگنيدن سۇنگ پاينده سلطان بېگيم عراققه كېتدى. عراقده غرييليكده وفات اېتدى.

ينه، خديچه بېگم اېدى. سلطان ابوسعيد ميرزانينگ غنچه چيسى اېدى. ميرزادن آق بېگم اسملى بير قيزى بار اېدى. عراقده سلطان ابوسعيد ميرزا يېنگيلگنيدن سۇنگ هراتگه كېلدى. هراتده سلطان حسين ميرزا آلدى و سېودى. غنچه چيلىك مرتبه سيدن بېگم ليك مرتبه سيگچه يېتيشدى. كېنچه ليك هم باش بېگم شو اېدى. محمد مؤمن ميرزانى اونينگ سعى-حركتى بيلن اؤلديرديلر. سلطان حسين ميرزانينگ اؤغيللىرى ياولشديلر. كؤپراغى شو

عيال طفىلى اېدى. اۋزىنى عاقلە توتر، لېكن بې عقل و ويسقى خاتىن اېدى. رافضيه (شيعه) هم اېكن. شاه غريب ميرزا بىلن مظفر حسين ميرزا اوندن توغىلگن اېدى.

ينه، آفاق بېگم اېدى. اوندن هېچ اۋغىل و قىز بۆلمەدى. سويوكلى خاتىنى پاپا آغەچە بونىنگ كۆكلداسى اېدى. اۋغىل قىزى بۆلمەگنى اوچون پاپا آغەچە نىنگ اۋغىللىرىنى اۋغىلېدېك اسرردى. ميرزانىنگ خستەلىك چاغلرىدە كۆپ يخشى خدمت قىلردى. عياللىرىدن هېچ كىم بونچە خدمت قىلە آلمىدى. مېن هندوستان گە كېلەدىگن يىلى ھراتدن كېلدى. مېن ھم قۇلدن كېلگنچە تعظيم و احترام قىلدىم. چنەدىرىنى قىمل قىلگندە خبر كېلدىكە، كابلدە تنگرى رحمتىگە بارىدى.

غومە (چۆرى) لرىدن يىرى چارشنبە خىللىردن بۆلگن لطيف سلطان آغەچە اېدى، ابوالمحسن ميرزا بىلن كېپك ميرزا اوندن توغىلگندى.

ينه، مىنگلى بې آغەچە اېدى، اۋزىك اېدى. شەربانو بېگم گە قرىنداشلىگى بار اېدى. ابوتراب ميرزا، محمد حسين ميرزا و فرىدون حسين ميرزانىنگ آنەسى اېدى. ينه ايگى قىزى ھم بار اېدى.

ينه، آفاق بېگم نىنگ كۆكلداسى پاپا آغەچە اېدى. ميرزا كۆرىب، سېويب آلدى. بېش اۋغىل، تۇرت قىزنىنگ آنەسى اېدى. بويوقارىدە ذكر اېتىلدى.

ينه يىرى بېگى سلطان آغەچە اېدى. اوندن اۋغىل قىز بۆلمەدى.

ينه كىچىك-كىرىم چۆرى، غنچەچى كۆپ اېدى. خاتىنلىرى و چۆرىلىرىدن معتبرلىرىنى ذكر اېتدىك.

بونى قرەنگ كە، سلطان حسين ميرزادېك اولوغ پادشاه، ھرات دېك اسلام شەرى پادشاهى نىنگ بو اۋن تۇرت اۋغىلدىن اوچتەسى نكاحدەگى عياللىرىدن توغىلگن اېدى. فسق و فجور اۋزىدە، اۋغىللىرىدە و اېل-اولوسى آرەسىدە جودە كېنگ ترقلگندى. اوشبولرىنىڭ كىتافتىدن، شۇندەى اولوغ خانداندىن يېتى-سگىز يىلدە بىر محمد زمان ميرزادىن اوزگە نام و نشان قالمەدى.

اميرلرى. يېرى محمد بوروندوق برلاس اېدى. چاكو برلاس نسلیدن دیر. محمد بوروندوق بن علی بن بوروندوق بن جهانشاھ بن چاكو برلاس ابوالقاسم بابیر میرزا قاشیدە بېك اېدى. اوندن سۇنگ سلطان ابوسعید میرزا ھم اعتبار كۇرسەتیب، او بیلن جهانگیر برلاس گە کابل نى بېرىپ، اولوغ بېك میرزاگە بېك آتە قیلیپ اېدى. سلطان ابوسعید میرزادن سۇنگ اولوغ بېك میرزا کابلی برلاس لرگە قصد قیلیشگە اۋتدی. بولر سېزیپ، میرزانی توتیب، اېل و اولوسینی كۇچیریپ، قوندوز سىرى كۇچدیلر. ھندوكش نینگ اوستیدن میرزانی آدمگرچیلیک بیلن کابل سىرى اوزەتیب، اۋزلى خراسان گە، سلطان حسین میرزا قاشیگە باردیلر. میرزا ھم یخشی حُرمت-اعتبار كۇرستدی. محمد بوروندوق جودە بیلیملى كیشی اېدى. یخشی سردار اېدى. قوشگە جودە کوچلى میلى بار اېدى. شونچەلیکكە، بیر قوشی اۋلسە یا یۋقالسە، اۋغیللری نینگ آتینی توتوب: «بو قوش اۋلگونچە یا یۋقالگونچە فلانچی اۋلسە بۇلمسمیدی، یا فلانچی نینگ بۇینی سینسە بۇلمسمیدی؟» دېردی.

ینە مظفر برلاس اېدى. میرزا نینگ حربى سرگردانلیک چاغلریدە یانیدە اېدى. بیلمەدیم، میرزاگە قیسی عادتی خوش یاققندی کە، اونى جودە حُرمت قیلردی. اعتباری شو درجەدە اېدی کە، سلطان حسین میرزا قۇنیمسیز حربى یوریشلری چاغیدە او بیلن شوندەى شرطلشیپ آلگن اېدی: هر بیر ولایت اېگللنسە، درآمدنینگ تۇرت قىسمى میرزاگە، ایگى قىسمى اونگە بۇلەدى. بو عجب طور بیر شرط: بیر قارەچە-عادى كیشینی اۋزی بیلن شریک قیلیشیبتى، پادشاھلیکكە قندەى تۇغرى كېلەدى؟ اوکە-اۋغیل بیلن بوندەى شرطلشیپ بۇلمەیدی و بېك كیشی بیلن بو قندەى میسر بۇلسین؟! تختى آلگنیدن سۇنگ بو شرطیدن پُشیمان بۇلدى، لېکن فایدەسى بۇلمەدى. بو ملاحظەسیز اېرکک شونچە اعتبار تاپیب ھم میرزاگە آرتیقچە سورلیکلر قیلردی. میرزانینگ رأییگە قرەمس اېدى. آخری، اېشیتیشیمچە، زھرنییدى. واقعه حقیقتینی اللہ بیلگۈچى دیر.

ینە، علیشېر بېك نوایى اېدى. بېگى اېمس، بلکە صحبتداشی اېدى، کیچیکلیگیدە مکتبداش بۇلیشگن اېکن. خصوصیتی کوپ اېکن. بیلمەیمن، نې جریمە بیلن سلطان

ابوسعید میرزا هرات دن سورگون قیلدی. سمرقندگه باردی. بیر نېچه ییل سمرقندده بۇلدى، احمد حاجی بېک مری و حامیسی اېدی. علیشېر بېک مزاجی نینگ نازکلیگی بیلن مشهور دیر. آدم لر نازکیتینی دولتی نینگ غروریدن دېب تصور قیلر دیلر. اونده ی اېمس اېکن. بو صفت اونگه توغمه اېکن. سمرقندده اېکنیده هم خودی شونده ی نازک مزاج اېکن دیر.

علیشېر بېک اؤخششی یوق کیشی اېدی. تورکی تیل بیلن تا شعر بیتیدیلر، هېچ کیم اونچه لیک کۆپ و یخشی یازگن اېمس. آلتی مثنوی (داستان) کتاب نظم قیلگن: بېشی "خمسه" جوایده، ینه بیرى "منطق الطیر" وزنیده "لسان الطیر" ناملى. تۇرت غزلیات دېوانینی توزگن: "غرایب الصغر"، "نوادالشباب"، "بدایع الوسط"، "فوائد الکبر". یخشی رباعیلری هم بار. ینه بعضی اثرلری هم بارکه، اوشبو ذکر اېتیلگنلردن کؤره پستراق و سستراق دیر. شو جمله دن، مکتوبلرینی مولانا عبدالرحمن جامی گه تقلید قیلیب جمع قیلگن. خلص، هر کیمگه هر ایش اوچون بیتگن خطلرنی کتاب قیلیب جمعه گن. ینه "مېزان الاوزان" ناملى عروض کتابینی بیتگن، انچه ملاحظه طلب: ییگیرمه تۇرت رباعی وزنی نینگ تۇرت وزنیده خطا قیلگن. بعضی بحرلر نینگ وزنلریده هم ینگلیشگن. بو عروضدن خبردار آدمگه معلوم بۇله دی. فارسی دېوان هم ترتیب بېرگن. فارسی نظمده "فانی" تخلصینی قولله گن. بعضی بیتلری یامان اېمس دیر. بیراق اکثری سست و بۇشتاب دیر. موسیقی ده هم یخشی آهنگلر یره گن. یخشی نقشلری، پېشرو لری بار.

فضل اهلی و هنر اهلیگه علیشېر بېکچهلک مری و حامیلیک قیلگن آدم دنیاده باشقه تاپیلمه سه کبره ک. سازده پېشقدم بۇلگن استاذ قول محمد، شیخ نایی و حسین عودی بېک نینگ تربیه سی و حامیلیگی بیلن شونچه کمال تاپیب، شهرت قازانیدیلر. استاذ بهزاد و شاه مظفر تصویرده بېک نینگ سعی-حرکتی بیلن معلوم و مشهور بۇلیدیلر. شونچه لیک کۆپ خیریه بنالر بنیاد قیلدی که، آر کیشی بونده ی ایشگه مؤفق بۇله آله دی.

اوغیل-قیزی و اهل و عیالی یوق، عالمده یالغیز و تنهالیکده عمر اؤتکزدی. اوللری مۇهردار اېدی. فعالیتی نینگ اؤرتهلریده بېک بۇلیب، بیر نېچه وقت استرابادده حاکمیلیک

قىلدى. آخىرى عملدارلىكنى ترك ايتدى. ميرزادىن بىرەر نرسە ئالمىس، بلكە ھەر يىلى حسين ميرزاگە يىرىك-يىرىك مېلغلەر ھدىيە قىلدى. سۇلتان حسين ميرزا استراباد يوريشىدىن قىتگىنىدە ئىلىشېرىپك اۋىنىنگ استىقبالىگە چىقىدى. ميرزا بىلەن كۆرىشىپ اۋرىنىدىن تورگونچە، بىر مدارسىزلىك ھالىتى بۇلدى، تورە ئالمەدى. كۆتۈرۈپ ئايب كېتىدىلەر. طىبىلەر اصلا تشخىص قىلە ئالمەدىلەر. اېرتەسىگە ياق تنگىرى رحمتىگە باردى. بىر يىتى اۋىنىنگ اۋشبو ھالىتىگە موافق كېلگن:

بو درد ايله كە اۋلر مېن، مرض چو ظاهر اېمىس،

طىبىلر بو بلاغە نې چارە قىلغايلر؟

ينە، احمد توكل برلاس اېدى. بورونلرى بىر آز مدت قندھار ھاكملىگى اۋىنىنگ قۇلىدە اېدى.

ينە، ۋلى بېك اېدى. ھاجى سيف الدين بېك نىنىنگ نسلدىن دىر، ميرزانىنگ اولوغ بېگى اېدى. سۇلتان حسين ميرزا تىختىنى ئالگىنىدىن سۇنگ كۆپ عمر كۆرمەدى، تېزدە اۋلدى. مسلمان، نمازخۇن، تورك و صادق كىشى اېدى.

ينە، حسن شىخ تېمور اېدى. اۋنى ابوالقاسم بابىر ميرزا ھرمەت قىلىپ، بېكلىك مرتبەسىگە يېتكۈزگندى.

ينە، نۇيان بېك اېدى. آتەسى ترمز سىدلرىدىن دىر. آنە طرفىدىن ھم سۇلتان ابوسعيد ميرزا، ھم سۇلتان حسين ميرزاگە قىرىنداش بۇلەدى. سۇلتان ابوسعيد ھم ھرمەت كۆرسىتىگن اېدى. سۇلتان احمد ميرزا قاشىدە مەتبىر بېك اېدى. سۇلتان حسين ميرزا قاشىگە ھم باردى. يىخشى آبرو-اعتبار تاپدى. بۇشتاب، خوش نما، سېرملازمت، شرابخور و عيش-عشرتتى سېۋوۋچى كىشى اېدى. حسن يعقوب اۋىنىنگ خەدمىتىدە بۇلگنى اوچون حسن نۇيان ھم دېدىلەر.

ينە، جھانگىر برلاس اېدى. انچە وقت محمد بوروندوق بىلەن شىرىكلىكدە كابل دە ھاكملىك قىلدى. سۇنگرە سۇلتان حسين ميرزا قاشىگە باردى. يىخشى اعتبار تاپدى. ھركەت و اۋتېرىش-تورىشىدە زىرك و لطافتلى اېدى. كىشىلەر بىلەن يىخشى مناسبتدە بۇلردى. آو و

قوشنی یخشی بیلگنی اوچون سلطان حسین میرزا کؤپراق بوندهی ایشلرنی اونینگ ذمه سیگه یوکلردی. بدیع الزمان نینگ صحبتداشی ابدی. میرزا صحبتداشلیگینی اېسلب تعریف قیلردی.

ینه، میرزا احمدعلی فارسی برلاس ابدی. شعر یازمه سه ده، خوش طبع و شعرشناس، ظریف و شؤخ تاب کیشی ابدی.

ینه، عبدالخالق بېک ابدی. شاهرخ میرزانینگ کتّه حرمتیگه سزاوار بؤلگن بېگی فیروزشاه بېک اونینگ کتّه آته سی دیر. بو جهتدن عبدالخالق فیروزشاه دېردیلر. بیر نېچه مدت خوارزم حاکمی بؤلدی.

ینه، ابراهیم دؤلدای ابدی. ایش یوریتیش و ملکدارلیک قاعده لرینی یخشی بیلردی. او هم محمد بوروندوق نینگ بیرته سی ابدی.

ینه، ذوالنون ارغون ابدی. مرد کیشی ابدی. سلطان ابوسعید میرزا قاشیده اېکنلیکلریده قیلیچ بیلن یخشی جنگ قیلگن. اوندن سؤنگره هم هر یېرده قۇلی ایشگه یېتگن دیر. مردانه لیگیگه سؤز یۇق ابدی. بیر آز تېلبه راق کیشی ابدی. بیزنینگ میرزالریمیز قاشیدن سلطان حسین میرزا حضوریگه باردی. اونگه غۇر و نکدری نی بېردی. یېتمیش سکان کیشی بیلن اۋشه یېرده یخشی قیلیچ چاپدی. آزگینه لشکر بیلن هم کؤپلېب هزاره و نکدری نی یخشی یېنگلدى. هزاره و نکدری نی هېچ کیم اونچه لیک قۇلگه آلا لگن اېمس. بیر قنچه مدتدن سؤنگ زمينداورنى هم اونگه بېردیلر.

اوغلی شاه شجاع ارغون هم آته سی بیلن کیچکینه لیگیدن آق بیرگه یوریب، قیلیچلر چاپدی. سلطان حسین میرزا آته سی نینگ حرمتینی قیلیب، قندهارنی آته سی بیلن شریکلیککه بېردی. آته-اۋغیل حاکملیک قیلدیلر. سؤنگره بو آته-اۋغیل: (ذوالنون ارغون و شاه شجاع ارغون) او آته-اۋغیل (بدیع الزمان میرزا بیلن حسین باقرا میرزا) آره سیگه بؤلکیر سالیب، فتنه لر قیلدیلر. آخری مېن خسروشاهنی توتیب، نوکر سؤدريدن اییریب، کابلنی ذوالنون نینگ کیچیک اوغلی مقیم دن آلگن ییلی ذوالنون بیلن خسروشاه مېن طفیلی ناچار

قالىب، سۇلتان حسين مىرزا خىزمىتىگە باردىلار. سۇلتان حسين مىرزا وفاتىدىن سۇنگ دۋالئونىنىڭ مۇرتىسىنى ئاشۇردى. ھىراتىنىڭ تاغ ئېتىكىنىڭ ئاۋىلى-ئوبە ۋە چىچىران كىيىملىرىنى ئاۋىلىگە بېرىلەر.

بىدىع الزمان مىرزا ۋە مۇظىر مىرزا شىركىلىك بىلەن پادىشاھ بۇلگىنىلىرىدە بىدىع الزمان مىرزا ئېشىگىدە دۋالئون ارغۇن ئولۇغ بېك، مۇظىر مىرزا ئېشىگىدە ئېسە مۇھىم بۇرۇندۇق بىرلاس ئولۇغ بېك ئېدىلەر. گرچە مۇردانەلىگى بۇلسەدە، لېكىن دۋالئون بىر ئاز تېلەھراق ۋە گۈل كىشى ئېدى. تېلە ۋە گۈل بۇلمىسە، بۇندەي خۇش ئامدىنى قوبۇل قىلىپ، ئۆزىنى رىسۋا قىلمايدۇ؟ تەقسىلاتى بۇكە، ئۇ ھىراتدە كەتتە ئىختىيار ئېگەسى بۇلگىنىلىرىدە بىر نېچە شېخ ۋە مۇلا ئونىڭ ئالدىگە كېلىپ شۇندەي دېدىلەر: «ئوليا قۇتب بىزگە يېتىۋاتىدۇ كە، سېنىڭ «ھۇبۇر اللە» (اللە نىڭ شېرى) لىق بۇلدى. سېن ئۆزىڭنى ئېنىگەنسەن». بۇ خۇشامدگە ئېشىنىپ، بۇنىڭغا قۇت سالىپ، شۇرلار قىلىپتى. بادغىس ئۆلكەسىدە شىبىنى خان مىرزالىنىڭ ئوستىگە كېلىپ، ئۇلارنى ئۆپلىنىشكە ھەم قۇيمەي يېتىلدى. دۋالئون ارغۇن يۈز-يۈز ئېلىكچە كىشى بىلەن قارە رىباطدە شىبىنى خان رۇپەرەسىدە ئۇششۇ سۇزگە چىپتە-چىن ئېشىنىپ تۇردى. كۆپ كىشى باستۇرىپ كېلىپ بىرچەنى تۇتۇرەقەي قىلدۇلەر. دۋالئوننى تۇتۇپ ئېلىپ، ئۆلدۈردۇلەر.

پاك مۇزەب كىشى ئېدى. نىمازىنى تۇر كىلىمىدى. ئارتىقچە نىمازلارنى ھەم كۆپ ئۆتۈردى. شۇرۇنچىگە جۇدە بېرىلگەن ئېدى. ئادەملەر بىر قۇل بىلەن ئۆينەسە، ئۇ ئۆيىنى قۇل بىلەن ئۆينەردى. كۆڭلى تېلەسە، شۇندەي ئۆينەردى. تېلەتەدە بىخىللىك ۋە خىسسىلىك ئۇستۇن ئېدى.

ئەنە، دىۋىش ئېلىپكە ئېدى. ئېلىشۇر بېك نىڭ تۇغۇشۇگەن ئۆيىسى ئېدى. بىر نېچە ۋەقە بىلەن ھاكىملىگى ئونىڭ قۇلىدە ئېدى. بىلەن خۇش بېكلىكلەر قىلدى. ئۇقلى پىستىراق ۋە بېھۇشراق كىشى ئېدى. سۇلتان حسين مىرزا قۇندۇز ۋە ھىزار ئوستىگە بىرىنچى كېلىگەندە مۇلاھىزە سىزلىگەندە قۇلگە ئالدىلەر. بىلەن ھاكىملىگەندە تۇشۇرىلدى. تۇتۇق يۈز ئون ئالتىنچى يىلى قۇندۇزگە كېلىگەندە مېنىڭ قاشىمىگە كېلىگەندى: ئالەنچۇن خۇنىكلىشۇگەن، ئېنچىلى بىر ئاۋالدا ئېدى. بېكلىك قابىلىتىدىن بىراق، ئېچىكلىك تۇقىلى كۆپ نەرسەدىن مۇھۇم ئېدى. ئۆتۈندە،

علیشېرېک واسطه‌سی طفیلی بونچه اعتبار تاپگن دیر.

ینه، مؤغول بېک اېدی. بیر نېچه ییل هرات شهریده حاکملیک قیلدی. سؤنگره استرآبادنی بېردیلر. استرآباددن عراققه- یعقوب بېک قاشیگه قاچیب کېتدی. بی‌باش گینه کیشی اېدی، همیشه قمار اۋینردی.

ینه، سید بدر اېدی. کۆپ کوچلی و حرکتلری جوده یاقیملی کیشی اېدی. عجب اۋینچی کیشی اېدی. جوده قیزیق رقص توشردی. هېچ کیمده اوچره‌مه‌یدیگن رقصلرنی اجرا اېتدی. آفتیدن، بورقصلر اونینگ اۋز اختراعی اېدی. همیشه حسین میرزا ملازمتیده بۇلردی. دایم شرابگه شریک و صحبتداش اېدی.

ینه، إسلیم برلاس اېدی. تورک کیشی اېدی. قوشچیلیکنی یخشی بیلردی. بعضی عجایب ایشلرنی قیلردی. اۋتیز-قیرق باتمان یای اۋقینی کوچ بیلن آتیب، تخته‌دن اۋتکزردی. قبق؛ میدانیده میدان باشیدن چاپیب، یاینی توشیریب آلیب آتیب قاقاق سیمان نشانگه اورردی. ینه زهگیرنی بیر-بیر یریم قری چیلورگه باغلب، چیلویرنینگ ایگینچی اوچینی بیر یاغاچگه محکملب، ایلنر اېدی. ایلنیش حالتیده اۋقنی آتیب، زهگیردن اۋتکزردی. بونده‌ی غرایب ایشلری کۆپ اېدی. همیشه میرزاگه ملازمت قیلر، هر بیر صحبتیده قتشردی.

ینه، سلطان جنید برلاس اېدی. کپینچه‌لیک سلطان احمد میرزا قاشیگه کېلگندی. حاضر جۇنه‌پورگه شریکلیک بیلن حاکملیک قیله‌یاتگن سلطان جُنید برلاس نینگ آته‌سی دیر.

ینه، شیخ ابوسعیدخان درمیان اېدی. بیلمه‌دیم، بیر اوروشده سلطان حسین میرزاگه آت کېلتیرگنمی یا میرزاگه قصد قیلگن غنیمنی دفع قیلگنمی، هرقله‌ی بولقب بېریلیب اېدی.

۴- قبق- کمان آتیش مشقیده قۇللنده‌یگن نشان. قدیم زمانلرده میدان چیتیده آسیلگن قبق (کدو)نی نشانگه آلیب، آت چاپتیریش جریانیده یای اۋقی بیلن اوریش- قبق آتماق دېییلردی.

۵- زهگیر. برماققه کییله‌دیگن انگشوانه سیمان اسکونه.

ينە، بەھودېك اېدى. ايلگىرى تىن قۇرىقچىلار قىسمىدە خىزمەت قىلدى. مىرزانىڭ ايلەك
 ھىرى يوريشلىرىدە خىزمەتى ياقىب، بەھودېككە شۇندەي عىنايت قىلگن اېدى كە، تىمغە و
 پول ضىرىدە اونىڭ اسمى بار.

ينە، شىخىم بېك اېدى. "سەيلى" تىخلىسى اوچون اونى شىخىم سەيلى دېر اېدىلار. شىخىم
 غىلى قىلىپ ايتىدى. قۇرىقچىلى سۆز و مىنالىرى افادەلەردى. اونىڭ يىتلىرىدىن يىرى بو دىر:

شې غىم گىردىدەم از جا بۇرد گىردون را،
 فرو برد ازدهای سيل اشکم ربع مسکون را.

(مىمۇنى:

غىم كېچەسى آھىم نىڭ قوئونى آسمانى اۋرىدىن قۇزغىدى.

كوز ياشىم سېلى نىڭ ازدهاسى پىر يوزىنى يوتىپ يوباردى.)

پىر گل بو يىتتى مولانا عبدالرحمىن جامى خىدمەتدە اۋىگىن، دېگن گپ يورەدى. مولانا:
 -مىرزا، سىز شىخىر اۋقىسىز مى يا آدم قۇرقىتەسىز مى؟-دېگن اېكىنلار. دېوان تىرتىلەگن.
 داستانلىرى ھىم بار.

ينە، مىھىم ولى بېك اېدى. اولگى ولى بېك نىڭ اۋغلى دىر. آخىرلار مىرزا قاشىدە اولوغ
 بېك بۇلگن اېدى. اولوغ بېك بۇلىشىگە قرەمسىدىن، ھېچ ھىم خىدمەتنى تىرك قىلمىسىدى. كېچە و
 كوندوز شاھ اېشىگى آلدەدە اېدى. ھىتا، آش و شىلانى (عاموى طىعاملىش) دایم شاھ
 مىھىمەسى اېشىگە تارتىلدى. بوندەي ملازىمەت قىلەدىگن كىشى نىڭ شۇندەي اىتبار
 تاپىشى مقرر دىر. بوزماندەگى قىزىق ايشلىرى كۆرىنگەن كە، بېك اىتەلمىش كىشى اۋز
 آرقەسىدە اېرگىگن بېش-آلتىتە گل و كۆرنى كۆرسە، اونى يلىنىپ-يالوارىپ پادشاھ درگاھىگە
 كېلتىرماغى كېرەك بۇلەدى. اولگى بېكلىرىنىڭ خىدمەت و ملازىمەتلىرى قەيەردە دېسىز! بىز نىڭ
 بېكلىرىمىز شو درجەدە بىخىسىز! مىھىم ولى بېك نىڭ آشى و شىلانى يىخىشى اېدى. نوكرنى
 بىرخىل تامينات و طىرزە سقىلار اېدى. فقير و بېچارەلەرگە اۋز قۇلى بىلەن كۆپ خىر قىلدى.
 سۇكانغىچ و تىلى اچىق اېدى. تۇقىز يوز اۋن يىتتىنچى (۱۵۱۱) يىلى مېن سىمىرقىندى آگەندە

محمد ولی‌بیک و درویش علی کتابدار حضوریمده ابدیلر. اوشه وقتده او فلج بؤلگندی. نه سؤزیده مزه بار ابدی و نه اؤزیده. اونچه اعتبارگه ارزیرلی آدم اېمس ابدی. آفتیدن، خدمت اونی شو درجه‌گه یېتکیزگن.

ینه، بابا علی اېشیک‌آغه ابدی. اول علیشېربیک خدمتیده بؤلدى. سؤنگره مردانه‌لیگیدن حسین میرزا آلیب، اېشیک‌آغه قیلیب، بېک‌لیک مرتبه‌سیگه کؤتردى. حاضر مېنینگ قاشیمده‌گی خاص کیشیم (هلی بو حقدە تکراراً بیتلگه‌ی)- یونس علی بونینگ اؤغلی دیر. ینه، بدرالدین ابدی. بورون سلطان ابوسعید میرزانینگ صدری میرک عبدالرحیم قاشیده ابدی. انچه چېچن و چقان اېکن. ایتیشلریچه، یېتتى آت‌نینگ بیریدن ایگینچیسىگه سکره‌گن دیر. او همده بابا علی سلطان حسین میرزاگه صحبتداش ابدیلر.

ینه، حسن علی جلاپیر ابدی. اصلی آتی حسین علی جلاپیر دیر. بیراق حسن علی اسمی ییلن مشهور دیر. آتەسى علی جلاپیرنی بابر میرزا عنایت قیلیب بېک قیلگن دیر. سؤنگره یادگار محمد میرزا هرات‌نی آلگنیده علی جلاپیردن اولوغراق کیشیسی یوق ابدی. حسن علی جلاپیر سلطان حسین میرزا قاشیده قوش‌بېگی ابدی، شاعر ابدی. "طفیلی" تخلصیده یازردی. قصیده‌نی کؤپ یخشى ایتردی. اؤز زمانیده قصیده‌چیلیکده پیشقدم ابدی. توقیز یوز اؤن یېتینچی ییلی، مېن سمرقندنی آلگنیمده قاشیمگه کېلدى. بېش-آلتی ییل مېنینگ قاشیمده بؤلدى. مېنگه بغیشلب هم یخشى قصیده‌لر بیتدی. بې حیا و اصرافگر کیشی ابدی. بچه سقلردی. همیشه نرد و آشیق اؤینردی.

ینه، خواجه عبدالله مرواری بېک بؤلیب ابدی. اؤته فاضل کیشی ابدی. قانونی بیرار کیشی اونده‌ی چالامه‌یدی. قانون‌نینگ بیر پرده‌سیده کوینى تورلی آهنگلرگه سالماق اونینگ اختراعی دیر. خطنى چیرایلی یازر، نسخ و نستعلیقنى یخشیراق بیتردی. مکتوب یازیشنى جایىگه قۇیردی. خوش صحبت کیشی ابدی، شعر یازردی. تخلصى بیانی ابدی. شعرى باشقه فضیلتلریدن کؤره سستراق ابدی. لېکن شعرنى یخشى اجره‌تردی. فاسق و بې حیا ابدی. بوزوقچیلیگى کثافتیدن آبله (بدنده سوو ییغیلیشى) خسته‌لیگىگه مبتلا بؤلدى. قؤل-

آياغيدن قاليب، بير نېچه ييل تورلى عذاب و مشقتلر تارتدى، شو بلالر اشكنجه سيدة عالمدين اؤتدى.

ينه، محمد سيد اوروس اېدى. سلطان ابوسعيد ميرزا تختى آلگنیده اولوغ و عالی اختيارليک بېک بؤلگن اوروس ارغون اونینگ آتەسى دير. او زمانده يخشى اوق آتر ييگيتلر بار اېدى. اؤشه پيشقدملردن بيرى بودير: يايى قتيق، اوقى اوزون، اوقنى جوده زور، يخشى آتردى. اندخودده بير نېچه وقت حاکمليک قیلدی.

ينه، مير علی مير آخۇر (شاه سەيسی) اېدى. سلطان حسين ميرزاگه کيشى يوباريب، اونى يادگار محمد ميرزانينگ غافلليگيده اوستيگه کيلتيرگن کيشى شو اېدى.

ينه، سيد حسن اوغلاقچى اېدى. سيد اوغلاقچى نينگ اوغلى سيد يوسف بېک نينگ اوکەسى اېدى. ميرزا فرخ اسملى لياقتلى و قابليتلى اوغلى بار اېدى. تۆقيوز اؤن يېتينيچى يىلى مېن سمرقندنى آلگنيمده قاشيمگه کيلگندى. شعرنى کم يازسه ده، لېکن عجيب بير آهنگده اؤقيردى. اؤسترلاب و يولدوز شناسليکنى يخشى بيلردى. صحبتى و معاملهسى هم يخشى اېدى. بير آز ايچکيليککه اؤچ اېدى. غيجدوان اوروشيده اؤلدى.

ينه، تنگري پېردى سمانچى اېدى. ساده، مرد و قيليج باز ييگيت اېدى. بلخ دروازه سيدة خسرو شاه نينگ نظر بهادر اسملى زور نوکرىنى يخشى قيليج چاپيب، يېنگگندى (بو ذکر ايتيلگن).

ينه، بير نېچه تورکمن بېکلرى اېدى که، حسين ميرزا قاشيگه کيليب اعتبار تاپگنديلر. بورون کيلگنلردن بيرى عليخان بايندور اېدى.

ينه، اسدبېک و تهمن بېک اېدى. اولر اکە-اوکە ايديلر. تهمن بېک نينگ قيزىنى بديع الزمان ميرزا آليب اېدى. محمد زمان ميرزا اؤشه عيالدن توغيلگن دير.

ينه، ابراهيم چيغتاي اېدى.

ينه، امير عمر بېک اېدى. کيپنچه ليک بديع الزمان ميرزا قاشيده بؤلردى. مردانه، سادە و يخشى کيشى اېدى. ابوالفتح اسملى بير اوغلى عراقدن مېنينگ قاشيمگه کيلدى. حاضر هم

بار. جوده سست، جرأتسیز و لپشنگ دیر. اؤشنده‌ی آتهدن بونینگدېک اؤغیل.

کېنراق کېلگنلردن بیر-شاه اسماعیل عراق و آذربایجان‌نی اېگلگنیده او پېردن خراسان‌گه کېلگن ابوالباقی میرزا اېدی. او تېموربېک نسلیدن دیر، میرانشاه‌نینگ اولادیدن. بوروندن بولریننگ نسلی او ولایتلرگه باریب، سلطنت آرزوسیدن واز کېچیپ، او پادشاه‌لرگه ملازمت قیلیپ، اعتبار تاپیب کېلگن دیرلر. بو ابوالباقی میرزانینگ عمکیسی تېمور عثمان یعقوببېک قاشیده اولوغ و معتبر بېک بؤلگن اېکن. بیر نوبت خراسان اوستیگه کۆپ لشکر قۇشیب یوبارماقنی هم خیال قیلگن دیر. ابوالباقی میرزا کېلگچ، سلطان حسین میرزا هم یخشی اعتبار کؤرسه‌تیب، کویا قیلیپ، سلطانیم بېگیم‌نی بېردی. اوندن محمد سلطان میرزا دنیاگه کېلدی. کېنراق کېلگنلردن ینه بیرى مرادبېک بایندور اېدی.

صدرلری. بیرى میر سریره‌نه اېدی. اندیجان کینتلیردن. چمه‌سی آمدلی، کۆپ خوش‌صحت، سؤزی معتبر و شیرین سؤز کیشی اېدی. خراسان‌نینگ فاضل و شاعرلری دوره‌سیده اونینگ دخلی و سؤزی معتبر، اساسلی اېدی. امیر حمزه قصه‌سیگه جواباً، عمرینی ضایع قیلیپ، اوزوندن-اوزاق یالغان قصه یازیتتی. بو ایش عقل و حقیقتگه ضد دیر.

ینه، کمال‌الدین حسین گازرگاهی اېدی. گرچه صوفي بولمه‌سه‌ده، متصوف اېدی. علیشېر بېک قاشیده بونده‌ی متصوفلر ییغیلیپ، ذکر و سماع قیلیش اېکن. اکثریدن بونینگ اصولی یخشیراق اېکن. آفتیدن، حرمت-اعتباری‌نینگ باعشی اونینگ صوفیانه رقصی دیر. اؤزگه آیتلی فضیلتی یوق اېدی. بیر اثری بار: "مجالس العشاق" ناملی، سلطان حسین میرزاگه اتب یازگن. اؤته سست، اکثر یالغان، بې‌مزه و ادبسیزلرچه سؤزلر بیتیلگن. شونچه‌لیک که، بعضیلریدن کفر خوفی سېزیله‌دی. چنانچه، کۆپ‌گینه نبی و اولیالرنی معجازی عاشق‌لیککه منسوب قیلیپ، هر قیسیسی گه معشوق و محبوب کؤرسه‌تیتتی. ینه بو گۆللرچه غلطی ایش دیرکه، دېپاچه‌سیده سلطان حسین میرزا: «اؤزیم‌نینگ تحریریم و

اثریم دیر»، دېب یازىپتى. كىتاب آرسىدە كېلتىرىلگن كىمال الدىن حىسین نىنگ شىرلىرى و غزلىرى باشىدە منظم "محررنىكى" دېب بىتیب قۇيىلگن. اوشبو كىمال الدىن حىسین نىنگ خوشامدىدن ذوالنون ارغون "هژبرالله" لقبىنى آلدی.

وزىرلىرى. بىرى مجدالدین محمد اېدى. شاهرخ مىرزانىنگ دانگدار دېوان بېگى، خواجه پىر احمد خوافى نىنگ اوغلى اېدى. بورونلىرى سلطان حىسین مىرزانىنگ قبول خانەسىدە كۈنگىل تۈلگۈدېك تىرتىب و انتظام يۇق اېدى. اصراف و تلفاتلر كۆپ بۇلر، نه خلق فراوان و نه سپاهى راضى اېدى. او فرصتدە مجدالدین محمد پروانه چى (وزىر معاونى) اېدى، اونى مىرك دېر اېدىلر. سلطان حىسین مىرزاگە آزاراق مبلغ ضرور بۇلىب، سۇره گنيدە خزىنە تاميناتچىلرى: «يۇق. تاپش نىنگ علاجى يۇق» دېب جواب بېرەدىلر. شو واقعه اوستىدە مجدالدین محمد حاضر اېكن. او تبسم قىلەدى. مىرزا بونىنگ سببىنى سۇره گنيدە، خلوت قىلىب، كۈنگىلدەگىنى عرض قىلىب، اگر مىرزا شرط قىلسەلر، كېلىشەلر، مېنىنگ مرتبەمنى يوكسلىتىرسەلر، باشقىلر سۇزىمنى قىترمەسەلر، آز فرصتدە شونەدى قىلەى كه: ولايت معمور، خلق راضى، خزىنە باى و سپاهى دولتمند بۇلەدى، دېدى.

مىرزا هم اونىنگ كۈنگىلى تىلەگندېك عهد و شرط قىلىب، بوتون خراسان مملكتىدە اونى عالى اختيارلى بېك قىلىب، برچه مهم ايشلرنى ذمەسىگە قۇيدى. بو هم امكانى بارىچە غيرت و شجاعت كۆرسەتىپ، آز فرصتدە سپاهى و اھالىنى راضى و ممنون قىلدى. خزىنەگە هم كتە مبلغلر توشىردى، ولايتنى معمور و آبادان اېتدى. لېكن عىشېرېك باشلىق برچه بېكلر و منصبدالر بىلن ضد مناسبتدە بۇلدى. شو باعث كۆپچىلىك اونى يامان كۆرىپ قالىدى. حركت و اغوا قىلىب، مجدالدین محمدنى توتتىرىپ، وظیفەسىدن توشىردىلر. اونىنگ اورنىگە نظام المللك محكمە باشلىغى بۇلدى. بىر قنچە وقتدن سۇنگ نظام المللكنى هم توتتىرىپ اۇلدىرىپ، خواجه افضلنى عراقدن كېلتىرىپ شاه محكمەسى باشلىغى قىلدىلر. مېن كابلدن كېلگن پىتلىرى خواجه افضلنى بېك قىلىپ اېدىلر، محكمەدە مۇهر هم باسردى. ينە، خواجه عطا اېدى. گرچه بو اولردېك شاه محكمەسى باشلىغى بۇلمسەدە، لېكن

خراسان مملکتیده‌گی برچه مهم ایشلر خواجه عطانینگ کهنکشیسیز عملگه آشمسیدی. تقوادار، نمازخوان و دیندار کیشی ابدی. مخصوص دینی وظیفه‌لری هم بار اېکن.

سلطان حسین میرزانینگ یقینلری و تنیش- ییلیشلری شولر ابدی، ذکر اېتیلیدی.

سلطان حسین میرزانینگ زمانی عجایب بیر زمان ابدی. فاضل و مثلسیز اېل بیلن خراسان، خصوصاً، هرات شهری تۆله ابدی. کیم‌که بیرار ایش بیلن مشغول بۆلسه، همت و مقصدی شواشنی کمالگه ییتکزیش ابدی.

شولردن بیرى مولانا عبدالرحمن جامی ابدی: دنیوی و دینی علملرده بوزمانده اونینگ درجه‌سیده‌گی کیشی یوق ابدی. شعریتی هم معلوم دیر. ملانینگ کمالات درجه‌سی شونده‌ی عالی‌دیرکه، اونى تعریف‌لشگه احتیاج یوق. شونچه‌که کؤنگلیمدن، بو ارزیمس بیتیکلریمده اولرنینگ تبرک ناملری و آزگینه صفتلرینی شونچه‌که ثواب اوچون ذکر اېتسم، دېگن فکر کېچیدی.

ینه، شیخ الاسلام سیف‌الدین احمد ابدی. مولانا سعدالدین تفتازانی نسلیدن دیر. اوندن باشلب اولادلری خراسان مملکتیده شیخ الاسلام بۆلیب کېلگن دیرلر. کوپ دانشمند کیشی ابدی. عربیه علمینی و دنیوی علملرنی یخشی بیلردی. کوپ تقوادار و دیندار کیشی ابدی. گرچه شافعی مذهبی وکیل بۆلسه‌ده، همه مذهب‌لرنی حرمت قیلردی. ایتیشلریچه، یېتمیش ییلگه یقین جماعت نمازینی ترک قیلمه‌گن. شاه اسماعیل هرات‌نی آلگنیده شهید بۆلیدی. اولرنینگ نسلیدن کیشی قالمه‌دی.

ینه، مولانا شیخ حسین ابدی. ملا شیخ حسین سلطان ابوسعید میرزانینگ زمانیده کؤزگه کۆرینیپ، کمال تاپگن بۆلسه‌ده، سلطان حسین میرزا زمانیده هم یشه‌دی، شوباعث ذکر اېتیلیدی. حکمت علمینی، عقلی علملر و کلام علمینی یخشی بیلردی. آز سۆزدن کوپ معنا تاپیب، دقت بیلن فکر یوریتماق اونینگ اختراعی دیر. سلطان ابوسعید میرزانینگ زمانیده اونگه جوده یقین و عالی اختیار کیشی ابدی. مملکت‌نینگ برچه مهم تدبیرلریگه اونینگ دخلی بار ابدی. محتسبلیک‌نی (دینی و دنیوی نظارت) هم هېچ کیم اوندن یخشی بجرگن

اېمس. سلطان ابوسعيد ميرزاگه يقين بؤلگنى طفيلى سلطان حسين ميرزانينگ زمانيده شوندهى مثلسيسر كيشينى تحقيرله ديلر.

ينه، ملازادهى ملاعثمان اېدى. كابل تومنلريدن لھوگر تومنى نينگ چرخ دېگن كېتىدن. اولوغ بېك ميرزا زمانيده اؤن تۇرت ياشيده درس ايتگنى اوچون ملا مادرزاد (توغمه ملا) دېر اېكنلر. سمرقنددن باريب كعبه نى طواف قىليب هرات گه كېلگنيده سلطان حسين ميرزا اونى مجبوراً اوئلب توردى. كۆپ دانشمند كيشى اېدى. او زمانده اونينگدېك دانشمند كيشى يۇق اېدى. ايتيشلريچه، اجتھاد درجه سىگه يېتگن و لېكن اجتھاد قيلمەگن. اونينگ سۆزلرينى نقل قىلەديلر، دېر اېميش كه: «كيشى بير نيمه نيكى اېگللسە، ينه قندهى قىليب اونى اونوتيشى ممكن؟» خاطره سى جوده كوچلى اېكن.

ينه، مير مرتاض اېدى. حكمت علملرى و عقلى علملرنى يخشى بيلردى. او كۆپ رۇزه توتگنى اوچون شوندهى لقب آلگن. شطرنجگه كۆپ شوق و هوسى بار اېكن. شو درجه ده كه، ايگى شطرنجچى اوچره سه، بيرى بيلن شطرنج اوينب، ايگىنچيسى كېتيب قالمە سين دېب، اېتگيدن توتيب اوتيرر اېكن.

ينه، ملا مسعود شيروانى اېدى.

ينه، ملا عبدالغفور لاري اېدى. مولانا عبدالرحمان جامي نينگ هم مريدى، هم شاگردى اېدى. ملانينگ اكثر اثرلرينى ملا قاشيده اؤيگن اېدى. "نفحات" اثرىگه شرح يۇسئينليك بير نرسه يازگن. ظاهري (دنيوي) علملرنينگ بيلمەدانى اېدى. دنيوي علملر، باطني دىني- تصوفي علملردن هم بهره مند اېدى. شهرتى ياقتيرمه يديگن، قيزيق، بې تكلّف كيشى اېدى. هر كيمنى ملا دېسە لر، اونينگ آلدیده كتاب آچيب سوال بېريشدين ايمەن سدى. هر قه پېرده بيرار درويش درگينى اېشيتسه، اونينگ قاشيگه بارمه گونچه تينچيم سدى. مېن خراسان گه بارگنيمده ملا عبدالغفور كسل اېدى. عبدالرحمان جامي نينگ مزارينى طواف قىلگنده، ملا

عبدالغفورنی باریب کورگندیم، عبدالرحمان جامی نینگ مدرسه سیده ابدی. بیر نېچه کوندن سونگ اؤشه کسللیک ییلن دنیادن اؤتدی.

ینه، میر جلال الدین محدث ابدی. حدیث علمینی خراسان ده اونینگدېک ییله دیگن کیشی یوق ابدی، انچه اوزاق عمر کوردی. حاضرگچه او تیریک ابدی.

ینه، میر عطاء الله مشهدي ابدی. عربی علمنی یخشی بیلردی. قافیة حقیده هم بیر فارسی رساله بیتیتی. یخشی یازگن. نقصانی شوکه، ناقل اوزی نینگ بیتلرینی مثال قیلیب کېلتیرگن. ینه هر بیر بیت آلدیدن «چنانچه، بنده نینگ بو بیتده» سؤزلرینی کېلتیریشنی لازم حسابله گن. بو رساله سیده گی بعضی مناظره لریده یخشی اساسلر کېلتیرییدی. ینه شعر صنعتلری حقیده "بدایع الصنائع" ناملی رساله بیتیتی، انچه یخشی یازیلگن. مذهبیده بیر آز چېتگه چیقیشلر بار اېکن.

ینه، قاضی اختیار ابدی. قاضیلیکنی یخشی قیلدی. فقه ده بیر فارسی رساله یازییدی، یخشی رساله دیر. ینه اقتباس اوچون هر خیل مضمونده گی قرآن آیتلرینی ییقن دیر. مرغابده میرزالر ییلن ملاقات قیلگن چاغیم قاضی اختیار محمد میریوسف بیلن کېلیب مېنی کوردیلر. بابری خطدن سؤز چیقادی. الفبسینی سؤردی، یازیب بېردیم. اؤشه ییغینده حرفلرنی اوقیب، قاعده لرینی اؤرگنېب، بیر نرسه لرنی اؤشه خطده یازدی هم.

ینه، میر محمد یوسف ابدی. شیخ الاسلام نینگ شاگردی ابدی. سؤنگره شیخ الاسلام اونی اؤز جایگه توصیه قیلدی. بعضی ییغینلرده قاضی اختیار یوقاری اؤتیرردی، بعضی مجلسلرده بو. کینچه لیک حربی عملدارلیک بیلن سردارلیک ایشیگه شونده ی مفتون و شیدایی بؤلدى که، اونینگ سؤزلریدن بو ایگی ایشدن اؤزگه بیرار معنی لی نرسه نی انگلب بؤلّمسدى. عملدارلیک و سردارلیک نینگ هر ایگله سیدن قابلیتی هم، اقتدارى هم یؤق ابدی. عاقبت اوشبو بېکارچی اورینیشلر طفیلی مالی، جایى و خان و مانى برباد بؤلدى. شیعه مذهبیده اېکن.

شاعرلری. بوجماعه نینگ پیشقدم و اساسچیسی مولانا عبدالرحمن جامی ابدی.

ينه، شىخيم سهيلي و حسين على طفيلي جلاير ابدى كه، ناملرى و صفتلىرى سلطان حسين ميرزانينگ بېكلرى و ايچكىلىرى تركيبيده ذكر ايتيلدى.

ينه، آصفى ابدى. وزير اوغلى بۇلگنى اوچون "آصفى" دېب تخلص آلگن. شعرى گرچه عشق محبت و احتراسدن بهرەسىز بۇلسەدە، تصوير جلالرى و معنادن خالى اېمس دىر. «مېن هرگز اوز غزللرمنى تۇپلشگە اورينمەدیم» دېبە دعوا قىلگن بۇلسەدە، آفتيدن بو گپ تكلفدن باشقە نرسە اېمس. بو غزللرىنى اوکەسى يا قرينداشلىرىدن بىرى تۇپلەگن دىر. غزلدن اوزگە نوع شعرنى آز يازگن. خراسان گە بارگنيمدە مېنگە ملازمت قىلگن ابدى.

ينه، بنايي ابدى. هراتلىك دىر. آتەسى استاد محمد سبىز (بناكار) بنا بۇلگنى اوچون شوندى تخلص آلگن. غزللريده رنگ و كيفيت بار دىر. دېوان ترتيب بېرگن. داستانلىرى هم بار. مېهولر حقيده بىر داستانى بار، متقارب بحريده، ثمرەسىز بىر نرسە يازگن، بېكار قىلگن. ينه بىر قيسقە داستانى بار، خفيف بحريده. بو مثنوينى كېينراق توگە تگندى. بورونلىرى موسيقى دن بېخبر بۇلگن اېكن. بو جھتدن عليشېر بېك اونگە طعنه قىلر اېكن. بىر يىلى سلطان حسين ميرزا مەرىگە قىشلش اوچون بارگنيدە عليشېر بېك هم بىرگە كېتەدى. بنايي هراتدە قالەدى. اۋشە قىش موسيقىنى مشق قىلەدى. يازگچە شونچەلىك حركت قىلەدى كه، آهنگلر هم اختراع اېتەدى. يازدە سلطان حسين ميرزا هرات گە كېلگنيدە اونگە اۋزى ايجاد قىلگن كوى و نقشىنى اجرا اېتەدى. عليشېر بېك تعجبلىيب، تحسینلر قىلەدى. بنايي موسيقى دە يخشى ايشلر ايجاد قىلگن. جملەدن، اونينگ "نە رنگ" دېب اتلگن بىر نقشى بار. بو تۇقۇز رنگ نينگ يكونى و نقش نينگ يلى- يلىسى "راست" آهنگيدە دىر.

بنايي نينگ عليشېر بېك بيلان سازى كېلمس اېكن. شو سببدن خيله جفالر تارتدى. آخرى توره آلمەى عراق و آذربايجان گە- يعقوب بېك قاشيگە باردى. يعقوب بېك قاشيدە حياتى يامان اېمس ابدى. مجلسلىرىدە الفت ابدى. يعقوب بېك اۋلگنيدن سۇنگ او ولايتلردە توره آلمەى، هرات گە كېلدى. هنوز عليشېر بېككە نسبتاً قلتيس هزل و كېلشيمسلىك حالتلىرى بۇلردى. او جملەدن بىرى بوكە، بىر كون شطرنج مجلسيدە عليشېر بېك آياغىنى اوزەتەدى. بنايي نينگ

آرقه‌سیگه تېگه‌دی. علیشېرېک مطایبه ییلن: «هرات‌ده عجایب بیر بلا بار دیرکه، آیاغینگی اوزه‌تسنگ شاعرینگی کتیکه تېگه‌دی»، دپیدی. بنایی: «اگریغسنگ هم شاعرینگی آرقه‌سیگه تېگه‌دی»، دېب جواب قیتره‌دی. آخری بو ظرافت‌لر طفیلی ینه هرات‌دن سمرقندگه جؤنه‌دی. علیشېرېک کؤپ و یخشی نرسه‌لر اختراع قیلگن اېدی. مبادا بیرار کیشی قیسی دیر ایشده بیر ینگیلیک یره‌تسه، او نرسه‌نینگ رواجی و رونقی اوچون اونى "علیشېری" دېب اتردیلر. بعضیلر هزل ییلن علیشېرېککه نسبت بېرر اېدی. چنانچه، علیشېرېک قولاق آغریغیده رۇمال باغلگنی اوچون خاتینلر کؤک رۇمالنى قییشه‌یتیریب "ناز علیشېری" دېب اته‌دیلر. بنایی هم حیرتدن جؤنش وقتیده اېشگی اوچون تۇقیم تیکو وچیگه هېچ کیمده مطلقا اوچرهمه‌گن اوزگچه بیر تۇقیم بویورتیره‌دی و آتینی "علیشېری" دېب اته‌یدی. او "پالان علیشېری" ("علیشېری تۇقیم") نامى ییلن مشهور بۇلدى.

ینه، سیفی بخاری اېدی. چینه‌گم ملالیگی بار اېدی. اؤقیگن کتابلری‌نینگ شرح و ایضاحینی اېلگه کؤرسه‌تیب اؤز علمینی اثبات قیلردی. دېوان ترتیب بېرگن اېدی. ینه بیر دېوانی هم بارکه، برچه هنرمندلر اوچون یازگن دیر. مقاللرنی کؤپ قۇللگن. داستانی یۇق دیر. چنانچه اوشبو قطعه بو حال‌نینگ دلیلی دیر:

مثنوی گرچه سنت شعر است،

من غزل فرض عین می‌دانم.

پنج بیتى که دلپذیر بود،

بهتر از خمسه‌تین می‌دانم.

(مضمونی:

گرچه داستان شعریننگ سنتی دیر،

مېن غزلنى فرض عین دېمن.

دلکش گینه بېش بیتى، راستی

ایکى "خمسه" دن اوستون قویه‌من.)

اونینگ فارس تىلىدە يىتگن عروض رسالەسى بار. جودە آز سۆزلى دىر. بىراق بىر حساب بىلن جودە كۆپ سۆزلى دىر. آز سۆزلىگى شو معنادەكە، كېرەكلى نرسەلرنى يازمەگن. كۆپ سۆزلى دېگىمىز نىنگ باغشى-روشن و معلوم سۆزلرنى نقطە و عربى افادەسىگىچە يازىپ چىققن. شرابنى كۆپ ايچر اپكن، شرابخۇر اپكن. قتيق ضربلى مشتى بار اپكن.

ينە، عبدالله مثنويگوى (داستانچى) اپدى. جامدن دىر. ملا عبدالرحمان جامى گە خواهرزادە (سىنگلىسى نىنگ اۋغلى) بۇلەدى. تخلصى "هاتقى" اپدى. "خمسە" گە جواباً داستانلر يازگن. "هفت پىكر" گە جواباً يىتگن مثنويسى "هفت منظر" دېب ناملنەدى. "اسكندرنامە" گە جواباً "تېمورنامە" داستانىنى يىتگن. بو داستانلر ايچىدە "لىلى و مجنون" مشهورراق دىر. بىراق لطافتى شەرتىچە اپمس.

ينە، مير حسين معمايى اپدى. ذاتاً معمانى ھېچ كىم اونچە يازالگن اپمس. ھميشە وقتى معما اۋىلب تاپىشگە صرفلر اپكن. جودە فقير، بى چارە حال و بختسىز كىشى بۇلگن اپكن. يەنە، ملا محمد بدخشي اپدى. اشكمش دن دىر. اشكمش بدخشان تركىبى گە كىرمەدى. اونىنگ "بدخشي" تخلصىنى آلگنى قىزىق. شعرى يوقارىدە ذكر ايتىلگن شاعرلرنىكىچە اپمس. معما حقيدە بىر رسالە يازگن. معماسى ھم اونچە يىخشى اپمس. خوش صحبت كىشى اپدى. سمرقنددە مېنگە ملازمت قىلگندى.

ينە، يوسف بديعى اپدى. فرغانە ولايتىدن. قصيدەنى يامان يىتمس اپكن.

ينە، آھى اپدى. غزلى عجب بىر يۇسىندە يازردى. آخرگى پىتلرى ابن حسين ميرزا قاشىدە بۇلر اپدى. دېوانى بار.

ينە، محمد صالح اپدى. ياقىملى غزللرى بار. بىراق سىلّىقلىگى مزەسىچە اپمس. توركى شعرى ھم بار. يامان يازمەدى. كېينراق شىبانى خان قاشىگە كېلگن اپدى. درحقيقت، حرمت و اعتبار قازاندى. شىبانى خان گە آتب رمل مسدس مخبون- "سُبْحە" وزنىدە بىر توركى داستان يىتگن. انچە سست و بۇشتاب دىر. اونى اۋقىگن كىشى نىنگ محمد صالح شعرىتىدن كۈنگلى ساويىدى. بىر يىخشى بيتى بو دىر:

بۇلدى تىبل گه وطن فرغانه،

قىلدى فرغانه نى تىبلخانه.

انديجان ولايتىنى تىبلخانه هم دېدىلر. او مثنويده بوندن يىخشى بيت يۇق. يره مس،
ظالم طبيعتلى و بې رحم كيشى اېدى.

ينه، شاه حسين كامى اېدى. اونىنگ شعرلرى هم يامان اېمس. غزلگوى دير. در
واقع، دېوانى هم بار.

ينه، هلالى اېدى. حاضر هم تىرىك. غزللرى تېكىس، سيليق، رنگدار و
جايدار يراق دير. دېوانى هم بار. خفيف بحريده "شاه و درويش" ناملى بير داستان
يىتگن. گرچه بعضى بيتلرى يىخشى بولسه هم، لېكن مثنويسى نىنگ مضمونى كاوك
(ايچى بۇش) و قوريليشى جوده خراب دير. ايلگريگى شاعرلر عشق و عاشقلىك
اوچون داستان يازگنلريده، عاشقلىكنى اېرگه، معشوقلىكنى عيالگه نسبت قىلگنلر.
هلالى درويشنى عاشق قىلگن، شاهنى- معشوق. شاهنىنگ فعل- اطوارى و گپ-
سۆزلرينى افاده اېتگن بيتلريده شاهنى بوزوق و فاحشه قىليب تصويرلدى. اوز
مثنويسى اوچون بير يىگىتنى و ينه شاه يىگىتنى بوزوق و فاحشه لردېك تعريف قىلگنى
جوده ناجؤيه ايش دير. اونىنگ خاطره سى جوده كوچلى اېكن، اؤتيز- قىرق مينگ بيتنى
ياددن بيلركن. فارسى تيلده گى ايگى "خمسه" نىنگ اكثر بيتلرى يادیده بار، دېدىلر.
عروض، قافیه و شعر علميگه انچه ماهر دير.

ينه اهلى دير، خط-سواد سيز دير. شعرلرى يامان اېمس. دېوانى هم بار.

خطاطلرى. چيرايلى خط بيتو و چيلردن هم انچه كيشى بار اېدى. لېكن
برچه سى نىنگ پيشقدمى نستعليق يازوويده سلطان على مشهدي اېدى. او سلطان
حسين ميرزا و عليشېرېك نىنگ كۆپلېب متنلرينى كۆچيردى. هر كونى اؤتيز بيت ميرزا
اوچون و يىگىرمه بيت عليشېرېك اوچون يازردى.

نقاشلرى. مصورلردن بهزاد اېدى. مصورلىك ايشىنى اؤته نازك قيلهدى. لېكن

سقالسيز كيشى چهرەسىنى يامان چىزەدى. بىقبەسىنى كۆپ اوزون تارتەدى. سقاللىك كىشىنى خوش چهرە قىلىپ يوبارەدى.

ينە، شاھ مظفر اېدى. رەنگ تەسۋىرنى كۆپ نازك قىلار اېدى. سقالنى ھەم اۆتە نازك چىزەدى. كۆپ ەمر كۆرمەدى. اونىنگ تەسۋىگە عايد بىر اثرى بار، يامان اېمس. اۆتىدن، ايرىم فكرلر اونىنگ اۋزىنىكى اېمس. عين اۋسەياتگن دورىدە عالمەدن اۆتدى.

موسىقى اھلى. موسىقى چىلەردن قانوننى ھېچ كىم خواجه عبداللە مروارىچە چالالمىس اېدى (بو ھەتدە يازگن اېدىك).

ينە، قول محمد عودى اېدى. غىجەكنى ھەم يەخشى چلەردى. او غىجەككە اوچ قىل تەقدى. چالغۇچىلەردن و ساز اھلىدن ھېچ كىم اونچە كۆپ پېشرو باغلەن اېمس دىر. پېشروندن اۋزگە كويلرى اونچەلىك اېمس دىر.

ينە، شىخى ناي اېدى. عودنى، غىجەكنى ھەم يەخشى چلەر اېكن. اون ايگى-اۋن اوچ ياشىدن بېرى نىنى يەخشى چلەكن. بىر نوبت بديع الزمان مىرزانىنگ صەھبىدە بىر كوينى نىدىن يەخشى چىقرەدى. قول محمد غىجەككە او كوينى چلە آلەمەيدى و: «غىجەك نامەكەمل ساز دىر»، دېدى. شىخى در حال قول محمدنىنگ قۇلىدن غىجەكنى آلىب، او كوينى غىجەككە يەخشى و تىنىق قىلىپ چلەدى. شىخىدىن يەنە بىر نەرسەنى روايت قىلەدىلر: آھنگ ادراكىدە شو درجەدە ماھر اېكن كە، فلانىنىنگ فلان پردەسى بونگە آھنگ دىر، دېب ايتەكن. لېكن كۆپ كۆي ايجاد اېتمەيدى. بىر-ايگى نەقشنى اونىكى، دېدىلر، خلاص.

ينە، شاھ قول غىجەكى اېدى. عراقدىن دىر. خراسانگە كېلىپ ساز مشق قىلىپ، اۋسدى. انچەگىنە نەقش، پېشرو و آھنگلر يەتگن.

ينە، حسين عودى اېدى. عودنى ياقيملى چلىپ، مەنىلى قۇشەقلر ايتەدى. عودنىنگ تارلەرنى يەكە قىلىپ چلەكن شو. عىبى بو اېدى كە، كۆپ ناز بىلەن چلەدى. شىبىنى خان بىر نوبت ساز چلىشنى بو يورەدى. تەكلف قىلىپ ھەم يامان چلەدى، ھەم اۋز سازىنى آلىب كېلمى، يەمەس ساز كېلتىرەدى. شىبىنى خان بونى فەھلەيدى. ضىافت پىتىدە ياق، بۇنىگە

باپلېب مشّت توشیریشلرینی بویوره‌دی. شیبانی خان‌نینگ عالمده قیلگن بیر یخشی ایشی بۇلسه- شۇدیر. ذاتاً جوده تۇغری ایش قیلگن. بونقه نازک ابرکک‌نسخه‌لرگه بوندن قتیقراق جزا کبره‌ک.

ینه، بسته‌کارلردن غلام شادی اېدی. شادی حافظ‌نینگ اۇغلی اېدی. اوساز چلر، لېکن بو سازنده‌لر دوره‌سیده چلمسیدی. یخشی کویلی و نقشلری بار. اوزمانده اونینگدېک کۆپ نقش و کوی باغلگن کیشی یۇق اېدی. آخری شیبانی خان اونی قازان خانی محمد امین‌خان قاشیگه یۇباردی. اوندن باشقه خبر کېلمه‌دی.

ینه، میر عزو اېدی. ساز چلمسیدی، بسته‌کار اېدی. گرچه آزگینه آهنگ یره‌تگن بۇلسه‌ده، یخشی ایشلری بار.

بنایی هم بسته‌کار اېدی. یخشی کوی و نقشلری بار دیر.

ینه بو اېل ایچره تېنگی یۇق پهلوان محمد بوسعید اېدی. کوره‌شده هم پیشقدم اېدی. شعر هم یازردی. کوی و نقشلر باغلردی. "چارگاه" ده بیر یخشی نقشی بار. خوش صحبت کیشی اېدی. کوره‌شچی پالوان بۇلیش بیلن بیرگه، بونچه‌لیک معنوی فضیلتلر نینگ اېگه‌سی بۇلماق غرایب دیر. سلطان حسین میرزا عالم‌دن اؤتگنیده میرزالردن بدیع‌الزمان میرزا و مظفر میرزا حاضر اېدیله. مظفر حسین میرزا سویوکلی اۇغیل و محمد بوروندوق برلاس، عالی اختیارلی بېک اېدی، آتەبېگی اېدی، آنه‌سی خدیچه‌بېگم اېدی. میرزانینگ اعتبارلی خاتینی اېدی. سلطان حسین میرزانینگ توغیشگنلری هم مظفر میرزاگه خیله خیرخواه اېدیله. شولر سببلی بدیع‌الزمان میرزا ایگیلنېب، کېلمسلیک خایلیده اېدی. مظفر میرزا و محمدبېک اوزلری آتلیب باریب، بونده‌ی بی‌قرارلیکنی میرزانینگ کۆنگیلدن چیقریب، بدیع‌الزمان میرزانی کېلتیردیلر. سلطان حسین میرزانی هرات‌گه آلیب باریب، پادشاهانه رسم و قاعده بیلن کۆتریب، مدرسه‌سیده دفن قیلدیلر. بو فرصتده ذوالنون‌بېک هم حاضر بۇلدى. محمد بوروندوق‌بېک، ذوالنون‌بېک و ینه سلطان حسین میرزادن قالگن و بو میرزالر بیلن بۇلگن بېکلر ییغیلیب، اتفاق قیلیب، بدیع‌الزمان میرزا بیلن مظفر حسین میرزانی هرات

تختيده شريكلىك پادشاه قىلدىلر. بدىع الزمان مىرزا اېشىگىده عالى اختيارلى بېك ذوالنون بېك، مظفر حسين مىرزا اېشىگىده عالى اختيارلى بېك محمد بوروندوق بېك تعيينلندى. بدىع الزمان مىرزا تامانىدن شهر قلعه بېگى شىخ على تىغايى، مظفر مىرزا طرفىدن يوسف على كوكلداش بۇلدى. بو قىزىق بىر واقعه اېدى. پادشاه لىكده هېچ قىچان شريكلىك اېشىتىلگن اېمس. شىخ سعدى سۇزى مضمونى نىنگ عكسى صادر بۇلدى. زېرا، او "گلىستان" اثرىده: «اۇن درويش بىر قالىنده اوخلەيدىلر، اىگى پادشاه بىر اقليمگە سىغمەيدى»، دېب يازگن اېدى.

توقیز یوز اۋن ایگینچی (۱۵۰۶-۱۵۰۷) ییل واقعه‌لری

محرم آیی اۋزبکنی دفع قیلیش مقصدیده خراسان‌گه جۈنه‌دیک. غۈربند و شیرتو یۋلی بیلن روانه بۈلдіک. جهانگیر میرزا او ولایتدن ناخوشلیک بیلن چیققن ایدی. «او ایماقنی اۋزیگه قۋشیپ آلسه، ینه نې یامانلیکلر و فتنه‌لر صادر بۈلیشی ممکن»، دېب اۋیلهدیم. شونینگ اوچون اُشتر شهریده، اوروقدن ایریلیپ، اونگه ولی خزینه‌چی‌نی و دولت قدم قراول‌نی قۋیپ، ایماقنی تېزراق قۈلگه آله‌یلیک، دېپه شاشیلینچ جۈنه‌دیک. اۋشه کونی ضحاک قلعه‌سیگه یېتیب کېلдіک. اوندن گنبدک داوانیدن آشیپ، سایقان آرقه‌لی توشیب، دندانشکن داوانیدن اۋتیب، کاهمرد سیهونلیگیگه توشیلدی.

سید افضل تعبیرچیگه سلطان محمد دۈلدا‌نی قۋشیپ، کابلدن یۈلگه توشگنیمیز حقیده سلطان حسین میرزاگه مکتوب یوباریلدی. جهانگیر میرزا کبیراق قالگن اېکن. بامیان تۈغریسیگه یېتگن چاغیمیز اولر ییگیرمه-اۋتیز کیشی بیلن بامیان‌گه قره‌ب کېله‌ياتگن اېکن. بامیان‌گه یقین یېتگنلریده بیزنینگ آرتده قالگن اوروق چادرلرینی کۈردیلر. اولرینی بیز دېب خیال قیلیپ تېزده، قېته‌دیلر. اۋرده‌لریگه باریپ، هېچ نرسه‌گه قره‌مه‌ی کۈچه‌دیلر. آرقه‌لریگه قره‌مه‌ی اۋزلرینی یگه اۋلنگ یېرلریگه تارتیشه‌دی.

شیبانی خان بلخ‌نی قمل قیلگن ایدی. بلخ‌ده سلطان قولیچاق قۇرغان بېگی ایدی. شیبانی خان ایگی-اوچ سلطان‌نی اوچ-تۈرت مینگ کیشی بیلن بدخشان‌گه هجوم قیلیش اوچون یوباردی. او پیتی مبارک‌شاه وزیر کېلیپ ینه ناصر میرزاگه قۋشیلگن اېدیلر. بورونراق

قصاص و كېكلىرى بار اېدى. كِشم نىنگ پستىدە شاھدان دە كِشم درياسى نىنگ شىرقى طرفىدە لشكر تارتىپ اۋتىرگنلرىدە اۋزىكلر تانگ آتمە ياق تونكى قىرغىنگە ياپىرىلىپ كېلىپ، كِشم درياسىنى كېچىپ اۋتىپ، ناصر مىرزانىنگ اوستىگە يوردى. ناصر مىرزا درحال اۋزىنى قىرگە تارتىدى. قىردەگى آدملىرىنى يىغىشتىرىپ، كِشم چىلدىرىپ، آغە سىلجىگىنچە اۋزىكلرنى سوريپ قاچىردى. كِشم درياسى كِشم اېدى. اۋزىكلر شو سوودن كېچىپ كېلگندىلر. اولرنىنگ كۈپچىلىگى اۋق يېدى، قىلىچ آستىدە قالىدى. جودە كۈپ كىشىسى قۇلگە توشىدى. سوودە ھەم كۈپ كىشى اۋلدى.

مباركشاھ و زىير (ناصر) مىرزانن يوقارىراق دە-كِشم طرفىدە اېدىلر. اولرنىنگ اوستىگە يوبارىلگن اۋزىكلر اولرنى قىرگە قاچىردى. ناصر مىرزا ياونى قاچىرە ياتگندە بوندن خبر تاپىپ، اۋشە آدملىر اوستىگە يوردى. يوقارىدن كۈھستان بېكلىرى (مباركشاھ و زىير) ھەم آتلىق-يىاونى يىغىپ جىنگە كىرىشلىرى بىلن اۋزىكلر توريش بېرە آلمەدىلر، قاچىدىلر. بو جماعتدن ھەم كۈپ كىشى قۇلگە توشىدى، كۈپ كىشى اۋق يېدى، قىلىچدە چاپىلدى و سوودە آقلى. چەمەسى مىنگ-مىنگ بېش يوز اۋزىك اۋلدى. ناصر مىرزانىنگ بىر يىخسى ظفرى مەنە شو اېدى. بو خبرنى كاھىرد سىھونلىگىدە اېكنلىگىمىزدە ناصر مىرزانىنگ كىشىسى كېلتىردى.

اوشبو يورتدە اېكندە بىزنىنگ لشكر بارىپ، اۋغرى و دھانەدن دان-دون آلىپ كېلىدىلر. بو يېردە خراسانگە يوبارىلگن سىد افضل بىلن سلطان محمد دۇلداىدن خطلىر كېلىدى. بو-سلطان حسين مىرزا وفاتى نىنگ خبرى اېدى. اوشبو خاندان نىنگ ناموسىنى اۋىلىب خراسانگە قرەب جۈنەدىك. بو يورىشدە باشقە مقصدلر ھەم بار اېدى. آجر درەسى نىنگ ايچى بىلن اۋتىپ تۈپ، مەندەغان و بلخاب بىلن قوبى توشىپ، كۈھ صافگە چىقىلدى. اۋزىكلرنىنگ سان چەھارىكنى تالان-تاراج قىلگىندىن خبر تاپىپ، قاسم بېكنى لشكر بىلن تالانچى اۋزىكلر اوستىگە يوباردىك. بارىپ، اوچرەتىپ، يىخسى يىنگىپ، كۈپ باش كېسىپ كېلتىردىلر. جەھانگىر مىرزاگە و اىماقلىرگە كىشىلر يوباردىك. اولردن خبر آلگونچە

بیر نېچه کون کؤه صاف ییلاویده اؤتیردیک.

بو یېرلرده کییک جوده کؤپ بؤله‌دی. بیر مراتبه اوله‌دیک. بیر-ایگی کوندن سؤنگ ایماقلرنینگ همه‌سی کېلیب ملازمت قیلدیلر. ایماقلرگه جهانگیر میرزا بیر نېچه مرتبه کیشیلر یوباردی. بیر سفر عمادالدین مسعودنی یوباردی. بارمه‌دیلر. مېنینگ قاشیمگه کېلدیلر. آخری جهانگیر میرزاگه ضرورت بؤلدى که، کؤه صافدن دره‌ی پای‌گه توشگنیده کېلیب مېنى کؤردی. بیزنینگ نیتیمیز خراسان‌گه باریش بؤلگنیدن میرزاگه قره‌مه‌ی، ایماقچه پروا قیلمه‌ی، گریوان، المار و قیصار، چېچکتو بیلن یوریب، فخرالدین اولومی^۱ دن اوتیب، بادغیس‌گه قره‌شلی دره‌ی بام دېگن یېرگه کېلدیک.

عالم سېرغوغا اېدی. شو سبیلی هرکیم ولایت و خلقدن علاجی بارېچه بیرار نرسه تارتیب آلیشگه، نیمه دیر اؤندیریشگه حرکت قیلردی. بیز هم بیر یاقدن او یېرلرده‌گی ایماق و تورکلرگه سالیق سالیب، نرسه‌لر آلیشگه کیریشدیک. شو بیر-ایگی آیینگ ایچیده اوچ یوز تومن کېپکی (پول) آلیندی، چمه‌سی. بیزدن بیر نېچه کون بورورنراق اؤزبک‌نینگ تالانچیسینی خراسان ایلغارى (هجومچی قسمى) و ذوالنون بېک‌نینگ کیشیلری پندده و مروچاقده یېنگیب، کؤپ اؤزبک‌نى اؤلدیریدیلر.

بدیع‌الزمان میرزا، مظفر میرزا، محمد بوروندوق برلاس، ذوالنون ارغون اوغلى شاه‌بېک بلخده سلطان قولیچاق‌نى قمل قیلگن شیبانى خان‌نینگ اوستیگه یوریش مقصدیده سلطان حسین میرزانینگ برچه اوغیللری‌گه کیشیلر یوباریب چقیرتیردیلر. اوشبو حرکت بیلن هراتدن هم چیقیدیلر. اولر بادغیس‌گه یېتگنلریده، چهل دختران‌ده ابوالحسن میرزا مرودن کېلیب قؤشیلدی. اوندن سؤنگ ابن حسین میرزا هم تؤن و قاییندن کېلدى. کېپک میرزا مشهده اېدی. بیر نېچه مرتبه کیشیلر یوبارسه‌لر‌ده، نامعقول سؤزلر ایتیب، نامردلیک قیلیب کېلمه‌دی. اونینگ کینه-کدورتی مظفر میرزادن اېدی، یعنی: "او پادشاه بؤلگنده، مېن قنده‌ی

قىلىپ اونىڭ قاشىگە بارەمن؟! دېردى. شۇندەي بىر پىتدە-برچە آغە-اينى بىر يېردە يىغىلىپ، اتفاق بۇلىپ، شىيانى خان دېك غنىم اوستىگە عزم و جزم قىلىپ يورەياتكىندە انە شۇندەي بې مەزە كىنە خواھلىگىنى قىلىپ كېلمەدى. اونىڭ بو كېلمىگىنى حاضىرچە كىنە خواھلىككە يۇرۇر، حال بوكە برچە بونى نامردلىك دېب اۋىلەدى.

بوندن مقصد شوكة، بو دنيادە كىشىدن انە شۇندەي نرسەلر اېسدە قالەدى. عقل اېگەسى بۇلگن ھەرقەندەي آدم، آرتىدن يامان سۇز بىلن اېسلەندىگن ايشلرگە نېگە قول اوررىكىن، اېس-ھوشى جايىدە بۇلگن ھەربىر كىشى دنيادن اۋتگىچ تحسینلر بىلن اېسلەندىگن ايشلرنى قىلىشگە نېگە اورىنمىس اېكن؟ اسم نىڭ يادگە آلىنىشىنى حكىملر ايگىنچى عمر دېگنلر.

مېنگە ھەم اېلچىلر كېلدى. سۇنگرە محمد بوروندوق برلاس ھەم كېلدى. مېن نېگە بارمەيىن؟! يوز-ايگى يوز يىغاچ يۇلنى شو مصلحت اوچون باسىب اۋتتىم. مېن محمد بېك بىلن آق يۇلگە توشىدىم. او فرصتە بديع الزمان ميرزا و مظفر ميرزا مرغابگە كېلىشگن اېدى. دوشنبە كۈنى جمادى الآخر آيى نىڭ سگىزىنچىسىدە ميرزالر بىلن ملاقات بۇلدى. ابوالمحسن ميرزا يريم كۈرۈە يۇل باسىب، مېنىڭ استقبالىمگە كېلگندى، اوچرەشدىك. مېن بو طرفدن آتدن توشىدىم، ابوالمحسن ميرزا او طرفدن آتدن توشدى. بارىب، كۇرىشىب، يەنە آنگە چىقىدىك. ايلگرى سيلجىگىنىمىزدە اۋردەنىڭ يىقىنىگە مظفر ميرزا و ابن حسين ميرزا كېلدىلر. اولر ابوالمحسن ميرزادىن كىچىك اېدىلر. استقبالىمىزگە بورونراق چىقىشلىرى كېرەك اېدى. چمەسى اولر كېچىراق يۇلگە چىقىشگن. بو كېچىكىش تىكلىككەن اېمىس، بلكە خمار طفىلى اېكن، بو گناھ كدورتدن اېمىس، عىش-عشرت سببىدن اېكن.

مظفر ميرزا مبالغە قىلدى، آت اوستىدە كۇرىشدىك. ابن حسين ميرزا بىلن ھەم اوشو نوع كۇرىشىلدى. كېلىپ بديع الزمان ميرزانىڭ اېشىگىگە توشىدىك. آدم بېحد كۇپ تۇپلنگن، شۇنچەلىك تۇپلان اېدى كە، تىقىلىنچەدە بعضى كىشى نىڭ اوچ-تۇرت قىلىدە آياغى يېرگە تېگمىس اېدى. بعضى بىراو ايش-كوچ اوچون قىتماقنى خيال قىلسە، بې اختيار تۇرت-بېش قىلىدە آرتگە سۈرىپ بارىش اېدى. بديع الزمان ميرزانىڭ محكمە اويىگە يېتىدىك. شۇنگە

قرار قیلینگن ابدی که، مهن اوینگه کیرگچ، تعظیم قیله من. بدیع الزمان میرزا اؤرنیدن توریب، پایگککه کبله‌دی و کؤریشه‌میز. مهن اوینگه کیرگچ، بیر تعظیم قیلدیم و تۆخته‌مه‌ی اونگه قهره یوره باشله‌دیم. بدیع الزمان میرزا شاشیلمه‌ی اؤرنیدن توریب، سستراق یوردی.

قاسم‌بیک مهنینگ خیر خواهیم، مهنینگ ناموسیم اونینگ ناموسی ابدی، بلباغیمدن بیر تارتدی، هوشیار تارتدیم. سبکینراق یوریب، ببلگینگن یېرده کؤریشیلدی. بو کتّه آق اویده تورت تۆشک سالگن ابدیلر. بدیع الزمان میرزانینگ آق اویلری^۲، البته، یان اېشیکلیک بۇلردی. میرزا دایم شو اېشیک‌نینگ یانیده اؤتیرردی. بیر تۆشکنی شو اېشیک یانینگه سالگندیلر. بدیع الزمان میرزا و مظفر میرزا شو تۆشککه اؤتیردیلر. ینه بیر تۆشکنی اؤنگ طرفگه سالیشگن ابدیلر. ابوالمحسن میرزا و مهن اؤشه تۆشکده اؤتیردیک. بدیع الزمان میرزانینگ تۆشگیدن قوی چپ یانده ینه بیر تۆشک سالینگن ابدی. اؤزبک شیبانی سلطانلریدن قاسم سلطان (میرزانینگ کویاوی، قاسم حسین سلطان‌نینگ آتە‌سی ابدی) و ابن حسین میرزا انه شو تۆشکده اؤتیردیلر. مهنگه سالگن تۆشکدن قوی اؤنگ قۇلیمده ینه بیر تۆشک سالگندیلر. جهانگیر میرزا بیلن عبدالرزاق میرزا اؤشه تۆشکده اؤتیردی. محمد بوروندوق‌بیک، ذوالنون‌بیک و قاسم‌بیک اؤنگ یانده قاسم سلطان بیلن ابن حسین میرزادن بیر آق قویراق اؤتیردیلر.

آش تارتیلدی. صحبت مۆردی بۆلمه‌سه‌ده، آش تارتیله‌دیگن یېرگه خان‌تخته قۇییب، آلتین و کوموش می کؤزه‌چهلرینی اونینگ اوستیگه تېردیلر. بورونلری یېزنینگ آتە‌بابالر چینگیز عادتینی جوده حرمت قیلردیلر. بزم و محکمه‌ده، تۇی و آشده، اؤتیریش و توریشده عادتگه خلاف ایش قیلمسدیلر. چینگیزخان‌نینگ عادت‌ی عالی قطعی حجت اېمس دیرکه، البته کیشی اونگه عمل قیلسین! هر کیمدن یخشی قاعده قالگن بۇلسه، اونگه عمل قیلماق کېرەک. اگر آتە یامان ایش قیلگن بۇلسه، یخشی ایش بیلن المشتیرماق کېرەک.

اشدن سۇنگ آلتىنىپ، توشگن بىرگە كېلدىم. بىزنىڭ ئوردە بىلەن مىرزىلار ئوردەسىنىڭ
 آرەسى بىر شەرى كېلدى. ايكىنچى سفر كېلگىنىدە بىدىع الزمان مىرزا بورونگىدېك تعظيم
 قىلمەدى. محمد بوروندوق بېككە و ذوالنون بېك آرقەلى: «گرچە ياشىم كىچىك بۇلسە-دە،
 مرتبەم اولوغ دىر. آتە تختى، سمرقندى، ايكى بارە جنگ بىلەن آلىب اۋتيرىمەن. بو خاندان
 اوچون دشمن بۇلگىنلار بىلەن قىچە جنگ و جدل قىلگىنەن، شو باعث مېنىڭ تعظيمىمدە
 بۇلمىسلىك اساسسىز دىر»، دېب ايتتىردىم. بو سۇز يېتكىزىلگىچ، معقول بۇلگىنى اوچون،
 اعتراف اېتىپ، تعظيمىنى كۈنگىلدەگىدېك قىلدى.

ىنە بىر نوبت بىدىع الزمان قاشىگە بارگندە پېشىن نمازىدن سۇنگ مى بزمى بۇلدى. مېن او
 پىتلىرى اىچمىسدىم. عجب آراستە بزم اېدى. دسترخوانلارگە تورلى-تومن غدارل قۇيىلگن اېدى:
 تاووق كبابى، غاز كبابى، هر خىل طعاملردن تارتىدىلار. بىدىع الزمان مىرزانىڭ بزمىنى كۇپ
 تعريف قىلار اېدىلار. در حقيقت، بى غش و تشويشسىز، ساكن بزم اېدى. مرغاب ياقەسىدە
 اېكندە ايكى-اوچ مراتبە مىرزانىڭ مى بزمىدە حاضر بۇلدىم. اىچمىسلىگىمنى بىلگىنلىكلرى
 اوچون مى تكليف قىلمەدىلار.

مظفر مىرزانىڭ بزمىگە ھم بىر نوبت باردىم. حسين على جلايىر و مير بدر مظفر مىرزا
 قاشىدە اېدىلار. او بزمە ھم قىتەشدىلار. كيف بۇلگىنىدە مير بدر رقصگە توشدى، يىخشى
 رقصگە توشدى. آفتىدن، او نوع رقص مير بدرنىڭ اختراعى دىر. مىرزىلار ھراتدن چىقىپ،
 اتفاق قىلىپ، يىغىلىپ مرغابگە كېلگۈنلرىچە اوچ-تورت آى اۋتدى.

سلطان قولىچاق تىگ قالىپ بلخ قلەسىنى اۋزىككە بېردى. اۋزىك بلخنى آلگىندىن
 سۇنگ بو جمعيت نىڭ خبرىنى اېشىتىپ، سمرقندگە قىتىپ كېتىدى. بو مىرزىلار گرچە
 صحبت و صحبت آزالىكدە، مناسبت و ملازمتدە ماھر بۇلسەلردە، لېكن سپاھىلىك رنگ و
 بۇياغىدن يىراق، مردانەلىك و جنگ و جدلدن چېتدە اېدىلار. مرغابدە اۋتيرگن پىتلىرىمىز
 حق نظر چىنى تۇرت-پېش يوز كىشى بىلەن كېلىپ، چېچكتو پىرلىرىنى تالان-تاراج قىلدى،
 دېگن خبر كېلدى. بىرچە مىرزىلار حاضر بۇلىپ، كۇپ اورىنىپ بو تالانچىلارنىڭ اوستىگە

هجومچی لشکر یوباره آلمه‌دیله. مرغاب بیلن چېچکتونینگ آره‌سی اؤن ییغاچ یؤل دیر، بو ایشنی مېن قیلماقچی بۇلدیم. ناموس قیلیب، مېنگه هم رخصت بېرمه‌دیله. شیبانی خان قیتگنیده، ییل هم آخرب قالگندی. شونده‌ی قرارگه کېلندی: بو قیش میرزالر هر قیسیسی اؤزینگه مناسب یېرده قیشلب، اېرته بهار ییغیلیشيب غنیمنی دفع اېتیشگه یؤل آله‌دیله. مېنگه هم خراسان یېرلریده قیشلشنی تکلیف قیلدیله.

کابل وغزنی توپالانچی و جنجلكشله مکانی اېدی، تورک، مؤغول، ایماق، افغان و هزاره‌دن تشکیل تاپگن خیلمه-خیل اېل و اولوس شو یېرلرده ییغیلگن اېدیله. ینه خراسان بیلن کابل آره‌سیده یقینراق تاغ یؤل ی بار اېدی، اگر قار و موز کبی نرسه‌له تۇسیق بۇلمسه، بیر آیچه‌لیک، تېکس یؤل بیلن اېسه قیرق-اېلیک کونلیک یؤل اېدی. ولایتدن هم هنوز کونگیل خاطر جمع اېمسیله. خیرخواه‌لردن هېچ کیم بیزنینگ او یېرده قیشلشیمیزنی معقول کؤریشمه‌دی. میرزالرگه عذر ایتدیله. قبول قیلمه‌دیله، کؤپراق تکلیف قیلدیله. هر قنچه عذر ایتسک-ده، تکلیفنی قطعیراق قۇیدیله. آخری بدیع‌الزمان میرزا، ابوالمحسن میرزا و مظفر میرزا آتلیب، مېنینگ او ییمگه کېلیب، خراسان‌ده قیشله‌ماق تکلیفینی قیلدیله. میرزالر یوزی اوچون یۇق دېپالمه‌دیله. بونده‌ی پادشاه‌لرنینگ اؤزلری کېلیب، تورماق تکلیفینی قیلدیله. بونینگ اوستیگه دنیاده هرات‌دېک شهر یۇق دیر و سلطان حسین میرزا زمانیده اونینگ تصرفی و تکلیفیدن هرات‌نینگ زېب-زېنتی بیرگه اؤن، بلکه ییگیرمه برابر ترقی قیلگن اېدی، اونی کؤرماق آرزوسی هم انچه اېدی. بو سببلرگه کؤره تکلیفنی قبول قیلدیله.

ابوالمحسن میرزا اؤز ولایتیگه، مروگه کېتدی. ابن حسین میرزا هم تۇن و قاین‌گه جۇنه‌دی. بدیع‌الزمان میرزا و مظفر میرزا هرات‌گه جۇن بېتدیله. ایگی-اوچ کون کپینراق چهل دختران و تاش‌رباط یؤل ی بیلن مېن هم هرات‌گه یؤل آلدیم.

برچه بېگملر، مېنینگ عمه‌م پاینده سلطان‌بېگم، خدیچه‌بېگم، آفاق‌بېگم، ینه سلطان ابوسعید میرزانینگ قیزلری-عمه بېگملر همه‌سی سلطان حسین میرزانینگ مدرسه‌سیده ییغیلدیله. برچه بېگملرنی سلطان حسین میرزانینگ مقبره‌سیده اېکنلیکلریده باریب

كۆردىم. اول پايندە سلطان بېگم بىلن تعظيم قىلىپ كۆرىشىدىم. اوندىن سۇنگ آفاق بېگم بىلن تعظيمسىز كۆرىشىدىم. كېيىن خەدچە بېگم بىلن تعظيم قىلىپ كۆرىشىدىم. بىر زامان بوندە اۋتۇرىپ، قارىلار قران اۋقىگنلىرىدىن سۇنگ خەدچە بېگم نىنگ چادرى تىكىلگن جَنوبى مدرسەگە باردىك. خەدچە بېگم نامىدىن آش تارتىدىلار. آش تارتىلگندىن سۇنگ پايندە سلطان بېگم نىنگ اويىگە باردىم. اۋشە كېچە او يېردە بۇلدىم. اول مېنگە باغ نودە (يىنگى باغ) قۇنىمجاى تعيىن قىلگن ابدىلار. اېرتەسى اېرتەلب كېلىپ باغ نودە توشىدىم. باغ نودە بىر كېچە بۇلدىم. اونى مناسىب كۆرمەى، غلىشېر بېك نىنگ اويلرىنى تعيىن قىلدىلار. هراتدىن كېتگۈنچە غلىشېر بېك نىنگ اويلرىدە اېدىم.

هر ايگى-اوچ كۈندە بارىپ، باغ جهان آرادە بديع الزمان ميرزاگە كۆرىنىش قىلدىم. بىر نېچە كۈندىن سۇنگ مظفر ميرزا اويىگە چارلەدى. مظفر ميرزا باغ سفىدە اۋتۇرىدى. خەدچە بېگم هم اۋشە يېردە اېدى. جهانگىر ميرزا مېن بىلن باردى. خەدچە بېگم قاشىدە آش و طعام تارتىلگندىن كېيىن مظفر ميرزا بىزنى ابوالقاسم بابىر ميرزا سالگن طربخانىە دېب ناملىنگن عمارتگە آلىپ باردى. طربخانىەدە مى بزمى بۇلدى.

طربخانىە باغچە نىنگ اۋرتەسىدە بىناىد تاپگن. ايخچمراق عمارت دىر. ايگى قېتلىك. لېكن ياقىملى عمارت دىر. يوقارىگى قېتىگە كۆپ بېزەك بېرىلدىلار. تۇرت بورچىگىدە تۇرت حجرەسى بار. بو تۇرت حجرەگە آلىپ كىرەدىگن اوى استراحت خانەسى دىر. بىر اوى دىركە، حجرەلرنىنگ آرەلىغى تۇرت شەنشىن يۇسىنلىك اېدى. بو اوى نىنگ هر تامانىگە صورتلار سالىنگن. بو عمارتنى بابىر ميرزا قورگن بۇلسەدە، لېكن بو تصويرلرنى سلطان ابوسعيد ميرزا بويورگن دىر. اوندە اۋزى نىنگ صف تارتىشلرى و جنگلرى تصويرلنگن. شىمال طرفدەگى شەنشىنگە بىر بىرىگە قرەتىپ ايگىتە تۇشك سالدىلار، تۇشكلىرنىنگ يانلرى شىمالگە قرەگن اېدى. بىر تۇشكە مظفر ميرزا و مېن اۋتۇردىك. يەنە بىر تۇشكە سلطان مسعود ميرزا و جهانگىر ميرزا اۋتۇردىلار. مظفر ميرزانىنگ اويىدە مېھمان بۇلگىنىمىز اوچون مظفر ميرزا مېنى اۋزىدىن يوقارىگە اۋتكزدى.

می قدح‌لرینی تۇلدیریب، ساقیلر یوریب بزم اهللیگه توته باشله‌دیلر. تینیق شرابلرنی بزم اهلی آب حیات‌دېک یوته باشله‌دیلر. بزم قیزی‌دی. می باشگه چیق‌دی. مېنگه هم می ایچیریش فکرلرگه باردیلر. مېنی هم بو دوره‌گه کیریتماقچی بۇلدیلر. مېن بو چاققه‌چه کیف بۇلگونیمچه شراب ایچمیس، مست‌لیک و سرخوش‌لیک کیفیتی و حالتینی تېگیش‌لیچه بیل‌م‌س‌دیم. لېکن می ایچماق‌قه میلیم بار اېدی و بو وادینی باسیب اۇتیشنی کۇنگلیم ایستردی. یاش‌لیکده میلیم یۇق اېدی، می نینگ نشه و کیفینی بیل‌م‌س اېدیم. آتەم گاهی می تکلیفی قیل‌س‌لر هم عذرلر ایتیب، ایچ‌م‌س‌دیم. آتەمدن سۇنگ خواجه قاضی نینگ قدمی شرافتیدن زاهد و تقوادر بۇلدیم. نه فقط می ایچیش، شېه‌لی طعامدن هم حذر قیل‌ردیم. سۇنگ‌لر ییگیت‌لیک هوسی و نفس تقاضاسیدن می‌گه میل پیدا بۇل‌دی، تکلیف قیل‌ه‌دیگن کیشی یۇق اېدی، بلکه می‌گه میلیمنی بیل‌ه‌دیگن کیشی یۇق اېدی. کۇنگلیم مایل بۇل‌س‌ه‌ده، بوندە قیل‌م‌گن ایشنی اوزیم‌چه قیل‌یشیم مشکل اېدی. خیالی‌مدن کېچ‌دی که، شون‌چه تکلیف قیل‌ی‌تیلر، ینه هرات‌دېک آراسته شهر گه کېلیب توریمیز، برچه عیش-عشرت اسباب و اسکونه‌سی مکمل و مهیا، باری تکلف و نعمت‌لر اشیا و اسبابی تیار و پیدا بۇل‌س‌ه، حاضر ایچمه‌سم قچان ایچه‌من، دېب ایچماق‌قه عزم قیل‌دیم و بو وادینی باسیب اۇتماق‌قه جزم اېت‌دیم. بیراق کۇنگلیمدن اۇت‌دی که، بدیع‌الزمان میرزا آگه دیر، اونینگ قۇلیدن و اونینگ اوییده ایچمه‌ی، اینیسی نینگ قۇلیدن و اینیسی نینگ اوییده ایچسم، خاطریگه نیمه کېل‌گه‌ی، دېب بو ایگیل‌نیشیمنی ایت‌دیم. بو عذریمنی معقول دېب، بو صحبت‌ده می تکلیفی قیل‌م‌ه‌دیلر. بدیع‌الزمان میرزا بیلن مظفر میرزا بیر جایده بۇل‌گنده ایگلە میرزانینگ تکلیفی بیلن ایچیل‌ه‌دی، دېگن قرارگه کېل‌دیک.

بزمده صنعتکارلردن حافظ حاجی، جلال‌الدین محمود نای، غلام شادی نینگ اینیسی شادی بچه بار اېدی. چنگ چلردی. حافظ حاجی یخشی قوشیق ایت‌ردی. هرات خلقی پست آوازده، نازک و ملایم قیلیب (هموار) ایت‌ه‌دیلر. جهانگیر میرزانینگ بیر خواننده‌سی بار اېدی. میرجان اسملی. سمرقند‌لیک اېدی. قۇشیقنی بلند، قۇپال و ناتېکیس ایت‌ردی. جهانگیر

ميرزا كيف اوستيده اونگە اشولە ايتيشنى بويوردى. او غلطى، بلند، دغل و بې مزە قىلىپ ايتدى. خراسان اېلى ھزل بىلن تىرىك اېل. اونىنگ بو قۇشيق ايتىشىدن بىرىسى قولاغىنى توتەدىمى، يەنە بىرى آفتىنى بوجمەيتىرەدىمى، ميرزا طفىلى ھېچ كىم منع قىلالمەيدى. شام نمازىدن سۇنگ طربخانەدن مظفر ميرزا سالگن يىنگى قىشلاق اويىگە كېلدىك. اوشبو اويىگە كېلگندە، مست بۇلىپ قالگن يوسف على كۇگلداس تورىپ راقصلىك قىلدى. بو اويىگە كېلگندە صحبت انچە قىزدى. مظفر ميرزا مېنگە بىر كمر شمشىر، بىر قۇزى پۇستىن، بىر بۇز تايچاق بېردى. بو اويىگە كېلگندە جانك اۋزىپكچە قۇشيق ايتدى. مظفر ميرزانىنگ كتە ماھ و كىچىك ماھ ناملى قوللىرى بار اېدى. مستلىك پىتلىرىدە اولر انچە بې مزە عشق بازلىكلر قىلدىلر. كېچىگچە قىزغىن صحبت بۇلدى، بزم ترقەدى. مېن بو آقشام اوشبو اوىنىنگ اۋزىدە قالدىم. مېنگە مى تكليفى قىلور خبرىنى قاسم بېك اېشىتىپ، ذوالنون بېككە كىشى يوبارىدى. ذوالنون بېك ميرزالرگە نصيحت يۇسىنلىك قىتق قىتق ايتىپ، مى تكليفىنى تاماماً برطرف قىلىپتى.

بديع الزمان ميرزا مظفر ميرزانىنگ مېماندارلىگىنى اېشىتىپ، باغ جھان آرادە مۇقويخانەدە بزم توزىپ، مېنى تكليف قىلدى. بىزنىنگ بعضى خاص كىشىلرنى و يىگىتلرنى ھم تكليف قىلدى. مېنىنگ يقىنىمدە گىلر مېن طفىلى ايچە آلمىدىلر. بو صحبتدە آدملىرىم نىنگ ھەمەسىگە ايچىشگە رخصت بېرگن اېدىم. سىبى، بو صحبت آتە آغەمىز دېك كىشى نىنگ بزمى اېدى. شۇندە ھم اولر تارتىنىپ، گاه مېنى غافل قىلىپ، گاه قۇللىرى بىلن تۇسىپ، يوز تشويشلىر بىلن ايچر اېدىلر. بلند-بلند صنعى مجنون تاللىر كېلتىردىلر. طبعى مى ياكە صنعى مى شاخلىرى نىنگ آرەلرگە مېدە چىويقلر اوزونلىگىچە اينگىچكە - اينگىچكە آلتىن برگلر تىزىپ قۇيىلگن اېدى. عجاب كۆرىنردى. اوشبو ضىافتدە آلدېمگە غاز كىبابى قويدىلر. شو پىتگچە مېن سىرە قوش بوزمەگن و تۇغرمەگن اېدىم، شو سىبىلى قۇل تېككىزمەدىم.

بديع الزمان ميرزا: «نېگە مېل قىلمەيسىز؟» دېپ سۇردى. مېن دېدىم: «تۇغرمەش قۇلىمدن كېلمەيدى». بديع الزمان ميرزا درحال غازنى بوزىپ، تۇغرمەب آلدېمگە قۇيدى.

بۇندەي ايشلردە بديع الزمان ميرزا تېنگى يۇق كيشى اېدى. ضيافت سۇنكىدە مېنگە قىمت بها تاشلر قدهلگن بىرته حشمتلى كمر خنجىر، بىر زرباف تۇن، بىر چاپقىر آت تارتىق قىلدى.

يىگىرمە كوندن بېرى ھراتدە اېدىم، ھر كۈنى آلتىب كۆرمەگن بېرلرنى سىر قىلردىم. بو سىرلردە باشلاۋچىمىز يوسف على كۆككداش اېدى. ھر قىسى سىرگاھگە توشىلگندە، يوسف على كۆككداش بىر نوع آش تارتىدى. بو يىگىرمە كۈندە مشھور سىرگاھلردن بىرگىنە سلطان حسين ميرزانىنگ خانقاھى دن اۈزگە كۈرىلمەگن بىر قالامەدى شېكىلى.

گازرگاھ، عليشېرېپك نىنگ باغچەسى و قاغاز جۋازى و تخت آستانە، پل كاه، كھدستان، باغ نظرگاھ، نعمت آباد و گازرگاھ خىابانى، سلطان احمد ميرزانىنگ حظىرەسى (مقبرەسى) و تخت سفر، تخت نوایی و تخت برگر، تخت حاجى پېك و شىخ بهاءالدين عمر، شىخ زينالدين، مولانا عبدالرحمن جامى نىنگ مزارات و مقبرەسىنى، نمازگاھ مختار و حوض ماهيان، ساقى سلمان و اصلى اسمى ابوالوليد بولگن بىلورى، امام فخر و باغ خىابان، ميرزانىنگ مدرسە و مقبرەسىنى، گوهرشادىپىگىم نىنگ مدرسە و مقبرەسىنى، مسجد جامعنى، باغ زاغان و باغ نو، باغ زبىدە و ابوسعيد ميرزا سالگن دروازەى عراق نىنگ تشقىسىدەگى آقسراى، پوران و صوفەى تيراندازان (اۋق آتۈۈچىلر صُفەسى)، چرغالانگ و مير واحد، پل مالان و خواجە تاق، باغ سفيد و طربخانه، باغ جهان آرا و كۆشك، مقويخانه و سوسنىخانه، دوازە برج و جهان آرانىنگ شمال طرفيدەگى كتە حوض، تۇرت طرفيدەگى تۇرت عمارت و قلعه نىنگ بېش دروازەسى: ملك، عراق، فېروز آباد، خوش و قىپچاق، بازار ملك و چارسو دروازەلرىنى، شىخ الاسلام مدرسەسى و ملكلرنىنگ جامع مسجدى، باغ شھر و بديع الزمان ميرزانىنگ انجىل درياسى ياقەسىدەگى مدرسەسى، عليشېرېپك نىنگ "انسىيە" اتەلمىش يشەيدىگن اوپلرىنى، "قدسيە" ناملى مقبرە و مسجدى جامعنى "خلاصىيە" و "اخلاصىيە" ناملى مدرسە و خانقاھنى، "صفائىيە" و "شفائىيە" اتەلمىش حَماملرىنى، شفاخانه لرىنى آز فرستە ايلنېپ چىقدىم.

سلطان احمد ميرزانىنگ كىچىك قىزى معصومە سلطان بېگم نى آنەسى حبيبە سلطان بېگم

بو تۇپالانلاردىن بورونراق خراسان گە ئالىپ كېلگەن ئېكەن. بىر كۈن كەلگەننى كۆرگەننى كېلگەننىمەنە ئەسەسى بىلەن كېلىپ مېنى كۆردى. كۆرگەن زەھاتى ياق مېندە خىلە مېل پىدا بۇلدى. مخفى كىشىلەر بارىپ كەم و يىنگەم بىلەن (پايندە سۇلتان بېگمەننى "كە"، حىيە سۇلتان بېگمەننى "يىنگە" دېر اېدىم) سۆزلەشەيپ، شۇنگە كېلىشىلدى كە، يىنگە مېنىڭ آرتىمدىن قىزىنى ئالىپ كابل گە بارەدىگەن بۇلدى.

مېنگە شۇ يېردە قىشلىك دېپ، مەھمۇد بوروندوق بېك و ذوالنون بېك يۈرەكەن كەن كەن قىلەر، لېكەن قىشلا و يېرى و قىشلەماق اسبابىنى يىخشى تەمىنلەپ بېرىپ اېدىلەر. قىش بۇلدى و آردەگى تاغلارگە قار ياغدى. كابل طرفىدىن ھەنوز خاۋاترلىك كۆپراق بۇلدى. بولەر نە قىشلاۋلىك يېرىنى مەھيا قىلدىلەر، نە بىر احتىياجنى قاندىرۇۋۇچى قىشلاۋ يېرىنى كۆرسەتە آلدىلەر. آخىرى ضرورت بۇلدى، آچىق ايتەلمەدىك. قىشلاۋ بھانەسى بىلەن ھەراتەن شەبان آيى نىڭ يېتىنچىسىدە چىقىپ، بادغىس يېرلىرىدە، تاكە ولايتلارگە نەرسە يىغىش و ايش-كۆچ تۇپلەش اوچۇن كېتىلەر كېلىپ قۇشلىسىنلەر دېپ، ھەر يۈرتدە بىر كۈن-ايگى كۈن تۇختەپ كۆچەر اېدىك. تۇختەش و كۆتۈش شۇ درجەدە بۇلدى كە، لىنگرى مېرغىياتەن ايگى-اوچ كۆچ اۋتىگەنە رمضان آيى كۆرىندى. ولايتلارگە ايش-كۆچ اوچۇن كېتىگەن يىگىت-يىلگەن بەغزىسى كېلىپ قۇشىلدى، بەغزىسى يىگىر مە كۈن، بىر آيدىن سۇنگە كابل گە كېلىدىلەر. بەغزىلىرى قالىپ مېرزالارگە نوكر بۇلدىلەر. شۇلارنى بىرى سېدىم ەلى دربان اېدى، قالىپ بەدىع الزمان مېرزاگە نوكر بۇلدى.

خىروشاھ نوكرلىرىدىن ھېچ كىمگە اونىڭدېك ھەرمەت-اعتبار قىلمەسەيم. جەھانگىر مېرزا غەزنىنى تەشەببۇس قىلغانىدە، غەزنى سېدىمگە بېرىلگەندى. ئۇزىنىڭ قېنىسى دوست اېسە انگو شەيخنى غەزنىگە قۇيىپ، ئۇزى كېلىپ لىشكرگە قۇشىلگەن اېدى. ھەقىقەتەن خىروشاھ نوكرلىرى آرسىدە سېدىم ەلى دربان بىلەن مەھبەلى قۇرچىدىن ئۇزگە يىخشىراق كىشى يۇق اېدى. سېدىم يىخشى اخلاق و اطوارلىك كىشى اېدى. قىلىچىنى زۇر چاپەردى. اويىدە يىغىنسەز و سەھبەتسەز ئۇتۇر مەسەد، انچە سەخاۋەتلى اېدى. عەجب كەفايەتلى و ھەمەتلى، ظرافەت و لطفەتلى

گۈزەل، مناسبت و صحبتی شیرین، خوش خلق، سۈزه‌مال و هزلکش کیشی ابدی. عیبی شو ابدی که، اۋته فاسق و مذهبیده بیر آز چبتگه آغیش بار اېکن. بیر آز ایگی یوزلمه‌چی ابدی. بعضیلر اونینگ بو فعلینی هزلگه یۈردیلر، بیراق اونى بی چیز عیبلمس اېکنلر. بدیع‌الزمان میرزا هرات‌نى شیانی خان‌گه آلدیریپ، شاه‌بېککه کېلگنیده، میرزا بیلن شاه‌بېک‌نینگ آره‌سیگه نفاق سالگنی اوچون اونى اۋلدیریپ، هیرمند دریا‌سیگه تشلته‌دی. محب علی‌نینگ واقعه‌لری "وقایع" دوامیده ذکر اېتیلهدی.

لنگر میرغیاث‌دن اۋتیپ، غرجستان‌نینگ چېگه کېنتلرینی باسیپ، چخچران‌گه کېلیندی. لنگردن اۋتیپ، غرجستان توپراغیگه یتگنده همه‌یاق قار ابدی. قار بارگن سری کتله‌شردی. چخچران‌ده هم قار آت‌نینگ تیزه‌سی‌دن یوقاری‌راقه چیقردی. چخچران پېرلری ذوالنون‌بېککه تېگیشلی ابدی. اونینگ اۋرنیده میرکجان ایردی اسملی نوکری توردی. ذوالنون‌بېک‌نینگ غله‌لرینی پول بېریپ آلدیک. چخچران‌دن ایگی-اوچ کۈچ اۋتگچ، قار جوده کۈپیدی، اوزنگیدن یوقاری‌راقه چیقردی. کۈپ پېرده آت‌نینگ آیاغی پېرگه تېگمسدی. ینه تینیمسز قار یاغردی. چراق‌دان‌دن اۋتگچ هم قار کۈپ کتله بۈلدى. یۈلیمیز هم نامعلوم بۈلدى. لنگری میرغیاث پېریده کابل‌گه قیسی یۈل بیلن باریشیمیزنی کېنگشدیک. مېن و اکثر آدملر شوندهی ملاحظه‌ده اېدیک که، حاضر قیش، تاغ یۈلی کۈپ خواطرلی، قینچیلیکلر بۈلهدی. قندهار یۈلی بیر آز بیراقراق بۈلسه‌ده، لېکن بی تشویش و بی خواطر باریلردی. قاسم‌بېک او یۈل بیراق، منه شو یۈل بیلن باره‌میز، دېب توریپ آلدی. شو یۈلگه توشدیک. پیر سلطان پشایی یۈل باشلاوچی ابدی، قریلیگیدنمی یا گنگیره‌دیمى، یا قارنینگ کتله‌لیگیدنمی، یۈلنی یۈقاتدی، باشله‌ی آلمهدی.

قاسم‌بېک‌نینگ حرکتی بیلن بو یۈلگه توشگندیک. قاسم‌بېک اویه‌لگنیدن اۋزی و اۋز اۋغیللری قار تېپیب، یۈل تاپیب، آلدینده یورردیلر. کېینگى کون هم قار کۈپیدی. یۈل هم نامعلوم. هر قنچه حرکت قیلدیک، یورالمهدیک. چاره تاپالمی قېتیپ، بیر اۋتینلیک پېرگه توشیب، یتیمیش-سکسان سره ییگیتلرنی کېلگن ایزیمیز بیلن قېتیپ، پستراقده قیشله‌گن

هزاره-مزاره دن تاپيب، يۇل باشلاوچى كېلتيرسينلر، دېب تعين قىلدىك. او كېتگنلر كېلگونچە اوچ-تۇرت كون بو يورتدن كۇچيلمەدى. بارگنلر هم يخشى يۇل باشلەيدىگن كىشى آليپ كېلمەدىلر.

توكل قىليب، سلطان پىشايىنى ايلگرى ساليپ، يۇل تاپالمەي قىتگن يۇلئىمىزگە ينە توشيب جۇنەدىك. بىر نېچە كون كۇپ تشويش و مشقتلر تارتىلدى. عمر بۇيى بونچە مشقت تارتمەگن اېدىك. بو مطلع اۋشە فرصتدە ايتىلدى:

چرخ نىنگ مېن كۇرمەگن جورو جفاسى قالدېمو؟

خستە كۇنگلىم چېكمەگن دردو بلاسى قالدېمو؟

بىر ھفتەگە يقىن قار تېپىپ، كوندە بىر-بىر يىرىم شرەيدن آرتىق كۇچيلمىس اېدى. قار تېپىر كىشى مېن اېدىم، اۋن-اۋن بېش ايچكى يقىنلر و قاسم بېك اېدى. ايگى اۋغلى-تنگرى پېردى و قنبرەلى يىلن ينە ايگى-اوچ نوكرى هم بار اېدى. اوشبو كىشىلر يىاو يورىپ، قار تېپىر اېدىك. ھەر كىشى يېتى-سكيز-اۋن قرى ايلگرى يورىپ قار تېپىردى. ھەر قەدەم قۇيگندە بېلىگچە، كۇكسىگچە باتە-باتە قار تېپىر اېدى. بىر نېچە قەدەم بارگندىن سۇنگ ايلگرىگى كىشى خالدىن تايىپ تۇختىر، ينە بىر كىشى آلدىنگە اۋتردى. بو اۋن، اۋن بېش-يىگىرمە كىشى يىاو بارىپ قارنى تېپىگچ، بۇش آتنى تارتىش امكانى بۇلردى. بۇش آت تارتىلر، اوزنگىسىگچە، قارنىگچە باتە-باتە بو بۇش آت هم اۋن-اۋن بېش قەدەمچە يۇل يورىپ تاللىق اېدى. بو آتنى چېتگە تارتىپ، باشقە بىر بۇش آت ايلگرى تارتىلردى. اوشبو يۇسىن يىلن بىز اۋن، اۋن بېش-يىگىرمە كىشى نىنگ آتلىرىگىنە ايلگرى تارتىلدى. قالگن برچە يىگىتلر و بېك اتلگنلر آتلىرىدىن هم توشمەي، تيار تېپىلگن و باسىلگن يۇلگە كىرىپ، باشلىرىنى قويى ساليپ كېلىشردىلر. كىشىگە بىرار نرسە تكليف قىلەيدىگن ياكە زۇرلىك قىلىش پىتى اېمس اېدى. ھەر كىم نىنگ ھىمت و جراتى بۇلسە، بوندەي ايشلرنى اۋزى تىلب قىلەدى.

شو اصول يىلن قار تېپىپ، يۇل قىليب اينجوكان دېگن يېردن اوچ-تۇرت كوندە زىرىن داۋانى نىنگ توبىگە-خوال قوتى دېگن غارگە كېلدىك. انە شو كونى قىتق بۇران بۇلىپ قار

یاغردی. برچه اولیم واهمه‌سیگه توشدی. او اهل تاغده‌گی غار و کاوکلرنی خوال دپیدی. شو غارگه یتکندە، قار قویونی تېز لشدی. اوشبو غارقاشیدە تۇختە‌دیک. قار کۇپ، یۇل سۇقماق، تېپیلگن-باسیلگن یۇل بیلن هم آت زۇرغە یورەدی. کونلر غایت قیسقە‌لیکیدن آلدیندە‌گیلر یاروغ پیتی غار آلدیگه کېلدیلر، نمازشام، خفتن نمازیگچە باشقە‌لر یتیب کېلدی. اولردن کیپینگیلر تۇختە‌گن یېرىدە‌یاق توشدی. کۇپلر آت اوستیدە تانگ آتیردی، غار تارراق کۆریندی. مېن غارنینگ آغزیدە کورەک آلیب، قار کورەدیم، قارنی کۇکسیمگچە قۇدیم، سیرە یېرگە یتەمسیدی. بیر آز شمالدن پناه بولدی، اۇشە یېردە اۇتیردیم. هر قنچە: «غارگە کیرینگ» دېیششە‌هم کیرمەدیم. برچه اهل قاردە و بۇراندە، مېن ایسّیق اویده و استراحتدە اۇتیرە‌منمى دېب اویله‌دیم. موندە برچه اهل تشویش بیلن مشقتدە، مېن موندە اویقو بیلن فراغتدە بۇلە‌یمى؟! بو مروت و هم جهتلیکدن ییراق ایش دیر. مېن هم هر تشویش و مشقت بولسە کۆرە‌یین، هر نېچوک اهل طاقت قیلیب تورسە، تورە‌یین. بیر فارسی مقال بار: «دوستلر بیلن بیرگە بۇلگن اولیم-توی دیر». اۇشندە‌ی قار قویونیدە اۇزیم قزگن-یسە‌گن چوقوردە اۇتیردیم. خفتن نمازیگچە قار شوندە‌ی تېز یاغدی کە، مېن اېنگە‌شېب اۇتیرگن اېدیم، آرقە‌م، باشیم و قولالیریم اوستیگە تۇرت اېنلیک قار یاغدی.

اۇشە کېچە قولاغیمگە ساووق تأثیر قیلدی. خفتن نمازی پیتی غار ایچینی یخشی کوزە‌تگنلر «غار جودە کېنگ دیر. بوندە همه‌گە یتیرلی جای بار»، دېب قیچقیریشدی. بونی اېشیتیشیم بیلن، اوستیمدە‌گی قار-مارنی سیلکیب غارگە کیردیم. غار یقینیدە‌گی ییگیتلرنی هم تکلیف قیلدیم. قیرق-اېلیک کیشیگە یتە‌دیگن فراغتلی جای بار اېکن. ییگولیکلر: قوریتیلگن اېت، قاوورداق، کیمدە نیمە بۇلسە بارینی کېلتیردیلر. شوندە‌ی ساووق، قار و بۇراندە عجب ایسّیق بې‌خطر و فراغتلی یېرگە کېلدیک. اېرتە‌سی سحرلې قار و بۇران توردی. اېرتە‌سیگە کۇچیب اوشە یۇسین بیلن قار تېپیب، یۇل یسە‌ب، داوان اوستیگە چیقیدیک. یۇل هم قیرلې یوقاریگە چیقارکن. کۇتل زرین (زرین داوانی) دېر اېکنلر. بیز یوقاریگە چیقە‌مى درە ایچی بیلن پستگە یۇنە‌لدیک. داواننینگ توبیگە یتگونیمیزچە کون کېچ

بۇلدى. دره آعزىده ياق قۇندىك. اوشه كېچە جوده قىتىق ساووق بولدى. كۇپ مشقت و عقوبت بىلن او توننى اۋتكزدىك. كۇپ كىشى نىنگ قۇل-اياغىنى ساووق اوردى. كېپك نىنگ اياغىنى، سويوندوك توركم نىنگ قۇلىنى، ينه اخى نىنگ اياغىنى اوشه كېچە ساووق آلدى. اپرته سىگه دره قويىسىدن يوردىك. يۇل نىنگ بو اېمسلىگىنى بىلىپ، كۇرىپ، توكل قىلىپ، دره قويىسىدن يورىلدى. يامان اوچمه، سېكىرتمه يېرلردن توشىلدى. نماز شام پىتىده، دره نىنگ آغزىگه چىقىدىك.

بو داوانده بونچه كته قار بار پىتى كىشى اوندىن اۋتگىنىنى، بو داواندىن آشىپ اۋتماق كىشى نىنگ كۇنگلىگه كېلگىنىنى بيرانته قرى ياشى اولوغ اېسله يالمه يدى. گرچه كته قاردن بير نېچه كون انچه گينه تشويش كۇرگن بولسك-ده، لېكن آخرى اوشبو كته قار طفىلى اۋزىمىزنى منزلگه يېتكىزدىك. چونكه بوندە كته قار بۇلمسه، اۋشندە يۇلسىز اوچمه و سېكىرتمەدن كىم اۋته آلردى؟! احتمال، كته قار بۇلمسه اۋلگى اوچمه ده ياق برچه نىنگ ات و تويەسى تامما قالىپ كېتكن بۇلردى.

هر نيك و بدى كه در شمارست،

تا درنگرى صلاح كارست.

(مضمونى: هر بير يىخسى-يامانلىكىنى ملاحظه قىلىپ كۇرسنگ، حيات اوچون خىرلى

ايشلرگه سبب بۇلەدى.)

خفتن پىتى، يگه اۋلنگگه كېلىپ توشدىك. يگه اۋلنگ اېلى بىز كېلىپ توشگنده ياق خبر تاپدىلر. ايسىق اوپلر، سېمىز قويلر، آتگه اۋت و پىچن بې نهايه، اۋت ياقماققه اۋتىن و تېزهك بېحد حسابسىز اېدى. اۋشندە ساووق و قاردن قوتىلىپ، بوندە كېنگ و ايسىق اوپلر تاپماق، اوندە مشقت و بلادن خلاص بۇلىپ، بونچه كۇپ نان و سېمىز قۇيلر تاپماق بير حضور دير كىم، بونى بوندە مشقتلرنى كۇرگنلر بىلەدى، شوندە بير فراغت دير كه، بونى اۋشندە بلالرنى باشدن كېچىرگنلر فهم قىلەدى.

خاطر جمع و كۇنگىل تىنج حالده بير كون يگه اۋلنگ ده توردىك. يگه اۋلنگدن كۇچىپ،

ايگى يىغاچ يۇل يوريب تۇختەدىك. اپرتهسى رمضان هييتى بۇلدى. باميان بيلن يوريب، شيرتو داوانيدن آشيپ، جنگلككه يېتمەى توشيلدى. توركمەن هزارهسى كۋچلىرى و ماللىرى بيلن يۇل يول يولنىڭ اوستيده ياق قيشلەگەن اپكن. بيزدن اصلا خبرلىرى يۇق. اپرتهلب كۋچىب كېلىشده بولرنيڭ آغىل و كپەلىرى آرهسىگە كېلىپ توشدىك. ايگى-اوچ بۇلك آغىل تالان-تاراج قىلىندى. اۋزگەلىرى اوى و روزغارىنى تشلب، بالە-چقەسىنى آلىپ تاققە چېكىندى. ايلگرىدن، بير نېچە هزاره لشكر اېلى نىڭ آلدىنى بير تاغ يۇلى نىڭ تار جاييده تۇسىپ، اۋق آتېشىب آدملىرى اۋتگنى قۇيمەيپتى، دېگەن خبر كېلدى. بو خبر كېلگچ، ايلدم يوردىم، بارىب كۇرسىم، بير نېچە هزاره تۇسىق آرهسىدن اېمس، بير تاغ توشوغىدن كېلىپ بە مثال باتير يىگىتلىرىك اۋق آتماقدهلر. شعر:

قراسين ياغى نىڭ كوروتورلر،
دنگ و حيران باقىب توروتورلر.
مېن يېتىپ تېز اول سىرى يورودوم،
يورو-يورودېب ايلگرى يورودىم.
غرضيم اېلنى تېز قىلماق اېدى،
ياغى بيرلە ستيز قىلماق اېدى.
تېز اېتىپ اېلنى تارتىم اۋزنى،
ھېچ كىم ھم اېشىتمەدى سۇزنى،
يۇق اېدى جىيە و كېچىم و يراق،
مېندە بار اېدى نېك اۋق و سداق.
توردوم اېرسە تمام اېل توردى،
ياغى گويا بولرنى اۋلتوردى،
سېن نوكر كىم قىلورسېن آنىڭ اوچون،
يراغى بير محلدە جانىڭ اوچون.

يۇق كە نوكر توروب بېگى يوروكەي،
 نوكر آسوده و بېگى چوروكەي.
 نوكرى كيم، بو طور دور، نې آسيق،
 نې ايشينگكە يرر، نې آشقە قاتيق،
 آخر آت سالدېم ايلگري يورودوم،
 سوروبان تاغقە يوقارى يورودوم،
 مېنى كۆروب يورودى اېل داغى،
 قالدى اېلدين كېينگە قۇرقاغى.
 يېتتيان تېز تاققە تارماشتوك،
 اۇقيغە باقمەيىن يوروب آشتوك.
 گھى آتتين توشوب، گھى آتلىق،
 يوروبان ايلگريگە جراتلىق.
 ياغى هم تاغدين اۇق قۇير اېردى،
 زور كۆرگچ ساليب يوري بېردى،
 تاققە چيقتوك هزارەنى قولب،
 قير و قۇلدە كييك كيىي آولب.
 يوروغاننى كييككېك آتقوله دوک،
 تلبان مال و قۇيىنى بۇله دوک.
 قيريبان توركمەن هزارەسىنى،
 ايله دوک بند كيشى قارەسىنى.
 اېر اتاغليقنى دستگير اېتتوك،
 اهل و اولادىنى اسير اېتتوك.

هزاره مالیدن مېن هم بير قسم قۇي ييغديم. يارك تىغايى گە تاپشيريپ، اوزيم ايلگري

اۋتیب، قیرلر و قۇللر بیلن یوریب، هزاره‌لر نینگ آت و قۇیلرینی سوریب، تېموربېک لنگریگه کېلتیریپ توشدیک. تورکمن هزاره‌سی نینگ اۋن تۇرت اۋن بېش قیسر و یۇلتۇسر کتەلریدن قۇلگه توشگندى. خایلمده بو ابدى که، توشگن یورتده اولرنى تورلى عذاب و عقوبت بیلن اۋلدیره‌لیک که، تاکه برچه یۇلتۇسر و قیسرلر اوچون عبرت بۇلسین. یۇلده اولرگه قاسمبېک یۇلیقیب، بې مورد رحم قیلیب، قۇییب یوباریپتی.

زمین شوره سنبل بر نیارد،

در و تخم عمل ضایع مگردان.

نکوبی با بدان کردن چنان است،

که بد کردن به جان نیکمردان.

(مضمونی: شورتوپراق پېرده سنبل بیتیمیدی،

اونده‌ی پېرده امید اوروغینی نابود قیلمه.

شونگه اۋخشش یامانلرگه یخشیلیک قیلیش

یخشیلرگه یامایلیک قیلیش دیر .)

اسیرلرگه هم رحم قیلیب، آزاد قیلیندی. اوشبو تورکمن هزاره‌سیگه هجوم قیلینه‌یاتگنده اېشیتدیک که، محمد حسین میرزا دۇغلت سلطان سنجر برلاس و برچه کابلده قالگن مۇغوللرنی اۋزلریگه تارتیب، میرزاخان‌نی پادشاه قیلیب، کابل‌نی قمل قیلیشیپتی. اېل آره‌سیده اوشبو خبرنی ترقه‌تیشیپتی که، بدیع‌الزمان و مظفر میرزا بابر پادشاه‌نی توتیب، هرات نینگ حاضر آله‌قۇرغان نامی بیلن مشهور بۇلگن اختیارالدین قلعه‌سیگه قەبتیلر. کابل قۇرغانیده ملا بابای پشاغری، خلیفه، محب علی قۇرچی، احمد یوسف و احمد قاسم باشلیق اېدیلر، بولر متانت کۇرستدیلر. قۇرغاننی قتیق قوریق‌لب، مستحکم قیلیب اسره‌دیلر.

تېموربېک لنگریدن قاسمبېک نینگ تۇقبایلیک محمد اندیجانی اسملی نوکری آرقه‌لی کابل‌ده‌گی بېکلرگه بو پېرگه کېلگنیمیزنی بیتیب یوباردیک. غوربند تار تاغ آره‌لیغیدن چیقیب، اولر نینگ اوستیگه یوره‌میز، دېگن قرارگه کېلدیک. منار تاغیدن اۋتگن زهاتی‌یاق کتە اۋت

ياقه ميز، سيزلر هم اركدە -حاضر خزينه بۇلگن اپسكى كۇشك اوستيده كڭە آلاو ياقينگيز. تاكه، بيز نينگ كېلگنيميزنى يىلييسيزلر، دېب اۋيله يليك. بيز بو تاماندن يېتىگچ، سيز ايچكريدن چىقىب قۇلنگيزدن كېلگنچە حركت قىلىنگ، دېب كېلىشىپ آلدېك. بو سۇزلرنى يازديريب، محمد انديجانى دن يوباريلىدى.

اېرتەسى اېرتەلب لنگردن آلتىب، اُشُر شھر تۇغرىسىدە توشدىك. اوندن سحر آلتىب، توشگە يقين غوربند تار تاغ آرەليغيدن چىقىب، كۇپرىك باشيدە توشدىك. آت سوغايرىب، آتى تىنديرىب، پېشىن نمازى چاغى كۇپرىك باشيدن آتلندىك. توتقاوول گچە قار يۇق اېدى. توتقاوول دن اۋتېب بارگنيميز سرى قار كڭەراق بۇلدى. ضمناً يىخسى بيلن منار آرەسىدە شوندە ساووق اېدى كە، عمر بۇيى مونچە ساووقنى كۇرمەگن اېدىك. احمديساوول بيلن قارە احمد يورتچى يىنە كابل دەگى بېكلرگە يوباريلىدى. اۋشە وعدە مدتى اۋتېب، تاغ اېتىگىدە تۇختب، ساووقدن بې طاقت بۇلىب، اۋتلر يانديريب ايسيندىك.

اۋت يانديرر وقتى بۇلمەسەدە، ساووق ضرييدن بې طاقت بۇلىب، اۋت يانديريلىدى. تانگكە يقين، منار تاغى اېتىگيدن آتلندىك. منار بيلن كابل نينگ آرەسىدە قار آت نينگ تيزەسىگچە كېلدى. قت قلاق بۇلگندى، يولدن چېتگە چىققن كىشى قىينەلىب يورر اېدى. بو آرەليقدن تيز يىلىشىپ كېلدىك. شو باعث فرض وقتيدە كابل گە زورغە يېتىدىك. بى بى ماهرۋى گە يېتىشىمزدن بورونراق اركدن كڭە اۋت چىقدى. معلوم بۇلدى كە، خبر تايىشىپتى. سيد قاسم نينگ كۇپرىگىگە يېتە قالىب، شيرىم تىغايى بىلە ھجومچى قىسم كىشىسىنى ملا بابانينگ كۇپرىگى تامانگە يوباردىك. سۇل قنات و مركز بابالۋلى يۇلىگە توشدىك. او محللر خليفە باغى نينگ اۋرنيدە بىر كىچىكراق باغچە بۇلدى. اولوغبېك ميرزا (كابلې) سالگن اېدى. لنگر يۇسينلىك. درخت-ياغاچى قالمەگن بۇلسەدە، احاطەلنگن اېدى. او پېرگە ميرزاخان اېگەلىك قىلدى.

محمد حسين ميرزا اولوغبېك ميرزا سالگن باغ بھشتدە اېدى. مېن ملا بابا باغى نينگ كۇچە طرفيدەگى قبرستانگە يېتىپ اېدىم كە، شاشىلىب، ايلگرىلب كېتىگنلرنى اورىپ،

قَیتریب بیزگه تامان هیده دیلر. ایلگری باریب میرزاخان اوتیرگن حویلیگه کیرگنلر تۇرت کیشی اېدی. بیرى سید قاسم اېشیک آغه، اېگینچىسى قنبرعلى قاسم بېک، اوچینچی سى شېرقولى قاراوول مۇغول، تۇرتینچىسى شېرقولى نینگ جماعتیدن سلطان احمد مۇغول اېدی. بو تۇرت کیشی باریب آق، تارتینمسدن میرزاخان اوتیرگن حویلیگه کیره دیلر، تۇس تۇپالان باشلنهدی. میرزاخان بیر آتگه مینیب قاجیب چیه دی. ابوالحسن قۇربېگى نینگ اینیسی محمد حسین هم میرزاخان گه نوکر بۇلگن اېدی. بو تۇرت کیشیدن شېرقولى نی چاپیب ییقتیشهدی. باشینی کېسیش پیتیده قوتولیب کېته دی. بو تۇرت کیشی قیلیچ ییب، اۇق ییب، یره دار بۇلیب، اۇشه یرده بیزگه قۇشیلدیلر. کۇچه ده آتلیک اېل تیقیلیب، تۇختب قالدی، نه ایلگری یوره آلردیلر، نه کېینگه قیته آله دیلر. مېن یقینیمده گى ییگیتلرگه:-آتدن توشینگلر، تشلینگلر! دېدیم. دوست ناصر، خواجه محمد علی کتابدار، بابا شېرزاد، شاه محمد وینه بیر نېچه ییگیت آتدن توشیب، باریب، اۇق آتدیلر. یاو قاجه وېردی. قۇرغانده گیلرگه کۇپ کۆز توتدیک. اوروش پیتی یېتیب کېلیشمه دی. یاونى قاجیرگندن سۇنگ بیرین-کېتن چاپیب کېله باشلهدیلر. هلى میرزاخان اوتیرگن چارباققه کیریپ اولگورمه گن هم اېدیم که، قۇرغانده گى اېلدن احمد یوسف، سیدیوسف کېلدى. مېن ییلن همراه بۇلیشدى. میرزاخان اوتیرگن باققه کیردیک. کۆردیم. میرزاخان یۇق. قاجیب کېتپتی. تېزدن آق قیتدیم. احمد یوسف مېنینگ آرتیمده اېدی. چارباغ نینگ اېشیکیدن دوست سرپلی پیاده قیلیچ یلنغاچلب کیریپ کېلدى. او کابل ده مردانه لیگی طفیلی حرمت-اعتبار تاپگن، اۇشه یرده کابل ده ساقچی دسته باشلیغى منصبیگه قۇیلگن اېدی، او مېنگه تیک قره ب باستیریپ کېلردی. مېن ساووت کیگن اېدیم. کمر بند باغلمه گندیم. دوبولغه هم کییمه گن اېدیم. بیر نېچه مرته "هَی دوست، هَی دوست!" دېب قیچقیردیم، احمد یوسف هم قیچقیردی. ساووق و قارده یوره وېریپ اۆزگرنیمدنمی، یا مېنى تيمه دی، یا اوروش عذابیدن، تارتینمه ی یلنگ یيله گیمگه قیلیچ سالدی. تئگری عنایتی اېدی. قیل اوچیچه تأثیر قیلمه دی.

اگر تیغ عالم بجنبد ز جای،

نبرد رگی تا نخواهد خدای.

مضمونى: «(اگر عالم تیغی قۇزغلسە ھەم، خدا خواھلەمسە بیرار تامیرنی کەسالمەیدی)»
مەن اوشو دعانى اۇقینگن اېدیم. اونینگ خاصیتی بۇلدى، تئگىرى تعالى بو فلاگتنى دفع
قىلدى و بو مېنگە يۇنەلگن بلانى برطرف قىلدى. او منە بو دعا دیر:

«بسم الله الرحمن الرحيم. اللهم انت ربي، لاله الا انت عليك توكلت و انت
ربى العرش العظيم. ماشاء الله كان و مالم يشاء لم يكن ولا حول ولا قوّة الا
بالله العلى العظيم. واعلم ان الله على كل شىء قدير وان الله قد احاط بكل شىء علماً
واحصى كل شىء عددا اللهم انى اعوبك من شر نفسى وشر غيرى و من شر كل ذى شر و من
شر كل دابة انت آخذ بناصيتها انك رب العرش العظيم»

(مضمونى: مهربان و رحمتلى الله نامى بىلن باشلەيمەن. اللهم، اوزینگ رېمسن،
اوزینگدن اۇزگە الە يۇق، اوزینگگە توکل قىلديم و سېن اولوغ عرش رې دیرسن. نېمەنى كە
الله خواھلەسە بۇلەدى، خواھلەمسە بۇلمەيدى. و ھېچ قندەى مدد، كوچ-قوت يۇق، مگر
اېنگ يوكسك و بويوك الله بىلن. و بىلینگ كە، الله تعالى ھر بير ايشگە قادر دیر. و البتە الله
بە تحقيق ھر بير نرسەنى اۇز علمى بىلن بىلىب تورووچى و ھر بير حسابلانووچى نرسە نینگ
حسابىنى بىلووچى ذات دیر. اللهم، نېسىم نینگ يامانلىگىدن و باشقە نفس نینگ يامانلىگىدن
و يامانلىك قىلووچىلر نینگ يامانلىگىدن و باشقە مخلوقاتلر نینگ يامانلىگىدن اوزینگدن پناه
سۇرەيمەن. البتە، سېن اولوغ عرش رې دیر سن.)

او يېردىن چىقىپ محمد حسين ميرزا اۇتيرگن باغ بهشت گە كېلديم. محمد حسين ميرزا
قاچىپ چىقىپ، يىشيريئىدى. محمد حسين ميرزا اۇتيرگن باغچە نینگ رخنە سىدە يېتى-
سگىز تە اۇق-يالىك كىشى تورپىتى. مەن بو كىشىلر نینگ اوستىگە آتىمنى نىقتىباردیم،
تۇختەمەى، قاچە بېردىلر. مەن يېتىپ، بىرىگە قىلىچ سالدیم. شونەى يومەلب كېتىدى كە،
باشى اوچىپ كېتىدىمىكەن، دېپ اۇيلەدیم. اۇتىپ كېتىدیم، مەن قىلىچ سالگن كىشى
ميرزاخان نینگ كۆكلىداشى تۆلك كۆكلىداش اېكن. قىلىچ پىلكەسىگە توشىيدى. محمد
حسين ميرزا اۇتيرگن اويلر نینگ اېشىگىگە يېتىگنەمدە تام اوستىدن بير مۇغول، مېنىگ نوكرىم

ابدی، اونی تئیردیم، تیک تورگن حالده یوزیمگه قره ب یای تارتدی. او طرفدن-بو طرفدن «هَی، هَی، پادشاه دیر!» دېدیله. اۇقنى قَیتریب سداقغه سالیب قاچدی. اۇق آتیشدن هم ایش اۇتگن ابدی. میرزاسی و سردارلریدن قاچگنی قاچدی، قۇلگه توشگنی توشدی. اوشبو بیرده کیم اوچون هم اۇق آتردی؟ مېن حرمت-اعتبار قیلیب نینگنهار تومنینی عنایت قیلگنیم سلطان سنجر برلاس هم بو فتنه ده اولر بیلن شریک ابدی. توتیب، بۇینینی باغلب کېلتیردیله. اضطراب بیلن: «های، مېنده نې گناه؟!» دېب قیچقیرردی. گناه بوندن آرتیق بۇله دیمی؟ سلطان سنجر برلاس بو جماعت بیلن هم جهت و کینگشداشلردن بیر اولوغراغی سېن بۇلسنگ!

خان داده منینگ والدەسى شاه بېگیم گه جیین بۇلر ابدی. بوندەى شرمندە قیلیب سزایی قیلینگ، بونگه اۇلیم یۇق دیر! دېب بویوردیم.

بوندن چیقیب قۇرغانده قالگن بېکلردن بیرى احمد قاسم کۇھبۇرنی بیر دسته ییگیتلر بیلن میرزاخان نینگ آرتیدن یوباردیم. اوشبو باغ بهشت یانیده شاه بېگم و خوب نگارخانم چادرلر قوریب اۇتیرگن ابدیلر. بو باغدن چیقیب، شاه بېگم نى و خانم نى کورگنی باردیم. شهر اېلى و سَیاق سَلْپى لر هجوم قیلیب، بورچک-بورچکده اېلنى توتماقغه، مال تلەماقغه یۇل سۇیبیدیلر. کیشیلر قۇییب، برچه تالانچیلرنی اوریب-سوریب قیقردیک.

شاه بېگم و خانم بیر اویده اۇتیرگن ابدیلر. دایمگی یپردە توشیب، باریب بورونگیدېک ادب و تعظیم بیلن کۇریشدیم. شاه بېگم و خانم بېحد، بې قیاس اضطرابده، خجالتدن باشلری اېگیک خجل ابدیلر. نه معقول عذر ایتە آله دیلر، نه درستراق حال-احوال سۇره شگه باتینه آله دیلر. بولردن امیدیم بوندەى اېمس ابدی. بو فتنه چى گروه هر قندهى بدبختلیک نیتیده بۇلسه لر هم بېگم نینگ، خانم نینگ سۇزلریگه قولاق سالر ابدیلر! میرزاخان هم شاه بېگم نینگ توغیشگن نبوره سی، کېچه و کوندوز بېگم قاشیده ابدی، میرزاخان اگر بولر نینگ سۇزلریگه کیر مَسه، اونی قۇیمەى اۇزلری نینگ قاشیده سقله سه هم بۇلردی.

نېچه مرتەلب زمانه ناتینچلیگیدن و دوران مُراضات سیزلیگیدن، تخت و مملکت، نوکر و

سودردن آيريليپ، اولرگه التجا ايتديم، آنهم هم باردی، هيچ قندهی حرمت-اعتبار و شفقت كورمه ديك. مېنينگ اوكه هم ميرزاخان نينگ و آنهسى سلطان نگارخانم نينگ اوز معمور ولايتلری بار ابدی. مېن و آنهم، هلی ولايت نری تورسين، بير كېنت و بير نېچه قوش اېگهسى بۇله آلمه ديك. مېنينگ آنهم يونس خان قیزی نه مېن-نييرهسى اېمسميديم؟ او طبقه دن كيم مېنينگ درگاهيمگه توشسه، قۇليمدن كېلگنچه قرينداشليک و يخشيليكنی جايگه كېلتيرديم، چنانچه شاه بېگم كېلدیلر، كابل نينگ اعلا پېرلريدن پمغاننی بېرديم. ينه هر خيل فرزندليک بورچی و خدمت كورسه تيشده كمچيليکكه يۇل قۇيمه ديم.

سلطان سعیدخان-كاشغر خانی بېش-آلتی يياو-يلنگ بيلن كېلدی. توغيشگن اوكه لريمدهك كۇريب، لمغان تومنلريدن مندير اور تومينی بېرديم. شاه اسماعيل شيبانی خاننی مروده يېنگگن محلی، قوندوزگه اؤتگنيمده، انديجان ولايتی مېن تامانگه باقيب، بعضی قۇرغان بېگيلرينی قوويپ، بعضی پېرلرينی بېركيتيب، مېنگه كيشی يوباردیلر. مېن سلطان سعیدخان گه برچه نوكر يمني تاپشيريپ، كؤمك قۇشيب، توغيليپ اؤسگن پېريم انديجان ولايتینی اونگه بغيشلب، خان قيليپ يوبارديم.

حاضرگچه هم او طبقه دن كيم كېلمه سين، اؤز توغيشگنلريمدهك كۇرديم. چنانچه، چين تېمور سلطان، اېسان تېمور سلطان، تۇخته سلطان و بابا سلطان شوپيتلرده مېنينگ قاشيمده ديرلر. برچه نی اؤز توغيشگنلريمدن يخشيراق كۇريب، حرمت-اعتبار و شفقتلر قيلگنمن.

بو بيتيلگنلردن مقصد شكايه اېمس، راست واقعه لرنی يازه ياتيرمن. بو يازيلگنلردن مقصد اؤزيم نينگ تعريفيم اېمس، حقيقي واقعه بيانینی تحرير اېتگنمن. چونكه بو بيتلرده شونگه قرار قيلينگن كه، هر سؤز نينگ راستی بيتيلگه ی و هر ايش نينگ حقيقي واقعي بيانی تحرير اېتيلگه ی. ذاتاً آتە-آغه دن هر قندهی يخشيليک و يامانليک كۇرگن بۇلسه م يازديم. قرينداش و بېگانه ده هر قندهی عيب و فضيلتلر صادر بۇلگن بۇلسه، تحرير ايله ديم. اؤقووچی معذور توتسين و اېشيتووچی اعتراض قيلمه سين.

بو بیردن توریب میرزاخان اؤتیرگن چارباققه کېلیب، ولایتلرگه، ایماقلرگه و یقین-بیراقلرگه فتحنامه‌لر، ظفر مکتوبلری یوباریلیدی. اوندن سؤنگ آتکئیپ ارککه کېلیدیم. محمدحسین میرزا قۇرقوودن خانم‌نینگ تۆشک‌خانه‌سیگه قاچیب کیریپ، تۆشک‌نینگ بۇغجمه‌سیگه اۆزینی باغلتیپتی. قۇرغانده‌گیلردن میریم دېوان وینه بعضیلرینی بو اویلرینی اختریپ، محمدحسین میرزانی تاپیب کېلیش اوچون یوباردیک. او خانم‌نینگ اېشیگیگه کېلیپ، قۇپالراق، آداسیزراق سۇزلر ایتیپتی. هر حالده محمدحسین میرزانی خانم‌نینگ تۆشک‌خانه‌سیدن تاپیب، ارکده مېنینگ قاشیمگه کېلتیردیلر. مېن بورونگیدېک تعظیم قیلیپ اؤرنیمدن توریدیم، اونچه قۇپاللیککه بارمه‌دیم. محمدحسین میرزانی، بونده‌ی خونیک و توبن حرکتگه قدم قۇیگنی، بونده‌ی غوغا و فتنه ایشلرگه باش قوشگنی اوچون بُرده-بُرده قیلم اؤرنیلی اېدی. آرده هر حالده قرینداشچیلیک بار اېدی: مېنینگ توغیشگن خاله‌م خوب نگارخانم‌دن اۇغیل-قیزلری بار اېدی. بو حقوقنی اېسلب، محمدحسین میرزانی آزاد قیلدیم. خراسان سړی رخست بېریلیدی. بو مروتسيز و حقنی تیمه‌یدینگن کیشی مېنینگ بونده‌ی یخشیلیگیمنی، یعنی جانینی امان قالدیرگیمنی بوتکل اونوتیب، شیبانی خان قاشیده مېندن غیبت و شکایتلر قیلییدی. آز فرصت اؤتمه‌ی شیبانی خان‌نینگ اۆزی یاق اونى اؤلدیریب، جزاسیگه بیتکزدی.

توبد کئنده‌ی خودرا به رۇزگار سپار،

که رۇزگار تورا چاکریست کینه‌گذار.

(مضمونی: سېن اۆزینگه یامانلیک قیلگننی حیانگه تاپشیر، بیل حیات قصاصکار

ملازمینگ دیر.)

میرزاخان‌نینگ آرتیدن یوباریلگن احمد قاسم کۆهبر (تاغ‌کېسر) وینه بیر نېچه ییگیتلر قرغه‌بولاق قیرلری ده میرزاخان‌گه یېته‌دیلر. او قاچه‌هم‌آلمسدى، قۇل کؤتریشگه هم قوت و جرأتی یوق اېدی، آلیب کېلدیلر. مېن اېسکی دېوان‌خانه‌نینگ شرقی-شمالی تامانیده‌گی ایوانده اؤتیرگندیم. مېن: «کېل، کؤریشه‌یلیک»، دېدیم.

داوديرەگن ايدى اپگىلىب كېلگۈنچە ايگى مرتە يىقىلدى. كۈرىشگەندىن سۈنگ، يانيمگە اۋتقزىب، كۈنگىلىنى كۈترديم. شربت كېلتىردىلر. ميرزاخان دن وھيمەنى كېتكىزىش اوچون شربتتى اول اۋزىم ايچىب، سۈنگ اونگە بېردىم. ميرزاخان تامانىگە اۋتگن سپاھى و اېل، مۇغول و چىغتاي واهمەدە، ھم ناتىنچ اېدىلر. شو باعث احتياط چارەسى صفتيدە، ميرزاخاننى اېگە چىسى نىنگ اويىدەگىنە بۇلىشىنى بويوردىك. اوشبو فتنەگە باش قۇشگن اېل و اولوسدن ھنوز خوف و ايگىلىنىش بار اېدى. ميرزاخاننى كابل دە قالىشىنى معقول كۈرمەي، بىر نېچە كۈندىن سۈنگ او خراسان تامانگە جۈنەتيلدى.

اولرگە رخصت بېرگەندىن سۈنگ باران، چاشتوبە و گلبھار تاغ اېتكلىرى سىرىگە باردىك. بھاردە باران چۇلى، چاشتوبە دشتى و گلبھار اېتكلىرى جودە فيضلى بۇلەدى. سبزەسى كابل ولايتى نىنگ اۋزگە بېرلىرىگە قرەگندە خىلە يىخشى بۇلەدى: تورلى-تومن لالەلر آچىلەدى. بىر مراتبە لالە نولرلىنى سنەشلىرىنى بويوردىم: اۋتيز تۇرت نول لالە چىقلىدى. چنانچە، بو بېرلر تعريفيدە بىر بيت ايتىلگن اېدى:

سبزو گلر بىلە جنت بۇلور كابل بھار،

خاصە بو موسمە باران يا زىسى و گلبھار.

اوشبو سىرگە كېلگندە، بو غزلىنى يازىب توگەتديم:

مېيىنگ كۈنگلۈم كە گل نىنگ غنچە سىدېك تە-بە قاندور.

اگر يوز مىنگ بھار اۋلسە آچىلماغى نې امكاندور؟

درحقيقت، بھاردە سىر قىلماققە، قوش سالماققە و قوش آتماققە بو بېرلردېك جايلر كم اوچرەيدى. شونىنگ اوچون كابل و غزنى ولايتى نىنگ تعريف و توصيفيدە بىر آز سۈز يوريتىلدى.

اوشبو يىلى ناصر ميرزا و اونىنگ قۇلىدەگىلر معاملەسى و ايشلىرىدن محمد قۇرچى، مباركشاھ، زبىر و جھانگىر سىنگرى بدخشان بېكلىرى رنجىدىلر، حتا يابۇلدىلر. برچە اتفاق بۇلىب، لشكر تارتىب، كۈكچە درياسى نىنگ يفتل و راغ تامانىدەگى تېكىسلىك آرقەلى آتلىق-

یوانوی ییغیب، صف توزیب قیرلر بۇیل ب خمچان نینگ یقینیکه کەلدیلر. ناصر میرزا و قاشیدەگی تجربە سیز ییگیتلر اندیشه و ملاحظه قیلমেی، بولر بیلن قیرلرگه کەلیب اوروش قیلەدیلر. پیری اؤیدیم^۲، پیاده‌لری لشکر بیر-ایککی مرته آت سالگنیده تۇختب اوریب قیترەدیلر؛ بیراق داش بېره‌آلمەیی، قاچەدیلر. بدخشانلیکلر ناصر میرزانی بېنگیب، بار نرسەلرینی تالان-تاراج قیلدیلر.

ناصر میرزا یقینیدە گیلر بیلن بېنگیلیب، تَلَنیب، اشکمیش و نارین بیلن کەلاگی گە باریب، قیزیل سوونینگ یوقاریسیدن اؤتیب، آبدره یۆلی بیلن کیریب، شیرتو داوانیدن آشیب، کابل گە بیتمیش-سکسانته تَلَنگن، آلدیرگن، آچ-یلنغاچ نوکر-سودری بیلن کەلدی.

قادر الله نینگ ایشینی قرهنگ که، بوندن بورون ایگی-اوج ییل ناصر میرزا تمام اہل و اولوسنی کؤچیریب، ھیدەب، کابل دن یاولشیب چیقیب، بدخشان گە باریب، دره و قۇرغانلرنی بېرکیتیپ، نې خیال لر بیلن یورردی. بورونگی قیل میشلریدن باشی قویی اېگیلگن و خجل، اؤزی نینگ ساتقینلیگیدن شرمنده و خجالت بۇلیپتی. مېن هم هېچ نرسەنی یوزیگە سالمەدیم. یخشی سؤره شیب نېتیب خجالتدن چیقردیم.

تۇقىز يوز اۋن اوچىنچى (۱۵۰۸-۱۵۰۷) يىل واقعه لرى

غلجى گە ھجوم قىلىش نىتىدە كابل دن آتلندىك. سرده گە توشگندە خبر كېلتىردىلر كە، سرده دن بىر يىغاچ نرىدە گى مَشت و سە گانە دە كۇپ مھمندلر غافل بۇلىپ اۋتيرىشگنمىش. بار بېك و يىگىتلر مھمندنى تالان-تاراج قىلىش حقىدە يكدل بۇلدىلر. مېن: "شو مناسب ايشمى؟ نىمە نىندە آتلنگن اېدىك و مقصدگە يېتمەى اۋز خلقىمىزنى تالان-تاراج قىلىپ قىتە مىزمى؟ بوندى قىلىش ممكن اېمس"، دېدىم.

سرده دن آتلىنىپ، كُتۈز چۇلىنى كېچەسى بىلن قارانغودە باسىپ اۋتدىك. قاپ-قارانغى كېچە، تېپ-تېكىس يېر، نە تاغ و نە قىر كۆرىنەدى. نە يۇل و نە ايز معلوم بۇلەدى، ھېچ كىم يۇلنى باشقرا ئەلمەدى. آخرى اۋزىم باشلەدىم. بىر اىگى مراتبە بو يېرلرگە كېلگندىم. اۋشە قىياس بىلن قطب يولدوزىنى اۋنگ يىغرىنىمىز اگە آلىپ يورە وېردىك. تنگرى راست كېلتىردى. تۇپە-تۇغرى خواجه اسماعىل قىرلىرى يانيدە غلجى لىر جايلىشگن قياقتو و اولابە تو سايىگە كېلدىك. اوشبو ساي نىنگ اۋزىدن يۇل چىقىردى. او سايگە توشىپ، اۋزىمىز بىر آز اوخلب، اۋزىمىز دَم آلىپ، تانگ آتگندە ينە جۇنەدىك.

آفتاب چىققىندە بو قىر و تاغ ارا يۇللردن تېكىسلىككە چىقىدىك، اوشبو يېردن غلجىلر اۋتىرگن يېرگچە بىر يىغاچدن كۇپراق يۇل بار. تېكىسلىككە چىققىچ، غلجى نىنگ قارەسىمى، توتونىمى كۆرىندى. لشكر بىردن ياپەسىگە ايلگىرىگە آتلىدى. بىر-اىگى كوروھگچە چاپىپ،

۱- يىغرىن-تەننىنگ اىگى بىلكە آرەلىغىدە گى آرە قىسمى، حيوانلردە بېل نىنگ يوقارى قىسمى.

كيشيگه، آنگه اۇق آتيب، اېلنى تۇختتدېم. بوندە يىر دنيگه ياپەسيگه تالان-تاراجگه تشلنگن بېش-آلتى مينگ لشكرنى تۇختەتېش انچه مشكل اېدى. تنگري قۇللەدى: لشكر تيبلىدى. يىنە بىر شرعيگه يقين يۇل يورگېچ، افغان نينگ قارەسنى كۇريب، تالان-تاراجگه رخصت بېرىلدى. بو ھجومدە جودە كۇپ قۇى قۇلگە توشدى. ھېچ بىر ھجومدە بونچە كۇپ قۇى توشگن اېمىسدى.

مالنى ھيدەب قېتىگنيمىزدن سۇنگ، افغانلر ھر طرفدن گروە-گروە كېلىپ، تېكىسلىككە اۋتېپ، اوروش حركتيگە توشدىلر. بىر گروھنى بعضى بېك و ايچكىلر بارىپ، اۋرەب آلىپ، تاماماً اۋلدىردىلر. يىنە بىر گروھى تامانگە ناصر ميرزا آتلىپ، برچەسنى قيردى. اۋلگن افغانلر باشىدن كۈلەمنارە كۇترىلدى. آتى ذكر اېتىلگن دۇست پيادە كوتوال نينگ آياغيگە اۇق تېگىپ، كابل گە كېلگندە اۋلدى. خواجه اسماعيل دن كۇچىپ، اولابەتوگە كېلىپ توشدىك. بو بېرگە كېلگندە، بعضى بېك و ايچكىلر يورىپ، غيرت كۇرسەتېپ، بو اۋلجەلر نينگ خۇمسىنى (بېشدين بىر قىسمىنى) دولت حسايىگە آلىشلىرى حقىدە فرمان بېردىك. قاسم بېك و يىنە بعضىلر نينگ حرمتىنى قىلىپ، خۇمسىنى آلمەدىك. قلمگە كېلگن خۇمس: اۋن آلتى مينگ قۇى چىقدى. بو سكسان مينگ نينگ خۇمسى اېدى. ھلاك بۇلگن بېكلرگە تقسىملنگن قۇيلر يوزمىنگەتەن آرتىق اېدى.

او يورتدن اېرتە آتلىپ، كۇتواز چۇلىدە او اوچون چرگە قۇيىلدى. بو دشت نينگ كيىك و قولانى ھمە وقت سېمىز بۇلەدى و كۇپ بۇلەدى. چرگە آرەسيگە كۇپ قولان و كيىك كىرەدى. راسە كۇپ قولان و كيىك اۋلدىردىلر. او ائناسىدە بىر قولان نينگ آرتىدن چاپدىم، يقينراق يېتىپ، بىر اۋق آتدىم، ايگىنچى بار تىغىن آتدىم. لېكن بوزخملر يىقىلگودېك تائىر قىلمەدى. بو ايگى زخم نينگ ضرىيدە يۈگۈرىشى بورونگىدن سېكىنراق بۇلدى. آتسى نىقتىپ، يقين ياندەشىپ بارىپ، ايگى قولاغىدن آرتىدەگى چكەسيگە قىلىچ سالىدىم. كېكىرتكى گىنە

ایلینیپ قالدی. ملاق آشیپ کپتدی. کپینگ آياغی اوزنگیمگه تېگه یازیب قالدی. قیلیچیم جوده یخشی کپسیدی. عجایب سېمیز قولان اېدی. اېتی نینگ قیلینلیگی کیشی نینگ بیر قریچیدن بیر آز کمراق کپلردی. شیریم تغای و بعضی مۇغولستان کییگینی کۆرگنلر تعجب قیلیپ: «مۇغولستان ده هم بونچه لیک سېمیز کییک کم کۆرگن اېدیک»، دېیشیدی. بوگون هم ینه بیر قولان آتدیم. اوشبو آوده توشگن قولان و کییک نینگ کۆپی سېمیز اېدی. لېکن هېچ قیسسی مېن اۆلدرگن قولانچه سېمیز اېمس اېدی.

بو هجومدن قېتیب کېلیپ، کابل گه توشدیک. اۆتگن ییل نینگ آخیرده شیبانی خان سمرقنددن هرات امیددی ییلن لشکر تارتدی. توز کۆر قیلگور شاه منصور بخشی اندخود اوندە اېدی. شیبانی خان گه کیشیلر یوباریپ، شیبانی خاننی آتلماققه شاشیریدی. اندخود توپراغیگه کېلگنده بو اۆزبککە کیشی یوبارگنمن، دېب ایشانیپ، یسه نیپ، باشیگه تورنه پری سنچیب، هدیه تارتیق آلیپ چیقردە باشسیز اۆزبک تۆش-تۆشیدن تشلیشپ، بویره مس-نی، تارتیق و هدیه سینی و کۆرگن کیشی سینی تیت-پیت قیلیشیپتی.

بدیع الزمان میرزا، مظفر میرزا، محمد بوروندوق برلاس و ذوالنون ارغون بابا خاکی اطرافیده بوتون لشکری ییلن نه اوروشماق عزمیده، نه قۇرغان بېرکیتماق جزمیده، هېچ ایشنی انیق مۆلجلله یالمه ی، نیمه ایش قیلیشنی بیلمه ی سراسیمه گه توشیب اۆتیریشگن اېدیلر. محمد بوروندوق بېک ایش بیلرمان کیشی اېدی. اوشونده ی دېیتی: «مظفر میرزا و مېن هرات نینگ قۇرغانینی بېرکیته یلیک. بدیع الزمان میرزا ییلن ذوالنون بېک هرات نینگ اطراف پېرلیده گی تاغلرگه باریپ، سیستان دن سلطان علی ارغوننی، قندهار و زمینداوردن شاه بېک و مقیمنی لشکرلری ییلن کېلتیریب، اۆزلیگه قۇشسینلر. هزاره و نکدری لشکرلری قنچه بۆلسه، ییغیب تیار تورسینلر. غنیم نینگ تاققه بارماغی مشکل دیر. تشقیده گی لشکر نینگ خوفیدن قۇرغان اوستیگه هم کېله آلمس». جوده یخشی آیتیتتی. عاقلانه یؤل اېسیگه کېلیپتی. ذوالنون ارغون مردانه کیشی بۆلسه ده، لېکن خسیس، مال پرست ایش یوریتیش یؤل-یوریغینی بیلمه یدیگن، بې فراستراق و تېلبه راق کیشی اېدی. شو فرصتلرده، هرات ده اکە-اوکە

شريکلىك بىلن پادشاه اېدىلر. بديع الزمان قاشيده عالي اختيارلى بېك شو اېدى. قيد اېتىلگندېك، مالپرستلىگى طفيلى محمدبوروئندوق نينگ شهرده توريشيگه راضى بولمەدى. اوزى شهرده قاليشنى خيال قىلدى، اونى هم اېلەي آلمەدى. حيله گر و طمعگر كيشيلريننگ يالغانى و خوش آمدىگه اوچىب، اوزىنى بدننام و رسوا قىلدى، اونينگ گۈللىك و تېلبەلىگىگه هېچ نېمە بوندىن يخشىراق دليل بۇلا لمەدى.

گپ شوندهكه، ذوالنون بېك ارغون بوندهي عالي اختيار و اعتبارگه سزاوار بۇلگچ، يىر نېچە شيخ و ملا اونينگ آلدىگه كېلىب: «اولياي قطب يىز بىلن معاملە قىلدى. سېنگە "هژبراللة" ("الله نينگ شېرى") لقب بۇلدى. سېن اوزبكنى يىنگەسن!» دېيىشەدى. او بو سۇزلرگه ايشانىب، بۇنىگه فۇتە ساليب، شكرلر قىلىدى. اوشبو سىبىلرگه كۆرە، محمد بوروندوق نينگ معقول يۇل-يۇريگىگە عمل قىلمەي، نە قۇرغاننى حمايه قىلىپتى، نە اوروش يراغىنى سازلەبدى، نە قراوول، نە ياو كېلگندىن خبردار قىلووچى، آگاهلانتىرووچى كيشيلرنى قۇيىپتى، نە غنىم كېلسە كۈنگىلدەگىدېك اوروشەدىگن حربى صفده ترتيب و قاعده اۈرنەتتيدى. آخر-عاقبت اولر شىيانى خان محرم آيى مرغابدن اۋتېب، سېركاي توپراغىگە يقين يىتگندەگىنە خبردار بۇلەدىلر. سراسىمەگە توشىب، هېچ ايش قىلە آلمىدىلر. نە اېلنى يىغە آلهدىلر، نە جنگ صفىنى توزە آلهدىلر. تۇغرى كېلگن طرفدن ياوگە قرەب يورەبەردىلر. ذوالنون ارغون اوشبو خوش آمدگە اوچىب، قىرق-اېلىك مىنگ اۋزبك نينگ قرشىسىگە يوز-يوز اېلىكتەچە كيشىسى بىلن قارە رباطده تورهدى. غنىم كۆپ كيشىسى بىلن يېتىب كېلىب آق بولرنى يىنگەدى. ذوالنوننى توتىب، اۋلدىرىب، باشىنى كېسەدىلر. ميرزالر نينگ آنەلرى، آپە-سىنگىل و عياللرى ھمدە خزىنەسى-ھەمەسى آله قۇرغان نامى بىلن مشهور بۇلگن اختيارالدين قلەسىدە اېدى. ميرزالر شهرگە كېچ يېتىب بارەدىلر. يريم كېچەگچە آتلىرىنى تىندىرىب اوخلەيدىلر. سحر وقتى شېھرنى تشلب چىقىپ كېتەدىلر. قۇرغان بېركىتىشنى خياللىرىگە ھەم كېلتىرالمەيدىلر. مونچە مدت و فرصتە آنەلرى و اېگەچى-سىنگىللىرىنى، كۆچ و بالەچقەنى ھەم آلىب چىقمەي اۋزبككە اسىرلىككە تشلب قاچەدىلر. قۇرغاننى مستحكم قىلماقنى اويلەمەيدىلر ھەم.

پاینده سلطان بېگم، خدیچه بېگم باشلیق سلطان حسین میرزانیگ عیاللری و بدیع الزمان میرزانیگ، مظفر میرزانیگ عیاللری و باله-چقه‌لری برچه‌سی، میرزالرنیگ خزینه‌لری همده بار اوی انجام اسکونه‌لری آله‌قۇرغاننیک ایچیده ابدی. قۇرغاننی کۇنگیل‌ده‌گیدېک مستحکم و سرانجام قیلمه‌گن ابدیلر. قۇرغانگه مدد بۇلگولیک ییگیتر هم ییترلی اېمس ابدی. مزیدېکنیک اوکه‌سی عاشق محمد ارغون ییو، لشکردن قاجیب کھلیب قۇرغانگه کیردی. بولر علیخان امیر عمرنیک اوغلی، شیخ محمد عبدالله بکاوول (آشپز)، میرزابېک کیخسروی و میرک کۇر دېوان ابدیلر. شیبانی خان کھلگچ، ایگی-اوج کوندن سۇنگ شیخ‌الاسلام و زاده‌گانلر عهد و شرط قیلیب، تشقی قۇرغاننیک کلیترلینی آلیب باردیلر. قۇرغاننی منه شو شیخ محمد اؤن آلتی-اؤن یېتی کون سقله‌دی. تشقیردن-آتباقری طرفیدن تېشیک آچیب، اؤت قوییب، قۇرغان دېواننیک بیر مناره‌سینی اوچیردیلر. قۇرغان اېلی شاشیلیب قالیب، قۇرغاننی سقله‌ی آلمه‌دیلر، آلدیردیلر.

شیبانی خان هراتنی آگکندن سۇنگ، بو پادشاه‌لرنیک اولاد-اجدادی بیلن، نه‌فقط بو جماعه، بلکه بوتون خلائق بیلن یامان قیلدی. قیشلاقی و عالم کۇرمه‌گن بو آدم بېش کونلیک اؤتر دنیا اوچون بوندی یامان آت قازاندی. شیبانی خان‌دن خونیک خط-حرکت و یرهمس قیلیقلر هرات‌ده صادر بولدی: اولّا، چیریک دنیا اوچون خدیچه بېگم‌نی شاه منصوربخشی‌گه تاپشیریب، تورلی عذابلرگه سالدی. ینه شیخ پوران‌دېک ولی و عزیز کیشینی مۇغول عبدالوهاب‌گه توتدیردی، هر اۇغلینی ینه بیر کیشیگه توتدیردی، ینه اهل شعر و استعدادنی ملابنایی‌گه تاپشیردی.

خراسان ذکیلری آره‌سیده بو حقدّه بیر قطعه شهرت تاپدی:

به جز عبدالله کبر خر امروز،

ندیده هیچ شاعر روی زر را.

بنایی زر طمع دارد ز شاعر،

مگر خواهد گرفتن کبر خر را.

(مضمونى:

بو كون اېشك آلتى عبداللەدن باشقە

ھېچ شاعر آلتىن بېتىنى كۆرمەگن.

بنايى شاعرلردن آلتىن طمع قىلەدى،

اولردن اېشك آلتىن آلمىدى؟!)

ينە مظفر مىرزانىنىڭ خانزادە بېگم اسملى خاتىنىنى ھراتنى آڭگىندە ياق عدە مدتىگە باقمەي، اۋزىگە نكاحلەب آلدى. يەنە قاضى اختيار بىلەن ھراتنىڭ مشھور و قابىلىتى ملا لىرىدىن محمد مىر يوسىفگە، اۋزى عامى بۇلىشىگە قرەمەي، تفسىردن سباق آيتدى. يەنە ملا سلطان على مشھىدى بىلەن بەزادە مصورنىڭ تصوير و خطى گە قەلم تېگىزىپ، اصلاح قىلدى. يەنە ھەر نېچە كۈندە بىر بې مەزە بىت يازار و مەنبرە اۋقىتىپ، چارسوگە آستىرىپ، شەھەر اېلىدىن ھىدە آلدى. گرچە شىيانى خان سحرخىز، بېش وقت نمازنى تۈرك قىلمەيدىگەن، قرائت علمىنى تۈزۈككىنە بىلەيدىگەن كىشى بۇلسەدە، لېكىن بۈندەي گۈللەرچە، ابلەرچە، كافىرلەرچە سۆز و قىلمىشلار اوندان كۆپ صادر بۇلدى.

ھراتنى آڭگىندەن اۋن-اۋن بېش كۈن اۋتۇگچ كەدەستاندىن پىل سالارگە كېلىپ، بارلىشىرىنى تېمور سلطان بىلەن عەيدە سلطانگە باشلەيتىپ، مشھۇدە غافل اۋتىرگەن ابوالمەھسەن مىرزا بىلەن كېپەك مىرزا اۋستىگە يۈباردى. بىر مەرتەبە قلاتنى بېرىكىتىشنى خىيال قىلىپتىلەر. يەنە بىر مەرتەبە بولشكرنىڭ كېلە ياتىگىنىنى اېشىتىپ، اۋزىگە يۈل بىلەن شىيانى خاننىڭ اۋستىگە يۈرماقچى بۇلەدىلەر. بو جۈدە يەخشى خىيال اېكەن. اما ھېچ اېشىگە و ھېچ قەيسى سۆزىگە قارار بېرەلمەي اۋتىرگەندە تېمور سلطان بىلەن عەيدە سلطان لىشكر بىلەن ايلەم يېتىشەدىلەر. مىرزالار ھەم جىڭگە صف تارتىپ چىقەدىلەر. ابوالمەھسەن مىرزانى تېز يېنىگەدىلەر. كېپەك مىرزا آزاراق كىشى بىلەن اكەسىنىڭ غنىمىگە تەشلەندى. اۋنى ھەم يېنىگەدىلەر. ايكەلەكە-اۋكەنى قۇلگە توشىرەدىلەر. بىر يېردە اۋتىرغىزگەنلىرىدە، اكە-اۋكە بىر-بىرىنى قۇچىپ، اۋپىشىپ، وداغلىشەدىلەر. ابوالمەھسەن مىرزانىنىڭ قۇرقاقلىقى نامايان بۇلەدى. كېپەك مىرزاگە آقتىدىن ھېچ نەرسەنىڭ

فرقی یوق ابدی. ایکله میرزانینگ باشلرینی شیانی خان پل سالارده اېکنیده یوباره‌دیلر. شو آرده شاه‌بیک و اوکەسی محمد مقیم شیانی خان‌دن واهمه‌گه توشیب مېنگه تکرار تکرار اېلچی و مکتوبلر یوباریب، بیردملیک و خیرخواهلیک اظهار قیلدیلر. مقیم هم بیر مکتوبیده مېنی آچیق چقیرگن ابدی. اوزبک ولایتی بوتونله ی آلگن بونده‌ی پتیده ییزنینگ قهره تورماغیمیز مناسب کورینه‌دی. بونچه اېلچیلر و مکتوبلر یوباریب ییزنی تیلە‌دیلر، اولرنینگ کېلیب ملازمت قیلماق‌لریگه ایشانچیمیز قالمە‌دی. برچه بېکلر و فکری بوتون کیشیلر ییلن کېنگشيب: لشکر آلتنسين، بو ارغون بېکلری ییزگه قوشیلگندن سؤنگ خراسان اوستیگه یوره‌میز یا بولرنینگ معقول و توغری مصلحتی بیلن باشقه رېجه توزه‌میز، دېگن قرارگه کېلديک. بونیت ییلن قندهار سری یؤلگه توشدیک.

ینگه‌م حبیه سلطان‌بېگم یوقاریده ذکر اېتیلگنیدېک، قیزی معصومه سلطان‌بېگم‌نی هرات‌ده کېلیشگنیمیزدېک آلیب کېلدی. غزنی‌ده ملاقات قیلدیک. خسرو کؤکلداش، سلطان‌قولی چیناق و گدایی بلال هرات‌دن قاچیب، ابن حسین میرزا قاشیگه باریشگن اېدیلر. اوندن ابوالمحسن میرزا قاشیگه باره‌دیلر. او پېرده‌ده هم توره‌آلمە‌ی، ییزنینگ قاشیمیزگه اولر ییلن بیرگه کېلدیلر.

قلات‌گه یېتگنده بو پېرگه سودا قیلگنی کېلگن کؤپ هندوستان سوداگرلریگه دوچ کېلديک، قاچه‌آلمە‌دیلر. لشکر اېلی اولر اوستیگه یېتیب باردیلر. کؤپچیلیک، بونده‌ی یاوگرچیلیک پیتی دشمن ولایتیگه کېلگننی تله‌ماق کېرەک دېگن ملاحظه‌نی بیلدیریب، مېنی کؤندیرماقچی بۇلیشدی. مېن راضی بۇلمە‌دیم. دېدیم که: «سوداگرنینگ نې گناهی بار؟ بونده‌ی میده-چویده فایده‌دن تنگری راضیلیگینی اؤرتە‌گه قۇیب کېچسک، بونینگ عوضیگه تنگری تعالی کتە-کتە فایده‌نی نصیب قیلگوسی دیر. چنانچه، اوشبو بیر نېچه کون اوّل غلجی گه هجومگه آلتنگنیمیزده مهمند افغانی قوی و مال، اهل و عیالی بیلن لشکردن بیر ییغاچ نریده ابدی، کؤپچیلیگینگیز اونی تله‌ماقچی بۇلدینگیز. مېن ملاحظه قیلیب، راضی بۇلمە‌گندیم. اېرتە‌سیگه‌یاق تنگری تعالی غلجی‌ده‌گی غنیم افغانی‌نینگ مالیدن لشکر اېلیگه

شونچەلىك كۆپ اۆلجە نصيب اېتدى كە، ھېچ بىر ھجومدە بونچەلىك قۇى توشمەگن اېدى». قلاتدن اۋتېب، بو سوداگرلردن ھدىە رسمى بۇيىچە بىر نرسەلر آلېندى.

كابلنى آلگندن سۇنگ خراسانگە كېتىشىگە رخصت بېرىلگن مىرزاخان، خراساندىن چىققندە او يېردە قالگن عبدالرزاق مىرزا بىز قلاتدن اۋتگنېمىزدە قندھاردن قاچىب كېلىدىلر. بھار مىرزانىنگ نبىرەسى-جھانگىر مىرزانىنگ اۋغلى پىر محمد مىرزا، بو پىر محمد مىرزانىنگ آنەسى شو اىگى مىرزا بىلن كېلىب بىزگە قۇشىلدى. شاھبېك بىلن مېمگە: «سىزلرنىنگ سۇزىنگىز بىلن بو يېرگە كېلىدىك. اۋزبكدېك ياو خراساننى آلدى، كېلىنگ! دولت برقرارلىگى اوچون سىزلرنىنگ اتفاق و خىر خواھلىگىنگىزدە بىرار قرارگە كېلەيلىك»، دېگن مضموندە خط و كىشىلر جۇنەتېلدى.

خط يازگنلرى و بىزنى چارلەگنلردىن مېم و شاھبېك مطلقا تانىب، بېتمىزلرچە قۇپال جوابلر يوبارىشىدى. قىشلاقىلىگى نىنگ بىر (نشانه)سى شو اېدى كە، شاھبېك نىنگ مېنگە بېتىلگن خطى آرقەسىدە بېكلر بېكلرگە، انىقراغى اولوغراق مرتبەلىك بېكلر كىچىكراق منصبلىك بېكلرگە مۇھر باسەدىگن جايدە-قاغاز اۋرتەسىگە مۇھر باسىب يوبارىپتى. اگر بوندەى غلىظ حركتلر قىلمسە و بوندەى قۇپال جوابلر يوبارمە اېدى، ايش بونگە بارىب يېتمەسدى. نېگەكىم:

ستېزە بە جايى رساند سخن،

كە وىران كند خاندان كهن.

(مضمونى: زوغوم بىلن ايتىلگن سۇز قدىمى خاندانلرنى وىران قىلىب يوبارەدى.)

اوشبو خصومت و قىشلاقىلىكلرى عاقبتىدە اۋى-جايىنى و اۋتېز-قىرق يىل يىققن-تېرگنلرنى يېلگە بېردىلر.

شەرسفا توپراغىدە اېكنىمىزدە بىر كونى اۋردە-لشكرگە اىچىدە چلغىتوۋچى بىرغوغا كۇترىلدى. برچە لشكر اېلى قوراللىب آتلندىلر. مېن غسل و طھارتگە مشغول اېدىم. بېكلر جودە تشوېشگە توشدىلر، فارغ بۇلىب مېن ھم آتلندىم. غوغا خطا بۇلگن اېكن، بىر آزدن

سۇنگ باسیلدى. او یېردن منزله-منزل كۇچىب گذرگه توشدىك. بو یېرده هم مُراضات بیلن سۇزلەشیش پئیده بۇلدىك. ارغونلر بونگه پروا قىلمەى، قیسرلىك و اۇزباشیمچه لیکلریدن قالمة دیلر. پیر-سۈونی بیلەدیگن خیرخواهلریمیز: قندهارگه كېلەدیگن سایلرنینگ باشى باباحسن ابدال و خلیشك طرفیده، دېب ایتدیلر. او یوزگه اۇتیب قندهارگه كېلەدیگن سایلرنی تماماً بوزماق كېرەك. شونگه كېلیشیب، تانگده زرهلنیب، جنگاور اۇنگ قنات، چپ قنات بۇلیب صفلیب، خلیشككه كۇچیلدى. شاهبېك و مقیم قندهار تاغی نینگ مېن تاش عمارت قزدیرگن تومشوغی نینگ آلدیده چادر تیکیب اۇتیرگن اېدیلر. مقیم نینگ كیشیلری تېزلیك قیلیب، درختلر آرەسى بیلن یقینراق كېلدیلر. شەرفا اطرافیده اېكنده قاجیب كېلگن تۇفان ارغون، یالغیز ارغونلر نینگ جنگ صفی تامانیگه ياندهشیپتی. عشق الله دېگنی پېتى-سگیز كیشی بیلن اجرەلیب، جدل ایلگریب كېلەدی. تۇفان ارغون یالغیز باریب یوزمه-یوز بۇلیب، قیلیچ سالیشیپ، آتدن ییقیتیپ، باشینی كېسیپ، مېن سنگ لخشك تۇغریسیدن اۇتگنده كېلتیردی، یخشیلیككه یۇیدیک.

بو پیر محله و درختلر نینگ آرەسى اېدی، بو جایده اوروشیشنی معقول كۆرمەى، تاغ اېتكلىرى بیلن اۇتیب، خلیشك نینگ آلدیده-سای نینگ قندهار طرفیدهگی اۇتلاقده یورت تعین قیلیب توشەياتگن اېدیک، شېرقولی قراول ایلدم كېلیب، عرض قیلدى: «یاو صف تارتیب پیتیپ كېلدى». قلاتدن اۇتگنده، لشكر اېلى انچه آچلیك و تنقیصلیك تارتگن اېدی. خلیشك توپراغیگه كېلگچ، یوقارى-قوییدن قۇى و مال، دان و سمان تاپیش اوچون لشكر اېلى نینگ كۇپی هر طرفگه ترقه لگن اېدی. لشكر نینگ بیغیلیشینی كۆتمەى تېزده آتلندیك. بیز نینگ حاضر بۇلگن كیشیمیز ایگى مینگته گە یقین اېدی. بو پیرگه توشەياتگنیمیزده، ایتیلگنیدېك، یوقارى-قویى لشكردن انچه كیشی كېتگندی. اوروش وقتى اولر قۇشیلە آلمە دیلر. اوروشگه حاضر كیشیمیز مینگته چه چیقردی. كیشیمیز آز بۇلسە-ده، لېكن انچه پۇخته و مستحکم جنگ صفی ترتیب قیلگن اېدیم. هېچ وقت بونچه ترتیب و نظام

بيلن صف توزمسديم. خاصّه تاين^۳ گه تاماً قۇلیدن ايش كېلەديگن ييگيتلرنى آيىرىب آلگن اېدیم: اۋن-اۋن و اېلىك-اېلىك بيتيلىب، اۋن باشى و اېلىك باشىنى تعيین قىلگندیم. هر اۋن و هر اېلىك اۋنگ و سۇل قۇللردە تورر بېرلرينى بېلىب، اوروش پيتيدە قىلەديگن ايشلرينى انيقلب، حاضر و ناظر اېديلر. اۋنگ قنات، سۇل قنات و اۋنگ قۇل و سۇل قۇل، اۋنگ يان و سۇل يان، اۋنگ و سۇل جدل آتلنگىچ، خبرچى لشكر قسم هم قىينەلمەي تعيینلنگن يېرگە تامان يوره بېرديلر.

گرچه برانغار (اۋنگ قنات) و اۋنگ قۇل، اۋنگ يان و اۋنگ سۇزلرى نینگ معناسى بير خيل بۇلسەدە، لېكن سۇز اۋزگرىشى بيلن هر خيل معنا بېرەدى. چنانچە، (برانغار) اۋنگ قنات و چپ قنات (جوانغار) معناسيدەگى ميمنه و ميسره، جنگاور صف نینگ مركزى غول تركيبيدە اېمس. بو نوع جنگاور صفنى اۋشە اصطلاح معناسيدە برانغار و جوانغار دېيىلەدى. غول صفى نینگ اۋنگ و چپنى فرق اېتىش اوچون اۋنگ قۇل و سۇل قۇل دېب ايتىلدى. خاصّه تاين بۇى تېنگى دير، توركى تىلدە بۇيداقنى هم بۇى دېيدىلر، اما بوندە او بۇى توشونىلمەيدى، بلكە يقين دېگن معناسىنى بېرەدى. بونىنگ اۋنگ و چپى اۋنگ و سۇل دېب اتەلدى.

برانغار (اۋنگ قنات): ميرزاخان، شيريم تىغايى، يارك تىغايى اكە-اوكلەلرى بيلن، چلمە مۇغول، ايوب بېك، محمد بېك، ابراهيم بېك، على سىديم مۇغول، مۇغوللرى بيلن، سلطان على تىن قۇرىقچى، خدابخش و ابوالحسن اكە-اوكلەلرى بيلن.

جوانغار (چپ قنات): عبدالرزاق ميرزا، قاسم بېك، تنگرى بېردى، قنبر على، احمد اېلىچى بۇغە، غۇرى برلاس، سيد حسين اكبر، ميرشاھ قوچىن.

ايراول (هجومچى قىسم): ناصر ميرزا، سيد قاسم اېشيك آغە، محب على قۇرچى، بابا اۋغلى اللەوېرن توركمەن، شېرقولى قراول اكە-اوكلەسى بيلن، محمد على.

۳- تاين-شاھ نینگ مخصوص حربى قىسمى.

غولده (مرکزده): مېنىڭ اۋنگ قۇلىمدە قاسم كۈكلاش، سلطان محمد دۇلداي، شاه محمود پروانه‌چى، قول بايزيد بكاوول (آشپز)، كمال شربتچى؛ سۇل قۇلىمدە: خواجه محمد على، دوست ناصر، ميريم ناصر، بابا شېرزاد، خانقولى، ولى خزىنه‌چى، قوتلوق قدم قراوول، مقصود سووچى، بابا شېخ.

غولده بوتكل خاص عملدارلر اېدى. كته بېكلردن هېچ كيم يۇق اېدى.

بو ذكر اېتىلگنلردن هېچ كيم ھلى بېكلىك مرتبه‌سىگه يېتمەگەندى. بو قىسمدە شېرېك، حاتم قۇربېگى، كېك قول بابا، ابوالحسن قۇرچى، مۇغوللردن اوروس، على سىد، درويش على سىد، خوشكېلدى چلمە، دوستكېلدى چلمە تاغچى و اماچى مېدىنى، توركمنلردن منصور ورستم على اكە-اوكةسى بىلن، شاه‌نظر سويوندوك يېتىلگن.

غنىم كىشىسى ايگىگە بۇلىندى: بىر گروه شاه‌بېك نامى بىلن مشهور شاه شجاع ارغون باشچىلىگىدە. بوندن سۇنگ فقط شاه‌بېك دېب يېتىلەدى. يەنە بىر بۇلگى اوكةسى مقيم باشچىلىگىدە. بو ارغونلارنىڭ آدملىرىنى آلتى-يېتى مىنگ حسابلر اېدىلر. شېهەسىز تۇرت-بېش مىنگى قورال-يراغلى اېدى. مركز و اۋنگ قنات بىلن شاه‌بېكنىڭ اۋزى رۇپەرە بۇلدى. مقيم چپ قنات بىلن يوزمە-يوز توردى. مقيمىنىڭ لشكرى اكەسىنىڭ لشكرىدن بىر آزگىنە كمراق اېدى. بىزىنىڭ جوانغاردەگى قاسم‌بېك و يۇلداشلرىگە او جودە قتيق هجوم قىلدى. اوروش وقتىگچە ايگى-اوچ كىشى كېلىب قاسم‌بېكدن كۇمك تىلەدى. بىزىنىڭ آلدېمىزدەگى ياو ھم كوچلى بۇلگىنى اوچون كۇمك اجرەتېب بېرالمەدىك. غنىم طرفىگە تۇختەمەي حركت قىلدىك. اۋق كېلەباشلەگن فرصتدە بىر بىزىنىڭ هجومچى قىسمىمىزنى اورىب قىتريب، مركزگە تىقدىلر. تېنمەي اۋققە توتىب آلدېنگە سىلجىوېردىك، بىر آز فرصت اۋق آتېب دشمنلر تۇختەگندېك بۇلدىلر. قرشىمدە بىر كىشى اېلنى چقىرىب، آتدن توشىب (مېنگە) اۋق آتماقچى بۇلدى، بىز تۇختاوسىز يورىب كېلگىنىمىز سىبلى، مقصىدىگە يېتالمەي آتلىنىپ جۇنپ قالدى. آتدن توشگن بو آدم شاه‌بېكنىڭ اۋزى اېكن. اوروش پىتى پىرىبېك توركمەن تۇرت-بېش اكە-اوكةسى بىلن سەلەلرىنى يېچىب، يادون يوز اۋگىرىب، بىزگە

قۇشلىدىلار. بو پىرىپىك شاھ اسماعىل بايندور سۇلتانلىرىگە اېگە بۇلىپ، عراق مەملىكىتىنى اېگەللەگەندە عبدالباقى مىرزا و مرادبېك بايندور باشلىق توركەن بېكلىرى بىلەن كېلگەن توركەنلەردىن دىر.

اۋىنگ قىتايىمىزنى ياۋ بۇرۇنراق چېكىتىردى. اۋىنگ قىتايىمىزنىڭ اوچى مېن كېنىراق بىرپا قىلگەن باققە تىسرىلىپ باردى. چې قىتايىمىز بابا حسن ابدالدىن خىلە قۇيىراق اىگى يانىگە درختلار اۋىتقىلگەن ارقىلارگە يېتىپ باردى. بىزنىڭ چې قىتايىمىز رۇپەرەسىدە اۋىزىگە يىقىن كىشىلىرى بىلەن مەقەم تورردى. چې قىتايىمىز كىشىلىرى غەنىم مەقەم كىشىلىرىگە نىسبەتەن جۇدە از اېدى. تىگرى عىنايت قىلدى. قىندار و كېنتلىرىگە بارەدىگەن اىگى يانىدە درختلار اۋسىپ ياتگەن اوچ-تۇرتتە كەتە ارقى بىزنىڭ چې قىتايىمىز و غەنىم اۋرەسىدە بۇلدى. بىزنىكىلەر كېچىك باشىنى اېگەللەپ ياۋنى اۋىتىشكە قۇيمەدىلەر.

چې قىتايىمىزنىڭ جىڭچىلىرى از بۇلىشىگە قىرەمەي يىخشى، مردانەۋار اوروشىپ ياۋنى تۇختەتدى. ارغۇنلار تۇرپىدىن حلۋاچى تۇرخان سۇۋاچىدە قىزىرىلىپ و تىگرى بېردى بىلەن قىلىچ چاپىشىدىلەر. قىزىرىلىپ يەلەندى. قاسمبېك نىڭ پىشانەسىگە اۋىق تېگدى. غۇرى بىرلا سىنىڭ قاشى اۋستىگە اۋىق تېگىپ چەكەسىدىن تېشىپ چىقىدى. اۋشۇ فۇرسىتدە ياۋنى قاقچىرىپ، بۇرۇقلاردىن مۇرغان (قۇشلار) تاغى نىڭ تۇمشۇقىگە قىرەب اۋىتدىك. ارقىلاردىن اۋىتە ياتگەن پىتىمىزدە بىر چاپقىر ات مىنگەن كىشى تاغ اېتىگىدە او تامانگە يا باشقە تامانگە كېتىش اوچۇن تۇردۇلىپ، آخرى بىر تامانگە قىرەب جۇنەدى. شاھبېككە اۋىخشەتدەيم. چەمەسى شاھبېك اېدى. ياۋنى يېنىگىچ، بىزنىكىلەر اولارنى بەتەمەم اسىر تۇشىرىش و قۇۋۇلش اوچۇن كېتىدىلەر. مېن بىلەن سىناغلىك-اۋىن بىر كىشى قالىگەندى. او اۋىن بىر كىشىدىن دىستى عبدالە كىتابدار اېدى. مەقەم ھەمان جايىدىن جىلمەي اورۇش اېدى. كىشىمىزنىڭ ازلىگىگە قىرەمەي، تىگرىگە تۇكل قىلىپ، ناغارەلەرنى قاقىپ، غەنىم اۋستىگە يۇردىك.

كۆپ و ازگە تىگرى دىر بېرگۇچى،

بو درگاھدە يۇقتۇر كىشى نىڭ كۇچى.

«کم من فئة قليلة غلبت فئة كثيرة باذن الله»

(ترجمه‌سی: خدانینگ امری بیلن کیچیک گروه‌نینگ کتّه گروه اوستیدن غلبه قیلگن حالتلری آز اېمس).

غنیم ناغاره آوازینی اېشتیب، بیزنینگ آلغه یورگنیمیزنی بیلدی، سراسیمه‌گه توشیب، قاقچیش یۇلینی توتدی. تنگری قۇللەدی، یاونی قاقچیریب، قندهار سری یوریب، فرخزادبېک-نینگ، حاضرگی وقتده نشان هم قالمه‌گن چارباغیگه کھلیب توشدیک. شاهبېک و مقیم شو قاقچگنلریچه، قندهار قلعه‌سیگه کیره‌آلمه‌دیله. شاهبېک شال و مستونگ طرفگه چیقادی. مقیم زمینداور طرفیگه کھتدی. قۇرغاننی حمایه قیلیشگه بیرار آدم قالدیرمه‌گن اېدی.

قولی بېک ارغون‌نینگ اکه-اوکه‌سیدن مېنگه اخلاص و صمیمیتلری معلوم بۇلگن احمدعلی ترخان و باشقەلر قۇرغانده اېدیله. اولر مېن بیلن کھلیشیب، اکه-اوکه‌لری‌نینگ جانینگه امانلیک سۇره‌دیله. بولر عنایتیمیزدن بهره‌مند بۇلیب، قیلگن التماسلری عملگه آشیریلدی. قۇرغان‌نینگ ماشور دروازه‌سینی آچدیله. اېل‌نینگ بی‌باشلیگینی اویلب، باشقە دروازه‌لر آچیلمه‌دی. اوشبو آچیلگن دروازه‌گه شیریم‌بېک و یارک‌بېک تعیین قیلیندی. اوزیم بیر نېچه خاص کیشیلریم بیلن کیریب، بی‌باش آدم‌لرنی قیتیریب، سیاست اوچون بیر-ایکیتە‌سینی اۇلیمگه بویوردیم. اول مقیم‌نینگ تاشقۇرغانده‌گی خزینه‌سیگه باردیم. عبدالرزاق میرزا مېندن ایلگىراق کھلیب توشگن اېکن.

عبدالرزاق میرزاگه خزینه‌دن بیرار نرسه عنایت قیلیب، بو خزینه‌نینگ اوستیگه دوست ناصر‌بېک‌نی، قول بازید آشپزنی و حسابچیلردن محمد بخشى نی تعیینله‌دیم.

او بېردن اۇتیب، ارککه باردیم. شاه‌بېک خزینه‌سی‌نینگ نظارتی و حسابینی آلیش اوچون خواجه محمد علی، شاه‌محمود و حسابچیلردن تغای شاه‌بخشى تعیینلندی. میرخان دېگن ذوالنون‌نینگ دېوانی اوی‌گه میریم ناصر و مقصود سووچی یوباریلدی. میرخان ناصر میرزاگه تاپشیریلدی. میرزاخان‌گه شیخ ابوسعید ترخان توتیب تاپشیریلدی. او ولایتلرده بونده‌ی کۇپ آق تنگە‌نی سیره کۇرگن اېمسدیک. بلکه بونچه پولنی کۇرگنمن، دېگن کیشینی

هم اېښتمه گنمیز. اوشه کېچه نى ارک نینگ اوزیده اؤتکز دیم. شاه بېک نینگ سنبل دېگن قولینی توتیب کېلتیر دیلر. او اول اونینگ محرمی بؤلسه ده، اونچه حرمت-اعتبار تاپمه گن اېدی. بیراوگه تاپشیر دیم، یخشی اسرهمه ی قاجیریب یو بار پیتی.

اېرته سی فرخزاد نینگ اوردده جایلشگن چارباغیگه کېل دیم. قندهار ولایتینی ناصر میرزاگه بېر دیم. خزینهلرنی ضبط قیلیب، یوکلې چیقہ باتگن پیتده، ارکده گی خزینهدن آق تنگه یوکلنگن بیر قطار تویه نی ناصر میرزا آلیب قالیدى. اونى طلب قیلیب اؤتیرمه ی، ناصر میرزانینگ اوزیگه هدیه قیلیب یو بار دیم. اوندن کؤچیب، قوشخانه سیهونلیگیگه توشیلدى. اوردده نی کؤچیریب، اوزیم سیر قیلیب، کېچراق اوردده گه بیتیب کېل دیم. بورونگی اوردده اېمس، تئیب بؤلمه یدینگن بیر اوردده بؤلیدى: یخشی چاپقیر آتلىر، قطار-قطار مایه و نار تویه لر، خچیرلر و توقیمه متاع یاپیلگن اېگرلى اورغاجی تویه لر، جوندن تۇقیلگن متاعلر و بخمل چادرلر، شاهانه کتّه چادرلر و هر بیرى او یوم-او یوم قاپ و صندوقلر. بو ایگى اکه-اوکە نینگ نرسهلرینی باشقه-باشقه خزینه قیلینگن اېدی. هر خزینهده صندوق-صندوق، تاي-تاي متاعلر، یوکلنه دینگن درجه ده گی قاپ-قاپ آق تنگه لر. هر کیم نینگ اؤتاوی و چادریده هر خیل اؤلجه دن کؤپ اېدی، قؤی هم بسیار اېدی. قویگه کؤپ هم قرهمه دیلر.

قلا ت نینگ ایچیده مقیم نینگ نوکرلری بؤلیب، اولر نینگ باشلیغی قوچ ارغون و تاج الدین محمود اېدیلر، اولر نی مال و نرسهلری بیلن قاسم بېککه عنایت قیل دیم. قاسم بېک اوزاقنى کؤره آله دینگن، احتیاطکار کیشی اېدی. قندهار پیرلریده کؤپ توریشیمیزنی معقول کؤرمه ی، تکرار-تکرار ایته وېریب اؤلجه لری بیلن آخری کؤچیرتیردی. آیتیب اؤتیلگنیدېک، قندهار نی ناصر میرزاگه عنایت قیلیب، ناصر میرزاگه رخصت بېریب، کابل گه تامان یؤلگه توشدیک.

قندهار توپراغیده خزینه اولشیشگه فرصت بؤلمه دی. قاره باغده تۇرت-بېش کون توریب، خزینه اولشیلدى. سنه ش قیین اېدی، ترازو بیلن تارتیب اولشیلدى. بېک و کیچیک بېکلر، نوکر و تابین بیر اېشکلېک-بیر اېشکلېک، قاپ-قاپ آق تنگه نی اولاولریگه یوکلې، کؤترب اآلیب کېتیر دیلر. کؤپ اؤلجه و مال، اولوغ آبرو و شان-شهرت بیلن کابل گه کېل دیک.

سلطان احمد میرزانینگ قیزی معصومه سلطان بیگم‌نی، خراسان‌دن سؤرب کبلیتیریپ ایدیم، اوشبو کبلیگنیمده نکاحیمگه آلدیم. آلتی- یپتی کوندن سؤنگ ناصر میرزانینگ نوکرلریدن بیر کیشی، شیانی خان‌نینگ کبلیپ قندهارنی قمل قیلگنی خبرینی کبلیتیردی. مقیم‌نینگ زمینداور طرفگه قاچگنی اول ذکر ایتیلگن ایدی. او باریپ شیانی خان‌نی کوردی. شاه‌بیک‌دن هم کبتمه-کبت ایلچیلر باره‌دی. بول‌نینگ اغوا و تیزلشی بیلن شیانی خان هرات‌دن تاغ یولی آرقه‌لی، مېنی قندهارده دېب اویلب، قندهار اوستیگه یوره‌دی.

شول‌رنی ملاحظه قیلگن، تجربه‌لیک قاسم‌بیک آلینگن اولجەلر بیلن بیزنی قندهاردن کؤچیردی.

هر چه در آینه جوان بیند،

پیر در خشت پخته آن بیند.

(مضمونی: یاش کیشی آینه‌گه قره‌ب کورگن نرسه‌نی کبکسه آدم پیشیق خشتگه قره‌ب کؤره‌آله‌دی.)

شیانی خان کبلیپ ناصر میرزانی قندهارده قمل قیله‌دی. بو خبر کبلیگ، بیکل‌رنی چقیریپ کبنگش قیلیندی. مېن شونده‌ی ملاحظه‌لرنی اظهار ایتدیم: «اؤزبک و شیانی خان‌دېک یات اېل و قری دشمن تموربیک‌نینگ برچه اولادلری قؤلیده‌گی ولایتلرگه اېگه بؤلدیلر. تورک و چیغتایلردن تورلی گؤشه‌لرده قالگنلری هم بعضیسی اختیاری، بعضیسی قورققیندن اؤزبکگه قوشیلیپ کبتدی. بیر مېن کابل‌ده قالیب ایدیم. دشمن جوده کوچلی، بیز کؤپ ضعیف، بیزده نه مصلحت قیلیش احتمالی، نه قرشیلیک قیلیش مجالی بار. اوندە اېسه بونچه قوت و قدرت. اؤزیمیزگه بیرار تعینلی پیر فکرینی قیلماق لازم ایدی و بو مقدار امکان و فرصته کوچلی دشمندن بیراقراق ایریلگنیمیز یخشی: یا بدخشان تامان یا هندوستان سری جزم قیلماق کپره‌ک. بو ایگی طرفدن بیر طرفگه آتلنماق کپره‌ک.»

قاسم‌بیک و شیریم‌بیک اؤزلریگه قره‌شلی کیشیلری بیلن بدخشان‌گه بارماقغه طرفدار ایدیلر. او فرصته بدخشان‌ده باش کؤترگنلر بدخشانلیکلردن مبارک‌شاه و زییر ایدی. ینه

جھانگیر تورکمن و محمد قۇرچى اېدى. اولر ناصر ميرزانى بدخشان دن چىقىرىپ اۈزبککە هم قۇشيلمەگن اېدىلر. مېن و بعضى خاص بېکلر هندوستان طرفيگە باريشنى مهم راق حسابلب، لمغانگە يوريش باشلەدىک. قندهار فتحيدن سۇنگ قلات و ترنوگ ولايتىنى عبدالرزاق ميرزاگە عنايت قىلىپ، عبدالرزاق ميرزا قلاتگە قۇيىلگن اېدى.

اۈزبک قندهارنى كېلىپ آلگىچ، عبدالرزاق ميرزا قلاتدە تورە آلمەي، قلاتنى تشلب چىقدى. بيز كابل دن كۈچگن فرصتدە يېتىپ كېلدى. كابلگە عبدالرزاق ميرزا قۇيىلدى. بدخشان دە پادشاه و پادشاهزادەلردن هېچ كيم يۇق اېدى، شوباعث، شاهبېگم نينگ مناسبتى يا معقول كۇريشى بيلن ميرزاخانگە بدخشان سري رخصت بېرىلدى. شاهبېگم هم ميرزاخان بيلن يۇلگە توشىپ، جۇنەدىلر. مېنينگ خالەم مېر نگار خانم هم بدخشانگە بارماقچى بۇلدىلر. مېنينگ بيلن بيرگە بۇلىشلىرى نينگ سببى كۇپراق اېدى، توغىشگنلىرى اېدىم، هر قنچە منع قىلسك-دە، كۈنمەدىلر. اولر هم يۇلگە توشدىلر.

جمادى الاول آيى كابل دن هندوستان نيتى بيلن كۈچدىك. كابل نينگ اۈزى بيلن يورىپ سرخرباط آرقەلى قۇروق سايگە توشىلدى. كابل بيلن لمغان آره سىدەگى افغانلر، حتا تينچ پىتلردە هم اوغرى، هم كذاب دىلرلر، اوروش-تۇپالانلردە-كو اولرگە راسە خدا بېرەدى. مېنى، كابلنى تشلب هندوستانگە بارەدى، دېب اېشىتگىچ، بير يامانلىكلرى اۈن بۇلدى، يخشى آدملىرى هم يامانلىككە يوز توتىشىدى. شونچەگە يېتىدى كە، جىگدەلىك دن كۈچگن تانگدە آرهلىقەدەگى خضر خىل، خيرىلجى و خوگيان افغانلرى جىگدەلىك داوانىنى تۇسماقنى اۋىلب، شمال طرفيدەگى تاققە جنگاور صف يەسەب كېلىپ، ناغاره چلىپ، قىلىچ اۋىنە تىب-يۇلنى تۇسە باشلەدىلر. آتلنگىنمىز بيلن آق لشكر اېلى تېورەك-اطرافىنى اۋرەب تاققە يورسىنلر، دېب بويوردىم. لشكر اېلى تاشلرنى پناەلب، احتياطكارلىك بيلن چاپە-چاپە تاققە يوردىلر. افغانلر بير آز وقت تۇختب، بير اۋق هم آتە آلمەدىلر، قاچە بېردىلر. افغانلرنى قولب تاققە چىقدىم، بير افغان پست طرفىمدن يانلب قاجىب بارىيتى. قۇلىنى مۇلجىللب آتدىم. بو اۋق تېككن افغاننى، ينە بير نېچە افغاننى توتىپ كېلتىردىلر. سياست اوچون بعضىسى سىخگە اورىلدى.

نینگنهار تومنیگه-آدینه پورقۇرغانی نینگ آلدیگه توشیلدی. اولراقدن بیراقنى كۇزلب، تۇختەسە بۇلەدیگن بیرار یورت تشویشینی قیلমে‌دیک. نه بارماققە بیرار انیق یېر، نه تورماققە بیرار یورت معین، یوقاری-قویى باریب، ینه بیر خبر کېلگونچە یورتنى ینگىلىب كۇچردىك. كېچ كوز اېدى. تېكىسلىكلردەگى شالى دېیرلى ییغىب آلىنگەندى. یېر بىلەدیگن كىشىلر: "الیشنگ تومنى سایی نینگ یوقاری قىسمیدە شالینی كۇپ اېكەدیلر، لشكرگە قىشلىك آشلىق احتمال، اۇشە یېردن تاپیلر، دېب ایتیشدى. نینگنهار اۇتلاغیدن آتلىب، ایلدم كېلىب، سايگل دن اۇتىب، پورامین درەسیگچە باردىك. لشكر اېلى كۇپ شالى آلدیلر. شالیزارلری تاغ نینگ تويیدە اېدى. اېلى قاجیب كېتدى. بیر نېچە كافر قتل قىلىندى. پورامین درەسى نینگ تومشوغیدن بیر نېچە ییگیت كوزەتوگە چىقىرىلگن اېدى. قېتىش وقتیدە كافرلر تاغ اوستیگە ایلدم كېلىب اۇق قۇیدیلر. قاسم بېك نینگ كویاوی پورامین گە یتیب آلیب، اونى بالتە بیلن چاپیب آلر محلى، باشقە ییگیتلر قېتىب، زورلىك قىلىب قاجیریب، پورامینلىكنى آیریپ آلدیلر. كافرلر شالیزاریدە بیر كېچە قۇنىب، كۇپ شالى آلیب اۇردەگە كېلىندى.

اوشبو كونلردە مندیراور تومنى یېرلریدە حاضركى وقتدە شاه حسن نینگ نكاحیدەگى مقیم نینگ قیزی ماه چوچوك قاسم كۇگلداشگە نكاحلب بېرىلدى.

هندوستان تامانگە باریش مسأله‌سى دە بیر تۇختم گە كېلالمەدیک. شونینگ اوچون ملا بابایی پشاغرى بیر نېچە ییگیتلر بیلن كابل گە یوباریلدى. مندیراور توپراغیدن كۇچیب، آتر و شېوگە كېلدىك. بیر نېچە كون او ناحیه دە اۇتیریلدى. آتردن باریب كتر و نورگلنى سیر قیلدىك. كتردن جالەگە (سال گە) اۇتیریپ اۇردەگە كېلدىم. اوندىن بورون بوندە قایق قە اۇتیرمەگندیم. خیلە خوش یاقدى. شوندىن سۇنگ جالە دە اۇتیریش رسم بۇلدى.

اوشبو ایامدە ملا میرك فركتى ناصر میرزا قاشیدن كېلدى. شیبانى خان قندھار نینگ تشقى قۇرغانینی آلیب، ارکینی آلامەى قېتگنى، شیبانى خان قېتگنیدن سۇنگ بعضى سببلرگە كۆرە

ناصر ميرزا قندهارنى تشلب، غزنى گە كېلگنى نىنگ خبرىنى شرحلېب عرض قىلدى. بىر نېچە كۈندىن سۈنگ شىيانى خان قندهار اوستىگە اېل غافللىگىدە كېلەدى. تشقى قۇرغاننى بېركىتە آلمەيدىلر، آلدېرەدىرلر. اۈزبكلر ارک نىنگ اطرافىدە بىر نېچە يېردىن لھىم قۇدىلر، بىر نېچە مراتبە اوروش قىلەدىلر. ناصر ميرزانىنگ بۇيىنىگە اۋق تېگەدى، ارکنى آلىشلىرىگە بىر بخىە قالگن اېكن.

انە شۈندەى مشكل بىر حالتدە خواجه محمد امين، خواجه دوست خاوند، محمد على پيادە، شاهی قۇرغاندىن اۈزلىرىنى تشلب چىقەدىلر. قۇرغان اېلى اميدسىزلىنىپ، اېندى يېنىگىلە يازگن پىتدە شىيانى خان صلح تۈزىشنى سۈرەيدى. سۈنگ قندهار اوستىدىن قىتىپ كېتەدى.

قىتماغى نىنگ سببى بو بۇلەدى كە، قندهار اوستىگە كېلە ياتگىنىدە خاندانى اھلىنى نېرەتۈگە يوبارگن اېكن. نېرەتۈدە بىر كىشى باش كۈترىپ، قۇرغاننى اېگلەيدى. شو سببىلى قندهاردىن يېنىگىل- يېلى صلح تۈزىپ قىتەدى.

بىر نېچە كۈندىن سۈنگ قىش اۋرتەسى بۇلىشىگە قرەمەى، بادېچ يۇلى بىلن كابل گە كېلدىك. بادېچ يولى اوستىدەگى بىر تاشگە بو كېلىش و كېتىش تارىخىنى اۋىيب يازىپ قويىشلىرىنى بويوردىم. حافظ ميرك بيتىدى. استاد شاه محمد تاش يۇنرلىك قىلدى. شاشىلە ياتگىنىمىز سببىلى يازوو كۈنگىلدەگىدېك بۇلمەدى.

غزنىنى ناصر ميرزاگە عنایت قىلدىم. عبدالرزاق ميرزاگە نىنگنھار تومنى، مندىراور، درەى نور، كىر و نورگل بېرىلدى. اوشبو پىتگچە تېموربېك نىنگ اولادىنى سلطنت يۈزەسىدىن ميرزا دېر اېدىلر. اوشبو نوبت مېن، مېنى پادشاه دېسىنلر، دېب بويوردىم.

شويىل نىنگ آخرى، سەشنبە كېچەسى، ذوالقعدە آيى نىنگ تۇرتىنچىسىدە، آفتاب حوت بورجىدە اېدى، كابل نىنگ ارکیدە ھمايون تولد تاپدى. تولد شعرى تارىخى سەسەنىنى مولانا

سىدى شاعر "سلطان همايون خان" سۇزلىرىدە تاپىن اېدى. كابل شاعرچهلىرىدىن بىراو "شاه فېروز قدر" سۇزلىرىدىن تاپىدى، اوچ-تۇرت كوندن سۇنگ همايون اسمى بىلن ناملىنىدى. همايون توغىلگىنىدىن بېش-آلتى كون اۋتگىچ، چارباققە چىقىب، همايون تولدىنىنگ تۇيى بۇلدى. كۋە-كىچىك بېكلر كۋە-كىچىك ساققى بىر يېردە كۇرىلمەگن اېدى. جودە يىخشى كېلتىردىلر. كۇپ آق تنگە تۇكىلدى. تۇى بولدى. اوندن بورون بونچە كۇپ آق تنگە پول بىرار يېردە كۇرىلگنى يۇق.

توقیز یوز اۋن تۇرتینچی (۱۵۰۸-۱۵۰۹) ییل واقعه‌لری

بو یاز مُقر توپراغیده مهمند افغان نینگ بیر بؤلگی تالان-تاراج قیلیندی. اوشبو یوریشدن کبلیب توشگندن بیر نېچه کون اۋتیب، قۇچبېک، فقیر علی کریمداد و بابا تن قۇریقچی قاقیشنی خیال قیلیدیلر. خبر تاپیب، کیشی یوباریلدى. استرغیچ نینگ پستراغیدن توتیب آلیب کبلیدیلر. جهانگیر میرزانینگ تیریگیده هم بولر حقیده بعضی یره‌مس سۇزلر اېشیتیلگن اېدى. برچه‌سینی بازارباشیده قتل اېتیشگه بویوردیم. دروازه‌گه اېلتیب، ارقان سالیب آسه‌ياتگن پیتیده خلیفه‌نی قاسمبېک یوباریب، یلینیب-یالواریب گناهلرینی تیلەدی. بېک‌نینگ خاطرینی قیلیب قانلریدن کبچدیم، زندانگه سالیشنی بویوردیم. حصارلیکلر و قوندوزلیکلر، خسرو شاه نوکرلری بؤلگن مۇغوللر نینگ اولوغلری چلمه، علی سید، شکمه، شېرقولی، اېگو سلیم، ینه خسرو شاه نینگ چیغتايلردن بؤلگن اعتبارلی نوکرلری-سلطان علی چوهره، خدابخش باشلیغ، ینه تورکمنلردن سویوندوک و شاه‌نظر باشلیق ایگی-اوچ مینگ سرهلنگن ییگیتلر بو مدتده بیر-بیرلری بیلن سۇزلیشیب، سۇزنی بیر بیرگه قۇیب، بیزگه نسبتاً خصومت یۇلینی تلبیدیلر. بو ذکر اېتیلگنلر خواجه رواج نینگ آلدیده سۇنگ قۇرغان و چالک سیهونلیکلری آرەلیغیده اۋتیرگن اېدیلر. عبدالرزاق میرزا نینگنهاردن کبلیب، ده‌افغان‌ده اۋتیرردی. بیر-ایگی نوبت بولر نینگ بوندە تېرسلنگینی محب علی قۇرچی خلیفه بیلن ملا باباگه ایتەدی. مېنگه هم بیر اشاره قیلدیلر. ایشانگودېک سۇز اېمس اېدی، پروا قیلنمەدی.

بیر آقشام چارباغده دېوان‌خانه‌ده اۋتیرگن اېدیم. کبچ خفتن نمازی پیتیده یانندن موسی خواجه ینه بیر کیشی بیلن ایلدم کبلیب، قولایمگه ایتیلرکه، مۇغوللر راستدن هم

ياولشماقچى اېمىشلىر. عبدالرزاق مىرزانى اولر اۈزلىگە قۇشەدىلرمى- يۇقىمى، انىق بىلمەدىك. بولر هم قۇزغالان بو آقشام بۇلىشىنى انىق بىلمس اېدىلر. اۈزىمنى ھېچ نرسە بىلمەگنلىككە سالىب بىر لحظه دن سۇنگ حرم سىرى يۇل آلدىم. او پىتدە حرملىر باغى خلوتدە و باغ يورونچقەدە اۋتيرر اېدىلر. حرمگە يقىن يېتگندە چۇرى-چورپە، خدمتچى اېل نرى كېتىدىلر. اولر كېتىشگندىن سۇنگ، مېن و سرورقۇل شھر سىرى يوردىك. خندق يولى بىلن آھنىن دروازەسىگە يېتگنىمدە، او طرفدن بازار يۇلى بىلن خواجە محمد على كېلدى. بىرگە كېلىپ مېن حمّام تاقى نىنگ'....

۱- اوشبو باب برچە نسخەلردە منە شويپرگە كېلىپ اوزىلىپ قالگن. اوشبو ناقصلىك سببى مولف نىنگ اۈزىدىنمى؟ ياكە كاتىبلرنىنگ خطاسىمى؟ معلوم اېمس. هر حالده منە شوندىن باشلېب ۱۱ يىللىك كېيىنگى واقعه لىر تفصالاتى هم ئېتىدىن قالگن. (ت. بهايى)

تۇڭيز يوز اۋن بېشىنچى (۱۵۰۹-۱۵۱۰) يىل واقعه لرى

دوشنبه كۈنى، محرم آيى نىنگ بىرىنچىسىدە چىنداۋل اۋتلاغى نىنگ پستىدە اېدىك، قتيق زلزله بۇلدى. زلزله يريم نجومى (استرونومىك) ساعىتگە يقىن دوام اېتىدى. اېرتەلب بو يورتىدىن كۈچىپ، بَجور قۇرغانىنى آليش ايسىتگى بىلن بَجور قۇرغانى يقىنىگە توشىپ، دَكْزَاك افغانلىرىدىن بىر معتبر كيشىنى بَجور گە يوباردىك. تاكه او بَجور سلطانىگە و اېلىگە بۋيىن سونىب قلعه نى تاپشيريلىرى اوچون نصيحت قىلسىن. بو بدبخت جاهل جماعه نصيحتنى قبول قىلمەي، مجمل جوابلر يوباردىلر. لشكر اېلى تۋرە (آدم بۋىيى اوزون قلقان. جنگچى اونىنگ آرقه سىدە تورىب اۋق آتەدى)، شاتى (نروان) و قۇرغان آلماق اسبابىنى تيار قىلسىنلر، دېگن فرمان بېردىك. بو تردد اوچون بىر كۈن اۋشە يورتىدە اۋتيرىلدى.

پنجشنبه كۈنى، محرم آيى نىنگ تۋرتىنچىسىدە لشكر اېلى ساووت كىيىپ، يراغلنىپ، آتلنسىن. جنگاور صف نىنگ چپ قناتى ايلگرى يورىپ، بَجور قۇرغانى نىنگ يوقارى يانىدە سوو كىرەدىگن يېردە سوودن اۋتىپ، قۇرغان نىنگ شىمال طرفىگە توشسىن، غول (مرکز) كيشىسى قۇرغان نىنگ غربى شىمالىدە سوونى كېچمەي ناتېكىس بلندلىك و پستلىك يېردە تۇختەسىن. اۋنگ قنات پستكى دروازه نىنگ غربىگە توشسىن، دېب بو يورىلدى.

دوست بېك باشلىق چپ قنات بېكلرى دريادن اۋتىپ، توشەياتگن پىتىدە قۇرغاندىن يوز- يوز اېلىكتەچە پيادە چىقىپ، اولرنى اۋققە توتدىلر. بو بېكلر هم ايلگرى يورىپ، آتیشىپ، آليشىپ، پيادلرنى قۇرغانگە تىقيپ، قلعه دېوارى تويىگە سوريپ باردىلر. ملا عبدالملك

خوستى دېوانەلرچە آت بىلەن دېۋار تويىگە كىرىپ بارار اېدى. اگر شاتى و تۇرە تيار بۇلىپ، كۈن كېچ بولمەگنىدە، اۋشە ساعىتدە قۇرغان آلينردى.

ملا تورك على و تنگرى بېردى نىنگ نوكرلىرى ياوبىلەن قىلىچ چاپىشىپ، غنىمنى توتىپ، باشىنى كېسىپ كېلتىردىلەر. ھەر قىسىسىگە جولدو'وعدە بۇلدى. بجور اېلى، توفنگ (مىلتىق)نى كۆرمەگەن اېدىلەر. شونىنگ اوچون توفنگ تاووشىنى اېشىتكەندە اصلا پروا قىلمەدىلەر. بلكە توفنگ تاووشىنى اېشىتكىچ، مسخرەلەپ، اېرمەك قىلگەندە توتوروقسىز مسخرەآمىز حرەكلەر قىلدىلەر. اۋشە كۈنى استاد علىقولى بېش كىشىنى توفنگ بىلەن آتىپ يىقتىدى. ولى خزىنەچى ھەم ايگى كىشىنى توفنگ بىلەن يىقتىدى. اۋزگە توفنگ آتوۋچىلەر ھەم توفنگ آتیشدە كۆپ جسارت كۆرسەتىپ انىق-انىق آتدىلەر. قلغاندىن، ساوۋتەن، گاۋسەردەن (مالباشى سىمان حربى تۇقماق) اۋتكىزىپ-اۋتكىزىپ، دشمننى يىقتە-يىقتە آتدىلەر. آقشامگچە چمەسى يېتى، سگىز، اۋن بجورلىك توفنگ اۋقىدىن يىقىلدى. اوندەن سۇنگرە، شۈندەي بۇلدى كە، توفنگ ضربىدەن باش چىقرەآلمىدىلەر. اېندى كېچ بولدى، لشكر اسبابىنى تيار قىلىپ، سحرلەپ قۇرغانگە ياپىشىنىلەر، دېگەن فرمان بۇلدى.

جمەە كۈنى، محرم آيى نىنگ باشلىنىشىدە سحر ۋقتى اوروش ناغارەسىنى چلىپ، ھەر كىم بېلگىلەنگەن يېرىدەن يورىپ، قۇرغانگە قېشىنىلەر، دېب فرمان بېردىك. چپ قنات بىلەن غول (مەركەز) اۋز مەين جايلرىدەن بىر بىرىگە تۇرەنى كۆتىرىپ، شاتى قويىپ ياپىشىدىلەر. خەلىفە شاھە حسن ارغون و احمد يوسف باشلىق غول نىنگ سۇل قۇلىگە-چپ قناتگە كۆمەك بۇلسىنلەر، دېگەن فرمان بۇلدى. قۇرغان نىنگ شەرقى-شەمالى قەلئە مەنارەسى نىنگ تويىگە دوست بېك نىنگ آدملىرى كىرىپ، قزىش-يىقتىش ايشلىرى بىلەن مشغول بۇلدىلەر. استاد على قولى ھەم اۋشە يېردە اېدى. او كۈن ھەم او يەخشى توفنگ آتدى، ايگى مەرتەبە فرەنگى

۱- جولدو- حربى ساۋرىن.

۲- غول- قۇل (مەركەز)دەگى لشكر بۆلىمى.

(بریتانیامىلىتى) آتدى. ولى خزىنه چى هم بیر کىشىنى توفنگ بىلن یىقتىدى. غول (مرکز) نىنگ سؤل قۇلیدن ملک على قطبى شاتىگه بورون چىقىپ، بیر مدت یالغىز اؤزى حرب و ضربگه مشغول بۇلدى. غول تعینلنگن جایده محمد على جنگ-جنگ و اوکهسى نوروز، هر قىسىسى بیرته دن شاتىگه چىقىپ غنىمگه نىزه و قىلىچ تېگىزدیلر. ینه بیر شاتىگه بابا یساوول چىقىپ، بالته بىلن قۇرغان نىنگ تامىنى بوزىشنى باشلەدى. اکثر ییگىتلر اونده یخشى اوریشىپ، کۆپ اۇق یاغدیرىپ، غنىمنى باش چىقرگنى قۇیمەدىلر. ینه بعضى ییگىتلر یاونىنگ حرب و ضربىگه هېچ پروا قىلمەى، اۇق و تاشىنى کۆزگه دزەچه ایلمەى، قۇرغان تېشماققە مشغول بۇلىپ کېتگن اېدىلر.

توشگە یقین دوست بېک نىنگ کىشىلرى قزىياتگن شرقى-شمالى مناره تېشىلدى. دوست بېک نىنگ آدملىرى غنىمنى قاچىرىپ، مناره اوستىگه چىقدیلر. اۋشە پىتده قۇل (مرکز) ده گىلر هم شاتیدن قلعه گە چىقدى. غولدن او قۇرغانگه چىقدیلر. تنگرى تعالى نىنگ لطف و عنايتى بىلن شوندهى بېرک و مستحکم قۇرغان ایگى-اۋچ ساعتده فتح بۇلدى. ییگىت-یلنگ شونچه لىک غیرت و جسارت کۆرسەتیب، بهادر دېگن یخشى نام قازاندىلر.

بجور اېلى اطاعتسىز، اسلام اېلى بىلن دشمن اېدىلر. اطاعتسىزلىک و دشمنلىک بیر تامان بۇلسە، کافرلر رسم-رسومى بو اېلده عمل قىلردى و اسلام عادتلرى بو اېلده ضایع اېدى. قلعه جنگچىلرى عاموى قتلگه بویوریلدى و اهل و عیاللىرى تماماً اسیر آلیندى. تخمیناً اۋچ مىنگدن کۆپراق کىشى قتل اېتیلیدى. شرق تامانده اوروش بۇلمەگنى اوچون آزاراق کىشى شرق طرفدن قاچىپ چىقدیلر.

قۇرغان آلینگىندىن سۇنگ، کىرىپ قۇرغاننى ایلنىپ چىقدىک. تاملرده، اوى و کۆچه-کۆلرده بې نهايت کۆپ اۋلىک یاتردى. اۋتگوجى-کېتوۋچىلر اۋلىکلر اوستیدن اوتىب-قېتر اېدىلر. سېردن قېتىپ، سلطانلرنىنگ اوییده اۋتیرىپ، بجور ولايتىنى خواجه کلانگه عنايت قىلدىک. سرە ییگىتلردن کۆپ کىشىنى کۆمک اوچون تعین قىلىپ، شام نمازى وقتیده اۋردەگە کېلىندى.

اېرتەسى تانگدە كۈچىپ، بجورنىنگ اۋتلاغىدە باباقرا چىشمەسى بۇيىدە تۇختەدىك. قالگن بندىلرگە خواجه كلاننىنگ شفاعتى بىلن گناھلرىدن كېچىپ، اولرگە اھل و عياللىرى قىتريب بېرىلدى. بعضى قۇلگە توشگن سلطانلرى و قىسرلىرى قتل اېتىلدى.

سلطانلرىنىنگ باشى و يەنە بىر نېچە باش بو غلبە خبرى بىلن كابل گە يوبارىلدى. بدخشان، قوندوز و بلخ گە ھەم فتحنامەلر بىلن باشلر يوبارىلدى. يوسىفزاى دىن كېلگن شاھ منصور يوسىفزاى بو فتحدە و بو عاموى قتلدە بار اېدى. تۈن كىيىدىرىپ، يوسىفزاى گە سياستلر بىلن فرمانلر بېتىپ، رۇخست بېرىلدى.

بجور قۇرغانىدە گى مەھم تشويشلىرىدن خاطر جمع بۇلىپ، سەشنبە كۈنى مەھرم آيىنىنگ تۇقۇزىنچىسىدە كۈچىپ، بىرار كۈرۈە قويىراققە-اوشبو بجور سىھونلىگىنىنگ اۋزىدە توشىپ، بىر تېپەلىكدە كەلەنارە قورىش بويورىلدى.

چارشەنبە كۈنى، مەھرم آيىنىنگ اۋنىنچىسىدە سىر قىلىشگە آتلىنىپ، بجور قلەسىگە باردىك. خواجه كلاننىنگ اويىدە شراب بزمى بۇلدى. بجور پىرىدەگى كافىرلر بىر نېچە تولون^۲دە شراب كېلتىردىلر. بجورنىنگ شرابى و مېۋەسى تاماماً شو اطرافدەگى كافىرستاندىن كېلەدى. كېچەسى او پىردە بۇلدىك. سەھردە قۇرغاننىنگ منارە و كۈنگىرەلرىنى كۈزدن كېچىرىپ، آتلىنىپ، اۋردەگە قىتیب كېلدىم.

اېرتەسى تانگدە، خواجه خضر سايى يەسەسىگە قۇندىك. اوندن كۈچىپ، چىنداۋل سايى قىرغاغىدە تۇختەدىك. بجور قۇرغانىگە كۈمكە پېلگىلىنگن كىشىلر بىرار تە قالمىسدىن بارسىنلر، دېگن فرمان بۇلدى.

يەكشەنبە كۈنى، آيىنىنگ اۋن تورتىنچىسىدە خواجه كلان گە توغ عنایت قىلىپ، بجور قۇرغانىگە رۇخست بېرىلدى. خواجه كلان گە رۇخست بېرگەندىن بىر-ايگى كۈن سۇنگ مەنە بو قىتە كۈنگىلگە كېلدى. خواجه كلان گە بېتىپ يوباردىك:

۳- تولون - مشك، چرم ايدىش، مېش.

قرار و عهد با یار این چنین نبود مرا،
گزید هجر و مرا کرد بی قرار آخر.
به عشوه‌های زمانه چه چاره سازد کس،
بجور کرد جدا یار را ز یار آخر.

(مضمونی: مبینگ یار بیلن قرار و عهدیم بونده‌ی اېمس اېدی. هجرنی تئلب، مېنی
بی‌قرار قیلدی. زمانه عشوه‌لریگه کیشی نیمه چاره قیله‌دی؟ آخرده بجور یارنی یاردن جدا
قیلدی.)

چارشنبه کونی، محرم آبی نینگ اؤن یېتینچیسیده سلطان ویس سوادینینگ چاپری-
سلطان علاءالدین سوادین کبلیب، ملازمت قیلدی. پنجشنبه کونی، آیینینگ اؤن
سگیزینچیسیده بجور بیلن چنداول آره‌سیده‌گی تاغده آو قیلدی. بو تاغ‌نینگ بوغاو مره‌لی
قاپ‌قاره بوله‌دی. قویروغی ینه اوزگچه رنگلیک. آفتیدن بوندن قوییراقده‌گی هندوستان بوغاو
مره‌للی نینگ همه‌سی قاپ‌قاره بوله‌دی. اوشبو کونی ینه بیر سریق قوش توتیلدی، او هم قاره
اېدی. کوزلری هم قاره اېدی. اؤشه کون بورگوت بیر کییکنی آلدی.

لشکر اېلیده دان کمراق قالگن اېدی. کهراج دره‌سیگه باریب، دان-دون آلیب، سوادگه،
یوسفزایی افغانی نینگ اوستیگه یوریش نیتی بیلن جمعه کونی کؤچیپ، چنداول دریاسی
بیلن بجور دریاسی قوشیلشیده‌گی پنجکوره دریاسی آره‌لیغیگه توشیلدی.

شاه منصور یوسفزایی بیر نیچه خوشخور و سبرکیف کمالی مېوه‌سینی کبلیترگن اېدی. بیر
کمالی نی اوج بؤلپ، بیر حصه‌نی مېن یېدیم، بیرینی گدایی تغایی، ینه بیرینی عبدالله
کتابدار یېدیلر. جوده یخشی کیف یېردی. شو درجه‌ده‌که، شام نمازی چاغی بېکلر
ییغیلگنده، کبگشگه چیه آلمه‌دیم. حیران قاله‌من! اېندیلر اؤشه توره‌گی کمالی دن بیرته‌سی

۴- بو مصرعه سؤز اوینی قیلینگن، یعنی "بجور" سؤزی "قلعه" نامی صفتیده و "ظلم بیلن" معنالریده
قؤللنیلگن.

يخشيلب يېيىلسە، اونىنگ يرمىچە كيف قىلمىدى.

او يېردن كۈچىپ، كھراج و پېشگرام درەلرى نىنگ آغزىگە يقىن پنچكۈرەنىنگ آلدېدە توشدىك. اوشبو يورتدە اپكندە تۇيۇققە چە قار ياغدى. بو آرەدە احيان-احياندە قار ياغر اپكن. اپل تعجب قىلدېلر.

سلطان ويس سوادى بىلن كېلىشىپ لشكر مصلحتى اوچون كھراج اپلىگە تۇرت مىنگ قاب دان سالىغى سالىندى. بو آشلىقنى اوندىرىشكە سلطان ويس نى يوباردىك. قىشلاقى تاغلىك اپل ھېچ قچان بوندە سالىق تاپشېرگن اپمىسلر. بونچە داننى بېرالمەي، قىينەلدېلر. سەشنبە كۈنى، آى نىنگ يىگىرمە اوچىنچىسىدە لشكرنى ھندوبېككە باشلەتېپ، پنچكۈرەگە ھجومگە يوبارىلدى. پنچكۈرە تاغ نىنگ اۋرتەسىدن يوقارىراقدە جايلاشگن. بىر كۈرۈھگە يقىن داوانگە چىقماق كېرەك بۇلەدى: پنچكۈرەنىنگ كېنتلرېگە آدملىرىمىز بېتىپ بارگونچە، يېرلى خلق قاچىپ چىقىپ كېتىشىپتى. بىر قىسم مال-ھاللىرىنى و اوپلىرىدەگى كۈپ دان-دونلرىنى كېلتىردىلر. اېرتەسى اېرتەلب لشكرنى قۇچبېككە باشلەتېپ ھجومگە يوباردىك.

پنجشنبه كۈنى، آى نىنگ يىگىرمە بېشىنچىسىدە لشكر اپلىگە دان تاپىش مصلحتى يۈزەسىدن، كھراج درەسى نىنگ ايچىگە-ماندىش كېنتلرېگە توشىلدى.

ھمايون دن سۇنگرە ھمايون بىلن توغىشگن بىر نېچە فرزندلر بۇلدى، تورمەدى. ھندال ھنوز توغىلمەگن اېدى. بو يېرلردە اپكىنمەدە، ماھىم دن خط كېلدى. «يقىندە توغىلەجك گۇدك خواھى اۋغىل بۇلسىن، خواھى قىز، مېنىنگ بخت و طالعىم-مېنگە بېرىنگ. مېن اونى اسرەب آلىپ، تربىلەي»، دېپ يازىلدى.

جمعه كۈنى، آى نىنگ يىگىرمە آلتىنچىسىدە اوشبو يورتدە اپكندە، ھندال توغىلسە، ماھىم گە بېرىلسىن، دېگن مضموندە خطلر بېتىپ، يوسف على ركاىدارنى كابل گە جۇنەتدىك. ھنوز ھندال توغىلمەگن اېدى. اوشبو يورتدە اپكندە، ماندىش ولايتىدە درەنىنگ اۋرتەسىدە بىر تېپەلىك اوستىدە كتە صوفە تاش بىلن يىسلدى كە، آق اوى (چادر) آلدى.

قبول خانەسى بىلن اونگە سىغدى.

بو سوپە تاشلىرى نىنگ ھەمەسىنى خاص و سپاھى عملدارلر تشىدىلر. بوسۇزنىنگ تفصىلاتى بوکە: او بىلن بىرگە توغىلگنلردن او پىتگچە اوندىن كىچىك بىر اوغىل بار ابدى، اۋزگە ھەمەسىدن كتە ينە اوچ قىز: بىرى مەر جان، ينە ايگىسى كىچىكلىكدە تورمەدىلر. اوغىل توغىلسە اونگە جۈرە بۇلسەيدى، دېگن ھوسلر بار ابدى. او پىتلىرى دلدار آغەچەنىنگ بۇيىدە بار ابدى. مېن بو اوغىلگە بىر توغىشگن بۇلسە، قندەى يخشى بۇلردى-يە!» دېر ابدىم. حضرت والدە دېدىلرگە: «اگر دلدار آغەچە اوغىل توغسە، آلىب اسرەسم قندەى بۇلەدى؟» مېن: "كۆپ يخشى"، دېدىم.

عياللر آرسىدە رسم بۇلگن بىر فال كۇرىش اصولى بار: اوغىل بۇلەدىمى يا قىز بۇلرمىكن، دېب ايگى قاغازدە - بىرىدە على يا حسن يازىب، ينە بىرىدە فاطمە يىتىب، ايگى يومەلاق لاي ايچىگە قۇيىب، او لايلىرى بىر كاسە سوو ايچىگە سالەدىلر. ھر قىسى آلدن آچىلسە، اۋشندن دليل كوزەتەدىلر: اېر كېلسە، اوغىل بۇلور، قىز كېلسە، قىز بۇلور دېرلر. فال قىلدىلر: اېر كېلدى. كرامتلى خوش خبر بۇلگنى اوچون شونىنگ يوزىدن آق مکتوب يازىب يوباردىك.

بىر نېچە كوندن سۇنگ تىگرى كرم قىلىب، اوغىل فرزند بېردى. خبر يوبارىشدىن بورون توغىلگنىگە اوچ كون بۇلگنىدە آنەسى آلدن اوينىگ خواھش- ارادەسىگە قرەمەى، اويىمىزگە آلىب كېلىب اسرەدىلر. توغىلگنلىگىنى اېشىتگنىمىز حقىدە يوبارگن خبرىمىز بېھرنى آلگن پىتى يىتىب بارەدى. قوتلۇغ يىلىب ھەمدە يخشىلىككە يۇيىب آتىنى ھندال قۇيدىلر. بو جھتلردن مېنگە ھەم اوکە، ھەم فرزندىد. يوسفزاى افغاندىن ملك سلیمانشاھنىنگ اوغلى ملكشاھ منصور كېلگن ابدى. بىزگە خىر خواھلىك مقامىدە ابدى. يوسفزاى اېلى بىلن مناسبتلىرىمىزنى يخشىلىش مقصدىدە اونىنگ قىزى سۇرەلگن ابدى. شو قۇنىمجايدە اېكنلىگىمىزدە شاھ منصورنىنگ قىزى بىلن يوسفزاىلر مالى كېلەياتگنلىگى تۇغرىسىدە خبر آلدىك. نماز شامدە شراب ايچىب، صحبت قوردىك. صحبتگە سلطان علاءالديننى چارلې، يانيمگە اۋتقزىب، خاص سروپا بېرىب التفات كۆرسەتلىدى.

آی نینگ ييگيرمه سگيزينچيسيده، يکشنبه کونی يۇلگه توشيب کهراج دره سیدن چيقيب تۇخته دیک. شاه منصور نینگ اينيسي طاووسخان يوسفزايي ذکر ايتگنيميز جيني شو جايگه آليب کېلدى. بهسوت اېلى نینگ بجور قۇرغانىگه دخلى بۇلگنلىگى باعث اوشبو منزلدن يوسف على بکاوولنى اولرنى كۇچيريپ بجور قۇرغانىگه آليب کېلتيريش اوچون يوباردىک. کابل ده قالگن عسکرلرگه يېتىپ کېلىش حقيده فرمانلر يېتىپ يوباريلىدى.

سفر آي نینگ اوچينچيسيده، جمعه کونی پنجکوره و بجور دريالرى قۇشيلگن جايگه کېلىپ تۇخته دیک.

آي نینگ بېشينچيسيده، يکشنبه کونی بو قرارگاه دن بجورگه باريپ، خواجه کلان نینگ اويده چاغير صحبتى قوردىک.

آي نینگ يېتتينچيسيده، سه شنبه کونی بېکلر و دلزاک^۵ افغانلر نینگ اولوغلر ينى چارلب، کېنگشديک: ييل توگب قالدى، حوت نینگ بير-ايگى کونی قاليدى، دلهرده گى غله ييغيب آلينگن؛ شو فرصتده سوادگه بارسک عسکرلر يميز آذوق تاپالمه ي، قينه لىپ قاله ديلر. انباهر و پانى يالى يۇلى بيلن يوريپ، هسئغرنىنگ يوقاريسيدن سواد درياسيني کېچيب، يوسفزاييلر كوترگن تۇسيق ماهوره تۇغريسيده گى دلهرده اۇتيرگن يوسفزايي و محمدزاي افغانلرى اوستيگه تۇستدن هجوم قيلماق كېرەك، دېگن فكرگه كېلدىك.

ينه گى ييل اېرتەراق-حاصل ييغيش پيتيده كېلىپ، بو افغانلر مسأله سيني بير ياقلىك قيليش كېرەك. شو قرارگه كېلگچ، اېرتەسى-چارشنبه کونی سلطان ويس بيلن سلطان علاءالدين گه آتلىر و سروپالر عنايت قيليب، بيزگه خير خواهلىك اېتەديگن چقير يقلر بيلن رخصت بېرىپ، اۈز يميز هم كۇچيب، بجور رۋپەرەسيده تۇخته دیک. شاه منصور نینگ قيزى قۇشين قېتىپ كېلگونيچه بجور قۇرغاننده قالديريلدى.

اېرتەسيگه جۇنپ، خواجه خسردن اۋتيب تۇخته دیک. خواجه کلان گه شو يېردن قېتىش

۵- دلزاک — افغان اوروغلريدن بيرى نینگ نامى.

اوچون رخصت بېریلدى. اوروق‌نى قۇشیمچه آتلىر، عسکرلر، اسلحه‌لر و آغیر پرتال‌نى كتر یۇلى آرقه‌لى لمغان‌گه جۇنتدېك.

اېرتەسى یۇلگه توشیب، آغیر پرتال و تویه‌لرنى خواجه میرمیران بیتکچیلیگیده، جۇرغاتو و دروازه یۇلى بیلن قرا كۇبه داوانى آرقه‌لى جۇنه‌تیب، اۇزیمیز فقط آتلیق گروه بیلن تېزده انباھر داوانیدن وینه اوندن هم كته‌راق بیر داواندن آشیب، نمازشامدن بیرآز اۆل پانی یالی‌گه توشدېك. اوغان‌بېردىنى بیر نېچه كیشى بیلن گتیلگ توتیب كېلیش اوچون آلدینگه یوباردېك. افغانلر بیلن اۇرتەمیزده‌گى مسافه یقین بۇلگنلیگى باعث اېرتەلبدن جۇنوب كېتمەدېك. توشگه یقین اوغان‌بېردى كېلدى. بیر افغاننى اوشلب باشینی كېسىدى، كېلەياتگنیده اېسه او باشنى توشیریب قۇییدى، كۇنگلیمیز ایسته‌گن بیرار ایشانچلى خبر كېلتیرمه‌دى.

توشگه یقین جۇنوب كېتدېك. سواد دریاسیدن اۇتیب، شام نمازی یتیدن سل آلدین تۇخته‌دېك. خفتن نمازی چاغیده آتلیب، ینه آلدینگه قره‌ب یوردېك. آفتاب نیزه بۇیى كۇتریلگنده قراووللیككه یوباریلگن رستم تورکمن افغانلر خبر تاپیب قۇزغالیشىدى، دېگن خبرنى آلیب كېلدى. افغانلرنینگ بیر قىسمى تاغ یۇلى بیلن كېتەياتگن اېکن. بونى اېشیتگچ، تېزراق یوریب، هجومچیلرنى اجره‌تیب، آلدینگه یوباردېك. اولر بیر نېچه افغاننى اۆلدیریب، باشلرینی كېسیب، بیر تۇده اسیر همده قۇی-هۇكیزلرینی هیده‌ب كېلتیردیلر. دۇزاک افغانلردن هم بیر نېچته باش كېسیب آلیب كېلدیلر.

آرتگه قېتیب، كاتلنگ اطرافلریده تۇخته‌دېك. مقامده كېلیب بیزلرگه قۇشیلسین، دېب خواجه میرمیران باشلب كېلەياتگن اوروقنى کوتیب آلیشگه یۇلباشلاوچى یوباریلدى. اېرتەسیگه او یېردن كۇچیب كاتلنگ و مقامنینگ اۇرتەسیگه توشدېك. شاه منصوردن آدم

۶- اوروق- بوتون حربی اسلحه‌لر و آغیر كۇچ-كۇران.

۷- پرتال- سفرده آلیب یوریلەدیگن كۇرپه-تۇشك و باشقه اسباب-اسكونه‌لر.

كېلدى. خسرو كۆكلاش بىلەن احمدى پروانەچىنى بىر تۆدە كىشىلەر بىلەن اوروقنى كوتىپ
آلىش اوچون يوباردىك.

آينىڭ اۋن تۇرتىنچىسىدە، سەشەنبە كۈنى مقامدە تۇختەگەن پېتىمىز اوروق كېلىپ
قۇشىلدى. بو يېرلەردە اۋتۇز-قىرىق يىل شەھاز قلندەر دېگەن بىر ملحد(دەھرى) يىشە اۋتگەن اېكەن.
يوسفزايى نىڭ بىر جماعەسىنى و دۇزەك نىڭ بىر گروھ آدملىرىنى تۇغرى يۇلدەن چىقىرگەن
بوزوقى مەنە شوقلندەر اېكەن.

مقام تاغى توشوغىدە بىر بۇلك پستراق تاغ جايلىشكەن. او بوتون دشتەگە توتشكەن جودە
كېنگە و كۆزنى اۋزىگە تارتەدىگەن يوكسكلىك دىر. شەھاز قلندەرنىڭ قېرى اۋشە يېردە اېدى.
سېر قىلىپ كېلىپ، اۋىلپ قالدىم. كۈنگلىمدەن بوندەى باھوا جايگە يۇلدەن آزگەن قلندەرنىڭ
قېرى مناسب اېمىس، دېگەن اۋى كېچدى. اونى بوزىپ يېر بىلەن تېكىس قىلىشلىرىنى بو يوردىم.
جودە تازە و باھوا يېر اېدى، معجون يېپ، بىر مدت اۋشە يېردە اۋتۇرىلدى.

بجوردن قېتىپ چىققىمىزدە بېھرەنى اېگەللىشى كۆزلەگەن اېدىك. تاكابل گە كېلگۈنىمىزچە
ھەردايم ھندوستان گە يورىش خياليدە اېدىك، بعضى مانعلىكلەر طفىلى بونگە مىسر
بۇلالەمسىدىك. بجور اوستىگە قۇشىن تارتىپ اوچ-تۇرت آى ماينىدە عسكەرلىرىمىز قۇلىگە
بىرار ارزىگۈلىك نەرسە توشمەدى.

ھندوستان چېگرەسى بېھرە ياقىن بۇلگەنلىگى باعث، او يېرگە درحال فقط اۋزىمىز آزگىنە
لشكر بىلەن كىرسەك، عسكەرلەر بىرار نىمەنى قۇلگە كىرىتسەلەر، دېگەن اۋى كۈنگىلدەن كېچدى.
شو خيال بىلەن آرتگە قېتىپ افغانلەرگە ھجوم قىلدىك. مقام گە توشكەنمىزدە بعضى
خىرخواھلەر: «لشكر نىڭ بىر قىسمى كابلدە قالگەن، ھندوستان گە كىرىش اوچون جەدى
تیارگرلىك كۆرىش كېرەك؛ سەرە يىگىتلەرنىڭ بىر گروھى بجوردە قالدى، آتلىرى چرچەگەندەن
لشكر نىڭ كۆتە قىسمى لمغان گە قېتىدى؛ بو يېرگە كېلگەنلەرنىڭ آتلىرى شو قەدر خرابكە، بىر
كون يورىشكە ھەم مەجالى يېتمىدى»، دېپ عرض قىلدىلەر.

گرچەندە اوشبو سۆزلەر تۇغرى بۇلسەدە، يورىش باشلىشكە قارار قىلىنگەن اېدى. بو

ملاحظه لرگه قره مى، ابرته بيلن يۇلگه توشيب سيند درياسى نينگ كېچىگىگه قره ب يۇنه لىدىك. كېچىكنى كۇرىب كېلىش اوچون مير محمد جالە بان (سالچى) نى اكە - اوكلرى، ينه بير نېچه يىگىتلر بيلن كېچىك نينگ يوقارى و پستكى طرفلرگه يوباريلدى.

لشكرنى دريا سىرى يۇللب، اۋزىم سواتى طرفگه - او يېرنى كركخانه هم دېيدىلر - كرك^۸ اوله گنى باردىم. بير نېچه كرك كۇرىندى. بيراق كركلر قلين جنگلزاردن چىقمەدى. بير كرك بالەسى بيلن دلەگه چىقىپ قاچدى، اونگه قره ب جوده كۇپ اۋق آتيلدى. جنگلزار يقين ابدى، اۋزىنى اۋشە ياققە اوردى. جنگلزارگه اۋت قۇيدىلر، اما اۋشە كرك تاپىلمەدى. ينه بير كرك بالەسى اۋتدە كويىپ، تىپىرچىلب ياتردى، اونى بۇغىزلب، هر كىم اۋز اولوشىنى آلدى. سواتى دن قىتىپ، كۇپ سرگردان بۇلىپ، خفتن نمازى چاغى اۋردەگه كېلىدىك. كېچىكنى كۇرىشگە بارگنلر كېچىك جايىنى كۇرىب كېلىدىلر.

ابرته سى، آى نينگ اۋن آلتىنچىسىدە، پنجشنبه كونى آت، تويه و پرتال بيلن كېچىكدن اۋتيلدى. لشكر نينگ كۈچ - كۇرانى، پيادەلر، اېشكرلنى جالە بانلر آلىب اۋتيدىلر. شو كونى كېچىك باشىدە اېكنىمىزدە نيلايلر تۇقىزته آت و اوچ يوز شاھرخىنى تارتىق قىلىپ كېلتىردىلر. آدملىر سوودن اۋتىپ بۇلگىچ، پېشىن نمازى وقتىگچە ياق يۇلگه توشيب، كېچە نينگ بيرىنچى پاسىگچە يورىپ كچه كوت سووى يقىنىدە تۇختەدىك. او يېردن ابرته تانگدە جۇنلر، كچه كوت سوويدن كېچىپ اۋتىپ، توش چاغى سنگداكى داوانىدن آشيب تۇختەدىك. سېدقاسم اېشىك آغە چاغداووللىك^۹ قىلردى. آرقەمىزدە لشكر آرتىدن كېلە باتگن گوجورلرنى قۇلگە آلىپ، بير نېچه باش كېسىپ كېلتىردى.

سنگداكى دن تانگ سحرده كۈچىپ، پېشىن نمازى پىتىدن اۋتگندە سوھان سوويدن اۋتىپ توشىلدى. لشكر نينگ آخرى يريم كېچەدە يېتىپ كېلدى، جوده اوزاق كۈچىش

۸- كرك Kark - كرگدن.

۹- چارداوول - كېچەسى قۇشىن اطرافىنى قۇرىقلاوچى عسكر تودەسى.

بۇلدى. آتلر بې مجاللىگى و حالدىن تاىگنلىگى باعث يوريش جوده قىيىن كېچدى. كۇپ
آتلر قالىب كېتىدى.

بېهرەدىن يېتى كوروه شىمال طرفده بىر تاغ بار. بو تاغنى "ظفرنامه" ده و ينه بعضى كىتابلارده
"كۆه جود" دېب يازگنلر. اونىنگ بوندى ناملىشى سببى مېنگە معلوم اېمس. كېينراق معلوم
بۇلدى كە، بو تاغده بىر آتە نسلدىن اىگى خلق ترقەگن اېكن. يېرىنى جود دېب، اىگىچىسىنى
جىجوهه دېب آتار اېكنلر. اولر بو تاغده گى و نيلا بىلن بېهرە آرەسىده گى اېل-اولوسگە
قدىمدىن حاكملىك قىلىپ، اولرنى باشقريب كېلگنلر. اما دۇستانە و برادرلرچە حكىم
يوريتەدىلر. كۈنگلى نىمەنى تىلەسە، شونى آلە وېرمەيدىلر. قدىمدىن هر نىمە كە بېلگىلەپ
قۇيىلگن بۇلسە، بولرىنىڭ آلىشى و اولرىنىڭ بېرىشى شوندىن آرتىق ياكە كم بۇلمەيدى.
بېلگىلەنگن معيار شوكة، قۇش باشىدىن بىر شاھررخى، هر بىر خۇجەلىكدن يېتى شاھررخى
بېرەدىلر. ينه، عسكرلىككە خەدمەتكە بارەدىلر. جود ھەم، جىجوهه ھەم بىر نېچە اوروققە
بۇلىنگن.

بو تاغ بېهرەدىن يېتى كوروه نرىدە. او ھىندوكش تاغلىرىگە توتەشىپ كېتىگن كشمىر
تاغلىرىگە منسوب بۇلىپ، ايرىلىپ، جىنوبى-غرب تامانگە چۈزىلە بارىپ دىنكوت پايدىدە
سىند درياسىگە يېتىپ توگەيدى. اوشبو تاغنىڭ يرمىدە جودلر، يرمىدە جىجوهه لرىشەيدى.
بو تاغنى جود قومىگە منسوب بۇلگنلىگى باعث كۆه جود دېب ناملەگنلر. اولرىنىڭ بىر معتبر
اولوغ كىشىسىنى راي دېب اولوغلەيدىلر، اونىڭ اوكة و فرزندلرىنى ملك دېيدىلر. بو
جىجوهه لرى لىنگر خانگە تاغە بۇلەدىلر. سوھان سووى اطرافىدە گى اېل-اولوس حاكمى نىڭ
اسمى ملك ھست اېدى. اونىڭ اصلى آتى اسد دىر. ھىندوستانلىكلر سۆزلەردە گى حركتلرنى
(قىسقە اونلىلرنى) گاهىدە تشلب اۋقىيدىلر، جملەدن، "خَبَر xabar" نى "خَبَر-xabr"،
"آسَد asad" نى "آسَد-asd" دېب ايتەدىلر و بو بارەبارە "ھست" گە ايلنگن.

جايلىشگىنىمىز زھاتى لىنگر خاننى جىجوهه حەكمدارى ملك ھستنى آلىپ كېلىشگە
يوباردىك. لىنگر خان آت قۇيىپ بارىپ، عنايت و شەفقتىمىزدىن امىدوار قىلىپ، خفتن نمازى

چاغىدە اونى آلىب كېلدى. بىر تە كېچىم^{۱۰} كىيىدىرىلگن اتنى تارتىق قىلىپ كېلتىرىپ، خىدمەتتىمگە كىرىشىنى بىلدۈردى. او يىگىرمە ايگى-يىگىرمە اوچ ياشلاردا اېدى. اولرىنىڭ كۆپلەپ سورۇ-پادەلرى قۇنىمجاينىڭ گىرد-اطرافلىرىدە باقىلدى. ھىندوستاننى قۇلگە كىرىتىش نىيىدە اېكىمىز باغث بىر قنچە ۋاقت توركىلەر تەصرفىدە بۇلگن بېھرە، خوشاب، چىناپ، چىنوت سىنگىرى ولايتلارنى خۇددى اۋزىمىز دېگەن تەسۋىر قىلدى. كوچىلار بۇلە ھىم، تىنچلىك يۇلى بىلەن بۇلە ھىم قۇلگە كىرىتىشىمىز گە انىق ايشانردىك. شۇ سىبىلى بو تاغلىك خەلق بىلەن يىخى مەاملەدە بۇلىشىمىز ضرور و لازم اېدى. ھېچ كىم بولرىنىڭ سورۇ-پادەلرىگە تېگمەسىن، اولر اېيىنىڭ اوچى ھىم اوزىلمەسىن، اىگنەسى سىنمەسىن، اطراف جايلردە گىلرگە ضرر و نقصان يېتكىزىلمەسىن، دېب فرمان بېرىلدى.

تانگدە او يېردىن جۇنپ پېشىن نامازى چاغى كەلدە كھارگە كېلىپ توشدىك. بوتون اطراف خويىزار^{۱۱} بىلەن قاپلىنگەنىدى. كەلدە كھار^{۱۲} جودە عىجاب جاى اېكن. بېھرەدىن اۋن كورۇە نرى، جود تاغى نىڭ آرەسىدە- تېكىس يېردە جايلشگن بو تېكىسلىك اۋرتەسىدە كۆل بار؛ اطرافدەگى تاغلردىن يامغىر سوللىرى يىغىلىپ شو كۆل ھاسىل بۇلگن. اونىڭ ايلنەسى اوچ كورۇوگە يېقىن. شىمالىدە گۆزەل مىسەزار، غرىبىدە-تاغ اېتىگىدە چىشمە بار. بو چىشمە سوۋى كۆلگە تېپەلىكەن اقىب توشەدى. جاى قىلىشگە جودە مەقۇل يېر اېدى، باغ سالىدىم. باغ صفا دېب اتەلدى. جودە خوش ھوا و تازە يېر اېكن. شىرخىنى كېيىنراق بە تەفەسىل بىتەمىز.

كەلدە كھاردىن سحرەدە اتلەندىك. ھىماتوداۋانى تېپەسىدە تورلى يېرلى خەلق ارزىمىس تارتىقلار بىلەن كېلىپ، ملازىمەت قىلدىلر. عبدالرھىم شىغاۋولگە كېلگنلارنى قۇشىپ، بېھرەگە يوباردىك. او بېھرە خەلقىنى يىز تامانگە آغدىرىپ، بو يېرلر قەدىمدىن توركلرگە تېگىشلى بۇلىپ كېلگن، زىھار ۋاھمە و قۇرقۇوگە توشىپ اېلنى پراكنە قىلمىنگلر، يىز بو يېرلردىن بو خەلقىدىن

۱۰- كېچىم-اورۇش ۋاقتىدە اتگە كىيىدىرىلەدىگن اۋق اۋتمىس مەخسۇس ياپىنچىق.

۱۱- خويىزار- ھلى باش چىقىرمەگن ارپە-بوغداى مىسەلرى .

Kaldakhor. ۱۲

اوزاق اېمسميز، تالان-تاراجگه يۇل قۇيىلمىدى، دېب ايتەدى.

چاشت داوانى نىنگ پستىگه توشىب قربان چرخى، عبدالملك خواستى باشچىلىگىدە يېتى-سگىز كىشىنى خبر آلگىنى آلدىنگە يوباردىك. ايلگرى بارگنلردن مير محمد مهدي خواجه بير كىشىنى كېلتىردى. شو پىت افغانلر نىنگ اولوغلىرىدن بير نېچە كىشى ساوغە-سلام بىلن كېلىپ، خدمتىمگە كىرماقچىلىكلرىنى بىلدىردى. اولرنى لنگر خانگە قۇشىپ، بېهرەلىكلرنى بىز تامانگە آغدېرىشگە اورنىپ كۆرىش اوچون يوباردىك. داواندن آشىپ، جنگلزاردن چىقىپ اۋنگ قنات، چپ قنات، مركز قۇشىنلر صف تارتىپ بېهرە تامانگە يۇنلدىك. بېهرەگە يقىنلىشگن محلىمىز دولتخان، دېوہ هندو و سېكتونىنگ اوغلى بېهرە اربابلىرى بىلن كېلىپ، يېتەدن آت تارتىق قىلىپ التفات كۆرسىتىلر. پېشىن نمازىدن كېين بېهرە اېلىگە زىان-زحمت يېتكزمەي، بېهرە شارقىدە جايلىشگن بھات درياسى ياقەسىدەگى سېزەزاردە تۇختەدىك.

تېموربېك هندوستاننى اېگىللىپ، سۇنگرە اوپىردن چىقىپ كېتىگىدن بويان بېهرە، خوشاب، چناب و چىنيوت كېي بير نېچە ولايتلر تېموربېك اولادى نىنگ يقىنلىرى و اولرگە تېگىشلى كىشىلر تصريفىدە اېدى. شاھرخ مىرزانىنگ نبىرەسى سويورغتمىش مىرزانىنگ اوغلى سلطان مسعود مىرزانى كابل ھمدە زابل ولايتلىرى و حكومتىگە اېگەلىك قىلگىنى اوچون سلطان مسعود كابلى دېب ايتىشردى. سلطان مسعودنىنگ قۇلىدە تربىە تاپگنلردن ميرعلى بېك نىنگ اوغىللىرى-بابايى كابلى، درياخان و آفاقخان، كېنچەلىك اونى غازىخان دېيىش اېدىلر، سلطان مسعودمىرزا و اوغلى على اصغر مىرزادن سۇنگ زۇرلىك بىلن كابل و زابلنى ھمدە هندوستاننىنگ ذكر اېتىلگن تومن و ولايتلىرىنى قۇلگە كىرىتگن اېدىلر. سلطان ابوسعيدمىرزا زمانىدە كابل و غزنى بولر نىنگ تصريفىدن چىقدى. هندوستاندەگى ولايتلر اېسە اولر نىنگ تصريفىدە قالگندى.

كابلگە بيرىنچى مرتە كېلگن تۇقىز يوز اۋىنچى يىلى هندوستانگە كىرىش اىستىگىدە خىبردن اۋتىپ پرشاورگە كېلگندە باقى چغانىاني نىنگ سعى وحركتى بىلن قوبى بنگش سىرى،

یعنی کؤهت‌گه قره‌ب یوریب افغانستان بیرلری نینگ کتّه قسمینی یکسان قیلدیک، آدم‌لرینی قیریب، بنو و دشت‌نی تالان-تاراج قیلیب، دوکی آرقه‌لی آرتکه قیتدیک.

اؤشه پیتلری بېهره، خوشاب و چناب حکومتی میرعلی نینگ نبیره‌سی غازخان نینگ اؤغلی سید علیخان‌گه تېگیشلی اېدی. خطبه‌نی اسکندر بهلول نینگ آتیگه اؤقیتیب، اونگه اطاعت قیلردی. لشکر تۆپله‌گنیمزدن واهمه‌گه توشیب، بېهره‌نی تشلب بهات دریا سیدن اؤتیب، بېهره قیشلاقلریدن شیرکوت‌نی اؤزیگه جای قیلیب آلدی. بیر ایگّی ییلدن کپن بیزنی دېب سیدعلیخان ییلن افغان بدگمان بۇلدى. او هم شو سببدن قۇرقوو و واهمه‌گه توشیب، بو ولايتلرنی اؤشه پیتلری لاهور حاکمی بۇلگن تاتارخان یوسف خیل اؤغلی دولتخان‌گه تاپشیردی. دولتخان بېهره‌نی کتّه اؤغلی علیخان‌گه بېرگن اېدی و اوشه پیتی بېهره علیخان نینگ تصرفیده اېدی. دولتخان نینگ آتە‌سی-تاتارخان هندوستان‌نی هجوم قیلیب قۇلگه آلگن و بهلول‌نی پادشاه قیلیب کؤترگن آلتی-یپتی سردار نینگ بیرى اېدی. سهریند همده ستلوج دریاسی شمالی ولايتلری نینگ همه‌سی منه شو تاتارخان‌ده اېدی. بو ولايتلر نینگ جمعی اوچ کوروه‌دن کؤپراق کبله‌دی. سلطان اسکندر پادشاه‌لیگی پیتیده، تاتارخان اؤلگنی دن سۇنگ، بو ولايتی تاتارخان نینگ اؤغیللریدن آلیب قۇیگندی. مېن کابل ولايتیگه کبلگن ییلدن بیر-ایگّی ییل بورونراق سلطان ابراهیم بیرگینه لاهورنی دولتخان‌گه بېرگن اېدی.

اېرتە‌سی بعضی کبره‌کلی بېرلرگه هجومچیلر یوباریلدی. شو کونی بېهره‌نی سیر قیلدیم. سنگرخان جنجوهه اؤشه کونی آت کبلتیریب ساوغه قیلدی و خدمتیمگه کیریشینی بیلدیردی.

آی نینگ ییگیرمه ایگّینچیسیده، چار شنبه کونی، بېهره‌نینگ اولوغلری و کتّه بیر اېگه‌لرینی چارلب، بو یورتده تۇرت یوزمینگ شاه‌رخي مال امان بېریشلریگه قرار قیلیب، نظارتچیلر تعیینلندی. ینه آلتنپ، سیر قیلدیک، کېمه‌گه کیریب، معجون یېدیک. بېهره و خوشاب‌ده اؤتیرگن بلوچلر آلدیگه حیدر علمدارنی یوبارگن اېدیک. پنجشنبه کونی سحرده بیر گلبادام

تۇرىق آتنى تارتىق قىلىپ كېلتىرىپ، خەدەتتىمىزگە كىرىشلىرىنى بىلدۈردىلەر. عىسكىرلەرنىڭ بېھرە خەلقىگە ظەلم اۋتكۈزىپ، اولرنى تالان-تاراج قىلەياتىكلىكى حەقىدە خەبر كېلدى. آدم جۈنەتتەپ، بېباشلىك قىلگەن عىسكىرلەرنىڭ بەعضىلەرى جازاگە تارتىلدى، بەعضىلەرى نىڭ بورىنى تېشىپ، قۇشىن آلدەدە ايلەتتىرىپ چىقىدىلەر.

جەمەە كۈنى خۇشاب اېلەدن عرض قىلوۈچى كېلدى. شاھ حسن و شاھ شەجەع ارغۇن نىڭ خۇشاب گە بارىشلىرى تەيىنلەندى.

آى نىڭ يىگىرمە بېشىنچەسىدە، شەنبە كۈنى شاھ حسن نى خۇشاب گە جۈتەدىك. يەكشەنبە كۈنى شۈندەى يامغىر ياغدىكە، بوتون دلەلەرنى سوۈ باسىپ كېتەدى. بېھرە بىلەن قۇشىن توشگەن باغلەر اورتەسىدە كىچىك شۇرسوۈ بار اېلدى. بېشىن نەمازىگەچە كەتە بىر درىادېك بۇلدى. بېھرە نىڭ يەقىنىدە بىر اۋاق آتىمى مەسافەدن كۇپراق يەرگەچە كېچىپ اۋتەپ بۇلمەسدى، آدمەر سوزىپ اۋتەر اېدىلەر. ايككى نەماز آرەسىدە آقەپ كىرگەن سوۈلەرنى تەماشە قىلەش اوچۇن آتەندەم.

ياغىن و ژالە شۈندەى كۈچەيدىكە، يەنە قەتتەپ، اۋردەگە كېلەشەدە واهمە باسدى. ايككى نەماز آرەسىدە اۋشە حەسل بۇلگەن كەتە سوۈدن سوزىپ اۋتەدىم. عىسكىرلەرەم قەتتە قۇرقەدى. اولەردەن كۇپچىلەگى اۋتەۈلەرى و آغىر پەرتالەلەرنى قالدەرىپ، ساۋوت و كىم-پەراغلەرنى اېگەنلەرگە ايلەپ، آتەلەرنى يەلنەچەلەپ سوۈدن سوزىپ اۋتەدىلەر. بوتون دلەلەر سوۈ بىلەن لىم-ما-لىم تۇلگەن اېلدى. اېرتەلەب درىادەن كېمەلەرنى كېلتەرىپ، عىسكىرلەرنىڭ كۇپچىلەگى چادەرلەرى و پەرتالەلەرنى كېمەدە آلەپ اۋتەدىلەر. توشگە يەقىن قۇچبەك نىڭ آدمەلەرى درىانەڭ بىر شەرى يوقارىسىدن كېچەك تاپەدى. قالگەن كىشىلەر كېچەك آرقەلەى اۋتەدىلەر.

بېھرە قۇرغانى نىڭ اېچەدە، جەھاننەمە دېپ اتلەدەگەن جەيدە بىر كۈن تورەپ، سەشەنبە كۈنى اېرتەلەب جۈنەب كېتەدىك. يامغىر و سەپلەن خۇاخرلەتەپ، بېھرە شەمالەدەگى بىلەلىككە

جایلشدیک. بېهره اھالیسی تقبل یارماغی^{۱۳} گه اعتبارسزلیک قیلەياتگن اېدیلر، تۇرت جایگه سرکار بېلگیلب، بېکلرگه غیرت قیلیب، بو ایشنی بیتیریش بو یوریلدی. بیر سرکارلیک-خلیفه گه، ینە بیر سرکارلیک-قۇچ بېککه، بیر دوست ناصرگه، تۇرتینچی سرکارلیک سید قاسم بیلن محبعلی گه تاپشیریلدی.

تورکلر گه تېگیشلی ولایتلرنی اؤزیمیزنیکی دېب بیلگنیمیز باعث او ییرلردە تالان-تاراج بۆلمەدی. خلق آره‌سیده هر دایم اگر تورکلرگه تېگیشلی ولایتلرگه صلح توزیش اوچون اېلچی بارسه، حکمدارلر اولرنی تنگ احوالگه سالمیدیلر، دېگن گپ یوردی.

شو باعث ربیع الاول آبی نینگ باشیده، پنجشنبه کونی، ملا مرشدنی سلطان ابراهیم نینگ آلدیگه، آتەسی سلطان اسکندر اوشە بېش-آلتی آی ایچیدە اؤلیب، هند سلطنتی مونگه تېککن اېدی، اېلچیلیککە تعینلب، بیر قرچیغی یو باریب، قدیمدن تورکلرگه تېگیشلی ولایتلرنی سۆردیک. دولتخان گه و سلطان ابراهیم گه بیتیلگن خطلرنی تاپشیریب، آغزەکی ینە بیر نېچە سوز ایتیپ، ملا مرشدگه رخصت بېردیک. بو هندوستان خلقی، اینیقسە، افغانلر فراست و عقلدن ییراق، ساغلام فکر و تدبیر بیلن ایش کۆریشدن اوزاق بۆلگن غلطی آدملر بۆلر اېکن، نە دشمنلیک یوریش-توریشینی قیلە-آله‌دیلر و نە دوستلیک یۆل-یۆریغینی بیلەدیلر. بارگن آدمیمیزنی دولتخان بیر نېچە کون لاھورده اوشلەتیب توردی، اونى نە اۆزی کۆردی، نە خطنى ابراهیم گه یوباردی. بارگن آدمیمیز بیر نېچە آیدن کپین هېچ بیر جواب آلمەى کابل گه کېلدى.

آی نینگ ایگینچیسیده، جمعه کونی شیباق پیاده و درویش علی پیاده، حاضرده او میلتيقچی بۆلگندی، کابل دن خبرلر کېلتیردیلر. هندال نینگ توغیلگنلیگی خبرینی هم کېلتیردیلر. بو خبر هندنی ضبط اېتیش پیتیده کېلگنی اوچون یخشلیککە یؤیپ هندال دېب

۱۳- تَقَبُّل (Taqqabul) یارماغی — قبول اېتیلیش اقچه‌سی، کیچیک حکومت نینگ کتە حکومتگه بۆیسونگنلیگی، قبول اېتیلیشینی سورەب یوبارگن یا که کېلتیرگن آلتین اقچه‌سی.

آت قۇيىدىم. قنبرېك ھەم بلخىدىن محمدزمان مىرزانىڭ خىللىرىنى كېلىتىردى.

اېرتەسى دېوان (مەھكەمە) يىغىلىشى تەرقەلگىنىدىن سۈڭ سىرگە ئاتلىنىپ، كېمەگە كىرىپ، عىرق اىچىلدى. بزم اھلى خواجه دوست خاوند، خسرو مىرىم، مىرزا قولى محمدى، احمدى، گدايى، نعمان، لىنگرخان، روحدم، قاسم عىلى تىياقى، يوسف عىلى، تېنگرىقولى اېدىلر. كېمەنىڭ توشوق طرفىدە اوستى تېكىس تەختەسوپە اۋرنە تىلگىندى. مېن بىر نېچە كىشى بىلن شو بېردە اۋتىرگىندىم. يەنە بىر نېچە كىشى تەختەسوپەنىڭ آستىدە اۋتىرگىندىلر، كېمەنىڭ دۇم طرفىدە ھەم اۋتىرەدىگىن بىر بار اېدى-محمدى، گدايى و نعمان اۋشە بېردە اۋتىردىلر. عصر نمازى پىتىگچە عىرق اىچىلدى. عىرقنىڭ بدخۇرلىگىدىن زەدە بۇلىپ، بو تاماندا اۋتىرگىلر بىلن كېلىشىپ، معجون پىدىك. كېمەنىڭ نىرگىسى اوچىدە گىلر معجون پىگىمنى بىلىشمەدى، فقط عىرقنىڭ اۋزىنى گىنە اىچىشدى.

كېمەدىن خفتن نمازى پىتى آتلىنىپ، كېچەسى لىشكرگاھگە كېلدىك. محمدى بىلن گدايى مېنى عىرق اىچەدى دېب اۋىلىشىپ، مناسب خىدمەت قىلماقلىك نىتىدە عىرق كۈزەسىنى آت اوستىدە نوبت-مەنوبت كۈتۈرۈپ، عىجاب نىشە و آچىق چەرە بىلن كىرىپ كېلىپ: «بوندە قارانغۇ كېچەدە كۈزەنى اۋزىمىز نوبت بىلن كۈتۈرۈپ كېلدىك»، دېدىلر. كېين بىلدىلرگە، صىھىت باشقەچە اېكن، كىفەت ھەم باشقەچە. بىراولر معجوندىن، بىراولر عىرقىدىن مست اېدى. معجون صىھىتى بىلن چاغىر صىھىتى بىر-بىرىگە تۇغرى كېلمەگىلىكى باعث كۈپ خىجالت بۇلدىلر. مېن اولرگە، صىھىتى تۇختەتمىگ، عىرق اىچگىسى كېگن آدم عىرق اىچسىن، معجون پىشىنى خواھلەگىلر معجون پىسىن؛ ھېچ كىم بىر-بىرىگە قىشلىك كۈرسەتىپ، آرتىقچە گپ-سۆز قىلمەسىن، دېدىم. بعضىلر عىرق اىچدىلر، بعضىلر معجون پىدىلر. انچە وقت تىكلەپ بىلن صىيافت دوام اېتدى. باباجان قۇبوزى صىيافتدە يۇق اېدى، آق اۋىگە كېلگىندە اونى چقىرتىردىك، عىرق اىچىشىنى التماس قىلدىك. توردى محمدقىپچاقنى ھەم چقىرتىرىپ، مستلر بىلن ھەم صىھىت قىلدىك. معجوندىن سىرخوش بۇلگىلر بىلن عىرقىدىن مست بۇلگىلرنىڭ گېيى بىر-بىرىگە اصلا تۇغرى كېلمەيدى. مستلر ھەر طرفدىن توتۇرىقسىز

گپلرنی ایتە باشلەدیلر، بحثلری اساساً، معجون و معجونیلرگه تېگه جاقلیک قیلیش اېدی. باباجان هم مست بۇلیب، انچه گینه توتوریقسیز گپلر ایتدی. توردی محمدگه هم مستلر تۇلدیریپ-تۇلدیریپ کېتمه-کېت قدح اوزه تیپ، آز فرصتده مست بېهوشگه ایلنتیردیلر. اولرنی هر قنچه قیتیشگه حرکت قیلسک هم، فایده‌سی بۇلمەدی. مستلیکده انچه گینه غلوه کۆتۈریلدى. صحبت بی مزەلشیپ کېتدی، همه هر طرفگه ترقەلدى.

آی نینگ بېشینچیسیده، دوشنبه کونی بېهره ولایتی هندوپېککه بېریلدى. سەشنبه کونی چیناب ولایتینی حسین اېکیزه‌ککه عنایت قیلیب، اونگه و چینابلیکلرگه اویلریگه کېتیشلری اوچون رخصت بېردیک. اۋشه کونلری سیدعلیخان نینگ منوچهرخان اسملی اۋغلی بیزنی دېب هندوستان دن یوقاریگی یۇل بیلن کېلە یاتگن اېکن، تاتار کاکرگه دوچ کېلیدی. تاتار کاکر اونى اوشلب آلیب، قۇییب یوبارمەى، قیزینى بېریب کویا قیلیدی. انچه وقت اۋشه پېرده قالیب کېتگندی، کېلیب خدمتیمگه کیریشینی بیلدیردی.

نیلاب و بېهره تاغلری آره‌لیغیده‌گی جود و جنجوهه خلقلردن تشقری، کشمیر تاغلریگه توتە شیب کېتگن جت و گوجور همده اۋشه طایفه‌گه منسوب جوده کۆپ اېللر هر طرف و هر تېپە‌لیکده قیشلاقلر قوریب اۋتیریدیلر. اولرنینگ حاکمی و کتە‌سی کاکر قبیله‌سی دیر. بولر هم خودی جود و جنجوهه نینگ اولوغلریدېک حاکملیک قیلە‌دیلر. بو تاغلر اېتگیده یشە‌یاتگن خلقلرنی باشقیریش اۋشه ییللری بیر آتە‌نینگ اولادی بۇلگن عمکی بچە‌لر تاتار کاکر بیلن هاتی کاکر قۇلیده اېدی. اولرنینگ مستحکم یېرلری سوو اۋییب کېتگن جایلر و جریکلر اېدی. تاتار یېرى نینگ نامی پَرالە بۇلیب، قارلی تاغلردن انچه پستده جایلشگندی. هاتینینگ یېرلری تاققه توتە شیب کېتگن. بابوخان بهسوت‌گه تېگیشلی کالنجرنی هم هاتی اۋز ملکیکه قۇشیب آلگندی. تاتار کاکر دولتخان بیلن اوچرە‌شگن اېدی. اونگه بیر آز بۇیسونگن نما بۇلیب کۆرینردی، هاتی بیلن اېسە اوچرە‌شمە‌گندی. اونگه نسبتاً دشمنچیلیک و بوزغونچیلیک کیفیتده اېدی. تاتار هندوستان بېکلری بیلن تیل بیریکتیریپ و شرطلشیپ کېلیب هاتینی اوزاقدن توریب قَمَل قیلگندېک بۇلیب اۋتیرردی.

بىز بېھرەدە اپكىنىمىزدە آو بھانەسىدە غفلتدە قالگن ھاتى تاتارنىڭ اوستىگە يوريش قىلىپ، اونى اۋلدىرىپ، يېرلىرى و حرملرىنى، نېمەسى كە بۇلسە، ھمە نرسەسىنى اپگىللەگندى، قۇلگە كىرىتىدىك. پېشىن نمازى پېتى سىرگە چىقىپ، كېمەدە عرق ايچىلدى. مجلس اھلى دوست بېك، مىرزاقولى، احمدى، گدايى، محمد على جنگ-جنگ عىس^{۱۴}، اۋغان بېردى مۇغول، سازندە و خوانندەلردن روح دم، باباجان، قاسم على، يوسف على، تنگريقولى، ابوالقاسم، رمضان لۇلى خفتن نمازيگچە كېمەدە الفتچىلىك قىلدىك. خفتن نمازى پېتى كېمەدن قىيىق مست بۇلىپ چىقىدىك. مېن آتگە مېنىپ، قۇلىمگە مشعلنى آلىپ، دريا ياقەسىدن اۋردەگچە آت نىڭ گاه او تامانىگە، گاه بو تامانىگە اپگىلىپ، جلوئى قۇيىپ يوبارىپ، آتنى اوچىرىپ كېلىمەن. جودە قىيىق مست بۇلگن اپكىنەن. اپرەتەسىگە قۇلىمدە مشعل يىلن لشكرگاه گچە آت نىڭ جلوئى بۇش قۇيىپ كېلگىنىمى ايتىپ بېردىلر. مېن ھېچ نرسەنى اېسلەي آلەمدىم. اويگە كېلگىنىمدە انچە قىت قىلىمەن.

جمعه كۈنى سىرگە چىقىپ، كېمەدە سوودن اۋتدىك. نرىگى طرفدەگى باغلرنى، گۇلل بياتگن درختلرنى، شكرقمىش اپكىلگن يېرلرنى تماشى قىلىپ، قودوقدن سوو آلەدىگن چىرم ايدىش-دلو و چرخلرنى كۆردىك. سوونى قندەي قىلىپ تارتىپ چىقىرىشلىرىنى سۆرەپ، بىر نېچە مرتە سوو تارتىرىپ ھم كۆردىك. سىر پىتىدە معجون پىدىك. او يېردن قىتىپ كېلىپ، كېمەگە كىردىك. منوچەر خانگە تەغىن معجون بېرگندىلر، شۈندەي معجونى-مست بۇلىپ قالدى كە، اونى ايگى كىشى قۇلتىغىدن كۆترىپ تورغىزدىلر. بىر مدت دريانىڭ اۋرەتەسىدە كېمەگە لنگر تشل ب توردىك. كېىن دريا بۇلىپ، پستگە قرەب اوزاق سوزىپ باردىك. اوندىن سۇڭك ىنە كېمەنى يوقارىگە قرەب تارتىردىك. اۋشە كېچە كېمەنىڭ اۋزىدە اويقۇلۇپ، سحرگە يقىن قارگاه گە كېلدىك.

ربيع الاول آيى نىڭ اۋىنچىسىدە، شنبە كۈنى آفتاب حمل بورجىگە اۋتدى. اۋشە كۈنى

۱۴- عىس — تونگى ساقچى، مىرئىب.

پیشین نمازی پیتی سیر قیلیشگه چقیب، کبمه‌گه کیریپ عرق ایچیلدی. مجلس اهلی خواجه دوست خاوند، دوستبیک، میریم، میرزا قولی، محمدی، احمدی، یونس علی، محمدعلی جنگ-جنگ، گدایی تغایی، میرخورد عسس، سازنده و خواننده‌لردن روح‌دم، باباجان، قاسم علی، یوسف علی، تنگریقولی، رمضان ابدیلر. بیر قۇلتیقکه کیریپ، بیر مدت پستگه قره‌ب سوزدیک، بهره تۇغریسیدن انچه پستراقده کبمه‌دن چقیب، کبچکی نماز وقتیده قۇشین تورگن برگه ییتیپ کبلدیک.

شو کونی شاه حسین خوشاب‌دن کبلدی. قدیم‌دن تورکلرگه تېگیشلی بۇلگن پیرلرنی سؤره‌ب، اؤرتده‌ده صلح تکلیف قیلیپ، اونى ایلچیلیککه یوبارگن ابدیک، بېلگینگن پوللرینگ کۆپی قۇلگه تېگدی. ایسیق هم یقینلشیپ قالدی. هندوبېککه کۆمک اوچون شاه‌محمد مۇهردارنى، ینه بو ایشگه مناسبتی بۇلگن بعضی ییگیتلرنی تعینلپ، هریری‌نینگ موقعیگه یره‌شه تیریکیچیلیگی اوچون معاش بېلگینلندی. بو یوریشلرینگ اوند اوچی و سببچیسى لنگر خان‌گه خوشاب‌نى عنایت قیلیپ، بیراق پیریپ، اونینگ هم هندوبېککه کۆمک بېریشگه قرار قیلدیک. بهره‌ده‌گی تورک و محلی عملدارلرینگ معاش و تأمیناتینی آشیریپ، هندوبېککه کۆمککه قۇیدیک. نامی یوقاریده ذکر ایتیلگن منوچهرخان، ینه منوچهرنینگ قرینداش-اوروغلری نظرعلی تورک، سنگرخان جنجوهه و ملک هست جنجوهه شولر جمله‌سیدن ابدی.

اوشبو ولایتده‌گی ایشنی صلحگه کبلیتیریپ، بیر آز برقرارلشتیریپ، ربیع‌الاول آبی‌نینگ اؤن بیرینچیسیده-یکشنبه کونی بهره‌دن چقیب، کابل‌گه یۇنلیدیک. کلده‌که‌ه‌ارگه کبلیپ توشدیک. اوشه کونی هم عادتدن تشقیری کوچلی بیر یامغیر یاغدی. چکمانلی-چکمانسیز کیشی بیردېک بۇلدی. قۇشین‌نینگ آخری کبچقورون خفتن نمازیگچه ییتیپ کبلدی. بو پیرلر و حکومت‌نینگ آب و تابینی (سرو قیرینی) یخشی بیلگن کیشیلر، جمله‌دن، کاکرینگ ازلی دشمنی بۇلگن جنجوهه، هاتی کاکرنی بو پیرلرده‌گی اینگ یامان کیشی، دېب معلومات بېردیلر: یۇلرده قراقچیلیک قیله‌دی، آدم‌لرنی تله‌یدی؛ شونده‌ی قیلیش کبره‌ک که، یا اونینگ

اۈزى بو يېرلارنى تشلېب كېتسېن، يا اونىڭ قولاغىنى يىخشىلىب بورەب قۇيەيلىك. شۇنىڭە كېلىشىپ، اېرتەسىگە خواجه ميرميران و ميرىم ناصرنى قالەياتگن قۇشىنىڭە باش بۇلىشلىرىنى تەيىنلې، پېشىندىن كېيىن قۇشىندىن اجرەلىپ چىقىدىك و ھاتى كاكرىنىڭ اوستىگە، تاتارنى اۋلدىرىپ، اونىڭ پەرالەدەگى يېرلارنى تصرفىگە آلگىنىگە بىر نېچە كون بۇلگىندە، اۈزى شو پەرالەدە اېكىنىدە، بونى ذكر ھەم اېتگىندىك، ايلدم باردىك.

عصر نمازى وقتىدە تۇختب، آتلىرگە يېم بېردىك، خفتن نمازى چاغىدە او يېردىن جۇنوب كېتىدىك. ملك ھستىنىڭ سورۇپا اسملى گوجور نوكرى يۇلباشلاۋچى بۇلدى. كېچەسى يۇلدن ادەشىپ، سحرگە يقىن تۇختەدىك. بېك محمد مۇغولنى قارارگاھە قىتردىك. تانگ يارىشگىندە يۇلگە توشدىك. كون يايىلگىندە ساۋوتلارنى كىيىپ، آلدىنگە قرەب يوردىك، بىر شرعى قالگىنىدە پەرالەنىڭ قارەسى كۆرىندى. ھجومچىلارنى آلدىنگە تشلەدىك. اۈنگ قناتدەگى عسكرلر تۇدەسى پەرالەنىڭ شرقى طرفىدىن باردى. اۈنگ قناتدە حرىكلەندىگن قۇچبېكنى شو اۈنگ قناتدەگىلر آرتىدىن كۆمككە يوباردىك. چپ قناتدەگىلر، مركزدەگى عسكرلر پەرالەنىڭ اوستىگە تىقىلىپ بارىپ قالىشىدى. دوستبېك چپ قناتدىن پەرالە اوستىگە بارگن كىشىلر آرتىدىن كۆمككە يوبارىلدى.

پەرالە جرلر آرسىدە جايلىشگن. اونگە آلىپ بارەدىگن يۇل ايكىتە. بىرى شرقى-جىنوبى يۇل بۇلىپ، او جرلر اوستىدىن اۋتگن. بىز شو يۇل بىلن كېلىدىك. ايكى طرفىدە سوۋاۋىيىپ كېتىگن جرلر جايلىشگن. پەرالەنىڭ يىرىم كوروھىدىن باشلې تا دروازەگە يېتىگۈنچە تۇرت-بېش جايدە يۇلنىڭ ايكى تامانىدە جىرلىك ھاسىل بۇلىپ، يالغىزايلاق يۇل توشگن كە، بو يېردە بىر اۋق آتىمىچە آرەلىق مسافەنى سىقلې بىرىن-كېيىن تىزىلىپ يورماق كېرەك. يەنە بىرتە يۇلى غربى-شمالى طرفدىن بۇلىپ، بىر كېنگ تاغ يۇلنىڭ اىچى بىلن كېلىپ، پەرالەگە آلىپ چىقەدى. او ھەم يالغىزايلاق يۇل دىر. باشقە ھېچ بىر طرفدىن يۇل يۇق. گرچە شەر قۇرغانىنىڭ دېۋارى و حربى استىھكامى بۇلمىسەدە، بىراق كوچ ايشلەتىپ اېگىللىش اوچون ھەم قولەي يېرى يۇق. اطرافى يېتى-سگىز-اۋن قىر كېلەدىگن تىك جىرلىكلر بىلن اۋرەلگن.

چپ قناتده گى كيشيلر آلدینده-تار جايلردن اؤتيب، دروازه تامانگه سوريليپ باردیلر. هاتي اؤتیز-قیرفته چه ساووتلى و کيجيملى کيشيلرى، کؤپلپ پيادهسى بيلن هجومچيلرنى ارقه گه سوريب کبله باشلهدى. هجومچيلرينىڭ آرتيده کؤمککه قۇييلگن دوست بېک يېتيپ کېليپ، قتيق جنگ قیلدى، دشمن نينگ کؤپ آدملىرىنى آتدن قوله تيپ، باسدى. اؤشه يېرلرده جسورليگى بيلن شهرت تاپگن هاتي کاکر هر قنچه اورينمه سين، برداش بېرالمه ی قاجدى. بو تار يېرلرده توختب جنگ قیلالمه گنيدېک، قۇرغانىگه يېتيپ بارگنیده قۇرغاننى مستحکم حمايه لىشگه هم قۇربى يېتمهدى. هجومچيلريميز اونينگ آرتيدن پراله قۇرغانى نينگ غربى-شمالى طرفيده گى تار يۇللر و جر تاماندىن قۇرغانگه باستيريپ کيردیلر. هاتينينگ تنها اؤزى قاجيب چيقتى. بو جنگده دوست بېک اؤزىنى جوده يخشى توتدى، غلبه ساورينى دوست بېک نامىگه تعين بۇلدى.

مېن اؤشه پيت نينگ اؤزیده پراله قۇرغانىگه کيريب، تاتارينىڭ اويلريده تۇخته ديم. هجومچيلرنى آلدینگه تشلگن پيتميميز مېنينگ يانيمده توريشى کېرک بۇلگن کيشيلر، جملهدن، امين محمد ترخان ارغون و قاره چه هجومگه کېتدیلر. بو گناهلرى اوچون اولرگه سوروپا اسملى گوجورنى باشچى قىليپ، سروپا بېرمه ی، صحرا و يىابانگه قۇشينى کوتيب آليش اوچون جۇنتدیک. اپرته سيگه غربى-شمالى تامانده گى جردن اؤتيپ، کؤمکؤک ارپه زارگه قۇندیک. ولى خزينه چى گه سره ييگيتلرنى قۇشيپ، قۇشينى کوتيب آليشگه يوباردیک.

آى نينگ اؤن بېشينچيسیده، پنجشنبه کونى آلدینگه قهراب جۇنپ کېتدیک و سوھان درياسى نينگ قيرغاغیده-اندرابه ده تۇخته دیک. اوشبو اندرابه قۇرغانى قديمدن ملک هست نينگ آتە سيگه قهره شلى بۇلگن اېکن. هاتي کاکر هست نينگ آتە سىنى اؤلديرگنيدن سۇنگ تشلب قۇييلگن و بيز بارگن پيتده ويرانه گه ايلنيپ بۇلگندى.

خفتن نمازى پيتى کلده کهارد قۇشين نينگ ييزدن اجره لیب قالگن کيشيلرى کېليپ قۇشىلدى. هاتي تاتارنى قۇلگه آلگن چاغیده پربت اسملى قرينداشيني بيرته کېجيملى آت و

ساوغە-سلاملر بيلن مېنىڭ آلدېمگە يوبارگن اپکن. پربت مېنى تاپالمەي، لشكرىنىڭ آرتىدە قالگن عسكرلەرگە دوچ كېلىپ، قۇشىننىڭ بوتون كۈچ-كۈرانى-اوروق بيلن كېلىپ، ساوغە-سلاملارنى بېرىپ، خىدمەتگە كىرىشىنى بىلدۈردى. بەئزى مەھم ايشلارنى بېتىرىش اوچون آرتىدە قالگن اوروق بيلن بىرگە بېھرەدن كېلگن لىنگر خان ايشلارنى تۇغىرلەگچ، اۋشە بېرلىك كىشىلر بيلن كېتىشى اوچون اونگە رۇخسەت بېرىلدى.

ينە يۇلگە توشىپ، سۇھان سۇويدن اۋتىپ، بىر تېپەلىككە جايلاشدىك. ھاتىنىڭ قىرىنداشى پربتگە سۇپا كىيىدىرىپ، ھاتىگە بىز تامانگە مايىل قىلەدىگن چقىرىق فرمانلرى بېتىپ، مۇھەممەدلى جىڭ-جىڭ نىڭ نوكرى بيلن جۇتتىدىك. بابا دوست و حلاجىل باشچىلىقىدەگى ھامايوننىڭ بىر نېچە نوكرى نىلابگە و قارلوق ھزارەسىگە يوبارىلدى. اولارنى بىز ھامايونگە بېرگن اېدىك. مېنىڭ قاشىمگە شەرنى قۇرىقلىشىگە كېلگندى. سىنگر قارلوق و مىرزا مەلۇي قارلوق باشچىلىقىدە قارلوقلارنىڭ اولوغلىرىدىن اۋتۇز-قىرقتەچەسىنى آلىپ كېلىدىلر. بىر كېچىملى آت تارتىق قىلىپ، خىدمەتگە كىردىلر. دۇزاك افغانى نىڭ ھەم عسكرلرى كېلىدى.

اېرەسىگە او بېردىن كۈچىپ، اىگى شەرى يۇل يورىپ تۇختەدىك. بىر بىلندلىككە چىقىپ، اۋشە بېرگە قۇشىننى جايلاشتىرىشنى ملاحظە قىلىپ، قۇشىندەگى بىرچە تويەلرنى سەنەب چىقىشنى بو يوردىك، بېش يوز يېتىمىش تە تويە چىقىدى. سەنبل درختى نىڭ تەرىپىنى اېشىتگەندىك، شۇ قۇنىمجايدە كۆردىك. بو تاغ اېتكىلىدە سەنبل كەم اوچرەيدى. او يېتە-يېتە اۋسەدى. آلدىندە-ھىندۇستان تاغلىرى اېتكىلىدە سەنبل كۆپ و كۆتە-كۆتە بۇلىپ اۋسەدى. بو ھەقدە ھىندۇستان نىڭ حيوانلرى و اۋسىملىكلرىنى ذكىر اېتگەندە يازەمىز.

بو قۇنىمجايدىن تون يىمىدە جۇنۇب، توشگە يىقىن سىنگداكى داۋانى نىڭ پىستىگە توشدىك. پېشىن نامازى چاغى او بېردىن جۇنۇب، داۋان و دريادىن اۋتىپ، بىر بىلند جايدە تۇختەدىك. او بېردىن يىرىم كېچەسى كۈچىپ، بېھرەگە بارەياتگەنمىزدە اۋتگن كېچىگىمىزنى سىر قىلىپ كېتەياتگن اېدىك. اۋشە كېچىكە دان آرتىلگن كۆتە بىر سال لايگە باتىپ قاليدى. اونىڭ

اېگه لرى قنچه حركت قىلىشمەسىن، سالنى جايىدىن قىمىرلە تالمىدىلر. بو دان دوننى آلىب، يانيمىزدە بۇلگنلرگە اولشدىك. جوده وقتىدە تاپىلگن غلە بۇلدى.

توشگە يقين كېلىپ، كابل و سىند دريالرى نىنگ قۇشلىشىدىن پستراق، اېسكى نىلابدن يوقار يراق-ايگى دريانىنگ آره سىدە تۇختەدىك. نىلابدن آلتىتە كېمە آلىب كېلىپ، اۋنگ قنات، چپ قنات، مركز قۇشنىلرگە بۇلىپ بېرىلدى. عسكرلر يىمىز دريادن اۋتېشگە يوره كىدن حركت قىلدىلر. اولر يىز كېلگن دوشنبە كونى و سەشنبەگە اۋتر كېچەسى، سەشنبە كونى و چارشنبەگە اۋتر كېچەسى، بوتون چارشنبە كونى كېچىگچە دريادن كېچىپ اۋتدىلر. پنجشنبه كونى هم آزگىنە كىشىمىز دريانى كېچىپ اۋتدى. نىلابدن كېچىپ اۋتېپ بۇلگىمىزدە اندراب يقىنىدىن محمدعلى جنگ-جنگ نىنگ نوكرى يىلن بىرگە هاتىنىنگ آلدىگە جۈنە تىلگن پربت اسملى قرىنداشى دريا قىرغاغىدە آلدىمىزگە يېتىپ كېلدى هاتىدىن بىرتە زرهلى آتنى پېشكش قىلىپ كېلتىردى. نىلابلىكلر هم يېتە زرهلى آت ساوغە قىلىپ، التفات كۆرستىدىلر.

محمدعلى جنگ-جنگ نىنگ بېھرەدە قالىش اىستىكى بار اېدى. بېھرنى هندوېبكە عنايت قىلگىمىز باعث، بېھرە و سىند دريالرى آره سىدەگى قارلوق، هزارە، هاتى، غياثوال و كېب كىي يەرلر و اېللر محمد على جنگ-جنگ نىنگه عنايت بۇلدى. تابع بۇلىپ بۋىين سونگنلرگە يخشى مناسبتدە بۇلىنەدى، اگر بىرار پېر و بىرار ولايت باش اېگمەسە:

هر كىم كه بۋيونى قۇيمەسە، آنى نېتگەى،

چاپقەى، تلەغى، مطيع و منقاد اېتگەى.

بوعنايتلردن كېين محمدعلى جنگ-جنگ گە مخصوص قارە بخمل باش كىيم، قلماقى ساووت بېرىپ، توغ هم ساوغە قىلدىم. هاتىنىنگ قرىنداشىگە رخصت بېرىپ، هاتىگە قىلىچ، باش آياق سروپا و اۋزىمىز تامانگە مايىل قىلەدىگن چقىرىق فرمانلرى يوبارىلدى.

پنجشنبه كونى آفتاب چىققندە دريا قىرغاغىدىن قوزغلىدىك. شو كونى معجون پىيىلدى. معجون يىپ سرخوش بۇلگچ، عجايب گلزارلرنى تماشاشا قىلدىك. سىرىق و قىزىل گللر بۇلك-بۇلك جايدە تۈپ-تۈپ بۇلىپ، ينە بعضى يەرلردە فقط سىرىق گللر آچىلىپ ياتىيدى.

ينه بعضى پيرلرده خودى ساچيب تشله گندېك سريق قيزيل گللر اره لاش آچيلگن. قرارگاه يقينيدىكى تېپىلىك اوستيده اؤتيريب، گلزارنى تماشا قىلدىك. خودى رېجەلشتيريب اېكىلگندېك، بير تېپىلىك نينگ آلتى طرفيده بير جايدىدە سريق و ايگىنچى جايدىدە قيزيل گللر قطار-قطار بۇليب آلتى بورچك شكليدە آچىليب ياتىدى. ايگى چېتدە گل كمراق آچىلگن، بيراق كۆزىمىز ايلغەگن پيرلر نينگ ھەمەياغى گلزار اېدى. پرشاور اطرافلريده ھەم بهار چاغى يىخشى گلزارلر بنياد بۇلەدى.

سحر چاغى بو قۇنىمجايدن جۇن ب كېتىك. كېتە ياتگنيمىزدە دريا ياقەسىدن بير شېر اؤكيريپ چىقۇدى. آتلر شېر آوازىنى اېشيتگىچ، بې اختيار اوستيدهگى آدمى بيلن ھەر طرفگە قاچىپ، اؤزلىرىنى جر و چوقورلرگە آتدیلر. شېر جنگلزارگە قېتىپ كىرىپ كېتىدى. گاومىش كېلتىرىپ، جنگلزارگە قۇيىپ، شېرنى او يېردن چىقىرىشلىرىنى بو يوردىك. او ينه اؤكيريپ چىقۇدى. ھەر تاماندن اۇق آتدیلر، مېن ھەم آتدیم. خالوي پيادە نيزە سىنچە ياتگنيدە، نيزە نينگ اوچىنى تىشلب سىندىردى. شېر جودە كۆپ اۇق يېپ، بوئگە تىسرىلىپ تورگن اېدى، بابا يساوول قىلىچىنى سوغورىپ، يقين باردى، شېر ھملە قىلماقچى بۇلگنيدە اونىنگ باشىگە قىلىچ سالدى. شوندىن كېين على سىستانى بېلىگە قىلىچ اوردى، شېر اؤزىنى درياگە آتدى، سوونىنگ ايچىدە ياق اونى اؤلدىردیلر. سوودن چىقىرىپ تېرىسىنى شىلىپ آلىشلىرىنى بو يوردىك.

اېرتەسىگە يۇلگە توشىپ، بگرامگە يېتىپ كېلگىچ، گۆرەكترينى تماشا قىلدىك. نصرانىلر عبادتخانىسىگە اۇخشاش بير تارراق و قارانغو اويچە دىر. اېشىكدن كىرىپ، ايگى-اوج زىنە پستگە توشگىچ، ياتىپ، اېمەكلىب كىرىش كېرەك. او يېرگە شىمىسىز كىرىپ بۇلمەيدى. بو اوى نينگ بوتون اطرافيدە قىرقيب تشلنگن ساچ سقاللر تۇلىپ ياتىدى. بو گۆرەكتري نينگ تېوهرگيدە مدرسە حجرەلر يېك انچهگىنە حجرەلر بار. كابلگە بيرىنچى كېلگن يىللىمىز كۆھت، بنو و دشتگە ھجوم قىلدىك، بگرامدە كۆتە بير درختنى تماشا قىلىپ، گۆرەكترينى كورالەگنيمىزدن افسوسلىنگن اېدىك. افسوس قىلىشگە ارزىديگن جاي اېمىس اېكن. شو

كونى مېنىڭ يىخشى بىر شىھازىم (لاچىنىم) يۇقالدى. اونی شیخیم میریشکار پرورشله گن اېدی. تورنه و لیلکنی یخشی اولردی، ایگى-اوچ مرته تولله گن^{۱۵} اېدی. شونده ی آوقیلر اېدی که، مېندېک شىھاز آویگه هوسسىز کیشینی هم قوشچی قیلیب قۇیگندی.

ملک بابو خان و ملک موسی باشچیلیگیده گی دلزاک افغانلری نینگ اولوغلریدن آلتی کیشیگه هندوستان ساوغه لریدن یوز مثقالدن کوموش، بىر تۇنلیق (کیمیلیک) متاع، اوچته دن هؤکیز، بیرته دن گاو میش بېرىب، باشقه لرگه هم موقعیگه مناسب طرزده پول، متاع، هؤکیز و گاو میش عنایت قیلدی. علی مسجدده تۇخته گنیمیزده، یعقوب اوروغیدن معروف اسملی دلزاک ساوغه-سلام قیلیب، بیر مونچه دان-دون، اۋنته قۇی، ایگى او یوم گوروچ، سگیزته کتّه پيشلاق پيشکش کېلتیردی.

علی مسجددن بده بیرگه اۋتیب تۇخته دیک، او بېردن جۇنّب، پېشین نمازی چاغی جۋی شاهى گه پېتیب کېلدىک. شو کونی دوست بېکنی قتیق ایسیتمه توتدی. جۋی شاهى دن تانگ-سحر جۇنّب، باغ وفاده توشلیک قیلدی و پېشین نمازی پیتی باغ وفادن قۇزغلدیک. گندمک نینگ سیاه آبیدن اۋتیب، کېچقورون نمازشام پیتی بیر خویدزارده تۇختب، آتلرنی توییدردیک، بیر-ایگى گری دن سۇنگ آتلیب، سرخاب دن اۋتیب، کرکده تۇختب اویقولە دیک.

تانگ آتمسیدن آق ینه یۇلگه توشیب، قاره توگه آلیب باره دیگن یۇل نینگ ایریلیش جاییده مېن بېش-آلتی کیشی بیلن قاره توده سالینگن باغنی کۇریشگه باردیم. خلیفه، شاه حسن بېک و باشقه کیشیلرگه مېنى قۇروقسای ده کوتیب توریشرینی ایتیب، تۇغری یۇل بیلن جۇنتدیم. قاره توگه یتگنیمیزده فتح بېک ارغون نینگ قیزیل دېگن تواچیسى^{۱۶} شاه بېک نینگ کاهاننى آلیب تلب، آرتیگه قتیب کېتگنی خبرینی کېلتیردی.

۱۵- نول له گن- پتی تۇکیلگن، کوریز قیلگن.

۱۶- تواچی- خبرچی، مخبر، قاصد.

آلدينراق ھېچ كيم يېزىنىڭ بارەياتكىنىمىزنى خىر قىلمەسەن، دېگەن فرمان بېرگەندىك. كابل گە يېتگەنمىزدە پېشىن نامازى وقتى بۇلىپ قالگەندى. قوتلوق قەدىمىنىڭ كۆپرېگىگە يېتگەنمىزچە، ھېچ كيم خېردار بۇلمەدى. اوندن كېيىن ھاميون بىلەن كامران خېر تاپىپ، آت مېنىشچەلىك فرصت اۋتمەيدىن كېلىپ، تەن قۇرىقچىلىرىگە كۈتتۈرىپ، شەر دروازەسى بىلەن ارک دروازەسى اۋرتەسىگە كېلىپ، حرمت كۆرسەتدىلەر. عصر نامازى يېتىدە قاسم بېك، شەر قاضىسى، كابل دە قالگەن ملازم ھەمدە اربابلەر كېلىپ، التفات قىلدىلەر.

ربيع الآخر آيى نىڭ اۋلىدە آدېنە كۈنى ناماز دېگەردە چاغىر مەجلىسى بۇلدى. شاھ حسن گە باش-آياق مەخسۇس سەروپا عىنايت قىلدىم.

شەنبە سەھرى كېمەگە كىرىپ سەھرى^{۱۷} قىلدىك. نوربېك بو سەھىتدە غود چەلدى، او پېتلىرى اېچىشنى تەشەل توبە قىلگەندەن اېمەسدى. پېشىن نامازى چاغىدە كېمەدەن چىقىپ، گۈلگەنە بىلەن تاغ اۋرتەسەيدەگى باغنى سەير قىلىپ، عصر نامازى يېتى باغ بېقىشەگە كېلىپ اېچىلدى. ناماز شامدە گۈلگەنە طرفىدەگى قۇرغان دېۋارىدەن اۋتېپ، ارگەكە كېلدىم.

آي نىڭ اۋن پېشىنچەسىدە، سەھىنبە كېچەسى يۈلدە قەتئىق ايسىتمەلەگەن دوست بېك تەنگرى رەھمەتگە باردى. قەتئىق تەئىرلەپ، المەدە قالدىك. دوست بېك نىڭ جەدىنى غەزنى گە اېلتىپ، سەلطان باغى نىڭ اېشىگى آلدېگە دەن اېتدىلەر. دوست بېك جودە يەخشى يېگىت اېدى. بېكلىگەدە دايم ەملىدە اۋسىپ بارردى. بېكلىگەدەن بورون پادشاه سەرايىدەگى خەس ەمەلدارلەردەن بۇلگەن پېتلىرى ھەم كۆپ يەخشى ايشلەر كۆرسەتگەندى. جەملەدەن، يەر سەفر اندىجان دەن يەر يىغاچ اوزاق دەرباط زورق دە اېكىنىمىزدە سەلطان اھمەد تەئەل كېچەسى باستىرىپ كېلدى. مېن اۋن-اۋن پېش كېشى بىلەن بارىپ، آلدېندەگى ھەجۈمچىلەرنى يەكسان قىلىپ، آرتىگە قەتتەرىپ، مەركەز قۇشنىگەچە يېتەپ بارگەنمەدە، تەئەل يۈز تەچە آدمى بىلەن تورردى. اۋشەندە اوچ كېشى، مېن بىلەن تۆرت كېشى قالگەندىك. اوچ كېشىدەن يەر تەسى دوست نەسر، يەنە يېرى

۱۷- سەھرى- اېرتەلېكى خەمار باستى، كېچەگى نەشە بىلەن اېرتەلەب خەمار باسىپ تورىلگەندە، يەنە يېر آز مەي اېچىش.

مىرزاقولى كۆكداش، اوچىنچىسى كرىمداد اېدى. مېن ساووت كىيىپ آلكندىم. تىل يىنە بىر كىشى بىلن صفدن بىر آز آلدىنگە چىقىپ تورگندى، مېن تىلگە روبرو بۇلدىم، دو بولغە سىگە تېگە دىگن قىلىپ اۋق آتدىم، يىنە بىر اۋقنى قىلقانى نىنگ تۇقەسىنى مۇلجىللىب آتدىم. بىر اۋق آياغىمگە كېلىپ تېگدى. تىل باشىمگە قىلىچ سالىدى. قىزىغى، باشىمگە كىيگىم دو بولغە بۇرك بۇلسە ھەم، اونىنگ بىر تە اىپى ھەم كېسىلمەدى، اما باشىم انچە گىنە جراحتلىدى. بىزگە ھېچ قەيەردن ياردەم كېلمەدى، يانىمدە ھېچ كىم قالمايدى. علاجسىز قالىپ، آت نىنگ جىلوىنى آرتگە بوردىم. دوست بېك بىر آز آرتدە كېلە ياتگن اېدى. آرتىمدن بارىپ، تىل نىنگ يانىدن اۋتە ياتگنىدە، اونگە قىلىچ سالىدىلر. باشقە سفر - اخسىدن چىقە ياتگن محلىمىز باقى ھېز بىلن چاپىشىدى. ھېز دېسەلر ھەم جىسور و قىلىچىنى محكم توتە دىگنلردن اېدى. اخسىدن چىققىمىزدە مېن بىلن سگىز كىشى قالگندى. اۋشندە ھەم دوست بېك مېن بىلن بىرگە اېدى. دشمن اىگى كىشىنى آتدن قولەتدى، اولردن كېين دوست بېكنى ھەم يىقتىدىلر.

بېكلىك چاغلىرى سويونچوك خان سلطانلر بىلن كېلىپ تاشكندە احمد قاسمنى قىل قىلگنىدە، دشمنلر نىنگ اوستىگە باستىرىپ باردى. قىل چاغى كتە جىسارت كۇرستىدى. احمد قاسم خىر بېرمەي، تاشكندى تىلچى چىقىپ كېتىدى. اۋشندە ھەم او خانلر، سلطانلرنى يىكسان قىلىپ، تاشكنددن آسان چىقىپ كېتىدى. كېيىنراق يىنە شىرىم تىغاي، مزىد و اولر نىنگ طرفدارلرى غزنىدن اىگى - اوچ يوز كىشى بىلن كېلە ياتگنلرىدە، بو مۇغوللر اۋزلرى نىنگ اوچ - تۇرت يوز سرە يىگىتلر نىنى دوست بېك نىنگ قرشىسىگە جۇنتىدى. شىروكان اطرافىدە آلدىگە بارگنلرنى يىنگىپ، انچە آدمىنى آتدن توشىرىپ، جودە كۆپ باش كېسىپ كېلتىردى. بجور قۇرغانىنى اېگىللىشە ھەم دوست بېك نىنگ آدمى ھەمدن بورون يېتىپ بارىپ، قۇرغان دېوارى اوستىگە چىقتى. پىرالەدە ھەم دوست بېك بارىپ، ھاتىگە شىكست يېتكىزىپ، اونى قاچىردى. دوست بېك وفاتىدن سۇنگ ولايتىنى اوگەسى مىرىم ناصىرگە عىنايت قىلدىم.

ربيع الآخر آيى نىنگ سگىزىنچىسىدە، جىمە كۈنى قورغاندن چارباققە چىقتىك. آي نىنگ اۋن اىگىنچىسىدە، سەشەنبە كۈنى سلطان حسين مىرزانىنگ كتە قىزى محمد

سلطان میرزانىڭ آنەسى سۇلتانىم بېگم بو تۇپالانلار دە خوارزمدە تۇختە گەندى، يىلبارس سۇلتانىنىڭ اوکەسى، اېسانقولى سۇلتان سۇلتانىم بېگم نىڭ قىزىنى آلكەندى، كابل گە كېلدىلەر. اولر نىڭ يشەشلىرى اوچون باغ خلوتنى تەيىنلەدىك. اۋشە باققە جايلىشگنلر يەن سۇڭ مېن بارىب كۆردىم. مېنگە كۆتە آپەمدېك بۇلگنى باعث تەظىم و احترام كۆرسەتەش اوچون اېگىلدىم، اولر هم اېگىلدىلەر، بىر-بىرىمىزگە قەرب يورىب بارىب، كۆرىشدىك. كېيىنچە لىك هر دايم شو قاعدەگە رعايە اېتىلدى.

آى نىڭ يېتەنچىسىدە، يەكشەنبە كۈنى بابا شەيخ كۆرۈنمەكنى، انچە وقت بىندە اوشلەب اۋتۇرگەن اېدىك، گناھىنى عفو قىلىپ، بىندىلىكەن بۇشەتەب، سىروپا انعام اېتىلدى.

آى نىڭ اون تۇتۇز يەنچىسىدە، سەشەنبە كۈنى توشگە يەقەن خواجه سەياران تامانگە آتلەندىك. شو كۈنى رۇزە اېدىم، يونس على و يانەدەگىلەر تەجەللىب: سەشەنبە كۈنى، سىر و رۇزە بو جودە غلطى، دېدىلەر. بەزادىگە بارىب اۋشە يېر قاضىسى نىڭ اويىگە توشدىك. كېچقورون كىچىك ضىافتگە تيارگرلىك كۆرەباشلەدىك. قاضى: «مېنىڭ اويىمدە بۈندەى ايشلەر بۇلگەن اېمەس، اما پادشاه حاكم دورلر»، دېدى. گرچە ضىافت اوچون ھەمە نرسە مەيلا قىلىنگەن بۇلسە ھەم، قاضى نىڭ كۈنگىل راضىلىگى اوچون اچىشىنى بېكار قىلدىك. چارشەنبە كۈنى خواجه سەياران گە باردىك.

آى نىڭ يىگىرمە يەنچىسى، پەنجشەنبە كۈنى باغ سالىنگەن تاغ نىڭ توشوغىگە كۆتە دۈمەلاق سۈپە قوردىردىك.

جەمە كۈنى كۆپرەك آستىدەن سالگە اۋتۇردىك. آوچىلر نىڭ اويلىرى تۇغرىسىگە يېتەنچىمىزدە، آوچىلر بىر تە دىڭ دېگەن قوشنى توتىشگەن اېكەن، آلىب كېلىشدى. بۈندەن بورون دىڭنى كۆرگەن اېمەسدىك، عجاب كۆرىنىشەدىكى قوش دىر، شەرخى ھىندوستان حيواناتى ذكىرىدە كېلەدى.

آى نىڭ يىگىرمە اوچىنچىسىدە، شەنبە كۈنى دۈمەلاق صوفە نىڭ تېپە طرفىگە چنار و تال نەھاللرى ارەلش قىلىپ اېكىلدى. پېشىن نامازى چاغى چاغىر سەھتە بۇلدى. اېرتەسى

سحرده دُومه لاق صوفه ده صبحی قیلدیک. توشدن سۇنگ آلتییب، کابل گه قره ب جۇنه دیک. خواجه حسن گه کبلیب، مست حالده بیر آز اوخله دیک. خواجه حسن دن یۇلگه توشیب، یریم کبچه سی چارباققه ییتیب کبلیدیک.

خواجه حسن ده مست بۇلیب قالگن عبدالله یرتیق تۇنی بیلن اۇزینی سووگه آتدی. آت لرگه مینگن چاغیمیز کبچ بۇلیب قالگندی، ساوقاتیب، ییز بیلن کپتالمه دی. کبچه سی قوتلوغ خواجه نینگ تیولیده^{۱۸} قالیب، اپرته سیگه اۇتگن کونی اۇزیدن کبتگنلیگی اوچون تنبیه لر ایشیتیپ، توبه قیلدی. مېن اونگه: «مونچه تېز! بونده ی توبه میسر بۇله دیمی، یۇقمی؟ درحال، فقط مېنینگ ضیافتیمدن باشقه یرده ایچمه یمن، دېب توبه قیل»، دېدیم. او قبول قیلدی. بیر نېچه آی بو قاعده گه رعایه قیلیب یوردی، اما کپن سۇزیده تورالمه دی.

آی نینگ ییگیرمه بېشینچیسیده، دوشنبه کونی بېهره و اۇشه ولایت لرگه تینچلیک اۇرنه تیش امید ییلن قۇیگن آدمیمیز-هندوپک کبلیدی. بېهره لیکلر صلح و تینچلیک حقیده گی سۇزلرگه قولاق سالمه ی، ییز نینگ ایتگنلریمیزی کۆزگه ایلمه ی، قولاققه آلمه ی، ییز قییب کبتیشیمیز بیلن کۇیلپ افغان و هندوستانلیکلرنی ییغیب، هندوپک نینگ اوستیگه بېهره گه یوریش قیلیبدی. یرلیک خلق هم افغانلر طرفیگه آغیب کبتیبدی. هندوپک بېهره ده تورالمه ی، خوشاب گه کبلیب، دینکوت ولایتی آرقه لی نیلاب گه اۇتیپ، کابل گه کبلیدی. سېکتونینگ اۇغلی دېوه هندو وینه بیر هندونی بېهره دن اسیر قیلیب آلیب کبلگندی. اولر اۇز ایشلرینی تۇلاو شکلیده بیر نیمه لر بېریب حل قیلدیلر. بو هندولرگه آت لر، باش-ایاق کییم انعام قیلیب، رخصت بېریلدی.

آی نینگ ییگیرمه توقیزینچیسیده، جمعه کونی بدنیمده ایسیتمه حرارتی ظاهر بۇلدی. تامیردن قان آلدیردیم. گاهیده هر کونی، گاه کون آرهلپ، یا ایگگی-اوچ کون اۇتیپ

۱۸. تیول-پادشاه تامانیدن اونینگ سالیغیدن اوز رۇزغار خرجتینی تأمیلش مقصدیده بیراوغه بغیشلنگ ملک

وحدود.

ایسیتمه لر دیم. هر ایسیتمه توتگنیده، تېرگه باتمه گونیمچه ایسیتمه قویب یوبارمسدی. اؤن-اؤن ایگی کوندن کپین ملا خواجه شرابنی نرگس بیلن اره لشتیریب بپردی، بیر-ایگی مرته ایچدیم، فایده سی بؤلمه دی.

جمادی الاول آیی نینگ اؤن بېشینچیسیده، یکشنبه کونی خواست دن خواجه محمد علی کېلدى. بیرته اېگرلنگن آت تارتیق قیلیب، صدقه اوچون پول هم آلیب کېلدى. خواجه محمد علی بیلن بیرگه محمد شریف منجم و خواست میرزالری هم کېلیب، مېنگه خدمت قیلیش نیتلرینی بیلدیردیلر. اېرته سی، دوشنبه کونی ملا کبیر کاشغردن کېلدى. او کابل گه اندیجان ولايتیدن کاشغر آرقه لی ایلنېب کېلیدی.

آی نینگ ییگیرمه اوچینچیسیده-دوشنبه کونی ملک شاه منصور یوسفزایی، یوسفزایی نینگ آلتی-یېتی اولوغ کیشیلری بیلن سواددن کېلیب، خدمتیمگه کیریشلرینی بیلدیردیلر.

جمادی الثاني آیی نینگ اولیده، دوشنبه کونی شاه منصور باشچیلیگیده گی یوسفزایی افغانی نینگ اولوغلریگه سروپالر کییدیریلدی. شاه منصورگه شایى تۇن، توگمه لی ساووت، ینه بیرگه یوقه شایى تۇن، ینه آلتی کیشیگه شایى تۇنلر کییدیریب، رخصت بېریلدى. سواد ولایتی نینگ ابوهدهن یوقاریده جایلشگن یېرلرینی باشقیریشگه دخل قیلمسلیکلری و او یېرلرده گی برچه اهالینی سالیق تۇلش رویخطیدن چیقیریشلریگه قرار قیلدیک؛ بجور و سوادده گی افغانلرگه محکمه گه آلتی مینگ خروار دان توشیریش تاپشیریلدی.

آی نینگ اوچینچیسیده، چارشنبه کونی جُلاب ایچدیم. ینه ایگی کون جُلاب^{۱۹} ایچدیم.

آی نینگ آلتینچیسیده، شنبه کونی سورگی دارو ایچدیم.

آی نینگ سگیزینچیسیده، دوشنبه کونی خلیفه نینگ کتّه قیزیگه قاسم بېک نینگ کیچیک اوغلی حمزه دن ساقچق (تارتیق) کېلدى. مینگ شاهرخی اېدی. او بیرته اېگرلنگن آت هم تارتیق قیلدی.

۱۹- جُلاب — گلاب، شکر و دارولردن تیارلنده دیگن و ایچنی سوره دیگن شربت.

سه‌شنبه کونی شاه حسن شاه‌بیک چاغیر صحبتیگه رخست سؤزهب، خواجه محمد علی باشچیلیگیده‌گی بعضی بیک و خاص عملدارلرنی اوییگه آلیب کبتدی. یونس علی و گدایی تغایی مېنینگ قاشیمده ابدیلر. مېن هلی شرابدن پرھیز قیلہ یاتگن ابدیم. دبدیم که، سیره شونده‌ی بؤلمه‌گندی که، مېن هوشیار اؤتیریب، همه شراب ایچسه و مېن ساپہ-ساغ توریب، بیر تۆده آدم اؤزینی مست شراب قیلسه. کپلینگ، مېنینگ قاشیمده ایچینگلر، مېن بیر زمان تماشا قیلہ‌ی، هوشیارلر بیلن مستلرنینگ مناسبتی و باردی-کپلیدیسی قنده‌ی بؤلشینی بیلہ‌ی. چنار باغی نینگ اېشیک‌ی آلدیده سالینگن صورتخانه‌نینگ شرقی-جنوبیگه قره‌ب کیچیکراق آق اویچه تیکیلگن ابدی، بعضاً اؤشه بیرگه جایلشردیم. اوشه بیرده ضیافت بؤلدی. کپنراق غیاث مسخره‌باز کپلدی. اونى بیر نېچه بار مطایبه یۇلى بیلن مجلسدن هیده‌ب یوباریش بو‌یوریلدی. آخری شلايینیلیک قیلیب (غلوه کؤتریب) مسخره‌بازلیک بیلن مجلسگه یؤل تاپدی. توردی محمد قیپچاق بیلن ملا کتابدارنی هم مجلس گه چقیرتیردیک. شاه حسن‌گه و اونینگ اوییده‌گی مجلس اھلیگه قوییده‌گی رباعینی بدیهه قیلیب ایتیب، جؤنتدیک:

احباب که، بز میده گُلستان خس‌تور،

یۇق لیک الر بز میده بیزگه دستور.

اول جمع‌ده گر حضور و جمعیت بار،

یوز شکر، بو جمع هم بی حضور اېمستور.

ابراھیم تن‌ساقچیمیزدن بېریب یوباریلدی. ایگی نماز اؤرتہ‌سیگه یقین بو مجلس اھلی مست بؤلپب ترقه‌لیشدیلر. بو بېتابلیگیم پیتیده مېنى تخت‌روانده کؤتریب آلیب یوریشردیلر. بیر نېچه کون بورون ارەلشتیریلگن شراب ایچگندیم، فایده قیلمه‌گچ، ایچمى قۇیگندیم. کسلدن ینگى تۈزەلگن کونلرنینگ آخرلریده تالار چمنی نینگ غربى جنوبى طرفیده، آلمه تگیده مجلس توزیب، ارەلشتیریلگن شراب ایچدیم.

آی‌نینگ اؤن ایگینچیسیده، جمعه کونی بجورده کؤمک اوچون قالدیریلگن احمدبیک و سلطان محمد دؤلدای کپلیدیلر.

چارشنبه كوني، آي نينگ اۋن يېتىنچىسىدە، حيدر تقي نينگ باغيدە تىگىرى پېردى بعضى بېك و يىگىتلەرگە ضىياىت بېرەياتىگن اېدى، مېن ھەم اۋشە يېرگە بارىپ، ايچىدىم. كېچىقورون خفتن نمازى وقتى او يېردن توريپ كېلىپ، كىتە آق اويدە ھەم ايچىلدى.

آي نينگ يىگىر مە بېشىنچىسىدە، پىنجىنە كوني ملامحمود حضوريدە فقهە درسىنى اۋقىش بېلگىلدى.

آي نينگ آخريدە، سەشەنبە كوني شاھ شجاع ارغون نينگ آلدىدن ابومسلىم كۆكلىداش اېلچىلىككە كېلدى. بىر تە چاپقىر آتتى تارتىق قىلىپ كېلتىردى. شوكوني يوسف على ركابدەر چنار باغيدە كى حوضدە قولاچ آتېپ يوز مرتە ايلنىپ سوزدى. باش-اياق كىيم، اېگرلنگن آت و پول انعام قىلدىك.

رجب آيى نينگ سىگىزىنچىسىدە، چارشەنبە كوني شاھ حسن بېك نينگ اويىگە بارىپ ايچىدىم. كۆپ گىنە بېكلەر و خاص عملدارلەر اۋشە يېردە اېدىلەر.

آي نينگ اۋن يېرىنچىسىدە، شەنبە كوني ضىياىت بۇلدى. عصر و شام نمازلىرى اۋرتەسىدە كىتە كىبوترخانە تامى اوستىگە چىقىپ ايچىلدى. كېچىراق بىر نېچە آتلىق دېھقانان طرفدن يۇل بۇيىپ شەر تامانگە اۋتېپ كېتە ياتىگندى. سوريشتىرىپ بىلدىك-درويش محمد ساربان اېكن. مىرزاخان نينگ قاشىدن اېلچىلىككە كېلە ياتىگن اېكن، تام اوستىدن چارلەدىك. «قانۇن-قاعىدە بىلن عملدارلەرچە اېلچىلىك قىلىشنى قۇي، تىكلە قىلمىسەن كېلە بېر!» دېدىك. درویش محمد كېلىپ، ساوغە-سلامىنى تارتىق قىلىپ، ضىياىتدە اۋتېردى. اۋشە پىتلىرى تايىپ اېدى، ايچىمىسەن. يىرىم كېچە گېچە شو يېردە ايچىلدى.

اېرتەسىگە مىھمەدە اۋتىرگىمىدە درویش محمد كېلىپ، مىرزاخان يوبارگن تارتىقلىرىنى رىسم و قاعىدەسى بىلن تاپشېردى. اۋتىگن يىلى يوز تشویش و كىتە وعدە و دىغدەلەر بىلن نىرىكى طرفدە كى ايماقلىرىنى كۆچىرىپ، كابل گە آلىپ كېلگن اېدىك. كابل-تار يېر. ايماقلىر و توركلرنىڭ قۇي-پادەلرى يىخشى قىشەلەيدىگن ياكە يايىلەيدىگن يىرلەر اېمىس. صحراىدە يىشەيدىگن اېل نينگ اۋزىگە قۇيىپ بېرسە، كابل دە يىشەشنى ھوس قىلمىسەن. اولەر

قاسم بېككه خدمت قیلیب، نریگی طرفگه اؤتیش اوچون اونى اؤرتگه سالدیلر. قاسم بېك مېنى كؤندیریشگه كؤپ اوریندی. آخری ایماقلرنینگ قوندوز و باغلان تامانلرگه كؤچیشلری اوچون رخصت آلدی.

حافظ زبیر کاتب نینگ اکەسى سمرقنددن كېلگندى. مېن اپندى اونینگ سمرقندگه كېتىشىگه رخصت بېرىپ، فۇلاد سلطانگه دېوانىمنى بېرىپ يوباردىم. دېوان نینگ آرقەسىگە اوشبو كىچىك قطعەنى بېتىدىم:

اول سرونینگ حريميغه گر پېتسەنگ، اې صبا،
بېرگيل بو هجر خستە سىدىن ياد كۈنگليگە.
رحم ايلبان ساغينمەدى بابرنى بار اميد،
سالغەى خدای رحمنى فۇلاد كۈنگليگە.

آى نینگ اۋن يېتىنچىسىدە، جمعه كۈنى شاه مەزىد كۆكلاش محمد زمان میرزا حضوریدن بېچارەلرگە خیر صدقه و بیرتە آتنى تارتیق قیلیب كېلتیریپ، مېنگە خدمت قیلیشینی بیلدیردی. شو كۈنى شاه بېك نینگ اېلچىسى ابو مسلم كۆكلاشگە تۋن كییدیریپ، ساوغە-سلاملر بیلن كېتىشىگە رخصت بېردىك.

خواجە محمد علی بیلن تنگرى بېردىگە هم ولايتلری-خواست و اندرابگە كېتىشلری اوچون شو كۈنى رخصت بۇلدى.

آى نینگ ییگيرمه اوچینچىسىدە، پنجشنبه كۈنى كچه كوت و قارلوق يېرلریدە قالدیریپ، اۋشە ولايتلرنى باشقريشنى ذمەسىگە تاپشیرگن كیشیم محمد علی جنگ-جنگ میرزاي ملوي قارلوق نینگ اۋغلى شاه حسين و هاتینینگ آدمى بیلن بیرگە كېلیشدى. شو كۈنى سمرقندگە كۆچ-كۆرانینی آلیب كېلیش اوچون كېتگن محمد علیخان كېلیپ، خدمتیمگە كیردی.

گردیز چېگرەسىدە اۋتیرگن عبدالرحمن نینگ افغانلری اونچه-مونچهگە كۈنەدیگنلردن اېمىسدى. او بېردن اۋتەدیگن كاروانلر هم اولردن زیان كۆروردی. رجب آیى نینگ ییگيرمه توقیزینچىسىدە، چارشنبە كۈنى بو افغانلرگە هجوم قیلیش اوچون آتلندىك. تنگی و اغجان

اطرافىدە تۇختىب طعمالنىب، پېشىن نمازىدىن كېين يۇلگە توشىدىك. كېچەسى يۇلدىن ادەشىب، پنجاب شىحنەنىنگ شىرقى-جىنوبى تامانىدەگى تېپەلىك و دىشلردە انچە سرگردان بۇلدىك. بىر مدتدن سۇنگ يۇلگە توشىب آلدىك. چىشمەى پرە داوانىدن آشىب، گردىزگە قرەب كېتىگن تامان بىلن بامداد نمازى پىتى تېكىسلىككە چىقىب آلگچ، ھجومچىلر يوبارىلدى. بىر گروە عىسكر گردىزىنىنگ شىرق و جىنوبىدە جايلىشگن كىرماش تاغىگە قرەب جۇنەدى. او ھجومچىلر آرتىدن خسرو مىرزاقولى و سىد على باشچىلىگىدەگى مركز قۇشىننىنگ اۇنگ قۇلىنى يوباردىك. عىسكرلرنىنگ كتە قىسمى وادى بۇلىب يوقارىگە قرەب ھجومگە اۇتدى. بو ھجومچىلرنىنگ آرتىدن سىد قاسم اېشىك آغە، مىرشاھ قۇچىن، قىام، ھندوبېك، قوتلوق قىدم و حسين باشچىلىگىدەگى عىسكرلر يوبارىلدى. اولرنى كوزەتگىدن سۇنگ، اۋزىم ھم بولرنىنگ آرتىدن جۇنەدىم. بو وادى يوقارىسىدە ىشەيدىگن خلق انچە آلىسدە جايلىشگن اېكن. وادىنىنگ يوقارىسىگە قرەب كېتىگن عىسكرلرنىنگ آتلىرى ھارىدى. عىسكرلر قۇلگە ھېچ نرسە كىرىتالمەدىلر. تېكىسلىككە قىرق-اېلىك تەچە پىادە افغان كۇرنىب قالەدى. اولگى قۇشىن آرقەسىدن كېتىگنلر اولرگە قرەب يورىب، مېنگە آدم چاپتىرىدى. مېنە ھم تېزراق يوردىم. مېن يېتىب بارگۇنىمچە حسين ناۋرىن، ھېچ نرسەنى اۋىلەمەى بىر اۋزى آت سالىدى. افغانلرنىنگ آرسىگە كىرىپ قىلىچ سالەياتگن چاغى آتىگە اۋق تېگىب، اونى يىقىتىدىلر. اۋرنىدن تورىشى بىلن آياغىگە قىلىچ اورىب يىقىتەدىلر. ھر طرفدن تىشلىنىب، پىچاق اورىب، چاپىب پارە-پارە قىلەدىلر. قالگن يىگىتلر بونگە قرەب تورىب، كۇمككە بارمەيدىلر.

بو خبر يېتىب كېلگچ، گدايى تىغايى، پايندە محمد قاپلان، ابوالحسن قۇرچى، مۇمن اتكە باشچىلىگىدەگى اىچكىلر و يىگىتلرنى آتلىرىنىنگ جىلورلىنى بۇش قۇيدىرىب زودلىك بىلن اىلگىرراق جۇنەتىب، اۋزىم ھم تېز باردىم. ھەمدەن بورون مۇمن اتكە بىر افغانگە نىزە سىنچىب، باشىنى كېسىپ كېلتىردى. ابوالحسن قۇرچى ھم ساۋوت كىمىسەن جىسارت بىلن بارىب افغانلرنىنگ يۇلىنى تۇسىب، آت سالىب، بىر افغاننى قىلىچ بىلن چاپىب يىقىتىب،

باشینی کپسیب کبلتیردی. اوزی اوچ جاییدن، آتی بیر جاییدن جراحتلنگن ابدی. پاینده محمدقاپلان هم یخشی اوریشدی، بیر افغانی چاپیب، باشینی کبلتیردی. گرچه ابوالحسن بیلن پاینده محمد قاپلان نینگ مردلیکلری بوندن بورون هم معلوم بولسه‌ده، بو اوروشده کتّه جسارت کورستدیلر. بو قیرق-اېلیک ته افغان نینگ همه‌سینی اوققه توتیب، قیلیچ بیلن چاپیب پاره-پاره قیلدیلر. کپین بیر خویدارده تۇختب، بو افغانلر نینگ باشیدن کله‌منار قوریشلرینی بو یوردیک.

یولده کبله یاتگنیمیزده حسین بیلن بیرگه بؤلگن بپکلر کپلیب قۇشیلدیلر. دغدغه و عذاب بیلن شوندهی دېدییم: «شونچه آدم قره‌ب توریب، بیر نېچه پیاده افغانگه تېپ-تېکس بیرده شوندهی ییگیتلرنی آلدیریپ اؤتیریسیزلر. سیزلرنی عنوان-منصب‌لرینگیزدن محروم قیلیب، ولایت و بیرلرینگیزدن اییریپ، سقاللرینگیزنی قیرقیب آلیب، شهرلرده همه‌گه سزایی قیلیش کبره‌ک، تاکه بیرار-بیر آدم بوندهی ییگیتنی بوندهی غنیمگه آلدیریپ اؤتیرسه، تېپ-تېکس جایده قۇلینی قیمرلتمس‌دن تورسه، سزایی بۇلور.»

کیرماش تامانگه بارگن عسکرلر قۇی و اؤلجه آلیب کبلدیلر. بابا قشقه مۇغول هم کیرماش تامانگه کپتگن عسکرلر بیلن ابدی. بابا قشقه‌گه بیر افغان قیلیچ بیلن تشلنه یاتگن محلی او داویوره‌کلیک بیلن تۇختب توریب، کمانینی اوقلب، بو افغانی اوریب ییقیتیدى.

اېرته تانگده یؤلگه توشیب، کابل‌گه قره‌ب کپتدیک. محمد بخشی و عبدالعزیز میر آخۇر و میرخورد بکاوول‌گه چشمه‌ی پره داوانینی ایلنپ، او یپردن قیرغاوول اولشلی اوچون حکم بۇلدى. اوزیم بیر نېچه کیشی بیلن میدان رستم یولی بیلن، اونى کورمه‌گن اېدیم، کپتدیم. میدان رستم تاغلر آرسیده جایلشگن. تاغ نینگ باشیگه یقین، اونچه صفالی جای اېمس. ایکی تاغ نینگ اؤرته‌سیده کهنک‌گینه وادی توشگن. جنوبی طرفیده‌گی تپه‌لیک نینگ اېتگیده کیچیکراق چشمه‌سی بار. کتّه-کتّه بلند نیم درختلری هم بار. بو میدان رستم نینگ گردیز طرفیدن چقیب کبله‌دیگن یولیده چشمه‌لر بار، درختلری هم انچه‌گینه. بولر کیچیکراق درختلر دیر. گرچه وادیسى تار بولسه‌ده، بو یپرده‌گی درختلر نینگ آستی کؤم-کؤک اؤتلاقلر

دير. صفالى گينه اۋتلاق دير. ميدان رستم نىنگ جَنوب طرفيده گى تاققه چىقدىك. كير ماش تاغلرى و بنگش تاغلرى آياغىمىز آستيده كۆرىنىپ تورردى. كير ماش تاغلرىدىن نرىده پشه كال^{۲۰} بولوتلىرى تە-بته كۆرىنىپ تورردى. او ولايتلرده پشه كال بۆلمەيدى، شو باعث او طرفلرده اصلا بولوت كۆرىنمەيدى. پېشىن نامازى پېتى ھونى گە كېلىپ توشدىك. اپر تەسىگە محمد آغە قىشلاغى نىنگ اطرافىدە تۇختب، معجون يېدىك، كېين سووگە بلىقلىرىنى اوخلتەدىگن داروسالېب، انچە گينه بلىق توتدىك.

شعبان آيى نىنگ اوچىنچىسىدە، يىكشنبە كۈنى كابىل گە كېلدىك. آي نىنگ بېشىنچىسىدە، سە شنبە كۈنى درويش محمد فضلې بىلەن خسرو نىنگ نوكرىنى چقىرىپ، حسين قربان بۇلگن پېتى قىلگن خطالىرى اوچون سۇراق قىلىپ، عمل-عنوانلرىدىن محروم قىلدىك. پېشىن نامازى چاغى چنار آستىدە شراب مجلسى بۇلدى. بابا قشقه مۇغول گە تۇن انعام قىلىندى. آي نىنگ سىگىزىنچىسىدە، جمعه كۈنى مىزراخان نىنگ قاشىگە كېتگن كېپىك خان قېتىپ كېلدى.

پنجشنبه كۈنى عصر نامازى پېتى خواجه سەياران، باران و دامن كۈە اپتگىنى سىر قىلىشگە آتلندىم. خفتن نامازى چاغى ماما خاتون موضعيگە كېلىپ توشدىك. اپر تەسىگە استالف گە كېلىپ تۇختەدىك. اۋشە كۈنى معجون يېيىلدى.

شنبه كۈنى استالف دە شراب صحبتى بۇلدى. تانگدە استالف دىن آتلىپ، سىنجد درەسى آرهسى بىلەن اۋتېب، خواجه سەياران نىنگ يقىنىگە يېتگىنىمىزدە، يۇغانلىگى بىلكدېك و اوزونلىگى بىر قوللاچ كېلەدىگن كتە ايلاننى كۆرىپ قالېب، اۋلدىردىك. بو كتە ايلان نىنگ ايچىدىن اينگىچكە راق بىر ايلان چىقدى، احتمال، او بو ايلاننى بىر آز آلدىن يوتىپ يوبارگن دىر، همه اعضالىرى بوتون اېدى. بو اينگىچكە ايلان كتە ايلاندىن اندك قىسقرە راق اېدى. بو اينگىچكە ايلان نىنگ ايچىدىن كتە بىر سىچقان چىقدى، او هم بوتون اېدى. بىرار پىرى

۲۰-پشه كال - هندوستان دە يامغىر موسومى (فصلى).

بۇ يىلمە گەندى. كېلىپ، خواجه سەياران دە شراب ايچىپ اۋتيردىك. اۋشە كۈنى او طرفدە گى بېكلرگە جنگ ميدانىدە قۇشەن قىسملىرى نىنگ جايلىشىشىنى تەيىن قىلىپ، كىچكىنە تون پاسباني آرقەلى فرمان بېردىم، عىسكرلرىنى آلتىتيرىپ، بېلگىلەنگەن يېرگە زودلىك بىلەن يېتىپ كېلىشلىرىنى بويوردىم.

تانگدە يۇلگە توشىپ، معجون يېپ، پروان سوۋى نىنگ قۇشلىش جايىدە پروان سوۋىگە شو يېرلىكلەر تەملى بىلەن بلىق دارۋسى سالىپ، جودە كۇپ بلىق توتىدىك. ميرشەھبەك بىزنى مەھمان قىلدى.

بو يېردەن آلتىپ، گلبھارگە باردىك. شام نمازىدن سۇنگ شراب ايچىپ، صحبت قوردىك. بو صحبتلردە درۋىش محمد ساربان ھەم قەتئە شەردى. گرچە جسور يىگىت و سپاھى بۇلسەدە، شراب ايچمىدى، بو ايشىدن توبە قىلگەندى. قوتلوق خواجه كۇكلداش نىنگ سپاھىلىكنى ترك اېتىپ، درۋىش بۇلگىنىگە انچە وقت بۇلگەندى. ياشى ھەم انچەگە بارگەن، سقالى آباق بۇلىپ آقگەندى. بۈندەى صحبتلردە ھەمىشە شرابخۇر دوستىمىز اېدى. مېن درۋىش محمدگە: «قوتلوق خواجه نىنگ سقالىدن اۋيەلسەنگ-چى! درۋىش و قىرى، آباق سقالى بىلەن ھەر دايم شراب ايچەدى، سېن سپاھى و ياش يىگىت، سقالىنگ ھەم قاپ-قارە بۇلە تورىپ سىرە ايچمەيسەن. بۈنىنگ معناسى نىمە؟» دېدىم. ايچمەيدىگەن كىشىگە شراب تەكلىف قىلىش عادىتىم بۇلمەگەننى اوچون، مېنىنگ بو سۇزلىرىمنى ھەزلىگە يۇيىدىلەر، درۋىش محمدگە شراب تەكلىف اېتىلمەدى. اېرتەلب صېوحى قىلدىك.

چارشەنبە كۈنى گلبھاردەن جۇنۇب، آبۇن قىشلاغىدە تۇختەدىك. طەملىنىپ، كېيىن آلتىپ، باغات خۇمگە كېلىپ توشدىك. پېشىن نمازىدن سۇنگ چاغىر صحبتى بۇلدى. اېرتەسىگە او يېردەن جۇنۇب، خواجه خاوند سەيد مزارىنى طواف قىلىپ كېلىپ، جەنە قۇرغانىدە سالگە كىردىك. پەنجشەر درياسى نىنگ قۇشلىشىدە سال تاغ قايسى نىنگ تورىپ چىققەن جايىگە اورىلىپ غرق بۇلە يازدى. روح دەم، تەنگرىقولى، مير محمد جالبان سال تاققە اورىلگەچ، سوۋگە يىقىلدىلەر. روح دەم بىلەن تەنگرىقولىنى كۇپ قىيىنچىلىكلەر بىلەن سالگە چىقىرىپ آلىشىدى.

چىتتى پىالە، قاشىق، دايرە سووگە چۈكىپ كېتىدى. بو يىردىن اۋتىپ، سىنگ بريدەنىڭ تۇغرىسىگە يېتىگىنىمىزدە، سال سوو اۋرتەسىدە شاخكەمى ياكە بند اوچون قاقىلگن قازىققەمى اورىلدى. شاه حسن شاهبېك اۋشە زھاتى آرقەگە قرەب اغدرىلدى. او مىرزاقولى كۈكلىداشنى اوشلەگندى، او هم يىقىلدى. درویش محمد ساربان هم سووگە قولىدى. مىرزاقولى جودە غلطى يىقىلىپ توشدى. يىقىلەياتگن پىتى قۇلىدەگى قاوون كېسەدىگن يىچاقنى سال اوستىدەگى بۇيرەگە سىنچىشىگە اولگورىپ، كېين يىقىلدى، مىرزاقولى سالگە كېلمەي، دېدلە بۇلگن تۇنى بىلن سوزىپ چىقىدى. سالدىن چىقىپ، اۋشە كۈنى كېچقورون سالچىلرنىڭ اويىدە قالدىك. خودى سووگە چۈكىپ كېتىگن يىتتى رنگلى پىالەدېك پىالەنى درویش محمد تارتىق قىلدى.

جمعه كۈنى دريا قىرغاغىدىن آتلىنىپ، اينىچكەدن پستگە-كۈەبچە اېتكىلىگە توشىپ، اۋز قۇللىرىمىز بىلن جودە كۇپ مسواك تېرىپ آلدىك. او يىردىن اۋتىپ، خواجه خضرىلرنىڭ اويىدە آش يېپ، يۇلگە توشدىك. پېشىن نمازى چاغى قوتلوق خواجهگە تېگىشلى لمغان قىشلاقلىرىدىن بىرىدە تۇختەدىك. قوتلوق خواجه تېزلىك بىلن طعام تيارلەدى. تناول قىلگىچ، يۇلگە توشىپ، كابلگە كېلدىك.

آينىڭ يىگىرمە بېشىنچىسىدە، دوشنبە كۈنى درویش محمد ساربانگە مخصوص تۇن و اېگرلنگن آت عنايت قىلدىك، او تىز چۈكىپ، نوكرلىككە كىردى. تۇرت-بېش آيدىن بويان ساجىمنى قىرغمەياتگن اېدىم، چارشنبە كۈنى، آينىڭ يىگىرمە يېتتىنچىسىدە ساجىمنى قىرقتىردىم. شوكونى شراب صحبتى بۇلدى.

آينىڭ يىگىرمە تۇقىزىنچىسىدە، جمعه كۈنى مىر خورد ھىندالگە بېك آتە بۇلىپ خدمتگە كىردى و مېنگە تعظيم قىلدى. مىنگ شاھر خى ساجىق كىرغىزدى.

رمضان آينىڭ بېشىنچىسىدە، چارشنبە كۈنى تۈلك كۈكلىداش نىڭ قاشىدىن برلاس-جىكى اسملى نوكر اوينىڭ خبرىنى كېلتىردى. او يېرلرگە اۋزبىك چاپقونچىسى كېلگن اېكن، تۈلك اولرنىڭ قرشىسىگە چىقىپ، اوروشىپ باسىيدى. يىتتە تىرىك اۋزبىك و يىتە باش كېلتىردى.

آی نینگ سگیزینچیسیده، شنبه کونی کچقورون قاسم بیک نینگ اوییگه باریب آغیز آچدی. بیرته اېگرلنگن آت تارتیق قیلدی.

یکشنبه کونی خلیفه نینگ اوییده آغیز آچیلدی. بیرته اېگرلنگن آت پشکش قیلدی. اېرتەسیگه خواجه محمد علی و جان ناصرنی لشکر ایشلری بۇيیچه چقیرتیرگن اېدیک، ولايتلريدن بیتیب کېلیشیدی.

آی نینگ اۋن اېکینچیسیده، چارشنبه کونی، کامران نینگ تاغەسی سلطان علی میرزا (مېن خواست دن کابل گه کېتە ياتگن يیلى کاشغرگه کېتگن اېدی- او حقده ذکر اېتگندیک) کېلدى.

آی نینگ اۋن اوچینچیسیده، پنجشنبه کونی یوسف علی نی قیتیش و عموماً، آرەدن کۈتریش نیتیده آلتاین، دہ یعقوب دریاسی نینگ کابل طرفیده گی سیهون پېرده تۇختە دیک. جۇنر چاغیمیز باباخان اختە چی مېنگە یرە مسراق آتنی توتدی، اچيغیمدن یوزیگه بیر مشت اوردیم. تۈرتینچی بر ماغیم توییدن سیندی. اۋشە پیتی اونچه آغریمە دی. کېلیب قۇنیمجايدە تۇختە گنیمیزدە انچه تشویش بېردی. اوزاق وقت عذاب تارتدیم. یازە آلمسديم، سینگن جای کېنچە لیک بیتیب کېتدی. شو سفر تۇختە گن قۇنیمجايدە اېکنیمیزدە مېنینگ خالەم دولت سلطان خانم نینگ قوتلوق محمد دېگن کۈگلداسی کاشغردن، خانم حضوریدن خط- خبر کېلتیردی. شو کونی دلزاک نینگ اولوغلری بابو خان و موسی کېلیب، تارتیقلر بیلن مېنگە التفات کۈرستیدلر.

آی نینگ اۋن آلتینچیسیده، یکشنبه کونی قۇچ بېک کېلدى.

آی نینگ توقیزینچیسیده، چارشنبه کونی یۈلگە توشیب، بتخاک دن اۋتیب، هر دایمگی جایده، انه شو بتخاک نهری نینگ یاقەسیده تۇختە دیک. بامیان، کاهمرد و غوری قۇچ بېککە تعلقلی ولايتلر اۋزبککە یقین پېردە جایلشگنلیگی باعث قۇچ بېکنی بو یوریشدن آزاد قیلیب، اوشبو قۇنیمجايدن اۋزیم اۋرە گن سلّه و باش-آیاق سروپا انعام قیلیب، ولايتیگه کېتیشی اوچون رخصت بېریلدى.

آی نینگ ییگیرمه بیرینچیسیده، جمعه کونی بادام چشمه گه کېلیب توشدیک. اېرتەسی

باریک آب گە كېلدىك. بىر اۋزىم قارەتونى سىر قىلىپ كېلدىم. اوشبو يورتنى درختدن عسل تاپىلدى. منزلە-منزل آلدىنگە قرەب يوردىك.

آى نىنگ يىگىرمە آلتىنچىسىدە، چارشنبە كۈنى باغ وفاگە كېلىپ تۇختەدىك. پنجشنبه كۈنى فقط باغدە بۇلدىم. جمعه كۈنى كۈچىپ، سلطانپوردن اۋتىپ تۇختەدىك. شو كۈنى شاه مىر حسين اۋز ولايتىدن كېلدى. بابوخان و موسى باشچىلىگىدە دلزاك نىنگ عملدارلىرى هم شو كۈنى كېلىشىدى. سوادگە يوسفزاينى بىر باقلىك قىلىش اوچون جۇنەياتگن اېدىك، دلزاك ملكلىرى، هشتغردە خلق كۇپ، دان-دون هم كۇپ تاپىلەدى، دېپە عرض قىلىپ بىزنى هشتغردە بارىشگە اوندە دىلر. مصلحت قىلىپ، هشتغردە دان-دون كۇپ اېكن، او يېردەگى افغانلرنى باسىپ، هشتغردە و پرشاور قۇرغانلرنى بو دان-دون ذخيره لىرنى جايلىشتىرىش اوچون تيارلر، شاه مىر حسيننى بىر گروه يىگىتلىرى بىلن اۋشە يېرگە قۇيىشنى كېلىشىپ آلدىك. بو ايشلرنى بجرىش اوچون شاه مىر حسينگە ولايتىگە بارىپ، قورال-يراغىنى كېلتىرىشى اوچون اۋن بېش كۈن مدتگە رخصت بېرىلدى. اېرتەسى يۇلگە توشىپ، جۇى شاهی گە كېلىپ تۇختەدىك. تىگرى پېردى، سلطان محمد دۇلداى آرتىمىزدن شو قۇنىمجاىگە كېلدىلر. حمزه هم قوندوزدن شو كۈنى كېلدى.

آى نىنگ آخىرىدە، يىكشنبه كۈنى جۇى شاهی دن كۈچىپ، قىرق اريققە كېلىپ توشدىك. مېن بىر نېچە خاص كىشىلرىم بىلن سالگە توشدىم. ھىيت ھاللىنى شو جايدە اېكنىمىزدە كۆردىك. درەى نوردن بىر نېچە اولادە شراب كېلتىرگندىلر، شام نمازىدن كېين شراب ايچىپ ضيافت قىلدىك. مجلسدە محب على قۇرچى، خواجه محمد على كتابدار، شاه حسن، شاه بېك، سلطان محمد دۇلداى، درويش محمد ساربان اشتراك اېتردىلر. درويش محمد تايپ اېدى. كىچىكلىگىمىدن ايچمەيدىگن آدمگە ايچىشنى تكليف قىلمسلىك عادتىم بار اېدى. هر دايم صحتلردە درويش محمد قتنە شردى، بىراق اونى ايچىشگە ھېچ قچان مجبور قىلگن اېمىسدىك. خواجه محمدعلى اونى اۋز اختيارىگە قۇيمەى، تكليف قىلەوېرىپ، آخرى ايچىردى.

هییت تانگیده، دوشنبه کونی یؤلگه توشدیک. یؤلده خمارنی دفع قیلیش اوچون معجون
یېدیک. معجون یېب کیف بؤلگن چاغیمیز بیرته حنظل^{۲۱} آلیب کېلیدی. درویش محمد
حنظلنی اؤللری کورگن اېمسدی. مېن اونگه هندوستان نینگ تربوزی دېب، بیر کرچ کېسیب
بېردیم. بېریلیب تیشله‌دی، کېچگچه آغزیدن اچیقی کېتمه‌دی. گرم چشمه‌نینگ تېپه‌سی‌ده
تۇختب، یخنی تارتیله‌یاتگن پیتی انچه‌دن بویان اؤز یېرىده بؤلگن لنگرخان کېلیب آت و
انچه‌گینه معجون تارتیق قیلیب، التفات کورستدی. بیزینه یوردیک و بده‌ییرگه کېلیب
تۇخته‌دیک. عصرنامازی پیتی بیر نېچه خاص کیشیلریم ییلن سالگه توشیب، بیر کوروچه
پستگه سوزیب باریب، یینه قېتیپ چیقیدیک. اېرتە‌سی جۇنب، خیر داوانی توبیده
تۇخته‌دیک. شو کونی سلطان بایزید نیلاب‌دن پاره یولی ییلن اؤتیب، بیز نینگ خبریمیزنی
تاپیب، آرتیمیزدن کېلیب: «افریدی افغان کۆچ و مالی ییلن پاره‌ده اؤتیرییدی. شالیسی جوده
کۆپ اېکیلگن اېکن، پیشیب همه‌سی ییغلمس‌دن توریدی»، دېگن خبرنی ایتدی.
هشتنغرده‌گی یوسفزایی افغانلری اوستیگه باریشگه عهد قیلگنیمیز باعث اونینگ سؤزلریگه
اعتبار قیلیمه‌دیک. پیشین نمازی چاغی خواجه محمد علی نینگ چادریده شراب مجلسی
بۆلدى. شو مجلس نینگ اؤزیده بو بېرلرگه کېلیشیمیز کیفیتینی شرحلب، بجورگه-سلطان
کلانگه سلطان تیراهی‌دن بېریب یوباردیک. فرمان حاشیه‌سیگه منه بو بیتنی بیتگندیم:

صبا به لطف بگو آن غزال رعنارا،

که سر به کوه و بیابان تو داده‌ای مارا.

(مضمونی:

ای تانگ یېلی، او گۆزل آهۆگه یومشاقلیک بیلن ایت‌که، بیزنی تاغ و صحرالرگه
اولاقتیرگن سېنس).

تانگده او یېردن کۆچیب، داواندن پستگه توشیب، خیر تاغی آرەلیغیده‌گی تار یؤلردن

۲۱-حنظل-طباطبده ایشله‌تيله‌دیگن اچیق تربوز.

اۋتېب، على مسجىدە تۇختەدىك. او يېردن پېشىن نمازى پىتى آتلىب، پرتالنى آرقەدە قالدېرىپ، اېگىنچى پاس بۇلگىنىدە كابل سوۋىنىڭ قىرغاقىگە كېلىپ بىر آز اوخلەدىك. سحرده كېچىك تاپىپ، سوۋدن كېچىپ اۋتدىك. پاسبانلر بىزنىڭ كېلەياتگىلىگىمىزدن خىرتاپىڭن افغانلر نىڭ قاچىپ كېتىگىلىكلرى حقىدە خىر كېلتىردىلر. ىنە يورىپ، سواد درياسىدن اۋتېب، افغانلر اېكىنزارلرى نىڭ اۋرتەسىدە تۇختەدىك. بىزگە تەرىف قىلىپ ايتگىنلرى نىڭ ىر مىچە، حتا چارەگىچە ھم دان تاپىلمەدى. ھىشتىغرنى منە شو غلە امىدى بىلن تىرىگە سالىش رېجەسى اۋزگىردى. بىزنى بو يورىشگە اوندەگن دلزاك ملكلرى خىجالتدە قالدىلر. عصر نمازى وقتىدە سواد درياسىدن كابل طرفگە كېچىپ اۋتېب، جايلىشىدىك.

اېرتەسى تانگدە سواد درياسى قىرغاقىدن جۇنپ، كابل درياسىدن كېچىپ اۋتېب، تۇختەدىك. كېنگىشگە قىتتەشەدىگن بېكلرنى چارلب، مصلحتلىشىپ، سلطان بايزىد ايتگن افرىدى افغانى اوستىگە ھجوم قىلىپ، اونىڭ مالى، دان-دونى، كۈچى (رۇزغار اشىالرى) بىلن پىشاۋر قۇرغانىنى تىرىگە كېلتىرىپ، او يېرگە قۇيەمىز، دېگن قارارگە كېلىدىك. ھىندوبېك قوچىن و خواست نىڭ امىرزادەلرى شو مىنزلدە اېكىمىزدە كېلىدىلر.

شو كۈنى معجون يېيىلدى. درۋىش محمد ساربان، محمدى كۇگلداس، گدايى تغايى، عىس بار اېدى. سۇنگرە شىخ حسننى ھم چقىرتىردىك. طعام تارتىلگىنىدن سۇنگ، عصر نمازى پىتى سالگە كىردىك. لىگرخان نىازىنى ھم سالگە تكلىف قىلدىك. نمازشام پىتى سالدن چىقىپ، قارارگەگە كېلىدىك. قبول قىلگن قارارىمىز بۇيىچە دريا قىرغاقىدن سحر كۈچىپ، جامدن اۋتېب، على مسجىد سوۋىنىڭ باشلىنىش جايىدە تۇختەدىك.

آرتىمىزدن كېلگن ابوالھاشم سلطان على: «عرفە كېچەسى جۈى شاھى دن بدخشان دن كېلەياتگن بىر كىشى بىلن جىمروددن اۋتگن اېدىم، او سلطان سعیدخان بدخشان اوستىگە كېلگىنى انىق اېكىنلىگىنى ايتدى. مېن پادشاھگە خىر قىلىش اوچون كېلماقەدەن»، دېدى. بېكلرنى چارلب، كېنگىش قىلىپ، بو خىر طفىلى پىشاۋر قۇرغانىنى تىرىگە سالىش ايشىنى تۇختەتېپ، بدخشانگە جۇنش اوچون آرقەگە قىتىلدى. لىگرخانگە تۇن كىيىدىرىپ،

محمد علی جنگ-جنگگه کؤمکچیلر تعینلنلر، رخصت بیریلدی. اوشه کونی کپچقورون خواجه محمد علی نینگ چادریده چاغیر مجلسی بۇلدى. ابرته بیلن او یپردن جۇنب، خیر داوانیدن آشیب، داوان توبیگه جایلشدیک. خضر خیل ابلتی کۇپ ناجایز ایشلر کۇرستدی. قۇشین اۋته یاتکنیده آرتده قالگن، قیرغاقتە تۇختەگن عسکرلرگه اۋقلر آتیب، آتلیرنی اۋغیرلر کپتردیلر. اولر نینگ ادینی بیریب، قولاغینی بوره ب قۇیش کپرهککه اۋخشب قالدی. شو اۋی بیلن داوان توبیدن سحرده جۇنب، ده‌غلامانده توشلندیک. پشین نمازی پیتی آتلیرگه ییم بیریب، یۈلگه توشدیک.

کابلده گی خضر خیل ابلتینی قۇلگه آلیب، مال-ملکینی حسابلر چیقیب، بو حقدە بیرار کیشیدن خبر جۇنەتیشینی تعینلر محمد حسین قۇرچی نی کابل گه شاشیلینچ جۇنتدیک. ینە بدخشاندن هر قندهی خبر بۇلسه، اولر نی به تفصیل شرحلر بیتیب، بیرار کیشیدن زودلیک بیلن یو باریشینی هم تعینلهدیک. اۋشه کپچه ایگینچی پاسگچه یوریب، سلطانپوردن بیر آزگینه اۋتیب تۇختهدیک، بیر لحظه اوخلر، ینە آتلندیک. خضر خیل قومی بهار و پیچگرامدن قاره دریاگچه بۇلگن حدودلرده جایلشگن اېکن. تانگ آتهی دېب قالگنیده کپلیب هجوم باشلهدیک. کۇپ گینه مالی و باله-چقه‌لری عسکرلر قۇلیگه توشدی. اۋزلری نینگ آزگینه‌سی تاققه یقینلشگنده، تاققه قره ب قاچیب قوتولدی.

ابرته‌سی قیلاغوگه کپلیب توشیلدی. شو یورتده قیرغاوول اوشلهدیک. آرتده قالگن اوروق هم اۋشه کونی شو قۇنیمجایده اېکنیمیزده کپلیب قۇشیلدی. وزیري افغان هر دایم یخشی مال بېرمسدى. بو سفر سیاستیمیزدن کپن اوچ یوزته قۇی تارتیق قیلدی.

برماغیم چیققلیگی باعث هېچ نیمه یازمه یاتگن اېدیم، اوشبو یورتده یکشنبه کونی-آی نینگ اۋن تۇرتیده آزارق بیر نرسه یازدیم.

ابرته‌سی تانگده خیریلجی و شموخیل باشلیق افغانلر نینگ اولوغلری کپلیدیلر. دلزاک نینگ کتەلری آدملىرى نینگ گناهلریدن کپچیشیمیزنی اۋتینیب سۇره‌دیلر. گناهلریدن اۋتیب، اسیرلرنی آزاد قیلدیم. تارتیق قیلگن ماللری تۇرت مینگ قۇی اېکنلیگینی انیقلر،

اولوغلىرىگە تۇنلر كىيىدىرىپ، سالىق اوندىرووچىلارنى تەيىنلەپ، جۇنتىدىم. بو ايشلارنى تىرتىپكە سالگىچ، آى نىنگ اۋن سگىزىنچىسىدە، پنچىشنبە كۈنى يۇلگە توشىپ، بهار و پىچگرامدە تۇختەپ، اپرەتەسىگە باغ وفاگە كېلدىم. باغ وفا دە اپنگ يىخشى محللر اپدى. حويلى ميدانى بوتكل سەبرگەزار، انار درختلىرى سىپ-سرىق -خوشرنىگ خزان بۇلىدى. انارلر درختلردە قىپ-قىزىل، نارنج درختلىرى يىم-پىشل بۇلىپ يىشەپ تورردى. درختلردەگى نارنجلارنىنگ سىناغى يۇق، بىراق ھلى آخىرگىچە سىرغەيگەن اپمسدى. انارلرى گرچە بىزنىنگ اۋلەكەلردەگى يىخشى انارلردەپك بولمىسەدە، يىخشى اپدى. باغ وفا دە شو سفر و قىتمىزنى ھىر گلگىدن چاغراق اۋتكىزدىك. شو باغدە اۋتكىزگەن اوچ-تۇرت كۈن اپچىدە بوتون عىسكرلر تۇيىپ انار پىدىلر.

دوشنبە كۈنى باغدىن قۇزغەلدىك. مېن او پىردە بىرىنچى پەرەگچە قالىپ، بىزىلەرگە نارنج تىرەتتىم. بىزنى بېكلەرگە بىر توپ نارنج، بىزنى بېكلرنىنگ ايكىتەسىگە بىر نارنج توپىدەگى مېوەلرنى انعام اپتدىك. قىشەدە لمغان گە سىر قىلىش نىتىمىز بار اپدى. حۈزنىنگ اطرافىدەگى يىگىرمە گە يىقەن نارنج درختىنى احتىاط قىلىپ سىقلىپ قۇيىشلىرىنى بو يوردىم. شو كۈنى گەندەكە تۇختەپ، اپرەتەسى تانگەدە جىگەلەككە يېتىپ كېلدىك. شام نمازىگە يىقەن شراب ضىيافتى بۇلدى، انچەگىنە خاس عملدارلرىم قىتەشە ياتگەن اپدى. ضىيافت آخىرلپ قالگەندە قاسمىپك نىنگ جىيىنى گدايى محمد مستىلكدن انچە غلۈە كۈتتى. مست بۇلىپ مېن سۈيەنگەن ياستىققە سۈيەنىپ قالدى. گدايى تىغايى اونى مجلسدن كۈتتىپ آلىپ چىقىپ كېتتى.

اپرەتە سىحرەدە او قۇنىمجايدىن جۇنەپ كېتتىك. قۇرۇقساى يانىدەگى بارىك آب بۇلىپ يوقارىگە قىرەپ سىر قىلىپ باردىم. بىر نېچە تېرەك درختلىرى جودە زۇر خزان بۇلىدى. اۋشە پىردە تۇختەپ، يىلقىران آشىنى^{۲۲} تارتتىردىك. خزان باعث بۇلدى، شراب اپچىدىك. يۇلدىن قۇي

۲۲- يىلقىران آشى- وبا، اۋلت يىللىرىدە قىلىنەدىگەن خىدايى آش، خىرات و نذر آشى.

كېلتىرىپ، كىباب قىلىشلىرىنى بويوردىم. بلوت شاخلىرىدىن اۋت ياقىپ، تاماشا قىلىپ اۋتيردىك. مېنىڭ كېلەياتكىنىمنى اېشىتكن ملاعبدالملك دېوانە بو خبرنى كابل گە يېتكىزىشىنى يالوارىپ سۇردى. كابل گە ملاعبدالملكنى جۇنتىدىك. حسن نىرە مىرزاخان حضورىدىن مېنىڭ ياردىمىگە كۆز تۇتىپ كېلگن اېكن. بو يېرگە كېلىپ التقات كۇرستىدى. كون قىامدىن آشگونىچە شو بېردە ايچىلدى. سۇنگرە يۇلگە آتلىنىلدى. مجلس اهلى آبدان مست بۇلگندى. سىد قاسم شوقدر مست بۇلگن اېدى كە، ايگى نوكرى كۇپ تشويشلىر بىلن آت اوستىگە سالىپ لشكرگاھگە آلىپ باردىلر. دوست محمد باقر شوندى مست بۇلگن اېدى كە، امين محمد ترخان و مستى چوهرە باشچىلىگىدە گىلر هر قنچە اورىنسەلر هم اونى آتگە مېندىرالمىدىلر. باشىدىن سوو قويسەلر هم فايدهسى بۇلمىدى. شو پىت بىر تۇدە افغان پىدا بۇلەدى. امين محمد ترخان شرابدىن كىفى آشىپ دوست محمدنى شوندى احوالده دشمنگە قالدىرىپ كېتكندن كۆرە، باشىنى كېسىپ آلىپ كېتگىمىز يىخى، دېگن خيالگە بارەدى. اونى يوز مشقت بىلن آت اوستىدە آلىپ كېلەدىلر.

يىم كېچەدە كابل گە يېتىپ كېلدىك. اېرتەلب محكمەگە كاشغرگە سلطان سعیدخان قاشىگە اېلچىلىككە يوبارىلگن قولىپىك كېلىپ، التقات كۇرستىدى. بېشكە مىرزاىي ايتىرچىنى قولىپىككە قۇشىپ اېلچىلىككە يوبارگن اېدىك، او يېرلرنىڭ متاعلىرىدىن بىر لىختك^{۲۳} ساوغە كېلتىردى.

ذوالقعدە آيى نىڭ اولىدە، چارشنبە كۈنى قابل نىڭ قبرى باشىگە يالغىز اۋزىم بارىپ، صوبحي قىلدىم. كېيىن مجلس اهلى بىرىن-كېيىن كېلدىلر. كون يايىلە باشلەگندە باغ بنفشەگە بارىپ، حوض بۇيىدە ايچىلدى. توشگە يقىن اوخلب، پېشىن نامازى چاغى يەنە ايچىلدى. منە شو پېشىن نامازى پىتىدەگى صحبتدە اولگى صحبتلردە سىرە شراب بېرىلمەگنلر- تنگريقولى بېك بىلن مېھدىگە شراب بېردىم. خفتن نامازى پىتى حمامگە كېلدىم. اوشە كېچە حمامدە اېدىم.

۲۳- لىختك- بۇلك متاع، توار.

پنجشنبه كۈنى يىحىي نوحانى باشچىلىقىدا گى ھندوستان سوداگرلىرىگە تۇنلر انعام اپتېب، رخصت بېرىلدى.

آي نىنگ تۇرتىنچىسىدە، شنبە كۈنى كاشغردن كېلگن بېشكە مىرزاگە تۇن كىيىدىرىپ، ساوغەلر بېرىپ، كېتىشى اوچون رخصت بېرىلدى.

يکشنبە كۈنى دروازەنىڭ يوقارى طرفىدە جايلىشكن كىچىك صورتخانىدە صەبىت بۇلدى. تارگىنە حجرە بۇلگىلىگى باعث مجلس اهللى اۋن آلتى كىشى اېدى.

دوشنبە كۈنى استالفگە خزان سىرىگە بارىلدى. شو كۈنى معجون يېگن اېدىك. اۋشە كېچە قىتق يامغىر ياغدى. مېن بىلن بىرگە كېلگن بېكلر و خاص عملدارلر يىم نىنگ كۈپچىلىگى مېنىڭ باغ كلان ايچىدە تىكىلىگن چادىمگە كىردىلر. اېرتەسىگە شو باغده چاغىر مجلسى بۇلدى. كېچىگچە ايچىلدى. اېرتەسى تانگدە صبحى قىلدىك. مست بۇلىپ اوخلب قالىپ، پېشىن نمازى پىتى استالفدن جۇنپ كېتىپ، يۇلدە معجون يېدىك. عصر نمازىگە يقىن بهزادىگە يېتىپ كېلدىك. خزان جودە كۇپ توشىگىدى. خزان سىرى چاغىدە شرابگە مىلى بۇلگن ھىراھلر، معجون بېيلىگىگە قرەمەى، شراب صەبىتى قىلىشگە تېزلەدىلر. تۇكىلگن خزانلر شو قۇدر گۈزەل اېدى كە، سرغەيگن درختلر آستىگە اۋتۇرىپ شراب ايچدىك. خفتن نمازى پىتىگچە اۋشە بېرىنىڭ اۋزىدە خورسند چىلىك قىلدىك. خلىفەنىڭ خىدمەتچىسى ملا محمود كېلدى. اۋنى ھىم ضىافتگە چارلەدىك. عبداللە قىتق مست اېدى، خلىفە حقىدە سۇز كېتىگندە، ملا محمودنىڭ شو پېردە اېكنلىگىدن غافل حالده، مەنە بو مصرەنى اۋقىدى:

بر هر كه بنگرى، به همين داغ مبتلاست.

(مضمونى: كىمگە قرەسنگ، شو دردگە مبتلا دىر.)

ملا محمود مست اېمىس اېدى. ھزل يۇسىنىدە بو مصرەنى اۋقىگىنى اوچون عبداللەگە اعتراض بىلدىردى. عبداللە گپ نىمەدەلىگىنى سېزىپ قالىپ، قىين احوالگە توشدى، كۇپ شىرىن گپ-سۇزلر قىلدى.

پنجشنبه کونی خزانلرنی سیر قیلیب، کپچقورون شام نمازی وقتیده چارباققه کبلیب توشدیم.

آی نینگ اۋن آلتینچیسیده، جمعه کونی باغ بنفشه‌ده معجون پیب، بیر نپچه خاص کیشیلریم بیلن کپمه‌گه کیردیک. کپنراق همایون بیلن کامران هم کبلدی. همایون بیر اۋردکنی یخشی آتدی.

آی نینگ اۋن سگیزینچیسیده، شنبه کونی چارباغدن تون یرمیده یۈلگه توشدیم، پاسبان و آتباقلرنی آرتگه قیتیریب یوباردیم. ملابابانینگ کۈپرینگیدن اۋتیب، دپورین دره‌سی بیلن کۈتریلیب، قوش نادر و بازارلرنینگ کاریزی^۴ یانیدن اۋتیب، خرسخانه (اییق اویسی) نینگ آرقه‌سیدن ایلنپ باریب، اپرته‌لب بامداد نمازی پیتی توردی بپک خاکسارنینگ کاریزیگه بیتدیم. توردی بپک کپلگنیمدن خبر تاپیب، هیجان بیلن آلدیمگه یوگوریب چیقادی. توردی بپک نینگ محتاجلیکده یشه‌شی معلوم ابدی. کپله یاتیب اوزیم بیلن یوز شاه‌رخي آلگن ابدیم. توردی بپککه بېریب: «شراب و کپره‌کلی نرسه‌لرنی تیار قیلگین که، خالی قالیب، تېلبه‌لرچه شراب ایچیش ایستگیم بار»- دېدیم. توردی بپک شراب اوچون بهزادی تامانگه کپتدی. آتیمنی توردی بپک نینگ قوللریدن بیرى نینگ قۈلیگه بېردیم. اۋزیم کاریز آرقه‌سیده‌گی بیر تېپه‌لیککه جایلشدیم. بیر پس اۋتگن ابدی هم که، توردی بپک بیر کۈزه شراب کپلتیردی. ایگاۋلشیب ایچیشگه کیریشدیک. توردی بپک شراب آلیب کپله یاتگنیده محمد قاسم برلاس و شاهزاده بیلیب قالیدیلر. مېنینگ بو پېرده اپکنیمدن خبرسيز، توردی بپک نینگ آرتیدن ییاو کپله وېریشیدى. اولرنی صحبتگه تکلیف قیلدیک. توردی بپک: «هله اېنه‌گه نینگ سیز بیلن شراب ایچیش ارمانی بار»،- دېب قالدی. مېن: «مېن هم خاتین کیشی نینگ ایچگینینی کۈرگن اېمسمن، صحبتگه چقیرینگ»،- دېدیم. شاهى دېگن قلندر بیلن ینه کاریزده ایشلەیدیگن بیر ربابچینی هم صحبتگه چارلەدیک. شام نماز وقتيگچه

كاريز آرقه سیده گى تېپه ليكده اۋتيريپ ايچيلدى. اوندىن كېين توردى بېك نينگ اويىگه كېلىپ، شمع ياروغىده خفتن نمازى وقتىگچە ايچىدىم. هېچ مبالغه سىز، جوده عجايب صحبت بۇلدى. مېن ياتىدىم. مجلس اهلى ينه بير اويىگه باريپ، تون يرمىگچە ايچىدىلر. ھلھل اېنەگە كېلىپ، مېنگە كۇپ شلايىنلىكلر قىلدى. آخرى اۋزىمنى مستليكه ساليپ اوندىن قوتولدىم. خيالىمدە آدملىرى غفلتدە قالديريپ، يالغىز اۋزىم اۋگە مينيپ، استرغىچگە بارەمن، دېگن اۋى بار اېدى. آدملىر بىلىپ قالگچ، بونگە اېرىشالمەدىم.

آخرى، تون يرمىدە آتلندىم. توردى بېك بىلن شاهزادەگە خبر قىلىپ، اوچلەمىز آتلرگە مينيپ، استرغىچگە قرەب كېتىدىك. بامداد نمازى پىتى استالف نينگ آستيدە جايلىشگن خواجه حسن موضعيگە يېتىپ باردىك. بير مدت تۇختب، معجون يىپ، خزان سىرى قىلدىك. آفتاب چىققىدە استالف باغىگە توشىپ، اوزوم يىپ، آلتىپ، استرغىچگە تېگىشلى يېرلردن خواجه شهابدە تۇختب، اوخلەدىك. آغە مير آخۇرنىنگ اويى شو اطرافدە اېكن. اويغانگونىمىزچە آش پيشىرىپ، بير كۈزە شراب حاضربل قۇيىدى. كوز جوده يىخشى كېلگندى. بير نېچە پىالە شراب ايچىپ، يۇلگە توشدىك. پيشىن نمازى وقتيدە استرغىچدە بير يىخشى خزانباغدە تۇختب، صحبت قوردىك. بير لحظه دن سۇنگ خواجه محمد امين كېلدى. خفتن نمازى وقتىگچە ايچىلدى. اوشە كونى و كېچقورون كابل دن عبدالله عسس، نوربېك، يوسف على كېلدىلر. اېرتەلب آش يىپ، آتلرگە مينيپ، استرغىچ پستيدەگى پادشاهى باغنى سىر قىلدىك. بير آلمە درختى يىخشى خزان بۇلگندى، هر بير شاخيدە پېش-آلتى برگ قطارلىشپ فالگندى، اگر رساملىر قنچە حركت قىلىپ چىزسەلر هم، بوندى چىزالمىدىلر. استرغىچدن جۇنب، خواجه حسن دە آش يىپ، شام نمازى وقتيدە بهزادىگە كېلىپ خواجه محمد امين نينگ امام محمد اسملى نوكرى نينگ اويىدە شراب ايچىلدى. اېرتەسى، چارشنبە كونى كابل چارباغىگە كېلدىك.

آي نينگ يىگىرمە اوچىنچىسىدە، پنجشنبه كونى كۈچىپ، قلەگە كىردىك. جمعه كونى

محمد علی حیدر رکابدار^{۲۵} بیر لاجین توتیب کبلیب، تارتیق قیلدی.

آی نینگ ییگیرمه بېشینچیسیده، شنبه کونی چنار باغیده ضیافت بۇلدى. خفتن نمازی پیتی او یپردن جۇنه‌دیک. سید قاسم اۇتکن بیر ایشدن اویه‌لیب یورردی. قیتیشده اونینگ اوییده تۇختب، بیر نېچه قدح ایچیلدی.

ذوالحجه آبی نینگ اولیده، پنجشنبه کونی قندهاردن تاج‌الدین محمود کبلیب، التفات کورستدی.

آی نینگ اون توقیزینچیسیده، دوشنبه کونی محمد علی جنگ-جنگ نیلابدن کبلیدی.

سه‌شنبه کونی سنگرخان جنجوهه بېهره‌دن کبلیب، التفات کورستدی.

آی نینگ ییگیرمه اوچینچیسیده، جمعه کونی علیشېربېک نینگ تۇرت دېوانیدن بحرلر، وزنلر ترتیبی ییلن غزل و بیتلرینی سېلب آلە یاتکن اېدیم، یکونیکه یپتدی.

آی نینگ ییگیرمه یېتینچیسیده، سه‌شنبه کونی ارکده ضیافت بۇلدى. بو صحبتده، کیم‌که صحبتدن مست بۇلیب چیقسه، بوندن کبېن او کیشینی صحبتگه چارله‌میمیز، دېگن فرمان بولدی.

ذوالحجه آبی نینگ آخیریده، جمعه کونی لمغاننی سیر اېتیش نیتیده یۇلگه توشدیک.

۲۵- رکابدار- اوزه‌نگینی اوشلب پادشاهنی آتگه میندیرووچی و آت یانیده بارووچی.

تۇقىز يوز يىگىرمە ئالتىنچى (۱۵۲۰-۱۵۱۹) يىل واقعه لرى

محرم آيى نىنگ اوليده، شنبه كونى خواجه سه يارانگه كېلدىك. تېپەلىككە يىنگى اريق چىقىرىلگن اېدى، اونىنگ ياقەسىدە شراب مجلسى بۇلدى. اېرتەلب آتلىنىپ، رېگروانى سىر قىلىپ، سىدقاسم بېلىي نىنگ اويىگە توشىپ صحبت قوردىك. تانگە او پېردن آتلىنىپ، معجون يېپ، بىلگىرگە بارىپ توشدىك. كېچقورون ايچىلەدىگن بۇلسە ھم اېرتەلب خمارباسدى قىلدىك. پېشىن نمازى وقتىگە دۇرنامەگە بارىپ، توشدىك. ايچكىلىك بزمى بۇلدى، اېرتەلب خمارباسدى قىلدىك. دۇرنامەنىنگ كتەسى حقداد اوز باغىنى تارتىق قىلدى.

پنجشنبه كونى آتلىنىپ، نىجراودە تاجىكلر قىشلاغىدە تۇختەدىك.

جمعه كونى چهل كلبه بىلن باران درياسى اۋرتەسىدە آو قىلدىك، جودە كۇپ كىيك آولەدىك. قۇلىم عذابدە بۇلگىنلىگى باعث اۋق آتمەياتگن اېدىم. بىر يىخسى تارتىلەدىگن ياي بىلن بىر كىيك نىنگ قۇلتىغىدن آندىم. اۋق پرخانەسى نىنگ ىرمىگچە كىردى. عصر نمازى پېتى آودن قىتىپ، نىجراوگە كېلدىك. اېرتەسى تانگە نىجراو اېلى بېرەدىگن تارتىق آلتىمىش آلتىن قىلىپ بېلگىلەندى.

دوشنبه كونى لمغاننى سىر اېتىش نىتىدە يۇلگە چىقىدىك. بو سىردە ھمايون ھم بىز بىلن بىرگە بۇلەدى، دېگن خيالەدە اېدىم. بىراق اوقالىش اىستىگىنى بىلدىردى، كورە داوانىدە اونگە رخصت بېردىك. اۋزىمىز كېلىپ بىدراودە توشدىك. او پېردن جۇنپ اۋغبودە تۇختەدىك. باران درياسىدە بلىقچىلر انچە بلىق توتدىلر. عصر نماز پېتى سالگە جايلىشىپ آلىپ،

ايچىدىك. شام نمازىدىن سۇنگ سالدن چىقىپ، آق اويدە ھەم ايچىدىك. حيدرعلمدارنى دېۋرىن كافىرلىرى آلدىگە يوبارگندىك. بادىچىنىڭ تويىدە كافىرلارنىڭ كۆتەلىرى بىر نېچە مېشە شىراب كېلىتىپ، التىفات كۆرسىتىلەر. داۋاندن توشگىنىمىزدە خددن تشقىرى كۆپ چىگىرتكە كۆردىك. ېرتەلب سالگە توشىپ، معجون يېپ، بۇلداندىن پستراقىدە سوۋدىن چىقىپ، قاراگەگە كېلىدىك. سالىمىز ايگىتە ېدى.

جمعه كۈنى يۇلگە توشىپ، مىندىراۋردىن پستراقىدەگى تاغ ېتگىگە جايلىشىدىك. كېچىقۋرون ايچىكىلىك بزمى بۇلدى.

شەنبە كۈنى سالگە توشىپ، درۋىتە درەسىدىن ۋىتىپ، جەھاننىمادىن يوقارىراقىدە سالدن چىقىدىك. آدىنەپۇر آلدەگى باغ ۋىگە باردىك. نىنگىنھار تومنى نىنگىن ھاكىمى قىيام ۋىردە شاھ سالدن چىققىنىمىزدە كېلىپ، التىفات كۆرسىتىدى. لىنگىرخان نىيازى انچە ۋىقتىن بۇيان نىلابدە ېدى، يۇلدە آلدەمىزگە كېلىپ، التىفات كۆرسىتىدى. باغ ۋىفادە تۇختەدىك، نارىنچىلىرى جۋدە سىرغەيىپىدى، مىسەلىرى راسە يېتىلىپىدى، كۆپ خوش ھۋا جاي بۇلىپىدى. بېش-آلتى كۈن باغ ۋىفادە بۇلدىك.

قىرىق ياشگە يېتىپ ايچىشىنى تشلەيمىن-تايىپ بۇلەمن، دېپ نىت قىلگندىم، قىرىق ياشگە تۇلىشىمگە آز ۋىقت قالگندى، مېن ېسە خددن تشقىرى كۆپ ايچىردىم.

آى نىنگىن ۋىن آلتىنچىسىدە، يىكشەنبە كۈنى صبۇحى قىلىپ ھوشىمىزگە كېلىپ، معجون يېپەياتگىن چاغىمىز ملا يارك پىنجگاھدە مۇخس اصولىگە باغلەگىن نىقىشىنى (كۈيىنى) اجرا ېتدى. يىخشى كۈرى باغلىدى. انچە مىللەردىن بېرى بۈندە نىرسەلر يىلن شىغللىنىمىدىم. مېندە ھەم بىر نىمە يىرەتىش نىتى پىدا بۇلدى. شو مىناسىت يىلن "چارگاھ" گە كۈرى باغلەدىم. ۋىرنى كېلگندە ذكىر ېتەلەدى.

چارشەنبە كۈنى، صبۇحى قىلگىنىمىزدە مىطائە ۋىچۈن: «كىمكە سارتچە سۇز ايتسە، بىر قىدح ايچىسىن»،- دېدىك. شو سبب يىلن كۆپ كىشى بىر پىالەدىن ايچىدىلەر. بامداد نمازى ۋىقتى چىمن ۋىرتەسىدەگى تاللىر تگىدە ۋىتىردىك. «كىمكە تۈركىچە سۇز ايتسە، بىر قىدح

ایچسین»- دپییلدی. بونده هم جوده کؤپ کیشی بیر پپاله دن ایچدی. آفتاب چیققینده حوض بؤییده نارنج درختلری تگیده اؤتیریب ایچدیک. ابرته سیگه دوته دن سالگه توشیب جؤی شاهی گه، اوندن چیقیب، آترگه باردیک. آتردن آلتنپ، دره ی نورنی سیر قیلیب، سوسان قیشلاغی گجه باریب قیتیپ، امله ده تۇخته دیک. خواجه کلان بجورنی یخشی باشقردی. او مپنینگ صحبتداشیم بؤلگنی اوچون اونی چقیرتیریب، بجورنی وقتینچه لیک باشقیریشنی شاه میر حسین ذمه سیگه یوکلهدیک.

آی نینگ ییگیرمه ایگینچیسیده، شنبه کونی شاه میر حسین گه رخصت بپریلدی. شو کونی هم امله ده ایچیلدی. ابرته سیگه یامغیر یاققن ابدی. کنگره بارگچ، ملک قولی نینگ اویسی جایلشگن کلیگرام گه کپلیب، اؤرتنچه اؤغلی نینگ نارنجزار تپه سیده جایلشگن اوییده تۇخته دیک. یامغیر یاغه یاتگنلیگی باعث نارنجزارگه بارمهی، اوشه پیرنینگ اؤزیده ایچدیک. یاغین بېحد کؤپ یاغدی. بیر طلسم بیلردیم، شونی ملاعلیخان گه اؤرگتدیم. تۇرت پرچه قاغازگه یازیب، تۇرت طرفگه آسدی. شو زهاتی یامغیر تینیب، هوا آچیلیب کبتدی. ابرته لب سالگه توشدیک. باشقه بیر سالگه بعضی ییگیتلر کیردیلر.

بجور، سواد، کنر و اؤشه طرفلرده بیر بؤزه تیارلهدیلر. اؤتلر ایلدیزی و داریارلردن تیارلنهدیگن "کیم" دېگن بیر نرسه بار. ناندېک دؤمه لاق دؤمه لاق قیلیب یسب، قوریتیپ سقلهدیلر. بو بؤزه نینگ اچیتقیسی منه شو "کیم" بؤله دی. بعضی بؤزه لری قتیق مست قیلهدی. اما غایت اچیق و بېمزه. بو بؤزه نی اچماقچی بؤلдіک، اما اچیقلیگیدن ایچالمهی، معجون پیدیک.

نریگی سالده اؤتیرگن عسس، حسن ایکره ک و مستی گه شو بؤزه دن ایچینگلر، دېب بویوریلدی. ایچیب، مست بؤلیب حسن ایکره ک بی مزه گرچیلیک قیله باشلهدی. عسس نینگ اؤزی هم قتیق مست بؤلگن ابدی، قیته قیته ناخوش قیلیقلر قیلدی. شونده ی تتگ احوالده قالدیک که، خیالیمگه اولرنی سالدن توشیریب، دریانینگ او طرفیگه اؤتکزپ تشله سک می، دېگن فکر کبلدی. ینه بعضیلر اولر اوچون کپچیریم سؤره شدی.

بو پیتدە بجورنى شاه مير حسين گە عنايت قىلىپ، خواجه كلاننى چقىرتىردىك. چونكە خواجه كلان صحبتداش دوستىم ابدى. اونىنگ بجورده بۇلىشى اوزاققە چۇزىلدى. بجورده گى ايشلر انچه يىخىلىنگن، دېب اويلەدیم، شاه مير حسين بجورگە كېتە ياتگىدە كىر درياسى كېچىگىدە بىز بىلن اوچرەشىپ قالدى. چقىرىپ، بعضى آغزەكى تاپشیریقلر بېرىپ، اوزىمىنىنگ كىرىمنى انعام قىلىپ، رخصت بېردیم.

نورگل توغرىسىگە يېتگىمىزدە بىر قىرى كىشى كېلىپ، صدقە سۇردى. سالدەگىلر نىنگ بىرى تۇن، بىرى سەلە، بىرى بېلباغ كى نرسەلر بېردیلر. قىيە كۇپ نرسەلر آلدی. یریم یۇلدە بىر يامان جايدە سال قىتق اورىلىپ، ضرب يېدى. انچه واهمەگە توشدىك. گرچه سال چۇكىپ كېتمەگن بۇلسەدە، مير محمد جالبان (سالچى) سووگە يىقىلىپ توشدى. توننى اتر يىقىنىدە اۆتكزدىك.

سەشنبە كونى مندىراورگە كېلدىك. قوتلوق قدم، دولت قدم و آتەسى قلەە نىنگ ايچىدە صحبت قورەياتگن ابدیلر. گرچه اونچه يىخشى جاي بۇلمسە هم، اولر نىنگ كۇنگلى اوچون بىر نېچە پىالە ايچىپ، عصر نمازى پىتى قونىمجاگە كېلدىك.

چارشنبە كونى كىندىگر چشمەسىگە بارىپ، سىر قىلدىك. كىندىگر مندىراور تومنىگە تېگىشلى قىشلاق دىر، بوتون لمغاناتدە فقط شو قىشلاقدە خرما بار. بو قىشلاق تاغ اېتىگىدن يوقارىراقدە جايلىشگن. خرمازارلرى شرقى طرفىدە. بو بولاق خرمازار نىنگ يانىدە، چېگەر اقدن آقىپ چىقەدى. چشمە باشىدن آلتى- يېتى قىرى قویراقدە غسل قىلىش اوچون تاشلردن قَلَب پناه جاي قىلىدىلر. سوونى شو درجەدە يوقارى گە آلىپ چىقىدىلر، سوو غسل قىلە ياتگن كىشى نىنگ باشىدن قويىلەدى. بو چشمە سووى جودە يوشاق، قىش كونلرى آدمگە بو سوو اۆل بىر آز ساووق تويولەدى، سۇنگرە تورگن سەيىن آدمگە خوش ياقەدى.

پنجشنبه كونى شېرخان تركلانى اويىگە توشىرىپ ضيافت قىلدى. پېشىن نمازى وقتى او يېردن جۇنپ، يەسەلگن بلىقخانەلردە بلىق توتدىلر. اولراق بو بلىقخانە احوالاتى حقيدە يازگن اېدىك.

جمعه كوني خواجه ميرميران قيشلاغى نىنگ يقينىدە تۇختەدىك. شام نمازى وقتىدە ضيافت بۇلدى. شنبه كوني اليشنگ بىلن الينگار آرەليغىدەگى تاغده آوقىلدىك. بير طرفدن الينگارلىكلر، ينه بير طرفدن اليشنگلىكلر دايره يسب، تاغدن كيكلرنى پستگە ھىدەدىلر. جوده كۇپ كييك اۇلدى. آودن قىتيب الينگارده ملكلر باغىدە تۇختب، صحبت قوردىك. آلدىندەگى تيشىم نىنگ يرمى سىنىب، يرمى قالگن ابدى، بوگون طعام يىپەياتگندە قالگن يرمى ھم سىندى. ابرتەلب بو يپردن چىقىب، بلىققە تۇر سالدىك. توش چاغى اليشنگگە بارىب، باغده ايچىلدى. ابرتەسى كوني تانگدە كۇپ يامان ايشلر قىلىب، ناحق قانلر تۇككن اليشنگ ملكى حمزە خاننى قان طلب ايتەياتگن دشمنلرگە تاپشىردىم، قصااصلرىنى آلدىلر. سەشنبه كوني ورد (دعا) اۇقىب، يانبولاق يۇلى بىلن كابل گە قرەب جۇنەدىك. عصر نمازى وقتى آلتو درياسىدن كېچىب، نماز شام پىتى قارەبوغە گە كېلىب آتلرگە يېم بېرىلدى. تېزدە آزگىنە طعام حاضىرلەدىلر، آتلر ارپەسىنى يېب توگتگچ، ينه يۇلگە توشدىك.

ھندوستان بۇلىمى

تۇقىز يوز اۋتتيز ايگىنچى (۱۵۲۵-۱۵۲۶) يىل واقعه لرى

تۇقىز يوز اۋتتيز ايگىنچى يىل سفر آيى نىنگ اۋلىده، جمعه كونى، آفتاب قوس بورجىگه كىرگن پىت ابدى، هندوستان سفرىنى باشلەدیم. يكلنگ تپه ليگىدن اۋتتيز، ده يعقوب درياسى نىنگ غربى تامانىده گى سيهونلىكده توخته دىك. بو منزلده اېكنىمىزده يېتى-سگىز آى بورون سلطان سعيدخان حضورىگه اېلچىلىككە كېتكن عبدالملك قۇرچى خان نىنگ يىنگى بېك كۈگلداس دېگن كىشىسى بىلن آلدىمىزگە كېلدى. خانملر و خاندن خطلر، ارزىمس ساوغه و دعالر كېلتىردى. لشكرنى جنگكە تيارلش ايشلرى باعث ايگى كون شو قۇنىمجايدە توردىك. بو يېردن جۇن، يۇلدە بىر بار تۇختب، بادام چشمه گە كېلىپ توشدىك. شو قۇنىمجايدە معجون يېدىك.

چارشنبه كونى بارىك آبدە توخته گنىمىزده هندوستان ده قالگن نوربېك نىنگ اوكه لرى خواجه حسين دېوان لاهور خالصاتىدن^۱ يوبارگن يىگىر مە مىنگ شاھر خى آلتىن اشرفى و تنگه لرنى آلىپ كېلىشدى. بو پوللر نىنگ كتە قىسمىنى بلخ اربابلرىدن بىرى ملا احمد آرقه لى بلخده گى ايشلرنى يىخىشلىش اوچون بېرىپ يوباردىم.

آى نىنگ سگىزىنچىسىدە، جمعه كونى گندمكە كېلىپ توشگنىمىزده قتيق توماو بۇلدىم. الله گە شكر، او يېنگىل اۋتدى.

شنبه كونى باغ وفاگە كېلىپ توشدىك. همايون مىرزا و نرىگى طرفدە گى لشكر نىنگ

۱ - خالصات - درآمد.

كېلىشىنى كوتىب بىر نېچە كۈن باغ وفادە تۇرىپ قالدۇك. اوشبو تۇرىخىدە باغ وفانىنگ چىك چىگرەسى و بى غبار گۈزەل منظرەسى حقىدە بىر نېچە بار اېسگە آلدۇك. جودە صفالى باغ بۇلگن. خرىدارلىك كۈزى بىلن قرەگن كىشى اونىنگ قندەى پىر اېكنلىگىنى بىلەدى. او پىردە نېچە كۈن تورگن بۇلسك، اىچەدىگن كۈنلرىمىز جودە كۇپ اىچدىك و صبوحى قىلدۇك، اىچمەگن كۈنلرىمىز معجون پىب، صحت قوردۇك. ھمايون وعدەلشگن مدتەن انچە كىچ قالگنلىگى اوچون كېسكىن سۇز و قىتق دغدغە بىلن خط بىتىپ جۇتتۇدۇم.

سفر آى نىنگ اۋن پىتتىنچىسىدە، يکشنبە كۈنى صبوحى قىلىپ اۋتىرگن اېدىك ھم كە، ھمايون كېلدى. كىچ كېلگنلىگى اوچون قىتق سۇزلر بىلن بىر آز كايدىدۇم. خواجە كلان ھم شو كۈنى غزنى دن كېلدى.

اۋشە دوشنبە آقشامى نىنگ اۋزىدە ياق يۇلگە توشىپ سلطانپور بىلن خواجە رستم نىنگ آرەسىگە سالىنگن يىگى باغدە تۇختەدىك.

چارشنبە كۈنى او پىردن جۇن كېتدىك. جالە (سال) گە توشىپ قۇش گىزگچە شراب اىچىپ باردۇك. قۇش گىزىدە سالدن چىقىپ، لشكرگاھگە قىتپ كېلدىك. اېرتەسى كۈنى ھم لشكرنى جۇنەتپ، سالگە توشىپ معجونخۇرلىك قىلدۇك. عادتدە، لشكر تۇختەيدىگن قۇنىمجاى قىرق ارىق دە بۇلردى. قىرق ارىق نىنگ تۇغرىسىگە بارگىمىزدە قىچە تىكىلىپ قرەمە يلىك، لشكر نىنگ اثرى ھم كۆرىنمەدى. آتلر ھم پىدا بۇلمەدى. خىالىمگە: "گرم چشمە بو پىرگە يقىن، بلكە قۇش نىن اۋشە پىردە تۇختەگن دىك"، دېگن فكر كېلىپ اۋشە پىرگە اۋتپ كېتدىك. گرم چشمە گە پىتپ بارگىمىزدە كۈن كىچ بۇلىپ قالگندى. او پىردە ھم تۇختەمسدن، كېچەسى بۇلگىگە قرەمەى، سوزىپ كېتە وېردىك. بىر پىردە سالنى تۇختەتپ، بىر مدت اويقۇلب، نماز پىتى بدەپىرگە چىقىپ آلدۇك. كۈن كۆتۈرلگندە عسكرلر كۆرىنە باشلەدى. لشكر قىرق ارىق نىنگ تېرەگىگە بىزگە كۆرىنمەيدىگن پىرگە جايلىشگن اېكن.

سالدە شىخ ابوالوجد، شىخ زىن، ملا علىخان، توردى بېك خاكسار سىنگرى وىنە شعر ايتوۋچى كۇپ گىنە كىشىلر بار اېدى. صحتدە محمد صالح نىنگ اوشبو پىتتىنى اېسگە

آلدىك:

جایی که تو باشی دیگری را چه کند کس،

محبوبی هر عشوه‌گری را چه کند کس.

(مضمونی:

هر بیر نازکرشمه‌چی نینگ محبتینی نیمه قیلسین کیشی،

سپن بؤلگن جایده باشقهنی نیمه قیلسین کیشی.)

شونگه اؤخشه‌تیب بیرار نیمه ایتینگ، دېدیم. طبع نظمى بار کیشیلر شعر ایتیشگه

توشدیلر. ملا علیخان بیلن کۆپ هزللشر اېدیک، اونگه هزل قیلیب، یادیمگه کېلگن اوشبو

بیتنی بدیهه قیلیب اؤقیدیم:

مانند تو مدهوش و کرى را چه کند کس،

نرگاو کون و ماده خرى را چه کند کس.

(مضمونی: سپنگه اؤخشش هوشسيز کرنی نیمه قیلسین کیشی، هر بیر هؤکیز (...))لى و

اورغاچی اېشکنی نیمه قیلسین کیشی.)

ایلگری یخشیمی، یامانمی، جڭیمی یا هزلمی، نیمه خیالیمگه کېلسه، مطایبه یۇلى بیلن

بعضاً شعر قیلیب ایتردیم. جوده یامان و قۇپال شعر بۇلسه هم یازیب قۇیلردی. "مُبین"نى

شعرگه ساله یاتگن چاغیم، عاجز خیالیمگه و محزون کؤنگلیمگه سؤزلرنی بوندە قید اېتگن

تیلگه و فکرینی یامان سؤزلرگه صرفله گن کونگیلگه حیف؛ بوندە معنای پیدا قیلگن وینه

قۇپال خیاللرنی خاطرگه کېلتیرگن اوندە کؤنگیلگه افسوسلر بۇلسین، دېگن فکر کېلدى.

بیر-ایگى کون اؤتیب، بگرامگه کېلیب تۇخته گنیمیزده توماو بۇلیب، ایسیتمه‌له‌دیم. بو

شماللیشیم یۇتلگه آلیب کېلدى. هر یۇتلگنده قان توپورردیم، کۆپ ایسیتمه‌له‌دیم. بو ایسیتمه

قاندن اېدی. درد قه‌یبردن اېکنلیگینى توشوندیم:

«فمن نکث فانما ینکث علی نفسه ومن اوفى بما عاهد علیه الله فسیوتیه اجرأ عظیماً»

(مضمونی: کیم که قسمنی بوزسه، اؤزیگه زیان قیلدی، کیم الله‌گه وعده‌سینی بجرگن

بۇلسە، اونگە اولوغ مكافاتلر بار .
 نې قىلەيىن سېنىڭ بىلە، اې تىل،
 جەتتىڭدىن مېنىڭ ايچىم قاندور،
 نېچە يىخشى دېسنىڭ بو ھزل ايلە شعر —
 بىرىسى فحش و بىرى يالغاندور،
 گر دېسنىڭ كويمەيىن بو جرم بىلە،
 جلويىڭنى بو عرصەدىن ياندور!

«ربنا ظلمنا انفسنا وان لم تغفرلنا وترحمنا لنكونن من الخاسرين»

(ترجمەسى: «اللھىم، بىز اوز نفسىمىزگە ظلم قىلدىك، اگر بىزنى مغفرت اېتمەسنىڭ و بىزلىرگە رحم قىلمەسنىڭ، البتە، بىز بختىسىزلىككە دىرمىز.»)

ينە باشدن گناھلىرىمنى كېچىرىشىنى يالوارىپ، عذر سۇرەپ، كۈنگىلىنى بوندەى بۇلمەغور خياللاردن، نامناسب ايشلاردن تىندىرىپ، قلمنى سىندىردىم. اونىڭ درگاھىدن گناھكار بندەلەرگە بو كىي تىببەلرنىڭ كېلىشى كتە دولت، بولردن آگاه بۇلگن بندە بختىار دىر. كېچكى پىت بو پىردن جۇنپ، على مسجىدە تۇختەدىك. بو جاي تار بۇلگنلىگى باعث مېن عادتدە گىدېك بىر تېپەلىك اوستىگە اۋرنشدىم. عسكىرلرنىڭ ھەمەسى بىر طرفدە جايلىشگن، مېن توشگن تېپەلىك اېسە ھەمەسىگە يانداش اېدى. كېچە عسكىرلر ياققن آلاودن غرايب طرزە يارىشىپ كېتەدى. ھەر سفر بو پىردە تۇختە گنىمىزدە شو باعث ايچىردىك. بو گل ھم شو پىردە تۇختە گنىمىزدە ايچىلدى. تانگ اتمىسەن معجون يېپ، يۇلگە آتلىدىم. اۋشە كونى رۇزە ھم توتىدىم. بگرامنىڭ يقىنىگە كېلىپ توشىلدى.

اېرتەسى شو پىردە قالىپ، كرک آويگە آتلىدىك. عسكىرلىمىز بگرام آلدەىگى سياه آبدن اۋتېپ، اقيم بۇيىل پستگە قرەب حلقە سالىپ باردى. آزگىنە يۇل باسيپ اۋتگنىمىزدن كېين آرقەدن بىر آدم كېلىپ، بگرامنىڭ يقىنىدەگى كىچىك جنگلزارگە كرک كىرىپ كېتدى، عسكىرلر او پىرنىڭ اطرافىنى اۋرەپ تورىدىلر، دېدى. شو باعث آتلىرىنىڭ جلويىنى قۇيىپ

يوبارىب، آلدىنگە اوچدىك. چمن-گلزارنى حلقه بۇلىب اۋرەب تورگنلر شاقىن كۈترىشلىرى بىلن كرك چىقىپ، دلەگە قرەب قاچە باشلەدى. ھمايون و او طرفدن كېلگنلرنىنگ ھېچ بىرى كركنى كۈرمەگن ابدىلر، ھمەسى كركنى ايستەگنلرچە تاماشا قىلدىلر. بىر كوروھگە يقىن جايگچە قوويپ بارىپ، جودە كۇپ اۋق آتىپ، اونى يىقتىدىلر. بو كرك نە بىر آدمگە و نە بىر آتگە حملە قىلدى. ينە ايگىتە كركنى ھم اۋلدىردىلر. خىيالىمگە دايىم: اگر فىل بىلن كركنى روبرو قىلسە، اولر بىر-بىرىگە قندەى معاملە قىلىشردى، دېگن فكر كېلردى. بىر سفر فىلبلانلر فىللىرنى آلىپ كېلەياتگنلرىدە بىر كرك اولرنىنگ آلدىدن چىقىپ قالدى. فىلبلانلر فىللىرنى آلدىنگە قرەب ھىدەدىلر، كرك اولرگە قرەب يورمەى، باشقە تامانگە قاچدى.

بگرامدە تورگن كونىمىز بعضى بېك، خاص عملدار، كاتب و محكمە باشلىقلىرىدن آلتى- يېتى كىشىنى سركار قىلىپ، نىلاب كېچىگىدە كېمەدەگى عسكر خلقىنى نام-مە-نام يازىپ، سانىنى انىقلىق كېلىشلىرىنى تەيىنلەدىم.

كېچقورونىگە توماو بۇلىپ، ايسىتمەلەدىم. بو شماللش يۇتلىگە تارتدى. ھر يۇتلىگىمىدە قان توپورردىم، انچە ھىمەلى كېچدى. اللەگە شكرە، ايگى- اوچ كوندن كېين ھمەسى اۋتېب كېتدى.

بگرامدن يامغىر ياغيپ تورگن پىتى جۇنب، كابل درياسى قىرغاغيگە توشدىك. ھندوستاندن دولتخان وغازىخان يىگىرمە-اۋتيز مىنگلىك قۇشىن يىغىپ، كلەنورنى آلدى، اېندى لاھور اوستىگە يورماقچى، دېگن خبر كېلدى. مېن مۇمن على توچىنى شاشىلىنچ جۇنەتېب، بىز تېزدە يېتىپ بارەمىز، بارگونىمىزچە، اوروش باشلەمەى تورسىنلر، دېب تەيىنلەدىم. ايگى منزل تۇختب، آى نىنگ يىگىرمە سگىزىنچىسىدە، پنجشەنبە كونى سىند ياقەسىگە توشدىك.

ربيع الاول آى نىنگ باشىدە، شنبە كونى سىند درياسىنى كېچىپ، كچەكوت درياسىدن اۋتدىك و اونىنگ ساحلىدە توشىلدى. كېمەلرگە بېلگىلىنگن بېكلر، كاتبلر و محكمە خادملرى لشكرەدىگى عسكرلر سانىنى انىقلىق، معلوم قىلدىلر. كتە-كىچىك، يىخى-يامان

نوكر و نوكر بۇلمەگنلر-اۋن ايڭى مينگ كيشى رۇيخىطگە آلىنىدى. بو يىل دلەلرگە يامغىر آز ياغدى. تاغ اېتگىدەگى ولايتلردە اېسە يامغىر يىخشى بۇلگندى. آذوق-آوقت ذخيره سىنى تۇلدىرىش تشويشىدە تاغ اېتگى بىلن سيالكوت يۇلى آرقەلى كېتىدىك. هاتي كاكر ولايتى تۇغرىسىگە يېتىگىمىزدە بىر نهرىنىڭ هر يېر هر يېرىدە جودە كۇپ سوو توپلەنىپ قالگىنىنى كۇردىك. بو سوولر تاماماً يىخل ب قالگن، موز جودە قلىن بۇلمىسەدە، بىر برماقچە كېلدى. هندوستان يېرلىرىدە بوندەى موز كمدن-كم اوچرىدى. موزنى فقط اۋشىندە كۇردىك. نېچە يىلدىن بېرى هندوستاندە يشەياتگن بۇلسك-دە، بوندن باشقە يېردە قار و موزدن اثر هم، علامت هم كۇرمەدىك.

سىندىدن جۇنەگچ، بېش مىزلدە تۇختى، آلتىنچى بار كۇچىگىمىزدە، جود تاغىگە توتىشگن بالانات جۇگى تاغى نىنگ آستىدەگى سوو ياقەسىدە جايلىشگن بكىاللر يورتىگە كېلىپ توشدىك. اېرتەسى كونى اېل اوچون دان-دون تاپىش مقصدىدە شو قونىمجايدە قالدىك. اۋشە كونى عرق ايچىلدى. ملا محمد پەرغرى كۇپ حكايىتلر ايتىپ بېردى، حتا بى مزەلىك هم قىلدى. ملا شمس هم جانگە تېگەدىگن اېرتكىچى اېدى، بىر گىنى باشلسە، كېچىگچە توگە تالمىدى. آذوق-طعام اىزلب كېتىگن قول و خدەمتچىلر، يىخشى-يامان كىشىلر جىگىلزار و تاغلرنى، قىين و اۋتىب بۇلمىس يېرلرنى بى مقصد، نتيجه سىز كېزىپ، بىر نېچە كىشىنى يۇقاتدىلر. كىچىك تونقۇتار شو يېردە هلاك بۇلدى.

او يېردىن جۇن، بهات درياسى نىنگ جېلمدىن قويراقدەگى كېچىگىدىن اۋتىدىك. سيالكوتدە كۇمك اوچون قالدىرىلگن، ولايتى بىمروگىرى و اكرىدەدە بۇلگن ولى قىزىل بىزنى كۇرىش اوچون قاشىمىزگە كېلدى. سيالكوتنى حمايه قىلىشگە قالمەگنلىگى اوچون اونگە غضب و طعنه بىلن خطاب قىلگن اېدىم، او: «مېن ولايتگە كېلگن اېدىم، خسرو كۇكلداش سيالكوتدىن چىقەياتگىنىدە مېنگە خبر هم قىلمەدى»، دېپ زارلندى. اونىنگ بو

عذرینی قبول قیلدیم و : «اگر سیالکوتنی اسرهش اوچون قالمه گن بۇلسنگ، اوندە نېگه لاهورده بېکلرگه باریب قۇشیلمه دینگ»، دېب ایتگنیمده، او ملزم بۇلیب قالدی. اوروش یقینلیگی باعث اونینگ بو گناهیگه اونچه اعتبار قیلمه دیک.

اوشبو جایدن سید توفان، سید لاجیننی قۇش آت بیلن لاهورده گی بېکلرینینگ آلدیگه : «اوروش باشله منگ، سیالکوت یاکه پُرسرو گه کېلیب، بیزگه قۇشیلینگ»، دېگن سۇزلر بیلن شاشیلینچ جۇنتدیم.

همه نینگ اۆزیده: غازخان اۆتیز-قیرق مینگ کیشی ییغیدی؛ دولتخان قری حالی بیلن بېلیگه قیلیچ باغلبدی؛ بولر اوروش باشلسه لر کېرەك، دېگن گپلر اېدی. خیالیمگه: «گه یازده به، گه نه» («گاه اؤن بیر یخشی، گاه تۆتیز») دېگن مقال کېلدی. دېمک، ایش قۇلدن چیقیب کېتمسلیگی اوچون لاهورده گیلرنی اۆزیمیزگه قۇشیب، بیرگه اوروشه وېرەیلیک. بېکلرگه آدم یوباریب، بیر مسافه یۇلنی باسیب اۆتیب، قۇشیننی چناب دریاسی قیراغیده جایلشتیردیم. یۇلدن باریب، بهلولپور گه اۆتیب، او پادشاهلیک پېری اېدی، سیر قیلدیک. بهلولپور قۇرغانی چناب دریاسی نینگ قیراغیده بلند جر اوستیده جایلشگن. بو پیر مېنگه جوده یاقدی. سیالکوت اېلیننی شو پیر گه کؤچیریش حقیده اؤیله دیم. الله خواهله سه، فرصت بۇلیشی بیلن اولرنی کؤچیره من.

بهلولپوردن قرارگاه گچه کېمه ده کېلدیک. کیچیک ضیافت اویوشتیریلدی. بعضیلر عرق، بعضیلر بۇزه ایچیشدی، بعضیلر اېسه معجون یېدیلر. کېمه دن خفتن نمازیدن کپین چیقیب، چادرده هم آزگینه ایچیلدی. آتلر چرچه گنی اوچون بیر کوننی شو دریا قیراغیده اۆتکزیب، اولرگه دم بېردیک.

ربیع الاول آیی نینگ اؤن تۆرتینچیسیده، جمعه کونی سیالکوت گه کېلیب توشدیک. دایم هندوستان گه بارسک، تاغ و دله دشتدن سان-سناقسیز جت و گوجورلر هؤکیز و قۇتاس اولش اوچون توشیب کېلیشردی. بی باشلیک و ظلم قیلو وچیلر منه شو بدبختلر اېدی. بورون بو پېرلر دشمن پېری اېدی. بیز اولرگه اونچه تضییق قیلالمسدیک. اېندی بو ولایتلر بیزگه

اۋتۇگىندىن كېيىن ھەم اولر آلدىنگى ايشلرىنى دوام اېتىردىلر. سيالكوت نىنگ قارگاہ گە كېلە ياتگن يىلغاچ، فقير، بې چارە كىشىلرگە تىشلىب، اولرنى تالان-تاراج قىلىشگە توشدىلر. بې باشلىك قىلگنلرنى تاپتىرىپ، ايگى-اوچتەسىنى پارە-پارە قىلدىردىم. دشمن قەيىردە اېكنىلىگىنى بىلەدىگن آدمىلردن بىز بىلن قىسى جايدە تۇقنە شىشى مەمكىنلىگىنى انىقلىپ، بىزگە آيتىپ يوبارسىنلر، دېيە لاھور بېكلرگە سيالكوت دن شاھىم نوربېكنى چاپر قىلىپ جۇنتىدىم.

اوشبو قارگاہ گە بىر سوداگر كېلىپ، سلطان ابراھىمخان عالمخاننى يىكسان اېتگىنىنى خبر قىلدى. بونىنگ شرحى شونەدى: عالمخان رخصت آگىندىن كېيىن ھەمراھلرگە قرەمەى، ايسىق كوندە ايگى مسافە يۇلنى بىر قىلىپ، لاھورگە كېلەدى. عالمخان گە رخصت بېرىلگن پىتى بوتون اۋزبېكخان و سلطانلرى بلخنى اۋرەب آگىن اېدىلر. عالمخان گە ھندوستان سىرى يورىشىگە رخصت بېرىپ، اۋزىمىز بلخ اوستىگە آتلندىك.

لاھورگە كېلگىندىن كېيىن عالمخان ھندوستان دەگى بېكلرگە پادشاھ سىزىلر نىنگ مېنگە ياردەمچى بۇلىشىنىگىزنى ايتدى، مېن بىلن بىرگە يورىنگ، غازىخاننى اۋزىمىزگە قۇشىپ دھلى و آگرە اوستىگە يورەمىز، دېب ايتىدى. بېكلر اونگە شونەدى دېدىلر: «غازىخان گە قندەى ايشانچ بىلن قۇشلىمىز. بىزگە قچان غازىخان اوکەسى حاجىخاننى اۋغلى بىلن درگاھگە يوبارسە ياكە اولرنى گرو طرىقەسىدە لاھورگە جۇنتسە، او حالە، اونگە قۇشلىنىگ. شونەدى بۇلمسە، قۇشلىمىگ، دېگن فرمان بۇلگن. سىز ھەم تون و كون او بىلن جنگ قىلدىنىگىز، يەنە قندەى ايشانچ بىلن قۇشلىشىنىگىز مەمكىن. سىزگە ھەم قۇشلىنىگ، دېب مصلحت قىلمىمىز.»

بېكلر شونەدى سۇزلرنى ايتىپ، اونى قىترىشىگە قنچە اورىنمەسىنلر، فايدەسى بۇلمەدى. عالمخان اۋغلى شېرخاننى دولتخان و غازىخان نىنگ آلدىگە يوباردى، اۋغلى اولر بىلن اوچرەشىپ، سۇزلىدىلر. بىر نېچە مدت بىندە بۇلىپ، لاھورگە بىندىن قاچىپ كېلگىگە ايگى-اوچ آى بۇلگن دلاورخاننى ھەم اۋزلرى بىلن بىرگە آلىپ باردىلر. لاھور دە ولایت

بېرىلگن محمودخان خان جهان نى هم همراه قىلىپ آلدىلر. كۆرىنىشىچە، اولر دولتخان و غازىخان هندوستان گە قۇيىلگن بېكلرنى و عموماً، مملكت نىنگ بو طرفىنى اۋزلىرىگە آلەدى، دېب، گېنى بىر جايگە قۇيەدىلر. دلاورخان بىلن حاجىخان عالمخان گە قۇشلىشلىرى، دەلى و آگرە ولايتلىرىنى آلىشلىرى كېرەك اېدى. اسماعيل جلوانى و يەنە آيرىم اميرلر كېلىپ عالمخان بىلن كۆرىشەدىلر. شوندىن سۇنگ دەلى گە قرەب تۇختەمسىدن، شاشىب جۇن ب كېتەدىلر. اندري گە يېتگنلىرىدە سلىمان شىخزادە هم عالمخان نى كېلىپ كۆردى. اولر نىنگ قۇشىنى همەسى بۇلىپ اۋتۇز قىرق مىنگ كىشىگە يېتەردى. اولر دەلى گە كېلىپ، شەرنى اۋرەب آلەدىلر، بىراق جنگ باشلەى آلەمەدىلر، قۇرغاندە گىلرگە بىرار زىان زحمت هم يېتكىزالمەيدىلر.

سلطان ابراهيم اولر نىنگ بىرلشگىندىن خبر تاپىپ، اولر اوستىگە قۇشىن تارتەدى. او يقىنراق بارگندە اتفاقچىلر هم خبر تاپىپ، قۇرغان اوستىدىن اۋتىب سلطان ابراهيم قۇشىنىگە قرەب يوردىلر. اولر اگر كوندوز كونى اوروش باشلەسك، افغانلر بىر-بىرىدىن اويەلگىندىن قاقچىب كېتەيدى؛ كېچەسى باستىرىپ كىرسك، قارانغو كېچەدە بىراو-بىراونى تېمەيدى و هر كىم اۋزىگە اۋزى باشلىق بۇلەدى، دېب دشمنگچە آلتى كوروو بۇلگن جايدىن كېچەسى باستىرىپ كىرىشنى كېلىشىپ آلەدىلر. قوياش باتە ياتگىندە اولر آتلىرىگە مىنىپ ايگى مرتە شېلنەدىلر، كېچە نىنگ ايگى ياكە اوچ قىسمىنى آت اوستىدە اۋتكىزىپ، آرقەگە چېكىنىش لازىمى ياكە آلدىنگە يورىش كېرەكمى، دېگن مسألەدە گېنى بىر يېرگە قۇيالمەى، اوچىنچى مرتە كېچە نىنگ بىر پھرى قالگندە هجوم باشلەيدىلر. بولر نىنگ تونگى هجومى (شېيخونى)- چادر و اۋتاققە اۋت قۇيىش اېكن. همە ياققە بىر باشدىن اۋت قۇيىپ، تۇپالان كۆترەدىلر. جلالخان جگھت و بعضى اميرلر كېلىپ عالمخان بىلن كۆرىشەدىلر.

سلطان ابراهيم اۋزى نىنگ بىر نېچە يقىن كىشىلرى بىلن بىرگە تانگگچە اۋز كىچىك سراپچەسىدىن قۇزغلمەيدى. اونگە چە تانگ هم آتىپ قالەدى. عالمخان نىنگ آدملىرى خلقتى تلىش و اۋلجە اۋندىرىش بىلن مشغول بۇلەدىلر. سلطان ابراهيم نىنگ عسكرلرى دشمن

قۇشىنى انچه آز اېكىنى كۆردى. شۇ باغ كىچىك بىر گروھ و بىر تە فىلىنى اولرگە قرشى قۇيەدىلر. فىل آلدىنگە قرەب يۈگۈرگىدە بولر تۇختەمەي قاچەدىلر. شۇ قاچگىچە عالمخان ميان دواب تامانگە كېچىپ اۋتەدى، پانى پت اطرافىدە گى جايلىردە يورىب، ينە پانى پت تامانگە قىتەدىلر، اندري گە يېتىگنلىرىدە بىر بهانە تاپىپ ميان سلیمان دن اوچ-تۇرت لك پول آلەدى. اسماعيل جلواني و عالمخان نىنگ كئە اۋغلى جلالخان بولردن اجرەلىب، ميان دواب طرفگە كېتەدىلر.

عالمخان يىققن عسكرلرنىنگ سيفخان، درياخان، محمودخان، خان جهان، شىخ جمال فرمولى كىي بىر قىسمى و ينە باشقە كىشىلر اوروش باشلىنىسىدن اق قاچىپ، ابراهيم نىنگ آلدىگە بارەدىلر. عالمخان، دلاورخان و حاجىخان سهرىندىن اۋتیشلىرى بىلن بىزنىنگ كېلىپ ملۇتنى آلگىمىزدن خبر تاپەدىلر. هر دايم مېنگە خىر خواه بۇلگن و مېنى دېب اوچ-تۇرت آى اسىرلىكدە بۇلگن دلاورخان عالمخاننى تشلب، سلطانپوردە گى منايل گە كېلىپ، ملۇتنى اېگىللەگىمىزدن اوچ-تۇرت كون اۋتىگندە، ملۇت اطرافلىرىدە بىزنىنگ آلدىمىزگە كېلىپ، خدەتمىمىزگە كىرىش اىستىگىنى بىلدىردى.

عالمخان و حاجىخان شتلوت سوويدن كېچىپ، دون بىلن دشت نىنگ اۋرتەسىدە گى تاغده جايلىشگن گنگۈتە دېگن بىر بېرك قۇرغانگە كېلىپ كىرەدىلر. بىزنىنگ افغان و هزارلردن تشكىل تاپگن هجۇمچىلرىمىز كېلىپ، اولرنى اۋرەب آلىشەدى. بوندەي بېرك قۇرغاننى آلىشگە دېرلى يقىن قالگندە قارانغو توشەدى و قمل قىلىنگنلر قۇرغاندىن چىقىپ كېتماقچى بۇلەدىلر. بىراق آتلىرىنىڭ دروازه آلدىدە تۈدەلەنىپ قالگن دايرەلىگى باغث قملدە گىلر او يىردن چىقالمىدىلر. قمل قىلىنگنلرنىڭ قۇشىنىدە فىللىرى بار اېكن. اولر فىللىرىنى آلدىنگە ھىدەيدىلر. جودە كۇپ آتلىرىنى فىللىر باسىپ اۋلدىرەدى. آت بىلن چىقە آلمەگنلىرىدىن كېين، قارانغىدە يىاو چىقىپ، يوزمىنگ تشويشلىرى بىلن ملۇت گە كىرمەي، تاغ تامانگە قاچىپ كېتگن غازىخان گە بارىپ قۇشلىدەلر. غازىخان اولرگە رويخوشلىك بېرمەيدى.

عالمخان علاجسىز قالگىدىن دون نىنگ پستىدە گى پھلۇر اطرافىدە اېكىمىمىزدە كېلىپ

خدمتیمگه کیریش ایستگینی بیلدیردی. سیالکوت ده اپکنیمده، لاهورده گیلردن آدم کهبلیب، ابرته‌گه همه‌سی کهبلیب، ملازمت قیلیشلرینی ایتدی.

کپینگ کونی ابرته‌لب یۆلگه توشیب، پرسرو گه توشدیک. محمدعلی جنگ-جنگ، خواجه حسین وینه باشقه ییگیتلر شو یپرده کهبلیب، خدمتیمگه کیردیلر.

دشمن دایره‌آسی روی دریاسی‌نینگ لاهور طرفیده‌گی قیرغاییده اپکن، بۆجکدن باشلیق تعیینلب، بیر نېچه کیشینی خبر آلیب کهبلیش اوچون یوباردیک. کپه‌نینگ اوچینچی پهریده-تون آخرلب قالگنده اولر دشمن بیزنینگ کبله یاتگنیمیزی اېشیتیب، آرقه-آلدیگه قرمه‌ی، بی ترتیب بیر احوالده قاچه یاتگنلیگی خبرینی کبلتیردیلر.

ابرته‌لب سفر انجاملری، لشکرنینگ کۆچ-کۆرانینی قویب، شاه میرحسین و جانی‌بک‌نی اؤشه یپرده قالدیریب، اؤزیمیز آلدینگه قوب جۆنه‌دیک. ایگنی نماز اؤرته‌سیده کله‌نور گه کهبلیب توشدیک. محمد سلطان میرزا، عادل سلطان و باشقه بېکلر شو یپرگه کهبلیب خدمتیمیزگه کیردیلر.

کله‌نوردن ابرته‌لب جۆنب کبتدیک. یۆلده بیزگه غازبخان و او بیلن بیرگه قاچگنلریننگ یقین-اطرافده اپکنلیگی حقیده خبر بېریشدی. محمدی، احمدی، قوتلوق‌قدم، ولی خازن و یقینه کابل ده بېکلیککه مناسب دېب تاپیلگن بېکلر باشچیلیگیده بو قاچگنلر آرتیدن قویب باریش اوچون عسکر جۆنتدیک. اگر اولرنی قویب بیتالسله‌ر جوده یخشی، مبادا بیته‌آلمه‌سه‌لر، اوندە ملؤت قۇرغانیده‌گی آدم‌لر قاچیب کبتمسلیکلری اوچون قۇرغان‌نینگ بوتون اطرافینی یخشیلب قۇریقلش کپره‌ک، دېگن قرارگه کبلدیک. بونده‌ی احتیاطکارلیکدن مقصد غازبخان‌نی قۇلگه آلیش ابدی.

بېکلرنی ایلگری یوباریب، کنواھین تۇغریسیدن بیّه دریاسینی کپچیب اؤتیب، توشیلدی. او یپردن جونه‌گچ، ایگنی باره تۇختب، کپین ملؤت قۇرغانی‌نینگ تاققه قوب کپته‌دیگن یۆلی

باشىدە تۇختەدىك. بورون كېلگن بېكلەر ھەمدە ھىندوستان دەگى بېكلەرگە قۇرغاننى مستحکم
اۋرەب آلىش بويۇرىلدى.

دولتخان نىنگ نىيرەسى-كۆتە اۋغلى عليخان نىنگ اسماعيل آتلى اۋغلى شو بېردە اپكىنىمدە
كېلدى. اونى بىر قنچە وعدەلەر، قۇرقىتىش ھەمدە اۋز تامانىمىزگە آغدىرەدىگن پند-نصيحت،
دۇق-پۇيسەلەر بىلەن يەنە قۇرغانگە-آرتىگە جۈنەتەپ يۇباردىم. جمعة كۈنى اۋردەنى ايلگرى
جۈنەتەپ، قۇرغانگە يريم كۈرۈۋە قالگىنىدە، تۇختەدىك. اۋزىم كېلىپ قۇرغاننى كۆرىپ
چىقىپ، جنگ پىتىدە اۋنگ قنات، چپ قنات و مركز قۇشىنلرى تورەدىگن جايلرنى بېلگىلەپ،
قارارگاھە قىتدىم.

دولتخان آدم جۈنەتەپ، غازىخان تاققە قاچىپ كېتگىنىنى معلوم قىلدى. اگر گناھىمدىن
اۋتسە، قۇرغاننى تاپشىرىپ، خەدمىتىنى قىلەي، دېدى او. خواجه ميرمىراننى يوباردىم.
دولتخان نىنگ كۈنگىلدەگى قۇرقۇلۇرنى ھىدەپ، آلىپ كېلدى. دولتخان اۋغلى عليخان بىلەن
كېلدى. بىز بىلەن اورۇشۇش اوچون بېلىگە باغلەگن اۋشە ايگى قىلىچىنى بۇنىگە آسىشلىرىنى
بويۇردىم. ايش شو درجەگە يېتگىندىن كېيىن ھەم سەب-بەھانەلەر اىزلەيدىگن شۇنچەلەر سادە و
گۈل آدم بارمىكەن. اونى آلدىنگە آلىپ چىقىدىلەر. قىلىچلارنى بۇنىدىن آلىشلىرىنى بويۇردىم.
كۈرىشەياتگن چاغىدە تعظيم قىلىشگە شاشىلمەدى. بويۇرگن اېدىم، آياغىنى تارتىپ كوچ
بىلەن تىز چۈكتىردىلەر. آلدىمگە اۋتىرغىزىپ، ھەند تىلىنى بىلەيدىگن بىر كىشىگە سۆزلىرىمنى
اونگە توشۇنتىرگىن كە، اېسىدە توتسىن، دېپ شۇندەي دېدىم: «مېن سېنى آتە دېدىم، سېنگە
حرمت و احترام كۈرسەتەپ، اۋىلەگىنىگە ھەم يىخشىراق مەاملە قىلدىم. اۋزىنگىنى و
اۋغىللىرىنگىنى بلۇچلەر اېشىگىدە درېدەر بۇلىپ يۇرىشۇن قوتقۇرىپ قالدىم. عياللىرىنگە و
حرمىنگە گىلرنى (عايلە اعضالىرىنگىنى) ابراھىم نىنگ بىندىخانەسىدىن خلاص قىلدىم.
تاتارخان نىنگ اوچ كرور (فايدە كېلتىرەيدىگن) يېرلىرىنى سېنگە عنايت قىلدىم. مېن سېنگە
قەندەي يامانلىكلەر قىلدىم كە، كۈكسىنگە و بېلىنگەگە ايگىتە قىلىچ باغلب، لشكر تارتىپ،
بىزنىنگ ولايتلىرىمىز اوستىگە باستىرىپ كېلىپ، بۇندەي غوغا و فتنە كۈترەسەن». حىرتەن

تیلی سۆزگه کېلمه ی قالگن بو پستکش قریه بیر-ایگی تونغیللب، هېچ سۆز ایتالمه دی، ایشانچ بیلن ایتیلگن بونده ی حق سۆزلرگه او نیمه هم دیه آردی؟ خاندانی و حرّمیده گیلرینی اوزیگه قالدیریب، قالگن بار مال-ملکینی آلیب قۇیشگه قرار قیلندی. اونگه خواجه میرمیران نینگ یانگه جایلشیش بویوریلدی.

ریع الاول آبی نینگ ییگیرمه ایگینچیسیده، شنبه کونی دولتخان نینگ خاندانی و حرّمیده گیلرینی قلعه دن اېسن-امان چیقیریب آلیب کېتیشلری اوچون اوزیم کېلیب، ملؤت قۇرغانی دروازه سی نینگ رۇپه ره سیده گی بلند پیرگه جایلشدیم. علیخان چیقیب بیر نېچه اشرفی تارتیق قیلدی. عصر نمازیگه یقین دولتخان نینگ خاندانی و حرّمیده گیلر چیقّه باشلهدیلر.

غازیخاننی گرچه بو پیردن چیقیب کېتگن دېگن بۇلسه لر هم، بعضیلر اونى قۇرغانده کۆردیک، دېب ایتیشدی. شو باعث دروازه آلدیگه هر بیر گماندار کیشینی کوزه تیشلری اوچون خاص عملدار و ساقچیلر قۇیدیم. غازیخان کۆزنی چلغیتیپ چیقیب کېتمه سین، اخیر بوتون مقصدیمیز غازیخاننی قۇلگه توشیریش اېدی. ینه بیرار کیشی گوهر و قیمت بها تاشلرنی اۇزی بیلن یشیریب آلیب چیققودېک بۇلسه، اونى قۇلگه آلیشلرینی بویوردیم.

اۇشه دروازه قرشیسیده گی تېپه لیککه چادر تیکتیریب، توننى شو پیرده اؤتکزدیم. اېرتەلب محمدی، احمدی، سلطان جنید، عبدالعزیز، محمدعلی جنگ-جنگ، قوتلوق قدم و بیر نېچه ایچکی بېکلرگه ایچکریگه کیریپ خزینه و بار مال-ملکنى آلیب چیقیشلری اوچون فرمان بۇلدى. آدملر قۇرغان دروازه سی آلدیده قتیق شاقین-سوران کؤترگن اېدی، سیاست اوچون بیر نېچته اۇق آتدیم. بیرد-بیر ده یدی اۇق همایون میرزانینگ قصه خوانی گه تېگدی، شو زهاتی یاق حقه جان تسلیم قیلدی.

ایگی کېچهنی شو تېپه لیکده اؤتکزپ، دوشنبه کونی قۇرغانگه کیریپ ایلیب، غازیخان نینگ کتبخانه سیگه کیردیم. بیر قنچه نفیس کتابلر چیقدى، بیر نېچته سینى همایونگه بېریب، بیر نېچته سینى کامرانگه یوباردیم. اولر ایچیده علمی کتابلر جوده کؤپ

اېدى. لېكن بيرقره گنده قيمت بها كۆرينگن كتابلر ايچيده ارزىديگنى اونچه كۆپ اېمسدى. كېچەسى اۋشە پېردە قالىپ، اېرتەسىگە اۋردەگە قېتىپ كېلدىم. بىز غازىخاننى قۇرغانده، دېپ اۋىلەگن اېدىك، بىراق بو ناموسسىز نامرد آتەسى، اكە- اوکەسى، آتەسى و آپە-سىنگىللىرىنى ملۇت گە تشلب، اۋزى سناقلى كىشىلىرى بىلن تاققە قرەب قاچىيدى.

مېين آن بې اهمىت را كه هرگز
نخواهد دید روی نبکبختی،
تن آسایى گزیند خویشتن را،
زن و فرزند بگذارد به سختی.

(مضمونى: اوندهى بې اهمىتى كۆرمە، او هيچ قىچان خوشبختلىك يوزىنى كۆرمەيدى. او اۋز گودەسىنى قوتقريب، خاتىن، بالە-چقەسىنى يامان حالده قالدېردى.) چارشنبە كۈنى بو جايدن آلتىپ، غازىخان قاچگن تاققە قرەب جۈنەدىك. ملۇت آغزىدەگى قارارگەدن بىر كۈرۈە يۇل يورىپ، بىر كۈل يانىگە توشدىك. شو پېردە دلاورخان كېلىپ، خدەتمىدە قالدى. دولتخان، عليخان، اسماعىلخان و ينە اولرىنىگ بىر قنچە قرىنداش-اوروغلىرىنى اسير قىلىپ بېرەدەگى ملۇت قۇرغانىگە آلىپ بارىپ اسرەشلىرى اوچون كتە بېككە تاپشېردىك. قالگنلىرىگە دلاورخاننىگ راضىلىگى بىلن خون بهاسى بېلگىلې، بىر اولرگە بىتە-بىتەدن بېرىپ يۇباردىك. بعضىلرنى كفىللىككە بېرىپ يوباردىلر، بعضىلرىنى اسير قىلىپ سقلەدىلر. كتە اۋز اسيرلىرىنى آلىپ كېتىدى. دولتخان اېسە سلطانبورگە بېتگىنيدە وفات اېتدى.

ملۇت قۇرغانىنى محمد على جنگ-جنگ ذمەسىگە تاپشېردىك. اۋز طرفىدن اكەسى ارغوننى بىر نېچە يىگىتلىرى بىلن او پېردە قالدېردى. هزاره و افغان يىگىتلىرىدن هم ايگى يوز اېللىككە يقىنى قۇرغانگە كۈمك اوچون تعينلندى.

خواجە كلان بىر نېچتە تويەگە غزنى شرابلىرىدن آرتگن اېدى. خواجە كلان مسكنى

قۇرغان بیلن اۇردە اۇرتەسى نینگ اوستیده گی بیر تپه لیکده جایلشگندی. اۇشه پیرده صحبت اویوشتیریلیب، بعضیلر شراب، بعضیلر عرق ایچدیله، عجیب بیر صحبت بۇلدی. او بېردن جۇنب، ملۇت یقینیده گی بیر تاغ اېتگیده گی پست تپه لردن آشیب دون گه کېلدىک. هندوستانلیکلر تیلیده جۇلگه، یعنی اۇتلاق-ییلاننى "دون" دېدیله. هندوستان ده گی اقر سولردن بیرى منه شو دون ده دیر. دون نینگ اطرافیده جوده کۆپ قیشلاقلر جایلشگن. بو جَسول ولایتی بۇلیب، دلاورخان بو پیرده گیر گه تاغه بۇله دی. دون-عجیب بیر ییلاو. نهر نینگ اطرافلری میسه زار، بعضی جایلر گه شالی اېکیشیدى. دون نینگ اۇرتەسیدن اوچ-تۇرت تېگیرمان سوو آقیب اۇته دی. ییلاونینگ کینگلیگی بیر-ایگی کوروه، بعضی یېرلری اوچ کوروه هم کېله دی. تاغلری تپه لیککه اۇخشش کیچیک-کیچیک تاغلر دیر، قیشلاقلری شو تاغلر اېتگیده جایلشگن. قیشلاقلر بۇلمه گن جایلر ده طاووس و میمون انچه گینه. اوی تاوویگه اۇخشش تاووقلر هم کۆپ دیر. خودی تاووق نینگ اۇزی، فقط اولر نینگ کۆپچیلیگی بیر رنگده.

غازیخان حقیده بیرار یېردن ایشانچلی خبر چیقمه گچ، توردیکه بیلن بیریم دېو ملیهاس گه غازیخان قه پیرده بۇلسه هم، قنده ی قیلیب بۇلمه سین، قۇلگه آلیشیرینی بو یوردیم. بو دون اطرافیده گی کیچیک تاغلرگه جوده یخشی استحکاملی قلعه لر توشگن. شرقی-شمال طرفیده ۸۰—۷۰ قری بلندلیکده گی یېرگه-تیک قایه اوستیگه کاتله دېگن قلعه جایلشگن. اونینگ کتّه دروازه سی یېتی-سکیز قری بلندلیکده جایلشگن، کۆترمه کۆپرک توشه دیگن جای نینگ کینگلیگی اۇن-اۇن ایگی قری. ایگی اوزون یاغاچنی کۆپرک قیلیشیدى. آت و پاده لرنی اۇشه یېردن هیده ب آلیب اۇته دیله.

غازیخان نینگ بو تاغلی حدودده گی مستحکم قۇرغانلردن بیرى شو کاتله دیر. بو پیرده اونینگ آدملری هم بار اېکن. هجومچیلر او یېرگه یېتیپ باریب، جنگ باشلب یوباردیلر. اولر یقینله شیب قالگن دیله. کچ کیرگچ، قۇرغان ایچیده گیر شونده ی مستحکم قۇرغاننی تشلب قاجدیله.

بو دون اطرافلريده يەنە بىر مستحكم قۇرغان گنگۇتە قۇرغانى دىر. اونىنگ اطرافى ھەم خطرلى يۇللاردىن عبارت، لېكىن اونچە مستحكم اېمىس. عالمخان مەنە شو گنگۇتە قۇرغانىگە يىشىرىنگەن اېدى، بو حقدە بورون اېسلەگندىك.

غازىخان نىنگ اوستىگە ايلغار^۴ جۇتتىگەندىن كېيىن آياغىمنى ھەمەت اوزنگىسىگە قۇيىپ، اللەگە توكل تىزگىنىنى قۇلگە آلدىم و سلطان ابراھىم بن سلطان اسكندر بن سلطان بھلول لۇدى افغان نىنگ اوستىگە يوردىم. اۋشە يىللىرى پايتخت دەھلى و ھىندوستان يەرلىرى اونىنگ تىختى تصرفىدە اېدى. حاضردە اونىنگ لشكرىنى بىرلەك دېيىشردى. اۋزى و بېكلىرىدەگى فيللىر نىنگ حسابى مېنگەگە يىقىنلىشردى. بىز اونگە قرەب يوردىك. بىر كېچەدن سۇنگ، دىيلىپورنى باقى شىغاۋولگە عنایت قىلىپ، اونى بلخگە كۆمك اوچون جۇتتىدیم. بلخدەگى ايشلرنى يىخىشلىش مقصدىدە انچه پول و كابل دەگى قرىنداشلارگە ھەمدە بالە-چقەگە ملۇتنى اېگللەگىمىزدە قۇلگە كىرىتگەن نرسەلردىن ساۋغەلر يوبارىلدى.

دوندىن پستدە بىر-ايگى منزل اۋتگىمىزدىن سۇنگ شاھ عماد شېرازى آرايش خان و ملا محمد مۇدھەب نىنگ خطلىرىنى آلىپ كېلدى. اولر خطدە مېنگە بىر مونچە خىر خواھلىكلر اظهار قىلىپ، كۈنگلىمدەگى بو يوريش حركتى و غىرتىنى آشىرگەن اېدىلر. بىز پىادە چاپرىمىز آرقەلى اولرگە عنایت فرمانلىرى و التفات مکتوبلىرى بېتىپ يوباردىك، اۋزىمىز آلدىنگە قرەب جۇنپ كېتدىك.

ملۇتدىن چىققەن ھجومچىلر ھرۇر، كھلۇر و اۋشە اطرافدەگى كىرىش قىيىنلىقىدىن ھېچ كىم يىقىنلاشمەگەن قۇرغانلارنى اېگللەپ، اېلىنى تەلەپ، بىزگە كېلىپ قۇشلىدىلر. عالمخان ھەم خراب بۇلىپ، يىاۋ-يىلنگ بىر احوالەدە كېلدى. اونى كوتىپ آلىشگە بېك و خاص عملدارلارنى يوباردىك، آتلر ھەم جۇتتىدىك. شو يېردە اېكىمىمىزدە كېلىپ، خەدەمىمىزگە كىردى. اطرافدەگى

۴- ايلغار- آلدىندە يورۇۋچى عسكەرلر.

۵- لىك - ھەندچە يوز مېنگ.

تاغ و دره‌لرنی اؤرگنیش اوچون هجومچیلر باریب، بیر ایگى كېچه تونب هم كېلدى. ايترلى بىرار يىخشى نرسه قۇلگه كىرمەدى. شاه مير حسين، جاني بېك و ينه بعضى ييگيتلر هجومگه رخصت سۇره‌ب، كېتىلر.

دونده اېكنيميزده اسماعيل جلواني و بېين نينگ خبرچىلرى ايگى-اوچ مرته كېلىشىدى. مېن هم اولر ايسته گنيدېك فرمانلر يوباردىم.

دوندن جۇنوب، آرۇپرگه كېلدىك. ارۇپرده اېكنيميزده قتيق يامغىرلر ياغدى. انچه گينه ساووق بۇلدى. آچ يلنغاچ هندوستانلىكلرنينگ كۇپى قىرىلىب كېتىدى.

ارۇپردن چىقىپ، سهريندينگ رۇپره سیده-كرمالده تۇخته گن اېدىك هم كه، بىر هندوستانلىك: "سلطان ابراهيم نينگ اېلچىسى من"، دېب كېلدى. اونينگ خط و يارلىغى بۇلمسه هم، او بىزدن بىر كىشىنى اېلچىلىككه يوباريشيمىزنى سۇره‌ب، يلىنىب-يالواردى. بىز هم اونگه همراه قىلىپ تونگى پاسبانلريمىزدن سوادىنى جۇتتىدىك. بو بېچاره‌لر يېتىپ بارىشگچ، ابراهيم هر ايگاوينى هم اسير قىلىدى. ابراهيمنى تار-مار قىلگن كونيمىز سوادى قوتولىب كېلدى.

يۇلده بىر كېچه تۇختب، بنۇر و سنۇر يېرلرينى سوغاره ديگن نهر ياقه سیده توشدىك. بو هندوستانده گى باشقه دريالردن اجره لىب توره ديگن يگانه تېزاق دريا، اونى گگر درياسى دېدىلر. چيتر^۶ هم شو دريا ياقه سیده دير. دريا بۇىلب سىر قىلىش اوچون يوقاريگه قهر بوردىك. بو دريا چيتردن اوچ-تۇرت كوروه يوقاریده، نهرينگ چيتدن چىقىپ كېلدى. دريا بۇىلب يوقارياققه كۇترىلگنيمىزده بىر كېنگ دره‌دن تۇرت-بېش تېگىرمان سوو آقىب چيقه ياتگىنىنى كۇردىك. بو بلندلىكده گى جايلر جوده گۇزەل و اېنگ خوش هوا يېرلر دير. اوشبو دريانينگ دره‌دن چىقىپ كېلەديگن جاييده چارباغ برپا اېتىشلىرىنى بويوردىم. بو سوو دلەگه توشىب، ينه بىر-ايگى كوروه آقىب بارەدى و نهرگه قۇشلىب كېتەدى. گگر سووى اېسه

چېگەن آقېب چىقەدى و او مذکور دريا قۇشيله ديگن جايدن اوچ-تۇرت كوروو بلندراقدن آقەدى. يامغېر موسمىدە بو دريانىنگ سووى جودە كۈيەدى، گگر درياسىگە قۇشېلىپ، سَمَنە و سوْنَم تامان آقېب بارەدى.

شو جايدە اېكنىمىزدە دەلى نىنگ بو طرفىدە تورگن سلطان ابراهيم نىنگ او پېردن چىقىپ آلدىنگە قرەب جۇنەگنى و حصار فېروزە شىقدارى^۷ حمىدخانى خاصە خىل، حصار فېروزە و اۋشە پېردەگى لشكرى بىلن حصار فېروزەدن بو تامانگە قرەب اۋن-اۋن بېش كوروو پېرىدە كېلەياتگنى حقىدە خبر آلدىك. كتەبېكنى خبر كېلتىرىش اوچون سلطان ابراهيم نىنگ قارارگاھىگە، مۇمن اتكەنى حصار فېروزە قۇشېنىگە يوبارىلدى.

جمادى الاول آيى نىنگ اۋن اوچىنچىسىدە، يىكشەنبە كۈنى انبلەدن چىقىپ، بىر كۈل ياقەسىگە توشدىك. مۇمن اتكە بىلن كتەبېك خۇدۇ شو كۈنى قېتىپ كېلدىلر. ھمايوننى خواجه كلان، سلطان محمد دۇلداى، ولى خازن باشچىلىگىدەگى اۋنگ قناتدەگى كىشىلرى بىلن ھمدە ھندوستان دە قالگن بېكلردن خسرو بېك، ھندوبېك، عبدالعزىز، محمد علىى جىنگ-جىنگنى، مركزى قۇشىندىن، پادشاھ سرايى نىنگ خاص عملدارلرى و يىگىتلىرىدن-شاھ منصور برلاس، كتەبېك، محب على و ىنە بىر نېچە كىشىنى قۇشىپ حمىدخان نىنگ اوستىگە يورىشكە تەيىنلەدىك.

بىيىن ھم شو قارارگاھىمىزگە كېلىپ، التفات كۇرستىدى. افغان دېگنلرى جودە قۇپال و بې عقل خلق بۇلەدى. گرچە نوكرلرى سانى و مرتبەسى بوندن بلند بۇلسە ھم، دلاورخان، عالمخان نىنگ اۋغلانلرى- پادشاھزادەلر بۇلسە ھم، مېنىنگ آلدىمدە اۋتىرگنلرى يۇق، بىراق بو بىيىن اۋتىرىشكە اذن سۇرەدى. اما اونىنگ بونامعقولچىلىگىگە كىم ھم قولاق سالىردى!

آي نىنگ اۋن تۇرتىنچىسىدە، دوشنبە كۈنى اېرتەلب ھمايون حمىدخان اوستىگە قۇشىن تارتىدى. ھمايون سەرلنگن يوز-يوز اېلىك ساقچى قىسم يىگىتىنى اۋزىدن آلدىنراق جۇنتىدى.

۷- شىقدار — سالىق بىغووچى.

بوييگيتلر دشمنگه يقينلاشيب، قۇل جنگيني باشلب يوبارديلر. بير-ايگي تۇقنه شوودن كېين آرقه دن همايون نينگ قاره سى كۇريندى و دشمن قاچه باشله دى. يوز-ايگي يوز كيشيني آتدن قولە تيب، يرمى نينگ باشيني كېسديلر، قالگن يرمىنى يېتى-سگيز ته فيلى بيلن همايون نينگ آلديگه كېلتيرديلر. همايون نينگ بو غلبه سى حقيدە گى خبرنى آي نينگ اۋن سگيزينچيسيدە، جمعه كوني توش وقتيدە، بېك ميرك مۇغول اۋشه قارگاه نينگ اۋزידە اېكيني مزده ياق يېتكزيب كېلدى. مېن در حال همايون گه مخصوص باش-آياق كييم و آتخانه مدە گى اېنگ يىخسى آتلردن بيرىنى انعام اېتېب، ينه باشقه مكافاتلر هم وعدە قىلديم.

آي نينگ ييگيرمه بيرينچيسيدە، دوشنبه كوني شو قارگاه گه همايون يوزته چه اسير و يېتى-سگيز فيل بيلن كېلىپ، مېنگه التفات كۇرستدى. استاد عليقولى و ميليتقىليرگه سياست اوچون اسيرلرنى ميليتق بيلن قيريب تىلش بويوريلدى. همايون نينگ بيرينچى يوريشى و بيرينچى كۇرگن ايشى شو اېدى. بو اونينگ كېينگى نيتلرى اوچون كۇپ يىخسى علامت بۇلدى. آتلىقلىرىمىز قاچگن كيشيلرنى قوويپ حصار فېروزه قلعه سيگچه بارديلر، او پىرنى قۇلگه آليب، تلب، قېتىپ كېلدىلر. حصار فېروزه قلعه سىنى اونگه تېگيشلى و تابع بير كرورلىك ولايتى بيلن همايون گه ساوغه قىلديم و ينه بير كرور^۸ پول مكافات هم بېرديم. بو قارگاهدن كۇچىب شاه آبادگه كېلدىك. سلطان ابراهيم نينگ قارگاهيگه "فيل" توتيب كېلىش اوچون آدم جۇنتدىك و شو باعث بير نېچه كون شو پېردە قالىپ كېتدىك. رحمت پياده نى غلبه حقيدە گى خبرلر بيلن كابل گه يوباردىك.

اوشبو قارگاهده اېكيني مزده، جمادى الاول آي نينگ ييگيرمه سگيزينچيسيدە، دوشنبه كوني آفتاب حمل بورجيگه كيردى. ۹۲۱- يىلى همايون اۋن سگيز ياشده اېدى، اونينگ يوزيگه اُستره ياكه قىچى تېككيزيلدى.

ابراهيم نينگ اۋردە سىدن هم اونينگ بير كورو-ايگى كوروو يوريب، هر بير قارگاهده

ايگى-اوچ كون تۇخت-تۇخت كېلەياتگنلىگى حقىدە تىنيمسىز خبرلر كېلەباشلەدى. بىز ھم آلدىنگە قرەب يۇل آلدىك. شاھآباددن چىققىچ، ايگى منزلدە تۇخت، سىرساۋەنىنگ تۇغرىسىگە-جوون درياسى قىرغايگە كېلىپ توشدىك. خواجە كلاننىنگ نوكرى حىدرقولى "فيل" اوشلب كېلىش اوچون يوبارىلدى.

مېن جوون درياسى كېچىگىدن اۋتىپ سىرساۋەنى سىر قىلدىم. اۋشە كۈنى معجون ھم يېدىك. سىرساۋەنىنگ چشمەسى بار، آزاراق سوو شو چشمەدن آقىپ بارەدى، يامان جايلىر اېمىس. توردىبېك خاكسار بو يېرنى مۇتەبەرىفەلەدى. مېن اونگە "شو يېر سېنىكى بۇلسىن"، دېدىم. شو سبب بىلەن سىرساۋە توردىبېككە بېرىلدى.

بىر كېمەگە تالار-تختە سوۋپە يىستىرىپ آلگندىم. بعضىدە شو كېمەدە سىر قىلدىم، بعضاً باشقە منزلگە كۈچگىنىمىزدە ھم شو كېمە بىلەن كېلدىم.

او قارارگەدن چىقىپ قىرغاق بۇلىپ پىستگە قرەب ايگى منزل يورگىن اېدىك ھمكە، "فيل" توتىشگە بارگىنلردىن حىدرقولى داۋودخان ھىتىم خاننى بېش-آلتى مىنگ كىشىسى بىلەن مىان دوآب طرفىگە اۋتكىزىلدى. ابراهيمنىنگ دايرەسىدن اوچ-تۇرت كۈرۈپ بېرىدە دايرە اۋرىپ اۋتىرگىنىش، دېگىن خبرنى كېلتىردى.

جمادىالآخر آيى نىنگ اون سىگىزىنچىسىدە، يىكشەبە كۈنى بو تۇدە اۋستىگە چىن تېمور سلطان، مەھدى خواجە، محمد سلطان مىرزا و عادل سلطاننى و بوتون چىق قنات يىگىتلىرى-سلطان جنىد و شاھ مىر حسين و قوتلوق قەدىمى، مەركىزدىن-يونس على، عبداللە، احمدى و كتەبىكىنى ايلغار قىلىپ تىلەدىك. پېشىن نمازى چاغى اولر شو يېردىن دريانى كېچىپ اۋتىپ، عصر و شام نمازلىرى آرەلىغىدە نرىگى قىرغاقدىن جۇن كېتىلر. بىيەن مەنە شو ھىجوم بھانەسىدە دريادىن اۋتىپ، قاچىپ كېتىدى. بامداد نمازى پىتى عىسكىرلىرىمىز دىشمن اۋستىگە يېتىپ بارەدىلر. آزگىنە آدم اوروش باشلەيدىگندېك بۇلىپ سىفلەندى. بىزنىنگ آدملىرىمىز يىقىلىشىشلىرى بىلەن اولر قۇرقىپ قاچە باشلەيدىلر. ابراهيمنىنگ دايرەسىگەچە اولرنى آتلىرىدىن قولەتىپ، قوۋىپ بارەۋېرەدىلر. داۋودخاننىنگ اكەسى ھىتىمخاننى، اونىنگ سىردارلىرىدىن

ییری شو کیشی ابدی، آتدن توشیریپ، یېتمیش-سکسان اسیر و آلتی-یېتتی فیل بیلن آلدیمگه آلیب کېلдіلر. سیاست اوچون عسکرلرنینگ کۋچیلیگی قتل اېتیلدی.

بو یېردن جۋنب اۋنگ قنات، چپ قنات و مرکز قۋشینلرینی صفلب، کۋریکدن اۋتکزیدیم. عسکرلریمیزنینگ ساننی ییز مۋلجلله‌گندن کمراق اېدی.

شو قۋنیمجایده بوتون لشکر خلقي حالیکه یرەشە ارابه کېلتیریشلرینی بویوردیم. یېتتی یوزتە ارابه آلیب کېلдіلر. استاد علیقولی گە روم اصولی بیلن ارابه‌لر آره‌سیگه زنجیر اۋرنیکه هۋکیزنینگ خام تېرسیدن ارقان اېشیپ تسمه قیلیپ بیر-یریگه باغلشینی بویوردیم. هر ایگیتە ارابه اۋرتەسیگه آلتی-یېتتی تۋرە (قلقان) قۋیلەدی. میلتيقلیلر شو ارابه و تۋرە-قلقانلر آرتیدە توریب، میلتيق آتەدیلر. بو قوراللرنی تیارلش اوچون بېش آلتی کون شو یېردە قالیب کېتدیک.

اوشبو اسباب و قوراللر تیار بۈلگنیدن سۋنگ ییز بېکلر و ییلمدان سرە ییگیتلرنی چقیریب، عمومی کېنگش اۋتکزیدیک. پانی‌پت-بوتون بیر شهر. اونینگ محله و اوپلری کۋپ، بیر تامانیمیزدە اطرافدەگی محله و اوپلر بۈلسە، ایگینچی طرف ارابه و قلقلانلر بیلن تۋسیلەدی، میلتيقلی و پیادەلر ارابه و قلقان آرتیکه جایلشتیریلەدی، دېگن فکردە تۋختەدیک. شو قرارگە کېلیپ، ییز جۋنب کېتدیک. بیر منزل اۋتیب، جمادی‌الآخر آیی نینگ سۋنگیدە، پنجشنبه کونی پانی‌پت گە یېتیب کېلدیک. اۋنگ طرفیمیزدە شهر و محله‌لر جایلشگن. آلدیمیزگە تیار بۈلگن ارابه و قلقلانلر قوییلدی. چپ طرف و ینە بعضی یېرلردە خندقلر قزیر، شاخلردن تۋسیقلر کۋتردیک. هر بیر اۋق آتیمی (میلتيقلیلر گروھی) اۋرتەسیدە یوز-یوز اېلیک آت چیقە-آلەدیگن جای قالدیریلدی. عسکرلرنینگ بعضیلری ترددلیپ واهمەگە تۋشدیلر. قۋرقوو و واهمەگە تۋشیش اۋرینسیز دیر. تنگری نیمەنی کە ازلدن تقدیرگە ییتگن بۈلسە، اوندن باشقەسی بۈلمەیدی. اما اولرنی هم عییل بۈلمەیدی. اولرنینگ هم تۋشیشگە تۋشیشگە حقلى بار. چونکە وطنیدن ایگى-اۋچ آیلیک یۋلنى باسیب کېلیپ، بېگانە قوم بیلن اوروشگە کیریشگن اېدیلر. نه ییز اولرنینگ تیلینی بیلەمیز، نه

اولر بيز نينگ تيليميزنى بيله ديلر.

پرېشان جمعى و جمعى پرېشان،

گرفتار قومى و، قومى عجايب.

دشمن عسکرلرى نينگ سانى عين پيتمه بير لک- يوز مينگ كيشيگه يېتردى. اوزى و اميرلريده بير-ايگى مينگته گه يقين فيللىرى بار، دېيىشردى. آتە-باباسيدن قالگن خزينه نينگ همه سى قۇليده نقد اېدى. هندوستانده شوندهى عادت بار: اگر شوندهى اوروشلر روى بېرگودېك بۇلسە، بېلگىلنگن مدت اوچون پولگه نوكر ياللىلهدى. ياللىنگن كيشيلرنى "بدھندى" دېب اته يديلر. اگر سلطان ابراهيم شوندهى فكرگه كېلسە، يوز مينگ، ايگى يوز مينگته نوكرنى هم ياللىله اوردى. تنگري تعالى بيزنى يارلەقەدى، او نه نوكرلرينى راضى قىلە آلدى، نه خزينه سىنى اولشە آلدى. طبعيتده بخيللىك غالب كېلگن آدم قندهى قىليب ييگىتلرينى راضى قىلە آلدەدى. اوزى پول ييغىشگه بېحد بېرىلگن، تجربه سىز، غۇر بير ييگىت اېدى. اونىنگ نه كېلىشى و توريشيده سرانجاملىك، نه يوريشى و اوروشيده غيرت-اشتياق بار اېدى.

پانى پتەده عسکرلر نينگ يان-اطرافىگه ارايه و شاخلردن تۇسويق يَسب، خندقلر قَريب استحكام قورەياتگن پَيتيميز درويش محمد ساربان:

«بوندهى احتياطكارلىك بىلن حمايه لنه ياتگنيميزده او بيزگه قرشى كېلىشگه قندهى امكان تاپەدى»، دېب ايتدى.

- سېن بولرنى اوزبېك خان و سلطانلريگه اۋخشە تېپسەنمى؟ - دېب جواب بېردىم. سمرقندنى تشلب چىقىپ، حصارگه كېلگنيميزده، اوزبېك نينگ برچە خان و سلطانلرى يىغىليب، بيز نينگ اوستيميزگه بېرلىشىپ، باستىريب كېلىش نيتيده دربنددن اۋتديلر. بيز بوتون لشكر و مۇغول نينگ كۈچ-كۈرانى و ماللرينى محللرگە يىشيريپ، كۈچلرنى تۇسيپ قۇيدىك. يوريش-توريش نينگ حساب-كتاينى آلكچ، خان و سلطانلر حصارنى حمايه لىش اوچون حيات-ممايتيميزنى تېككنيميزنى كۆرديلر. حصار اوستيگه كېلىشگە كۆزلرى يېتمەي،

چغانيان اطرافىدە جايلىشكن نۇنداكدن آق آرتلىرىگە قىتىپ كېتىدىلر. بولرنى سېن اولرگە اۋخستمه، بولر حربى ايشنى و اوروشىش قوراللىرىنى قەپىردن بىلسىنلر.

تنگرى بىزگە كۈمك بېردى، همه سى مېن ايتگندېك بۇلدى. پانى پتدە اۋتگن پىتى-سگىز كون مايىنىدە آدملىرىمىزدن آز-آزدن بارىپ، اولر نىنگ دايره سىگچە يقىنلىشىپ، كۈپ سانلى دشمنگە اۋق آتردىلر و باش كېسىپ كېلتىرىدىلر. دشمن اېسە نە جايىدن قۇزغلىدى، نە حملە قىلدى. كېن بىزگە خىر خواه هندوستانلىك بېكلرنىنگ مصلحتىگە عمل قىلىپ، مېھدى خواجه، محمد سلطان مىرزا، عادل سلطان، خسرو، شاه مىر حسين، سلطان جنيد برلاس، عبدالعزيز مىر آخۇر، محمد على جنگ-جنگ، قوتلوق قدم، ولى خازن، محب على خليفه، محمد بخشى، جاني بېك و قاره كۈز باشچىلىگىدە تۇرت-بېش مىنگ كىشىنى تونكى هجومگە يوباردىك. كېچ كىرىپ قالگنى باعث يخشىلىپ كېلىشىپ آلامەى، ترقه لىپ كېتىپ، بىرار ايش قىلالمەدىلر. تانگ آتىپ، كون يارىشگونچە، اولر دشمن دايره سى نىنگ يقىنىدە اېكنىدە، دشمن ناغاره لرىنى چلىپ، فىللىرى بىلن صف تارتىپ چىقدى. گرچه بىزنىكىلر بىرار ايش قىلالمەكن بۇلسەلر هم، شونچە كۈپ كىشى بىلن اوروشىپ، بىرار كىشىنى يۇقاتمەى، ساغ-امان چىقدىلر. محمد على جنگ-جنگ نىنگ آياغىگە اۋق تېگدى. جراحتى خوفلى بۇلمسەدە، اوروش كۈنى او جنگگە يرمەدى.

بوندىن خبر تاپىپ، مېن همايوننى عسكرلىرى بىلن بىر-بىر يىرىم كوروھ آلدىنگە-دشمن قرشىسىگە يوبارىپ، اۋزىم قالگن جنگچىلر بىلن صف تارتىپ چىقدىم. تونكى هجومگە كېتگنلر كېلىپ همايونگە قۇشىلدىلر. دشمن آدملىرى آلدىنگە قرەب، بىز هم آرقەگە قىتىپ، تۇختەدىك. شو كېچە اۋردەدە غلطى (بالغاندەكم) غوغا كۈترىلدى. ايلگرى بوندەى شاوقىن-سوران كۈرمەكن كىشىلر قۇرقوو و وهىمەگە توشىپ قالدىلر. بىر آز وقت اۋنگچ، شاوقىن باسىلدى.

رجب آيى نىنگ سگىزىنچىسىدە، جمعه كۈنى بامداد نمازى چاغى ساقچىلردن دشمن نىنگ صف تارتىپ كېلەياتگنلىكى حقىدە خبر كېلدى. بىز يەنە ساووتلرنى كىيىپ،

قوراللىنىپ آتلىنىدىك. اۋنگ قناتدە ھاميون، خواجە كلان، سلطان محمد دۇلداي، ھندوپېك، ولى خازن و پيرقولى سيستانى توردىلر. چپ قناتدە محمد سلطان ميرزا، مەھدى خواجە، عادل سلطان، شاھ مير حسين، سلطان جنيد برلاس، قوتلوق قدم، جانى پېك، محمد بخشى و شاھ حسين يارك مۇغول غانچى توردىلر.

مرکزىنىڭ اۋنگ طرفىگە چىن تېمور سلطان، سليمان ميرزا، محمدى كۈگلداس، شاھ منصور برلاس، يونس على، درويش محمد ساربان و عبدالله كىتابدار قۇيىلدى. مرکزىنىڭ چپ طرفىگە خليفە، خواجە ميرميران، احمدى پروانەچى، توردى پېك، قۇچپېك، محب على خليفە و ميرزاپېك ترخان قۇيىلدى. ايراولۇگە خسرو كۈگلداس و محمد على جىنگ-جىنگ يېتكىچى بۇلدىلر. عبدالعزيز ميرآخۇرنى طرحە (ياردمچى بۇلىنمەگە) باشلىق قىلىپ تەيىنلەدىك. اۋنگ قناتىنىڭ چېتىگە ولى قىزىل و ملك قاسم بابا قشقەنى مۇغوللرى بىلن تۇلغامە^{۱۰}گە صفەلەدىك. چپ قنات چېتىدن قراكۇزى، ابوالمحمد نىزەباز، شىخ جمال برىن، مەھدى و تېنگرىقولى پىشەغى مۇغولنى تۇلغامەگە صفەلەدىك. دشمن عسكىرلىرى ياقىنلەشىشلىرى بىلن بو ايگى بۇلك تۇلغامە اۋنگ و چپ طرفلردن دشمنىنىڭ آرقە طرفىگە ايلنىپ اۋتىپ آلەدى. دشمنىنىڭ قارەسى كۈرىنگىدە عسكىرلىرىنىڭ كەتە قىسمى اۋنگ قناتىگە قەرب كېلەياتكىنى كۈردىك. شوباعث ياردمچى بۇلىنمەگە باشچىلىك قىلەياتىك. عبدالعزيزنى اۋنگ قناتىنى مستىكەملىش اوچون يوباردىك.

اوزاقدن قارەسى كۈرىنگىن سلطان ابراھىمىنىڭ قۇشىنى ھېچ يېردە تۇختەمەي تېزلىك بىلن بىزگە قەرب كېلەوېردى. ياقىنراق كېلىگىچ، اولرگە قارەمىز كۈرىندى. بىزىنىڭ صف تارتىپ، جىنگە شى تورگىنىمىزنى كۈرىپ، اولر نىمە قىلىشلىرىنى بىلمەي تۇرۇلۇپ قالدىلر. اېسنىكەرەب، تورىشنى ھم، كېلىشنى ھم بىلمەي، نە جايدە تۇرالدى، نە اۋلىگىدېك تېزلىك

۹-ايراولۇ - عسكىرنىڭ اياغاچچىلىك خىدمىتىنى قىلىپ، آلدىندە بارەدىگن قىسمى
۱۰ - تۇلغامە - دشمن صفىنىڭ ايگى يانىدە ترتىبسىز ھۇجۇم قىلىپ، شاشىرىش تاكتىكى.

ییلن تۆخته مسدن ایلگر یلشنى اۆیلهدی.

تۇلغامه گه تعینلنگن عسکرلرگه اؤنگ و چپ قۇلدن دشمن نینگ آرقه تامانیگه اؤتیب، اؤق اؤتیب اوروش باشلشلىرى، اؤنگ و چپ قناتلرده گیلر هم دشمن ییلن آلیشیشلىرى اوچون فرمان بۇلدى. تۇلغامه ده گیلر دشمن آرقه سیگه اؤتیب، اؤق آته باشلهدیلر. چپ قناتده گى مهدي خواجه جنگنى همەدن آلدین باشلب یوباردی. مهدي خواجه گه قرشى بیر تۇده عسکر بیر فیل ییلن باستیریپ کېلدى. مهدي خواجه نینگ آدملىرى كۇپ اؤق یاغدیریپ، اولرنى چېكىنىشگه مجبور قیلدى. چپ قناتگه مرکزدن احمدی پروانه چى، توردی بېك قۇچېك و محب علی خلیفه یاردمگه یوباریلدى. اؤنگ قناتده هم جنگ باشلانیپ كېتدى.

محمد علی كۇكلاش، شاه منصور برلاس، یوسف علی و عبدالله گه مرکز قۇشىنى آلدیده توریب جنگ باشلش بویوریلدى. استاد علیقولی هم مرکز قۇشىنى آلدیده توریب فرنگى میلیتقدن آتدی. مصطفى تۇپچی هم مرکزی قۇشین نینگ چپ قناتیده گى ارايه اوستیده گى ضربزندن^{۱۱} یخشی ضربلر بېردی. اؤنگ قنات، چپ قنات، مرکز و تۇلغامه ده گیلر دشمننى هر طرفدن اؤرهب آلیپ، اوستیگه اؤق یاغدیریپ، جنگنى يوره کدن قیزیتدیلر. دشمن اؤنگ و چپ قناتلرگه بیر-ایگى مرته قیسقه-قیسقه حمهلر هم قیلدى. بیز نینگ جنگچیلریمیز اولر نینگ اوستیگه اؤق یاغدیریپ، ینه مرکز تامانگه سیقیپ كېلیدیلر. دشمن نینگ اؤنگ و چپ قناتی بیر یېرگه تۇپلنیپ قالیپ، شو درجه ده تیقلینچلیك حاصل بۇلدى كه، نه آلدینگه یوریشگه، نه آرقه گه قاجیشگه يۇل تاپالیدیلر.

آفتاب بیر نيزه بۇیى كۇتریلگنده اوروشنى تېزلىتىرىشگه چقىریلدى. توشگچه جنگ دوام اېتدی. كون توشگه یېتگنیده دشمن یېنگیلدى و یكسان قیلیندى. تىگرى تعالی فضل و كرمى ییلن بوندە قیین ایشنى بیزگه آسان قیلدى و شو قدر كۇپ سانلى لشكرنى یریم كوندە یېر ییلن یكسان قیلدى. فقط ابراهیم یانیده گى بیر جای نینگ اؤزیده بېش-آلتى مینگ كیشى

اۋلديريلدى. باشقە يەرلەردە اۋلگنلارنىڭ سانىنى اۋن بېش-اۋن آلتى مىنگ كىشى، دېب تخمىن قىلدىك. كېيىنراق، آگرەگە كېلگىنىمىزدە، ھىندوستانلىكلاردىن اېشىتىشىمىزچە، اوشبو جىڭدە قىرق-اېلىك مىنگ كىشى ھالاك بۇلگن اېكن.

دشمنى يىڭگىچ، آرتىدىن كوزە تىب بارىب، آتلىرىدىن يىقىتىپ آلدىك. عىسكرلرىمىز آتدىن توشىرىلگن امىر و يىگىتلىرىنى آلىپ كېلە باشلەدىلر. تۈدە-تۈدە فىللىرىنى فىلپانلىرى كېلتىرىپ ساوغە قىلدىلر. ابراهيمنى جىڭ مىدانىدىن چىقىپ كېتىگن، دېب اۋىلب، مخصوص قۇشىندەگى قىسم تاي مىرزا، بابا چوھرە و بوجكە باشچىلىگىدەگى كىشىلىرىنى دشمن آرتىدىن ايزمە-ايز يوباردىك. تېزدە قوۋىپ يېتىپ، آگرەگە بارگۇنىچە اونى قۇلگە آلىشلىرىنى تەيىنلەدىم. ابراهيم اۋردەسىنىڭ اىچى بىلەن اۋ تىب، اونىڭ كىچىك حويلىسى-توررجاى و اويلرىنى اىلىپ چىققىچ، بىر قارەسسو ياقەسىگە توشدىك. عصر نمازى پىتى خلىفەنىڭ قەيىن اوكەسى طاھر طبرى، سلطان ابراهيمنىڭ جىسدىنى جودە كۇپ اۋلىكلر اىچىدىن تىب قالىپ، باشىنى كېلتىردى.

شو كۇنياق ھاميون مىرزا، خواجە كلان، شاھ منصور برلاس، يونس على و عبداللە، ولى خزىنەچىنى تېزدە بارىب، آگرەنى قۇلگە كىرىتىپ، خزىنەنى اېگىللىشلىرىنى تەيىنلەدىم. مەھدى خواجە، محمد سلطان مىرزا، عادل سلطان، سلطان جنىد برلاس و قۇتلۇق قەدىمىنىڭ سىفر انجاملىرىنى آلىپ كېتەياتگن گروھدىن اجرەلىپ، ايلدەملىب دھلى قۇرغانىگە كىرىپ، او پېردەگى خزىنەنى اېگىللىپ سىقلشلىرىگە قارار قىلدىك.

اېرتەسى كۇنى تانگدە بىر كورۇه يۇل يورىپ، آتلىرگە دىم بېرىش اوچون جۇون ياقەسىگە توشدىك. اىگى كېچە شو پېردە قالىپ، سەشنبە كۇنى شىخ نظام اوليانىڭ مزارىنى طواف قىلىپ، دھلى نىڭ رۇپەرەسىدە-جۇون قىرغاقىدە تۇختەدىك. اوشبو چارشنبە كېچەسى ياق دھلى قۇرغانىنى سىر قىلىپ، تونبۇيى اۋشە پېردە قالىپ، اېرتەسى-چارشنبە كۇنى خواجە قۇتب الدىن نىڭ مزارىنى طواف قىلىپ، سلطان غياث الدىن بىلەن و سلطان علاء الدىن خىلجى نىڭ مېقرە، عمارتلىرى و منارەسىنى، غازى شىمىي، غازى خاسنى، سلطان بھلول

و سلطان سکندر مقبره‌لری و باغلرینی سیر قیلیب، اۆرده‌گه قیتیپ، کبمه‌گه کیریپ، عرق ایچیلدی. ولی قیزیل‌گه دهلی‌نینگ شبقدارلیگی^{۱۲} نى تقدیم ایتیپ، دوست‌نى دهلی ولایتیگه دېوان قیلدیم، بار خزینه‌نى مُهرلشنى و بوتون جوابگرلیکنی اولریننگ ذمه‌سیگه یوکلهدیم.

پنجشنبه کونی بو جایدن کۆچیب، توغلیق آباد رۇپه‌ره‌سیگه-جوون قیراغیده توشدیک. جمعه کونینی اۆشه جایده اۆتكزدیک. مولانا محمود، شیخ زین وینه ایریم کیشیلر جمعه نمازیگه باریپ، مېنینگ نامیمگه خطبه اوقیتدیلر. فقیر و مسکینلرگه بیر آز پول ترقه‌تیپ، قارگاه‌گه کبلدیلر.

شنبه کونی او یپردن جۇنب، جایدن-جایگه کۆچیب، آگره‌گه یؤل آلدیک. مېن باریپ توغلیق آبادنى سیر قیلیب، قارگاه‌گه قیتدیم.

رجب آیی‌نینگ ییگیرمه ایگینچیسیده، جمعه کونی آگره چیتیده جایلشگن سلیمان فرمولی‌نینگ اویگه توشدیک. بو جای قۇرغاندن انچه اوزاق بۇلگنلیگی باعث اېرته‌سی کونی جالالخان جگه‌ت‌نینگ اویگه توشیلدی.

بیزدن ایلگریراق کبلگن همایوننى قۇرغانده‌گیلر، عذرلرینی ایتیپ، ایچکریگه کیریتمبدیلر. بولر هم اېل‌نینگ بی‌باشلیگینی اویلب، خزینه‌گه قۇل تېگیزمه‌سین، دېگن نیتده بیز کبلگونچه آگره‌دن چیقهدیگن یۇللرنی قۇریقلب، کپلیشیمیزنى کوتیب توریدیلر.

بکرم آجیت هندو گوالیار راجه‌سی اېدی، اونینگ آته‌لری گوالیار ولایتیده یوز ییلدن آرتیق حکمرانلیک قیلگنلر. اسکندر گوالیارنى آلیش مقصدیده بیر نېچه ییل آگره‌ده قالیپ کپتدی. کببن ابراهیم زمانیده اعظم همایون سپروانی انچه وقت یوره‌کلن کوره‌شدی و آخر عاقبت، اونى صلح یۇلی بیلن آلیب، اونگه شمس آبادنى بېردی. سلطان ابراهیم‌نینگ اوستیگه اوروش باشلگنیده، بکرم آجیت جهنمگه روانه بۇلدى. باله‌لری و عایله اعضالری آگره‌ده اېدی.

۱۲ - شبقدارلیک - سالیق ییغووچیسى منصب، مالیه مأموری.

ھاميون آگرەگە كېلگىنىدە بكر مآجىت نىنگ عايلە اعضالىرى قاقچىشكە اورىنەدىلر و ھاميون تەيىنلەگن كىشىلر اولرنى قۇرىقلىق تورەدى، ھاميون ھم اولرنىنگ تلىنىشلىرىگە يۇل قۇيمەدى. اۇز خواھىشلىرى بىلن ھاميون گە گوھر و قىمت بەھا تاشلر ساوغە قىلىدىلر، اولر ايچىدە بىر مشهور الماس بار ابدى كە، اونى سلطان علاءالدين كېلتىرتىرگن اېكن. بو الماس شونچەلر مشهوركە، بىر مقيم (قىمت بېلگىلاوچى) اونىنگ نرخینى بوتون دىنانىنگ ايگى يريم كونلىك صرف-خرىجلىرىگە تېنگ، دېب بەھالبەدى. سگىز مىقال چىقسە كېرەك. مېن كېلگىنىمدە ھاميون اونى مېنگە ساوغە قىلدى، مېن ىنە اونىنگ اۋزىگە بىغىشلەدىم.

قۇرغان ايچىدەگى تىنقىلى سپاھىلردن ملكداد كرنى، ملى سوردوك و فېروزخان مېواتى نىنگ اعتبارى بلند ابدى. بولرنىنگ قىلگن حىلەلرى بىلىنىپ قالدى. سياست قىلىپ، جزالاشكە يوبارىلدى. ملكداد كرنى آلدىنگە چىقىرىلگىنىدە بعضى بىراولر اونىنگ اوچون يلىنىپ-يالواردىلر.

آدملر او ياق-بو ياققە بارىپ، بىر مصلحتكە كېلگونلر بچە آرەدن تۇرت-بېش كون اۋتدى. اولر خواھلەگنلر بېك عنایت و شفقت كۇرسەتىپ، برچە مال-ملكىنى اۋزلىرىگە قىترىپ، جزادن آزاد قىلدىك. ابراهيم نىنگ آتەسىگە يېتى لكلىك درآمدى بار ولايت نقد عنایت قىلىندى. بېكلىرى نىنگ ھم ھر بىرىگە ولايتلر بېرىلدى. ابراهيم نىنگ آتەسى خىدمتكارلىرى بىلن چىقىرىلىپ، اونگە آگرەدن دريا بۇىلپ بىر كوروه پستدن جاى بېرىلدى.

رجب آى نىنگ يىگىر مە سگىزىنچىسىدە، پنچىشە كونى عصر نمازى چاغى آگرەگە كىرىپ، سلطان ابراهيم نىنگ منزلىدە توشدىك. تۇقۇز يوز اۋىنچى (۱۵۰۴/۱۵۰۵) يىلى كابل اېگللىگىدىن بويان ھندوستاننى قۇلگە كىرىتىشنى آرزو قىلدىم. گاه بېكلىرىنىڭ عقلى ناقصلىگى، گاه آغە-اينىلر مېنىڭ، قرىنداش-اوروغ نىنگ قۇلب-قۇتله مسلىكلرى باعث ھندوستان گە يورىشىگە اېرىشالمە گندىم. نھايت، بوندەى تۇسىقلر قالمەدى. بېك و عملدارلرىمدن ھېچ كىم مېنىڭ مقصدىمگە قرشى بىر سۇز ايتالمەدى.

تۇقۇز يوز يىگىر مە بېشىنچى (۱۵۱۹) يىلى لشكر تارتىپ، بجورنى كوچ بىلن ايگى-اوچ

گریده- بیر ساعتگه هم قالمی آلیب، ایلینی قتل عام قیلیب، بېهره‌گه کېلدیک. بو یېرنی تالان- تاراج قیلمه‌دیک. اېلیگه مالی امان سالیب (مال بېرگنی عوضیگه خوفسوزلیگینی تأمینلب) تورت یوز مینگ شاهرخینی پول و مال حالیده آلیب، عسکر و بعضی نوکرلر سانیکه قهراب اولشیب، کابل گه قیّیب کېلدیک.

اۋشه ییلدن تا توقیز یوز اۋتیز ایگینچی (۱۵۲۶) ییلگچه هندوستاننی اېگلشگه یوره‌کدن کیریشیب، یېتی-سگیز ییل ایچیده بېش مرته قۇشین تارتدیک. بېشینچی سفر تنگری تعالی اۋز فضل و کرمی بیلن سلطان ابراهیم‌دېک دشمننی قهرو عذابیکه آلیب یکسان اېتدی، هندوستان‌دېک کتّه مملکتی بیزگه میسر قیلدی و بؤیسوندیردی.

حضرت رسول (پیغمبریمیز حضرت محمد ص.ع.و.) زمانیدن شو کونگچه هندوستان‌گه بیز تاماندن فقط اوچ کیشی حاکم بۇلیب، اۋز سلطنتینی اۋرتنگن. اولردن بیرینچیسى سلطان محمود غازي بۇلیب، او و اونینگ اولادی هندوستان مملکتی سلطنت تختیده اوزاق مدت اۋتیردیلر. ایگینچیسى سلطان شهاب‌الدین غوری بۇلیب، اونینگ اۋزی، قوللری و اونگه تابع بۇلگن کیشیلر بو مملکتده کۆپ ییللر پادشاه‌لیک قیلدیلر. اوچینچیسى مېن من، لېکن مېنینگ ایشیم او پادشاه‌لر نینگ ایشیکه اۋخشه‌مه‌یدی. چونکه سلطان محمود هندوستاننی فتح اېتگن چاغیده خراسان تختی هم اونینگ قۇلیده اېدی، خوارزم و دارالمُرمز سلطنتلری اونگه بؤیسوندردی. سمرقند پادشاهی اونینگ قۇل آستیده اېدی. اونینگ قۇشیننی ایگى یوز مینگ بۇلمه‌سه هم، یوز مینگچه بار اېدی. بونینگ اوستیکه اونینگ دشمنلری راجه‌لر اېدی. بوتون هندوستان بیرته پادشاه‌نینگ قۇلیده اېمسدى. هر راجه بیر ولایتده اۋز یېرنی مستقل باشقوردی. سلطان شهاب‌الدین غوری خراسان سلطنتیکه اېگه‌لیک قیلمه‌گن بۇلسه هم، او پیراکه‌سى سلطان غیاث‌الدین غورینینگ قۇلیده اېدی، "طبقات ناصري" ده کېلتیریلشچه، بیر سفر بیر یوز ییگيرمه مینگ حربی بیلن هندوستان‌گه قۇشین تارتگن اېکن. اونینگ دشمنلری هم رای و راجه‌لر بۇلیب، او پیتلری بوتون هندوستان بیر کیشی نینگ حکمرانلیگی آستیده اېمسدى.

بیز بیرینچی مرته بېهره‌گه کېلگنیمیزده بیر مینگ بېش یوز، کۆپی بیلن ایگى مینگ کیشی

اېديک. بېشينچې بار کېلگنيمده سلطان ابراهيم نى پېنگيب، هندوستان مملکتينى فتح قىلديم. هندوستان گه يوريشده هېچ قچان بونچه لشکر بيلن کېلنمه گندى. نوکر و خدمتکارلر، بوتون قوشين بيلن بيرگه بۇلگنلر نينگ سانى اۋن ايگى مينگ کيشى دېب رۇيخطگه آلىندى. مېنگه بدخشان، قوندوز، کابل و قندهار ولايتلرى بويسونردى، اما بو ولايتلرگه سويه نيشدن فايده يۇق اېدى، عكسېنچه، بعضى ولايتلر دشمنگه يقين پېرده جايلاشگنلىگى باعث اولرگه جوده كۆپ ياردم بېرىش لازم اېدى. بوندن تشقري، ماوراءالنهر ولايتلرى اۋزېك خان و سلطانلرى نينگ تصرفيده بۇليپ، اولر نينگ لشكرى يوز مينگته گه پېتردى؛ اولر ازلي دشمنيميز اېدى. هندوستان مملکتى اېسه بېهره دن بهارگچه افغانلر تصرفيده بۇليپ، اولرگه سلطان ابراهيم پادشاه ليک قىلردى. حاکميتى نينگ کتّه ليگيگه قره گنده، لشكرى نينگ حسابى بېش يوز مينگته بۇليشى كېرەك اېدى. اۋشه پيتده اونينگ بعضى اميرلرى اونگه مخالفتده اېديلر. تسيلگن لشكرى نينگ سانى يوز مينگ كيشيگه پېتردى. ايتيشلريچه، اۋزى نينگ و اميرلرى نينگ مينگگه يقين فيلى بار اېدى. شو حاليميز و کوچيميز بيلن توکل قىليپ، اۋزېك دېك دشمنى يوز مينگ قرى آرتده قالدېرىپ، کتّه قوشين و ملک اېگه سى سلطان ابراهيم دېك پادشاه بيلن يوزمه-يوز کېلديک. توکليميزگه يره شه تنگري تعالى چېککن رنج و مشقتيميزنى بېکار قيلمەى، بوندهى کوچلى دشمنى مغلوب قىليپ، هندوستان دېك کتّه مملکتى آچيب بېردى. بوندهى دولتنى اۋزيميز نينگ کوچ و قوتيميزدن دېب بيلمەيميز، بلکه بوفقط تنگري نينگ لطفى و مرحمتيدن دير. بوندهى سعادتى حرکت و اينتيليشلريميز طفيلى دېب اېمس، بلکه تنگري نينگ کرم و عنايتيدن دير، دېب بيلمەيميز.

هندوستان مملکتى-حدودى کېنگ، اھاليسى كۆپ، پېرلرى سېر حاصل اولکه دير. شرقى و جنوبى، حتا غربى هم عمانگه توتە شيب کېنگن. شماليده بير تاغ بار. هندوکش، کافرستان و کشمير تاغلرى بيلن توتەش. شمالى غريبده کابل، غزنه و قندهار جايلاشگن. بوتون هندوستان ولايتى نينگ پايتختى دهلى اېکن. سلطان شهاب الدين غوري دن كېن-سلطان

فېروزشاھ نىنگ حكمدارلىگى سۇنكىگچھ ھندوستان نىنگ كتھ قىسمى دھلى سلطانلرى قۇل آستىدە بۇلگن اپكن.

مېن ھندوستان نى قۇلگە كىرىتگن يىلى ھندوستان دە بېشتە مسلمان، اىگىتھ كافر پادشاھ حكمدارلىك قىلدى. گرچە تاغ و تۇقىلردە كۇپ گىنە كتھ-كىچىك راي و راجه لر حكمرانلىك قىلە ياتگن بۇلسە دە، يىراق اوشبولر معتبر و مستقل اپدىلر. بىرىنچىسى، افغانلر اپدى كە، پايتخت دھلى اولر نىنگ قۇلى آستىدە اپدى. اولر بېھرەدن بهارگچھ بۇلگن حدودنى اپگلگندىلر. بېھرەدن بهارگچھ اولر نىنگ قۇلىدە اپدى. جانپور افغانلردن بورون سلطان حسين شرقى نىنگ قۇلىدە اپدى. بو جماعه نى ھندوستانلىكلر "پورى" دېب اتەيدىلر. بولر نىنگ اتەلرى سلطان فېروزشاھ و اونىنگ سلطانلرى قاشىدە ساقىلىك قىلىشگن. فېروزشاھ دن كېين جانپور مملكتىگە حكمدارلىك قىلگنلر.

دھلى او پىتلر سلطان علاءالدين نىنگ قۇلىدە اپدى. بو طبقە سىدلردن دىر. تېمورىپك دھلىنى آلگىدە دھلى حكومتىنى بولر نىنگ اتەلرى قۇلىگە بېرىپ كېتگن اپدى. سلطان بهلول لۇدى افغان و اونىنگ اوغلى سلطان سكندر (اسكندر) پايتخت شھر دھلى و پايتخت شھر جانپورنى قۇلگە كىرىتەدىلر. هر اىگى پايتخت بىر پادشاھلىككە تېگىشلى بۇلىپ قالدى.

اىگىنچىسى گوجرات دەگى سلطان مظفر اپدى. سلطان ابراهيم اوستىدن غلبە قىلىشىمىزدن بىر نېچە كون بورون عالمىن اۋتدى. شرىعتگە قتيق عمل قىلە دىگن پادشاھ اپدى. علمگە طالبلېگى بار اپدى، حديث مطالعه قىلردى، ھمىشە قرآننى كۇچىرردى. بو طبقە نى تانكلر دېب اتشردىلر. بولر نىنگ اتەلرى ھم سلطان فېروزشاھ و اونىنگ سلطانلرىگە ساقىلىك قىلىشگن. فېروزشاھ دن سۇنگ گوجرات ولايتىنى باشقركنلر.

اوچىنچىسى دكن دەگى بهمنىلر اپدى. يىراق شو كونلردە دكن سلطانلرىدە نە كوچ، نە اعتبار قالگندى. برچە ولايتلرىنى كتھ بېكلر اۋز قۇللىرىگە آلگندى. حكمدارلرگە بىرار نرسە كېرەك بۇلىپ قالسە، بېكلردن سۇرەب آلىشردى.

تۇرتىنچىسى-سلطان محمود ملو ولايتىدە، بو ولايتنى منداۋ ھم دېب اتەيدىلر، حكمدار

اېدى. بو طبقه نى خيلجىلر دېيىشەدى. رنا سَنگا كافر بولرنى باسيب، ولايتى نىنگ كَتە قىسمىنى قۇلگە كىرىتىدى. اولر انچه ضعيفلشيب قالگندىلر. بولر نىنگ آتەلرى هم فېروزشاه قۇلىدە اۋسگن. او اۋتگنيدن سۇنگ مَلوَه ولايتىنى اېگللگندىلر.

بېشىنچىسى بنگاله ولايتىدە گى نصرتشاه اېدى. آتەسى بنگالەدە پادشاه بۇلگن اېدى، سىد اېدى و سلطان علاءالدين لقينى آگندى. نصرتشاه گە سلطنت مىراث بۇلىپ تېكىن اېدى. بنگالەدە قىزىق بىر عادت بار اېدى: سلطنت كىمدن كىم حالردە مىراث بۇلىپ اۋتردى. پادشاهى نىنگ معين بىر تختى بۇلەدى. هر بىر امير، وزير و منصب اېگەلرى اوچون هم انىق يېر-جاي بېلگىلېب قۇيىلگن. بنگال خلقى اوچون اۋشە تخت و جايلر معتبر حسابلنەدى. هر بىر يېرگە بۇيسونوۋچى، اطاعت اېتەدىگن عسكەر و خدمتكارلر همەسى بېلگىلېب قۇيىلگن. پادشاه نىنگ كۈنگلى تېلەسە، او خواهلەگن كىشىسىنى بىر اونىنگ يېرىگە اۋتكزىشى، او يېردە گى نوكر و خدمتكارلر هم پادشاه ايستەگن اۋشە آدم نىنگ اختيارىگە اۋتىشى ممكن. بو حتا پادشاه نىنگ تختىگە هم تېگىشلى دىر. كىم كە عملەدىگى پادشاهنى اۋلدىرىپ، تختىگە چىقىشگە امكان تاپسە، اۋشە پادشاه بۇلەدى. امير، وزير، برچە عسكەرلر و خلق اونگە اطاعتدە بۇلىپ، بۇيسونەدىلر. اونى اۋلگى پادشاه لىدېك حكمدار و فرمان بېرووچى دېب بىلەدىلر. بنگال خلقى: «بىز تخت نىنگ حاللخۇرىمىز (تختىگە بۇيسونەمىز). تختىگە كىم چىقسە، بىز اۋشنگە بۇيسونەمىز و فرمانلرىنى بجرەمىز»، دېيدى. چونكە نصرتشاه نىنگ آتەسى سلطان علاءالدين دن ايلگرى بىر حبشى پادشاهىنى اۋلدىرىپ تختىگە چىقدى و بىر مدت حكمرانلىك قىلدى. سلطان علاءالدين دن كېين تخت مىراث يۇلى بىلن اونىنگ اۋغلى (قۇلى) گە اۋتەدى و او پادشاه بۇلدى.

بنگالەدە يەنە بىر عادت بار: كىم كە تختىگە چىقسە، اۋلگى پادشاه نىنگ بايلىگىنى صرف و خرج قىلىشنى مطلقا عيب، اويت حسابلەگن. خزىنە تۇپلشنى خلقى نىنگ آلدیدەگى فخر و مقتاۋگە سزاوار ايش، دېب بىيلىشگن. يەنە شونەدى عادت باركە، خزىنە، آتخانه، مملكت پادشاهى نىنگ جمعى كۈچ-كۈرانى (لش-لوشلرى) اوچون كېتەدىگن خرجتلر قىمىدن

بېلگىلىب قۇيىلگن معين ولايت و تومنلردن توشەدىگن درآمدلر حسايىدن قاپلنەدى؛ بو درآمدلر باشقه مقصدلر اوچون صرف ايتىلمەيدى.

اولوغ، معتبر، كتە لشكر و ولايتلرگە اېگە بۇلگن مسلمان پادشاھلر منە شو اېسگە آلگنيمىز بېش پادشاھ بۇلدى.

كافرلردن ولايت و لشكرى نىنگ كۈپليگىگە كۈرە، اېنگ كتە پادشاھ بو بيجەنگر راجەسىدور. يەنە رنا سىنگا بۇلىب، او اۋزى نىنگ جسارتى و قىلىچى بىلن يقين گىنەدە شەھرت تاپدى. اونىنگ اساسىي حكمدارلىك قىلەدىگن يېرى چىتۇر بۇلىب، منداو سىلطانى سىلطاننى ضعيف لىشگن پىتدە رنا سىنگا اونگە تېگىشلى رننتبۇر، سارنكپۇر، بېھلسن و چىندېرى كىي ولايتلرنى اېگىللىب آلدى.

توقیز يوز اۋتیز تۇرتىنچى يىلى تنگرى تعالى نىنگ مېھربانچىلىگى بىلن مېن بېش-آلتى مىنگ لشكرى بۇلگن رنا سىنگانىنگ اولوغ و آبرۇلى كىشىسى مېدنى نىنگ قۇلىدن بىر نېچە گرى (دقيقە) ايچىدە اوزاق يىللردن بويان اوروش مملكتى (اوروشقاق دولت) بۇلگن چىندېرىنى كوچ بىلن آلىب قۇيىدىم. كافرلرنى قتل عام قىلىپ، بو يېرنى اسلام دولتىگە ايلنتىردىم. اونىنگ شىرحى كېينراق بيان قىلىنەدى.

يەنە ھىندوستان نىنگ يان-اطرافىدە كۈپ گىنە راي و راجەلر بۇلىپ، اولر نىنگ بعضىلرى اسلامگە تابع، بعضىلرى اوزاقراقىدە جايلىشگىنىدن يا كە مستحكم حمايەلنگىلىگىدىن اسلامىي حكمدارلرگە بۇيسونمەيدىلر.

ھىندوستان بىرىنچى، ايگىنچى و اوچىنچى اقليمدە جايلىشگن دىر. او تۇرتىنچى اقليمگە كىرمەيدى. جودە عجايىب مملكت دىر. بىز نىنگ يېرلرگە سالىشتىرگندە مطلقا اۋزگە بىر عالم. تاغ و دريالرى، اۋرمان و صحرالرى، شېھر و ولايتلرى، حيوان و اۋسىملىكلرى، آدملىرى و تىلى، يامغىرى و شىمالى-ھەمسى باشقەچە، بىز نىكىگە اۋخشەمەيدى. كابل طرفىدەگى ايسىق ولايتلر قىسى دىر جەھتلىرى بىلن ھىندوستانگە اۋخشب كېتسەدە، بعضى جەھتلىرى مطلقا فرق قىلەدى. سىند درياسىدن اۋتېلىشى بىلن پىرو سوولر، درخت و تاشلر، آدملىر،

يۇللار، عادتلار-ھەم-ھەمەسى فقط ھندوستان نىنگ اۋزىگە خاص دىر. ھندوستان شىمالىدەگى تاغ حقىدە اۋل اېسلە تىب اۋتلىگندى. سىند درياسى نىنگ او طرفىدە كشمىرگە تابع ولايتلار جايلىشكن. گرچه حاضرگى پىتدە بو تاغدهگى پكلى و شهمنگ كىبى كۈپ گىنە ولايتلار كشمىرگە بۇيسونمىسەلردە، اوللرى كشمىر نىنگ بىر قىسمىنى تشكىل اېتكن. كشمىردن كېين كېلەدىگن بو تاغده نھايتدە كۈپ قىبلە و خلقلار، تومن و ولايتلار بار. بو تاغ اھالىسى بنگالەگچە، حتا محيط دېنگىزى قىرغاقلىرىگچە زيچ جايلىشكن. ھندوستان نىنگ بو قىسمى حقىدە كۈپ سوريشتىرىب بىلىشگە حركت قىلدىك، بىراق ھېچ كىم اولر حقىدە تۇغرى معلومات بېرالمەدى. ايتىشلرىچە، بو تاغ خلقىنى "كس"۱۳ دېب اتىشركن. مېنىنگ خىالىمگە شوندى فكر كېلدى: ھندوستانلىكلار "شىن" (حرفى) نى "سىن" دېب تلفظ قىلەدىلر. بو تاغده اعتبارگە مالك شھر كشمىر بۇلىب، اوندىن باشقە شھر حقىدە ھېچ گپ يۇق. شو سىبىلى كشمىرنى "كشمىر" دېب اتەگنلر.

بو تاغ اېلى نىنگ مالى-مۇشك، دېنگىز قۇتاسى، زعفران، قورغاشىن، مس دىر. ھند خلقى بو تاغنى سۈلەك پربت دېب اتەيدى. ھند تىلىدە "سۈە"-چارك، "لك"-يوز مېنگ، "پربت"- تاغ، يعنى "چارك و يوز مېنگ تاغ"- بىر يوزىيگىرمە بېش مېنگ تاغ كېلىب چىقەدى. بو تاغلردە قار اېرىمەيدى. ھندوستان نىنگ لاھور، سھرىند و سنبلى كىب بعضى ولايتلىرىدىن بو تاغلردەگى قار اقريب كۆرىنەدى. اوشبو تاغنى كابل دە ھندوكش دېب اتەيدىلر. بو تاغلر كابلدىن شرق تامانگە قرەب چۈزىلىب بارىب، بىر آز جَنوبگە بورىلگن. اونىنگ جَنوبىدەگى يېرلرنىنگ ھەمەسى ھندوستان دىر. "كس" دېب اتلگن نامعلوم خلق جايلىشكن بو تاغ نىنگ شىمالى تبت^{۱۴} ولايتى دىر.

جودە كۈپ دريالر شو تاغدىن باشلەنىب، ھندوستاننى ارەلب آقىب اۋتەدى. اوشبو تاغدىن چىققن آلتى دريا: سىند، بھات، چَناب، روي، بىه و سَتَلَج سھرىندىن شىمال طرفگە قرەب

13. Kas

14. Tibet

آقیب باره‌دی. مولتان اطرافیکه بارگنده بو سوولر قوشیلیب، بیر یېرگه قویله‌دی و اونى اېندی سیند دېب اته‌یدیلر. سیند غرب تامانگه آقیب تته ولايتیدن اؤتگچ، باریب عمان درياسیگه قویله‌دی. بو آلتی دریان باشقه ینه: جوون، ره‌پت، گؤمتی، گگر، سرا، گندهک وینه کؤپ دریالر بؤلیب، اولرینگ همه‌سی گنگ درياسیگه قویله‌دی و اولر هم گنگ دېب اتله‌دی. بو دریا شرققه قره‌ب آقیب، بنگاله ولايتی ایچیدن اؤتیپ، محیط عمانیگه قویله‌دی. اوشبو برچه دریالرنینگ منبعی سوله‌لک پربت تاغلریده جایلشگن. ینه هندوستانینگ هېچ قچان قار بؤلمه‌یدیگن تاغلریدن چيقه‌دیگن چنبل، بئس، بېتوی و سؤن کبی دریالری بارکه، اولر هم گنگ درياسیگه قوشيله‌دی.

هندوستان ده باشقه تاغلر هم بار. شو جمله‌دن، بیر تاغ توشگن بؤلیب، او شمالدن جنوبگه قره‌ب چؤزیلگن. بو تاغ دهلی ولایتیده فېروزشاهینگ جهاننما ناملی عمارتیدن باشلنه‌دی. بو عمارت بیر بؤلک اونچه بلند بؤلمه‌گن تاغ اوستیده قوریلگن. بو یېردن اؤتگچ، دهلی اطرافیده او یېر-بو یېرده بؤلک-بؤلک، تاشقایه‌لی کیچیک-کیچیک تاغلر کؤرینه‌دی. مېوات ولایتیگه یېتگنده بو تاغلر کتله‌لشه‌دی. مېواتدن اؤتیپ یینه^{۱۵} ولايتیگچه چؤزیله‌دی. سېکری، بری و دؤلپور تاغلری هم اوشبو تاققه توتە‌شيب کېتمەگن بؤلسه‌ده، منه شو تاغ تیزمه‌سیگه کیره‌دی. گلیور دېب اتشه‌دیگن گوالیار تاغلری هم اوشبو تاغ شاخابچه‌لریدن. رنتنبور، چیتور، منداو و چندېری تاغلری هم شو تاغ تیزمه‌سیگه تېگیشلی. بعضی جايلردە تاغ تیزمه‌سی یېتی-سگیز کوروه مسافه‌گچه بیر-بیریدن اوزیلیب قالگن. بو تاغلر پست، یېری قتیق، تاشلی و جنگلزارلی تاغلر دیر. بو تاغلرده هېچ قچان قار یاغمه‌یدی. هندوستان ده‌گی ایریم دریالرنینگ منبعی شو تاغلر دیر.

هندوستان ولایتلری نینگ کتله‌ قسیمی تېکیسلیکده جایلشگن. گرچه هندوستان ده شونچه کؤپ شهر و ولایتلر بؤلسه هم، هېچ یېریده آقر سوولر (نهرلر) یوق دیر. آقر سووی

دريالر دير، آيريم جايلردە كۆلمك سوولر تۇپلنەدى.

ايريم شەرلردە اريق قزيب، سوو چيقريش امكانيتى ھەم بار، اما سوو چيقرمەيدىلر. بونينگ سىبلرى كۆپ: بيرينچىدن، اپكىن دلەلرى و باغلرینی سوغاريشگە حاجت يۇق. كوزگى حاصل پشەكال يامغىرى بيلن بېتىلەدى. شونىسى قىزىق كە، بهارگى اپكىنلر يامغىر بۆلمسە ھەم حاصل بېرەدى. ياش نھاللرنى بير-ايگى يىلگچە چرخ ياردەمىدە ياكە چېلكدە سوو تشيب پرورش قىلەدىلر، اوندىن كېين سوغاريشگە حاجت بۆلمەيدى. بعضى سىزواتلر سوغاريلەدى. لاھور، دىپالپور و سەریند، اۋشە اطرافدەگى پىرلر چرخ بيلن سوغاريلەدى.

قودوق نينگ چوقورليگىچە اوزونلىكدەگى ايگىتە ارقاننى حلقە قىلىپ اۋرەيدىلر، ايگى ارقان آرەسىگە تياقلر باغلب، او تياقلرگە كۆزەلرنى محكملەيدىلر. بو كۆزەلر محكملىنگن ارقاننى قودوق اوستىگە اۋرنەتيلگن چرخگە كىيدىرەيدىلر. چرخ اۋقى نينگ بير تامانىگە ايگىنچى چرخنى باغلهيدىلر، ايگىنچى چرخ نينگ يانىگە اۋقىنى تىك قىلىپ اوچىنچى چرخنى اۋرنەيدىلر. ھۆكىز انە شو چرخنى ايلنتىرگىدە، اونىگ پزكلرى ايگىنچى چرخ نينگ پزكلرىگە كىرىپ، اوچىنچى كۆزەلى چرخنى ايلنتىرە باشلەيدى. سوو توشەدىگن پىرگە ناوہ اۋرنەتیشيب، اوندىن سوونى تورلى تامانگە آقىزەيدىلر. ينە آگرە، چنډور، يىنە و شو اطرافدەگى جايلردە پىرنى چېلك بيلن سوغارەيدىلر. بو مشقتلى ايش، ناپاكلىگى ھەم بار. قودوق يانىگە ياغاچ آيرىلرنى محكم اۋرنەتیب، آيرى نينگ آرەسىگە غلتك اۋرنەيدىلر. اوزون ارقانگە كتە چېلكنى باغلب، اونى غلتككە كىيدىرەيدىلر. ارقان نينگ ايگىنچى اوچىنى ھۆكىزگە باغلهيدىلر. بير كىشى ھۆكىزنى ھىدەشى، ايگىنچىسى چېلكدەگى سوونى توكىشى كېرەك. ھەر سفر ھۆكىز چېلكنى سوودن تارتیب، ينە قىتە ياتگىدە ارقان اونىگ سىيىدىگى و اخلتى بيلن بولغنگن يۇلدىن سودرەلىپ بارەدى و ينە قودوققە توشەدى. بعضاً اپكىنلرنى سوغاريشگە احتياج بۆلسە، اپرەياللر كۆزەدە سوو تشيب، اونى سوغارەيدىلر.

ھندوستان نينگ شەر و ولايتلىرى جودە بې صفا دير. ھەمە شەرلىرى، ھەمە توررجايلرى بير خىل قوريلگن، باغلرى دېوار بيلن اۋرەلمەيدى. پىرلرى نينگ اكثر قىسمى تېپ-تېكىس. بعضى

دریا و نه‌رلر نینگ قیرغاق‌لری بهار یامغیرلری طفیلی یوویلیب کبتگن که، او پیرلردن یوریب اؤتیش هم قیین. دلہلری نینگ بعضی پیرلریده جنگلزارلری بار. بو پیرلر نینگ آدم‌لری انه شو جنگلزارلرگه یشیرینیب آلیب، سالیق تۆلشدن باش تارته‌دی‌لر. هندوستان‌ده دریا‌لردن باشقه آقر سولر یۇق دیر. بعضی پیرلرده کۆلمک سولر بار. شونچه کۆپ شهر و ولایتلر قودوقلر یاکه پشه‌کال (بهارگی) یامغیریدن ییغیله‌دیگن حوض سولری بیلن کون کپچیره‌دی.

هندوستان‌ده بیرار موضع و کتّه قیشلاق نینگ، حتا شهرلر نینگ بوزیلیشی یاکه قوریلیشی بیر زومده کپچه‌دی. اگر کتّه شهرلرده اوزاق وقت یشه‌گنلرگه او پیرنی تشلب کبتیش ضرورتی توغیلسه، بیر-بیر یریم کونده او پیرده هېچ نرسه‌دن اثر-علامت قالدیرمه‌ی قاجیب قاله‌دی‌لر. اگر اولر شهر قوریشنی اؤیله‌سه‌لر، اولرگه اریق قزیش، توغانگه حاجت یۇق. اپکینلری نینگ همه‌سی للمی دیر. اپلی نینگ حسابی یۇق دیر. بیر تۆده‌سی ییغیلسه-بیرته حوض یا بیرته قودوق قزه‌دی. اوی قوریش یاکه دېوار کؤتریش دېگن گپ نینگ اؤزی یۇق. خس و درختلر سناقسیز. چیلہلر قوردیلر می، درحال شهر یاکه قیشلاق تیار بۆلدی، دېوېرینگ.

هندوستان‌ده فقط اؤشه پیرگه خاص حیوانلر ترقه‌لگن. یاوواپی حیوانلردن بیر فیل دیر. هندوستانلیکلر اونى "هاتی" دېب اته‌یدی‌لر، او کلپی ولایتی نینگ چېگره‌لریده بۆله‌دی. اوندن یوقاری-شرق تامانگه قره‌ب بارگن سری یاوواپی فیللر کؤپراق اوچره‌یدی. اؤشه پیرلردن فیل توتیب کپلتیره‌دی‌لر. کورّه و منیکپور نینگ اؤتیز-قیرق جاییده‌گی اهالی فیل آولش بیلن شغللنه‌دی. او پیرلیکلر حکومت محکمه‌سی آلدیده هر بیر فیل اوچون جوابگر دیر. فیل اولکن و زیرک جانوار. نیمه دېسه‌لر، توشونه‌دی و نیمه‌نى بو‌یوریشسه، بجره‌دی. بهاسی کتّه‌لیگی گه قره‌ب پېلگیلنه‌دی، اونى بؤیگه قره‌ب ساته‌دی‌لر. فیل قنچه کتّه بۆلسه، بهاسی شونچه بلند بۆله‌دی. روایت قیله‌دی‌لرکه، بعضی آراللرده بؤیى اؤن قری کپله‌دیگن فیللر هم بار اپکن. بو پیرلرده تور-تپش قریدن بلند فیللرنی اوچره‌تمه‌دیک. فیل فقط خرطومى بیلن پېب-ایچه‌دی. خرطومى بۆلمسه، او یشال‌میدی. خرطومى نینگ ایگى یانیده یوقاریگی جغیده ایگیتّه کتّه تیشی بار. شوتیشلری کوچی بیلن دېوار و درختلرنی ییقیتیشی ممکن.

اوروشىش و کوچ ايشلەتيلەيدىگن ھر قندەي ايشنى شوتىشلىرى بىلەن بىرلەشتۈردى. بو تىشلىرنى عاج دېيىدىلەر. ھىندوستانلىكلەر بو تىشلىرنى جودە قىلەيدىلەر. فىل نىنگ توكى بۆلمەيدى. ھىندوستان خەلقى اوچون فىل نىنگ اھمىيىتى كەتە. لىشكرەگى ھەر بىر گروھگە (بۆلىنمە، قىسمگە) البتە بىر نېچە فىل ھەمراھ بولەيدى. فىل نىنگ بەئزى يەككىلى خەسەتلىرى بار: او كەتە و تېزاق سولاردىن آغىر يوكنى آسانلىق بىلەن كۆتۈرەلەيدى. تۆرت يۈز-بېش يۈز كىشى تارتەيدىگن قازان اراھەسىنى (تۇپ آرتىلگن اراھەنى) اوچ-تۆرتە فىل بىلەن تارتەيدى. بىراق فىلگە جودە كۆپ يېمىش كېرەك. بىر تە فىل ايككى تويەننىڭ يېمىشىنى يېيىدۇ.

يەنە ھىندوستاندە كرك (كركىدون، كركىدن) تەقەلگەن. او ھەم جودە اولكەن جانوار دېر. كەتەلىگى اوچتە ھۆكىزگە تېنگ كېلەيدۇ. بو يەرلەردە كرك فىلنى شاخى بىلەن كۆتۈرۈش، دېب تەقەلگەن گېلەر تۇغرى بۆلمەسە كېرەك. بورنى نىنگ اوستىدە بىر تە شاخى بار، بىر قىرچىدىن اوزونراق، ايككى قىرچىگە يېتەيدىگىنىنى اوچرەتمەيدىك. بىر كەتە شاخىدىن كېمە شەكىلدەگى سوۋدىن و بىر تە نەردىنىڭ ساقەچەسى يەسەلدى. يەنە اوچ-تۆرت اېنلىك آرتىيىدۇ. تېرىسى جودە قىلەن بۆلەيدۇ. تەنگ ياي بىلەن ايسىنى قۇلتىقچە تارتىپ (قولاچكەش) و يەككىلى مۇلجەلەب آتسەلەر، جودە يەككىلى كېرەك، تۆرت اېنلىك كېرىشى مەمكەن. بىراق ايتىشلىرىچە، تېرىسى نىنگ آيرىم جايلىرىدىن اۋق جودە آسان اۋترەن. ايككى قۇلى (آلدىنىڭ اياقلىرى) آلدەيدە و ايككى بوتى (آرقە آياغى) آلدەيدە قەت-قەت بۆرمە توشىگەن. اوزاقىدىن ياپىغ (جۇل) ياپىپ قۇيىگەندەك كۆرىنەيدۇ. باشقە حيوانلاردىن كۆرە آنگە اۋخەش تامانلىرى كۆپراق. چۈنكە آت نىنگ كەتە قارىنى بۆلمەيدۇ، بۆندە ھەم كەتە قارىنى يۇق، چۈنكە آندە آشىق اۋرىدە بىر پەچە سۈيەك بۆلگەن كېى بۆندە ھەم آشىق اۋرىنىگە بىر بۆلەك سۈيەك جايلىشىگەن؛ چۈنكە آت نىنگ ايلەيدە كۆمىگە بار، بۆنىنىڭ ايلەيدە ھەم كۆمىك بار. او فىلدىن كۆرە يېرتقىچىراق. بىراق فىلدىك اطاعتكار و بۇيسونۇچەن اېمەس. پەشاور و ھەشتەنەر جىنگىزارلىرىدە (اۋرمان، تۇقىلىرىدە) جودە كۆپ اوچرەيدۇ. يەنە سىند درياسى بىلەن بېھرە ولايتى آرەسىدەگى جىنگىزارلەردە ھەم كۆپ بۆلەيدۇ. يەنە ھىندوستاندەگى سۇ درياسى قىرغاقلىرىدە ھەم بىسار. ھىندوستانگە يۈرۈش چاغىدە

پرشاور و هشتنغر جنگلزارلريده كۆپ كرك اۋلديرديك. يىخسى شاخ تشلهيدى. آو پيتيده كۆپ كيشيلرنى و آتنى شاخى بيلن سوزگنميش. بير سفر آوده كرك مقصود دېگن خاص ساقچى نينگ آتنى شاخى بيلن بير نيزه بۇيى اولاقتيردى. شو سببلى اونگه مقصود كرك دېب لقب قويديلر.

هندوستان ده ترقلگن حيوانلردن ينه بيرى **ياوايى ھۆكيز** دير. او بيز نينگ ھۆكيزدن انچه كته بۆلهدى. اونينگ شاخلى بونيكيدېك آرقه گه قره ب كېتگنمس. او جوده يامان و ييرتقيج جانوار دير. هندوستان نينگ سُر و درياسى قيرغاقلىريده جوده كۆپ اوچرەيدى و هندوستان ده ينه **نيله گاو** ترقه لگن. بۇيى آتچە كېلهدى. بيراق آتدن بير آز اينگيچگه راق دير، اپرگى كۆك رنگده بولهدى. شو سببلى اونى "نيله گاو" ("كۆك ھۆكيز") دېب اتهيديلر. اونينگ ايگيته كيچىكرق شاخى بار. بۇغز يده بير قريچدن اوزونراق يونگى بار. شونيسى بيلن او دېنگيز قۇتاسيگه اۋخشب كېتهدى. توياقلىرى عادي ھۆكيزنيكى دېك آيريلگن قۇش توياق دير. اورغاچيسى نينگ رنگى بوغومرەل نينگ رنگيدېك. شاخى يۇق. بۇغز يده هم يونگى يۇق. اپرگىگه قره گنده، بونيسى چقانراق بۆلهدى.

ينه هندوستان ده گى حيوانلردن بيرى-**كۈتەپاي** (كلته آياق) بۇليب، كته ليگى آق كيىكچه. اونينگ آلدينگى و آرقه آياقلىرى كلتە، شو سببلى اونى كۈتەپاي-كلته آياق دېيديلر. موگوزى^{۱۶} بوغو^{۱۷} موگوزيدېك شاخچەلى، بيراق كيچىكرق دير. هر يىلى او هم بوغودېك موگوز تشلهيدى. يىخسى يوگورالمەيدى. شو باعث جنگلزاردن چيقمەيدى.

هندوستان ده ينه **جيران** نينگ اپرگى-ھونەگه اۋخشش كيىك بار. آرقەسى (اوستى) قارە، قارين قىسمى آق توكلى، ھونە نينگ شاخيدن بونينگ شاخلى اوزونراق و يايىليب كېتگن دير. هندوستانلىكلر اونى "گلرە" دېب اتهيديلر. اصليده "گل آھيران"، يعنى "قارە كيىك" دېب

۱۶- موگوز- شاخ.

۱۷- بوغو- كيىك نينگ بىرتورى.

ناملنگن، كېيىنچەلىك آسانراق قىلىپ "كلرە" دېيىشگن. اورغاچىسى آق رنگدە بۇلەدى. اوشبو كلرە بىلەن كىيىك اولەيدىلەر: بو كلرەنىڭ شاخىگە توزاقنىڭ حلقەسىنى محكمەلەيدىلەر. كىيىك توزاققە توشىگىچ، اوزاققە قاچىپ كېتمەسلىگى اوچون كلرەنىڭ شاخىگە تۇيىقدن كتەراق تاش آسىپ باغلەيدىلەر. شوندىن سۇڭ چۇل (ياووايى) كىيىگىنى تاپىپ، كلرەنى اونىڭ رۇپەرەسىگە قۇيەدىلەر. بو كىيىك اوروشىشنى جودە يىخشى كۆرەدى، درحال اوروشىشكە كىرىشەدى، كىيىكلەر شاخى بىلەن اوروشىپ، سوزىشىپ آلدىنگە-آرقەگە بارىپ-كېلەدىلەر. بو كىيىكنىڭ شاخى او كىيىكنىڭ شاخىگە محكمەلەنگن توزاققە ايلەنەدى. او قاچىشكە اورىنسە، اۈرگەتەلگن كىيىك قاچمەيدى، آفتىدىن، اونگە اونىڭ شاخىگە باغلەنگن تاش مانعەلىك قىلەدى. شو يۇل بىلەن كۆپ كىيىك توتەدىلەر. توتگەندىن سۇڭ باشقە كىيىكلەرنى توتىش اوچون اولەرنى قۇلگە اورگەتەدىلەر. قۇلگە اۈرگەتەلگن كىيىكلەرنى اويدە ھەم اوروشتىرەدىلەر. اولر يىخشى اوروشەدى.

ھندوستاننىڭ تاغ اېتكىلىرىدە كىچىكراق كىيىكلەر ھەم ترقەلگن. كتەلىگى تاغ آخىرىنىڭ بىر يىللىك تۇقلىسىچە كېلەدى. يەنە بىرى چىنى ھۆكىز دىر. كىچىك كىنە ھۆكىز. كتەلىگى بىزنىڭ قۇچقارچە بار. گۆشتى جودە يوشاق و شىرىن دىر.

ھندوستاندە يەنە مېمونلەر ھەم بار. ھندوستانلىكلەر مېموننى "بندر" دېيىدىلەر. اولرنىڭ تورلرى جودە كۆپ. بىر توردەگى مېمونلەرنى بىزنىڭ يەرلەرگە آلىپ بارىپ، لۇلىلر اۋيىن اورگەتەدىلەر. بو مېمونلەر درەي نور تاغلرىدە، كۆەسفىدىنىڭ خىير اطرافىدەگى اېتكىلىرىدە و اوندن پستراقدە بوتون ھندوستان بۇيلىپ ترقەلگن. بو يەرلەردىن يوقارىدە بۇلمەيدى. توكى سىرىق، يوزى آق، دۇمى اونچەلىك اوزون اېمىس.

يەنە بىر نۇع مېمون بۇلىپ، او بجور، سواد و اۋشە اطرافلردە اوچرەمەيدى. اولر بىزنىڭ تامانلەرگە آلىپ بارىلەدىگن مېمونلەردىن انچە كتەراق دىر. دۇمى ھەم جودە اوزون. توكى آقراق، يوزى قارە. بو خىل مېمون ھندوستاننىڭ تاغ و جنگلزارلرىدە يىشەيدى. بو ولايتلردە اوچرەمەيدى.

ینه بیر میمون توری ترقه لگن که، اونینگ یوزی، توکی و برجه اعضالری قاب قاره دیر.
ینه بیر حیوان نوول دیر. قوندوزدن بیر آز کیچیکراق. او درختلرگه چیه دی. بعضیلر اونسی
"موش خرما" هم دهب اته ییدیلر. اونسی بخت کبالتیره دی، دهب مبارک سنه ییدیلر.
هندوستان ده "گیله هری" دهب ناملنگن سیچقانلر هم بار. فقط درختده یشه ییدی. درخت
اوستیده بلنددن پستگه حیرتلنرلی درجه ده تیز و چقان یوگوره دی.

قوشلردن هندوستان ده طاووس ترقه لگن. بؤیاقدار (پررنگ) و جوده چیراییلی جانوار دیر.
تنه سی رنگی و بیزه کلریچه اېمس. گوده سی تورنه دېک کبله دی، بیراق بؤیی تورنه دېک بلند
اېمس. نری نینگ هم، اورغاچسی نینگ هم باشیده ییگیرمه-اۆتیزته دن ایکی-اوچ اېنلیک
بلندلیکده گی پری بار. ماده سی نینگ بیزه گی و بؤیایغی یوق دیر. نر طاووس نینگ باشیده
گل سوسن رنگیده گی حلقه بار، بوینی چیراییلی کؤکیش رنگده. آرقه سی نینگ بؤینیدن پستراق
قسمی سریق، زنگار (سبزه)، کؤک و سیاه رنگ نقشلر بیلن بیزه لگن. اوستیده گی گللیری
کیچیکراق-کیچیکراق گللر دیر. آرقه سیدن پستراغی تا دمی نینگ اوچیگه چه شورنگلرده گی
ییریک-ییریک گللر بیلن بیزه لگن. ایریم طاووسلر نینگ دمی بیر قولاج کبله دی و اولر نینگ
گللیک پرلری آستیده کلته، باشقه قوشلر نیکیگه اؤخشه گن ینه بیرته دمی بؤله دی. بو
رسمی-عادی قویروغی. اونینگ قناتلری قیزیل دیر.

طاووسلر بجور و سواده و اوندن پستراقده بؤله دی. او پیردن یوقاریده-کنر، لمغانات و
باشقه پیرلرده اوچره مه ییدی. اوچیشده قیرغاوولدن هم عاجزراق دیر.

او بیر-ایکی مرتهدن آرتیق کؤتریلالمه ییدی. اوچیشگه عاجز بؤلگنلیگی اوچون یا تاغده،
یا جنگلزارده یشه ییدی. ینه قیزیغی شونده که، طاووسلر یشه ییدگن جنگلزارده چیه بوریلر
جوده کؤپ بؤله دی. طاووسلر بیر قولاج دمی بیلن جنگلدن-جنگلگه اؤتیب یوره وېره دی.
نیمه اوچون اولر چیه بوریلردن زیان کؤر مه ییدی؟ هندوستانلیکلر طاووسنی "مؤر" دپیدیلر.
امام ابوحنیفه مذهبیده اونینگ گوشتی حلال حسابلنه دی. گوشتینی مزه سیز دهب بؤلمه ییدی،
دُراج نینگ گوشتیگه اؤخشه ییدی، اما تویه نینگ گوشتی کبی ایسته مه یراق پیدیلر.

ينه بو پېرده **طوطى** ترقه لگن. او هم بجور و اوندن پسترا قده گى پېرلرده اوچرەيدى. يازده توت پيشيغى چاغيدە نينگنھار و لمغانات گە اوچيب كېلەدى. باشقە پيتلىرى بو پېردە اوچرەمەيدى. طوطىلر بو پېردە خيلمە-خيل دىر. بيز نينگ ولايتلرگە آليب بارىلەدېگن بىر تورى بار، اونى گپيريشگە اۋرگتەدیلر.

ينه بىر تورى بو طوطىدن كىچىكراق بۇلىب، اونى هم گپيريشگە اۋرگتەدیلر. بو طوطىلرنى "جنگلى" - جنگلزار طوطىسى دېب اتەيدیلر. بو طوطىلر بجور و سواد و اۋشە پېرلرگە يقين جايلىردە كۇپ. بېش-آلتى مينگ طوطى بىر گلە بۇلىب اوچەدى. بو طوطىلر بىلن اۆلگىلىرى نينگ اۋرتەسىدە فقط كتە-كىچىكلىگىدە فرق بار، رنگلىرى بىر خيل.

ينه بىر نوع طوطى بار. او جنگلزار طوطىسىدن هم كىچىكراق. باشى قىپ-قىزىل، قناتلىرى هم قىزىل. دۇمى نينگ اوچى ايگى اېنلىكچە آق بۇلەدى. بو توردە گى طوطىلرنىنگ باشى سوسن رنگىدە دىر. بو طايغە طوطىلر گپيريشنى بىلمەيدیلر. اولرنى كشمير طوطىسى دېب اتەيدیلر.

ينه بىر طوطى باركە، او جنگلزار (اۋرمان) طوطىسىدېك كىچىكەنە بۇلەدى. تومشوغى قارە، بۇينىدە كتە حلقەسى بار، قناتلىرى نينگ اوستى قىزىل، گپيريشنى يخشى اۋرگنەدى. طوطى و مېنەگە نېمەنى اۋرگتسنگ، شونى تکرارلەيدى، اۋزلىرى بىرار نرسەنى اۋىلب ايتالمەيدى، دېب يورردىك. يقيندە ملازملرىمدن ابوالقاسم جلايىر قىزىق نرسەنى ايتىب بېردى. منە شو خىلدە گى بىر طوطى نينگ قفسى يايىق اېكن، طوطى: «روى مرا وا كن كه، دمگير شدم» («مېنىنگ يوزىمنى آچگين، دىمىقديم»)، دېب گپيرىدى. باشقە سفر بىر نېچە گپىرەدېگن طوطىنى آليب كېتەياتگن كىشىلر بىر آز دم آلىش اوچون اۋتيرەدیلر. يۇلاوچىلرنىنگ اۋتېب كېتەياتگىنىنى كۆرگن طوطى: «مردم رفته اند، شمايان نمىروېد» («اولر كېتدیلر، سىز بارمەسىز مى؟»)، دېدى. بو روايتلرنىنگ تۇغرىلىگىگە جواب بېرىش راوى نينگ ذمەسىدە. شوندى بۇلسەدە، كىشى اۋز قولاغى بىلن اېشىتمەگونىچە، ايشانىب بۇلمس.

او بېردە يەنە بىر نوع طۇطى يەشەيدى. رنگى جودە چىرايلى، قىپ-قىزىل. باشقە رنگدە گىلرى ھەم اوچرەيدى. انىق اېسلب قالماگنلىگىم باعث اونی شرھلب اۋتيرمەيمەن. بو قىزىل طۇطىلر نىنگ رنگى و شىكلى جودە ياقىملى، اولر گىپرىشنى ھەم بىلىشر اېمىش. عىبى شوکە، آوازی خودى چىنى سىنىغىنى مس ايدىشىگە اورگندېک ياقىمسىز و بلند چىقەدى.

ھندوستان دەگى يەنە بىر طۇطى قوش شارک دىر. شارک لمغانات دە جودە كۇپ. اوندىن پىستراق دە، بوتون ھندوستان دە او كۇپ اوچرەيدى. اونىنگ ھەم تورلى خىللىرى بار. بىر تورى بارکە، او لمغانات دە جودە كۇپ. باشى قارە، قناتلىرى آلە، جەسەسى چوغورچوقدن سَل كتەراق و اوزونراق دىر. اونگە گىپرىشنى اورگتەدىلر. باشقە خىلىنى "مىنە" دىدىلر. بنگالەدن كېلتىرەدىلر. بىردەى قارە رنگدە، جەسەسى نرىگى شارکدن انچە كتە، تومشوغى و آياغى سىرىق، ايگى قولاغىدە سىرىق پوستلىرى بار، آسىلىب تورەدى. بو جودە خونىك كۇرىنەدى. گىپرىشىگە اورگتەدىلر. جودە يىخشى و تازە گىپرە آلەدى. يەنە بىر تورەگى شارک ھەم بۇلەدىكە، بو ايتىب اۋتيلگن شارکدن مىدەراق دىر. كۈزلرى نىنگ گىردى قىزىل بۇلەدى. بو تورى گىپرەمەيدى. اولرنى "وين شارک" دىدىلر.

گنگ درياسىگە كۇپرىك قورىب، دشمننى قاچىرگن چاغىمىزدە لىكناو، اۋد و اونىنگ اطرافلىرىدە يەنە بىر نوع شاركنى كۇردىم. اونىنگ كۇكسى اق، باشى آلە، يىلكەسى قارە رنگدە، بونقەسىنى سىرە اوچرەتمەگندىم. بو تورەگىلرىنى گىپرىشىگە اۋرگەتەب بۇلمەيدى، شېكىلى.

ھندوستان دە ترقەلگن يەنە بىر قوش-لۇچە دىر. اونی بوقلمون ھەم دېب اتەيدىلر. باشىدن دۇمىگە قَدَر بېش-آلتى خىل رنگدە. اونىنگ بۇينى كىبوترىكىدېك قۇشلىب كېتىگن. كتەلىگى كېك درى^{۱۸} چە كېلەدى، احتمال، بو ھندوستان كېك درىسى دىر. چونكە كېك درى تاغلر نىنگ اېنگ بلند جايلرىدە يەشەيدى، بو ھەم تاغ چۇقىلرىدە يەشەيدى. بو قوش كابل ولايتىدەگى نىجراو تاغلرىدە و اوندىن قویراق دەگى تاغلردە يەشەيدى. اوندىن يوقارىدە

۱۸ - كېك درى - خوش آواز، كتە، تاغ كىلىگى.

اوچرهمهیدی. هندوستانلیکلر قیزیق بیر نرسه نی روایت قیلیب بېردیلر: قیش کېلیشی بیلن اولر تاغ اېتکلریگه توشر اېکنلر: اولر نی اوزومزار باغی اوستیدن اوچیرسه لر، کېین اصلا اوچالمه ی قالیشرکن، شو یول بیلن توتیشرکن. گوشتی جوده شیرین، حلال حسابلنهدی.

هندوستان ده یشهدیگن قوشلردن بیرى دُرّاج دیر. اوفقط هندوستان ده گینه ترقه لگن اېمىس، باشقه ایسیق ولایتلرده هم اوچرهمهیدی. اما بعضی تورى هندوستان دن باشقه یپرده بؤلهمهیدی. شو مناسبت بیلن اونى ذکر قیلدیم. دُرّاج نینگ کتّه لیگی ککلیکچه کېلهدی. نرى نینگ آرقه سی قیرغاوول نینگ اورغاچیسینی کیدېک، بؤغزى و کؤکسى قاره، آق-آق توکلری بار، ایکی کؤزى نینگ ایکی یانیده قیزیل چیز یقلر تارتیلگن. یخشی آوازی بار. «شیر دارم شکر» («سوتیم بار شکرگینه») دېب قیچقیرگیده، «شیر» نى قیسقه، «دارم شکر» نى انیق تلفظ قیلهدی. استراباد دُرّاجلری: «بات منى توتیلر»، دېب قیچقیرر اېکن.

عربستان و اوشه یېرلر نینگ دُرّاجى «بالشکر تدومون نعم» («شکر قیلینگ، نعمت فراوان بؤلهدی») دېب چارلر اېکن. ماده سی نینگ رنگی قیرغاوول نیکیدېک، نیجراودن قوییده یشهدی.

بو قوش نینگ باشقه بیر تورى هم بؤلېب، اونى «کنجل»^{۱۹} دېب اته دیدیلر. جُته سی خودی دُرّاج نیکیدېک، آوازی ککلیک آوازیگه جوده اؤخشهدی، اما بونینگ آوازی انچه اؤتکیر دیر. نرى و ماده سی نینگ رنگی اؤرتهدسیده فرق کم دیر. پرشاور و هشتنغر ولایتلریده، اوندن قویى ولایتلرده یشهدی، اوندن یوقاریده اوچرهمهیدی.

ینه هندوستان قوشلریدن بیرى-پولپه کار دیر. جُته سی کبک دریچه کېلهدی. توزیلیشی اوی تاووغیگه اؤخشب کېتهدی، رنگی هم تاووق نیکیدېک، تاماغیدن پستی تا کؤکسیگچه خوشرنگ قرمزى دیر. پولپه کار هندوستان تاغلریده اوچرهمهیدی.

هندوستان ده ینه یاوواى تاووق هم ترقه لگن. اوی تاووغى بیلن بو تاووق نینگ

اۋرتەسىدەگى فرق شونىدەكە، بو ياوۋايى تاوۋوق قيرغاۋولدىك اوچەدى، بوندىن تشقري، اوى تاوۋوغىدېك هر خيل رنگدە بۇلمەيدى. بو تاوۋوق بجور تاغلرى و اوندن قويى تاغلردە يشەيدى. بجوردن يوقاريدە اوچرەمەيدى.

هندوستان دە اوچرەيدىگن ينە بير قو-چلىسى قوشى دىر. جئەسى پولپە كارنيكىدېك كېلەدى، فقط پولپە كار بوندىن خوشرنگراق دىر. بجور تاغلر يە يشەيدى. ينە بير قوش-شام. كئەلىگى اوى تاوۋوغىچە كېلەدى. رنگى بې تكرار. او هم بجور تاغلر يە ترقەلگن.

ينە بيرى-بېدە دىر. گرچە بېدە هندوستان پرندەسى بۇلمسەدە، بيراق بو پېردە اونىنگ فقط هندوستان دە اوچرەيدىگن تۇرت-بېش خيلى ترقەلگن. بېدەلردن بير تورى بىزىنىنگ پېرلرگە بارەيدىگن بېدەلردن كئەراق و برىستەراق دىر. ينە بير بېدە تورى ترقەلگن بۇلىب، او بىزىنىنگ پېرلرگە بارەيدىگن بېدەلردن مېدەراق، قناتلرى و دۇمى قىزغىش. بو خيل بېدە چىردېك تۇدە-تۇدە بۇلىب اوچەدى. ينە باشقە بير خيلى بېدەنىنگ بىزىنىنگ ولايتلرگە اوچىب بارەيدىگنلردن كىچىكراق بۇلەدى، بۇغزى بىلن كۇكىسى قارەراق. بو پېردە بېدەنىنگ ينە بير تورى ترقەلگن، اولر كمدن-كم كابل گە بارەدىلر. بوكىچكىنە بېدە قارچەدن سل كئە بۇلەدى. كابل دە اونى "قۇرەتو" دېدىلر.

ينە بير قوشى خرچل دىر، كئەلىگى توغداقچە كېلەدى. احتمال، هندوستان توغداغى دىر. گۇشتى جودە شىرىن. بعضىسى نىنگ آياق گۇشتى، بعضىسى نىنگ تۇشى شىرىن بۇلەدى: خرچل نىنگ گۇشتى بوتۇنلەى شىرىن و يخشى دىر.

هندوستان دە چىز قوشى هم ترقەلگن. او توغداغدن بير آز كىچىكراق. نرىنىنگ آرقەسى توغداغنىكىدېك، كۇكىسى قارە دىر. مادەسى يكرنگ بۇلەدى. چىزىنىنگ گۇشتى جودە شىرىن بۇلەدى. خرچل توۋەلاققە اۋخشەگنىدېك، چىزىنىنگ هم توۋەلاققە اۋخشش تامانلرى بار.

ينە هندوستان بغرى قارەسى بار. او بىزىنىنگ قارەباۋوردن كىچىكراق و نازكراق دىر.

كۆكسى نىنگ قاره ليگى هم كمراق دير. آوازي هم اينگيچگه راق.

سووده، دريالر قيرغاقلريده يشه يديگن قوشلر هم بار. اولردن بيرى-دنگ دير. جثه سى بيريك، هر بيرته قناتى بير قولاج كېله دى. باشى و بۇيىنىده توكى يۇق. بۇغز يده خلتە گه اۇخشش بير نرسه آسايلىب توره دى. آرقه سى قاره، كۆكسى آق دير. بعضاً كابل گه اوچيب باره دى. بير يىلى كابل ده آدملىرىم دنگ توتيب كېلتيرگندىلر. قۇلگه يخشى اۋرگندى. اونگه گۇشت تشلسه لر، هېچ خطا قيلمە ي، تومشوغى بيلن ايليپ آلردى. بير سفر آلتى نعلليك (نقه ليك) كاوشنى يوتيب يوبارگندى. ينه بير سفر بوتون بير تاووقنى قناتلرى و پتلىرى بيلن آسانگينه يوتيب يوباردى.

ينه بير قوشى سارس دير. هندوستان گه كېلگن توركلر اونى تېوه-تورنه (تويه-تورنه) دېيىشه دى. بو قوش دنگدن بير آز كيچىكراق، بۇيى دنگنيكىدن اوزونراق، باشى قىپ-قىزىل. اونى اويده سقله يديلر، قۇلگه يخشى اۋرگنه دى.

ينه بير قوش مېنك دير. بۇيى دېيرلى سارس نيكيدېك. جثه سى كيچىكراق. ليلكدن كۆره انچه بيريك، اما اونگه اۇخششليگى بار. تومشوغى ليلك تومشوغيدن اوزونراق و قاره. باشى سوسن (بنفشه) رنگيده، بۇيىنى آق، قناتلرى آلە، قناتلرى نىنگ اوچى ايلنه سيگه آق، اۋرته سى قاره دير.

ينه بير قوشى ليلك دير. بويىنى آق، باشى و قالگن برچه اعضاسى قاره دير. بيز نىنگ ولايتلرگه اوچيب باره ديگن ليلكدن كيچىكراق. بو ليلكنى هندوستانليكلىر "يكرنگ" دېب ايتىشه دى. بو پيرده ينه بير ليلك تورى ترقلگن. رنگى و توزيلىشى خودى بيز نىنگ اۋلكه لرگه باره ديگن ليلكلر نيكيدېك. فقط تومشوغى قاره راق و انچه كيچىكراق دير.

ينه اوقار (تورنه جنسيده گى قوش) بيلن ليلككه اۇخشه يديگن بير قوش بار. اوقاردن تومشوغى كته راق و اوزونراق، جثه سى ليلكدن كيچىكراق دير.

هندوستان ده يشه يديگن ينه بير قوش-كته بۇزه ك دير. كته ليگى ساردېك (كلخطېك). ايگى قناتى نىنگ اوستى آق. بلند آوازي بار. ينه بو پيرده باشى و تومشوغى قاره آق بۇزه ك

ترقلگن. بیزنینگ اۆلکه لرگه اوچیب باره دیگن بۆزه کدن انچه کتّه. اما هندوستان بۆزه گیدن کیچیکراق دیر.

ینه بیرى اوردک بۆلیب، اونى گرمپای دېب اته یدیلر. عادي اوردکدن کتّه راق دیر، نرى و مادهسى بیر خیل رنگده بۆله دی. هشتنغرده هر دايم اوچره یدى، بعضاً لمغانات ده هم. گۆشتى جوده شیرین بۆله دی.

ینه بیر اوردک تورى ترقه لگن، اونى شهرغ دېدیلر. غازدن بیر آز کیچیک، تومشوغي اوستیده گۆرّه سی بار، تۆشى آق، آرقه سی قاره دیر. گۆشتى مزه لى.

ینه بیرى زومج، کتّه لیگی بورگوتچه کبله دی. رنگی قاره.

ینه سار دېگن بیر قوش ترقه لگن، آرقه سی هم، دُمى هم قیزیل.

هندوستان ده هم آله قرغه بار، او بیزنینگ آله قرغه دن کیچیک و نازکراق دیر. بۆنیده آزگینه آقى بار.

ینه عگّه بیلن قرغه گه اؤخشب کپته دیگن بیر قوش بار. لمغانات ده اونى جنگلزار قوشى دېب اتشه دی. باشى و کؤکسى قاره، قناتلری و دُمى قیزغیش، کؤزلری قیپ قیزیل. یخشى اوچالمه گنلیگی باعث اؤرماندن چیقمه یدى. شونینگ اوچون جنگلزار قوشى دېدیلر.

ینه بیر کتّه قوش شپره دیر. اونى چنگدیر دېدیلر. کتّه لیگی یه لاق قوشدېک کبله دی. باشى کوچوک نینگ باشیگه اؤخشه یدى. توننى درختده اؤتکزماقچی بۆلسه، بیرته شاخگه یاپیشیب، باشینی پستگه آسیتیریب، توره وېره دی. بو جوده قیزیق کؤرینه دی.

ینه بیرى هندوستان عگّه سی دیر. اونى "مته یله" دېدیلر. عگّه دن سل کیچیک بۆله دی. عگّه آق-آله بۆلسه، مته یله آله دیر.

هندوستان ده ینه بیر قوشچه ترقه لگن. کتّه لیگی سندوغاچچه (بلبلدېک) بار. رنگی یاقیملى قیزیل. قناتلریده آزگینه قاره سی بار.

ینه بیر قوش قرچه دیر. کتّه لیگی قلديرغاچدېک کبله دی، اؤزى قاب قاره رنگده.

ینه بیر قوش کؤیل دیر. اوزونلیگی زاغدېک کبله دی. زاغدن انچه نازکراق. یخشى

كويلاهيدى. هندوستان بلبلى شو اېكن، هندوستانلىكلر اونى بلبلېك كۆرەدىلر. سېردرخت باغلردە يشەيدى.

هندوستاندە يەنە شَقَّه (قزىل ايشتانگه) اۇخشش يىر قوش بار. درختلرگە ياپىشىپ تۈرەۋەرەدى، كتەلىگى قزىل ايشتانچە كېلەدى. طۇطى كىي يىشيل رىنگە دىر.

هندوستان نىنگ سوو حيوانلرىدىن بىرى سوو شېرى دىر. اقمس سولردە يشەيدى، كلتە كېسككە اۇخششلىگى بار. ايتىشلىرىچە، او آدملىرى، حتا ھۆكيزنى ھەم يەلەپ يۈتە آلەيش.

يەنە بىرى سېسار دىر. كۆرىنىشىدىن او ھەم كلتە كېسككە اۇخشەيدى. هندوستان نىنگ برچە دريالرىدە يشەيدى. بىرىنى تۈتۈپ كېلتىرگندىلر، اوزونلىگى تۇرت-بېش قىرگە يقىن اېدى. يۇغانلىگى بىر قۇيچە كېلەدى. اوندن كتەراغى ھەم بۇلر اېكن. تومشوغى يىرىم قىردىن اوزونراق، يوقارى و پستكى جىغىدە اينگىچكە-اينگىچكە قطار مېدە تىشلىرى بار. دريا ياقەلرگە چىقىپ ياتەيدى.

يەنە او يىرلردە سوو چۇچقەسى بار. او ھەم هندوستان نىنگ برچە دريالرىدە اوچرەيدى. سوو چۇچقەسى سوودن باشىنى يىر بار چىقىرىپ، باشى كۆرىنر-كۆرىنمەس يەنە سووگە شۇنغىب كېتەيدى، دۇمى سوودن چىقىپ كۆرىنەپ قالەيدى. اونىنگ تومشوغى ھەم سېسار تومشوغى كىي اوزون و اونىكىدېك مېدە قطار تىشلىرى بار. قالگن باش و تەنە قىسمى بلىقنىكىدېك، سوودە اۋىنە ياتگىنىدە موشوككە اۇخشەپ كېتەيدى. سىرو درياسىدەگى سوو چۇچقەلرى اۋىنە ياتگنلرىدە سوودن يىخشى كۆتۈرلەيدى. اولر بلىققە اۇخشەپ سوودن تشقىرگە سىرە چىقمەيدىلر.

يەنە بىر سوو حيوانى -گريەل. او جودە يىرىك بۇلركن. نوكرلرنىنگ كۈپچىلىگى اونى سىرو درياسىدە كۆرىدىلر. بو آدمى ھەم اوشلەپ يېپ قۇيرىكن. سىرو قىرغاقلىرىدە اېكنىمىزدە، بىر-ايگى چۆرىنى يېپ قۇيىدۇ. غاز يۈر و بنارس اۋرتەسىدە اېكنىمىزدە گريەل اۋردەدەگىلردن اوچ-تۇرت كىشىنى يېپ قۇيدى. شو اطرافدە مېن ھەم گريەلنى اوزاقدن كۆردىم، انىق كۇرالگىنەم يۇق.

ينه ككە بلىق دىر. ايگى قولاغى نىنگ تۇغرىسىدىن ايگىتە سويك چىقىپ تورەدى، اوزونلىكى اوچ اېنلىك، ياتگىدە منە شو ايگى سويگىنى تېرەتەدى. اوندن جودە ياقىملى آواز كېلەدى. احتمال، اونى شو سىبدن ككە دېيىش.

ھندوستان بلىقلىرى نىنگ گۇشتى شىرىن، ھىدى و قىلتىغى بۆلمەيدى. حىرتلرلى درجەدە چقان بلىقلر دىر. بىر سفر دريانىنگ ايگى طرفىدن تۇر سالىب، تۇرنىنگ بىر تامانى سوودن يىرىم قرىدن كۇپراق كۇترىلگن اېدى، بلىقلرنىنگ كۇپى تۇردن بىر قرى بلندگە سكرەب اۋتدىلر.

ينه ھندوستان نىنگ بعضى دريالرىدە مېدە بلىقلر ىشەيدى. بىر قىتىق آواز ياكە شاوقىن اېشىتىلسە، سوودن بىر-بىر يىرىم قرى بلندگە سكرەب چىقەدى. ھندوستان بقەلرى بىزنىنگ بقەلرگە اۋخسەسەدە، اولر سوو يوزىدە يېتى-سگىز قرى يوگورە آلەدىلر.

فقط ھندوستان گە خاص اۋسىملىكلردن بىرى انبە دىر. كۇپچىلىك ھندوستانلىكلر "بې" حرفىنى حركتسىز تلفظ قىلگنلىكلرى طفىلى بو سۇزنى ايتىشدە قىينەلەدىلر، شوباعث بعضىلر اونى "نغزك" دېيىشركن. خواجه خسرو شوندى يازىبدى:

نغزك ما نغز كن بۇستان،

نغز ترين مېوھى ھندوستان.

(نغزەكىمىز بۇستان بېزەگى و ھندوستان نىنگ اېنگ گۈزەل مېوھسى دىر.)

انبەنىنگ يىخىسى جودە يىخى بۆلەدى، كوپ پېش مەكن، لېكن يىخىسى كم اوچرەيدى. كوپىنچە اونى خام اوزەدىلر، اويدە پىشەدى. خامىنى آشگە قۇشىپ پىسە بۆلەدى، آشگە قىتقېدېك بۆلەدى. غۇرەسى نىنگ مېراسى ھم جودە يىخى. حقيقتاً، ھندوستان نىنگ اېنگ يىخى مېوھسى شو دىر. درختى جودە بلند بۆلەدى. بعضىلر انبەنى مەتبە، قاووندىن باشقە ھمە مېوھلردن اوستون قۇيەدىلر. اما او مەتبە گنلرىدېك يىخى اېمس. انبە كاردى شفتالوسىگە اۋخسەب كېتەدى. يامغىر موسمىدە پىشەدى. اونى ايگى خىل اصولدە پىيدىلر: بىرى-سىقىب، اېزىب يومشتەدىلر، پۇستىنى تېشىپ، سۇرىپ سووينى اىچەدىلر، ايگىنچىسى-

كاردى شفتالوسيدېك پۇستىنى اجره تىب يېدىلر. برگى شفتالو برگىگە بىر آز اۋخشب كېتەدى، تەنەسى خۇنىك و كۆرىمىسىز. بىنگالە و گوجرات دە بىخى يېتىلركن.

ينە ھىندۇستان مېۋەلرىدن كېلە دىر. عربلر اونى "موز" دېب اتشەدى. درختى اونچە بلند اپمىس، بلكە اونى درخت دېب ھەم بۆلمەيدى. اۋسىملىك بىلن درخت اورتەسىدەگى بىر نرسە. برگى امانقارەنىنگ برگىگە اۋخشەيدى، اما كېلە برگى نىنگ اوزونلىگى ايگى قىرى بۆلەدى، اپنى بىر قىرگە يقىن، برگى نىنگ اورتەسىدن يۈرەك دېك بىر شاخ چىقەدى، غىچەسى شو شاخدە بۆلەدى و كتە غىچەسى قۇى يۈرەگى شىكلەيدىر، غىچەسى نىنگ ھەر بىر برگى آچىلگندە، برگ تويىدە قطار آلتى-يېتى دانە گل كۆرىنەدى، بو قطار گللىر كېلەگە ايلنەدى. اوشبو يۈرەك دېك شاخ اوزەيگىنى سىرى اۋشە كتە غىچەنىنگ برگلرى آچىلىب، قطار كېلە گللىرى نمايان بۆلەدى. ھەر بىر كېلە درختى بىر مرتە حاصل بېرر اپمىش. كېلەنىنگ ايگى بىخىشى خصوصىتى بار: بىرى شوکە، پوستى آسان ارچىلەدى: ايگىنچىسى، اونىنگ دنەگى و تالەسى بۆلمەيدى، بقلە جانندن بىر آز اوزونراق و اينگىچكەراق دىر، اونچە شىرېن اپمىس. اما بىنگالە كېلەلرى جودە شىرېن بۆلركن. جودە خوشنما درختى بار. كېنگ-كېنگ، خوشرنگ يشىل برگلرى چىرايلى كۆرىنەدى.

ينە بىر ھىندۇستان درختى انبىلى دىر. ھندى خرمانى شۈندەى نام بىلن ائەيدىلر. انبىلى نىنگ برگلرى مېدە، عموماً، جۈز بۇيانىنگ^{۲۰} برگىگە اۋخشەيدى، اما اونىنگ برگى بۇيا برگىدن مېدەراق. جودە چىرايلى سېرسايە درخت. درختى انچە بلند بۆلەدى. ياۋوايىلرى ھەم كۆپ اوچرەيدى.

ينە بىرى-محوە دىر. اونى گل چىكان ھەم دېدىلر. محوە درختى ھەم جودە بلند بۆلەدى. ھىندۇستان عمارتلىرى نىنگ اكثر قىسمى محوە درختىدن دىر. محوەنىنگ گۈلېدن عرق آلەدىلر و گۈلېنى موزدېك (كېلەدېك) قورىتىب، اوندن ھەم عرق آلەدىلر. عموماً، كىشمىشگە اۋخشەب

۲۰- جۈزبۇيا. ھىندۇستان يانغاغى؛ موسكت يانغاغى.

كېتەدى، اما بدمزەلىگى بار. گۈلى نىنگى يىنگىسى يامان اېمىس، يېسە بولەدى. اونىنگ ھەم ياۋوايى تورى بار. مېۋەسى بې مەزە بولەدى. دانەسى يىرىك، پوستى يوپقە، دنەگى نىنگى مغزىدن ياغ ھەم آلەدىلر.

ينە كىرنى درختى اۋسەدى. بو درخت جودە بلند بۇلمسە ھەم، جودە كىچكىنە ھەم بۇلمەيدى. مېۋەسى سىرىق رەنگدە، جىگدەدن اينگىچە رەق دىر، نازكراق دىر. مەزەسى، عومۇم، اوزومگە اۋخشب كېتەدى، يېب بۇلگندن كېپن، آغىزدە بىر آز ياقىمسىز طعم قالەدى. اما يامان اېمىس، يېسە بۇلەدى. دنەگى نىنگى پوستى يوپقە.

ينە بىر درخت جۇمۇندور. بىرگىلى، عومۇم، تال بىرگىگە اۋخشب كېتەدى، اما دۇمە لاقراق و يىشيلراق دىر. درختى ياقىمسىز اېمىس. مېۋەسى قارە اوزومگە اۋخشەيدى، مەزەسى ناردانراق، اونچە يىخشى اېمىس.

ينە بىر درخت-كەمرەك دىر. مېۋەسى بېش قىرەلى دىر. كەتەلىگى آلخورىچە بار، اوزونلىگى تورت اېنلىك، سرغەيىب پىشەيدى، دنەگى ھەم يۇق. خامراق اوزىلگىنى جودە اچىق بولەدى. يىخشى پىشگىنى ناردان بۇلسە ھەم خوش طعم دىر، خوشخۇرلىكدن خالى اېمىس.

ينە بىرى كدھەل دىر. كورنىشى حىرتلنرلى درجەدە خونىك و بې مەزە بىر مېۋە. كورنىشىدن خودى قۇي نىنگى كېپەدېك قارنى نىنگى ايچىنى سىرتىگە اغدەرىپ قۇيگندېك. مەزەسى كونگىلنى آزدىرەدىگن درجەدە شىرىن، ايچىدە فوندوكدېك-فوندوكدېك (يانغاقدېك-يانغاقدېك) دانكلىرى بار. عومۇم، خرماگە اۋخشب كېتەدى. فقط بونىنگ دانەلرى يومەلاق، اوزون اېمىس. بو دانەلرنىنگ خرماندن يوشاقراق گوشتى بار. اونى يىپىدىلر، جودە ياپىشقاق. شو باعث بعضىلر قۇلىنى، آغزىنى ياغلب بېركن. مېۋەلرى درخت نىنگ شاخىدە ھەم، تەسىدە ھەم، ايلدىزىدە ھەم اۋسەدى. درختگە خودى كېپەلرنى (قۇي نىنگ ساچىق قارنىنى) آسىب-آسىب قۇيگندېك.

ينە بدھەل دىر، كەتەلىگى آلەدېك كېلەدى. خاملىگىدە جودە ناردان و بېمەزە، پىشگىنى يامان اېمىس. پىشگىنە يومشەيدى، اونى قۇل بىلن اوزىب يېسە بۇلەدى. مەزەسى بېي نىنگى

پيشىب اۆتیب كېتكىنىگە اۋخشەيدى، ناردان گىنە، خوش طعم.

ينە هندوستان مېۋەلرىدىن بىرى پېپىر دىر. فارسىلر اۋنى "كونار" دېيىشركن. اۋنىنگ تورلى نوعلرى بولەدى. آلچەدن بىر آز يىرىقراق. حسىنى اوزومى كۆرىنىشىدەگى بىر نوعى بار، كوپى اۋنچە يىخشى بۆلمەيدى. بندىردە بىر بېرنى كۆردىك، جودە يىخشى اېدى. اۋنىنگ درختى عىن ثور و جوزادە برگ توگىب، سرطان و اسدەدە برگ چىقىرىب، يىشنەيدى. مېۋەسى دلو و حوت آيلرىدە پيشەيدى.

ينە بىر مېۋەسى كرونەدە دىر. بىزىنىنگ اۋلكەلردەگى جىكە كىى بىتە-بىتە بۆلىب اۋسەيدى. جىكە تاغلردە اۋسەيدى. بو اېسە دشتلردە اوچرەيدى. مزەسى مىر مىنخانگە اۋخشەيدى، مىر مىنخاندىن شىرىناق و سووسىزراق دىر. اۋندىن قىلەلى آش پيشىرەدىلر، مزەلى چىقەيدى. قىلەسى خودى رواچگە اۋخشەيدى.

ينە بىرى پىئالە دىر. بو مېۋە آلچەدن يىرىقراق، قىزىل آلمەنىنگ غۇرەسىگە اۋخشەيدى، ناردان گىنە مزەسى بار، يىخشى گىنە دىر. درختى انار درختىدىن كىتەراق، برگى بادام برگىگە اۋخشەيدى.

ينە گولر درختى بار. مېۋەسى درختىنىنگ تەسىدىن چىقەيدى، انجىرگە اۋخشەيدى. گولر حددىن تشقىرى بې مزە.

ينە بىرى آملە دىر. او هم بېشقىرەلى، غۇزەنىنگ كاسەسىگە اۋخشەيدى. تخىر و بې مزە بىر نرسە. مېرئاسى يامان اېمس. فايدەسى كۆپ مېۋە دىر. درختى نىنگ كۆرىنىشى چىرايلى، برگلىرى جودە مېدە.

ينە بو يېردە چىرۋىنجى اۋسەيدى. او تاغ درختى اېكن. بىزىنىنگ باغلردە اوچ-تۇرت توپى بار اېكن، بونى كېين بىلىب قالدىم، مېۋەسى محوگە جودە اۋخشەيدى، مغزى يامان اېمس، مغزى يانغاق مغزى بىلەن بادام مغزى اۋرتەسىدەگى كىتەلىكدە، پستە مغزىدىن كىچىقراق دىر. مغزى دومەلاق. چىرۋىنجىنى، پالودەگە (طعام نامى) و تورلى شىرنىلىكلرگە سالەدىلر.

هندوستان دە خرما هم بار. گرچە خرما فقط هندوستان دە اوچرەيدىگن درخت بۆلمسە-

ده، بیزنینگ اۆلكه لردە بۆلمە گنلیگی سببلی اونى اېسگە آلدیم. خرما درختی لمغان ده هم بار. شاخلری فقط درخت نینگ باشیده (اوپچیده) بیر بیرده تۇپ بۇلیب اۋسەدی. برگلری شاخلری نینگ توبیدن اوچیگچە ایگی تامانینی قاپلب آلگن. تنەسی ناتبکیس و بدرنگ. اوزوم نینگ باشیدېک مېوه سالەدی. فقط اوندن بیر آز بیریکراق.

ایتیشەدی که، اۋسیملیکلر ایچیده خرما درختی ایگی جهتی بیلن حیوانلرگە اۋخشەیدی. بیرى شوکه، اگر حیوان نینگ باشینی کېسەلر، اونینگ حیاتی تۇختەیدی. خرما درختی نینگ هم باشی کېسیلسە، درختی قوریدی. ایگینچیسى، نرى (اېرکگی) بۆلمەسە، حیوانلردن ذریات آلیب بۆلمەیدی. خرما درختیگە هم نر (اېرکک) خرمانینگ شاخینی کېلتیریپ تېگیز مەسلر، یخشی حاصل بېرمەیدی. بو سۆزلر توغرىمى-یۇقىمى - معلوم اېمس.

خرمانینگ باشی، یوقاریده ذکر اېتگنیمیزدېک، پيشلاقدن عبارت دیر. خرما پيشلاغی شوندهی نرسە که، شاخ و برگى چيقەدیگن جای پيشلاقدېک آق بۆلەدی. بو آق پيشلاققە اۋخشەگن جایدن شاخ و برگ اۋسیب چيقەدی. شاخ و برگ اوزەيگنى سرى برگى يشىللىنىپ بارەدی. بو آق نرسەنى خرمانینگ پيشلاغی دېب ایتەدیلر. بویامان نرسە اېمس. او یاغاق نینگ اونچە پيشمەگن مغزیگە جودە اۋخشەیدی. اوشبو پيشلاق حاصل بۆلەدیگن جانی کېسیب، او بېرگە خرما برگینی شوندهی جایلشثیرەدیلرکە، اگر کېسیلگن جایدن سوو آقسە، اوشبو برگ اوستیدن آقەدی. برگنى کۆزەنینگ آغزیگە قۇییب، کۆزەنى درختگە باغلب قۇیەدیلر، کېسیک جایده قنچە سوو حاصل بۆلسە، کۆزەدە ییغیلەدی. اگر او بېردن ایچیلەسە، شیرین سوودېک، اوچ-تورت کون اۋتکزیب ایچیلەسە، بیر آز مست قیلەدی، دېدیلر. مېن بیر سفر بریننى سیر قیلگنیمدە، چنبل دریاسی یاقەسیدەگى قیشلاقلرنی ایلنگندیم. یۆلدە مېنگە اوشبو نوع خرما سووینی آلەدیگنلر اوچرەب قالدی. بوسوودن اونینگ کیفینی حس قیلیش اوچون بیر آز ایچدیم، کیفی سېزیلمەدی. احتمال، کیف قیلیشى اوچون کۆپ ایچیش کېرک دیر.

هندوستان دەینە نارگیل درختی بار. عربلر عربچەسیگە اونى "نارجیل" دېیدی،

هندوستانلیکلر اېسه "نلیر" دېب ایتهدی. احتمال، بو کهنګ ترقه لګن خطا دیر. نارگیل نینگ بیر توری جوزهندي-هند یا نغاغی دیر. قاره قاشیقلرنی اوندن یسه یدیلر. کتّه راغیدن غیجککه کاسه قیله دیلر. درختی خرما درختی نینگ خودی اوزی، فقط نارگیل نینگ شاخی سېربرگراق دیر. برگی نینگ رنگی هم آچیقراق. یا نغاغ نینگ سیرتی کؤک پؤست بیلن اوره لګنی کبی، نارگیل نینگ سیرتیده هم کؤک پؤستی بار، فقط نارگیل نینگ پؤستی تاله-تاله بؤله دی. دریاده گی کېمه لر نینگ جهاز و ارقانلرینی شو نارگیل پؤستلاغیدن تیارلر اېکنلر. کېمه لر نینگ درز کېتګن جایلرینی هم شو ایپ بیلن تیکرکنلر. نارگیل نینگ پؤستی ارچیلګچ، بیر اوچیده اوچ بورچک بؤلیب جایلشګن اوچته تېشیک نینگ اؤرنی کؤرینه دی. اوندن ایکیته سی-قتیق، بیرته سی-یومشاق دیر. اونی سېکین باسیب تېشه دیلر. مغزګه کیرمه سیدن اؤل نارگیل نینگ ایچی سوو بؤله دی. شو تېشیکنی آچیب، او سوونی ایچه دیلر. مزه سی یامان اېمس، خودی خرما پېشلاغینی سووګه ایلنتیر یلګندېک.

ینه هندوستان درختلریدن بیرى تر دیر. تر نینگ شاخلىرى هم فقط تېپه سیده اؤسه دی. ترګه هم خرما دېک کوزه باغلب، سووینی آلیب ایچه دیلر. بو سوونی تري دپیدیلر. بو سوو خرما سوویدن کوچلیراق کیف بېره دی. تر شاخلىریده بیر-بیر یریم قری جایګچه بیرارته برگی بؤلمه یدى، اوندن کپین شاخ نینگ اوچیده اؤتیز-قیرقته برگ بیر یېرنینگ اؤزیده تؤده بؤلیب بیریک پنجه دېک بؤلیب یاییله دی. بو برگلر نینگ اوزونلیگی بیر قریګه یقینراق. هندوستانلیک خطنی خودی دفترګه یازګنی کبی شو برگلرګه بیتهدی. ینه هندوستانلیکلر قولاقلىرى نینگ کهنګ تېشیکلریده حلقه سی بؤلمسه، شو تر برگیدن حلقه یسه ب، آسیب آله دیلر. قولاققه تقیشلری اوچون اوشبو تر برگیدن حلقه یسه ب بازارلرده ساته دیلر. تنه سی خرما درختی تنه سیدن یخشیراق و تېکسیراق دیر.

ینه نارنج و لیموګه اؤخشش مېوه لر بار. نارنج لمغانات ده، بجور و سواده کؤپ اؤسیب یخشی بیتيله دی. لمغانات نارنجی کیچیک و کیندیکلی بؤله دی، جوده لطیف و نازک همده سېرسوو بؤله دی. خراسان اطرافیده گی نارنجګه تېنګلشتیریب بؤلمه یدى. نازکلیګیدن

لمغانات دن کابل گه کبلتیرگونچه، اؤن اوچ-اؤن تۆرت ییغاچلیک یۆلدە بوزیلەدی. استراباد نارنجینی سمرقندگه-ایگی یوز یېتمیش-ایگی یوز سکسان ییغاچ آلیسگه آلیب بارەدیلر، تېریسی نینگ قلینلیگی و کمسولیکیدن اونچه ایزیلەیدی. بجور نارنجلری نینگ کتەلیگی بهیچه کپلەدی، سووی کۆپ، باشقە نارنجلر سوویدن ناردانراق دیر. خواجه کلان: «بجورده انه شوندهی بیر نارنج درختیدن مېوہلرینی آلیب سنه گنیمیزده، یېتی مینگتە نارنج چیقادی»، - دېب ایتدی. مېن دایم "نارنج" عربچه سۆز، دېب اؤیلردیم، شوندهی اېکن بجور و سواد خلقي نارنجنی "نارنگ" دېدیلر.

ینه بیر مېوہسی لیمو دیر. هندوستانده جودە کۆپ بۆلەدی. کتەلیگی تخمدېک، کۆرینیشی هم تخمگه اؤخشەیدی. زهرلنگن کیشی ایلدیزی قینەتیب ایچسە، زیانینی دفع قیلرکن.

ینه نارنجگه اؤخشش بیر مېوہ-تورونج (نارنجانند مېوہ) اؤسەدی. بجور و سواد خلقي اونى "بَلَنگ" دېب اتەیدیلر. شوباعث تورونج پۇستیدن تیارلنگن مېوانى "مېوانى بلنگ" دېيىشکن. هندوستانده تورونجنى "بجورى" دېيدیلر. تورونج ایگی خیل بۆلەدی: بیرى-شیرین، مزەسيز و کۆنگیلنى بې حضور قیلەدیگن. شیرینی یېب بۆلمەیدی، فقط پۇستیدن مېوان قیلیش ممکن. لمغانات نینگ تورونجی شونقە: کۆنگیلنى اینیتەدیگن درجەده شیرین. ینه بجور و هندوستان تورونجلىرى ناردان. اونینگ ناردانلیگی خوش یاقەدی. شربتى مزەلى و خوش طعم بۆلەدی. تورونج نینگ کتەلیگی خسروي قاوونچه کپلەدی. پۇستی غدیربودیر و دَغَل. اوچی اینگیچگه و تومشوغى اوزون. تورونج نینگ رنگى نارنج رنگیدن سریقراق بۆلەدی. درختى نینگ تنەسى حقیقى درختلرگه اؤخشەمەیدی، میدە بۆلەدی. بتەبتە بۆلیب اؤسەدی، برگی نارنج برگیدن کتەراق.

نارنجگه اؤخشش مېوہلردن ینه بیرى سنگترە دیر. رنگى و شکلى تورونج دېک، فقط تېریسی سیلّیق، دَغَل اېمس، تورونج دن سَل گینه کیچیک. اونینگ درختى بلند، اؤریک درختیچە کپلەدی، برگی نارنج برگیگه اؤخشش، اؤزی ناردان. شربتى جودە لذتلى و

خوش طعم بۇلەدى. اولىمو كىبى معدەگە كوچ قوت بېرەدى، او نارىنجدېك كوچسىزلىتىرمىدى.

نارىنجدە ئوخشاش مېۋەلەردىن يەنە بىرى-كۆتە لىمو. ھىندوستان دەۋىنى "گلگل لىمو" دېيىدۇلار. توزىلىشى غاز تىخىمىگە ئوخشەيدى، لېكىن ئاڭى باشى تىخىمىكى دېك ئاڭىچكە ئېمىس. بونىڭ پۇستى ھەم سىڭىترە پوستىدېك سىلىق، جودە سېرسو بولەدى.

يەنە چىنپىرى دىر، نارىنجدە ئوخشەيدى. كۆرىنىشى نارىنجدېك، لېكىن رەڭگى سىرىق، نارىنجدى (توق سىرىق) ئېمىس. ھىدى تورونچ ھىدىگە ئوخشەيدى، مېۋەسى ھەم ئارداڭىنە.

يەنە نارىنجدە ئوخشاش مېۋەلەردىن سىداڧىل دىر. كۆرىنىشى ئاڭىگە ئوخشىدى، رەڭگى ھەم رەڭگىدېك. شىرىن بولەدى، لېكىن شىرىنلىگى نارىنجدى كىبى كۆنگىلىنى بىي ھىزور قىلمەيدى. يەنە بىر نارىنجدە ئوخشاش مېۋە ئامردىل دىر.

يەنە بىر نارىنجدە ئوخشاش مېۋە، بو-كۆرە دىر. كۆرەنىڭ كۆتەلىگى گلگل لىموچە كېلەدى، او ھەم ئارداڭ. يەنە بىر نارىنجدە ئوخشاش مېۋە ئامىل بېد دىر. اوچ يىلدن بوياڭ ئاڭىگە ئېندى كۆزىمىز توشىدى. ئايتىشلىرىچە، ئاڭىگە نىنە سىنچىب قۇيىلسە، ئېرىب كېتىرگەن. بو ئارداڭلىگىدىنمى ياكى باشقە خىسۇسىيەتتىن مىكەن. ئارداڭلىگى نارىنجدى لىمونىكىدېك.

ھىندوستان دەۋى عىبابى گللىر ئاۋسەدى. اولردىن بىرى جەسۇن دىر. ئىرىم ھىندوستانلىكلار ئونى "گدھل" دېيىپ ئايتىشەدى. او گىيا ئېمىس، پايلەلى درخت دىر. تەسسى قىزىل گۈلەن تەسسىدەن بىر ئاز بىلندىراق، رەڭگى ئاڭىگە ئوخشاش، كۆتەلىگى قىزىل گۈلچە كېلەدى، ئامىل قىزىل گۈل غىچەلەگىدىن سۇڭ ئاچىلگىچ، فقط بىر مەرتە گۈللەيدى؛ جەسۇن ئاچىلگىنى دە ئېسە، ئونىڭ گۈل كاسەسى ئاۋرتەسسىدەن يەنە بىر ئېنلىك ئاڭىچكە پايلە ئاۋسىب چىقىپ، ئاۋزەيدى و ئاۋندە يەنە شو جەسۇننىڭ گۈللىرى ئاچىلەدى. نەتىجەدە ئاۋزىگە خاس دىل تارتىر بىر گۈل پىدا بولەدى. درخت ئاۋستىدە جودە خوشرەڭگ و چىرايلى كۆرىنەدى، ئاۋزاق تورمەيدى، بىر كۆندەياق سۇلىپ قالەدى. تۇرت ئاۋ- پشە كالدە يامغىر مۇسۇمىدە جودە يىخسى و كۆپ ئاچىلەدى، بىلكە، كۆپ يىل ئاچىلار. شۇنچە كۆپ بولسە ھەم ھىدى يۇق.

ينه بير هندوستان گلى كنپير دير. آق و قيزيل رنگلرده گى كنپيرلر بار. شفتالو گلى كىيى شكلده-پش برگلى بۇلەدى. قيزيل كنپيرنينگ شفتالو گلىگه اۋخىشلىگى بار. بيراق كنپير گلىدن اۋن تۇرت-اۋن بېشتهسى بير بېرده آچىلەدى، اوزاقدن كتە گلدېك كۆرىنەدى. اونىنگ بتهسى گلبندن (گل درختيدن) كتەراق دير. قيزيل كنپيرنينگ جوده يىخسى هيدى بار، اۋزى جوده ياقىملى گل. او هم پشه كالدە كۆپ و خۇب آچىلەدى. او دېرلى يىل بۇيى تاپىلەدى.

هندوستان ده ينه جوده نازك هيدلى كپوره^{۲۱} گلى اۋسەدى. اونىنگ آلدیده مُشك نىنگ عىيى شوكة، او قوروق، بونى مُشك تر- "هؤل مُشك" دېسە بۇلەدى. جوده ياقىملى هيدى بار. گرچه اۋزى نىنگ عجايب كۆرىنىشى بۇلسە، گلى نىنگ اوزونلىگى بير يريم-ايگى قىرچ كېلەدى. قىمىش نىكىدېك اوزون، تىكنلى برگلى بار. غنچه دېك تىقلىب قالگن تشقى برگلى يشىلراق و تىكنلىراق، ايچكرىگى برگلىرى يوشاقراق بۇلەدى. ايچكرىگى برگلى نىنگ اۋرتەسىدە گل نىنگ اۋرتەسىدە گىدېك بير نىمەلىرى بۇلەدى، يىخسى هيد اۋشندىن كېلەدى. يىنگى چىقىب، هلى تنه پيدا قىلمەگنى اېركك قىمىش بتهسىگه اۋخىشەب كېتەدى. فقط بونىنگ برگى يىسراق و تىكنلى، تنهسى جوده كۆرىمىسىز، ايلدىزلىرى كۆرىنىپ تورهدى.

ينه بير هندوستان گلى ياسمن (ياسمين، جاسمن) دير. گلى آق، اونى "چمپە" دېيىلەر. بىز نىنگ اۋلكە ياسمنلىرىدن بىرىكراق و هيدى اۋتكىراق بۇلەدى.

بىز نىنگ اۋلكەلردە تۇرت فصل بار. هندوستان ده اېسە اوچ فصل بۇلەدى: تۇرت آيى ياز، تۇرت آيى پشه كال (يامغىر موسومى)، تۇرت آيى قىش. هر بير آي هلال (يىنگى آي) كۆرىنگىدە باشلەندى. هراوچ يىلدە بير آينى پشه كال آيلرىگە قۇشەدىلر. ينه اوچ يىلدن كېين قىش آيلرىگە قۇشەدىلر. ينه اوچ يىل اۋتگچ، ياز آيلرىگە بير آي قۇشەدىلر. اولرىنىنگ كېسەسى شو دير. ياز آيلرى-چەيت، يىساك، جېت، اسهۇر؛ اونگە حوت، حمل، ثور، جوزا موافق كېلەدى. پشه كال (يامغىر موسومى) آيلرى - سۆن، بهۇدۇن، كوور، كهۇتيك؛ اونگە

سرطان، اسد، سنبەلە و مېزان موافق كېلەدى. قىش آيلرى - آگھن، پوس، مە، پھۇگون؛ اونگە عقرب، قوس، جدي و دلو موافق كېلەدى.

ھندوستان خلقى ھەر فصلنى تۆرت آيدىن قىلىپ بېلگىلەگەن. ھەر فصلدىن ايگى (تەدن) آينى جودە ايسىق، سېرياغىن و ساووق آيلر دېب حسابلەيدىلر. يازنىنگ سۇنگى ايگى آيى - جېت و اسھۇر اېنگ ايسىق آيلر حسابلەندى. پشەكال آيلرى نىنگ دستلېكى ايگى آيى - سۆن و بھۇدۇن اېسە اېنگ كوچلى يامغىرلر ياغەدىگن آيلر حسابلەندى. قىش موسمى نىنگ اورتەسىدەگى ايگى - پوس و مە آيلرى اېنگ ساووق آيلر دىر. بوندەى حسابدە اولردە يىل فصللرى آلتىتە بۇلەدى.

ھندوستانلىكلر كونلرگە ھەم نام قۇيگنلر: شنبە - سىنچىر؛ يکشنبە - آيتور، دوشنبە - سومور؛ سەشنبە - منگەلور؛ چارشنبە - بودور؛ پنجشنبه - برىستور؛ جمعة - سوكرور.

بىزنىنگ اۆلكەلردە كېچە - كوندوزنى يىگىرمە تورت قىسمگە اجرەتیب، ھەر بىر قىسمىنى ساعت دېيىشەدى و ھەر ساعتى آلتىمىش قىسمگە بۆلىپ، ھەر بىرىنى دىققە دېب اتەيدىلر. بىر كېچە - كوندوز مىنگ تورت يوز قىرق دىققە بۇلەدى. بىر دىققەنىنگ مىقدارى تخمىنألتى مرتە "فاتحە"نى ("فاتحە" سورەسىنى) "بسم الله" بىلن اوقىش وقتىگە تېنگ كېلەدى، بىر كېچە - كوندوز اېسە "فاتحە"نى "بسم الله" بىلن سگىز مىنگ آلتى يوز قىرق مرتە اوقىش وقتىگە تېنگ كېلەدى.

ھندوستان اېلى كېچە - كوندوزنى آلتىمىش قىسمگە (بۆلككە) بۆلىپ، ھەر بىر قىسمىنى "گرى" دېب اتەيدىلر. بوندن تشقىرى، كېچەنى تۆرت، كوندوزنى ھەم تۆرت قىسمگە اجرەتگنلر. ھەر بىر قىسمىنى بىر "بھر" دېب اتشەدى، فارسىدە "پاس" بۇلەدى. بىزنىنگ طرفلردە "پاس" و "پاسبان" سۆزلرىنى اېشىتگنمەن، اما اولرنىنگ بو خصوصىتلرى معلوم اېمىس اېدى.

اوشبو ايشگە (يعنى ساعتلرنى بانگ اوردىرىشگە) ھندوستاننىنگ برچە اعتبارلى شھەرلىدە معین كىشىلر بېلگىلېب قۇيىلگەن، اولرنى گريالى دېب اتشەدى. بىرىنجىدن (برونزدن) يەلگەن، كتەلىگى تباقدېك، قىلىلگى ايگى اېنلىك بىر يىسى نرسەسى بار. بو

يىرىنچنى "گريال" دېيىشەدى. بو گريالنى بلند بير جايگە آسيب قۇيەدىلر. ينه اولرنيىنگ آستى (قويى طرفى) تېشىك جام ساعتگە اۋخشش تاسلرى (جاملرى) بار. هر بير گريده بو ايديش تۈلەدى. گرياليلر نوبت بيلن تاسنى سوو آستىگە قويىب، تۈلشيني كوتەدىلر. مثلاً، كون چىقر چاغى بو تاسنى سووگە قۇيەدىلر، تاس بير مرتە تۈلگنىدە، تۇقماقلىرى بيلن گريالگە بير مرتە اورەدىلر، ايگىنچى مرتە تۈلگنىدە، ايگى بارە اورەدىلر. بوتون پھر توگەگونچە، شوندى دوام اېتەدىلر. هر پھر توگەگنىدە، تۇقماقنى گريالگە تېز تېز و اوزاق وقت اورىب تورەدىلر. اگر كوندوزدن اولگى (كون نىنگ يىرىنچى يرمىدەگى) پھر توگەگن بۇلسە، جامگە تېز-تېز اورگنلريدن كېين بير آز تۇختب، كېين بير مرتە بانگ اورەدىلر. ايگىنچى پھر توگەگن بۇلسە، تېز-تېز اورگنلريدن كېين بير آز تۇختب ايگى بارە بانگ اورەدىلر. شو سىنگرى اوچىنچىسىدن كېين اوچ، تۈرتىنچىسىدن كېين تۈرت بارە بانگ اورەدىلر. كوندوزگى تۈرت پھر توگەگنىدن كېين انه شو طرزە تون نىنگ تۈرت پھرى دوام اېتەدى.

اوللرى گرياليلر پھر بېلگىسىنى پھر توگەشى بيلن اورردىلر. كېچەلىرى اويقودن اويغانگن كىشىلرگە اوچ گري ياكە تۈرت گري نىنگ بانگى اېشيتىلسە، بو ايگىنچى پھرمى ياكە اوچىنچى پھرمى، بىلالمەى قالدردلر. مېن تونگى گريلرنى و بولوتلى كونلردەگى گريلرنى قاققندن سۇنگ پھرنىنگ بېلگىسىنى قاقىشلىرىنى بويوردىم. اونگە كۈرە، مثلاً، كېچەنىنگ اولگى پھريدن اوچ گري بانگى اورىلگچ، بير آز تۇختب، پھرنىنگ بېلگىسىنى ينه بير بار اورەدىلر، يعنى بوندن بو اوچ گري اولگى پھردن اېكنلىگى معلوم بۇلەدى. كېچەنىنگ اوچىنچى پھريدن تۈرت گري بانگى اورىلگچ، ينه بير آز تۇختب، پھرنىنگ علامتىنى اوچ بار اورەدىلر، يعنى معلوم بولەدىكە، بو تۈرت گري اوچىنچى پھردن دىر. جودە يخشى بۇلدى. كېچەسى هر وقت اويغانگنىنگدە، گري بانگى آوازينى اداسىنى اېشيتىب، قىسى پھردن نېچە گري اۋتگىنىنى بىلەسن. هر بير گري اۋز نوبتىدە آلتىمىشگە بۇلىنەدى، هر بيرىنى پھل دېب ائەيدلر. بير كېچە-كوندوز اوچ مىنگ آلتى يوز پھل بۇلەدى. هر بير پھل نىنگ مقدارى كۈزنى آلتىمىش مرتە يومىب-آچىشگە تېنگ، دېب ايتەدىلر، بير كېچە-كوندوز كۈزنى ايگى يوز اۋن

آلتى مىنگ مرتە يۈمىپ-آچىشكە تېنگ كېلەدى. مېن تەجرىبە قىلىپ، بىر پەللى ئىچىدە "قل ھواللە" نى "بىسم اللە" بىلەن سىڭىز مرتە ئۇقىش مەمكىنلىكىنى ئىنقىلەيدىم. شۇندە بىر كېچە-كۈندۈزدە "قل ھواللە" نى "بىسم اللە" بىلەن يىگىرمە سىڭىز مىنگ سىڭىز يۈز مرتە ئۇقىسە بۇلەدى. ھىندوستان اېلى آغىرلىك اۋلچاۋلرىنى يىخشى بېلگىلەپ آلىشكن. سىڭىز رتتى بىر ماشەگە تۇغرى كېلەدى. تورت ماشە بىر تانكىنى تىشكىل اېتەدى، بو اۋتتاز اىگى رتتى بۇلەدى. بېش ماشە، يەنى بىر مىثال-قىرىق رتتە يىگە تېنگ. اۋن تۇرت تۈلە بىر سېر ھىسابلەندى. قىرىق سېر، بېلگىلەپ قۇيىلگىنىدېك، ھەمە يېردە بىر باتمان بۇلەدى، اۋن اىگى باتمان بىر مانى گە تېنگ. يۈز مانىنى بىر مىناسە دېيىدلىر. جواھر و مرواريدلرنى تانكىدە اۋلچەيدىلر.

ھىند خەلقى سىناقنى ھەم جودە يىخشى بېلگىلەپ آلگەن. يۈز مىنگىنى اولر لىك دېپ، يۈز لىكىنى كرور دېپ اتەيدىلر. يۈز كرور ارب دېپ ناملەندى. يۈز اربىنى كىر، يۈز كىرىنى نىل، يۈز نىلنى پەدم، يۈز پەدمنى سانك دېپ بېلگىلەشكن. سىناقنىڭ بۇندە بېلگىلەنىشى ھىندوستاندە بايلىك نىڭ كۆپلىگىگە دلالت دىر.

ھىندوستان خەلقى نىڭ كەتتە قىسمى كافىرلر دىر. ھىند خەلقى كافىرلرنى ھىندولر دېپ اتەشەدى. ھىندولرنىڭ كۆپچىلىگى تىناسخى بۇلەدى، يەنى اۋلگەند كېيىن جان نىڭ باشقە بىرار تەڭگە كىرىشىگە ايشانەيدىلر. عاملىكار، اجارەگە آلوۋچى و ايشلەپ چىقروۋچىلرنىڭ ھەمەسى شو ھىندولر دىر.

بىز نىڭ ولايتلردە فقط صحرالردە كۆچمەنچىلىكدە كون كۆرەدېگن خەلق نىڭ قىيىلە-قىيىلە ناملىرى بۇلەدى. بو يېردە ولايت و قىشلاقلردە يىشاۋچى اۋتراق اھالى نىڭ ھەم قىيىلە-قىيىلە ناملىرى بار.

بو يۇرتدە ھەر بىر ھىندى-آرەب-باسىدن قالگەن كىسبىنى اۋرگىنىپ، دوام اېتتەيدى.

ھىندوستان او قدر چىرايلى اۋلكە اېمىس. اېلىدە ھەم ھىسن يۇق. مەاملە مىدىتى، اۋز ارا ملاقات، باردى-كېلدى دېگەن نرسەلرنى بىلمەيدىلر. طبعى، ادراكى و ادبى يۇق، كىرم و مروتنى بىلمەيدى، ھىر و ايشلىرىدە ھىساب-كىتاب، تىرتىپ، رېجە و گۇنيا (تۇغرى بورچىك)

يۇق. يىخشى آت و يىخشى ايت اوچرهمه يدى. يىخشى اوزوم، يىخشى قاوون و يىخشى مېوه لرى يۇق، موز و ساووق سوو يۇق، بازارلريده يىخشى طعام و يىخشى نان، حَمَام يۇق، مدرسه يۇق، مشعله، شمع يۇق و شمع دان يۇق. شمع و مشعله اۋرنىگه كۆپ چركين كىشىلرى بار، اولرنى "ديوتي"^{۲۲} دېدىلر، چپ قۇللريده بير اوچ آياقنى اوشلب تورهدىلر. اوچ آياق نىنگ بير ياغاچ آياغى اوچىگه شمع دان نىنگ باشىدېك كېلهدىگن تېمير محكملىنگن؛ تېمير آياقچه گه باش برماق دېك كېلهدىگن يۇغان پىلىكنى اورهدىلر. اۋنگ قۇللريده تېشىگىنى تاره يتيرىراق قۇيگن كدو بۇلىب، اوندن ياغ تىزىلىب توشەدى. هر سفر فتيله نى ياغلىش كېرەك بۇلسە، ديوتىلر شو كدودن ياغ قويهدىلر. كتەلريده بوندە ي ديوتىلردن يوز-ايگى يوزتە چەسى بۇلەدى، شمع و مشعله اۋرنىگه شونى ايشلته دىلر. پادشاه و بېكلرى نىنگ كېچە لرى شمع گه احتياجى بۇلسە، منە شو كىر-چير ديوتىلر بو چيراغنى كېلتىرىب، اولرنىنگ تېپەسىدە اوشلب تورهدىلر.

جر و چوقورلىكلردن آقېب ياتهدىگن دريا و كۇللريدن باشقه باغ و اوپلريده آقر سوولرى يۇق. اوپلريده تازه هوا، ترتيب و چيراي يۇق. عادي خلق و ميدە آدملىرى بوتونلە يىلغاچ يوره دىلر. لنگۇتە دېك بير نرسە نى باغلب يوره دىلر. بوندە كىندىكدن ايگى قىرچ پستگه كلته لته آسىلىب تورەدى، بو آسىلگن كلته لته نىنگ اوستيدن يە بير پرچە لته آسىلتىرىلەدى. لنگۇتە نىنگ باغىنى باغلب، اۋشە بير پرچە لته نى ايگى آياق آرەسىدن (بوتيدن) اۋتكىزىب، محكم باغلىشەدى. عياللىرى جودە اوزون بير لونگ-پېلباغنى باغلب، يرمىنى پېللىرىگە، يرمىنى باشلىرىگە تشلب آلىشەدى.

هندوستان جودە كتە ولايت، اونىنگ يىخشى جايلرى هم بار. اوپردە آلتىن و كوموش جودە كۆپ. يامغىر موسوميدە هواسى جودە يىخشى بۇلەدى. بعضاً بير كوندە اۋن، اۋن بېش و يىگىر مە مرتە يامغىر ياغهدىگن وقتلر هم بۇلەدى. يامغىر پىتى بيرپسە سېل كېلەدى، مطلقا سوو بۇلمەگن جايلردە دريالر تاشىب آقە باشلەيدى. پشە كالدە يامغىر ياغە ياتگىنيدە و

يامغىردىن سۇڭگى ھوا جودە يىخشى بۇلەدى. ھوا باشقە پىتلىرى بوندەى معتدل و لطافتلى بۇلگن اېمىس. كىم چىلىگى شونەدەكە، ھوا جودە سېرنىم بۇلەدى.

پشەكالدە او يىرلردە كىمان آتیب بۇلمەيدى، چونكە تېزدە بوزىلەدى. يامغىر فقط يايگەگىنە تاثير اېتىپ قالمايدى، بلكە زەرە و كتاب، رخت (اسباب-انجام، كىيم-كېچىك، سفر انجامى) - ھەمەسىگە نىمگىرچىلىك نىنگ تاثيرى سېزىلەدى. عمارتلار ھەم اوزاق تورمەيدى. پشەكالدەن باشقە قىش و ياز آيلرىدە ھەم ھوا يىخشى بۇلەدى. اما ھەمىشە شىمال شىمالى كۇترىلىپ تورەدى. چىنگ و توپراق كۇپ كۇترىلەدى. بو يىل يىلىگە تۇرت-بېش مرتە- يازلىرى ثور و جوزا آيلرىدە-پشەكالكە يقىن جودە قىتىق اېسەدى. كۇترىلگن چىنگ و توپراقدىن يىراو-يىراونى كۇرمەى قالەدى، بونى "آندى" دېب ايتەدىلر. جوزا ايسىق كېلەدى، اما حدەن تشقىرى ايسىق بۇلمەيدى. ايسىغى بلخ و قندھارنىكىچە بۇلمسەدە، او يىرلر ايسىغى نىنگ يرمىچە چۇزىلەدى.

ينە يىخشى بىر جەھتى شوکە، ايشىچى و ھنرمندلىرى جودە كۇپ. ھەر بىر ايش و ھەر بىر نرسە اوچون معین كىشىلر بېلگىلې قۇيىلگن. اولر نىنگ ھەر بىرى آتە-باباسى قىلىپ كېلەياتگن ايشنى دوام اېتتىرىپ كېلەدى. ملا شرف "ظفرنامە" دە مبالغە بىلەن شونەدى يىتگن اېدىكە، تېموربېك "مسجد سنگ" نى قورەياتگنيدە ھەر كونى آذربايجان، فارس، ھندوستان و باشقە اۆلكەلر سنگتراشلىرىدىن اېگى يوز كىشى مسجىدە ايشلردى. بىر آگرەنىنگ اۋزىدە مېنىنگ عمارتلرىمدە ھەركونى اوشبو آگرە تاش يۇنرلىرىدىن آلتى يوز سىكسان كىشى ايشلردى. يەنە آگرە، سېكرى، بىانە، دۇلپور، گواليار و گۇيىلدە ھەر كونى بىر مىنگ تۇرت يوز تۇقسان بىر سنگتراش قورىلىشلىرىمدە ايشلردى. ھندوستاندە يەنە باشقە كۇپلې ھنرمند و ايشچىلر حدەن زىاد كۇپ.

حاضرەدە بېھرەدن بھارگچە-مېنىنگ تصرفىمدە بۇلگن ولايتلردن اېلىك اېگى كرور درآمد توشەدى. اونىنگ لۇندەسىنى قويدە بە تفصیل بيان قىلەمىز. اوندىن سگىز ياكە تۇقىز كرورى مېنگە اطاعت قىلىپ كېلەياتگن راي و راجەلرنىنگ ملكلىرىدىن توشگن بۇلىپ، بو يىرلر اولرگە

قدىمدن تىرىكچىلىك يراغى بۇلىب كېلگن.

هندوستان دن غالب پادشاه نىنگ قۇل آستىگه كىرگن جايلار درآمدي نىنگ تخمىنى

حسابى:

سان	ولايتلار	درآمد مېدارى	سان	ولايتلار	درآمد مېدارى
۱	سَلَج درياسى نىنگ نرىگى تامانى همده - بېهره، لاهور سيالكوت، دىپالپور و باشقه لار	۳۳۳۱۵۹۸۹	۱۶	جۇنپور	۴۰۸۸۳۳۳
۲	سهرىند	۱۲۹۳۱۹۸۵	۱۷	كورزه و منىكپور	۱۶۳۲۷۲۸۲
۳	حصارِ فېروزه	۱۳۰۷۵۱۷۴	۱۸	بھار	۴۵۶۰۰۰۰
۴	پايتخت شھر دهلى و ميانِ دوآب	۳۶۹۵۰۲۵۴	۱۹	سَرور	۱۵۵۷۵۰۶۲/۱
۵	مېوات (اسكندر (لودي) دور يده (بىز نىنگ حاكميتىگه قۇشيلمەگن)	۱۶۹۸۱۰۰۰	۲۰	سَرَن	۱۱۰۱۸۳۷۳
۶	بيانه	۱۴۴۱۴۹۳۰	۲۱	چىپرن	۱۹۰۸۶۰۶۰
۷	آگره	۲۹۷۶۹۱۹	۲۲	كندله	۴۳۳۰۳۰۰
۸	ميانه (اورته ولايتلار)	۲۹۱۱۹۰۰۰	۲۳	راجه روپ نراين چېگره سى اورته ليگيده گى تيرهوت	۲۵۵۰۰۰۰
۹	گواليار	۲۲۳۵۷۴۵۰	۲۴	چَتسو، مَلَنده گى رَنَتنبور بۇلى	۲۰۰۰۰۰۰

۱۰	كلپي، سِيهونده و باشقهلر	۴۲۸۵۵۹۵۰	۲۵	نگور	----
۱۱	قَنّوچ	۱۳۶۶۳۳۵۸	۲۶	راجه بَكْرَمه جيت [رانتنبوردن]	----
۱۲	سَنَبَل	۱۳۸۴۴۰۰۰	۲۷	گلنجري	
۱۳	لكنور و بكسر	۱۳۹۸۲۴۳۳	۲۸	راجه سينگ دبو	
۱۴	خيراباد	۱۲۶۵۰۰۰	۲۹	راجه بيكم دبو	
۱۵	اَوْد و بهره ييج	۱۱۷۱۳۶۹	۳۰	راجه بيكم چَند	

هندوستان اۆلكهسى پىرى همده اېلى نىنگ اوزىگه خاصليلكلرى و احوالى حقيده اوزىمگه معلوم بولگن، انىقلهگن نرسه لريمنى اېسلب بيان قىلدىم. بوندن سۇنگ ينه يازيشگه ارزىگوليك نرسه گه كوزيم توشسه، اېشيتيشگه ارزىگوليك بيرار نرسه اېشيتسم، بيته من.

رجب آيى نىنگ يىگيرمه توقيزينچىسىده، دوشنبه كوني خزينه نى كوزيب چىقدىك و اونى اولشه باشلهدىك. هُمايون گه خزينه دن يېتميش لك بېرىلدى. هلى رۇيخطگه آلىنمه گن و تېكشيريپ كوزريلمه گن ينه بير خزينه نى هم اونگه باربوديچه انعام قىلدىم. ينه بعضى بېكلرگه اؤن لك، بعضيلريگه سَكْيزلك، يېتتى لك، آلتى لكدن بېرىلدى. لشكرده گى افغانلر، هزاره لر، عربلر و بلوچلرگه همده هر بير عسكرگه موقعيگه قره ب پول انعاملرى بۇلدى. هر بير سوداگر، هر بير طالب علم و عموماً، لشكرگه همراهليك قىلگن هر بير كيشى انعام، هديه دن جوده كۆپ بهره و كامل نصيبه آليپ كېتىدىلر.

لشكرده بۇلمه گنلرگه هم بو خزينه دن كۆپ انعام و هديه لر يوبارىلدى. مثلاً، كامران گه اؤن يېتتى لك، محمد زمان ميرزاگه اؤن بېش لك، عسكرى گه، هندال گه و عموماً، برچه اوروغ-ايماققه، اؤغىللر و ياش باله لرگچه جوده كۆپ طلا، كوموش، كييملىك، قيمت بها تاشلر و قۇللردن ساوغه لر يوبارىلدى.

او تامانده قالگن بېك و سپاهيلرگه جوده كۆپ انعاملر جۇنه تىلدى. سمرقند، خراسان،

کاشغر، عراققه قرینداش-اوروغلر اوچون ساوغه‌لر جۇنه‌تیلدی. سمرقند و خراسان‌ده‌گی شیخلرگه نذرلر یوباریلدی. مکه و مدینه‌گه هم نذرلر جۇنه‌تیلدی. کابل ولایتی بیلن ورسک سده‌سی (لشکریننگ یوز کیشیلیک بۆلینمه‌سی) اطرافیده یشه‌یدیگن هر بیر کیشیگه-اېرککمی، عیالمی، قولمی، آزادمی، کتّه کیشیمی، یاش باله‌می- بوندن قطع نظر، همه‌سیگه بیر شاهرخیدن انعام قیلیندی.

بیز دستلب آگره‌گه کهلگنده آدم‌لریمیز بیلن بو بېرلیکلر آره‌سیده غلطی اختلافلر و بیر-بیرینی یاقیتیرمسلیک کیفیتی سېزلیب تورردی. عسکرلری و عادی خلق بیزنینگ کیشیلردن قۇرقیب قاچردیلر. دهلی و آگره‌دن باشقه برچه قۇرغانلی خلقی قۇرغانلرینی محکملب، اطاعت و بۇی سونیشدن باش تارتدیلر. سنبّل قاسم سنبّلی‌نینگ، بیانه نظامخان‌نینگ قۇلیده اېدی. مېوات‌ده حسنخان مېواتی‌نینگ اۇزی اېدی. بو فتنه و فسادلرنی باشله‌گن اۇشه ملحد (ایمانسیز) پستکش‌نینگ اۇزی اېدی. دولپۇر محمد زیتون قۇلیده، گوالیارد تاتارخان سارنگخانی رآبّری‌ده حسینخان نوحانی، آتاوه‌ده قطبخان، کلپی‌ده عالمخان حکمران اېدیلر. قنۇج و گنگ‌نینگ او تامانی نصیرخان نوحانی، معروف فرمولی سینگری ینه جوده کۇپ امیرلری بۇلگن دشمن افغانلر قۇلیده اېدی. ابراهیم وفات اېتمسیدن ایگی-اوج ییل بورون اولر یاوله‌شیب قالگن اېدیلر. مېن ابراهیم‌نی یېنگگن پیتلری اولر قنۇج و اونینگ نری‌یاغیده‌گی ولایتلرنی قۇلگه کیریتگن، قنۇج‌دن بیر-ایگی منزل بویا قراققه کهلپب جایلشگندیلر. اولر دریاخان‌نینگ اۇغلی بهارخاننی پادشاه قلیب کۇتریب، اونگه سلطان محمد دېب لقب بېرگندیلر. مْهاوین‌ده مرغوبقول حکمرانلیک قیلردی. شونچه یقین جایده توریشیگه قره‌مه‌ی، مېنی کۇریشگه بیرار مرته هم کهلمه‌دی.

بیز آگره‌گه کهلگنده جوده ایسیق پیتلر اېدی. آدم‌لر واهمه‌دن بوتونله‌ی قاچیب کپتگندیلر. اۇزیمیزگه طعام، آتلرگه یېم-خاشاک تاپیب بۇلمسدى. قیشلاقلرده دشمنلیک و نفرت طفیلی دشمنلیک، اطاعتسیزلیک، اۇغیرلیک و یۇلتۇس‌رلیککه یوز بورگندیلر. یۇلرده یوریب بۇلمسدى. بیز هلی خزینه‌نی اولشیب، هر بیر ولایت، هر بیر جایگه ایشانچلی کیشیلرنی

تعيین قىلىشكە ھەم اولگورمەگەن اېدىك. بونىنگ اوستىگە، اۋشە يىل جودە ايسىق كېلگەندى. كۈپلەب آدملىر دەشتلى قىيىق گرمسېر تائىرىدن تې-تې يىقىلىپ، اۋلە باشلەدىلر. شو باعث كۈپ گىنە بېكلر و سرە اېنگ يىخشى يىگىتلىرىنىڭ روھى توشىب كېتدى. اولر ھىندوستان دە قالىشكە كۈنمەي، كېتىپ قالە باشلەدىلر.

كېكسە، تەجرىبەلى بېكلر بوندەي دېسەلر، عىبى يۇق. اولر بوندەي گېلرنى ايتىكلرىدە اونى اېشىتىگەن كىشى نىنگ عقل و ادراكى اولرىنىڭ قارارى تۇغرى ياكە ناتۇغرى اېكىنلىگىنى، يىخشى ياكە يامانلىگىنى اجرەتە آلەدى. اما كىمدىر ھەم نرسەنى اۋىلەب، بىرار نرسەگە قىيىق قىلگەن بۇلسە، ايتىلگەن سۆزلرنى تىكرارلىشىدىن نىمە فايده. كىچىككەن مەنە شۇندەي سۆزلر و بوندەي بې مەزە فېكلرنى اېشىتىش نىنگ نىمە كېرەگى بار. شونىسى قىيىق كە، بو سىفر كابىل دىن آتلىنە ياتىگەنمە كىچىكلردىن بىر نېچە سىنى بېك قىلىپ يىنگى تەيىنلەگەن اېدىم. مېنىڭ بولردىن امىدىم شو اېدى كە، مېن اۋتگە كىرىپ-چىقىم ھەم، سووگە كىرىپ-چىقىم ھەم، اولر ھېچ ايكىنمەي بىز بىلەن بىرگە كىرگەنلر و چىققەنلر. مېن قىيىق طرفگە بارىم، اولر مېنىڭ آرتىمدىن بارگەنلر. اولر مېنىڭ مقصدىمگە قىيىق سۆز ايتەدىلر، ھەمەسى نىنگ كېنىش و اتفاقى بىلەن اۋزىمىز جىزم قىلگەن ھەر بىر ايش و مەم نرسەدىن كېنىش چىقىمىدىن بورون قىتەدىلر، دېب اۋىلەمەگەندىم.

بولر اۋزىلرنى يامان توتىدىلر. اما احمەدى پروانەچى و ۋلى خازىن بولردىن ھەم بدىتراق بۇلدى. كابىل دىن چىقىپ، ابراھىم اوستىدىن غلبە قازانىپ، آگرەنى آلگۇنچە خواجە كلان اۋزىنى يىخشى توتىدى، مردانە سۆزلر ايتتى، ھەملى فېكلر بىلدىردى، بىراق آگرەنى اېگىللەگەنمىزدىن بىر نېچە كۈن اۋتگەچ، اونىڭ رايى بوتۇنلەي اۋزىگەردى. عىنا خواجە كلان قىيىق كېتىشكە چىن دلدن عەھد قىلگەن اېدى. آدملىرىگە بوندەي بې قارالىكنى كۆرىپ، بىرچە بېكلرنى چىقىرىپ، كېنىش اۋتەزدىك. مېن شۇندەي دېدىم: «سلطنت و جەھانگىرلىككە قورال-يىراغ و اسلحە-انجامسىز اېرىشىپ بۇلمەيدى. پادشاھلىك و امىرلىك نوكر و ملكسىز موجود بۇلالمەيدى. نېچە يىللر كىيىق، مىقتىلر چىكىپ، اوزاق پىرلرنى باسىپ

اۇتیب، لشکر تارتیب، اۋزیمیزنی و لشکرنی جنگ و اۋلیم خطرگه سالدیک. تنگری نینگ مرحمتی ییلن شونچه کۆپ دشمننی یېنگیب، بوندهی کتّه مملکتی اېگلله‌دیک. اېندی اېسه، قندهی کوچ و ضرورت مونچه‌لر جان تارتیب آلگن یېرلریمیزنی هېچ بیر سببیسز تشلب کېتیشگه مجبور قیلماقده. کیم ییزگه خیر خواه بۇلسه، بوندن کپن بو کبی سۆزلرنی ایتمه‌سین، کیم که طاق قیلامه‌ی کېتیشنی نیت قیلگن بۇلسه، کېتسین، کېتگچ، قېتیب کېلمه‌سین.»

بوندهی تۇغری و مقبول سۆزلرنی کېتیش نیتیگه توشگن یاکه شو یېرده قالیشنی اۋیله‌یاتگن کیشیلرگه اېسله‌تیب، دغدغه قیلدیم.

خواجه کلان نینگ بو یېرده قالیشگه کۈنگلی یۇق اېدی. بیز شونگه قرار قیلدیک: خواجه کلان کۆپ نوکرلی کیشی اېدی. ساوغه‌لرنی آلیب، جۇنب کېتسین. کابل و غزنی ده آدم جوده کم. اولرنی قۇلگه آلیب، او یېرده حاکمیت و ترتیب اۋرنتسین. غزنی، گردیز و سلطان مسعودیگه تېگیشلی بۇلگن هزاره‌لر یشه‌یدیگن جایلرینی خواجه کلانگه عنایت قیلدیم. اونگه ینه هندوستان نینگ اۋزیدن اوچ-تۇرت لک فایده کېلتیره‌دیگن کوهرام ولایتی هم بېریلدى.

خواجه میر میراننى هم کابلگه جۇنه‌تیشگه قرار قیلدیک. ساوغه‌لرنی آلیب باریش اونینگ دمه‌سیگه یوکلەتیلدى. ملاحسن صراف و تۆکه هندوگه اولرنی قبول قیلیب آلیش تعینلندی.

خواجه کلان هندوستاننى شونچه‌لر یامان کۈرردی که، کېته‌یاتیب، دهلی ده‌گی اویى دېوارگه شوندهی ییتنى یازیدى:

اگر به‌خیر و سلامت گذر ز سند کنم،

سیه روی شوم، گر هوای هند کنم.

(مضمونی: اگر سیند دریاسیدن ساغ-سلامت اۇتیب آلسم، هندوستاننى ینه هوس

قیلگودېک بۇلسم، یوزیم قرا بۇله‌ی.)

بیز هندوستان ده قالگن بیر پیتده بوندهی استهزالی بیت ایتیش و اونى یازیب قۇیش

ادبىسىزلىك اېدى. كېتىشى نىنگ اۋزى كۈنگىلىمگە يىر غشلىك سالگن بۇلسە، بوندەى قاقچىرىمى اونى ايگى براير قىلدى.

مېن بدىيە قىلىپ يىر رباعى يازىپ جۇنتىدىم:

يوز شكر دې، بابركە، كرىم و غفار، بېردى سېنگە. سىندو ھندو ملك بىسار.

اىسقىلىگىگە گر سېنگە يۇقتور طاقت، ساووق يوزىنى كۈرەى دېسنگ غزنى بار.

بو پىتدە ايلغارىلرى مرتبەسى جودە پست بۇلگن، بوندن ايگى-اوچ يىل بورون آغە-اينىلرىنى تۇپلې، چقىرىپ، عموماً، اۋزىگە كتتە جماعە تۇپلەگن ملا آفاققە اۋروكزايى و سىند قىرغاغىدەگى بعضى افغانلرنى بېرىپ، كويىلگە يوباردىك. او يىرلردە بۇلگن يۇلتۇسرلر و سپاھىلرگە يىز تامانگە آغدىرەدىگن چقىرىق فرمانلرى يوبارىلدى.

شىخ گورن قاشىمگە اعتقاد و اخلاص بىلن كېلىپ، خدەتىمگە كىردى. ميان دواب يايچىلرىدن ايگى-اوچ مىنگ سپاھىنى ھم خدەتىمگە آلىپ كېلدى. عليخان فرمولى نىنگ اۋغىللىرى و قىرىنداشلرى يونس على بىلن دھلى و اگرەنىنگ آرەسىدە، او ھمايوننى يۇقاتىپ قۇيىپ، ادەشىپ يورگن چاغىدە اوچرەشىپ قالىشەدى. كىچىك جىنگدە يونس على دشمننى پىنگىپ عليخان نىنگ اۋغىللىرىنى اسىر قىلىپ، حضورىمگە آلىپ كېلگەندى. شو مناسبت بىلن دولت قدم توركنىنگ اۋغلى مىزرا مۇغولگە عليخان نىنگ اسىر توشگن اۋغىللىرىدن بىرىنى قۇشىپ، شوندەى ناتىنچ زماندە مېواتگە كېتكن عليخانگە چقىرىق خطى بىلن يوبارىلدى. اونى آلىپ كېلىشىدى. عليخانگە التفات كۈرسەتىپ، يىگىرمە بېش لك درامد بېرەدىگن ولايتلردن بېرىلدى.

سلطان ابراهيم، مصطفى فرمولى و فېروزخان سىرنگخانى باشلىق يىر نېچە امىرلر پوراب تاغىدە بىرلىشىپ عصيان كۈترگن امىرلر اوستىگە جۇنەتىلگەندى. مصطفى بو بۇى سونمس امىرلر بىلن كۇپ و يىخشى جىنگ قىلدى، يىر نېچە بار اولرنى پىنگىدى. ابراهيم نىنگ مغلوبىتىدن يىر آز اىلگىرى مصطفى اۋلدى. شىخ بايزىد اونىنگ اوكەسى اېدى. ابراهيم مھم ايشلر بىلن بند اېدى، درحال اونى اوكەسى نىنگ آدملىرى و ايشىگە باش قىلىپ قۇيدى.

فېروزخان، شیخ بایزید، محمودخان نوحانی، قاضی جیه کبلیب خدمتیمگه کبلیدلر. اولرگه هم کوتگنلریدن آرتیق اعتبار و شفقتلر کۆرسه تیپ، فېروزخانگه جانپوردن بیر کرور و قیرق آلتی لک و بېش مینگ تنگه؛ شیخ بایزیدگه اُوه ددن بیر کرور و قیرق سگیز لک و ایلک مینگ تنگه، محمودخانگه غازپوردن تۆقسان لک و اۆتیز بېش مینگ تنگه و قاضی جیهگه جانپوردن ییگیرمه لک درآمد بېره دیگن یېرلر هدیة عنایت بۆلدى.

شوال آیی بېره میدن بیر نېچه کون اۆتگن هم اېدى که، سلطان ابراهیم نینگ خاص سراپی اۆرتة سیده گى تاش اوستونلى، گنبذلى ایوانیده کتّه صحبت اوپوشتیریلدى. همایونگه چارقب^{۲۳}، کمر شمشیر و آلتین اېگرلیک چاپقیر آت، چین تېمور سلطان، مهدي خواجه و محمد سلطان میرزاگه هم چارقب، کمر شمشیر و کمر خنجرلر ساوغه قیلیندى. ینه بېک و ییگیتلرگه منصبیگه یره شه کمر شمشیر، کمر خنجر و سروپالر انعام قیلیندى. همه سی قوییده قیسقه چه قیلیب بیتیلدى: ایگى چاپقیر آت اېگری بیلن؛ قیمت بها تاشلر بیلن بېزه تیلگن ایگى دانه کمر شمشیر؛ بېزه کلی خنجردن ییگیرمه بېش دانه؛ بېزه کلی دودمه خنجردن اؤن آلتی دانه؛ ایگى دانه بېزه کلی شمشیر؛ آلتین ساپلى هند پېچاقلریدن بیر دانه؛ چهارقب دن تۆرتّه؛ ییگیرمه سگیز ته جون چکمان.

صحبت کونی جوده کۆپ یامغیر یاغدى. اؤن اوچ مرته یامغیر یاغدى. بعضیلرگه تشقیردن جای تېککن اېدى، همه سی حقیقه هؤل بۆلدى.

محمد کۆکلداشگه سمنه^{۲۴} ولايتینی هدیة اېتیب، سَنبلگه یوریش اوچون ایلغار تعینلندی. حصارِ فېروزه همایونگه مکافات طریقه سیده بېریلگن اېدى، سَنبلنى هم همایونگه هدیة قیلدیم. هندوبېک همایون نینگ آلدیده قالگن اېدى. شوباعث محمدی نینگ اؤرنیگه سَنبلگه ایلغار قیلیب هندوبېک، کتّه بېک، ملک قاسم بابا قشقه اکه- اوکه لری بیلن، ملا آفاق، شیخ گورن میان دواَب یایچیلری بیلن ایلغار قیلیب یوباریلدى.

۲۳- چارقب- شاهلرنینگ مخصوص کیمی.

قاسم سَنبَلِي دُن اَوچ-تۆرت مرتە آدم كېلىپ، يېن حرامخۇر سَنبَلِي نى قىل قىلىپ، اونىڭ حمایە سېنى ضعيفلشتىردى، ایلغار یوبارینگلر، دېگن خبرنى بېردى. يېن شو صفت و كۆرىنىشى بىلن بىزدن قاچىپ كېتىچ، تاغ اېتكلىرىگە باردى. اوشە بېرلردە قاچىپ يورگن افغان و هندوستانلىكلرنى يىغىپ، اوشو تۇپالانلر چاغىدە سَنبَلِي نى بۇش كۆرىپ، كېلىپ اونى قىلىپىدى.

هندوپېك، كَتەپېك و ایلغارگە (آلدقۇشىنگە) تعینلنگنلر آھر كېچىگىگە كېلىپ، سوودن اۋتە باشلەيدىلر. ملك قاسم بابا قشقەنى اكە-اوكەلرى بىلن بىرگە آلدینگە يوبارەدىلر. ملك قاسم سوونى كېچىپ اۋتگن يوز-يوز اېلىك كىشىسى و برادرلرى بىلن ایلدَم يورىپ، پېشىن نمازى پىتى سَنبَلِي گە يېتىپ بارەدى. يېن هم قۇشىن تارتىپ، اۋردوسىدن چىقەدى. ملك قاسم تېز بارىپ، قۇرغاننى ایلنىپ اۋتەدى و جنگنى باشلپ يوبارەدى. يېن قرشلىك كۆرسە تالمەى قاچەدى. جنگچىلرىمىز بىر تۈدە كىشىسى نىڭ باشىنى كېسىپ، بىر نېچتە فىل، جودە كۇپ آتلىرى و باشقە اۋلجەلرنى قۇلگە كىرەتەدى.

اېرتەسى تانگدە ایلغار بېكلرى هم يېتىپ بارەدى. قاسم سَنبَلِي كېلىپ اولر بىلن كۆرىشەدى، لېكن قۇرغاننى اولرگە تاپشېرىش خوش كېلمەيدى و حیلەلر قىلەدى. بىر كۈنى شېخ گورن، هندوپېك اولر بىلن سۆزلىشىپ، بىر بهانە تاپىپ، قاسم سَنبَلِي نى بو بېكلر آلدینگە آلىپ كېلەدى و بىزنىڭ آدملىرىمىزنى سَنبَلِي قۇرغانىگە كىرەتەدى. قاسم سَنبَلِي نىڭ يۈكى و آدملىرىنى ساغ-سلامت قۇرغاندن چىقىرىپ يوبارەدىلر.

بىانەگە قلندر پىادەنى جۈنەتېب، نظامخانگە وعدە و تھدىد بىلن فرمانلر يوبارىلدى. منە بو قطعە بدىيە قىلىپ، يازىپ يوبارىلدى:

با تورك سىتېزە مكن، اى مير بىانە، چالاكى و مردانگى تورك عيان است.

گر زود نيايى و نصيحت نكنى گوش، آنجاكه عيان است چه حاجت به بيان است.

(مضمونى: اې بىانە مىرى، تورك بىلن اۋىنشەمە، توركنىڭ اېچىللىگى و مردلىگى

همەگە عيان. اگر تېز كېلىپ نصيحتنى قولاققە آلمەسنگ، عيان بۇلگن گېنى بيان قىلىش نىڭ

نیمه حاجتی بار.)

بیانه قۇرغانی هندوستان نینگ مشهور قلعه‌لریدن دیر. بو عقلسیز پستکش آدمچه قلعه‌نینگ مستحکم‌لیگیگه ایشانیب، جیغیلدانیگه سیغهدیگنیدن هم کۇپراق نرسه‌لر سۇرەب یوبارییدی. اوندن کېلگن کیشیگه یخشی جواب قیلگنیم یۇق. قلعه‌نی اېگلەش اوچون قورال-یراغ تیارلەشگه مشغول بۇلدىک.

باباقولى بېک محمد زیتون‌گه وعدە و تھدید فرمانلری یوباریلدى. او هم عذرلر ایتیپ، تورلی عیارلیکلرنی اۋیلە باشلەدی.

کافر رنا سنگا کابل ده اېکنیمیزده خیرخواھلیک بیلن اېلچى یوبارگن و ییز شوندهی کېلېشېب آلگن اېدىک: اگر پادشاه (یعنی، مېن) او طرفدن دهلی ولايتیگه بارسم، رنا سنگا بو طرفدن آگره اوستیگه یوریشی کېرەک.

مېن ابراهیم‌نی پېنگدیم و دهلی‌نی هم، آگره‌نی هم قۇلگه کیریتدیم. اما شو پیتگچه بو کافردن چیقېب کېتیشی اوچون بیرار حرکت کۇرینمەدی. انچه وقت اۋتگنیدن کېین کوندەر دېگن قۇرغاننى قمل قیلدى. مکن نینگ حسن اسملى اۋغلى اۋشە پېردە اېدى. حسن مکن‌دن بیر نېچه مرتە آدم‌لر کېلدى، اما مکن نینگ اۋزی هلى هم کۇرینگنی یۇق. بو اطرافدەگى آتاو، دۇلپور، گوالیار، بیانه‌گچه قۇلیمگه اۋتمەگندى. شرق تامانده افغانلر قرشیلیک کۇرسەتیب، سرکشلیک قیلردیلر. قنۇچ‌دن آگره تامانگه ایگى-اۋچ منزل نریدە لشکر تۇپلېب اۋتیرگن اېدیلر. یقین-اطراف یېرلردن هنوز خاطر جمع اېمس اېدىک. شوباعث حسن‌گه کۆمک بېریش اوچون آدم اجرە تالمەدیک.

ایگى-اۋچ آیدن کېین حسن چاره‌سیز قالیب، کوندەر قۇرغانینی تاپشیردی. رېرې‌دەگى حسینخان قۇرقېب، رېرې‌نی تشلب قاجیب کېتدی. رېرې محمد علی جنگ-جنگگه بېریلدى. آتاو‌دەگى قطب‌خان‌گه بیر نېچه بار وعدە و تھدید بیلن فرمانلر یوباریلدى. اما او نه ییزنی کۇریشنی ایستەدی، نه آتاو‌نی تشلب کېتدی.

مهدي خواجه گه مرحمت قیلیب آتاو‌نی بېردیم، محمد سلطان میرزا، سلطان محمد

دۇلداي، محمدەلى جىڭ-جىڭ، عبدالعزيز مىراخۇر باشلىق بېكلەر ۋە خاس ئەمەلدارلاردىن ئىچىسى كۆمكەككە ئاتاۋەگە جۈنە تىلدى. قىتۇچ سۇلتان محمد دۇلدايگە بېرىلدى. فېروزخان، محمودخان، شەيخ بايزىد ۋە قازى جىيە كىيى باشلىقلارگە ھىرمت كۆرسەتلىپ، پوراب تاماندەگى ولايتلاردىن بېرىلگەن ئېدى، ئولرگە ھەم ئاتاۋەگە جۈنە كېتىش بويۇرىلدى.

محمد زىتون دۇلپۇردە ئۆتۈرگەندى، تولى ھىلەلر قىلىپ، كېلىشكە شاشىلمىدى. دۇلپۇرنى مەھمۇت قىلىپ سۇلتان جىنەد بىرلاسگە بېرىدىك ۋە ئونگە ئادىل سۇلتان، مەھمۇدى كۆكلىداش، شەھ مەنصور بىرلاس، قوتلوق قەدەم، ئابدۇللا ۋىلى، جەنى بېك، پىرقولى، شەھ ھىسەن يارەكە باشچىلىقىدەگى كىشىلەرنى ياردەمگە بېرىپ، ئولرگە دۇلپۇرنى كۆچ بىلەن ئالىپ، سۇلتان جىنەدگە تاپشۇرىپ، بىيە ئوستىگە يورۇشلىرىنى بويۇرىدىك.

بولىشكرنى تەقسىملەنگەندىن سۇنگ تۈرك ۋە ھىند ئامىرلەرنى چاقىرىپ، كېنىش قىلىپ، ئوشبۇ سۆزلەرنى ئۆرتەگە تەشلەدەم: پوراب تاغى تامانىدە سىركىش ئامىرلەر نەسىرخان ئوخانى ۋە مەرووف فرمولى باشلىق قىرق ئېلىك مەنىگ كىشى بىلەن گەنگەن ئۆتۈپ، قىتۇچنى ئېگىلەپ، ئىگى-ئوچ مەنزل بېرى كېلىپ ئۆتۈرىدى. كەفر رەنا سىنگا كۆندەرنى ئېگىلەپ، قەتە ۋە بوزغونچىلىكلەر قىلىپ يورۇيدى. پەشە كەل ھەم ئاخىرلەپ قالدى. يا بولىشكرلەر ئوستىگە، ياكە كەفر ئوستىگە باستۇرىپ بارىش زۆرۈر ۋە لازىم كۆرىنەدى. بولىشكرلەر-ئەتراپىدەگى قۇرغانلارنىڭ ئىشى ئاسان. كۆتە دىشەنلەرنى يېنىگە ئېلىش كېيىن، بولىشكرلەرگە ھەم بارىدى.

رەنا سىنگانى ئونچە ئۆيە مەسدىك. ھەمە بىر ئاغىزەن دېدى كە، رەنا سىنگا ئوزاقىدە، ئونىڭ بولىشكرلەرگە ئېلىش ھەم مەلۇم ئېمەس. جودە ئېقىن كېلىپ قالگەن دىشەننى دېقە قىلىش مەھم ۋە تۇغرى دېر.

بولىشكرلەر ئوستىگە ئۆزىمىز يورۇش باشلەماقچى ئېدىك، ھەمەيۇن پادىشاھنىڭ ئاتىشىگە ھاجەت يۇق، بولىشكرلەرنى مەن بىرەي، دېقە ئىزدەيدى.

ئونىڭ بولىشكرلەر بىرچەگە ئوخشاش كېلىپ، تۈرك ۋە ھىند ئامىرلەر بولىشكرلەر مەقۇلە دېلەر. ھەمەيۇننىڭ پورابگە يورۇشى تەيىنلەنگەچ، دۇلپۇرگە بېلگىلەنگەن لىشكرنىڭ كېلىپ، چەندۈردە

همايون گە قوشىلىشلىرى بويۇرلىدى و كابلي احمد قاسم چاپر قىلىپ جۇنە تىلدى. آتاوه اوستىگە يوريشى تعينلنگن مهدي خواجه، محمد سلطان ميرزا باشلىق لشكرگه هم بو پيرگه كېلىپ، همايون گە قۇشلىش فرمانى بېرىلدى.

ذوالقعدة آيى نىنگ اۋن اوچىنچىسىده، پنجشنبه كۈنى همايون سفر باشلىپ، آگرەدن اوچ كوروو نريده جايلىشگن جېلسر دېگن قىشلاقچەگە توشدى. او يېردە بىر كۈن توريپ جۇنەدى، منزلە- منزل كۇچىپ، آلدىنگە يۇنەلدى.

اوشبو آي نىنگ يىگىر منچىسىده، پنجشنبه كۈنى خواجه كلان گە كابل گە جۇنپ كېتىشى اوچون رخصت بېرىلدى.

دايم هندوستان نىنگ بىر تەكتە كم چىنىگى- اونده آقر سۈونىنگ يۇقلىگى، دېب اۋىلب يورردىم. قەيىردەكى اۋرنە شىشىمىز لازم بۇلسە، چرخلر يەسەب، آقر سۈو اۋتكزىپ، رېجە بىلن باغلر برپا قىلسك بۇلەدى. آگرەگە كېلگنىمىزدن بىر نېچە كۈن كېين منە شو ايشنى دېب جوون درياسىدن اۋتىپ، باغ قوريش اوچون بېرلرنى كۇرىپ چىقىدىك. بو يېرلر شوقدەر كۇرىمىسيز و خراب اېدىكە، اونى كۇنگلىمىز تارتمەى و قانىقمەى يە سوودن كېچىپ، كېتىدىك. بو يېرنىنگ كۇرىمىسيز و ياقىمىسيزلىگى طفىلى چارباغ حقىدەگى فكرلریم هم خيالدىن كۇتىلدى. اما آگرەگە بونچە يقين باشقە بۇش يېر هم يۇق اېدىكە، بىر نېچە كۈندن سۇنگ علاجسىز، شو يېرنىنگ اۋزىدە ايش باشلەدىك. اۋل كتە قودوق قزىلدى، حاضر حمام سووى اۋشە يېردن آلىنەدى. يە انبىلى درختلرى اۋسىب ياتگن و سگىز بورچكىلى حوض قورىلگن بىر بۇلك يېردە ايشلەدىك. اوندن سۇنگ كتە حوض و حوىلى برپا بۇلدى. كېين تاش عمارت آلدىدەگى حوض و تالار قورىلدى. اوندن سۇنگ "خلوتخانه" باغچەسى و اويلر بنا بۇلدى. اوندن سۇنگ حمام قورىلدى. بوندەى كۇرىمىسيز و بى تىرتىب هندە يخشى تىرتىلى بنالر و تېكىس باغلر برپا اېتىلدى. هر گۇشەدە، هر بورچكدە ياقىملى گۇزارلر، هر بىر گۇزاردە تىرتىب بىلن اېكىلگن يخشى گۇل و نسترلر يېتىلدى.

هندوستان نىنگ يە اوچ نرسەسىدن قىينەلردىك: بىرىنچىسى-اونىنگ ايسىغى؛

قرشیسیده تاریخ بیتیلگن تاش بار. بو قودوق نینگ یانیده ینە بیر قودوق قزلیب، اوشبو قودوق نینگ توبی اولگی قودوق نینگ اۋرتەسیدن بیر آز یوقاریراقده بۇلەدی. ایتیپ اۋتیلگن گنبذە چرخ ھۋکیزی ایلنپ، او بیرینچی قودوقدن بو ایگینچی قودوققە سوو کبلیترەدی. ایگینچی قودوققە ینە بیر چرخ اۋرنەتیلگن. بو چرخ آرقەلی سوو تپەلیککە چیقەدی. او تپەلیک اوستی بیلن یوقاری باققە آقیب بارەدی. قودوق زینەلری چیقەدیگن یپردە ھم بیر عمارت برپا قیلینگن. بو قودوق دېواریدن تشقیریدە بیر تاش مسجد قوریلگن. اما اونى ھند اصولیدە جودە یامان قیلیب قوریشگن.

ھمایون اوروش سفریگە آتلنگن فرصتدە نصیرخان نوحانی و معروف فرمولی باشلیق سرکش امیرلر جم جودە تۋپلنپ اوتیرگن ایدیلر. اۋن-اۋن بېش کورۋە یۋل یورگندن کپین ھمایون مؤمن اتکەنى خبر تاپپ کبلیتریشگە جۋنەتەدی. اما اونى مال توتیشگە یوبارسە ارزیدى. بېرار یخشی خبر تاپپ کبلیترالمەیدى. مؤمن اتکەنىگ یقینلشگندىن خبر تاپگن دشمن تۇختشگە کوچ تاپالمەى، قاجیب کبتهدى. مؤمن اتکەدن کپین قسمتای، باباچوھرە و بۋچکنى خبر کبلیتریش اوچون یوبارەدیلر. بو بارگنلر دشمن نینگ تومتەقە بۋلیب قاجگنى حقیقەدە خبر کبلیتریشەدی. ھمایون باریب، جم جۋنى اېگللەیدى. او یپردن اۋتیب دلماو اطرافىگە کېلگنیدە فتح خان سېروانى کېلیب، او بیلن کۋریشەدی. ھمایون فتح خان سېروانى نى مھدي خواجه و محمد سلطان میرزاگە قۋشیب، بیز نینگ آلدیمیزگە یوباردى.

شو ییلى عیدخان بخارادن لشکر تارتیب مرونینگ اوستیگە باستیریپ کېلدى. مرونینگ ارکیدە اۋن-اۋن بېش فقرا بار اېکن. عیدخان مرونى اېگللب، بو آدملرنى قیریپ، مرو تۇغانىنى قىرق-اېلیک کون باغلب، سرخس اوستیگە یوردى. سرخس دە اۋتیز-قىرق قیزیل باش بار اېکن. اولر دروازەنى یاپیب، قۇرغاننى بېرمەگنلر. او پېرنىگ خلقي بولرگە ھجوم قیلیپ دروازەنى آچەدیلر. اۋزبکلر کیریپ، بو قیزیل باشلرنى ھم قیرەدیلر. سرخسنى آلگندن کپین توس و مشھد اوستیگە باستیریپ بارەدیلر. مشھد اېلى چارەسيز قالیب، تسلیم بۇلەدی. توسنى سگیز آى قمل قیلیپ، صلح یۋلى بیلن قۇلگە آلەدیلر. اما توزگن عھدیدە

تورمەى ابر كيشيلرنىنگ برچەسىنى قىرىپ، عياللىرىنى اسير قىلىپ آلەدى. خودى اۋشە يىلى سلطان مظفر گوجراتى نىنگ آزرده آتەسى نىنگ اۋرنىگە گوجراتدە پادشاھ بۇلگن بهادرخان اسملى اۋغلى آتەسىنى يامانلب سلطان ابراهيم نىنگ حضورىگە كېلدى. سلطان ابراهيم اونى حرمت بىلن قرشى آلەدى. پانى پت ولايتلىرىدە اېكنىمىزدە مېنگە مکتوبلىرى كېلدى. مېن ھم التفاتلى و مشفق فرمانلر يوبارىپ، اونى آلدېمگە چقىردىم. او كېلماقچى ھم بۇلدى. كېن فکرى اۋزگريپ، ابراهيم قۇشىنىدن اجرەلدى و گوجراتگە جۇنب كېتدى.

شوپىتلىرى اونىنگ آتەسى سلطان مظفر وفات اپتىپ، اكەسى اسكندرشاھ-سلطان مظفر نىنگ كتە اۋغلى آتەسى اۋرنىگە گوجراتگە پادشاھ بۇلدى. معاملەسى نىنگ يامانلىگىدن عمادالملک دېگن قولى كۈپچىلىك بىلن كېلىشىپ، اسكندرشاھنى بۇغىب اۋلدىردى و ھلى يۇلدە كېلەياتگن بهادرخاننى چقىرىپ، آتەسى نىنگ اۋرنىگە اۋتقزدى. بهادرخانگە بهادرشاھ لقبى بېرىلدى. بو ھم يىخشى ايش قىلدى، يعنى عمادالملکنى كۆرنمكلىك قىلگنى اوچون اۋلدىرىپ جزاسىنى بېردى. آتەسىدن قالگن باشقە بېكلردن ھم كۈپىنى اۋلدىردى. اونى قانخۇر و خدادن قۇرقمەيدىگن بېباش يىگىت، دېب حسابلەيدىلر.

تۇڭقىز يوز اۋتتيز اوچىنچى (۱۵۲۶-۱۵۲۷) يىل واقعه لرى

محرم آيىدە بېك ويس فاروق نىنگ توغىلگىنى حقيدە خبر كېلتىردى. گرچه اوندىن آلدن بىر پيادە بو خبرنى كېلتىرگن بۇلسە دە، اما سويونچىسىگە بېك ويس شو آيدە كېلدى. چقه لاق شوال آيى نىنگ يىگىرمە اوچىنچىسىدە، جمعه كېچەسى توغىلدى، اونگە فاروق دېب اسم قۇيىلدى.

بيانه و بيزگە كېلىپ قۇشيلمەگن بعضى قۇرغانلرنى اۋقعه توتىش مقصىدە استاد عليقولى گە كتە تۇپ (زمبرك) قويىش بويوريلگن اېدى. اۋچاق و باشقه كېرەكلى نرسەلرنى تيار قىلىپ، مېنگە آدم يوباردى. محرم آيى نىنگ اۋن بېشىنچىسىدە، دوشنبە كونى استاد عليقولى نىنگ تۇپ قويىشىنى تاماشا قىلگىنى باردىك. تۇپ قويە دىگن بىر نىنگ اطرافىگە سگىز اۋچاق قورىپ، اسبابلرنى اېرتىيدى. هر بىر اۋچاق نىنگ تويىدن تۇپ قويىلە دىگن قالبگە تۇغرى كېلە دىگن بىر تەدن ناو قزىپ تيارلنگن. بيز بارگچ، او اۋچاقلرنىنگ تېشىكلرنى آچدى، هر بىر نועدن اېرىگن قورال-يراغ سوودېك شرىللب قالبگە آقىپ كىرردى. بىر آزدن كېين قالب تۇلمىسىدن بو اۋچاقلردن كېلە ياتگن اېرىتمە نىنگ كېلىشى استەسپكىن تۇختەدى. اۋچاق ياكە تېمىردە بىرار كمچىلىك بۇلگن شېكىلى. استاد عليقولى جودە يامان احوالگە توشىپ قالدى. او حتا اۋزىنى قالبدەگى اېرىگن مس ايچىگە تشلب يوبارەى دېدى. استاد عليقولى گە تسلى بېرىپ، سروپا كىيىدىرىپ، بو خجالتىدن قوتقردىك. بىر-ايگى كون اۋتىپ، قالب ساوونگىدىن سۇنگ اونى آچىشدى. استاد عليقولى جودە خورسند بۇلىپ، تۇپ نىنگ

تاش اويى كمچىلىكسىز، داروخانهسىنى قويىش آسان، دېگن خبرنى يوباردى. قازاننىڭ تاش اويىنى چىقىرىپ، ياردەمچىلىرىگە اونى اصلاح قىلىشنى تەيىنلەپ، اۈزى قازاننىڭ (تۈپنىڭ) داروخانهسىنى قويىش بىلەن مشغول بۇلدى.

مەھدى خواجه فتح خان سېروانىنى ھاميوننىڭ آلدىدىن آلىپ كېلدى. اولر ھاميون بىلەن دَلْمَاۋدە اجرەلىشىدىلەر. فتح خاننى يىخشى قىلپ آلپ، اونگە آتەسى اعظم ھاميوننىڭ بېرلىرىگە يەنە باشقە ولايتلارنى ھەم قۇشۇپ بېردىك. بىر كرور و آلتەمىش لىكلىك درامد كېلتىرەدىگن ولايتلار بېرىلدى.

ھىندوستان دە بىلەن آبرولى امىرلىرىگە تورلى عنوانلار بېرىلەدى. اولردىن بىرى-اعظم ھاميون عنوانى دىر. يەنە بىرى-خان جھان و باشقەسى-خان خانان. فتح خان آتەسىنىڭ عنوانى-اعظم ھاميون اېدى. اۋغلىمىنىڭ اسمى ھاميون بۇلگىلىگى باغى بىراۋگە بوندى عنوان بېرىشنى ناچۇرە دېپ اۋىلپ، بو عنواننى بېكار قىلدىم. فتح خان سېروانىگە خان جھان عنوانى بېرىلدى.

سفر آيىنىڭ سىگىزىنچىسىدە، چارشەنبە كۈنى درختلارنىڭ يوقارى طرفىدەگى كتە حوض بۇيىدە يازلىك بنا (شاميانە) تىكىلىپ مجلس قىلدىك. فتح خان سېروانىنى بو شراب مجلسىگە تەكلىف قىلىپ، شراب بېرىپ، اونگە اۈزىم كىيگن دستار (سەلە) و باش-آياق كىيىم انعام اېتىلدى. بوندى عىنايت و التفاتلار بىلەن اونى خورسەند قىلىپ، اۈز ولايتىگە كېتىشى اوچون رخصت بېرىلدى. اونىڭ اۋغلى محمودخاننىڭ دايم مېنىڭ خەدمەتە بۇلىشىگە قارار قىلىندى.

محرم آيىنىڭ يىگىرمە تۇرتىنچىسىدە، چارشەنبە كۈنى مەھمۇد ئالى حىدر رەكابدانى ھاميوننىڭ آلدىگە شۇندە بۇيرۇق بىلەن شاشىلىنچ جۇنتىدىك: اللەگە شۇكر، پۇراب دىشمەنلرى قاچىپ كېتىدى. بو يوبارىلگن كىشى پېتىپ بارگىچ، جانپۇرگە بىر نېچە مەنسەپ بېكەلرنى تەيىنلەپ، اۈزىنىڭ لشكرىنى آلپ، بىز تامانگە تېزدە پېتىپ كېل. رەنا سىنگا كافىر يىقىنگە كېلىدى، اونىڭ تەشۋىشىنى اساسى ايش دېپ بىلەيلىك.

همايون نىنگ لشكرى پوراب تامان گە كېتكىدىن سۈنگ توردى بېك، قۇچبېك، اينىسى شېرافگن، محمد خليل اختەبېگى گە اكە-اوگە و اختەچىلرى بىلن، رستم توركمنگە اكە-اوگەسى بىلن و يەنە هندوستانلىكلردن روى سېروانى گە بيانە يېرلرگە بارىپ، هجوم قىلىپ، تىلش بويورىلدى. اگر قۇرغان حمايه چىلرېنى وعدە و ايشانتىرىش يۇلى بىلن بىز تامانگە قرەتە آلېشسە، قرەتېشسېن. بۇلمسە، اولرگە هجوم قىلىپ، تىلش، دشمنى عاجز قالدېرىشسېن. نظامخان نىنگ عالمخان اسملى بىر اكەسى بيانە نىنگ تھنگر قۇرغانىدە اېدى. اونىنگ آدملىرى قېتە-قېتە كېلىپ، بىزگە باش اېگىپ، خىرخواه بۇلدېلر. بو عالمخان «اگر پادشاه لىكدن بىر گروه لشكر تعينلنسسە، مېن بيانە و بو قىشلار قىلدەگى برچە يايچىلرېنى وعدە و ايشانتىرىش يۇلى بىلن آلىپ كېلىپ، بيانە قۇرغانىنى قۇلگە آلەمن»، دېگن مسؤلىتىنى اۋزىگە آلدى. بوندەى قرارگە كېلگىچ، توردى بېك باشلىق ايلغار يىگىتلرگە: عالمخان اۋزى شو يېرلىك آدم، اۋزىگە بوندەى خدمت و وظيفەنى آلر اېكن، بيانەگە تېگىشلى ايشلردە اونىنگ تۇغرى فكرلرېنى معقوللې، اولرگە عمل قىلىنگ، دېب فرمان بېرىلدى.

هندوستانلىكلرنىنگ بعضىلرى قىلىچ سالىسلەر ھم، اكثرىتى حرىبلىك يۇل-يۇرىغىدن، سردارلىك يورىش-تورىشىدن محروم و بې-بېرە دىرلر. بو عالمخان گە بىز نىنگ ايلغار قۇشىلگىچ، ھېچ كىم نىنگ سۈزىگە قرەمەى، ايش نىنگ يىخشى-يامان تامانىنى اۋىلەمەى، بو ايلغارنى بيانەگە يقىن آلىپ بارەدى. بىزدن بارگن ايلغار دە ايگى يوز اېلىك-اوچ يوزگە يقىن تورك بار اېدى. هندوستانلىك و اونىنگ اطرافىدن يىغىلگن لشكر ايگى مىنگتەدن بىر آز كۆپ اېدى. نظامخان و بيانە دە افغان ھمدە سپاھى-تۇرت مىنگدن كۇپراق اتلىق لشكر بار اېدى. پىادەلرى اۋن مىنگدن آشردى. بو دشمنى كۇرىپ، بىلىپ، نظامخان يوقارىدە ذكر اېتىلگن اتلىق پىادە لشكرى بىلن شو دىم نىنگ اۋزىدە ياق بولر نىنگ اوستىگە يورەدى؛ جىدل كېلىپ، كۆپ اتلىقلرېنى جنگگە سالىپ، ايلغار عسكرلرېنى قاچىرەدى. اكەسى عالمخان تھنگرىنى اسىر آلەدى. يەنە بېش-آلتى كىشىنى ھم قۇلگە آلەدىلر. بىر قىسم پرتال (سفراسباب-انجاملرى) ھم قۇلدن كېتەدى. نظامخان نىنگ بوندەى خط-حركىتى گە قرەمەى، اونگە وعدە و ايشانچلر

بىلدىرىپ، بورونكى و كېنىكى گناھلىرىنى عفوئېتىپ، اونىگە فرمانلار يوبارىلدى. رىنا سىنگا كافرىنىڭ تېزلىك بىلەن كېلە ياتىدىن خىر تاپىچى، اونىنىڭ باشقىچە چارەسى قالمىدى. او سىدىرىنى چىقىرىپ، سىدىرىنى واسطە چىلىگىدە، قۇرغاننى بىزىنىڭ كىشىلىرىگە تاپشۇرىپ، اۋزى سىدىرىنى بىلەن كېلىپ، مېنىگە خىمىت قىلىش بىخىگە مشرف بۇلدى. مېن اونىگە يىگىرمە لىكلىك ولايت-مىيان دۇابىنى عىنايت قىلدىم.

دوست اېشىك آغە و قىتچە بىانەگە يوبارىلدى. بىر نېچە كۈندىن كېيىن بىانەنى مېھدى خواجەگە عىنايت قىلىپ، تىرىكچىلىك يراغى اوچون يېتمىش لىك بېلىگىپ، او يېرگە كېتىشىگە رىخىت بېرىلدى.

گۈالىاردەگى تاتارىخان سارنىڭخانى دىن آدملىرى بىر نېچە بار كېلىپ، خىمىتىگە كىرىشى و خىر خواھلىگىنى بىلدىرىدى. كافىر كۈندىرىن اېگىلىپ، بىانەگە يىقىنىلىش قالىگىدە، گۈالىار راجەلردىن دىرمنىك ھىمدە خان جھان اسمىلى كافىر گۈالىار يېرلىرىگە كېلىپ، قىلەگە كۈز آلەيتىرىپ، غوغا و فتنە قۇزغىتە باشلىدى. تاتارىخان قىيىن احوالەدە قالىپ، گۈالىارنى مېنىگە تاپشۇرماقچى بۇلدى. بېكلىر، خىمىتلىرىلر و كۈپ گىنە سىرە يىگىتلىرىنىڭ بىرچەسى لىشكرە، ھىر طرفدەگى ايلغاردە اېدىلر. رىمىدادگە بىر نېچە بېھرىلىك و لاھورىلىكىنى، ھىستىچى تونقۇطار (تونگى پاسبان) نى اكە-اوكەلرى بىلەن قۇشىپ، ناملىرىنى تىلگە آلگىنىم اوشبو كىشىلىرىگە گۈالىارنىڭ اۋزىدىن ولايتلىر تىيىنلەپ جۈنە تىلدى. رىمىدادنى گۈالىاردە خاكىمىتىگە اۋتقۇزىپ كېلىش اوچون ملاآفاق و شىخ گورنى ھىم يوباردىك. بولر گۈالىار يىقىنىگە بارگىلىرىدە، تاتارىخاننىڭ فكىرى اۋزىگىرىپ، اولرنى قىلەگە چارلەمەدى.

اۋشە پىتى، اۋزى دروئىش بۇلىپ، دروئىشلىك بىلەن ھىم شىغلىگىن، مرىد و دۈستلىرى جودە كۈپ شىخ مىھمد غوث، گۈالىار قۇرغانىنىڭ اىچىدىن رىمىدادگە، قندەي قىلىپ بۇلسە ھىم قۇرغاننىڭ اىچىگە كىرىپ آلنىڭ، بو كىشىنىڭ فكىرى اۋزىگىرىپ، يامان خىاللارگە بارگىن، دىپە آدم يوبارىلدى.

بو خىر رىمىدادگە يېتىشى بىلەن او تاتارىخانگە: «قۇرغان تىشقرىسى كافىرلىرى تىفلىلى

خطرلی. مېن بیر نېچه کیشی بیلن قۇرغان ایچکریسیگه کیره ی، قالدنگلر، میلی، تشقیده تورسین»، دېب ایتیب یوباره دی. کۇپ اورینیشلردن سۇنگ تاتارخان بونگه راضی بۇله دی. رحیمداد آزاراق کیشیسی بیلن کیرگچ، بو دروازده بیزنینگ آدم تورسین، دېب اؤز آدمینی قۇیه دی. هاتی پۇل دروازه سیگه او اؤز آدملرینی قۇیه دی. اؤشه کېچه نینگ اؤزیده یاق هاتی پۇل دن بار کیشیلرینی کیریته دی. اېرته سیگه تاتارخان چاره سیز قالیب، قۇرغاننی خواهلب- خواهله مه ی تاپشیریب، چقیب کېته دی. آگره گه کېلیب، خدمتیمگه کیردی. اونینگ تیریکچیلیگی اوچون بیانه یېرلریدن ییگیرمه لکلیک درامدی بار جانی تعینله دیک.

محمد زیتون هم هېچ بیر چاره تاپالمه ی، دۇلپورنی تاپشیریب کېلدی و خدمتیمگه کیردی. اونگه هم بیر نېچه لکلیک درآمد کېلتیره دیگن ولایت عنایت قیلیندی. دۇلپورنی خالصه قیلیب، بیرار بېککه بېرمه ی اؤز اختیاریمده قالدیردیم، او یېردن سالیق ییغیش حقوقینی عبدالفتاح تورکمنگه تاپشیریب، اونی دۇلپورگه یۇباردیم.

حصار فېروزه یېرلریده حمیدخان سرنگخانی پنی افغانلری نینگ بیر قسمنی همده اطرافده گی افغانلردن اوچ-تورت مینگ کیشینی تۇپل، غوغا و فتنه قۇزغے یاتگن اېدی.

سفر آیی نینگ اؤن بېشینچیسیده، چارشنبه کونی چین تېمور سلطان گه احمدی پروانه چی، عبدالفتاح تورکمن، ملکداد کزنی و مجاهدخان مۇلتانی باشچیلیگیده گی لشکرنی قۇشیب، بو افغان اوستیگه باستیریب باریشلرینی بویوردیک. اولر آلیسدن جدل آتلیب، باریب افغانلرگه یخشی هجوم قیلدیلر، جوده کۇپ کیشیلرینی قیریب تشلب، انچه گینه باشلر یوباریشیدی.

سفر آیی نینگ آخرلریده عراققه شهزاده طهماسب گه اېلچیلیککه کېتگن خواجگی اسد سلیمان دېگن تورکمن بیلن کېلدی، کۇپ ساوغه لر کېلتیردی. ساوغه لر ایچیده ایگی چرکس قیزی هم بار اېدی.

ربیع الاول آیی نینگ اؤن آلتینچیسیده، جمعه کونی غلطی واقعہ روی یېردی. بو حقدہ کابل گه جۇنه تیلگن مکتوبده به تفصیل یازیلگن اېدی. اؤشه مکتوب نینگ اؤزینی هېچ نرسه

قۇشمەي و قىسقۇرتىرمەي شو اۋرىندە كېلىتەرەمن. منە اۋشە مەكتوب:

«تۇقىز يوز اۋتىز اوچىنچى (۱۵۲۷-۱۵۲۶) يىلى ربيع الاول آيى نىنگ اۋن آلتىنچىسىدە، جمعه كۈنى كتە واقعه روى بېردى. اونىنگ تفصيلاتى شۈندەي: ابراهيم نىنگ آنەسى بدبخت بوعه مېنىنگ هندوستانلىكلر قۇلىدن نرسە يېيىشىم حقيده اېشيتىب قالەدى. واقعه شۈندەي بۇلگندى. بوندن اوچ-تۇرت آي بورون، هندوستان طعاملىرىنى سىرە كۆرمە گىلىگىم باعث ابراهيم نىنگ آشپىزلىرىنى كېلىتىرىشلىرىنى بويوردىم. اېلىك-آلتىمىش آشپىزدن تۇرتتەسىنى آلىب قالدىم. بونى اېشيتىگن بوعه ايتاۋە گە احمد چاشنىگىرگە آدم يوبارەدى. هندوستانلىكلر بكاوولنى (باش آشپىزنى) چاشنىگىر^۱ دېدىلر. بىر چۆرى نىنگ قۇلىگە بوعه تۇرت بولكلنگن قاغازدە بىر تۈولە^۲ زەر بېرەدى. بىر تۈولە ايگى مئقالدن بىر آز كۇپراق كېلەدى. اونى، اولراق ايتىب اۋتگىنىمىز دېك، احمد چاشنىگىرگە اېلىتىپ بېرىشنى تەيىنلەيدى. احمد اونى بىز نىنگ آشخانىدەگى هندوستانلىك آشپىزگە بېرىپ، قندەي بۆلمەسىن، زەرنى مېنىنگ آشىمگە سالىشنى تەيىنلەپ، عوضىگە تۇرت ولايتنى وعدە قىلەدى. احمد چاشنىگىرگە زەر آلىپ بارىپ بېرىشى لازم بۇلگن چۆرى نىنگ آرتىدن زەرنى آلىپ بارگن ياكە بارمە گىلىگىنى بېلىش اوچون باشقە بىر چۆرىنى جۇنەتەدى. يىخشى ھەم كە، زەرنى قازانگە اېمىس، تباققە سالگىنلر. قازانگە سالمە گىلىگى نىنگ سېبى شوکە، مېن ھەر دايم بكاووللرگە هندوستانلىك آشپىزلردن احتياط بۇلىشنى تەكىدلەردىم و اولر قازاندا طعام پىشەياتگن پىتى اونى تاتىپ كۆرۈردىلر. آوقت تارتىلەياتگن محلى بىز نىنگ بدبخت بكاووللر غفلتدە قالەدى. آشپىز چىنى ايدىشگە يوققە ناننى قۇيىپ، اونىنگ اوستىگە اۋشە قاغازدەگى زەرنىنگ يرمىدن كىمراغىنى سېپەدى، زەرنىنگ اوستىگە ياغلى قىلەنى سالەدى. اگر زەرنى قىلە اوستىگە سېپىگىندە ياكە قازانگە سالگىندە، يامان بۇلردى. سراسىمەگە توشىپ، زەرنىنگ يرمىدن كۆپىنى اۋچاققە تىشلىپ يوبارەدى.

۱- چاشنىگىر- پادشاھ اوچون تىبارلەندىگن آوقت نظارتچىسى.

۲. تۈولە: آغىرلىك اولچاۋى بىرلىگى. «...ايكى مئقالدىن بىر نىمە كۇپراق بۇلور...» ("بايرنامە"، ۳۰۵۶). {باير
انسىكۇپېدىيەسى، شرق نىريات- مطبعه اكسىپەدارلىك كىمپنىيەسى، تاشكېنت- ۲۰۱۴}

جمعه کونی کبچقورون، عصر نمازیدن سۈنگ طعامنی تارتیلر. قویان گۈشتیدن پیشیریلگن طعامدن انچه ییدیم. زردک قیلهدن هم تاتیب کۈردیم. بوزهر سالینگن هندوستان طعامی نینگ اوستیده گی بیر ایگی بۈلگینی گینه ییب کۈردیم، قیلهدن ییدیم، هبچ قندهی ناخوش طعمنی سبزمه دیم. قاووریلگن گۈشتدن بیر-ایگی بۈلک ییدیم. کۈنگلیم بی حضور بۈلدی. اۋتگن کونی قاووریلگن گۈشت ییگنیمده، اوندە ناخوش بیر مزه بار ابدی، کۈنگلیم اینیشینی اۋشندن، دېب بیلدیم. ینه کۈنگلیم بیر اغدریلدی. دسترخوان اوستیده ایگی-اۋچ مرته کۈنگلیم بی حضور بۈلیب، قوسیپ یوباره ی دېدیم. آخری قره سم، بۈلمه ییدگن، اۋرنیمدن توردیم. آبخانه گه بارگونچه یۈلدە ینه بیر بار قوسیپ یوباره ی دېدیم. او پیرگه کیرگچ، کۈپ قوسدیم. مېن هېچ قچان طعامدن کپین، حتا ایچگنیمده هم قوسمسدیم. کۈنگلیمگه شېهه توشدی. آشپزنی اوشلب توریشلرینی و اوشبو قوسوقنی ایتگه بېریب، ایتتی قۇریقلب توریشلرینی بو یوردیم. اېرتەسیگه بیر پھرگه (اۋچ ساعتگه) یقین ایت بی حال بۈلیب، قارنی دملنگندېک بۈلدی. هر قنچه تاش بیلن اورسەلر هم، اغدریب کۈرسەلر هم اۋرنیدن قیمیرلەمەدی. توش پیتیگچە ایت شو حالده باتدی، کپین اۋرنیدن توردی، اۋلگنی یۈق. بیر-ایگی خاص ساقچیلریم هم بو طعامدن یییشگندی. اېرتەلب اولرهم کۈپ قوسدیلر، بیرى نینگ احوالی جودە یامان اېدی، آخر عاقبت همەسى خلاص بۈلدى. مصرع:

رسیده بود بلاى، ولى بخیر گذشت.

(مضمونی: بیر بلا ییتیشگن اېدی، بیراق یخشیلیک بیلن اۋتیب کېتدی.)

تنگری مېنگه قیتەدن جان بېردی. خودی او دنیادن کېلگندېک، آنەدن اېندى توغیلگندېک اېدیم. مېن خستە اېدیم، تیریلدیم. جان قدرینی، الله نامی بیلن قسَم ایچەمن، اېندى بیلدیم. سلطان محمد بخشى گە آشپزنی احتیاط قیلیب اسرەشلرینی بو یوردیم. قینەسک، ذکر اېتگنیمیزدېک، همەسینی بیرمە-بیر ایتیب بېردی.

دوشنبە-دېوان کونی اولوغ، شرفلی کیشیلر، امیر و وزیرلر نینگ دېوانده حاضر بۈلیشلرینی

تەيىنلەدەيم. اۋشە ايگى ابر كىشى و ايگى عيالى آليب كېلىب، سۇراق قىلدېك. اولر واقەنە بۇتون تفصىلاتلرى بىلن ايتىب بېردىلر. چاشنىگىرنى پارە-پارە قىلدېردىم. آشپزنى تىرىكلەيىن تېرىسىنى شىلدېردىم. عياللردن بىرىنى فىل نىنگ آياقلىرى آستىگە تشلەتتېردىم. ايگىنچىسىنى قەمەب قۇيدىم. او هم قىلگن ايشىگە يەشە جازاسىنى آلەدى.

شەنبە كۈنى بىر كاسە سوت اىچىدېم. يەكشەنبە كۈنى هم بىر كاسە سوت اىچىدېم، "گل مختوم"نى عرققە ارەلشتىرىپ اىچىدېم. دوشەنبە كۈنى سۈتگە "گل مختوم"نى ارەلشتىرىپ، "ترياك فاروق"نى اېزىپ اىچىدېم. سوت اىچىمنى انچە سوردى. آي نىنگ باشىدە، سەشەنبە كۈنى كويگن صفراڭك قارەقارە نرسەلر يۇق بۇلدى. اللەگە شۇكرە، حاضر كىلىپكەن ھېچ قەندەى اثر قالامەدى. جان شۇ قەدر عزيز نرسە اېكىنىنى شۇ پىتگەچە بىلمەگن اېكىنمەن. شۇندەى مصرع بار:

كىم اۋلر حالتقە پىتسە، اول بىلور جان قەدرىنى.

قېچان بو دەشتلى واقە يادىمگە توشسە، بې اختيار اۋزگە بىر حالتگە توشەمەن. تەنگرى تەالى مەربانچىلىك كۇرسەتىپ، مېنگە قىتە باشدن جان بەغىشلەدى. بونىنگ شۇكرىنى قى تىل بىلن افادەلەى. كۈنگىللردە تورلى شەبە-گمانلر پىدا بۇلمەسەن دەپ، مېن نىمەكە صادر بۇلگن بۇلسە، ھەمەسىنى بە تفصىل، شۇرى بىلن بىتدېم. گرچە تىلگە، آغىزگە ھەم سىغەيدىگن قۇرقىنچلى واقە يۈز بېرگن بۇلسە ھەم، تەنگرىگە شۇكرە، مېنىگ يەنە كۈن كۇررىم بار اېكەن. ھەمەسى بېشكەست و يەشىلىك بىلن اۋتدى.

كۈنگىلنىگىزگە ھېچ بىر تشۈيش و خۇاطر توشمەسەن، دەپ ربىع الاول آيى نىنگ يىگىرەنچىسىدە، سەشەنبە كۈنى چارباغدە اېكىنمەدە بىتلىدى. «

بو تشۈيشلردن قۇتۇلىشىم بىلن بىتلىگن اۋشۇ خۇطنى كابلگە يوباردىم، مادامىكە، بو بىدبخت كەمپىر بۇندەى كتە گناھنى صادر اېتگن اېكەن، يۈنس على و خۇاجگى اسدگە اونىنگ پۇل و نرسەلرى، قۇل و چۇرىلرىنى آليپ قۇيگەندىن سۇنگ، اۋزىنى عبدالحىم شىغاۋولگە احتىياط قىلىپ سۇقۇش اوچۇن تاپشۇرىش بو يۈرىلدى. اونىنگ نىبەرەسى، ابراھىم نىنگ اۋغلىگە

اوللری جوده حرمت و احترام ییلن کوزقولاق بۇلیب تورردیک. مادامی که، مہنینگ جانیمگه قصد قیلگنلر شو عایله‌دن چیققن اپکن، ابراهیم‌نینگ اۋغلینی بو پیرده اوشلب توریشنی توغری، دېب حسابله‌مەدیم و ربیع الاول آیی نینگ ییگیرمە توقیزینچیسیدە، پنجشنبه کونی اونى کامران‌نینگ حضوریدن بعضی ایشلر ییلن کېلگن ملا سرسانگه قۇشیب، کامران‌نینگ آلدیگه یوباریلدى.

همایون پوراب تاغیده‌گی دشمنلر اوستیگه باستیریپ باریب، جۇنپورنى اېگللەدى. غازيپورگه ناصرخان‌نینگ اوستیگه جلد باردی. بوندن خبر تاپگن نصیرخان گنگ دریاسینی کېچیب اۋتیبیدی. شونده همایون غازيپوردن خریدنینگ اوستیگه باستیریپ باردی. او پیرده‌گی افغانلر هم بوندن خبر تاپیب، سَرُو سووینی کېچیب اۋتیشیدی. عسکرلر خریدنی تلب، آرتگه قیتدیلر. مہنینگ قراریمگه بناء، شاه میرحسین و سلطان جنیدنی بیر قسّم سره ییگیتلر ییلن جانپورده قالدیریپ، قاضی جیه‌نی هم اولر بیلن بیرگه بۇلیشینى تعینلەدى. اۋەدگه شیخ بايزيدنى قۇیدی.

بو ایشلرنی قۇلگه آلیب همده ترتیبگه سالیب بۇلگچ، کورّه منیکپور اطرافیدن گنگ دریاسینی کېچیب اۋتیب کلپی یۇلى ییلن مہنینگ آلدیمگه کبله باشلەدى. بو وقتده کلپی‌ده بۇلگن عالمخان و جلالخان جگه‌تدن خبرلر کېلیپ تورردی، اۋزلری کېلمسدى. همایون کلپی توغریسیگه یتگنیده، آدم یوباریب، اونینگ کۇنگلیدن قۇرقوونی چیقریپ تشلەدی و اۋزی ییلن بیرگه آلیب کېلدى.

ربیع الآخر آیی نینگ اوچینچیسیدە، یکشنبه کونی "هشت بهشت" باغیگه همایون کېلیب، حرمتیمنى جایگه قۇیدی. شو کونی خواجه دوست خاوند هم کابلدن کېلدى.

اۋشه کونلری مهدي خواجه‌نینگ آدملىرى «رنا سَنگانینگ يوريشى انيق بۇلیب قالدی»، دېگن خبرلر ییلن اوستمه-اوست کبله باشلەدى. حسنخان مېواتي هم رناگه قۇشیلش نیتیدە اېمیش. همه‌دن آلدین شولر حقیده اۋیلش کبره‌ک. لشکردن ایلگریراق بیتّه یاردمچی قسّم هم بیانەگه کېلسە، دولتمیزگه مناسب ایش بۇلەدی، دېب لشکرنی آتلنتیریشگه عزم و قرار

قىلىپ، محمد سلطان مىرزا، يونس ەلى، شاھ منصور برلاس، كۋەپەك، قىستاي بۇجەكە باشچىلىقىدەگى لشكرنى اۋزىمىزدىن اۋلىن ايلغار قىلىپ بىانەگە يوباردىك.

حسنخان مېۋاتىنىڭ ناھرخان اسمىلى اۋغلى ابراھىم بىلن بۇلگن اوروشدە قۇلگە توشگن اېدى، اونى گروودە اوشلب تورگندىك. شوباعث اونىڭ آتەسى حسنخان يشىرىنمىسدىن اۋلىمىزگە كېلىپ-كېتىپ تورردى. ھەراپم اۋغلىنى قىترىشىمىزنى التماس قىلدى. بعضى ملازملرنىڭ خىالىگە حسنخاننىڭ مىلىگە قرەب، اۋغلى قىترىپ بېرىلسە، او كۇپراق بىز تامانگە مايىل بۇلىپ، بىزگە يىخشى خىدمىتىر قىلەدى، دېگن فكر كېلدى. حسنخاننىڭ اۋغلى ناھرخانگە سىروپا كىيىدىرىپ، آتەسىگە وعدەلر قىلىپ رىخت بېرىلدى. بو مىناق پىستكش اۋغلىگە رىخت تېگىشىنى كوتىپ، تۇختب تورگن اېكن. اۋغلىنىڭ آزاد بۇلگىدىن خىر تاپىشى بىلن، اۋغلى اۋلىگە پىتىپ بارمىدىن اۋلىن آق، اۋلىدىن چىقىپ كېلىپ، تۇدەدە رىنا سىنگاگە قۇشىلدى. بوندەى وضعىتدە اونىڭ اۋغلىگە رىخت بېرىپ يوبارىش اۋرىنىسىز بۇلگن اېكن.

بو فرىتىلدە يامغىر جودە كۇپ ياغردى، داپم سىتلىر قورردىك. ھمايون ھەم بو سىتلىردە اشتراك اېتردى. گرچە او اىچكىلىكنى خوش كۇرمىسە ھەم، بىر نېچە كون بو ناۋرىن ايشنى قىلدى.

اۋشە زىماندە بۇلىپ اۋتگن قىزىق واقىەلردىن بىرى مىنە بو دىر: ھمايون قلەى ظفردىن ھىندوستان لشكرىگە قرەب كېلەياتگىدە يۇلدە ملا بابا پشاغرى و اونىڭ اوكەسى بابا شىخ قاقىپ كېتىپ قرا سلطاننىڭ اۋلىگە باردىلر. بلخلىكلر قرشلىك كۇرسەتىشگە عاجزلىك قىلدىلر. بلخ كېتىپ قرا سلطاننىڭ قۇلىگە اۋتدى. بو قىباق كۋە پىستكش اوكەسى بىلن بو طرفدەگى ايشلرنى اۋز دۋەسىگە اۋلىپ، اىك، خرم و سارىباغ اطرافلىرىگە كېلەدى. شاھ اسكندىر بلخنى بېرگىدىن كېن سراسىمەگە توشىپ، غۇرى قلەسىنى اۋزىككە بېرەدى. ملا بابا بىلن باباشىخ اۋزىكنىڭ بىر نېچە آدمى بىلن غۇرى قۇرغانىگە كىرىپ كېلەدىلر. مىرھىمەزىنىڭ قۇرغانى جودە يقىن بۇلگنى باعث بىراربىر چارە قىلالمەى، اۋزىكنىڭ

قۇلىگه توشەدى. بىر نېچە كوندن كېيىن مىر حمزەنى اونىنگ آدملىرى بىلەن بو پىردن كۇچىرىپ، بلخ تامانگە آلىپ بارىش مقصدىدە باباشىخ بىر نېچە اۆزىك آدملىرى بىلەن مىر حمزەنىنگ قۇرغانىگە كېلىشەدى. مىر حمزە بابا شىخنى قۇرغانىگە توشىرەدى. قالگنلرگە ھەر يىر-ھەر پىردن چادر بېرەدى. مىر حمزە بابا شىخنى قىلىچ بىلەن جراحتلەپ، بىر نېچە كىشىسى بىلەن بىندى قىلىپ تېنگرى بېردى نىنگ آلدىگە قوندوزگە چاپر جۇنە تەدى. تىنگرى بېردى يارعلى و عبداللطيف گە بىر نېچە سرە يىگىتلىرىنى قۇشىپ جۇنە تەدى. بولر يېتىپ كېلگنلر بىچە، ملا بابا اۆزىك نىنگ آدملىرى بىلەن مىر حمزەنىنگ قۇرغانىگە كېلىپ اوروشماقچى بۇلەدى، لېكن ھېچ نرسە قىلالمەيدىلر. مىر حمزەنىنگ عىسكەرلىرى تېنگرى بېردى نىنگ آدملىرىگە قۇشىلىپ، قوندوزگە كېلىدىلر.

بابا شىخنىنگ بىر اوکەسى يامان اېكن، شونىنگ اوچون باشىنى كېسىدىلر و اۋشە كونلرى مىر ھەمە اونى آلىپ كېلدى. مىر حمزەنى مېھر و شفقت بىلەن ھەمدەن اوستون كۆرىپ، تېنگداش و اۋخىشلىرى ايچىدە عليحدە كۆردىم. باقى شىغاۋول (پادشاھلىكدە اېلچى و مېھمانلرنى كوتىشىگە تەيىنلەگن كىشى) كېتە ياتگىنىدە بو ايگى قىرى بدبختنىنگ ھەر بىر تەسى نىنگ باشىگە بىر سېردن آلتىن وعدە قىلگندىم. اېسگە آلىنگن ساوغەلردن باشقە، يەنە، مەنە شو وعدەگە موافق، بىر سېر آلتىن ھەم مىر ھەمە گە بېرىلدى.

عين شو پىتلىرى بيانەگە ايلغار بۇلىپ بارگن قىسمتاي بىر نېچتە باش كېسىپ كېلتىردى. قىسمتاي بىلەن بۇجكە بىر نېچتە قزاق يىگىتلر (ھربى سرگردان يىگىتلر) بىلەن "فيل" اوشلىشگە بارگنلرىدە كافىرلرنىنگ ايگى بۇلىنمەسى ھجومچىلرىنى باسىپ، يېتمىش-سكسان كىشىنى اسىر قىلىپ آلەدىلر. حىسنخان مېۋاتى نىنگ حقيقەتاً رىئاسىنگا گە قۇشىلگنى حقيقەدەگى خىبرىنى قىسمتاي ايتىپ كېلدى.

آى نىنگ سگىزىنچىسىدە، يىكشەنە كونى استاد عليقولى نىنگ اۋشە-اۋل تاش اوينى بېنقىسان قورىپ بۇلگن، كېيىن اۋق سالاھىگن قىسمى (داروخانەسى)نى تيارلەگن كتە تۈپىدە تاش آتېشىنى تماشى قىلىشگە باردىم. او عصر نمازى پىتى تۈپدن تاش آتدى. تاش بىر مىنگ

آلتى يوز قەدەمگە اوچىپ باردى. استاد عليقولى گە كىم-خىجىر، سىروپا و بىر ئات انعام بۇلدى. جىمادى الاۋل آيى نىنگ تۇقىزىنچىسىدە، دوشنبە كۈنى كافىرلەرگە قارشى ئورۇش باشلىش مەقسىدىدە سىفرگە ئاتلىنىپ، شەھەر تەشقىرىسىدەگى يەرلەردىن چىقىپ، دىلەدە تۇختەدىك. بىر يەردە اوچ-تۇرت كۈن لىشكر يىغىش و اولر اوچون قورال-اسلىھە تيار بۇلىشىنى كۈتىپ تۇختىپ توردىك. ھىندوستانلىكلەرگە تۇلىق ايشانچىم بۇلمەگنى باغث اولر نىنگ امىرلرىنى تورلى طرفلەرگە ايلغار قىلىپ جۇتتىم. عالمخان قۇل ئاستىدەگىلرى بىلن گۈلپارگە رەھىمدادگە ياردەم بېرىش اوچون ايلغار قىلىپ يوبارىلدى. مەكن و قاسىم بېك سىنبىلىنى، ھامدىنى اكە-اوكەسى بىلن و مەھمەد زىتوننى سىنبىلگە ايلغار قىلىپ بېلگىلەدىك.

اوشبو قارارگادە اېكىمىزىدە رىنا سىنگانىنگ بار لىشكرى بىلن بىانە يىقىنىگە كېلىپ قالگنى ھەقىدە خىر كېلدى. قاراوللىككە بارگىلر خىر كېلتىرالمىس، ھىتا قۇرغانگە ھەم كىرەلمىسىلر. قۇرغان خەلقى او يەردىن انچە ئالدىن احتىياتسىزلىك بىلن چىقەدىلر. دىشمن كوچ بىلن باستىرىپ كېلىپ، اولرنى يەكسان قىلەدى. سىنگرخان جىجۇھە اۋشە يەردە شەھىد بۇلدى.

بو الغاۋدىلغاۋدە كەتەپك ساۋۋىتىنى ھەم كىمەنى، ئاتىلىپ چىقەدى. بىر كافىرنى ئاتىدىن يىقىتىپ ئالەياتگىن مەھلىدە بىر ھىندو كەتەپك نوكرلىرىدىن بىرى نىنگ قىلىچىنى ئالىپ، اونىنگ يېلكەسىگە قەرتىپ سالەدى. كەتەپك كۆپ عذاب-عقوبىتىنى باشىدىن كېچىردى. رىنا سىنگاگە قارشى ئالىپ بارىلگىن مەقدەس اورۇشەدە باشقە قەتەشالەمەدى. انچە ۋەقتىدىن كېيىن يەخشى بۇلدى. اما مەلۇل بۇلىپ قالدى.

قىسمتاي، شاھ مىنصور بىرلاس و بىانەدىن كېلگىلر نىنگ بىرچەسى، بىلمەدىم، قۇرقىنلرىدىنمى، يا خەلقنى قۇرقىتىش اوچونمى، كافىرىنىگ لىشكرىنى جودە چقان و باتىر دېپ، كۆپ مەقتەب تەرىف قىلدىلر. تۇختەگىن لىشكرگاھدىن قاسىم مىر ئاخۇرنى بېلچىلر (بىر قازۇچىلر) بىلن قۇشىن تۈشەدىگىن جاي-مەدەھ كور ولايتىدە كۆپ چاھلر قازدىرىشىنى تەيىنلەپ، جۇنەتدىك.

جىمادى الاۋل آيى نىنگ اۋن تۇرتىنچىسىدە، شىنبە كۈنى، آگرە تامانلردىن جۇنەپ، چاھلر

قزىلگن جايگه كېلىپ توشىدىك. اپرته سىگه او پىردن جۇنەدىك. بو اۋلكەلردە كتە لشكرگه سووى يېتەدىگن بىردن-بىر جاي سېكرى دىر، دېگن فكرگه كېلىدىم. كافرىنىڭ سوونى اپگىللىب، اۋشە يېرگە اۋرنەشىپ آلىش احتمالى بار. شو باعث لشكرىنىڭ اۋنگ قنات، چپ قنات، مركز قىسمىلارنى جىگاور ترتىدە صىغىل، سېكرى تامانگە يۇنەلدىك. درويش محمد ساربان بىلن قىسمتاي بيانەگە كېلىپ-كېتىپ يورگىلارنى اوچون بو يېرلارنىڭ پىر-سوونى كۆرىپ-يىلىپ يورردى. اولارنى سېكرى كۆلى ياقەسىدىن قارگاھ اوچون جاي كۆرىشگە اۋزىمىزدن آلدىنراق يوباردىك. لشكرگاھگە كېلىپ توشىچ، مەھدى خواجە و بيانەدەگىلەرگە زودلىك بىلن كېلىپ، بىزگە قۇشلىشلىرىنى تەيىنلىب، چاپر جۇنەدىك.

ھاميوننىڭ نوكرى بېك مىرك مۇغول بىر نېچە يىگىت بىلن كافردن خىر آلىپ كېلىش اوچون يوبارىلدى. اولر كېچەسى جۇن كېتىپ، خىر تاپىپ، اپرته سىگە دشمن آدملىرى بوساۋردن بىر كورۋە آلدىنراققە كېلىپ توشىگن اېمىش، دېگن خىرنى كېلتىردىلر. شو كۈنى يەنە مەھدى خواجە، محمد سلطان مىرزا و بيانەدەگى ايلغار كېلىپ قۇشىلدى. بېكلر نوبت بىلن قراۋوللىككە تەيىنلندىلر.

عبدالعزيز قراۋوللىك نوبتى كېلگىنىدە آرقە-آلدىگە قرەمەي، تۇغرى سېكرىدن بېش كورۋە اوزاققە جايلىشگن كۈھەگە بارىدى. كافر بو پىتنى آلدىنگە قرەب يۈرەباشلەگن اېكن، بولرىنىڭ بۈندەي تۇختەمسىدىن ايلگىرىلەپ بارەياتگىنىنى يىلىپ قالىپ، بولرىنىڭ اوستىگە تۇرت-بېش مىنگ كىشىسى شو آندەياق يېتىپ كېلەدى. عبدالعزيز و ملا آفاق بىلن بىر مىنگ بېش يۈزچە آدم بىرگە اېدى، دشمن آدملىرى سانىنى حسابگە آلمەي، قۇل جىگىگە كىرىشەدىلر. كۆپ كىشىلارنى يۇقاتىپ، آرتلىرىگە قرەب جۇنەدىلر. بو خىر بىزگە يېتىپ كېلگىچ، او يېرگە محب على خلىفەنى نوكرلرى بىلن يوباردىك. ملا حسين و يەنە بعضى كىشىلارنى شاشىلىنچ ياردەمگە جۇنەدىك. سۇنگرە محمد على جىگ-جىگ ھەم يوبارىلدى.

ايلگىرى قىلىپ تەيىنلنگن محب على نىڭ آدملىرى يېتىپ بارگونلرىچە، دشمن عبدالعزىزنى سىقىپ كېلىپ، بىراغىنى آلىپ قۇيىپ ملا نعمت، ملا داود و ملا آفاق نىڭ

اوکەسى و ینه بىر نېچە کىشىنى اسىر آلىب، شەھىد قىلگن اپکن. بولر يېتىب بارگنلرىدە، محب على نىنگ تاغەسى طاھر طبرى آلدىنگە اينتىلەدى، اونگە ياردەم يېتىب بارمىدى، شو پېرنىنگ اوزىدە ياق اونى قۇلگە آلەدىلر. محب على هم اوروش پىتىدە آتدن يىقىلەدى. بالتو اونىنگ يانیدن کەلىب محب على نى آلىب چىقىپ کېتەدى. دشمن بىر کوروه جايگچە بولر نىنگ آرتیدن کېلە وېرەدى. محمد على جنگ-جنگ نىنگ قارەسى کورىنگىچ، اولر تۇختە یدىلر.

بىزگە دشمن جودە يقىنلىشىپ قالدی، دېگن خبر اوستمه-اوست کەلدى. ساووت کىيب، آتلرگە كېچىم سالىب، قورال لەنىب، هجومگە آتلندىك. مېن ارابه لرنى هم تارتىب بارىش لرنى بويوردىم. بىر كوروه يۇل يوردىك. دشمن كىشىلرى آرتگە چېكىنگن اپکن. يانمىزده كتە كۇل بار اېدى. اونىنگ سووینى دېب شو پېردە تۇختە دىك. ارابه لرنى آلدىنگە استحکام قىلىپ زنجىرلر بىلن باغله دىك. هر ايگى ارابه نىنگ آرسىده پىتى سگىز قرى جاي قالدیرىپ، زنجیر تارتیلردى. مصطفى رومي روم اصولیده ارابه یسه گندى. او جوده چقان و کىرىشىملى اوسته. ارابه لرى یخشی اېدى. استاد علیقولی او بیلن ضد مناسبتده اېدى. شو باعث مصطفى نى اۇنگ قناتگە همایون دن ایلگریگە قۇیدیم. ارابه کیرالمه گن پیرگە خراسانلیک و هندوستانلیک بېلجی همده کېتمانچیلرنى سالیب، خندق قۇدیریلدی.

بو کافر نىنگ بونده ی ایلدم کېلىشىدن، بیانه ده آلیب بارگن اوروشیدن و شاه منصور، قىسمتای همده بیانه دن کېلگنلر نىنگ مقتاو و تعریفلریدن کپین لشکر خلقى يوره کسىز بۇلیب قالگندى. عبدالعزيز نىنگ پېنگىلىشى ینه بىر سرى بۇلدى. خلق نىنگ كۇنگىلىنى تىنچىتىش و قۇشىنى تشقى تاماندىن حمایه لش اوچون ارابه پىتمه گن پیرگە یاغاچدن سه پايه گە (اوچ آياققە) اۇخشش بىر نرسه لر یسب، هر ايگى اوچ آياق نىنگ آرسىگە هۇكىز نىنگ خام تېرىسیدن تسمه لر یسب، یخشىلب محکملب باغلندى. بو اسباب و قوراللر تيارلنىب جايلىشتیر یلگونىچە ییگیر مه-ییگیر مه بېش کون اوتدى.

شو فرصتده کابل دن سلطان حسین میرزانىنگ قیز نېره سى، قاسم حسین سلطان همده احمد يوسف، سید يوسف و قوام اوردوشاه، ینه کىملردیر-همه سى بۇلیب بېش يوزته چه

كىشى كېلدى. منجم محمد شريف شوم نفس هم اولر بىلن بيرگه كېلدى. شراب اوچون كابل گه بارگن بابا دۇست سووچى هم غزنه نىنگ اېنگ يىخسى شرابلرىدن اوچ كاروان توبه گه يوكلب، بولر بىلن بيرگه كېلدى.

بو پىتده بۇلىب اوتگن واقعه-حادثه لر، بېكارچى گپ-سۆزلردن، يوقارىده ايتىب اوتگنيمىزدېك، لشكر خلقى نىنگ خواطر و واهمه سى يندهده آشگندى. محمد شريف منجم شوم نفس مېنگه ايتالمه ياتگن بۇلسه ده، يۇلىده دوچ كېلگن آدمگه: شو كونلرى مريخ غرب تامانده تورىدى، كيم كه شو طرفدن توريب اوروش قىلسه-يىنگىلده، دېب مبالغه لر بىلن ايشانتىرىشگه اورىردى. بوندهى شوم نفس نيمه دېسه، دېدى. قۇرقىب روحى توشىب كېتكن خلق نىنگ كۇنگلىنى بدتر سىندىردى. اونىنگ بوندهى بېكارچى گپلىرىنى اېشىتىپ هم اوتىرمى، قىله ياتگن ايشلىرىمىزنى تۇختمه ي، اوروشگه يوره كدن تيارلنىپ، جنگه شى بۇلىب توردىك.

آى نىنگ يىگىر مه ايگىنچىسىده، يكشنبه كونى شيخ جمال گه ميان دواب يايچىلرىدن آلىب همده دهلى دن يىغه آلگىنچه عسكر يىغىب، مېواتى قىشلاقلرىنى باسىب، تلب، قۇلىدن كېلگنچه خطاگه يۇل قۇيمسلىكلرىنى تعيىنلې، جۇنتدېم. تاكه دشمنگه اۇشه طرفدن تلفاتلر بۇلسىن. كابل دن كېله ياتگن ملا تورك على گه شيخ جمالى گه قۇشىلىپ، مېواتنى باسىب آلىش و تالان-تاراج قىلىشده هېچ بير كمچىلىككه يۇل قۇيمه سىن، دېب فرمان بېردىك. مغفور دېوان گه هم شوندهى فرمان بۇلدى. اولر بارىب مېوات نىنگ اوزاق چېگه سىده گى بير نېچه قىشلاقلرىنى باسىب، تلب، آدملىرىنى اسير قىلىپ آلىبدىلر. بوندىن دشمن اونچه كته تلفات كۇرمه دى.

جمادى الاول آى نىنگ يىگىر مه اوچىنچىسىده، دوشنبه كونى سىر قىلىشگه آتلندىم. سىر چاغىده كۇنگلىمگه بير فكر كېلدى: هر دايم كۇنگلىمده هميشه توبه تشويشى يورردى، شريعتگه خلاف ايش قىلىش هميشه كۇنگلىمگه غبار سالردى، دېدېم كه، اى نفس:

چند باشى ز معاصى مزه كش،
توبه هم بې مزه نىست بچش.
(مضمونى: قچانگچه گناه ايشلردن ذوق آله سن، توبه هم بې مزه اېمس، اوندن هم تاتيىب
كۆر.)

نېچه عصيان بيله آلوده ليغىنگ.
نېچه حرمان ارا آسوده ليغىنگ.
نېچه نفسىنگه بۇلور سېن تابع،
نېچه عمرونگنى قىلور سېن ضايع،
نيت غزا ايله كيم يوروبسون،
اۆلمكىنگنى اؤزونگه كۆروبسېن.
كيم كه اۆلك اؤزىگه جزم اېتر،
اوشبو حالتته بيلورسېن كه نېتر،
دۇر اېتر جمله مناهيدىن اؤزين،
آريتور برچه گناهيدىن اؤزين،
خوش قىليب اؤزنى بو كېچمك ليكتين،
توبه قىلديم چاغير ايچمك ليكتين.
آلتين و نقره صراحي و اياق،
مجلس آلاتى تمامين اول چاق،
حاضر ايلب بارىنى سىندوردوم،
ترك اېتىب مىنى، كۆنگول تىندوردىم.

سىندىريلگن بو آلتين-كوموش مى ايدىشلىرى و باشقه اسبابلارنى مناسب كيشىلر و
درويشلرگه اولشىلدى. توبه ده مېنگه اېرگشگن بيرىنچى كيشى عسس بۇلدى. او سقال آليش

وقۇيىشده هم مېنگە تەقلید قىلردى. اۋشە كېچە، اېرتەسى كۈنى بېكلەر و خاص عملدارلردن، عسكەر و عسكەر بۆلمە گنلردن اوچ يۈزگە يېقىن كېشى مى ايچمىسلىككە قىسم ايچىب توبە قىلدىلەر. اۋزىمىزدە بار بولگن شرابنى تۈكتىرىپ تشلب، بابا دۈست آلىب كېلگن شرابكە توز سالىب، سركە قىلىشلىرىنى تەيىنلەدیم. ايچكلىكلرنى تۈككن يېردە بىر "واين" قۇدیرىلگن اېدى. بو وايننى تاش بىلن تۇلدیرىپ، اونىنگ يانىگە بىر خانقاه قورىشلىرىنى نیت قىلدیم.

توقیز یوز اۆتیز بېشىچى يىلى، محرم آيىدە بارىب گواليارنى سیر قىلدیم. قېتىشده دۈلپوردن اۋتیب، سېكرىگە كېلدیم. "واين" ايشلىرى يېكونىگە يېتگن اېدى. اۆلدن اگر رنا سىنگا كافر اوستىدن غلبە قىلسم، تمغهنى مسلمانلرگە ساوغە قىلەمن، دېب نیت قىلگندیم. توبە زمانىدە درويش محمد ساربان بىلن شېخ زىن تمغهنى ھىدیه قىلىشنى يادگە سالدیلەر. مېن اولرگە: «يادىمگە سالگىنىگىز يىخشى بۇلدى، قۇلىمىزدەگى ولايتلردە مسلمان تمغهسى تارتىق بۇلدى»، دېب ايتدیم. كاتىبلرنى چقىرتىرىپ، بو روى بېرگن ايگى بويوك واقعه خبرىنى بىلدیرىش اوچون فرمانلر بېتىشنى بويوردیم.

شېخ زىن نىنگ انشاسى بىلن فرمانلر بېتىلىپ، برچە قۇل آستىمىزدەگى اۆلكەلرگە يوبارىلدى. او انشا منە بودىر:

ظھیرالدين محمد بابەر فرمانى

سببلر صورتى انعكاسى نىنگ تۈپلەنىش جايى و صداقت، تۇغرىلىك اينجولرى نقشى نىنگ خزىنەسى بۇلگن عقل اېگەلرى نىنگ فكر آيينەسى بو معنى چېچكلرى جوهرى نىنگ نقشىنى اۋزىگە آلور كە، انسان طبيعىتى اۋزى نىنگ يره تىلىشى بۇيىچە نفس لذتلىرى گە مايلى دىر، ذوق كېلتىرووچى ياقىملى نرسەلرنى ترك اېتىش خدانىنگ توفىق بېرىشىگە و آسمانى كۈمككە باغلىق. بشر نفسى يامانلىككە مېل قىلىشدىن اوزاق اېمس. «نفسىمنى پاكلىە آلمەدیم، چونكە نفس يامانلىككە امر اېتگووچى دىر». اوندن قېتىش بغيشلاوچى ملك نىنگ لطف-مرحمتىدن باشقە ممكن اېمس. بو اللە نىنگ احسانى دىر، كىمگە خواھلەسە، بخش اېتەدى، اللە كۆتە احسان اېگەسى دىر».

بو سۆزلرنى افاده لشدن و بو گپلرنى بيان قىلىشدىن غرض شوكة، انسانلىك تقاضاسى، پادشاهلار رسم-رسومى، پادشاهلىك لوازمى، منصبدارلار عادىتى بۇيىچە شاھدىن سپاھىگچە گۈزەل ياشلىك كۈنلەردە شەرىعت مەنە ئېتىگەن بەئزى نەرسەلەرگە و ايرىم اۋيىن-كۈلگۈلەرگە رجوع قىلىنەردى. بىر قەچە وقتدىن كېيىن ئۇشمانلىك كۈنلەرى كېلىپ، اولرنى بىتە-بىتە ترك اېتىلەر و چىن توبە بىلەن اولەرگە قېتىش اېشىگى ياپىلەردى.

اما مقصد و مطلبلەرنىڭ مەھمى و بويۇگى بۇلگەن اېچكىلىكدن قېتىش توبەسى «ھەر ايش وقتىگە باغلىق» دېگەن پەردە آستىگە بېكىنىپ، يۈزىنى كۆرستەمس اېدى، تاكە بو يەخشى ساعەتدە زۇر غەيرت بىلەن اوروش احرامىنى باغلب، شوكتلى اسلام عسكەرلەرى ياردەمىدە كافەرلەرگە قرشى جەنگە كىرىشكەنمىزە غەيب الھامچىسى و حەقىقت جەرجىسىدىن «ايمان كېلتىرگەنلەرگە وقت كېلەدەيمى كە، قەلبلەرنى اللەنىڭ ذكرى بىلەن يۈمۈشتەلەر؟» مەزمونى اېشىتىلىپ گناھ و سەركەشلىك اسبابىنى ايلەندىرىدىن قۇپارىپ تەشەببۇس، توبە اېشىكلەرنى تۈلىق جەدەت بىلەن قاقەدىك، توفىق يۇللاروچىسى «كەم كە يۈرەكدن اېشىك قاقەسە، كىرەدى» مەزمونىگە موافق اقبال اېشىگىنى آچەدى و بو اوروشنى نەفسگە قرشىلىك كۆرسەتەشدىن عەبارت بۇلگەن زۇر اوروش بىلەن باشلەشنى بويۇردى.

القەسە، «اى رەببىم، نەفسلەرىمىزگە قول قىلدەك» نى اخلاص بىلەن تەلگە كېلتىرىپ، «سەپەننىڭ آلدەنگە توبە قىلدەم و مەنەن مەسلەنلەرنىڭ بىرىنچەسىمەن» دېگەن گەپنى دل لۈحەسىگە نەقش اېتەدىك. كۈنگەل خەزىنەسىدە مەخفى قالگەن اېچكىلىكدن قېتىش توبەسى ايسەتگەننى يۈزەگە چىقەردەك.

ظەفر نەشانلى خادەملەر مەبارك حەكم يۈزەسىدىن كۈپلىك وزىنتەدە يۈكسەك يۈلدۈزىدەك بۇلگەن، گۈزەل مەجلىسنى بەزەپ تورگەن آلتەن و كوموشدىن يەلگەن مى ايدەش و قدەلەر، باشقە اسبابلەرنى بېرگە اورىپ، خەدا خاۋەلەسە، يەقىندە سەندىرىشكە مۇفق بۇلەدەيگەنمىز بىلەر كەبى، پارە-پارە قىلىپ، ھەر بىرىنى مەسكەن و بىي چارەگە بېردەلەر. قەبۇل اېتىلىشكە يەقىن بۇلگەن بو توبە بركەتەن دەرگە مەقرەبلەردىن كۈپلەرى «كەشىلەر پادشاهلەرى ايزەن بارەدەلەر» دېب مەجلىس نەنىڭ

اۋزیده یاق توبه شرفیگه اېرىشیدیلر و می ایچیشدن بوتونله ی قیتیدیلر. خدانینگ بویروق و قیتیشلریگه بوی سونیب، چېکینو و چیلر حالیکه قدر تۈده-تۈده بۇلیب، ساعت سەیین شو سعادت ییلن بختیار بۇلماقدەلر. امید شوکه، «یخشیلیککه اوند اوچی کیشی-یخشیلیک قیلگن کیشیدېک» دېگنلری کبی بو ایشلرینینگ ثوابی خوشبخت پادشاهنینگ حیاتیگه عاید بۇلغی و بو سعادت برکتیدن آلغه باسیش و غلبه کوندن-کونگه آرتە بارگە ی.

بو آرزو و آسایشته لیک تۈله-تۈکیس آخیریگه یېتگندن کپین، عالم بوی سونیشی لازم بۇلگن فرمان اجرا شرفیگه اېرىشیدی که، تینچ سقلنگن مملکتده (خدا آفت و خوفلردن امان قیلسین) مطلقا هېچ بیر کیشی ایچکیلیک ایچیشگه اورینمەسین، اونى حاصل قیلشگه تیریشمەسین، ایچکیلیک ایشلب چیقرمەسین، ساتمەسین و آلمەسین، اۋزیده سقلەمەسین، اېلتمەسین و کېلتیرمەسین! «ایچکیلیکدن قاچینگلر، شایدکه، نجات تاپسنگیزلر.»

بو غلبەنینگ شکرانەسى و چین توبەنینگ قبول درجەسیگه اېرىشماغی نینگ صدقەسى اوچون، پادشاهلیک نینگ بخشش دریاسی جۈش اوریب، عالم آبادانلیگی و کیشیلیک ابرۋیی بۇلگن کرم تۇلقینلرینی پیدا قیلدی: بوتون مملکت بۇیلب، اۋتگن سلطانلردن قالیب کېلگن و درآمدی حددن تشقیری کۈپ بۇلگن تمغەنى، اۋزی هم شریعت قاعدەلریدن تشقیری بۇلگنی اوچون مسلمانلر اوستیدن آلیب تشلب، فرمان بۇلدی که، هېچ شهر، قیشلاق، یۈل، گذر و بندرلردە تمغە آلمەسینلر و اۋندیرمەسینلر، هم بو حکم نینگ قاعدەلریگه اۋزگرتیش کیرگیزمەسینلر: «کیم که بونی اېشیتگندن کپین اۋزگرتیرسە، گناهی اۋزگرتیر و وچیلرگه بۇلەدی.»

پادشاهنینگ مهربانچیلیگیگه سیغینگن تورک، تاجیک، عرب، عجم، هندی، فارسی فقرا و سپاه-بوتون ملتلر، همه انسان طایفەلری بو منگو بخششگه سویەنیب، امید توتیب، ابدیلیککه بیریککن دولتیمیز دعاسیگه مشغول بۇلسینلر و بو حکملر اجراسیدن تشقیری چیقمەسینلر و بوریلەمەسینلر، فرمانگه موافق ایش آلیب بارسینلر. بو حکم اولوغ پادشاه امضاسی ییلن یېتیشسە، اعتماد قیلسینلر.

امر عالی ییلن ٩٣٣ (هجرى) ییلى
جمادى الاول آیی نینگ ٢٤- کونیده یازیلدى.

شو کونلرده بۇلیب اۋنگن واقعهلردن، اول هم ذکر اېتیلگندى، کتّه و کیچیکده قۇرقوو و
خواطر آشدی. هېچ کیمدن مردانه سۆز و شجاعتلى فکر اېشیتيلمسدى. نه سۆزه مال وزیرلر و
ولايت سۆره یاتگن امیرلرنینگ نه سۆزلریده، نه تدبیرلری مردانه لیک بار اېدى، نه اۋزلىرى و
قرارلریده همت بار اېدى. بو یوریشده بیرگینه خلیفه اۋزینی جوده یخشی توتدی. حاکمیتی
قۇلدە توتیش، مستحکملش بابیده سعى-حرکت و غیرت قیلیب خطاگه یۇل قۇیمه دی.
آخرى، آدملرنینگ بوندە قۇرقاقلیک و سستلیکلرینی کۆریب، بیر رېجه اۋیل ب تاپدیم.
برچه بېک و ییگیتلرنی چقیریب شونده دیدیم:

«بېکلر و ییگیتلر!

هرکه آمد بر جهان اهل فنا خواهد بود،
آنکه پاینده و باقیست، خدا خواهد بود.

(مضمونى:

هر کیمسه بو جهانگه کېلرکن، آخرى یۇقلىککه کېته دی، ابدى قالوچى یالغیز الله دیر.)
حيات مجلسیگه کیرگن آدم نینگ هر بیرى آخر-عاقبت اجل قدحیدن ایچه دی و
تیریکلیک منزلیگه کېلگن هر بیر کیشی آخرى دنیا غمخانه سیدن کېچیب کېته دی. یامان نام
بیلىن تیریک یورگندن، یخشی نام بیلىن اۋلگن افضل.

به نام نېکو گرمیرم رواست،

مره رام بایدکه، تن مرگ راست.

(مضمونى: یخشی نام بیلىن اۋلسم، شو یتته دی، مېنگه. یخشی نام کېرک، تنه اېسه اۋلیم

اوچون دیر.)

تنگرى تعالى بوندە سعادتنی بیزگه نصیب قیلیدى و بوندە دولتنی بیزگه یقین ایلبدی.

اۋلگن-شهيد، اولديرگن-غازي. برچه نگيز تنگرى نىنگ كلامى نامى بىلن بو اوروشدن هېچ كيم يوز اۋگيريشنى خيالگه كېلتيرمىلىگى و تا تەسېدن جانى چىقمە گونىچە، بو جنگ و اوروشدن چىقىپ كېتمىسلىگىنى ايتىپ، آنت ايچماغىن گيز كېرەك».

بېك و نوكر، كته و كىچىك-هممەسى ايستك بىلن قرآنى قۇلىگه آلىپ، انه شو مضمونده قىسم ايچىپ، وعدە بېرىلر. بو جوده يخشى رېجە اېدى. يقىن-يىراقده گى دۋست و دشمن نىنگ كۈزى و قولاغى اېشىتىشى اوچون يخشى بۇلدى.

شو كونلرى هر طرفدن غوغا-تۇپالانلر كۈترىلدى. حسينخان نوحانى كېلىپ رېرىنى آلدى. قطبخان نىنگ آدملىرى چندورنى اېگلەلەدى. رستمخان دېگن پستكش ميان دوآبده گى يايچىلرنى تۇپل كېلىپ، گۈيىل نى اېگلەلەدى، كىچىك على نى اسير قىلىپ آلدى. زاهد سىنبل نى تشلب چىقىدى. سلطان محمد دۇلداي قنۇج نى قالدېرىپ مېنىنگ آلدېمگە كېلدى. گواليارنى گواليارلىك كافرلر كېلىپ، اۋرەب آلدېلر. گواليارگە ياردەمگە يوباريلگن عالمخان گواليارگە بارمەى، اۋز ولايتىگە كېتىدى. هركونى هر تاماندن بير ناخوش خبر كېلىپ تورردى. ايرىم هندوستانلىكلر لشكرنى تشلب قاچە باشلەدىلر: ھىيتخان كركندې سىنبل گە قاچىپ كېتىدى، حسنخان بريوال قاچىپ، كافرلرگە قۇشىلدى. بولرگە پروا قىلمەى، فقط اۋزىمىزگە ايشاندىك.

ارابه لر، غلتكىلى اوچ آياق اراپەچەلر، قورال-يراغلر تيار بۇلگچ، جمادى الآخر آيى نىنگ آخرى، سەشنبەدە-نورۇز كونى كۈچدىك. اۋنگ قنات، چپ قنات و مركزنى صفلب، آلدېمىزدە گى اراپە و غلتكىلى سەپايەلر بىلن آلدېنگە حركت قىلدىك. استاد عليقولى گە اۋزى نىنگ مىلتىقلىلرى بىلن اراپەچىلر آرتىدن، اولردن قالىپ كېتمەى، صفلنىپ بۇلىپ يىاو بارىش بويورىلدى. ھمە صفدە اۋز جايىنى اېگلەلەگىدن سۇنگ، آتدە ايلدم بارىپ، اۋنگ قنات، چپ قنات، و مركزدە گى بېك و يىگىتلر نىنگ كۈنگىلىنى كۈترىپ، هر بير قىسم نىنگ قەپىردە تورىشى و قى يۈسىندە يورىشىنى بېلگىلې، كۈرستىدىك. اوشبو ترتيب-انتظام بىلن بىز بير كوروھچە يۇل باسىپ، تۇختەدىك.

كافرىنىڭ آدملىرى ھەم بىزنىڭ يىقىنىلشەياتىڭىمىزدىن خىر تاپىپ، بۆلۈك-بۆلۈك سىفلىنىپ بىزگە قىرەب كېلە باشلىدى. لىشكر تۇختىپ، ارابەلەر ئورنىدىن تىلىپ، خىندىلەر قىزىلگىنىدىن سۇنىڭ، ئوردە و اونىڭ اطرافى محافظەسىنى مستىحكملەدىك. ئۇشە كۈنى اوروش باشلىش نىتىمىز بۆلمە گىلىگى باعث ئزگىنە يىگىتلىرىمىز ئلدىنگە بارىپ، دىشمنىڭ آدملىرى بىلەن ئلىشىپ، ئوز بىختلىرىنى سىنب كۆردىلەر. بىر نېچتە كافىرنى قۇلگە ئلىپ، باشىنى كېسىپ كېلتىردىلەر. مىلك قاسم ھەم بىر نېچتە باش كېسىپ ئلىپ كېلدى. ئو ئزىنى جودە يىخشى توتىدى. بولرىنىڭ بىرچەسىدىن جىنگىچىلرىنىڭ كۈنگلى ئنچە كۆترىلدى، اولر قوواندى. آدملىردە ئزگىچە قووانچ پىدا بۆلدى.

ئېرتەسىگە بېكىلر بىلەن اوروش قىلىش نىتىدە جۇنەماقچى بۆلگەن ئېدىك ھەم كە، خلىفە و باشقە خىر خواھ بعضى كىشىلەر تۇختەگەن بىرىمىز يىقىنىلگىنى، ئونى ئۆل خىندىق بىلەن ئورەب، مستىحكملەپ، كېيەن اوروش باشلىسەك، مقصدگە موافق بۆلردى، دېگەن فىكرىنى بىلدىردىلەر. خىندىق قۇزىش ايشلىرى ئوچون خلىفەنىڭ ئوزى ئتلىپ، خىندىق قۇزىلەدىگەن بىرلەرنى بېلىچىلەرگە كۆرسەتىپ، اولر ئوستىدىن نظارتچىلەر بېلىگىلەپ كېلدى.

جىمادى ئاخىر ئىنىڭ ئون اوچىنچىسىدە، شىنبە كۈنى ارابەلەرنى ئلدىمىزگە قىطار قۇيدىرىپ، ئۇنىڭ قىنات، چىق قىنات و مىركىزگە سىفلىنىپ، قىطارلەر بىر كوروھگە يىقىن بۆل يورىپ كېلىپ، بېلىگىلەنگەن جايگە توشىدىك. بعضى چادىرلەر تىكىپ بۆلىنگەن، بعضىلەر ئېندى تىكىلەياتىڭەن ئېدى ھەم كە، دىشمنىڭ سىفى كۆرىنە باشلىگەنلىگى حقىدە خىر كېلتىردى. درحال ئۇنىڭ قىنات ئۇنىڭ قىناتىگە، چىق قىنات چىق قىناتىگە-جاي-جايلىرىگە بارىپ، سىفلىرىنى ارابەلەر بىلەن تۇسىپ، مستىحكملەشلىرى بويىرىلدى. ئوشبو "قىتخنامە"دىن اسلام لىشكرىنىڭ كىفەتى و كافىرلەر تۆدەسىنىڭ كىچىلىك ئېكىلىگى، قىطار و سىفلىرىنىڭ تورىشلىرى، اسلام اھلى و كافىرلەرنىڭ اوروشلىرىنى معلوم بۆلەدى. شىخ زىن تامانىدىن بىتىلگەن بو "قىتخنامە" ھېچ قىندەي ئرتىقچە سۆز و كىچىلىكلىرىسىز بو بىردە قىدا ئېتىلماقەدە.

ظهيرالدين محمد بابر غازي فرمانى

...تنگرى نعمتلىرى نىنگ كېتمە-كېت كېلىپ تورىشى اونگە شكر و ثنا ايتىش نىنگ كۈپەيىشى گە باعث دير. تنگرىگە شكر و ثنا ايتىش نىنگ كۈپەيىشى تنگرى نعمتلىرى نىنگ كېتمە-كېت كېلىپ تورىشى نىنگ سببى دير. هر نعمتگە بيرار شكر لازم و هر شكرگە اونىنگ كېتىدىن بيرار نعمت. شكر لوازملىرىنى ادا قىلىش انسان قدرتىدىن يوقارى و اقتدار اېگەلرى اونىنگ مراسىمنى جايىگە قۇيىشدىن عاجز دير. اينىقسە، شكر شوندى بىر نعمت مقابلىدە بۇلسەكە، دنيادە هيچ بير بايلىك اوندن بويوكراق و آخرتدە بيرار يىخشىلىك اوندن گوزەلراق بۇلمىسە. بو اېسە، كوچلى كافىرلەرگە غلبە قازانىش و مغرور فاجرلەرگە اوستون كېلىشدىن باشقە چە بۇلمەيدى كە، بولرگە اوخشىشلر تۇغرىسىدە "اولر كافىرلر و فاجرلر" دېگن آيت اينگن دير و عقل اېگەلرى نىنگ اۋتكىر كۈزلىرگە بو غلبەدن كۈرە يىخشىراق سعادت كۈرىنمەيدى.

خداگە شكر كە، توغىلگندىن تاشو دىمگچە خىرخواه خاطر و تۇغرىلىك اىستر كۈنگىل نىنگ اصل مطلبى و توب مقصدى بۇلىپ كېلگن او بويوك سعادت و او اولوغ بخشش بو مبارك كونلردە بويوك تنگرى نىنگ لطف-كرم بارگاھىدىن يوز كۈرسەتىپ قالدى. بېمىنت و بېىلت مشكللرنى آچووچى و فيض ساچووچى ينگىدىن ظفر كلىدى بىلن فيض اېشىكلرىنى غلبە قازانگن شاهىمىز نىنگ اولوغ چەرەلرگە آچدى، سېوېنچگە تۈلگن قۇشنىلرىمىز نىنگ اتاقلى ناملىرى عزتلى غازىلر دفتريگە يازىلدى و اسلام توغى ظفرياب لشكرلرىمىز نىنگ مددى بىلن كۈترىلىش و يوكسەلىش اوجىگە يېتىدى.

بو سعادت و دولت نىنگ صادر و ظاهر بۇلىشى شوندى يوزەگە كېلدى: اسلام تېەنچى بۇلگن عىسكلرىمىز قىلىچلرى نىنگ شعلەسى فتح و ظفر نورلى بىلن ھند مملكتلرىنى منور قىلگندىن كېيىن، ايلگرىگى "فتحنامە" لردە بيان قىلىنگىدېك، مۇقىت قۇللىرى غلبە نشانلى بيراقلىرىمىزنى دھلى، آگرە، جانپور، خرىد، بېھرە و باشقە اۈلكەلردە كۈتردى. خىلقلىرىمىز كۈچىلىك مسلمان و كافىر طايفەلرى بىز نىنگ قوتلۇغ پادشاھلىگىمىزگە بۇي سونىپ، قوللىك يۇلىگە صداقت و اخلاص قىدىلر.

www.ezgu.org

زنجير دېك ياپىشىپ آلدى. او اۋنتە بشارتلىقنلر قرشىسىگە چىقىپ، يامانلىك توغىنى يايگن اۋنتە كافرىنىڭ قرەملرى و قۇشىنلرى ھمدە غايت كېنگ ولايتلرى بار اېدى. چنانچە، صلاح الدين اۋتتيز مىنگ سواری لى، روال اۋدەى سىنگ بگرى اۋن ايگى مىنگ سواری لى و مېدىنى روال اۋن ايگى مىنگ سواری لى، حسن خان مېواتى اۋن ايگى مىنگ سواری لى، برمل ايدرى تورت ايگى مىنگ سواری لى، نرېت ھرە يېتى مىنگ سوواری لى، ستاروي كېچى آلتى ايگى مىنگ سواری لى، دھرم دېو تورت مىنگ سواری لى، بىرسىنگ دېو تورت مىنگ سواری لى ولايتگە اېگە اېدى.

محمود خان اسكندرخان اۋغلى نىنگ ولايت و قىشلاغى بۇلمسە ھم، سردارلىك اميدىدە تخمىنا اۋن مىنگ سواری جمع قىلگن اېدى. ساغلاملىك و امانلىك وادىسىدن اوزاقلشگنلر نىنگ جمعى، ھند قىشلاق و ولايتلىرىدە دوام اېتىپ كېلگن قاعدە بۇيىچە، ھمەسى بۇلىپ، ايگى لك بىر مىنگ بۇلگن اېدى.

القصە، او مغرور ايچى قارە كافر بغرى قتيق كافرلر نىنگ كۈنگىللىرىنى يوزەكى بىرىكتىرىپ، مسلمانلر گە قرشلىك كۈرسەتیش و اولر بىلن اوروشىش ھمدە پىغمبر عليه السلام شريعتى نىنگ اساسلرىنى يېمىرىش حالتىگە اۋتدى. پادشاه نىنگ جىڭچى عسكەرلى خدانىڭ بلاسىدېك او كۈزسىز قارە دجاللر باشىگە ياپىرلىپ، «قضا يېتىشسە، كۈز كۈر بۇلەدى» دېگن حكمنى خلق و ناموس اېگەلر نىنگ اۋتكىر نظرلرگە منظور قىلدىلر و «كىم كە دىن اوچون اوروش قىلسە، البتە، او اۋز نفسى اوچون اوروش قىلگن بۇلەدى» آيتىنى ملاحظە قىلىپ، «كافرلرگە و منافقلىرگە قرشى اوروشىڭ» دېگن بىجىرلىشى لازم بۇلگن حكمنى عملگە آشىردىلر. ۹۳۳ (ھجرى) يىل جمادى الثانى آيى نىنگ ۱۳-نچى شنبە كۈنى بىانە مضافاتى نىنگ كۈنۈ موضعيده گى تاغ اطرافىدە دشمندن ايگى كورۈە مسافەدە غلبە نشانلى اسلام لشكرلر نىنگ چادرلر تىكىلدى. اسلام سواری لرى نىنگ حشمت و دېدبەلر دىن دشمنلر و كافر لىنلر نىنگ قولاقلىرىگە يېتىشى بىلن محمدى ملت مخالفلر، اهل اسلام كعبەسىنى بوزىشگە بېل باغلىگن "اصحاب فيل" دېك، تاغ جثە و

دېوھىيەت فيللىرىنى ئۆزلىرىگە مددكار و تەنچ قىلىپ، ھەمەلىرى بىر جان، بىر تەن بۇلىپ، ئۆز بوزۇقى لشكرلىرىنى تەرتىپكە سالدېلر.

نظم مضمونى:

ذليل ھندىلر، "اصحاب فيل" كىي، ئۆز فيللىرىگە مغرور بۇلدىلر.

ھەمەلىرى اجل تونىدېك خونوك وشوم، توندن قارە و يولدوزلردن كۇپراق اېدىلر. ھەمەلىرى خودى آلاودېك، لېكن توتون كىي كېككەيىپ، كۇم-كۇك آسمانگە باش تارتىگن اېدىلر. آتلىق و يىاو، خودى چوماليدېك مىنگ-مىنگىلب ئۇنگ و سۇلدىن كېلدىلر. اوروش قىلدىدە يېنگىلمىس ئۇردو تامان يۇنەلدىلر. شىجاعت بۇستانى نىنگ درختلىرىگە ئۇخشەگن غزاتچى اسلام عىسكرلىرى صنوبردەي صف تارتىپ، صنوبر شىكلىلى پۇلات قىلپاقلرى نىنگ قوياشەدى پارلاوچى اوچلىرىنى، خدائۇلىدە جىنگ قىلووچىلرىنىڭ قىلپىرىدېك، يوكىسكىلىك اوچىگە يېتكىزدىلر. صفلىر اسكندىر دېوارىدېك تېمىرگە ايلنگن و توزىلىش يىغمىر شىرىعتى نىنگ يۇللىرى كىي تۇغرى و مستحكم اېدى. قوتى نىنگ مئانتى، گوياكە توبدىن بىر-بىرىگە چىرمەشىپ كېتىگن؛ «نجات و بختيارلىك، اولر خدادان بۇلگن تۇغرى يۇلدەدىرلر و اولر نجات تاپگندىرلر» دېگن سۆزگە موافق، اولر نىنگ خاص صفى اېدى.

قطعه مضمونى:

شەھنشاھ نىنگ رايى كىي برقرار، دىن دېك كىشىلردە قۇرقوو يۇقلىكدن صفلىر رخنەسىز. اونىنگ بىراقلىرى ھەمە ياققە يايلىگن، ھەمەسى «انافتحنا» (بىز فتح قىلدىك) الفلىرىدېك. ھوشيارلىك و احتياطكارلىكنى كۆزدە توتىپ قۇشىن نىنگ آلد تامانىگە قۇيىلگن توفىڭچىلر و رعداندازلرنى روم جىنگىچىلرى يۇسىنىدە پناەلىش اوچون ارابەلردن بىر صف تەرتىپ بېرىپ، اولر بىر-بىرلىرىگە زىنجىر بىلەن توتىشتىرىلدى.

القىصە، اسلام عىسكرلىرى شۇندەي انتظام و استحكام پىدا قىلدىلر، بويوك عقل و يوكىسك فلک اونىنگ تدبىرچىسى، تەرتىپ بېرووچىسىگە آفرىن دېدى.

بو تەرتىب و انتظامى، قوت و استحكامىنى وجودگە كېلتىرىشەدە حضرت سلطان نىنگ

یقینی، خاقانی نینگ دولتی نینگ سوينچيغی نظام‌الدین علی خلیفه‌دادنینگ همه سعی-حرکت و تدبیرلری تقدیرگه موافق، برچه سردارلیک و ایش یوریتیشلری پادشاه‌نینگ پارلاق راییگه مقبول توشدی.

پادشاه‌نینگ قۇلدە توریشیگه قرار بېریلدی.

قۇل‌نینگ اۇنگ تامانیده: مددگه خدانینگ لطفیگه خاص بۇلگن سعادتلی قوتلوغ عزیز کتّه برادر چین تېمور سلطان و خدا نظریگه منظور بۇلگن کتّه عزیز فرزند سلیمان‌شاه، تۇغری یۇل اېگه‌سی ولی نسبتلی جناب خواجه کمال‌الدین دۇست خاوند، عالی سلطنت تیه‌نچی، اېنگ یقین و اختصاص اېگه‌لری نینگ زبده‌سی کمال‌الدین یونس علی، خاصلر تیه‌نچی، کامل اخلاصلی جلال‌الدین شاه منصور برلاس، خاصلر تیه‌نچی، اختصاص اېگه‌لری نینگ زبده‌سی نظام‌الدین دروېش محمد ساربان، خاصلر تیه‌نچی، چین اخلاصلی شهاب‌الدین عبدالله کتابدار و نظام‌الدین دۇست اېشیک‌آغه اۇز اۇرینلریده قرار تاپدیلر.

قۇل‌نینگ چپ تامانیده: سلطنت اېگه‌سی، خلیفه‌لیکگه نسبتلی سلطان علاء‌الدین عالمخان بن سلطان بهلول لۇدی، حضرت سلطان‌نینگ یقینی، کېنگش و مصلحتچی صدرلر نینگ بویوگی، اسلام‌نینگ قۇتشی شیخ زین‌خوافی، خاصلر تیه‌نچی، کامل اخلاصلی کمال‌الدین محب‌علی، حضرت سلطان‌نینگ یقینی، خاصلر تیه‌نچی نظام‌الدین توردی‌بېک (مرحوم قۇچ احمد بېک‌نینگ برادری)، اصیلزاده واعیانلر بویوگی، اولوغ خان آرایشخان، مذکور قۇچبېک مرحوم‌نینگ اۇغلی شېرافگن، خلق اۇرتە‌سیده وزیرلر نینگ بویوک وزیرى خواجه کمال‌الدین حسین و بویوک دېوان کیشیلری گروھیدن هر بیرلری مقرر قیلینگن اۇرینده توردیلر.

برانغارده عزیز و اولوغ فرزند، سعادتلی و بختیار، سلطنت و خلافت‌نینگ اعزازلیسی محمد همایون بهادر اۇرنە‌شېب، اۇنگ تامانیگه فرزند عزیز سلطنت اېگه‌سی قاسم حسین سلطان و خاصلر تیه‌نچی نظام‌الدین احمد یوسف اۇغلاقچی و مملکت ایشانچی، کامل اخلاصلی جلال‌الدین هندوبېک قۇچین، مملکت ایشانچی، چین اخلاصلی جلال‌الدین

خسرو كۆكلدش، مملكت ايشانچى قوامبېك اوردوشاه، خلقلر تيهنچى، كامل اعتقاد و اخلاصلى ولى خازن قراقوزى، خاصلر تيهنچى نظامالدين پيرقولى سيستانى، ابل اورتەسىدە وزيرلر تيهنچى خواجه كمالالدين پهلوان بدخشى، خاصلر ايشانچىلىسى نظامالدين عبدالشكور و اعيانلر ايشانچىلىسى عراق ابلچىسى سليمان آقا و سيستان ابلچىسى حسين آغە قرار تاپدى. ايتىب اۋتىلگن دولتلى فرزندىمىز نىنگ زور غلبەلى چپ تامانىدە عاليجناب مرتضى گە نسبتلى سيد اولادى ميرحمزە، خاصلر تيهنچى شمسالدين محمدى كۆكلدش و نظامالدين خواجهگى اسد خاندانلر تەيىنلەندىلر.

برانغارە ھند اميرلریدن مملكت تيهنچى، خانلرخانى دلورخان، اعيانلر تيهنچى ملكداد كرەنى و اعيانلر تيهنچى شىخلر شىخى شىخ گورن- ھر بيرلرى بويوريلگن پىرلردە تورديلر. اسلامشعارلى قوشىن نىنگ جوانغاريدە عالي درجەلى پىغمبرنىنگ اېنگ زبەدە اولادى سيد مەھدي خواجه، اېنگ عزيز و اولوغ برادر محمد سلطان ميرزا، سلطنت اېگەسى و خلافت نسبتلى عادل سلطان محمود سلطان اوغلى، مملكت ايشانچى شمسالدين محمدعلى جنگ-جنگ، خاصلر تيهنچى، كامل اختصاصلى جلالالدين قوتلوققدەم قراوول، خاصلر تيهنچى، كامل اخلاصلى جلالالدين شاه حسينى بازكى مؤغول غنچى و نظامالدين جانىبېك محمدبېك اتكە صف تارتديلر.

بو طرفدە ھند اميرلریدن سلطانلر خلاصەسى كمالخان و جلال خان مذكور سلطان علاءالدين اوغىللرى، اعيانلر ايشانچىلىسى عليخان شىخزادە فرمولى و اعيانلر ايشانچىلىسى نظام خان بيانە تەيىن بۇلگن ايدىلر.

تۇلغەمە اوچون خاصلر ايشانچى كامل ايشانچىلى تورديكە و ملك قاسم بابا قشقەنىنگ برادرى برچە مؤغول تۇدەلرى بيلەن برانغار تامانىدە؛ خاصلر تيهنچى، تۇغرى اخلاصلى مؤمن اتكە، خاصلر تيهنچى رستم توركمەن باشلىغ خاص عسكرلردن بير تۇدەسى بيلەن جوانغار تاماندە نامزاد بۇلدىلر. خاصلر تيهنچى كامل اخلاصلى، اختصاصلىلر نىنگ سرەسى نظامالدين سلطان محمد بخشى اسلام غازىلرى اعيان و ارکانلرىنى تەيىنلەنگن جايلرىدە

سقلب، اۋزی ییزنینگ حکملریمیزنی ایشیتیشگه تیار تورردی. تواچی و یساووللرنی تېوره‌ک- اطرافگه یوباریب، عسکر و سپاهی لرنی ضبط قیلش باییده حکملریمیزنی بویوک سلطانلرگه، عزتلی امیرلرگه و حرمتلی غازیلرگه یتکزیب تورردی.

قۋشین کېره‌ک-یراغی برپا و مهیا بۋلیب، هر کیشی اوز جایگه باریب تورگنده سۋزسیز بجریلیشی لازم بۋلگن شرفلی فرمان صادر بۋلدى که، هیچ کیم بویروقسىز تورگن اۋرنیدن قىمیرلمه‌سین و رخصتسىز اوروشگه کیریشمه‌سین.

مذکور کوندن بیر قسمی اۋتگن اېدی، ایگى مقابل تامان بیر-بیریگه یقین کېلیب، اوروش باشلنېب کېتدی. ایگى تامان قۋلى، گۋیا نور و ظلمت کبی، بیریرلرگه قرشى توریب، برانغار و جوانغاره شوندهی زۋر اوروش بۋلدى که، پیر یوزیگه زلزله و یوکسک آسمانگه غلغله تۋشدى. کافرلریننگ بوزوقى جوانغاری اسلام‌نینگ مبارک عسکری برانغاری تامان یۋنه‌لیب، خسرو کۋکلداش، بابا قشقە‌نینگ برادری ملک قاسم اوستیگه هجوم قیلدیلر. اېنگ عزیز و اولوغ برادر چین تېمور سلطان بویروق بۋیچە اولریننگ یاردمیگه باریب، مردانه اوروش باشلەدی که، کافرلرنی جاییدن اولاقتریب، قېلبرلى کېتىگچە دېبرلى سیلکیتیب یوباردی. غلبه انعامی او عزیز برادریننگ نامیگه بۋلدى. زمانه نادری مصطفی رومی اولوغ یره‌تۋوچی نینگ عنایت نظریگه منظور بۋلگن، قېترووچی و بویورووچی ملک‌نینگ لطف- کرملى بیلن اختصاص تاپگن بختیار و اېنگ عزیز فرزندیمیز محمد همایون بهادریننگ قۋلیدن ارابه‌لرنی آلدینگە کېلتیریب، کافرلریننگ قۋشینلری صفلرینی تۋفنگ و ضربزن بیلن قېلبریدېک چیل-چیل قیلدى. خودی اوروش پیتیده عزیز و اولوغ برادر قاسم حسین سلطان، خاصلر تیه‌نچی نظام‌الدین احمد یوسف و قوامبېک فرمان آلیب، اولریننگ یاردمیگه باردیلر. کافرلریننگ گروهلری اۋقتین-اۋقتین اۋز کیشیلری یاردمیگه یتیب کېلردیلر.

بیز هم مملکت ایشانچی جلال‌الدین هندوبېکنی، اونینگ کېتیدن خاصلر تیه‌نچی محمدی کۋکلداش و خواجه‌گی اسد جاندارنی، اوندن کپین عالی سلطنت تیه‌نچی و خاص یقین جمال‌الدین یونس علی، خاصلر تیه‌نچی کامل اخلاصلى جلال‌الدین شاه منصور

برلاس و خاسلر تيهنچى شهاب الدين عبدالله كئابدارنى، اولر آرقه سىدن خاسلر تيهنچى دوست اېشىك آغه و شمس الدين محمد خليل اخته بېگى نى كۆمككە يوباردىك.

كافرلارنىڭ برانغارى نېچە مرتبه دن اسلام قۇشىنى جوانغارى تامان ھجوم قىلىپ، اۆزلىرىنى نجات اېگه لرى غازىلرگە يېتكۈزدىلر. ھر گل عظمت غازىلر بعضىلرىنى ظفرلى اۇقلر بىلن تموققە يوبارىپ، بىرقسمىنى قېتردىلر. خاسلر تيهنچى مۇمن اتكە و رستم توركمەن بدكردار كافرلارنىڭ ظلمت شىعار قۇشىنلرىنىڭ آرقه سىدن يۇنەلدىلر. نوكرلر باشلىگى خاسلر تيهنچى، تۇغرى اخلاصلى خواجه محمود على اتكە و حضرت سلطاننىڭ يقىنى، خاقانى دولتىنىڭ ايشانچى نظام الدين على خليفەنى اۋشەلر كۆمگىگە يوباردىك. عزيز و اولوغ برادر محمد سلطان مىرزا، سلطنت اېگەسى عادل سلطان، مملكت ايشانچى محى الدين عبدالعزيز مىرآخۇر، جلال الدين قوتلوق قدم قراوول و شمس الدين محمد على جنگ-جنگ و خاسلر تيهنچى شاه حسينى بازكى مۇغول غنچى محكم تورىپ، اوروش قىلدىلر. اېل ارا بويوك وزىرلر وزىرى خواجه كمال الدين حسينى دېوان كىشىلرى گروهى بىلن اولارنىڭ كۆمگىگە يوباردىم. برچە جنگچىلر تۇلىق سعى و غيرت بىلن اوروشكە رغبت كۆرسەتىپ، «آيت، ايگى اېزگولىكدن باشقە بىرار نرسەنى بىزدن كوتەدىلرمى؟» دېگەن آيتنى نظرى اعتبارگە آلدىلر و جان بېرىش يورىشىنى قىلىپ، جان آلىش يىراغىنى كۆتردىلر.

اوروش-اۋلدىرىش اوزاققە چۈزىلىپ آخرى كۆرىنمىس بۇلگندىن كېيىن، اجراسى مجبورى فرمان يېتىشىدى كە، زنجىرلنگن شېردېك اراپە كېتىدە تورگن پادشاھكە خاص عسكەرلردىن جنگاور يىگىتلر، يكدللىك اۋرمانىدە ياتر ارسلانلر قۇلنىڭ اۋنگ و سۇلىدىن چىقىپ، توفنگچىلارنىڭ جايىنى اۋرتەدە قالدىرىپ، ايگى تاماندن جنگ قىلىسىنلر. اولر افق پردەسىدە كۆرىنگەن تانگ ياروغىدېك، اراپە كېتىدىن چىقىپ ھجوم قىلدىلر. منحوس كافرلارنىڭ شفق توسلى قانلرىنى فلک گىنبىگە اۋخشەگەن معركە ميدانىدە تۇكىپ، كۆپچىلىك سرکشلارنىڭ باشلرىنى تىن فلكىدىن يولدوزدېك محو قىلدىلر.

زمانە نادى استاد علىقولى اۋز كىشىلرى بىلن قۇلنىڭ آلدىدە تورىپ، مردانەلىك

کۆرسه‌تیب، تېمیر قۇرغاندېک کافرلر صفيگه شوندهی کتّه جته‌لی تاشلرنی آتردی‌که، اگر او تاشنی عمللر ترازوسی نینگ پله‌سیگه سالسه‌لر، اېگه‌سی، "کیم‌نینگ تاشی آغیر کېلسه، او یخشی تورموشده یشه‌یدی" دېگن نام آله‌دی و اگر قتیق تاققه و بلند تپه‌گه آتسه‌لر، "تره‌لگن یونگدهی" تیت-پیت قیلیب یوباره‌دی. منه شوندهی تاش، توفنگ و ضربزن آتیش بیلن کۆپچیلیک کافرلرنی قوله‌تدی.

پادشاه قۇلى نینگ توفنگ اندازلری، بویروق بۇییچه، اراپه‌دن میدان اۇرته‌سیگه کېلیب، هر بیرلری کافرلردن کۆپیگه اۇلیم مزه‌لرینی ایچیردیلر. پیاده‌لر زۇر خطرلی اۇیینگه کېریب، اۇز ناملرینی اۇرمان شېرلری و مردلیک میداننی نینگ باتیرلری اۇرته‌سیده مشهور قیلدیلر.

بو احوال مناسبتی بیلن حضرت خاقاندن، قۇل نینگ اراپه‌لرینی ایلگری سوریشگه فرمان بۇلدى. شخصاً پادشاه نینگ اۇزی، اۇنگ تاماندن فتح و دولت، سۇل تاماندن اقبال و نصرت بۇلگنی حالده، کافرلر قۇشینى تامان قۇزغۇلدى. تېوره‌ک-اطرافدن ظفر نشانلی قۇشین بو حالنی مشاهده قیلیب، زۇر قۇشین دېنگیزیده دهشتلی تۇلقین کۆتریلدى و بو دېنگیز نینگ برچه نهنگ بلیقلری شجاعیتینی یوزه‌گه چیقردی. غبار ظلمتی بوتون میداننی قاره بولوت کېی قاپلې، قلیچلر نینگ یره‌قلشی چقماق چقیشده‌گی یلتیره‌شدن هم اۇتیب کېتدی. گرد نینگ کۆتریلیشی کون یوزینی آینه‌نینگ آرقه تامانیدهی بی نور قیلیب قۇیدی، کلتک اورووجی بیلن کلتک یېگووچی، غالب بیلن مغلوب اره‌لشیب کېتیب، بیرینی بیردن اجره‌تیش قیین بۇلدى. زمانه سحرگری شوندهی بیر کېچه‌نی نظرگه کېلتیردی‌که، اونده تیردن باشقه سیاره، یۇلیده محکم تورگن سواریلردن تشقری تورغون یولدوزلر کۆرینمس اېدی.

نظم مضمونی:

اوروش کونی قان نینگ نمی (یپر آستیده‌گی) بلیققه، گردی اېسه (آسمانده‌گی) آيگه بېتدی. بو کېنگ دشتده آتلر نینگ توياقلری ضربیدن یپر آلتیگه، آسمان سکیزگه ایلندی.

غازی جنگچیلر، عین جان آلیب، جان بېریب تورگن پیتده غیب نداچیسیدن: «قېغور منگ، امیدسیزلنمنگ، غمگه توشمنگ- غلبه سیزلرده» دېگن خوش خبر اېشیتیر، انیق

خبرلر يېتكزۈۈچىدن: «اللەدن ياردەم و فتح يقين دىر، مۇمنلرگە بشارت قيل» دېگن خوش خبرنى تېنگلەيدىلر، شۇندەي شوق بىلن اوروش قىلدردىلرگە، يوقارى عالم فرشتەلرىدن اولرگە تحسین نداسى يېتردى. مقرب فرشتەلر پروانە كىي اولرنيىگ باشلريدن ايلترديلر. ايگى نماز آرهسیده اوروش شۇندەي گوریللەدى كە، او مشعللردن فلکلرگە يىراق كۇتريلردى. اسلام لشكرلىرى نىىگ برانغار و جوانغارلىرى كافرلرنيىگ برانغار و جوانغارلرنيى قۇل بىلن بيرليكدە بير يېرگە تۇپلەدى.

نامدار جنگچيلر يىمىز غلبەسى اثرلرى و اسلام بيراغى نىىگ يوقارى كۇتريليشى ظاهر بۇلە بارگنى سرى، او ملعون كافرلر و يرەمس دينسىزلر بير مدت اۈز حاللرگە حيران بۇلىب تورديلر. آخردە جانلريدن كۇنگىل اوزيب، قۇل نىىگ اۈنگ و سۇليدە هجۇمگە اۋتديلر. سۇل تاماندە كۇپراق هجۇم قىلىب، اۈزلرنيى يقين يېتكزدىلر. اما شجاعىلى غازيلر ثوابنى كۇزدە توتىب، اۈق كۇچتىنى هر بيرلر نىىگ كۇكرەكلرى زمينىگە اۋتقزدىلر و همەلرنيى اۈزلر نىىگ قارە بختلرى كىي آرقەگە قىترديلر. و او حالت نصرت و اقبال شبادەلرنيى قوتلوق نوابلىك دولتىمىز چمنىگە اېستىردى. و «حقيقتاً، بىز سېنگە يارقىن غلبە اېشىگىنى اچدىك» مژدەسىنى يېتكزدى. فتح گۇزەلى نىىگ عالمگە آرا پروۈچى جمالى «اللە سېنگە اولوغ نصرت بىلن كۇمك بېردى» كاكلى بىلن بېزەلىب، پردە آستيدە يشيرىنىب تورگن اقبال سعادىتى ياردەم بېرىب، بو حال نىىگ گواھى بۇلدى.

بوزوق ھندلر اۈز حاللرنيى مشكل بىلىب، "تيتىلگن يونگدېك" ساجىلىب و تۇزىگن پلاسدىك نابود بۇلدىلر. كۇپلر اۋلىب، معركە ميدانىدە قالدىلر، بير مونچەلرى باشلريدن كېچىپ چۇللردە سىرسانلىككە توشدىلر و قرغە-قوزغونگە يېمىش بۇلدىلر. اۈلگنلردن تېپەلر و باشلردن منارەلر يۈزەگە كېلدى. حسن خان مېۋاتى توفىگ ضربى بىلن اۈلگنلر قاتارىگە تىز يىلدى؛ خلاق سىردارى بۇلىب كېلگن، يۇلدن آزگن سركشلىرنىىگ كۇپلرى اۈق و توفىگ تېگىپ حياتلرنيى توگتدىلر. جملەدن، اودەپپور ولايتى نىىگ حاكىمى، اۈن ايگى مېنىگ سۈارىلى رۋال اودەي سىنگە بگرى؛ تۇرت مېنىگ سۈارىلى راي چىندىرېن چەۋھن؛ آلتى

مینگ سواری‌لی چندبری اۈلکەسى نینگ حاکمی بوپت رو مذکور صلاح‌الدین اۈغلى؛
تۇرت مینگ سواری‌لی منیکچند چهوھن و دِلپت رو؛ اۋتیز مینگ سواری‌لی گنگو،
کرم‌سینگه و دنگورسی، ینە هر بیرى بیر گروه باشلیغى و شوکت هم شکوه اېگەسى بۇلگن
باشقەلری تموققە یۇللندیلر و بو باتقاقلیک اۋتیدن اېنگ چوقورلیککە کپتدیلر. کافرلر نینگ
مملکتی مجروحلر و اۋلیکلر بیلن جهنمدېک تۇلدى، جهنم نینگ اېنگ تویى دۇزخ
پاسبانیکە جان تاپشیرگن منافقلرگە لیمالیم بۇلدى.

اسلام عسکرلریدن هر کیم بیر تامانگە بارسە، هر قدمده بیر سرکش نینگ اۋلیگینی تاپر
اېدی. اۋردوگە قاچووچیلر کپتیدن یوگورسە، هر بیر قدمینی ینچیلگن بیر حشمتلی گودەدن
خالی تاپمس اېدی.

همه هندولر اۋلدریلگن خوارزار،

توفنگ تاشی بیلن، "اصحاب فیل" دەی.

تنەلردن تاغلر بۇلدى عیان،

هر بیر تاغده او چشمەدن آقردی قان.

زۇر شۇکوه‌لی صف اۋقى نینگ قۇرقینچیدهی

ساقیشردی هر بیر دشت و تاغ تامان.

۹۳۳ (هجری) ییل، شعبان آیى نینگ ۲۵ - نچیسیده بیتیلدی.

بو غلبەدن کپین "طغرا"۳ دە "غازی" سۇزی بیتیلدی. فتحنامەده طغرانینگ آستیده اوشبو

رباعى نى بیتدیم:

اسلام اوچون آواره‌ی یازى بۇلدوم، کفار و هندو حرب سازى بۇلدوم،

جزم ایلاب اېدیم اۋزنى شهید اۈلماققە المّٰلله که غازى بۇلدوم.

۳- طغرا — بوبروق وبارلیقلر نینگ تېپەسیگە کتبییه قیلیب یازیلگن پادشاه بېلگىسى.

شيخ زين بو فتحگه "فتح پادشاه اسلام" جملەسىنى تارىخ قىلىپ تاپگن اېدى. ميرغياث هم تارىخنى اوشبو جملەدن تاپىپ، رباعى يېتىپ، كابل دن كېلە ياتگن كىشىلردن مېنگە يوبارگن اېدى. توارد روى بېرىدى. هم شيخ زين، هم ميرغياث نىنگ رباىلردن تاپگن سۆزلرى جودە يىخشى بۇلگنلىگى اوچون اۋشە سۆزلرنىنگ اۋزى كېلتىرىلدى. يەنە بىر سفر دىيالپور فتحىدە شيخ زين "وسعت شهر ربيع الاول" نى تارىخ قىلگن اېدى. ميرغياث هم شو سۆزلردن تارىخ تاپگندى.

دشمن نى يىكسان قىلىپ، آرتىدن قوويپ بارىپ، سۈلەدىك. كافرنىنگ قارگاھى يىزىنىنگ اۋردەدن ايگى كورۈە نرىدە اېدى. اۋردەسىگچە يېتىپ بارگچ، محمدى، عبدالعزيز، عليخان و يەنە بعضى آدملىرىمىزنى كافرنىنگ آرتىدن قوويپ بارىش اوچون جۈنەتدىك. آزگىنە بى پروالىك بۇلدى. بىراۋگە ايشانمەى، اۋزىم بارىشىم كېرەك اېدى. كافرلر قارگاھىدن بىر كورۈەچە مسافە باسىپ اۋتگن اېدىم. كون كېچە بۇلگنى باعث قىتدىك، خفتن نمازى پىتى اۋردەگە كېلدىك.

محمد شريف منجم، قنچە شوم نفسلىكلر قىلگن اېدى، درحال مباركباد قىلىشگە كېلدى. قتيق سۈكيب، ايچىمنى بۈشەتدىم. گرچە او كافرسىفت و شوم نفس، اۋزىگە جودە مغرور و كۇپ ساووق كىشى بۇلسەدە، مېنگە كۇپ يىللردن بويان خدەمت قىلىپ كېلردى. اونگە بىر لك انعام قىلدىم و مېنىنگ قۇلىم آستىدە بۇلگن مملكتلردە قالمسلىگىنى ايتىپ، رخصت بېردىم.

كېنىگى كوننى هم شولشكرگاھدە اۋتكزدىك. محمد على جنگ-جنگ، شيخ گورن و عبدالملك قۇرچى (مىلتىقچى) كتە گروە بىلن مىان دوآبە عصيان كۇترىپ، گۈيىل نى

۴- "فتح پادشاه اسلام" جملەسى اجد حرفلرى بىلن يازىلىپ، بو حسابدە حسابلب چىقىلسە، ۹۳۳ هجري يىل كېلىپ چىقەدى، ميلادىي يىل حسابىدە ۱۵۲۷ يىل.

۵- "وسعت شهر ربيع الاول" جملەسىدە گى عربى حرفلر اجد حسابىدە آلىنىپ قۇشىلگندە، هجري ۹۳۰ چىقەدى، ميلادىي ۱۵۲۴ يىل.

اېگلب، كيچىك على نى اسير قىلىپ آلگن الياس خان اوستىگە يوبارىلدى. بولر يېتىب بارگنلر يە الياس خان نىنگ آدملىرى اوروشالমে، صفى بوزىلىپ، هر تامانگە ترقب كېتەدىلر. مېن اگرەگە كېلگىنمەن بىر نېچە كون كېين الياس خان نى توتىپ كېلتىردىلر، تىرىكلەيىن تېرىسىنى شىلدىردىم. اوردونىنگ قرشىسىدە جايلىشگن كۈھبچە تېپەلىگى اوستىدە (اوروش شو پېردە صادر بۇلگندى)، كۈھ منار قوريشلرىنى بويورىپ، فرمان بېردىم.

بو جايدىن ايگى منزل يورىپ، بيانەگە باردىك. بيانەگە يېتگۈنچە، حتا آلور و مېوات گچە بۇلگن پېرلردە كافر و مُرتدلىرىنىڭ اۋلىگى تۇلىپ ياتردى. مېن بارىپ بيانەنى سىر قىلدىم. قارارگەگە كېلىپ، تورك و ھند امىرلىرىنى چارلب بو كافرىنىڭ (رنا سىنگانىڭ) پېرلىرى اوستىگە باستىرىپ بارىشنى كېنگىشاپ آلدىك. يۇلدە سوو آلىگى و ھوا حددن زىاد ايسىق بۇلگنلىگى باعث بو يورىش توختە تىلدى.

مېوات ولايتى دەھلىگە يقىن پېردە جايلىشگن. تخمىنأ اوچ-تۇرت كرورچە درآمىدى بار. حسن خان مېواتىگە بو پېرلر آتە-باباسىدن قالگن، اولر بو پېرلرنى يوز-ايگى يوز يىللردن بويان مستقل باشقريب كېلگنلر. دەھلى سىلطانىگە ايسە يريم-يارتى بۋى سونىپ كېلىشركن. ھند سىلطانلىرى ولايتلىرىنىڭ كۈتەلىگىدن يا فرصتلىرىنىڭ آزلىگىدن يا خود مېوات پېرلىرىنىڭ تاغلى جايلىر بۇلگنلىگى باعث اونگە قىزىلىپ ھم قرەمە، اۋزلىگە تۇلىق بۋى سوندىرىشگە حركت قىلمەگنلر، مېواتلىكلر اولرگە شونچەكە اطاعت قىلەدىگندېك اېدىلر. بىز ھم ھند فتحىدن سۇنگ سابىق سىلطانلر يۇلىنى توتىپ، حسن خان نىڭ حرمتىنى جايىگە قۇيدىك. اما بو كۇر نمك، كافرىست ايمانسىز بىزنىڭ لطف و عنايتلىرىمىزنى اونوتىدى، غمخۇرلىك و حرمت كۇرسىتىمىز اوچون شكر قىلمەدى، بلكە اۋل ھم يازگىمىزدېك، برچە فتنەلرگە اۋت قۇيوۋچى و برچە يامانلىكلرگە سىبچى اونىڭ اۋزى بۇلدى.

كافىرلرگە قرشى يورىش قالدىرىلگىندىن كېين مېواتنى اېگىلش اوچون يۇلگە توشدىك. تۇرت منزلدە تۇختىپ، مېوات حىكمدارى اۋتىرگن آلور قۇرغانىدن آلتى كوروھلىك مسافەدە

مانس درياسى قيرغايىگە كېلىپ توشىدىك. حسن خان دن بورون آتە-باباسى تيجرەدە اۆتيريش اېكن. مېن هندوستان گە كيىرىپ، پھر خان نى باسىپ، لاھور و ديپالپورنى قۇلگە آلگن يىلى مېندن قۇرققنى باعث احتياطكارلىك قىلىپ، بو قۇرغاننى بنا قىلىشگە كيىرىشگن اېدى.

حسن خان نىنگ كرم چند اسملى آبرولى كىشىلريدن يىرى حسن خان نىنگ اۇغلى آگرەدە اېكنيدە ھم كېلگندى. اۇغلى نىنگ قاشيدن كېلىپ الوردە امانلىك سۇرەدى. اونگە عبدالرحيم شيغاوولنى قۇشىپ، چقىرىق فرمانلرى بىلن جونتديم. او بارىپ حسن خان نىنگ اۇغلى ناھر خان نى آلىپ كېلدى. يەنە مرحمت كۇرسەتىپ، خدمتى اوچون بىر نېچە لكلىك ولايتلرنى بېردىم.

اوروشدە خسرونى كتە قھرمانلىك كۇرستدى، دېب اۋىلب، اونگە تيرىكچىلىك يراغى اوچون اېلىك لكلىك پېر اجرەتىپ، آلورنى باشقىرىش ايتىلدى. بدبختلىگيدن ناز قىلىپ، آلورنى آلەمدى. كېينراق قھرمانلىكنى چىن تېمورسلطان كۇرستگنلىگى معلوم بۇلدى. جولدو (مكافات) سلطان نامىگە بۇلدى. اونگە مېوات نىنگ پايتختى تيجرە شھرىنى عنايت قىلىپ، تيرىكچىلىگى اوچون اېلىك لكلىك درآمدى بار پېر بېلگىلندى.

سنگا اوروشيدە اۋنگ قۇل تۇلغەمەسیدە باشقەلردن كۇرە يىخىى جنگ قىلگن توردى گە خدمت حقىنى اون بېش لك قىلىپ، اۋزىگە آلور قۇرغانى انعام قىلىندى. آلور قۇرغانى نىنگ خزينەسى ايچيدە گىلرى بىلن يىرگە ھمايون گە عنايت قىلىندى.

او لشكرگاهدن رجب آيى نىنگ بىرىنچى كونى، چارشنبەدە جۇنپ كېتىپ، آلورگە ايگى كوروھ يقىن كېلىپ قالدىك. مېن بارىپ آلور قۇرغانىنى سىر قىلدىم. توننى اۋشە پېردە اۆتكزىپ، اېرتەلب قرارگاهە قېتىپ كېلدىم.

كافرگە قرشى غزاتدن بورونراق كتە و كيچىك قسم ايچگننى يازگن اېدىك؛ اۋشندە بوغلبەدن كېين ھىچ كىمگە ھىچ قندەى مجبوريت يوكلە تىلەمىدى، كىم كە كېتماقچى بۇلسە، رخصت بېرىلەدى، دېب ايتگندىك. ھمايون نوكرلرى نىنگ كۇيچىلىگى بدخشان و اۋشە طرفلردن كېلگن كىشىلر اېدى. اولر ھىچ قچان بىر آي-ايگى آيگە عسكركلىككە كېتگن

ایمسیدیلر. اوروشدن آلدین اولرنینگ بی طاقت بؤلہ باشلہ گنلیکلرینی کؤریب، اولرگہ شوندهی وعده بیرگندیم. بونینگ اوستیگہ کابل هم بؤش اېدی. شوباعث همایوننی کابل گہ جؤنه تیشگہ قرار قیلدیک. شوندهی کبلیشیب آگچ، تورت-بېش کوروه یوریب، مانس دریاسی قیراغیده تۆخته دیک. مهدی خواجه هم کؤپ خواطرده اېدی، اونگہ هم کابل گہ کبتیش اوچون رخصت بیردیک. بیانه نینگ شیقدارلیگی (سالیق ییغووچیسى لوازمی) دؤست اېشیک آغہ گہ بیریلدی. اول آتاوه مهدی خواجه گہ اتلگندی. قطبخان آتاوه نی تشلب قاجیب چیققینده، مهدی خواجه نینگ اؤرنیگہ اؤغلی جعفر خواجه آتاوه گہ یوباریلدی. همایون گہ رخصت بیرگنیمیز مناسبتی بیلن اوچ-تورت کون شو قۇنیمجایده توردیک. اوشبو جایدن مؤمن علی تواچی فتحنامه بیلن کابل گہ یوباریلدی.

پیرؤزپور (فیروزپور) چشمه سی و کاتله ده گی کتہ کؤل نینگ تعریفینی اېشیتگندیم. هم همایوننی کوزہ تیش، هم بو یپرلرنی سیر قیلیش نیتیده یکشنبه کونی لشکرنی اوشه پیرده قالدیریب، آتلندیم. اوشه کونی پیرؤزپور چشمه سینى تماشا قیلیب، معجون پیدیک. چشمه سووی آقیب اؤته دیگن دره نینگ همه پیرده کنیر گللری آچیلیب یاتیدى. بو یپرلر تعریف قیلگنلریدک بؤلسمه ده، صفادان خالی اېمس. اوشبو دره نینگ ایچیده، قه پیرده که سوو یاییلیب آقه یاتگن بؤلسه، اوشه جایگہ تاشلرنی تراشلب، اونگہ-اؤن (قری) قیلیب اؤرنه تیشلرینی بو یوردیم.

کېچهنی شو دره ده اؤتکزیب، اېرتەلب آتلیب، باریب کاتله کؤلینی سیر قیلدیم. او همه طرفیدن تاغ اېتکلری بیلن اؤره لگن. ایتیشلریچه، مانس سووی شو کؤلگہ آقیب کیررکن. کؤل جوده کتہ، اونینگ بیر قیراغیدن ایگینچی قیراغی یخشی کؤرینمه یدى. کؤل اطرافیده انچه گینه کیچیک-کیچیک کبمه چه لر بار. ایتیشلریچه، اطرافده گی قیشلاقلرنینگ اھالیسی اوروش-جنجلر پیتی شو کبمه لرگہ توشیب، اؤزلرینی قوتقر اېکن. بیز بارگنیمیزده هم بیر قنچه کیشیلر کبمه گہ توشیب، کؤل ایچیکہ سوزیب کبتدیلر.

کؤلنی سیر قیلیب قیتگچ، همایون نینگ اؤرده سیگہ توشدیک. او پیرده دم آلیب،

طعاملىنىپ، مىرزا و اونىنىڭ بېكلىرىگە سىرۋال كىيىدىرىپ، ھامايون بىلەن خىرلىشىپ، خەتتە نمازى پىتى جۈنەدىك. يۈلدە بىر يېردە اوخلىپ، يەنە يۈلگە توشىپ، تانگ آتگندە كوھرى ولايتىدىن اۋتىپ، يەنە بىر آز اوخلىپ، تۈددە تۇختەگن لشكرگە يېتىپ كېلىدىك.

تۈددەن جۈن ب سۈنكرەدە تۇختەگنىمىزدە، حسن خان مېۋاتىنىڭ اۋغلى ناھرخان عبدالرحىم گە تاپشېرىلگن اېدى، قاجىپ كېتىدى. او يېردىن بىر مىنل اۋتىپ، بوساۋر و چوسنىڭ اۋرتەسىدە-تاغنىڭ توشوغىدە جايلىشگن چىشمە يانىدە تۇختىپ، چادرلار تىكتىرىپ، معجون يېدىك. بو يېرلردىن اوتەياتگنىمىزدە توردى بېك خاكسار بو چىشمەنى مەقتەگن اېدى. آتدە كېلىپ تاماشا قىلىپ اۋتگندىك. چىندىن جودە چىرايلى چىشمە اېكن. آقر سوو تاپىپ بۇلمەيدىگن ھندوستاندە بوندە چىشمە بولاقلىرى قندە بىنا بۇلگن. احيان-احياندە اوچرىدىگن چىشمەلر يېردىن زخ سوويدېك سىزىپ چىقەدى، بىزنىڭ اۋلكەلردەگى بولاقلىرىدېك قېنىپ چىقمەيدى. بو چىشمەنىڭ سووى يېرىم تېگىرمان^۶ سوويگە يقىن. او تاغ آرەسىدىن قېنىپ چىقەدى، اطرافى يىم-يىشىل اۋت بىلەن قاپلىنگن، مېنگە جودە ياقىدى. بو چىشمە اوستىدە تراشلىنگن تاشلردىن سگىز بورچكىلى (مىن شىكلىدە) حوض يىشىلرىنى بو يوردىم. چىشمە ياقەسىدە معجونخۇرلىك قىلىپ اۋتىرگنىمىزدە، توردى بېك غرور بىلەن «قېتەقېتە: مېن بو يېرىنى مەقتەگن اېكنىمىن، اونگە نام بېرىش كېرەك»، دېپ تىكرارلەدى. عبداللە: "پادشاھنىڭ توردى بېك ياقىتىرگن چىشمەسى" دېيىش كېرەك، دېپ قالدى. اونىڭ بو سۆزلىرى قىتق كۈلگى و شادانلىككە سەبب بۇلدى.

دۈست اېشىك آغە بىانەدىن شو چىشمە باشىدە كېلىپ، الثفات كۆرسىتىدى. بو يېردىن كېتىپ، يەنە بارىپ بىانەنى سېر قىلدىم. او يېرىنى سېر قىلىپ، سېكرىگە كېلىپ، برپا اېتىشلىرى اۋلدىن تەيىنلىنگن باغ يانىدە توشىپ، او يېردە ايگى كۈن توردىم. باغنى يىخشى تۈتىش حەقىدە كۆرسىتمە بېرىپ، رجب آيىنىڭ يىگىرمە اوچىنچىسىدە، پىنجىشەنە كۈنى تانگ سەھردە

۶-بىر تېگىرمان سوو - تېگىرمانىڭ تاشىنى ايلنتىروۋچى آقرسوو مىقدارى.

اگره گه كېلدىم. اول ايتىب اۋتگنيمىزدېك، غوغا-تۇپالانلار پىتىدە مخالفلر چىندور و رپرېنى اۋز تصريفىگه آلكندىلر. محمدعلى جنگ-جنگ، توردى بېك قۇچېك، عبدالملك قۇرچى وحسینخان دریاخان نینگ آدملىرى بىلن چىندور و رپرې اوستىگه يوبارىلدى. اولر چىندورگه يقىنلىشكنلرىدە، ايچكريدە بۇلگن قۇبىخان نینگ آدملىرى خبر تاپىپ، قاجىب چىقەدىلر، چىندورنى قۇلگه آلىپ، رپرېگه قرەب يۈرەدىلر. حسين خان نوهانى نینگ آدملىرى شهر دروازه سى آلدىگه بير آز اوروشىش نىتىدە كېلەدىلر. بىزىنىڭ جنگچىلر باستىرىپ بارگچ، تۇختەمەي قاقچەدىلر. حسين خان نینگ اۋزى فىلگە مېنىپ، بير نېچە كىشىسى بىلن درياگە كىرەدى، خۇدۇ چۇكىپ كېتگندېك اېدى. بو خبرنى اېشيتگن قۇبىخان هم آتاۋەنى تشلب آزگىنە آدمى بىلن قاجىب قالەدى.

آتاۋە دستلب مەھدى خواجه گە اتلگن اېدى. اۋغلى جعفر خواجه مەھدى خواجه اۋرنىگە آتاۋەگە يوبارىلدى. اول ذكر اېتگنيمىزدېك، سىنگا كافىرگە قرشى يۈرۈش پىتى كۇپ گىنە هندوستانلىك و افغانلر مېندن اوزاقلىشىدى. اولرنىڭ برچەسى تەيىنلىگن ولايت و يەرلرگە اېگە بۇلدى.

محمد دۇلداي قۇتۇجنى تشلب كېلگن اېدى. قۇرقىنىدىن ياكە اۋيەلگىنىدىن قۇتۇج گە بارىشنى قبول قىلمىسدىن، قۇتۇج نىڭ اۋتتيز لىكلىك درامدىنى سەھرىندىنىڭ اۋن بېش لىكلىك درامدىگە المىشىدى. قۇتۇجنى محمد سلطان مىرزاگە عنایت قىلىپ، خدمت حقىنى اۋتتيز لىك قىلىپ بېلگىلەدىك. بوداۋوننى قاسم حسين سلطان گە بېرىپ، محمد سلطان گە قۇشلىشىنى بو يۈردىك. يەنە تورك امىرلىرىدىن ملك قاسم بابا قىشقەنى اكە-اۋكەلرى و مۇغوللرى بىلن، عبدالمحمد نىزەبازنى، محى الدين آتەسى نىڭ نوكرلىرى بىلن، حسين خاننى درياخان نىڭ آدملىرى بىلن، سلطان محمد دۇلداينى نوكرلىرى بىلن، يەنە هند امىرلىرىدىن على خان فرمولى، ملكداد كرەنى، شىخ محمد، شىخ بكري و تاتارخان خان جهاننى محمد سلطان مىرزاگە قۇشىپ، سىنگا كافىرنىڭ اوروش-تۇپالانلرى وقتىدە كېلىپ، لىكناورنى قىل قىلگن بېىن نىڭ اوستىگە يوباردىم. بو قسم گىگ درياسىدىن اۋتەياتگىنىدە، بېىن خبر تاپىپ، سفر انجاملىرىنى

تشلېب، قاچىب كېتىدى. قىسم خىر آبادگىچە اونىنگ آرتىدن قوويىب بارىب، اۋشە يېردە بىر نېچە كۈن تورىب، قىتىدى.

خزىنەنى اولشىب اولگورگن اېدىم. بىر و ولايتلارنى تىقسىملىق بېرەمىز دېگەندە، كافىر بىلەن بۆلگەن ايشلار آرەگە توشدى. كافىرگە قارشى اوروشدن قوتولگىچ، بىر و ولايتلارنى تىقسىم قىلدىك. پشە كال يىقىنلاشىپ قالگىنى باعث ھەر كىم نىنگ اۋز يېرىگە بارىب حاضىرلىك كۆرىشى و يامغىر موسومى توگەگىچ، آلدىمگە كېلىشىگە قارار قىلدىك.

شوپىت ھامىيون دھلى گە بارىب، دھلى دەگى خزىنە سىقلەندىگەن اويلردىن بىر نېچەسىنى آچىب، اولارنى بىي حىكم اۋز تىصرفىگە آلگىنى حقىدە خىر كېلدى. مېن ھىچ قىچان اوندىن بونى كۈتمەگەن اېدىم. كۈنگىلىمگە جودە آغىر كېلدى. قىتق-قۇپال سۆزلەر بىلەن نصىحتلەر بىتەپ، يوباردىم.

شەبان آيى نىنگ اۋن بېشىنچىسىدە، پىنجىشەبە كۈنى عراققە اېلچىلىككە بارىب سىلىمان توركىمەن بىلەن كېلگەن خواجه غياث الدىن نى سىلىمان توركىمەن گە قۇشىپ، شەزادە تھماسپ گە ساوغەلەر بىلەن عراققە اېلچىلىككە جۇنتىدىك.

توردى بېك خاكسارنى درويشلىكدن چىقىرىپ، سپاھىلىككە آلگەن اېدىم، بىر نېچە يىل خىدمەتمىنى قىلدى. اونىنگ درويشلىككە مىلى يەنە كوچەيدى و مېندىن رىخىست سۆرەدى. اونىگە رىخىست بېردىم و كامران نىنگ آلدىگە اېلچى سىقتىدە جۇنتىدىم. اوتىگەن يىلى كېتىگەنلارنىنگ حىسب ھالىگە بىر قىطعە ايتىلگەن اېدى. ملا علىخان اۋقىسىن دېپ، بو قىطعەنى توردى بېكدن بېرىپ يوباردىم. او قىطعە مەنە بو دىر:

ابى الرىكىم، بو ھەند كىشورىدىن
باردىنگىز انگىل بۆرگە رىنج و الم،
كابل و خوش ھواسىنى ساغىنىپ،
ھەنددىن گىرم باردىنگىز اول دىم.
كۆردىنگىز تاپتىنگىز اېكىن اندە،

عشرت و عيش بيرله ناز و نعم.
بىز دهغى اۋلمه دوک، بحمدلله،
گرچه کۈپ رنج ابدى و بېحد غم،
حظ نفسى و مشقت بدنى،
سيزدن اۋتتى و اۋتتى بيزدين هم.

بو رمضاننى "هشت بهشت" باغیده اۋتکزديک. هر بير تراويح نمازى غسل بيلن اۋتدى.
اۋن بير ياشيمدن بېرى ايگى رمضان هييتىنى كېتمه-كېت بير جايدە اۋتکزگن اېمسمن. اۋتگن
رمضان هييتى آگرده كېلگندى. بو عادت بوزيلمه سين دېب، يکشنبه ده، آى نینگ آخرگى
كونى هييت قىليب سېكرى گه باردىک. سېكرى ده سالىنگن "باغ فتح" نینگ غربى-شمال
طرفیده گى تاش سوپه تيار بۇلگن ابدى. شو سوپه اوستيگه آق اۋى تېكىب، اۋشه بېردە هييت
قىلدىک. آگرده دن جۈنه گن آقشام مير على قۇرچى نى تته گه شاه حسن نینگ آلدیگه يوباردىک.
شاه حسين نینگ کنجفه (قرته) اۋينش گه مىلى کوچلى ابدى، کنجفه سۈره گندى، شونى
بېرىب يوباردىک.

ذوالقعه آى نینگ بېشىنچىسىده، يکشنبه كونى تاماغيم آغريدى. اۋن يېتى كون
چۈزىلدى.

مذکور آى نینگ يېگيرمه تۈرتىنچىسىده، جمعه كونى دۈلپورنى سېر قىلىشگه باردىک.
كېچە سى يريم يۈلدە بير بېردە اوخلب، تانگده سلطان اسكندر تۇغانىگه كېلىپ توشديم.
تۇغاندن قويىراقده-تاغ نینگ توگش جايیده يخليت قىزىل عمارت تاشى بار اېکن. استاد شاه
محمد سنگتراشنى كېلتىرىشلىرىنى و اگر اوندن يخليت اوى تراشلب، قورىش ممكن بۇلسه،
يىشلىرىنى بويوردىم. اگر پستلىك قىلسه، عمارت اوچون تېكىسلنگن تاشدن يخليت حوض
اۋيىشلىرىنى بويوردىم.

دۈلپوردن بىرى تامانگه سېر قىلدىک. اېرتە سى بىرى دن چىقىب، بىرى بيلن چَنْبَل
آره سیده گى تاغدن اۋتىب، چَنْبَل درياسىنى تماش قىلىپ قېتىدىک. بىرى بيلن چَنْبَل

آره‌ليغيدەگى تاغده آبنوس^۷ درختىنى كۆردىك. اونىنگ مېۋەسىنى تىندو دېيدى. آبنوس درختى نىنگ آقى ھەم بۇلر كەن. بو تاغده اساساً آق آبنوس اۋسگەن اېدى. بىرىدن كېتىپ، سېكرىنى سىر قىلىپ، شو آى نىنگ يىگىرمە تۇقۇزىنچىسىدە، چارشەنبە كۈنى آگرەگە كېلدىك. شو كۈنلرى شىخ بايزىددن تورلى توتۇرىقسىز خەبەرلەر ايتىپ كېلدىلەر. سلطان على توركنى، يىگىرمە كۈندە قېتىپ كېلىش حەقىدەگى وعدەسىنى آلىپ، شىخ بايزىدنىڭ آلدىگە جۇنتىدىك.

ذوالحجە آى نىنگ ايگىنچىسىدە، جەمە كۈنى قىرغاق بىر مەرتە اۋقىلەدىگەن وردنى (دەئەنى) اۋقىشىنى باشلەدەيم. اوشە كۈنلرى اوشبو:

كۆز و قاش و سۆز و تىلىنى مودەبى،

قد و خەد و ساچ و بېلىنى مودەبى —

دېگەن بېتىمنى بېش يۈز تۇرت ۈزەندە تەقەبىلەيدىم. شو باغث رسالە تەرتىپ بېردىم. اوشە كۈنى يەنە تاماغىم آغرىدى، تۇقۇز كۈنگە چۈزىلدى.

ذوالحجە آى نىنگ يىگىرمە تۇقۇزىنچىسىدە، پەنجەشەنبە كۈنى گۈيىل و سەنبىل سىرىگە آتلىندىك.

۷- آبنوس — قارە تۈسلى قەتئىق و خۇشبوۋى درخت.

۸- تەقەبىلە — شەئەردە مەصرەلەرنى آيرىم بۆلگەرگە اجرە تەپ، ۈزىنىنى اۋلەچش.

توقيز يوز اۋتيز تۇرتينچى (۱۵۲۸-۱۵۲۷) يىل واقعه لرى

محرم آيى نىنگ اوليده، شنبه كونى گۈيىل گە كېلىپ توشىدىك. درويش على يوسفنى ھمايون سَنبل دە قالدیرگن اېدى. اولر دريادن اۋتیب، قطب سېروھني و بير قنچە راجەلرنى باسييدىلر. جودە كوپ آدم اۋلديريب، بير قسمى نىنگ باشىنى و بيرتە فيلنى گۈيىل دە اېكنيمدە كېلتىردىلر.

ايگى كون گۈيىلنى سَير قىلىپ، شىخ گورن يالواريپ سۈرەگنى باعث، اونىنگ اويىگە توشىدىك. ضيافت قىلىپ، تارتىقلر كېلتىردى. او بېردن جۈنب، اۋتروى دە تۈختەدىك.

چارشنبه كونى گنگ درياسيدن اۋتیب، سَنبل قىشلاقلىرىدە قۇندىك.

پنجشنبه كونى سَنبل گە كېلىپ توشىدىك. ايگى كون سَنبلنى ايلنىپ، شنبه سحرى او بېردن قَيتىپ كېتىدىك.

يکشنبه كونى سېكندره گە كېلىپ، راوى سېروانى نىنگ اويىگە توشىدىك. آشلىر تارتىپ، خدمتيمىزنى قىلدى. او بېردن تانگ اتمسیدن جۈنب كېتىدىك. يۈلدە بير بهانه بىلن آدملىرىمدن اجرەلىپ، اتمىنى يىلديريب كېتىدىم. اگرەگە بير كوروھ مسافە قالگونىچە يالغيز اۋزىم كېلدىم. شو بېردن اوتگنيمىزدە، آرقەدەگىلر مېنگە كېلىپ قۇشىلدى. پېشىن نمازى چاغى اگرەگە كېلىپ توشىدىك.

محرم آيى نىنگ اۋن آلتىنچىسىدە، يكشنبه كونى ايسىتمە توتىپ، تىترەدىم. كسلىك قىتە-قىتە خروچ قىلىپ، يىگىرمە بېش-يىگىرمە آلتى كونگە چۈزىلدى. سورگى دارو ايچدىم. آخرى قىزدىرووچى دارو ياقدى. اويقوسىزلىك و تشنەلىكدن كۈپ قىينەلدىم. منە شو كسل

بۇلگن كۈنلرىمدە اوچ-تۇرتە رىباعى بىتدىم. اولردن بىرى مەنە بو دىر:

جىسمىمدە ايسىتىمە كۈندە محكم بۇلە دور،

كۈزدىن اوچە دور اويقو چو آقشم بۇلە دور.

هر اىگلەسى غمىم بىلە صبرىمدېك،

بارغان سايى بو آرتە دور، اول كم بۇلە دور.

سفر آيى نىنگ يىگىر مە سگىزىنچىسىدە، شنبە كۈنى عمەبېگم لىر فخر جەھان بېگم و خدىچە سلطان بېگم كېلدىلر. كېمەدە بارىب، سىكندرا بآددن يوقارىراق دە كۈتۈپ آلدىم.

يىكشەنبە كۈنى استاد علىقولى كىتە تۇپىدن تاش آتدى. تاشى جودە اوزاققە آتۈلگن بۇلسەدە، تۇپى مەدە-مەدە بۇلىپ كېتدى. تۇپنىنگ بىر بۇلگى بىر تۇدە آدمىنىنگ اوستىگە توشىپ، اولرنى باسىپ قالدى. اولردن سگىز تەسى ھلاك بۇلدى.

رىبع الاول آيى نىنگ يېتىنچىسىدە، دوشنبە كۈنى سېكرىنى سىر قىلىش اوچون آتلىدىم. گۈيىل دەگى كۈل اىچىگە قورلىشى تەيىنلەنگن سگىز قىرەلى سوپە تيار بۇلگن اېدى. او يەرگە كېمە بىلەن بارىپ، سوپەگە چادر تىكتىرىپ، معجونخۇرلىق قىلدىك. سېكرى سىرىدن قېتىپ كېلىپ رىبع الاول آيى نىنگ اۋن تۇرتىنچىسىدە، دوشنبە كۈنى كېچقورون غزات باشلىش نىتىدە چىندېرىگە قرەب يۇلگە توشدىك. اوچ كوروھگە يقىن يۇل يورىپ، جەلسەردە تۇختەدىك. آدملىرىمىز نىنگ قوراللىش و تيارگرلىك كۈرىشلىرى اوچون شو يېردە اىگى كۈن تورىپ، پنچشەنبە كۈنى جۇن كېتىپ، بارىپ اونوردە تۇختەدىك. اونوردن كېمەگە توشىپ، چىندۈردە اوندىن چىقىدىك، او يېردن مەزىلە-مەزىل كۈچىپ، آي نىنگ يىگىر مە سگىزىنچىسىدە، دوشنبە كۈنى كۈن كېچىگى آلدەدە تۇختەدىك.

رىبع الآخر آيى نىنگ اىككىنچىسىدە، پنچشەنبە كۈنى دريادىن اۋتدىم. تۇرت-بېش كۈن تا لشكر خلقى دريادىن اۋتىپ بۇلگۈنچە، دريانىنگ گاه او، گاه بو قىرغاغىدە تورىپ قالدىم. بىر نېچە كۈن كېمەدە اوستمە-اوست اۋتۇرىپ، معجون يېدىك. چىنەل گنگا درياسىگە كۈن كېچىگىدن بىر-اىگى كوروو يوقارىراق دە قويىلەدى. جەمە كۈنى كېمەگە توشىپ، چىنەل نىنگ

قويلىش جايىدىن اۋتۇب، قارگاه گە كېلدىك.

گرچه شېخ بايزيد دشمنلىگىنى آچىق كۆرستمىسە-دە، اونىنگ حركت وقيله ياتگن ايشلريدن دشمنلىك نىتى سېزىلىپ تورردى. شو سېبدن محمد على جنگ-جنگنى قۇشىندىن آيرىپ، قۇجۇدن محمد سلطان ميرزا و اۋشە پىردەگى سلطان و امىرلردن: قاسم حسين سلطان، شهاب سلطان، ملك قاسم كۆكى، ابوالمحمد نىزە باز، منوچهر خانى اكە-اوكلەرى بىلن، درياخانلار بىلن بيرگەلشېب سىرواردەگى مخالف افغانلار اوستىگە يورىش اوچون يوبارىلدى. شېخ بايزيدگە كېلىپ قۇشلىشنى تكلېف قىلسىنلار، اگر ايشانىب كېلىپ قۇشلىسە، بيرگە كېلسىنلار. مبادا كېلمسە، اېنگ بيرىنچى بۇلىپ، اونى يكسان قىلسىنلار. محمدعلى بير نېچە فىل سۇردى. اونگە اۋنتە چە فىل بېرىلدى. محمدعلى گە رخصت بېرگندىن سۇنگ، بابا چوهرەگە هم بارىپ اولرگە قۇشلىشى اوچون فرمان بېرىلدى. كۆردن بير منزل كېمەدە باسېپ اۋتىلدى.

ربيع الآخر آى نىنگ سگىزىنچىسىدە، چارشنبە كۈنى كېلىپ دن بير كوروه بېرىدە تۇختەدىك. بابا سلطان سەيدخان نىنگ توغىشگن اوكلەسى سلطان خلیل سلطان نىنگ اۋغلى كېلىپ شو قۇنىمجايدە خەتمىمىزگە كىردى. اوتگن يىلى آغەسىدن قاچىپ اندراب چېگرەسىگچە كېلگن و ئۇشيمان بۇلىپ قېتىپ كېتگن اېدى. اۋشندە كاشغر يقىنىگە يېتگىدە خان اونىنگ آلدىگە حيدر ميرزانى يوبارىپ، آرتىگە قېترگن اېكن.

اېرتەسى كۈنى كېلىپ گە كېلىپ عالمخان نىنگ اويىگە توشدىك. او هندوستان رسم-قاعەسى بىلن آش تارتىپ مهمان قىلدى و ساوغەلر كېلتىردى.

آى نىنگ اۋن اوچىنچىسىدە، دوشنبە كۈنى كېلىپ دن جۇنۇب كېتدىك.

جمعه كۈنى ايرىج گە كېلىپ تۇختەدىك.

شنبه كۈنى بايزيدگە (باندېرگە) كېلىپ توشىلدى.

آى نىنگ اۋن تۇقىزىنچىسىدە، يكشنبه كۈنى چىن تېمور سلطان باشچىلىگىدەگى آلتى-يېتتى مىنگ كىشىنى اۋزىمىزدن ايلگر يراق چىندېرى اوستىگە يوباردىك. جۇنۇب كېتگن ايلغار

بېكلىرى: باقى مىنگىبىگى، توردى بېك قۇچبېك، عاشق بكاوول، ملا آفاق، محسن دۇلداي، هندوستان بېكلىرىدىن: شىخ گورن.

آينىڭ يىگىرمە تۇرتىنچىسىدە، جىمە كۈنى كچۈە يىقىنىدە تۇختەدىك. كچۈە اېلىنى اۈزىمىزگە قرەتىپ، كچۈەنى بىرالدىن نىنگ اۋغلىگە بېردىك.

كچۈە-يىخى گىنە جاي. اونىڭ اطرافىدە كىچىك-كىچىك تاغچەلر توشگن. كچۈەنىڭ شرقى-جىنۇبىدە گى تاغ نىڭ اۋرتەسىگە تۇغان سالىنگن و كتە گىنە كۇل حاصل بۇلگن، ایلنەسى بېش-آلتى كوروە كېلەدى. بو كۇل كچۈەنىڭ اوچ طرفىنى تۇسىپ تورىبىدى. غربى-شمال طرفىدە آزگىنە قوروق پىر قالگن بۇلىپ، دروازەسى اۋشە تامانده. بو كۇلدە اوچ-تۇرت كىشى سىغەدىگن كىچىك-كىچىك كېمەلر بار. قىچان كە اھالى بىرار خىطردن قاچىپ كېتماقچى بۇلسە، كېمەلرگە اۋتورىپ، كۇل اىچكىرىسىگە سوزىپ كېتەدى. كچۈەگە پىتگۈنچە يەنە اىگى جايدە منە شۇندەى تاغ آرهسىدە تۇغان قورىپ، كچۈەدەگىدن كىچىكراق اىگىتە كۇل برپا اېتىشىدى.

كچۈەدە بىر كۈن تورىپ، چقان نظارتچى و جودە كۇپ بېلچىلرنى تىيىنلپ، اراپەلر و تۇپ قىيىنچىلىكسىز اۋتىشى اوچون يۇل نىڭ اۋىقىر-چۇنقىر پىرلرنى تېكىسلپ، جىنگلزارلرنى كېسىشلىرنى بويوردىم. كچۈە بىلن چىندېرىنىڭ آرهسى قلىن بىتەزار بىلن قاپلنگن.

كچۈەدن جۇنپ، آردە بىر بار تۇختب، چىندېرىگە اوچ كوروە قالگىدە برهانپور سوويدن اۋتىپ، توشدىك. چىندېرىنىڭ اركى تاغ اوستىگە توشگن. تاشقۇرغانى و شىهرىنىڭ اۋزى تاغ اۋرتەسىدە جايلىشگن. اراپەلر يۈرەدىگن تېكىس يۇلى قۇرغان نىڭ توبىدن اۋتەدى. برهانپوردن جۇنپ، اراپەلر طفىلى چىندېرىدن بىر كوروە قويراقدن يورىلدى.

بىر مرتە تۇختب، آينىڭ يىگىرمە سگىزىنچىسىدە، سەشنىبە كۈنى بىھتخان حوضى نىڭ قىرغاغىدە-تۇغان تېپەسىدە تۇختەدىم. اېرتەسى كۈنى آلتىپ، جىنگ مىدانى-لشكر قىسملرى جايلىشەدىگن پىر-قۇرغان ایلنەسى مركز، اۋىنگ قنات و چپ قنات

قۇشنىلارگە تەقسىملىدى. استاد عليقولى تۇپى اوچون بىر باغده تېكىس يېر تىلەدى. نظارتچى و بېلچىلەرگە تۇپنى اۋرەتەش، توپراق اۋيىب تېپەلىك تېكىشلىرى بويورلىدى. بوتون لشكر خلقىگە قلعه گىرلىك اسبابلى-قلقان (تۇرە)، نروان ھەمدە آلدىندە قلقان بۇلىب بارەدىگن نوكرلارنى تيار قىلىشلىرى حقيده فرمان بۇلدى.

چندېرى اۋللىرى مىنداو پادشاھلىرى قۇلىدە اېدى. سلطان ناصرالدين اۋلگىندىن سۇنگ، اۋغىللىرىدىن يېرى-حاضر ھەم مىنداو دە بۇلگن سلطان محمود مىنداو اۋشە حدودلەرگە اېگەلىك قىلدى. محمدشاھ اسملى يەنە يېراۋغلى چندېرىنى قۇلگە آلىب، سلطان اسكندەرگە ياردەم سۇرەب مىراجەت قىلەدى. سلطان اسكندەر ھەم جودە كۇپ لشكر جۇنەتەب، اونگە حامىلىك قىلەدى. سلطان اسكندەردىن سۇنگ، سلطان ابراھىم نىنگ زامانىدە محمدشاھ اۋلەدى، اوندان احمدشاھ اسملى كىچىك اۋغلى قالەدى. سلطان ابراھىم احمدشاھنى ھىدەب، اۋرنىگە اۋزى نىنگ آدمىنى قۇيەدى. رنا سىنگا ابراھىم نىنگ اوستىگە قۇشنى تارتىپ دۇلپەرگە كېلگن چاغده بېكلىرى سلطان ابراھىمگە قرشى عصيان كۇترەدى. اۋشە پىتدە چندېرى سىنگانىنگ قۇلىگە اۋتەدى. سىنگا او يېرنى مېدىنى رۇ اسملى اولوغ و آبرولى بىر كافەرگە بېرەدى. اۋشە دىمە مېدىنى رۇ تۇرت بېش مىنگ كافەر بىلەن چندېرى قۇرغانىدە اېدى. آرايشخان نىنگ او بىلەن آشنالىگى بار اېكن. عنایت و شفقت قىلىشىمنى ايتىپ، آرايشخان بىلەن شىخ گورنى مېدىنى رۇ آلدىگە يوباردىك. چندېرى اۋرنىگە شمس آبادنى بېرىشنى وعدە قىلدىك. بىر-ايگىتە آبرو-اعتبارلى كىشىسى آلدىمىزگە چىقدى. بىلمەدەم، ايشانمەدىلر مى ياكە قۇرغان نىنگ مستحكملىگىگە ايشانىشىدىمى، صلح ايشى بىتمەدى.

چندېرى قۇرغانىنى ھجوم بىلەن آلىش نىتىدە جمادى الاۋل آيى نىنگ آلتىنچىسىدە، سەشەنبە كۈنى اېرتەلب بېھتخان نىنگ حوضىدىن كۇچىپ، قۇرغان يىقىندەگى اۋرتە حوض قىرغاقىگە توشدىك. شو كۈنى اېرتە بىلەن كېلگن خليفە بىر اىگى تە خط ھەم كېلتىردى. اولرنىنگ مضمونىگە كۆرە، پورابگە يوبارىلگن لشكر آرقە-آلدىنى اۋىلەمەى بارىپ، اوروشگە كىرىپ شكست تاپىدى. لكانونى تشلب قۇچگە كېلىدى. خليفە شو سببىدىن قتيق خواطر و تشويشە اېدى.

مېن: «خواطر و تشويش اۋرىنسىز دىر. خدا بېرگن تقيديرده گيدن باشقەسى بۇلمەيدى. بو ايش آلدينده بۇلگنى اوچون بو حقدە ھېچ نرسە دېمىسلىك كېرەك. ايندينگينە قلەگە ھجوم قىلىپ كۆرەمىز، اوندىن كېين نيمە روى بېرسە، كۆرەۋېرەمىز»، دېدىم.

دشمن فقط اركنى مستحكمەلەگن اپكن. تاشقۇرغاندە ھر احتمالگە قرشى ھەر-ھەر يېرگە بىر-ايگيتەدن آدم قۇيىشگن اپكن. بو آقشام عىسكرلر تشقى قۇرغانگە ھەر طرفدىن يقين كېلدیلر. او يېردە آزگينە آدم بار اېدى، اونچە اوروش ھم بۇلمەدى. دشمن ارکكە قاچىپ كېتدى.

جمادى الاول آيى نىنگ يېتىنچىسىدە، چارشنبە كونى اېرتەلب، عىسكرلرگە قوراللىق، جاي-جايگە بارىپ، اوروش باشلىشلىرى اوچون فرمان بېرىلدى: مېن بىراق كۆتريب ناغارە صدارلى آستيدە آلتىگنىمدە، ھمە طرفدىن ھجوم باشلەسلىر. اوروش قىزىگونچە ناغارە و بىراقنى توتتيرىپ قۇيىپ، اوزىم استاد على نىنگ تۇيدىن تاش آتیشىنى كۆرىش اوچون باردىم. اوچ-تۇرت بار تاش آتدى. يېرى قىيەرەق بۇلمەگنى و شەر قۇرغانى دېۋارى نىنگ مستحكملىگى-بوتونلەى تاشدىن قورىلگنلىگى باعث آتلىگن تاشلرنىنگ تاثيرى بۇلمەدى.

چندېرى اركى نىنگ تاغ اوستيدە جايلىشگنى ذكر اېتىلگندى. بىر طرفدىن سوو اۋتیشى اوچون اوستى يايىق يۇل سالىبدیلر. اونىنگ دېۋارى تاغدىن پستراقە دىر. ھجوم قىلىش ممکن بۇلگن يگانە جاي شو يېر اېدى. مركز قۇشىن نىنگ اۋنگ قۇلى، چپ قۇلى ھمدە بىر تۇدە خاص عىسكرلرگە شو يېرگە جايلىشش تعينلندى. ھەر طرفدىن ھجوم باشلەدىلر. منە شو يېردە قتيق اوروش بۇلدى. كافرلر يوقارىدىن بىر نېچە تاش آتدى، اۋت ياندىرىپ اولاقتىردى، لېكن بو يىگىتلر پروا قىلمەدىلر. آخر-عاقبت تشقى قۇرغان دېۋارى بىلن اوشبو سوو اۋتكزىلگن يېرنىنگ دېۋارى توتشگن جايدىن شاھىم نوربېك كۆتريلدى، يەنە ايگى-اوچ بېردن ھم يىگىتلر تيرمىشىپ چىقدیلر. سوو اۋتكزىلگن يۇل يانيدە تورگن كافرلر قاچەباشلەدىلر و اۋشە يېر اېگللندى.

يوقارى قۇرغاندە گىلر آزگينە ھم اوروشمەى، بىر زومدە قاچىپ قالدیلر. كۆپ يىگىتلر

تىرمىشىپ، يوقارى قۇرغانگە چىقىدىلار. آز فرصت اۋتر-اۋتمس، كافرلر تمام يىلغاچ بۇلىپ، كېلىپ اوروشە باشلەدىلار. كۇپ كىشىلر يىمىزنى چېكىنتىرىپ، دېۋاردن اولاقىتىردىلار. بىر نېچتە آدمىنى چاپىپ، يۇق قىلدىلار. دېۋارنىڭ اوستىدىن بىر زومدە كېتىپ قالگنلرى نىڭ سىبى شو اپكن كە، قلعهنى باي بېرىشلىرى مقرر بۇلگچ، اولر عياللىرى نىڭ ھەمەسىنى چاپىپ، اۋلدىرىپ، اۋزلىرىگە اۋلىمنى تىلب، يىلغاچ بۇلىپ اوروشگە كېلىدىلار. آخر-عاقبت، آدملىرىمىز ھر تاماندن ھجوم قىلىپ، اولرنى دېۋار اوستىدىن اولاقىتىردىلار. ايگى يوز-اۋچ يوز كافر مېدىنى رۈنىڭ حويلىسىگە كىردى. كۇپچىلىگى اوشبو حالتدە بىر-بىرلىرىنى اۋلدىرىدىلار: بىر تەسى بىر قىلىچنى كۇترىپ تورگن بۇلسە، قالگنلرى اۋز خواھشى بىلن نوبتمە-نوبت بۇيىنلرىنى قىلىچ آستىگە قۇيىدىلار. كۇپچىلىك شو يۇل بىلن دۇزخگە كېتىدى.

تىڭرى نىڭ مەرھىتى بىلن بوندەى مشهور قۇرغان بىراقنى كۇترىپ، ناغارەنى چلىپ اولگورمەى، قىيىق كورەشلىرىمىز، ايگى-اۋچ گرىدە قۇلگە كىردى. چىندېرى نىڭ غىرى-شىمال طرفىدەگى تاغ تېپەسىدە كافرلرنىڭ باشىدىن كۈلەنارە كۇترىلدى. بو غلبەنىڭ تارىخىنى "فتح دارالحرب" سۆزلىرىدىن تاپگن اېدىلار. مېن اونگە شونەى شعر باغلىدەيم:

بود چىندى مقام چىندېرى،

پر زكفار و دارالحرب و ضرب.

فتح كردم به حرب قلعه و،

گشت تارىخ: "فتح دارالحرب"

(مضمونى: چىندېرى كۇپ وقتلردن بويان كافرلرگە تۇلگن "دارالحرب" اېدى. اونىڭ قلعهسىنى اوروشىپ قۇلگە كىرىتەيم، "فتح دارالحرب" بونگە تارىخ بۇلدى. (بو تارىخ ابجد حسابىدە ھجرى، مىلادى ۱۵۲۷ يىلگە تۇغرى كېلەدى.)

چىندېرى- جودە گۈزەل جاى. تېۋەرك-اطرافىدە آقر سولرى كۇپ. اركى تاغنىڭ تېپەسىدە جايلىگن، تاغنىڭ اۋرتەسىدە تاشدىن كۈتە حوض اۋيىلگن. يەنە بىر كۈتە حوض بىز ھجوم قىلىپ آلگن دوتەھى دە (سوۋ اۋتكزىلگن اوستى ياپىق يۇل يانىدە) اېدى. عادى كىشىلرنىڭ

ھەم، مرتبەلىلىرىنىڭ ھەم اويلرى تاماشىدىن قورلىگەن. فقط كەتەلىرىنىڭ عمارتلىرى تەكلىف بىلەن، تراشلىگەن تاشلىرىدىن، كىچىكلىرىنىڭ (پەست طبقەدەگىلىرىنىڭ) اويى اېسە تراشلىنمەگەن تاشىدىن قورلىگەن. تاملرىنى ھەم سەفالى اۋرىگە تەختە، تاشلىرى بىلەن ياپىشىگەن. قۇرغاننىڭ آلدەدە اۋچتە كەتە حوض بار. بورونكى حەكمدارلىرى بوتون اطرافىگە تۇغانلىرى سالىپ، حوضلىرى قورگەن اېكىنلىرى. يىرلىرى بىلەنلىككە جايلىشىگەن.

چەندىرىدىن اۋچ كورۋە بېرىدە بېتۋى دېگەن يىر درياچەسى بار. بېتۋى ھىندۇستاندە سوۋىنىڭ يەخشى و خوش تەملىگى بىلەن مەشھۇر بۇلگەن عەجەپ درياچە دىر. اونىڭ اۋرتەسىدە بۇلك-بۇلك عمارت باب قايلەلر بار. چەندىرىگە آگرەدىن جەنۇب سىرى تۇقسان كورۋە يۇل دىر. چەندىرىدە قەتب يولدىۋىنىڭ بىلەنلىگى يىگىرمە بېش درجەگە تېنگە.

اېرتەسى، پەنجەشە كۈنى قۇرغان چەتەدىن كۈچەپ، ملۇخاننىڭ حوضى ياقەسىگە جايلىشىدىك. بىز بو يىرلەرگە چەندىرىنى اېگىللەگەندىن سۇنگە صلاح الدىن كافەرگە تېگىشلى كافەرلىر اۋلكەسى-راى سىنگە، بېلىسان و سىرنگپۇر اۋستىگە يۈرىش نىتەدە كېلگەن اېدىك. بولرىنى قۇلگە آلگەچ، چەتۈرگە سەنگەنىڭ اۋستىگە يۈرىش قىلەمىز. تورلى توتۇرىقسىز، خۇاطرگە سالەدىگەن خەبەرلىر كېلگەنلىگى باغىش بېكىلرىنى چارلىپ، كېنگەش اۋتەكزىپ، بو فەتتە چىلەر و دىشمەنلىرىنىڭ غوغا-تۇپالانلىرىنى دىفە قىلىشكە كىرىشىش اېنىڭ تۇغرى و يەخشى ايش دېپ تاپىلدى. چەندىرى اۋل ذەكر اېتەپ اۋتەگىمىز سۇلتان نەسرالدەننىڭ نىرەسى احمەدشەھەرگە بېرىلدى. چەندىرىدىن خەزىنە درامدىگە اېلىكلىك بېلگىلەنىپ، سالىقدارلىگىنى ملا آفاقە يۈكلەدىك. اونى اېگى-اۋچ مىنگە تورك و ھىندۇستانلىك بىلەن احمەدشەھەرگە كۈمەكلىشىش اۋچون قالدەردىك.

بو ايشلىرىنى تەرتىپكە سالىپ، جەمادى الاۋل آيىنىڭ اۋن يىرىنچىسىدە، يەكشەنبە كۈنى قەتەپ كېلىش نىتەدە ملۇخان حوضىدىن كۈچەپ، برەھانپۇر درياسىنىڭ قىرغاقىگە تۈشىدىك. يەكشەنبە كۈنىنىڭ اۋزەدە بىلەن جەفرخۇجەنى كېلى كېمەلىرىنى كىر كېچىگىگە كېلتەرىشلىرى اۋچون يۈباردىم.

آى نىنگ يىگىر مە تۇرتىنچىسىدە، يىكشنبە كۈنى كىر كېچىگى آلدىدە تۇختى، لىشكرگە كېچىپ اۋتىش اوچون بو يروق بېرىلدى. اۋشە كونلرى آلدىدە جۇن كېتىنلر قنۇجنى ھم تىشلى، رېرىگە كېلىشىدى، ابوالمحمىد نىزەباز شمس آباد قۇرغانىنى قىلگن اېكن، بىراق دىشمن نىنگ كۇپ آدمى كېلىپ، شمس آباد قۇرغانىنى ھجوم بىلن اېگىللىدى، دېگن خبر كېلدى. اوچ-تۇرت كۈن لىشكر دريادن كېچىپ اۋتگۈنچە، گاه دريانىنگ او يۈزىدە، گاه بو يۈزىدە تورىپ قالدىك. دريادن اۋتىپ، مىزلە-مىزل تۇختى، قنۇج سىرى يورىپ، قىزاق يىگىتلرنى دىشمندىن خبر آلىپ كېلىشلىرى اوچون اىلگىرى يوباردىك. قنۇجگە يېتىشىمىزگە ايكى-اوچ مىزل قالىگىدە خبر كېلىتدىلرگە، بو "فىل" توتىشگە بارگىلرنىنگ قارەسىنى كۇرىپ، قنۇجدىن مىروف نىنگ اۋغلى قاقىپ كېتىدى. بىيىن، بايزىد و مىروف بىزنىنگ خبرىمىزنى تاپىپ، گىنگدىن اۋتىپ، گىنگ نىنگ قنۇج تۇغرىسىدەگى شىرقى قىرغاقىدىن اۋتەدىگن كېچىكنى اۋرەب آلىش خىالى بىلن اۋتىرگن اېمىشلىر.

جمادى الآخر آى نىنگ آلتىنچىسىدە، پىنجشنبە كۈنى قنۇجدىن اۋتىپ، گىنگ درياسى نىنگ غىربى قىرغاقىگە توشدىك. بىزنىنگ يىگىتلىرىمىز بارىپ، دىشمن نىنگ بىر نېچتە كېمەسىنى ھجوم بىلن آلدىلر. يوقارى و قويدىن كتە-كىچىك اۋتۇز قىرقتە كېمەنى كېلىتىرىشلى. مىر محمد جالباننى كۇپرىك قورىشگە يىرىدىگن جاي تىلىپ، كۇپرىك قورىشلىدە كېرەك بۇلەدىگن اسبابلرنى حاضىرلىش اوچون جۇنتدىك. اۋردو توشگن جايدىن بىر كوروھچە قويناقدىن جاي كۇرىپ كېلدى. چقان نظارتچىلر تىيىنلىندى. كۇپرىك سالىنەدىگن پىرنىنگ يقىنىدىن استاد علىقولى تۇپ اۋرنەتىپ، تاش آتىش اوچون جاي تىلىپ، تاش آتىش بىلن مىغول بۇلدى. كۇپرىك توشەدىگن بىردىن قويناقدە مىصطفى رومى ضرىزن ارابەلرنى بىر آرالگە آلىپ اۋتىپ، اۋشە آرالدىن ضرىزن آتە باشلىدى. كۇپرىكدىن يوقارىداقەدە مۇلجر كۇتىرىلدى. توفنگ اندازلر مۇلجر اوستىدە مىلتىقنى يىخشى آندىلر. ملك قاسم مۇغول

و يەنە بەعضى يىگىتلەر دريادن كېمەدە بىر-ايگى مرتە كېچىپ اۋتېب، آزچىلىك بۇلسە ھەم، جودە يىخشى جىگ قىلدىلەر.

بابا سلطان و درويش اۋن-اۋن بېش كىشىنى يانىگە آلىب شىجاعت بىلەن، آرقە آلدىگە قرەمەي، بىر كۈنى شامدە كېمە بىلەن دريانى كېچىپ اۋتېب، اوروش ھەم باشلمەي، باشقە بىرەر نرسە ھەم قىلمەي قېتىپ كېلىشىدى. بو ايشلىرى اوچون اولرنى قېتىق كايىدىك. آخر-عاقبت، ملك قاسم جىسارت كۆرسەتتې، آزگىنە آدمى بىلەن دىشمن حلقەسىنى يارىب كىرىپ، اونى سىقىپ قۇيدى. دىشمن جودە كۆپ آدمى و بىرتە فىل بىلەن ھىجوم قىلدى. بولرنى آرقەگە سوردىلەر. كېمەگە توشىپ، كېمەنى يورگىزگۈنلەرگىچە، فىل يېتىپ كېلىپ كېمەنى چۆكتىرىپ يوباردى. ملك قاسم اۋشە اوروشدە ھالاك بۇلدى. بىر نېچە كۈن-تا كۆپرىك قورىلگۈنچە، اوستاد علىقولى تۇپەن يىخشى تاشلار آتدى. بىرىنچى كۈن سگىز مرتە تۇپ آتدى، ايگىنچى كۈن اۋن آلتى مرتە آتدى. اوچ-تۇرت كۈن مەنە شۈندەي تۇپ آتدى. بو تاشلارنى "غازى تۇپ" بىلەن آتدى. بو-سنگا كافرىنىڭ اوروشىدە تاش آتگەن اۋشە تۇپ اېدى. شو باعث اونى "غازى" دېب ناملەدىلەر. يەنە بىر كۆتەرەق تۇپ ھەم قوینگىدى، بىر مرتە تاش آتگىدەياق پرچە لىپ كېتىدى. مىلتىقلىلەر ھەم جودە كۆپ اۋق آتدىلەر. جودە كۆپ كىشىلەر و آتلارنى مىلتىق اۋقى بىلەن قۇلەتدىلەر. قاچگەن قوللەر، خىدمەتچىلەر و يۇلاوچىلارنى آتلار بىلەن آتدىلەر.

كۆپرىك قوروش ايشلىرى آخىرلەپ قالگىدە، جىمادى الآخر آيى نىڭ اۋن تۇقۇزىنچىسىدە، چارشەنبە كۈنى كۆچىپ، كۆپرىك اوستىگە كېلىدىك. افغانلەر كۆپرىك قوروشىمىزگە ايشانگىلەرى كېلمەي، اوستىمىزدىن كۈلگەن اېكىنلەر. پىنجشەنبە كۈنى كۆپرىك تيار بۇلدى. آزگىنە پىيادە و لاھورلىك كۆپرىكدن اۋتدى، بىر آز اوروش بۇلدى.

جىمە كۈنى مەركىزدىن مەخسۇس عىسكر تۇدەسى، اۋنگ قۇل و چى قۇل يىگىتلەرى ھەمدە مىلتىقلىلەر پىيادە اۋتدىلەر. افغانلەر تۇلە قوراللىپ، آت و فىللىرى بىلەن كېلىپ ھىجوم قىلدىلەر. اولر چى قاناتدەگىلەرنى سىقىپ قويدىلەر. مەركىز و اۋنگ قۇلدەگىلەر قىرشىلىك كۆرسەتتې، دىشمنى

چېكىنىشكە مجبور اېتىشدى. ايككى جنگچىمىز كۈپچىلىككەن اجره لىب چىقىپ، آلدىنگە آت سوردىلر. بىرىنى اۋشە دىمىنىڭ اۋزىدە ياق آتدىن توشىرىپ، آلىپ قالدىلر. ىنە بىرىنىڭ آتىنى و اۋزىنى راسە كلكەلەدىلر. آتى آرقە آياقلىرىنى كۈترىپ تىك توردى، آرقەسىگە قىتدى و اۋزىمىزنىڭ كىشىلر آرسىگە كىرىپ يىقىلدى. اۋشە كۈنى يېتى-سگىز تە باش كېلتىردىلر. دشمن نىڭ كۈپ كىشىسى ياي و مىلتىق اۋقلىرىدىن يرەلەندى. اوروش عصر نمازىگچە دوام اېتدى.

كېچقورون كۈپرىككەن اۋتۇنلارنىڭ برچەسىنى آرتگە قىترىدىك. اگر منە شو شنبە كېچەسى كىشىلرىمىز نرىگى تامانگە اۋتكىزىلسە، احتمال، دشمن نىڭ كتە قىسمى قۇلگە توشردى. اما شو نرسە اېسىمگە توشدى كە، اۋتۇن يىلى سەشنبەدە-نورۇز كۈنى سېكرىدىن سىنگاگە قرشى اوروشكە آتلانگىمىزدە، شنبە كۈنى دشمنى يىكسان قىلگندىك. بو يىل چارشنبەدە-نورۇز كۈنى بو دشمنگە قرشى آتلاندىك. يىكشنبە كۈنى دشمن اوستىدىن غلبە قازاندىك، عجايب ايش بۇلردى. شو باعث آدملىرىمىزنى او طرفگە اۋتكىزمەدىك.

شنبە كۈنى دشمن اوروشكە چىقمەدى، اوزاقىدە صف تارتىپ توردى. شو كۈنى كۈپرىككەن اراپەلر اۋتكىزىلدى. اېرتەسى سحرده آدملىرىنىڭ اۋتىشى اوچون فرمان بۇلدى. ناغاره چلىنگن پىت قراوولدىن دشمن كىشىلرى قاچىپ كېتدى، دېگن خبر كېلدى.

چىن تېمور سلطانگە لشكرگە باش بۇلىپ دشمن آرتىدىن قوويپ بارىشكە بو يروق بېردىك. محمدعلى جنگ-جنگ، حسامالدىن على خليفه، محب على خليفه، كۈكى بابا قشقه، دوست محمد بابا قشقه، باقى تاشكندى، ولى قىزىل باشچىلىگىدە قووغىنچى تەيىنلەدىك. اولرگە سلطان بىلن بىرگە بۇلىپ، اونىڭ سۇزىدىن چىقمىسلىك بو يورىلدى. بامداد نمازى چاغى مېن ھەم دريادىن اۋتدىم. تويەلرنى قويىراقىدەگى، كۈرىپ كېلگن كېچىككەن آلىپ اۋتىشلىرى حقىدە حكەم بۇلدى.

اۋشە يىكشنبە كۈنى بىنگر ماوودىن بىر كوروە بېرىدە قارەسوو قىرغاقىگە توشدىك. دشمنى كۈزەتىش اوچون يوبارىلگن كىشىلر يىخشى حركەت قىلمەگندىلر. اولر بىنگر ماوودە تورگن

اېكنلر. او بېردن اۋشە كۈنى پېشىن نمازى چاغى قوزغلىيىدىلر. اېرتەسى كۈنى سحرده بىنگر ماوونىنىڭ آلدېدەگى كۈل ياقەسىدە تۇختەدىك.

شو كۈنى كىچىك خان تاغەمىنىڭ اۋغلى تۇختە بوغە سلطان كېلىپ، خەدمەتىمگە كىردى. جمادى الآخر آيىنىڭ يىگىرمە تۇتۇزىنچىسىدە، شنبە كۈنى لىكانونى سىر قىلىپ كېلىپ، كۈى درياسىدن اۋتىپ تۇختەدىك. شو كۈنى كۈى درياسىدە چۈمىلىدىم. بىلمەدىم، قولايىمگە سوو كىردىمى ياكە هوا تائىرىدىنى، اۋنگ قولايىم يىتىپ قالدى، لېكىن بو بىر نېچە كۈنگىنە دوام اېتدى، قىتق آغرىق بۆلمەدى. اۋد گە بىر-ايگى منزل قالگىنىدە چىن تېمور سلطاننىڭ آدمى كېلىپ، دشمن سىرو درياسىنىڭ نىڭى يوزىدە اۋتۇرىدى، كۈمك يوبارسىنلر، دېگن خەبرىنى بېردى. قزاق (قراچەخان) باشچىلىگىدەگى مىنگە يىقىن يىگىتنى مركزەگىلردن كۈمك اوچون اجرەتدىك.

رجب آيىنىڭ يېتتىنچىسىدە، شنبە كۈنى اۋددن ايگى-اوچ كۈرۈە يوقارىقەدە گگر بىلن سىرونىڭ قۇشلىش جايىدە تۇختەدىك.

شو كۈنگەچە سىرو درياسىنىڭ اۋد رۇپەرەسىدەگى نىڭى قىرغاغىدە شىخ بايزىد اۋرنىشگن اېكن. خط يوبارىپ سلطان بىلن مەزكەرە آلىپ بارىكن، اونىڭ حىلەلرىنى سلطان سېزىپ قالىپ، پېشىن نمازى چاغى قراچەگە آدم يوبارىپ، دريادن كېچىپ اۋتىشگە تيارلەندى. قراچە سلطانگە قۇشلىگچ، تۇختەمسىدن دريادن كېچىپ اۋتەدىلر. اېلىك تەچە آتلىغى و اوچ-تۇرت فىلى بۆلگن دشمن داش بېرالمىسەن قاچىشگە تۈشەدى. بىر نېچە كىشىنى آتەن يىقتىپ، باشىنى كېسىپ، مېنگە يوباردىلر. شەھاب سلطان، توردىبېك، بابا چوھرە، قوچبېك، باقى شىغاۋول سلطانەن كېن كېچىپ اۋتەدىلر. اولردن اولراق اۋتگنلر شىخ بايزىدىنى نماز شامگەچە قوويپ بارەدىلر. شىخ بايزىد اۋزىنى جىنگىلارگە اورىپ قوتۇلەدى. چىن تېمور سلطان كېچەسى قارەسوو ياقەسىدە تۇختە، يىرىم كېچەسى آتلىپ، دشمننىڭ آرتىدن قوويپ باردى. قىرق كۈرۈھچە يۇل باسىپ، سلطان بايزىدىنىڭ عايىلە و يىقىنلىرى شەيدىگن بېرگە يېتەدىلر. اما اولر قاچىپ كېتىشگن اېكن. شو يېردە تەقىب

قىلووچىلر هر طرفگه ترقه ليشه دى. باقى شىغاوول بير نېچه يىگيت بىلن دشمن نىنگ كېتىدن قوويب، شىخ بايزيد نىنگ عايله اعضالىرى و قرينداشلىرىگه يېتىب آلەدى، بير نېچه افغاننى اسير قىلىپ آلىپ كېلىشه دى.

بير نېچه كون اۋدنى و اوشبو يېرلرنى اېگىللىش همده ترتيبگه سالىش اوچون شو جايدە تورىپ قالدىك. اۋددن يېتى سگىز كوروه يوقا ريدە گى سۈرو درياسى قىرغاقلىرىنى اۋقىلىش اوچون يىخشى يېرلر دېب مۇقتەدىلر. او يېرگە مير محمد جالباننى يوباردىك. گگر همده سۈرو دريالرى نىنگ كېچىكلرىنى كۈرىپ كېلدى. آى نىنگ اۋن ايگىنچىسىدە، پىنجشنبە كونى آو قىلىش نىتى بىلن آتلندىم.

تۇقىز يوز اۋتيز بېشىنچى (۱۵۲۸-۱۵۲۹) يىل واقعه لرى

محرم آيى نىنگ اوچىنچىسىدە، جمعه كۈنى چىندېرىگە يۈرىشەن بورونراق مۇلتان مسالەسىدەگى ايشلر اوچون عسكرىنى چقىرتىرگن اېدىم، كېلدى. خلوتخانه دە اېدىم، التفات كۆرسىتدى. اېرتەسى كۈنى تانگدە خواندامير مۇرخ (تارىخچى)، مولانا شهاب معمايى، يونس على نىنگ قىرىنداشى مير ابراهيم قانونى خدمتىمگە كىرىش نىتىدە ھراتدن چىققنلرىگە انچه وقت بۇلگندى، يېتىپ كېلىپ، خدمتىمگە كىردىلر.

آي نىنگ بېشىنچىسىدە، يكشنبه كۈنى عصر نمازى چاغى گواليارنى سىر قىلىش نىتىدە، اونى كىتابلردە "گاليور" دېيىتەدىلر، جووندىن كېچىپ اۋتىپ، اگرە قلعه سىگە كىردىم. ايگى- اوچ كۈندىن كېيىن كابل گە قىتىپ كېتىشى لازىم بۇلگن فخرجهان بېگىم ھمدە خدىجە سلطان بېگىم بىلەن خىرلشىپ، گواليارگە اتلندىم. محمد زمان ميرزا رخصت سۇرەب، اگرەدە قالدى. اۋشە كېچەسى اوچ-تۇرت كۈرۈە يۇل يۈرىپ، كۈتە بىر كۇل ياقەسىدە تۇختىپ، اويقولەدىك. نمازنى اېرتەراق ادا اېتىپ، اتلندىك. گمىر درياسى قىرغاغىدە توشلىنىپ، بېشىن نمازى چاغى او يېردىن جۇنپ كېتىدىك. يۇلدە كىيىتنى كۈترىش اوچون ملارفع تيارلەگن تلقان دارونى ايچدىك. جودە بدخۇر و بې مزە اېكن.

كېچكى پىت عصر نمازى چاغى، دۇلپوردىن بىر كۈرۈە غىرب تامانگە باغ و عمارت سالىشلىرى بويۇرىپ قۇيىلگن اېدى، اۋشە يېرگە كېلىپ توشدىم. مېن بويۇرگن بو باغ و عمارت تاغ نىنگ توگش جايىدە جايلىشىدى. بو تاغ توشوغى نىنگ اوچى يىخلىت قىزىل عمارت تاشىدىن اېدى. مېن بو تاغنى يېرگە قىزىپ توشىشلىرىنى، اگر بو يىخلىت تاشدىن

عمارَت تراشَلَب بۇلسە، عمارَت قوريشلارَينى، اكر او بلند بۇلمسە، تاش نينگ اوستينى تېكىسلَب، حوض اۋيشلارَينى بويورگن اېدىم. تاغ يىكپارە تاشدن عمارَت قورەديگن درجەدە بلند اېمس اېكن. استاد شاه محمد سنگتراش گە صحنى تېكىسلنگن اوشبو تاش نينگ اوستيگە سگيز بورچكلى اۋلچمەدە حوض قوريشنى رېجەلشتيريش تعيينلندى. سنگتراشلار نينگ ايشگە قتيق كيريشلرى حكَم قىلندى.

بويخليت تاشدن حوض اۋيش بويوريلگن يېرنينگ شىماليدە انبە، جامن و باشقە هر خيل درختلر جودە كۆپ. بو درختلر نينگ آرەسیدن اۋنگە-اۋن قرى حجمەدە قودوق قزيش بويوريلگن اېدى، اۋهم يىكونيگە يېتەي دېب قالىدى. بو قودوق نينگ سووى اۋشە حوضگە باريب قويىلەدى. بو حوض نينگ غربى-شمالى تامانيدە سلطان اسكندر تۇغان سالگن. تۇغان نينگ اوستيگە عمارتلر قوريدى. تۇغان تېپەسىدە پشەكالدە سوويغىلىب، كتە كۆل حاصل بۇلەدى. بو كۆل نينگ شرقى طرفلرى باغ دير. كۆل نينگ شرق تامانگە هم يخليت تاشدن سوپەگە اۋخشش جايىلر تراشلىشلارَينى بويوردىم. غرب تامانگە مسجد سالىش تعيينلندى. سەشنبە و چارشنبە كۈنلرى مەنە شو ايشلر اوچون دۆلپوردە تورديك.

پنجشنبه كۈنى آتلىب، چنبل درياسیدن اۋتديك، پېشين نمازىنى دريا ياقەسىدە اۋقىب، ايگى نماز آرەسىدەگى وقتدە چنبل قيرغاغیدن قۇزغەلىب، شام و خفتن نمازلرى اۋرتەسىدە كۋارى درياسیدن اۋتېب توشديك. ياغىنگرچىلىك طفىلى دريا سووى كۋتريلگن اېدى، آتلرنى سوزديريب اۋتكزدىك، اۋزىمىز اېسە كېمە يىلن اۋتديك.

اېرتەسى-جمعه كۈنى عاشور آيى اېدى، او يېردن آتلىب يۇلدە بىر قىشلاقدە توشلنېب، خفتن نمازى چاغى گۈالياردن بىر كۈرۈە شىمال تامانگە اۋتگن يىلى قوريشلارَينى بويورگنيم-چارباققە كېلىب توشديم.

اېرتەسى، پېشين نمازیدن سۇنگ آتلىب گۈاليار شىماليدەگى تېپەلىكلر و نمازگاھنى سىر قىلىپ كېلگچ، گۈالياردەگى راجە مەن سىنگەھ نينگ عمارتى توتەشىب كېتگن ھاتى پۇل دېگن دروازەدن كىرىب رحىمداد اۋتيرگن راجە بىكرامەجىت نينگ عمارتلريگە كېچگە يقىن-عصر

نمازى چاغى كېلىپ توشىدىم. شو كېچە قولاغىم آغرىگىنى اوچون، كېچەنىڭ آيدىنلىكى ھم سبب بۇلگىندى، قارەدارى (افيون) يېدىم. اپرەتەسى كۈنى افيوننىڭ خىمارى كۇپ عذاب بېردى. انچە قىت قىلدىم. شۈنگە قرەمەي، مەن سىنگ و بىكرامەجىت عمارتلىرىنى تمام يورىپ، سىر قىلدىم. گرچە بۇلك-بۇلك و ترتىسىز قورىلگەن بۇلسە ھم، جودە عجايب عمارتلار دىر. بو عمارتلىرىنىڭ ھەممەسى تراشلىنگەن تاشلاردىن دىر. بىرچە راجەلەرنىڭ عمارتلىرىدىن مەن سىنگنىڭ عمارتلىرى يىخشىراق و بلندراق دىر. مەن سىنگ قىسمىنىڭ بىر طرف دېۋارى شىرقە قرەگەن. بو طرفدەگى دېۋارلار باشقە دېۋارلارگە قرەگەندە كۇپراق حىمىتلىراق بۇلىپ، بلندلىكى تەخمىنەن قىرغاق-اېلىك قىرى كېلەدى، تامامەن تراشلىنگەن تاشلاردىن قورىلگەن، سىرتىنى گىچ بىلەن آقۇتىرىدىلەر. بەزى جايلاردا تۇرت قېتىلى عمارتلار بار. اولارنىڭ پىستىكى ايككى قېتى جودە قارارغى. آزگىنە ياروغلىك او يېردە بىر پىس اۋتىرگەندىن كېيىن سېزىلەدى. بو جايلارنى شىمە بىلەن يورىپ، تەماشى قىلدىك. اوشىبو عمارتلىرىنىڭ ھەر بىر طرفىدە بېش تەدەن گىبىز بار. بو گىبىزلىر آرهسىگە ھىندۇستانچە اصولدە قورىلگەن تۇرت قىرەلى كىچىك-كىچىك گىبىزچەلەر توشىگەن. اوشىبو بېشىتە كىتە گىبىز تېپەسى زىر يۈگۈرتىرىلگەن مەس تىنگەلەر بىلەن قاپلىنگەن. بو دېۋارلىرىنىڭ تىشى طرفى يىشىل كاشىن بىلەن بېزەتىلگەن. بوتون اطرافىدەگى دېۋارلارگە يىشىل كاشىن بىلەن كېلە درختلىرىنىڭ تىشىرىنى توشىرىلگەن. قلەنىڭ شىرق طرفىدە دېۋارى بۇرچى آستىدە ھاتىپۇل جايلىشىگەن. ھىندلەر فىلىنى "ھاتى" دروازەنى "پۇل" دېيىپ اتيىدىلەر. دروازەدىن چىقىشىدە بىر فىلنىڭ سۈرىتىنى اۋىيىپ تىشۈرۈلدىلەر، اوستىدە ايككى فىللىرىنى ھەم بار. خۇددى فىلنىڭ اۋزى، جودە يىخىشى اۋخىشە تىشىدى. شو باغى "ھاتىپۇل" دېيىپ اتيىدىلەر. تۇرت قېتىلى عمارتلىرىنىڭ اېنگ پىستىكى قېتىدە بو فىل ھىكلىگە قرەتىلگەن تۈيۈك بار، اوندىن فىل جودە يىقىن كۆرىنەدى. يوقارى قېتىدە ذكر اېتىلگەن گىبىزلىر يۈكسەلىپ تۈرەدى. ايككىنچى قېتىدە يىشىل خانەلرى جايلىشىگەن. بو اويلار ھەم انچە چوقۇردە. گرچە اويلارنى ھىندچە يۈسىندە بېزەگەن بۇلسەلەردە، اما بو جايلار بى ھواراق يېرلەر دىر.

مەن سىنگنىڭ اۋغلى بىكرامەجىتلىرىنىڭ عمارتلىرى قۇرغانلىرىنىڭ شىمال طرفىدە-اۋرەتەراقەدە

جايلشگن. اۋغلى نينگ عمارتلىرى آتەسى نينگ عمارتيچە اېمس. فقط بيرتە كٽە گنبذى بار، جودە قارانغى، او يېردە بير مدت تورگندن سۇنگ گينه كۈزلر روشنلشەدى. بو كٽە گنبذ آستيدە بير كيچىك عمارت قوريلگن بۇلىب، اونگە ھېچ طرفدن ياروغلىك توشمەيدى.

اوشبو كٽە گنبذنينگ اوستيدە رحيمداد كيچىكراق بير تخته سوپە سالييدى. رحيمداد بيكرامە جيت نينگ اوشبو عمارتلىرگە جايلشگج، بكرامە جيت نينگ عمارتلىرىدن اونينگ آتەسى نينگ عمارتلىرگەچە آلىب بارەديگن بير يۇل سالييدى. تشقريدن او بيلينميدى ھم، ايچكريدن ھم ھېچ بير كۈرينميدى، اونگە فقط بعضى يېرلردن ياروغلىك كيرەدى، جودە عجايب يۇل توشگن.

بو عمارتلىرنى سېر قىلىب، آتلىب، رحيمداد سالگن مدرسەنى كېزىب، قۇرغان نينگ جَنوب طرفيدەگى كٽە بير حوض چېتىدە رحيمداد سالگن باغچەنى تاماشا قىلىب، كېچقورون اۋردە توشگن چارباققە كېلدىك.

بو باققە جودە كۈپ گۈللر اېكىلييدى. خوشرنگ قىزىل كنزير گۈللرى ھم جودە كۈپ. بو يېرلر نينگ كنزير گۈلى شفتالو گۈلدېك. گواليار كنزيرى قىپ-قىزىل خوشرنگ كنزيرلر دىر. بير بۈلك قىزىل كنزيرنى گوالياردن آگرە باغلىرگە كېلتىرىپ اېكتىردىم.

بو باغ جَنوبيدە كٽە بير كۈل بار. پشەكال سوولرى شو كۈلدە يىغىلەدى. بو كۈل نينگ غريبىدە بير بلند بتخانە جايلشگن. سلطان شمس الدين اېلتىمىش بو بتخانە نينگ يانيدە بير جامع مسجدى سالديرييدى. بو بتخانە جودە بلند بتخانە اېكن. قۇرغاندە بوندن بلندراق عمارت يوق. دۈلپور تاغيدن گواليار قۇرغانى و بتخانە انىق كۈرينىپ تورەدى. ايتىشلىرىچە، اوشبو بتخانە نينگ ھمە تاشلىرىنى منە شو كٽە كۈلدن قزىپ آلىشگن اېكن. بو باغدە پست گينه، بې اوخشاواراق، اوستى ياپىق بير تخته سوپە قوريبىدلىر. باغ نينگ اېشىگى آلدېگە ھندوستانچە بېچىمدە خونىك ايوانلر قورىشىيدى.

اېرتەسى كۈنى پېشىن نمازى چاغى گوالياردەگى كۈرمەگن يېرلرنى تاماشا قىلىش نيتيدە آتلىب، مَن سىنگ قورغانيدن تشقريدەگى بۇدالگر دېب ناملنگن عمارتنى كۈرىپ، ھاتى پۇل

دروازه سیدن کیریپ، اودوه دېگن جایگه باردیک. بو اودوه دېگن یپر قۇرغان نینگ غرب طرفیده گی بیر تاغ ارا یۇلدە وادیدە جایلشگن. گرچه بو تاغ ارا یۇل تاغ نینگ تېپە سیدە قوریلگن قۇرغان نینگ دېواریدن تشقریدە بۇلسە هم، بو تاغ ارا یۇل نینگ کیریپ جاییدە ینە ایکی قطار بلند دېوارلر قوریپیدى. بو دېوارلر نینگ بلندلیگی اۆتیز- قیرق قریگە یقین کېلەدی. ایچکریگی دېوار اوزونراق و بلندراق دیر. بو تشقى دېوار تاغ ارا یول نینگ او طرفیدن هم، بو طرفیدن هم قۇرغانگە توشگن. بو دېوارنى آرقة تامانیدن بیرینچی دېواردن پستراق ینە بیر دېوار بیلن احاطه قیلیدیلر. بو دېوار باشدن-ایاق کتە دېوارگە توشمەگن. اونى کتە اریق قوریپ اوچون انه شوندهی احاطه قیلگنلر. بو دېوار نینگ ایچیدە سوو آلیش اوچون واین (قودوق) قزگنلر. اۋن-اۋن بېش زینە توشیب سوو آلیش ممکن. بو کتە دېوار نینگ واین جایلشگن دېوارگە اۋتیش جاییدە گی اېشیک اوستیگە سلطان شمس الدین اېلتە میس نینگ اسمینی تاشگە اۋییب یازگنلر، تاریخی: آلتی یوز اۆتیزینچی (میلادی - ۱۲۳۲/۱۲۳۳) ییل دیر.

اوشبو تشقى دېوار توییدە، قۇرغان تشقریسیدە بیر کتە کۈل بار، کۈرینیپیدن اونینگ سووی کمەیمەیدی، کتە اریققە شو کۈل نینگ سووی بارەدی. اودوه نینگ ایچیدە ینە ایکی کتە کۈل بار. قۇرغان خلقی بو کۈللر نینگ سووینی اۋزگە سوولردن افضل بیلە دیلر. اودوه نینگ اوچ طرفی تماماً تاغلر بیلن اۋرەلگن. تاشی نینگ رنگی بیانە تاشلریدېک قیزیل اېمس، بیر آز رنگسيزراق.

اودوه نینگ اطرافیدە گی یخلیت قایەلرنی قزیپ، کتە-کیچیک بوتلر تراشلیدیلر. جنوب طرفیدە بلندلیگی ییگیرمە قری کېلەدیگن کتە بت توریدى. بو بتلرنی بوتونلە یلنغاچ-کیمسيز تصویرلیدیلر.

اودوه ایچیدە گی ایکی کتە کۈل نینگ اطرافیکە ییگیرمە-ییگیرمە بېشته قودوق قزیپیدى. بو قودوقلردن سوو تارتیب، اېکین پیتیشتریپ، گۈل و درختلر اۋتقزیدیلر. اودوه یامان یپر اېمس، عکسینچە، جودە عجایب جای. اونینگ بیرتە عیبی-اطرافیدە گی بتلر دیر. بتلرنی

بوزيب تشلشلىرىنى بويوردىم. اودودەن يەنە قۇرغانگە چىقىپ، كافەرلەر زامانىدىن بېرى دروازەسى ياپىپ قۇيىلگەن سلطانى پۇلنىڭ ئاۋزىنى تاماشا قىلىپ، شام نامازى چاغى رحىمداد سالگەن باغچەگە كېلىپ توشىدىم. ئۈشە كېچە شوپىرنىڭ ئۈزىدە قالدۇم.

آىنىڭ ئۈن تۇرتىنچىسىدە، سەشەنبە كۈنى رىئاسەتتىكى رەئىس قەلەسىدە ئۈزۈنەسى پەمۋەتەي يىلەن تورگەن بىرگە جەت اسمىلى ئىككىنچى ئاۋغلىدىن ئادەملەر كېلدى. گۈلپار سىرىگە جۈنەپ كېتىشىمىزدىن بورون ھەم بىرگە جەتتىكى بىلەن ئاۋرۇلى ئاسۇك اسمىلى ھىندوسىدىن ئادەملەر كېلىپ، قوللىق ۋە خەمتكارلىقىنى ئاظهار قىلگەن ئادەملەر. ئاسۇك تىرىكچىلىك يراغى ئاۋچون ئۈزىگە يېتىمىش لىكلىك درامە بېرەدىگەن بىر سۈرەگەندى. ئاگر رەئىسنى تاپشۇرسە، ئونگە ئىستىگىنىدەك ولايتلەر بېرىش قارارىگە كېلىپ، ئادەملەرگە رەخت بېرىپ يوباردىك. گۈلپار سىرىگە جۈنەپ ئاتىگەنمىزدە ئونىڭ ئادەملەرى بىلەن گۈلپاردا ئاچرەشىشىم زامانى وداغلىشىپ ئالدىك. اولر وداغلىشىش ۋەقتىمىزدىن بىر نەچچە كۈن كېيىنراق كېلىشىدى. بو ئاسۇك ھىندو، ئايتىشلىرىچە، بىرگە جەتتىكى ئانەسى پەمۋەتەيگە يەقەن قىرىنداش بۇلر ئېكەن. ئاۋ ئاۋاللى ئانە ۋە ئاۋغلىگە يىلان قىلىپىدى. بولر ھەم ئاسۇك يىلان ئاتاق بۇلىپ، مېنگە خىرخواۋ ۋە خەمتكار بۇلىشىنى قوبۇل قىلىپىدىلر.

سەنگە سلطانى مەمۇدىنى يېنىگە، سلطانى مەمۇد كافەرلەرگە ئاسىر توشىگەندە، سەنگە ئونىڭ تاج ۋە كىلەپنى ھەمدە زىر كەمىنى ئالىپ، ئۈزىنى قۇيىپ يوبارگەندى. ئۈشە تاج، كىلە ۋە زىر كەمى بىرگە جەتتە ئېكەن. ھازىر ئانەسى ئۈزىدە رىئاسەت بۇلىپ، چىتۇرنى باشقۇرىاتكەن ئاھەسى راتىن سەن تاج، كىلە ۋە زىر كەمىنى ئاۋكەسىدىن سۈرەتتەيدى. بو ئاھەسە بېرىمەيدى. بو كېلگەن كىشىلەردىن مېنگە تاج، كىلە ۋە زىر كەمى ھەقىقەتەن ئاچتۇرىپىدى. رەئىسنىڭ ئۈزىگە يىلانەنى سۈرەتتەيدى. يىلانە ھەقىقەتەن سۈزىنى باشقۇرما ئانگە بورىپ، ئونگە شەمس ئابادىنى رەئىسنىڭگە ئىشەنچكە ۋەدە بېرىدىك. ئۈشە كۈننىڭ ئۈزىدە ياق بو كېلگەن كىشىلەرگە سىرۋال كىيىدىرىپ، تۇتۇق كۈندىن سۈنكە يىلانەگە بارىش ۋەدەسى بىلەن رەخت بېرىپ يوباردىك.

بور حەمىداد سالگەن باغدىن ئالەنەپ، گۈلپار بىتخانىلەرنى سىر قىلدىك. بەئزى بىتخانىلەر

ايگى قبت، اوچ قبتلى. قبتلرنيگ بۇيى پستراق (خانەلرى پست-پست). اېسكىچە كۆرينىشده، پستكى قىسمى تاشدن اۋيىلگن ھيكللر بىلن تۇلە. بعضى بتخانەلر مدرسه كۆرينىشده قوريلگن. بنانىگ آلد تامانىده كېنگ و بلند گنبذى، مدرسه حجرەلر يېك حجرەلرى بار. ھر بىر حجرەنيگ اوستيده تاشدن كيچىك-كيچىك گنبذلر تراشلب اۋرنە تىلگن. قوبى حجرەلردە تاشلردن بت ھيكللر تراشلنگن. بو عمارتلرنى تماشا قىلىپ، گواليارنيگ غرب طرفيده گى دروازه سيدن چىقىپ، گواليار قۇرغانى نىگ جنوب طرفيدن ايلنىپ اۋتيب، سىر قىلىپ، ھاتى پۇل آلدیده گى رحيمداد سالگن چارباققە كېلىپ توشديم. رحيمداد بو چارباغده كتە بيرەم حاضرلب قۇيگن اېدى. يىخشى آشلر تارتىپ، كۇپ ساوغەلر اولشدى. ساوغە قىلگن نرسە و پوللرى تۇرت لک كېلدى. بو چارباغدن جۇنب، كېچقورون اۋز چارباغيمگە قىتىپ كېلديم.

آي نىگ اۋن بېشىنچىسىده، چارشنبە كۈنى گواليارنيگ شرقى-جنوبى طرفيده، آلتى كوروھلىك يېردە جايلىگن شرشرەنى تماشا قىلىش اوچون جۇنەديم. يۇلگە كېچ آتلنگن اېكنمىز، شرشرەگە پېشىن نمازيدن كېين يېتىپ باردىك. بير ارقان بۇيى بلندلىكده گى قايدەن بير تېگىر مان سوو آقېب توشەدى. بو سوو توشە ياتگن يېردن پستراققە كتە كۇل حاصل بۇلىدى. شرشرەگچە يوقاريدە گى سوو يىخلىت قايدە تاش بۇيىب آقېب كېلەدى. بو سوو نىگ توبى يىخلىت تاشدن عبارت. ھر جاي-ھر جايدە سوو تۇپلىنىپ، كۇل حاصل بۇلىدى. بو سوو نىگ قىرغاقلىرىدە اۋتيرسە بۇلەديگن بۇلك. بۇلك يىخلىت تاشلر ساچىلىپ ياتىدى. اما ايتىشلر يچە، بو سوو دايم آقمس اېكن. شرشرە باشيده اۋتيرىپ، معجون يېدىك. كېين سوو بۇيىب يوقارىگە كۇترىلىپ، سوو نىگ باشلىنىش جايىگچە باردىك. قىتىشده بير بلند جايگە چىقىپ، بير مدت اۋتيردىك. سازندەلر ساز چلدىلر، قۇشچىلر بير نيمەلرنى ايتدىلر. ھند اېلى "نندو" دېب ائەيدىگن آبئوس درختىنى كۆرمەگنلرگە كۆرسىدىك.

آرتگە قىتىش اوچون تاغدن توشىپ، شام و خفتن نمازلرى اۋرتەسىدە آتلرگە مىندىك. تونگى اېگىنچى پاسگە يقىن بير يېرگە كېلىپ اويقولەدىك. كۈن نىگ بيرىنچى پھريدە چارباققە كېلىپ توشدىك.

آي نىنگ اۋن يېتىنچىسىدە، جەمە كۈنى صلاح الدىن نىنگ وىتى سۈھجەنە دېگەن قىشلارنى و قىشلارنى يوقارىدە-تاغ آرسىدەگى و اونىنگ ايچكىرىسىدە جايلاشكەن لىمۇ و سەدىل باغىنى سىرقىلىپ، كۈننىڭ بىرىنچى پەرىدە چارباققە كېلىپ توشىدۇ.

آي نىنگ اۋن تۆتىنچىسىدە، يەكشەنبە كۈنى تانگ آتمىدىن آق چارباغدىن جۇن، كۈرى درياسىدىن اۋتىپ، توشلىندىك. پېشىن نامازى چاغى او يېردىن جۇن، كۈن باتەي دېگەندە جۇن درياسىدىن اۋتىپ، شام و خەتن نامازلىرى آرسىدە دۈلپۈر قۇرغانىگە كىرىپ كېلىپ، ابوالفتح سالگەن حەمەنى چىراغ بىلەن تاماشا قىلىپ، او يېردىن جۇن كېتىدىك وتۇغان تېپەسىدەگى يىڭى سالىنگەن چارباققە كېلىپ توشىدىك.

اېرەسى تانگدە اۋزىم تورلى ايشلار قىلىش بويۇرىلگەن يېرلىرى ايلنىپ چىقىدۇ. يەلىت تاشكە اۋىش بويۇرىلگەن سايبانلى حوز نىنگ يۈزىنى ھلى بىرەر مەرتە ھەم تېكىسلەي آلمەگەن اېدىلەر. كۈپراق سىنگىتراشلىر كېلىپ، حوز تۈيىنى سۈۈ قۈيىپ سىرغاقلرىنى تېكىسلەش مەكەن بۇلگەن درجەدە، بىر مەرتە يەشىلپ اۋىپ ايشلىرى بويۇرىلدى. كېچىكى پەت-عەسەر نامازى ۋەتتەگە كېلىپ، حوز تۈيى يۈزەسىنى بىرىنچى مەرتە تۈلىق تېكىسلەدىلەر. حوزگە سۈۈ تۈلدىرىشلىرىنى بويۇردىم. قىرغاقلرىنى سۈۈ سۈطى بىلەن تېنگلشتىرىپ، تېكىسلەش بىلەن مەشغۇل بۇلدىلەر. بو سەفر ھەم يېرىنى يەلىت تاشدىن تراشلىپ، ايجىدەگى كىچىك حوزنى ھەم يەلىت تاشدىن اۋىپ بىر آبخانە (طهارتخانى) قۇرىشلىرىنى بويۇردىم. دۈشەنبە كۈنى مەجۇن سەھىتى بۇلدى. سەشەنبە كۈنى ھەم اۋشە يېرىنىڭ اۋزىدە اېدىم.

چارشەنبە كۈنى كېچىقۇرون آغىز آچىپ، آزگىنە نەرسە يېپ، سېكرىگە بارىش نىتىدە آتلىدىك. ۋەت اىگىنچى پەرگە يەنىلشكەندە، بىر يېردە تۇختاپ، اۋىقۇلەدىك. قۇلاغمەگە، بىلمەدۇم، ساۋۇق نىنگ تائىرى بۇلدىمى، بو كېچە جۈدە قۇتۇق آغرىدى، اۋخەي آلمەدۇم. تانگ سەھەردە بو يېردىن قۇزغىلىپ، بىرىنچى پەردە سېكرىدە سالگەن باققە يېتىپ تۇختەدىك. باغ نىنگ دېۋارى و قۇدۇق نىنگ عمارتلىرى مېنىڭ كۈنگىلىمدەگىدېك بۇلمەگەن اوچۇن بو ايشلىرىنى نەزەرت قىلەياتكەن كىشىلەرگە دۇق-پۇيسە و سىياسەت قىلدىم. سېكرىدەن عەسەر و شام

نماز لری آرەلیغیدە جۋنب، مدەھە کوردن اۋتیب، بیر پیردە تۇختب اوخلەدیک. او پیردن آتلیب، بیرینچی پەردە آگرەگە کەلدیک. قلەدە خدیچە سلطان بېگم، فخر جەھان بېگم، بعضی ایش-کوچ اوچون قالگن ابدیلر، باریب کۈردیم. اولرنی کۈریب، جۋوندن اۋتیب، "هشت بهشت" باغیگە کەلدیم.

سفر آیی نینگ اوچینچیسیدە، شنبە کۈنی کتە عمە بېگملردن اوچ بېگم: گوهر شاد بېگم، بدیع الجمال بېگم، آق بېگم؛ کیچیک بېگملردن: خانزادە بېگم، سلطان مسعود میرزانینگ قیزی، ینە سلطان بخت بېگم نینگ قیزی ەمدە زینب سلطان بېگم دېگن ینگە-چېچەم نینگ نېرەسی کەلیب، تۈتەدن اۋتیب، شەر تشقریسیدە دریا قیراغیدە تۇختەگن ابدیلر، عصر و شام نماز لری آرەسیدە باریب، اولرنی کۈردیم. او پیردن کەمدە قیتیب کەلدیم.

سفر آیی نینگ بېشینچیسیدە، دوشنبە کۈنی رنننبۇرنی تاپشیریش و بکرامە جیت نینگ او پیر خدمتینی قبول قیلیب آلیشە اۋز یۇل-یۇریقلری بیلن ەھد و شرط توزیشلرینی تیل بېەرەلیک ەندولردن دېۋە نینگ اۋغلی خەموسی نی بکرامە جیت نینگ اۋلگی و کەین کەلگن ابلچیلرگە قۇشیب جۇنتدیک. بیز نینگ تاماندن بارگن آدم بولر نینگ ەمەسینی کۈریب، ایشانیب قیتیشی لازم ایدی. مەن ەم اگر بکرامە جیت اۋل ایتگن سۇزلریدە تورسە، تەگری ایشیمیزنی اۋنگلەسە، آتەسی نینگ اۋرنیگە رنا قیلیب، چیتۈرگە اۋتیرغیزەمەن، دېب وعدە بېردیم.

بو پیتگە کەلیب دەلی و آگرەدەگی اسکندر و ابراهیم نینگ خزینەلری تۈگەدی. لشکر نی تەمینلش، تۈپ و مەلتیقیلر اۋق-داروسی ەمدە مەحتیگە حق تۇلش اوچون برچە خدمتچیلر معاشی نینگ یوزدن اۋتیز قسمنی سفر آیی نینگ سگیزینچیسیدە، چارشنبە کۈنی دېوانگە توشیریب، اونی قورال-یراغ اوچون صرف ایتیشلری حقیدە فرمان بېریلدى.

آی نینگ اۋنینچیسیدە، شنبە کۈنی خراسانگە اۋل ەم بیر بار چقیریق فرمانی آلیب بارگن سلطان محمد بخشى نینگ شاه قاسم اسملى پیادەسى ینە ەراتگە یو باریلدى. او آلیب کەتگن فرمان: «تەگری کۈمگی بیلن ەندوستان نینگ شرق و غریبەدەگی دشمن و کافرلردن

كۈنگىللر تىنچىدى. خدا خواھلەسە، شو يىلى يازدە نىمە قىلىپ بۇلسە ھەم سىزلىرىنى كۈرىشكە بارەمىز»، دېگەن مەزمۇندە اېدى. احمد افشارگە ھەم فرمان يوبارىلدى. فرمان نىنىگ حاشىەسىگە اۈز خىتىم بىلەن فرىدون قۇبوزىنى چارلەپ، بىر نېچە سۈز يازدىم. شو كۈنى پېشىندە سىماب يېيىشنى باشلەدىم.

آى نىنىگ يىگىرمە بىرىنچىسىدە، چارشەنبە كۈنى ھىندوستانلىك پىادە كامران و خواجە دۈست خاوندەن خىر كېلتىردى. خواجە دۈست خاوند ذوالحجە آى نىنىگ اۋىنچىسىدە كابلگە بارىپ، ھاميون نىنىگ آلدىگە جۈنەگەن اېكەن. خويان دە اونىنىگ آلدىگە كامران نىنىگ آدمى كېلىپ، مېنىنىگ فرمانىمنى كامران نىنىگ آلدىگە بارىپ، اونىنىگ اۋزىگە سۈزمە سۈز يېتكىزىشنى التماس قىلىدى. كامران ذوالحجە آى نىنىگ اۋىنچىسىدە كابلگە كېلگەن اېكەن. خواجە بىلەن سۈزلىشىپ، اوشبو ذوالحجە آى نىنىگ يىگىرمە سگىزىنچىسىدە اونى قلعەى ظفرگە كۈزەتەدى.

بىزگە كېلگەن خىرلەردە يىخشى يىنگىلىكلەر بار اېدى: شەزادە طھماسب اۋزىكىنى ھىدەش نىتىدە رېنىش اۋزىكىنى دامغان دە اوشلەپ اۋلدىرىپ، اېلىنى قىل قىلىدى. عبىدخان قىزىل باشلەر خىر كىتىدىن خىر تاپگىچ، ھرات اطرافىدىن جۈنەپ كېتىپ، مروگە بارىپ، سمرقند و اۋشە ولايتلار دەگى سلطانلارنى مروگە چقىرەدى. ماوراءالنھردەگى سلطانلار نىنىگ ھەمەسى مروگە كۈمككە كېلەدىلەر.

ھاميون نىنىگ يادگار تاغە نىنىگ قىزىدىن اۋغىل كۈرگىلىگى و كامران نىنىگ كابل دە تاغەسى سلطان على مىرزانىنىگ قىزىگە اۋىلنە ياتگىلىگى حقىدەگى خىرلارنى ھەم شو خىرچى كېلتىردى. اۋشە كۈنى مېن سىدەككى شېرازى جىبەگەرگە سىروپا كىيىدىرىپ، فۋارەلى قودوق قورلىشىنى اۋز بىلگىنىچە يىكونلشىنى بويوردىم.

آى نىنىگ يىگىرمە اوچىنچىسىدە، جەمە كۈنى تەم نىنىگ خىراتى كۈترىلدى. جەمە

نمازینی مسجدده قینه‌لیب اؤقیدیم. کپنگی کونی پشین نمازینی احتیاطکارلیک بیلن کتابخانه‌ده انچه وقت اؤتکزیب اؤقیدیم. ایندینی- یکشنبه کونی ایسیتمه‌م چیقیب، آزاراق تیتراق توتدی.

سفر آیی نینگ ییگیرمه یېتیپچیسیده، سه‌شنبه کپچه‌سی حضرت خواجه عبیدالله‌نینگ "والدیه" رساله‌سینی نظمده بیتیش کؤنگلیمدن اؤتدی. حضرت نینگ روحیگه التجا قیلیب، کؤنگلیمدن اؤتکزدیم که، اگر بو منظومه حضرت‌گه مقبول بؤلسه، "قصیده‌ی بُرده" صاحبیگه خودی او ذات‌نینگ قصیده‌سی مقبول توشیب، فلج کسلیدن خلاص بؤلگنی کبی مېن هم بو خسته‌لیکدن قوتولگه‌یم و بو نظمیم نینگ قبولیگه دلیل بؤلگه‌ی. شونیت بیلن رساله‌نی "رمل مسدس مخبون محذوف" وزنیده نظم اېتیشنی باشلادیم. مولانا عبدالرحمن جامی نینگ "صبحه‌الابرار"ی هم شو وزنده بیتیلگن. اوشه کپچه اؤن اوچ بیت ایتیلدی. مېن هر کونی اؤن بیت‌دن کم یازمسیلیک مجبوریتینی آلدیم، اده‌شمه‌سم، فقط بیر کون یازالمه‌دیم. اؤتگن ییلی و عموماً، هر سفر شو خسته‌لیک باشلنسه، او کمیده بیر آی-قیرق کون دوام اېتردی. تنگری عنایتی بیلن، حضرت نینگ همتیدن آیینگ ییگیرمه توقیزینچیسیده، پنجشنبه کونی بیر آز روحسزلندیم و شو ییلن بو کسلدن خلاص بؤلدیم. ربیع‌الاول آیینگ سکیزینچیسیده، شنبه کونی رساله سؤزلرینی نظمگه سالیب توگتدیم. بیر کونی اېلیک ایگی بیت یازیلدی.

آیینگ ییگیرمه سکیزینچیسیده، چارشنبه کونی شو اطرافده‌گی و باشقه جایلرده‌گی عسکرلرگه یقین کونلرده، تنگری خواهله‌سه، لشکر تارتیشیمیز حقیده فرمان یوباریلدی. لشکری نینگ بار قورال-یراغی بیلن تېزده یېتیپ کپلیشلیری بویوریلدی.

ربیع‌الاول آیینگ توقیزینچیسیده، یکشنبه کونی بېک محمد تعلیقچی (خطاط) کېلدی. اؤتگن ییلی محرم آیینگ آخیرده همایون‌گه سروپا و آت آلیب بارگن اېدی.

آیینگ اؤنینچیسیده، دوشنبه کونی همایون‌نینگ آلدیدن بېککینه ویس لاغری و بیان‌شیخ اسملی همایون‌نینگ بیر نوکری کېلدیلر. بېککینه همایون اوغلی نینگ

سېۋىنچىسىگە كېلىدى. بالەگە الامان دېب اسم قۇيىدىلر. شىخ ابوالواجد اونىنگ توغىلىشى تارىخىنى "شە سعادتمند" سۆزلرىدن تاپىدى. بيان شىخ بېككىنەدن انچە كېيىن يۇلگە چىققن اېكن. ھاميوندن سفر آيى نىنگ تۇقۇزىنچىسىدە، جمعه كۈنى كىشم نىنگ پستىدە، دوشنبە دېگن يېردە اجرەلىشىپ، جۇنشگن اېكنلر. ربيع الاول آيى نىنگ اۋىنچىسىدە، دوشنبە كۈنى اگرەگە كېلدى. جودە تېز يېتىپ كېلدى. بىر سفر منە شو بيان شىخ قلعهى ظفردن قندھارگە اۋن بىر كۈندە يېتىپ بارگندى. طھماسب نىنگ كېلگىنى و اۋزىك نىنگ شكست تاپگىنى حقىدەگى خبرنى شو بيان شىخ كېلتىردى.

بونىنگ تفصىلاتى شۈندەي: شەزادە طھماسب قىرق مىنگ كىشىلىك لشكرى بىلن مىلتىق و ارابه لرىنى روم اصولىدە صفلب عراقدن كتە تېزلىك بىلن كېلىپ، بسطام و دامغاندە رېنىش اۋزىكنى يېنگىپ، اونى اېلى بىلن قىرىپ تشلب، تېزلىك بىلن آلدىنگە قرەب يۈردەي. كېيىن بى نىنگ اۋغلى قنبر على نى ھم قىزىل باش نىنگ آدملىرى يكسان قىلەدى. او آزگىنە آدمى بىلن عبىدخان نىنگ حضورىگە كېلەدى. عبىدخان ھرات اطرافىدەگى يېرلردە تورىش اوچون قورال-يراغ تاپالمەي، بلخ، حصار، سمرقند و تاشكندەگى خان و سلطانلرگە شاشىلىنچ روشدە آدم جۈنەتېپ، اۋزى مروگە كېتەدى. سلطانلر زودلىك بىلن يىغىلەدىلر. تاشكندەن سويونچىخان نىنگ ايگىنچى اۋغلى براق سلطان، سمرقند و ميانكالدن كوچومخان، ابوسعيد سلطان، پۇلاد سلطان، جاني بېك سلطان اۋغىللىرى بىلن، حصاردن حمزە سلطان و مەھدي سلطان نىنگ اۋغىللىرى و بلخدن كېتىن قرا سلطان يېتىپ كېلىدىلر. سلطانلر نىنگ ھەمەسى تېزدە بارىپ، مرودە عبىدخانگە قۇشىلەدىلر. اولر نىنگ سانى بىر يۈز بېش مىنگ كىشىگە يېتەدى. اولر نىنگ تىلچىسى كېلتىرگن خبرگە كۆرە، شەزادە طھماسب عبىدخاننى ھرات نىنگ چېگەسىدە آزگىنە لشكر بىلن اۋتۇرىدى دېب اۋىلپ، قىرق مىنگ كىشى سىنى باشلب ايلدم جۈنەيدى. اېندى اولر نىنگ بىرلشگن جمعيتىدن خبر تاپگىچ، رادگان سىھونلىگىدە خندق قىرىپ اۋتۇرىردى. اۋزىكلر بوندن خبر تاپگىچ، دشمننى پسند قىلمەي، «برچە خان و سلطانلر مشھدە قالەمىز. فقط بىر نېچە سلطان يىگىرمە مىنگ كىشىلىك لشكر

يىلن قىزىل باشلر اۋردوسى جايلىشگن يېرلرگه بارىب، اولرنى خندقدن باشلرىنى چىقىرىشىگه قۇيمەيدى. عقرب آيى كېلگىچ، يەدەچىلر^۲گە يەدە قىلىش بويوريله دى»، دېيە كېنگشىب آلەدىلر. شو يۇل يىلن دشمننى كوچسىزلنتىرىب يېنگەمىز، دېيە مرودىن جۇنەيدىلر. شەزادە ھەم مەشھەدىن چىقەدى. جام و خرگىرد اطرافلرىدە اولر بىر-بىرلىرىگە روبرو كېلىشەدى. اۋزبكلر مغولبىتگە اوچرەيدىلر. جودە كۇپ سلطانلر اسىر توشىب، قتل قىلىنەدى.

بىر خطدە يازىشلرىچە، كۇچومخاندىن اۋزگە بىرار سلطاننىڭ قاچگىنلىگى تۇغرىسىدە انىق خبر يۇق. لشكر يىلن بىرگە بۇلگىنلردىن بىرار كىشى ھەنوز قىتگىنى يۇق. حصارده كى سلطانلر حصارنى تشلب كېتدىلر. ابراهيم جاني نىڭ اۋغلى چلمە، اصلى اسمى-اسماعىل، حصار قۇرغانىدە اېكن. ھەمايونگە، كامرانگە خطلر بېتىب، اۋشە بيان شىخنىڭ اۋزىگە بېرىب، اونى زودلىك يىلن يەنە آرتىگە جۇنتدىك.

آى نىڭ اۋن تۇرتىنچىسىدە، جەمە كونى خطلر تىار بۇلدى. اولرنى بيان شىخگە تاپشىرىب، اونگە رخصت بېردىك. آى نىڭ اۋن بېشىنچىسىدە، شنبە كونى او آگرەدىن جۇن ب كېتدى.

ھەمايونگە يېتىلگن مەكتۇب نىڭ قارەلەمەسى قويدە گىچە:

«ھەمايونگە مەشتاقلىكلر يىلن ساغىنىب سلام دېگىچ، سۇزىم اوشبوكە، ربىع الاول آيى نىڭ اۋن بېشىنچىسىدە، دوشنبە كونى بېككىنە يىلن بيان شىخ كېلدىلر. اولرنىڭ خط و عرضلىرىدىن سۇڭ تاغ نىڭ او و بو طرفىدە كى احوال انىق مەلۇم بۇلدى.

شكر، بېر مېش سىنگە حق فرزندى،

سىنگە فرزند و مىنگە دلېندى.

تەڭرى تەالى بوندە سېوينچلرنى مېنگە و سېنگە ھەمىشە نصىب اېتسىن، آمىن يارب العالمىن. اسمىنى الامان قۇيىسىن. تەڭرى مبارك قىلىسىن. اما شوندە بۇلسەدە،

اۋزىنىڭ يازگىنىڭدېك، غافللىك قىلىپسەن كە، بو اسمنى كۆپ قۇل لەڭىدە، عوام الەمان ياكە
 اېل امان دېدىلەر، "الف" و "لام" نىڭ بوندەي قۇشلىپ كېلىشى اسمدە كم اوچرەيدى. تنگىرى
 اتى و ذاتىنى قوتلوغ و مبارك قىلسىن، مېنگە و سېنگە اوزاق عمر بېرسىن، الا مان كۆپ عصرلەر
 دولت و سعادتلى بۇلسىن.

تنگىرى تعالى اۋز فضل و كرمى بىلەن يىزىنىڭ ايشلرىمىزنى اۋنگەلدەيدى. بوندەي آمد و ظفر
 يۈز يىللردە ھەم تاپىلمىس. يەنە آي نىڭ اۋن بىرىنچىسىدە، سەشەنە كۈنى بلخ خلقى قربانى
 چقىرىپ، اونى بلخ گە كىرىتگەنىش، دېگەن مىش-مىشلەر ھەم يېتىپ كەلدى.

يەنە كامران گە و كابىل دەگى بېكەرگە بارىپ سېنگە قۇشلىشىگە و اوندىن حصارگە ياكە
 سمرقند گە، عموماً، دولت آسايشتەلىگى قەيىرنى تىلەسە، اۋشە يېرگە جۈنەيسىزىلەر، دېگەن
 فرمان بۇلدى. تنگىرى نىڭ عنايتى بىلەن دىشمىنى يېڭىپ، خدا خواھلەسە، ولايتلارنى قۇلگە
 آلىپ، دوستلارنى شاد و دىشمىنلارنى آستىن-اوستىن (خوار) قىلگەيسىزىلەر. سىزىلارنىڭ جاننى
 تىكىپ، قىلىچ سالەدىگەن پىتىڭىز كەلدى. آمىدىڭىز كېلگىدە، اونى باي بېرىپ قۇيىمىڭ.
 بې پروالىك و سىستلىك بىلەن پادىشاھلىك موافق كېلمەيدى.

جەھانگىرى توقف بر نىابد،

جەھان آن را بود كۈبە شتابد،

ھەمە چىزى ز روى كەخدائى —

سكۈن مى يابد الا پادشاھى.

(مەزمۇنى: جەھانگىرلىك تۇختى تورمەيدى، كىم يىخشى تىرىشسە، جەھان اۋشەنىكى

بۇلەيدى،

ھاياتدە ھەر بىر نرسە (نىڭ) تۇختىشى مۇمكىن، اما پادىشاھلىك تۇختەمەيدى.)

اگر تنگىرى نىڭ مەرھىتى بىلەن بلخ و حصار ولايتلارنى قۇلگە كىرىتىش نىصىب اېتسە،
 حصارگە سېن اۋز آدمىڭنى قۇي، بلخ دە كامران نىڭ آدمى تورسىن. اگر تنگىرى نىڭ عنايتى
 بىلەن سمرقند ھەم فتح اېتىلسە، سمرقنددە اۋزىنىڭ اۋتۇر. حصار ولايتىنى، خدا خواھلەسە، اۋز

اختيار يىمده قالدیره من. اگر کامران بلخنى آز دېب بىلسه، خبر بېرىنگ، بو کمچىلىكنى، خدا خواهلسه، اؤشه بېرده گى قۇشنى ولايتلر بىلن تۆلدیره ميز. سېنگه معلوم كه، هر دايم بير قاعده گه عمل قىلىنردى: آلتى حصه سېنگه بۆلسه، بېش حصه کامران گه تېگردي. هميشه اوشبو قاعده گه عمل قىلگين، اوندىن چېنگه چىقمنگلر. اوكه ننگ بىلن يىخشى يشه گين. كته لر كؤترىملى بۆلىشلىرى كېرەك، سېنىنگ هم او بىلن يىخشى معامله ده بۆلىشىنگگه اميد قىله من. او هم ايمانلى و يىخشى يىگيت، خدمت و همجهتلىكده اونىنگ هم كم چىلىگى يۇق.

سېندىن بير آز كينه هم بار. ايگى-اوچ يىلدىن بېرى بيرارته آدمىنگ كېلمه دى. مېن يوبارگن آدم هم راپه راسه بير يىلدىن كېين قېتىدى. شونده ي هم بۆله دىمى؟ بونىنگ اوستىگه خطلرىنگده يالغىزلىك، يالغىزلىك دېب يازىسن. پادشاهلىكده بونده ي دېيش عىب دىر. اخىر، ايتهدىلر-كو:

اگر پاى بندى رضا پېش گير،

و گر يكسوارى سرخوېش گير.

(يعنى: جنگگه باغلانگن بۆلىسنگ، باشىنگگه كېلگن هر نرسه گه راضى بؤل، اگر هېچ نرسه گه باغلانمەگن بۆلىسنگ، يۆلىنگدن قالمة، كېتەوېر.)

هېچ بير بند پادشاهلىك بندىچه بۆلمس. پادشاهلىك بىلن يالغىزلىك موافق كېلمس. ينه مېن ايتگندېك، خطلرىنگى يازىب بۆلگچ، اولرنى قېتە اوقىمه يسن، چونكه اوقىشگه نيت قىلگىنىنگده هم اوقىي آلمسدىنگ. اوقىي آلمەگىنىنگدن سؤنگ البتە اؤزگرتىرگن بۆلدىنگ. خطىنگى قىينه لىب اوقىسه بۆله دى، لېكن او جوده چلكش. نثرده هلى هېچ كيم معما كؤرگن اېمس. گرچه اونچه تۇغرى بۆلمسه هم، املانگ يامانمس. "التفات"نى "ط" بىلن، "قولونج"نى "يا" بىلن يېتىسن. خطىنگى بير عمللب اوقىسه بۆله دى، لېكن توشونرسىز سؤزلرنى قۇلله گىنىنگدن مقصدىنگى تۆله توشونىب بۆلمه يدى. احتمال، خط يازىشگه سستلىگىنگ شوندىن دىر. جمجمه دار سؤزلرنى يېتماقچى بۆله سن، شو باعث توشونرسىز چىقه دى. بوندن كېين تكلف قىلمه، روشن و انيق سؤزلر بىلن ياز. سېنگه هم، اوقوچىگه هم تشوېش كمراق بۆله دى.

اېندى سېن كټە ايشلر آلدېدە تورېسېن. اۋى-فكرلى و تدبىرلى بېكلر بىلن كېنگشىب، اولر نېنگ سۆزلرگە عمل قىل.

اگر مېنىڭ راضىلىگىمنى ايستەسەن، خلوتدە اۋتېرىشنى بس قىل، آدملىرىن اوزاقلېشنى اونوت. بىر كۈندە ايگى بارە اوكتەنك و بېكلرنى اختيارلرگە قۇيمەي، قاشىنگە چارلب، هر قندەي مصلحت بۇلسە كېنگشىب، هر بىر ايشىنگى بو خىرخواه كىشىلر بىلن اتفالقىكدە عملگە آشىرگىن.

خواجە كلان مېن بىلن تارتىنمەي معاملە قىلىشكە اۋرگىنگن اېدى. مېن خواجە كلانگە قندەي مناسبتدە بۇلگن بۇلسم، سېن هم اۋشندەي معاملە قىلگىن. اگر تنگرى نېنگ مرحمتى بىلن او طرفلردە ايشلر بىر آز كمەيسە و كامرانگە احتىياج بۇلمەي قالسە، كامران بلخگە ايشانچلى كىشىلرنى قۇيىپ، اۋزى مېنىڭ قاشىمگە كېلسىن.

جودە كۆپ فتح و ظفرلرنى كابل دە اېكنىمدە كۆردىم. شوباعث كابلنى يىخشى نىتلرېمگە اېرىشگن جاي دېب بىلدىم و اونى اۋز اختيارىمدە قالدېردىم. هېچ بىرىنگىز اونگە طمع قىلمەگەيسىز.

سېن اۋزىنگى يىخشى توتىپ، سلطان ويس نېنگ كۈنگىلىنى آلىسەن. اونى قاشىنگە چارلب، اونىڭ رايى بىلن ايش قىلگىن، چونكە او ايش بىلەدىگن آدم. لشكرىنگى هر دايم يىغىق و يىخشى ترتىدە سقلە. آغزەكى ايتگن كۆپ سۆزلرىمدن بيان شېخ واقف دىر و اولردن سېنى خبردار قىلەدى، دېب، سېنگە مشتاقلىكلر بىلن سلام. ربيع الاول آيى نېنگ اۋن اوچىنچىسىدە، پنچىنبە كۈنى يېتىلدى.»

كامرانگە و خواجە كلانگە هم اۋز قۇلىم بىلن اوشبو مضموندە خطلر يېتىپ يوباردىم. آي نېنگ اۋن تۇقۇزىنچىسىدە، چارشنبە كۈنى مىرزالر، سلطانلر، تورك و هند امىرلرنى چارلب، كېنگش قىلىپ، بو بىل لشكر البتە بىرار طرفگە يورىشى كېرەك، دېگن فكرگە كېلدىك. بىزدن بورونراق عسكرى پورابگە جۈنەيدى. گنگ درياسى نېنگ او طرفىدەگى سلطان و امىرلر اۋز لشكرلرى بىلن عسكرىگە كېلىپ قۇشيله دىلر و دولتىمىز اوچون فايدهسى

بار تامانگه آتلنه ديلر.

اوشبو كيفيتيميزنى بيتيب، آى نىنگ يىگيرمه ايگىنچىسىده، شنبه كونى غياث الدين قۇرچىنى اۋن آلتى كوندن كېين اوچره شيش وعده سى بيلن سلطان جنيد برلاس باشچىلىگىده گى پوراب اميرلرى تامانگه چاپتيردىك. ضربزن، ارايه، ميلتيق و شو كى باشقه قورال-اسلحه لر تيار بۇلگونىچە، اۋزيمىزدن ايلگىر يراق عسكىرى جۇنه تىلدى، دېب آغزه كى ايتىپ يوباردىك. گنگ نىنگ نرىگى يوزيده گى برچه سلطان و اميرلرگه عسكىرى قاشيگه يىغىليب و دولتيمىز اوچون فايده سى بار تامانگه تنگىرى عنايتى بيلن آتلىسىنلر، دېگن فرمان بۇلدى. او يېرده گى خير خواه كيشيلر بيلن كېنگش قىلىنگ. اگر او يېرده گى ايشلرده مېنگه احتياج بۇلسه، اوشبو وعده بيلن بارگن كيشيدن ايتىپ يۇبارىنگ. او كېلىشى بيلن، خدا خواهله سه، جۇنيمن. اگر بنگالى بيز بيلن هم جهتلىك و اخلاص مقاميده بۇلسه و او يېرده مېنىنگ بارىشىمگه احتياج بۇلمسه، اونىنگ هم شرحىنى بيتيب، معلوم قىلىنگ. جيم قهر ب توريب بۇلمه يدى، مېن باشقه تامانگه آتلنه من. سيزلر خير خواه كيشيلر بيلن كېنگشيب، عسكىرىنى يىخى قبول قىليب آلىنگ. تنگىرى تعالى كۇمگى بيلن او يېرده گى ايشلرنى حل قىلسنيز.

ربيع الاول آى نىنگ يىگيرمه تۇقىزىنچىسىده، شنبه كونى عسكىرىگه قيمت بها تاشلر قده لگن كمر خنجر بيلن شاهانه سروپا كييدىريب، يىراق، ناغاره، بير آتخانه آت، اونته فيل، بير كاروان تويه، بير كاروان خچير و پادشاهانه اسباب-انجاملر انعام قىلدىك. اونگه دېوانده باش اۋرىنگه اۋتيريش حكم بۇلدى. ملاسيگه و ايگى تربيه چىسيگه توگمه ليك چكمانلر، ينه باشقه نوكرلرگه تۇقىزته دن اوچ مرته تۇن انعام بۇلدى.

آى نىنگ آخريده، يىكشنبه كونى سلطان محمد بخشى نىنگ اويىگه باردىم. پاى انداز ساليب، ساوغه لر ساققى قىلدى. پول و بويوملردن ايگى لكدن كۇپراق نرسه تارتىق قىلدى. آش تارتىليب، ساوغه لر تقدىم اېتلىگچ، ينه بير اويىگه بارىب، معجون پىيدىك. اوچىنچى پهرده او يېردن چىقىب، سوودن اۋتدىك و "خلوتخانه" گه كېلدىك.

ربيع الآخر آيى نىنگ تۇرتىنچىسىدە، پنجشنبه كۈنى چىقماق بېك نىنگ شاھى تمغەچى كاتىلىگىدە آگرەدن كابل گچە بۇلگن مسافەنى اۋلچىب چىقىشىگە قرار قىلدىك. ھەر تۇقۇز كۈرۈە مسافە بىردە بلندىلىگى اۋن ايگى قىرى كېلەدىگن منارە قورىب، منارە اوستىگە چاردەرە اۋرنەتسىنلر. ھەر اۋن سگىز كۈرۈەدە آلتىتە يام آتىنى باغلب قۇيسىنلر. يامىچى (اېلچى، چاپر) و سەيسىگە علوفە، آتلرگە يېم-خاشاك تەيىنلنسىن. اگر بويام آتلىرى باغلەندىگن بىر بىرار خالصەگە (دولت بىرلرگە) يقىن جايدە بۇلسە، اونىنگ خىرجىلىرى انە شو بىردن اۋندىرىلسىن، اگر اوندەى بۇلمەى، بىرار بېك نىنگ ولايتىدە جايلىشگن بۇلسە، اونىنگ تاميناتى اۋشە بېك نىنگ ذمەسىگە يۈكلەتلىسىن. اۋشە كۈنى چىقماق بىلن شاھى آگرەدن چىقىپ جۇن ب كېتىدىلر. "مىن" دە ذكر اېتىلگنىدېك، بو كۈرۈەلر بىر مىل گە موافق قىلىپ بېلگىلەندى:

تۇرت مىنگدور قىدىم بىلە بىر مىل،

بىر كۈرۈە آنى ھند اېلى دېرىل.

دېدىلر بىر يىرىم قىرى بىر قىدىم،

ھەر قىرى بىل كە، باردور آلتى توتم.

ھەر توتم تۇرت اېلىك، يىنە ھەر اېلىك

آلتى جو عرضى بۇلدى، بىل، بو بىلىك.

اۋلچا و طىناينى ذكر اېتىلگن بىر يىرىم قىرى بىلن تۇقۇز قولاچ چىقەدىگن قىرىق قىرى دېب بېلگىلەدىك كە، اونىنگ يوز طىناى بىر كۈرۈە بۇلەدى.

آي نىنگ آلتىنچىسىدە، شنبە كۈنى تۇى بۇلدى. قىزىل باش، اۋزىك و ھندولر نىنگ اېلچىلىرى بو تۇيدە قىتەشدىلر. قىزىل باش اېلچىلىرى اۋنگ قۇلگە-اۋزىمىزدن بېتىمىش سىكسان

۳- چاردەرە - باغ اۋرتەسىدە ايگى تامانىدىن درچەلر آچىپ قۇيىپ سالىنگن بنا.

۴- يام آنى - او شەھردن بو شەرگە خط، خىر بېتكرووچى نىنگ ھەر بېكىندە المشتىرىب مىنەدىگن آتى.

قری اوزاقراققه شامیانه^۵ اۋرنه تیپ، اۋتقزدیک. بېکلردن یونس علی گه قیزیل باشلر بیلن بیرگه اۋتیریش حقیده فرمان بۇلدى. چپ قۇلده خودی شو ترتیدیه اۋزبک اېلچیلری اۋتقزیلیب، بېکلردن عبدالله گه اولر بیلن بیرگه اۋتیریش اوچون فرمان بېریلدى. مېن ینگى سالینگن سگیز قیرەلى، اوستى خس بیلن یاپیلگن تالارنینگ شمال طرفیده اۋتیردیم. اۋنگ قۇلیمده- مېندن بېش-آلتى قری نریده- تۇخته بۇغه سلطان، عسکری، حضرت خواجه نینگ فرزندلری خواجه عبدالشهید، خواجه کلان، خواجه حسینی، خلیفه وینه سمرقنددن کېلگن خواجه گه قره شلى حافظ (قارى) و ملالر اۋتیریشدى. چپ یانیمده بېش-آلتى قری نریده- محمد زمان میرزا، تانغامیش سلطان، سید رفیع، سید رومی، شیخ عبدالفتاح، شیخ جمالی، شیخ شهاب الدین عرب و سید دکنی اۋتیردیلر. برچه سلطانلر، خانلر، اولوغلر و امیرلر آشدن بورون آلتین، کوموش، مس پوللر و کییملیک متاعلر تارتیق قیلدیلر. آلدیمگه بیر قالینچه سالیشرینی بویوردیم. آلتین و کوموشنى شو قالینچه اوستیگه تۇکتیلر. متاعلر، کییملیکلر و بدرلرنی (آلتین، کوموش اقچه سالینگن خلته چه) اونینگ یانینگه تۇدەلب قۇیدیلر.

آشدن بورونراق ساوغه تقدیم اېتیش چاغیده مست تویه لرنی و فیللرنی قرشیمیزده گی آرالده اوروشگه سالدیلر. بیر نېچته قۇچقارنى هم اوریشتیرىشدى. اولردن كېين كوره شچی پالوانلر كوره ش توشدیلر.

كته آش تارتیلگنیدن كېين خواجه عبدالشهید بیلن خواجه کلان گه ابرەسى تویه جونیدن تۇقیلگن متاعدن بۇلگن قوندوز تۇنلر مناسب سروپالر بیلن کییدیریلدى. ملا فرخ همده حافظ باشچیلیگیده کېلگنلرگه چکمانلر کییدیریلدى. کۈچومخان نینگ اېلچیسىگه و حسن چلبی نینگ اوکەسىگه هم ايپک، باش کیم (باشلیک)، توگمه لیک قوندوز تۇنلر و شونگه یره شه سروپالر انعام بۇلدى. ابوسعید سلطان، مهربان خانم و اونینگ اوغلى پۇلاد سلطان نینگ اېلچیلریگه و شاه حسن نینگ اېلچیسىگه توگمه لیک چکمانلر، ايپک تۇنلر انعام

۵ - شامیانه — كېچەلری دم آلیش اوچون یسه لگن مخصوص نازک چادر؛ دېوارلری یوپقه یازلیک بنا.

بۇلدى. ايگى خواجه گە ھمدە و ايگى كتە اېلچى-كۇچومخان نىنگ نوكرى و حسن چلبى نىنگ اوگەسىگە كوموش تاشى بىلن آلتىن و آلتىن تاشى بىلن كوموش تارتىلىپ، انعام قىلىندى. آلتىن تاشى بېش يوز مثقالگە تېنگ بۇلىپ، كابل تاشى بىلن بىر سېر كېلەدى، كوموش تاشى اېسە ايگى يوز اېلىك مثقالگە تېنگ كېلىپ، كابل نىنگ يىرىم سېرىگە تۇغرى كېلەدى. خواجه مىرسلطان گە و اونىنگ اۇغىللىرىگە، حافظ تاشكندى و ملا فرخ باشچىلىقىدەگى خواجه نىنگ خىدمىتىدەگى كىشىلىرىگە ھمدە باشقە اېلچىلىرىگە ھم آلتىن و كوموش يايلىر تحفە اېتىلدى. يادگار ناصىرگە كمر خىنجر ساوغە بۇلدى. مىر محمد جالبان گە ھم گنگ درياسى اوستىگە يىخشى كۇپرىك سالگنى اوچون منە شۇندەى مناسب ساوغە انعام بۇلدى. مىر محمدگە، مىلىتقىلىرىدن پھلوان حاجى محمد، پھلوان بھلول و وللى پارسىگە يگە خىنجر انعام بۇلدى. استاد علىقولى نىنگ ايگى اۇغلىگە خىنجر انعام بۇلدى. يەنە سىددادود گرمسېرىگە آلتىن-كوموش پوللر تارتىق قىلىندى. يەنە قىزىم معصومە نىنگ و اۇغلىم ھىندال نىنگ نوكرلىرىگە توگمەلىك چكمانلر ھمدە شايى سروپالر انعام قىلىندى. مېن بىلن اندىجان دن كېلىپ، جايىسىز، وطنسىز يورگنلرگە، سۇخ و ھوشياردن كېلگنلرگە ھم چكمانلر ھمدە اېپك سروپالر، آلتىن، كوموش، كىيىملىك و باشقە نرسەلردن انعاملر بۇلدى. قربان بىلن شىخ نىنگ نوكرلىرىگە، كاھىرد اھالىسىگە ھم شۇ اصولدە عنايتلر قىلدىك.

آش تارتىلگىنىدن كېيىن ھىندوستان بازىگرلىرى (اۋىنىچى، مسخرە باز) كېلىپ اۋىنلىرىنى كۇرسەتسىنلر، دېگن فرمان بۇلدى. لۇلىلر كېلىپ تماشا كۇرسەتدىلر. ھىندوستان لۇلىلىرى شۇندەى تماشا كۇرسەتدى كە، بىز نىنگ ولايتلردەگى لۇلىلردن بۇندەى ايشلرنى كۇرگن اېمىسدىك. مثلاً، بىرى شۇندەى كە، اولر يېتى حلقەنى آلىپ، بىر تەسىنى پېشانەسىگە و ايكى تەسىنى تېزەسىگە جايلاشتىردى. قالگن تۇرتتە حلقەدن ايكى تەسىنى قۇلى نىنگ برماقلىرىگە، ايكى تەسىنى آياغى برماقلىرىگە كىدىرىپ تېز و تۇختاوسىز ايلنتىرەدى. يەنە بىرى-طاووس يورىش اصولى بۇلىپ، اوندە لۇلى بىر قۇلى بىلن يېرگە تېنەپ، باشقە قۇلى و ايگى آياغىنى يوقارىگە كۇترەدى و اولر نىنگ ھر بىرىگە حلقە كىدىرىپ، بو اوچ حلقەنى تېز و تۇختاوسىز ايلنتىرەدى.

ینه بیر تماشاسی شوندهی که، بیزنینگ اۈلکه لرده گی لۈلیر ایگی یاغاچنی آياق لریگه باغلب، "پای چۈبین" - "یاغاچ آياق" قیلیب یوره دیلر. هندوستانلیک لۈلیر اېسه بیر آياغی بیلن "یاغاچ آياق" قیلیب، اونى حتا آياق لریگه باغله مسدن هم یوره آله دیلر. ینه بیرى بو که، ایگی لۈلى بیر-بیرینی اوشلب، بیزنینگ اۈلکه لرده ایگی خیل چه یقه له دی، هندوستان لۈلیرى بیر-بیریگه آسیلیب، اوچ-تۈرت خیل کۈرینی شده چه یقه له دیلر. ینه بیرى بو که، بیر لۈلى آلتى-بېتى قری کېله دیگن یاغاچ نینگ بیر اوچینی بېلیگه تیک توتیب توره دی، باشقه بیر لۈلى شو یاغاچگه چیقیب، یاغاچ اوستیده اۋینلر کۈرسته دی. ینه بیرى بو که، کیچکینه لۈلى کته لۈلى نینگ باشیگه چیقیب تیک توره دی، پسته گی لۈلى او یاق-بو یاققه تېز-تېز باریب کېلیب تماشا کورسته یاتگن چاغده بو کیچکینه لۈلى هم اونینگ باشیده تېرهنمه ی توریب، تماشا لر کۈرسته دی. لۈلیردن کپن کۈپ رقاصه لر کېلیب، رقص توشدیلر.

شام نمازیگه یقین انچه گینه آلتین، کوموش و مس ساجیلدی. عجایب غوغا کۈتریلدی و اور-یقیت بۈلدى. شام و خفتن نمازلری آره لیغیده بېش-آلتیه اۈزیمگه یقین کیشیلرنی قاشیمگه اۋتیرغیزدیم. بیر پهردن کۈپراق وقت اۋتیردی. ابرته سی تانگده-ایکینچی پهرده کېمه گه اۋتیریپ "هشت بهشت" گه کېلدىک.

دوشنبه کونى سفرگه آتلنگن عسکری کېلیب، حمّامده رخصت آلیب، شرققه قربه جۈنه دی. سه شنبه کونى قوریلیشى بویوریلگن حوض و قودوقلرنى کۈریش اوچون دۈلپورگه باردیم. بیرینچی پهردن بیر گری اۋتگنده باغدن جۈنّب کېتدیم. کېچه نینگ بیرینچی پاسى دن بېش گری اۋتگنیده دۈلپور باغیگه یېتیب کېلدىک.

آى نینگ اۋن بیرینچیسیده، پنجشنبه کونى تاشقودوق، ییگیرمه آلتیه تاش ترناو و تاش اوستون و یکپاره قیزیل قایه دن قزىلگن اریقلر تیار بۈلگندى. اۋشه کونى اوچینچی پهردن کپن قودوقدن سوو تارته باشلەدىک. دۈلپورده ایشله یدیگن سنگتراش، نجار و برچه مردکارلرگه آگره ده گی اوستالر و ایشچیلر عادتیه کۈره، انعاملر بۈلدى. قودوق سوویده هید بارلیگی باعث احتیاطکارلیک قیلیب، اۋن بېش کېچه-کوندوز اونینگ چرخینی

تينمەي ايلنتىرىپ، سووينى چىقىرىپ تىلش تەيىنلەندى.

جەمە كۈنى بىرىنچى پەرگە بىر گىرى قالگىنىدە دۇلپوردن جۇنەدىك. كۈن باتمىسىدىن دىريادىن كېچىپ اۋتەدىك.

اينىنگ اۋن آلتىنچىسىدە، سەشەنە كۈنى قىزىل باش بىلەن اۋزىكەنىنگ اوروشىدە قەتەشگەن كىشى دېو سلطانەنىنگ نوكرى كېلدى. اونىنگ ايتىشىچە، عاشور كۈنى جام و خرگىرد اطرافىدە توركەنلەر بىلەن اۋزىكلەر جەنگ قىلىدىلەر. بامداد نامازى پەيتىدىن تا پەشەن نامازىگەچە اوروشىدىلەر. اۋزىكلەر اوچ يۈز مىنگە چىقىردى، دېدى او. توركەنلەر ايسە قىرقلېك مىنگە كىشى اېكەن. اما كۆز بىلەن چەلەگەندە، اولارنى يۈز مىنگە كىشى دېيىش مەكەن. لېكەن اۋزىكەن اۋز آدملىرى سانىنى بىر يۈز بەش مىنگە كىشى دېر اېكەن. قىزىل باشلار روم اصولىدە-ارابە، سۈرەزەن، مىلتىقلىلارنى بىر سەف قىلىپ، اۋزىنى اولار آرتىگە بېكىتىپ اوروش باشلەيدىلەر. اينكى مىنگە اراپە، آلتى مىنگە مىلتىقلىسى بار اېكەن. شەزادە و جۇحە (خواجه) سلطان يىگىرمە مىنگە سەرى يىگىتى بىلەن اراپەلەر آرهسىدە تورر، باشقە بېكلەرنى اراپەلەرنىنگ اۋنگە و چەپ قەتەلەرگە سەف تارتتىرگەن اېدى. اۋزىكلەر پەيتىپ بارىپ، چەتەلەگى كىشىلەرنى باسىپ، آتەن توشىرىپ آلدىگە سالىپ جۇنەيدىلەر. قىزىل باشلارنىنگ آرقە طرفىدىن ايلەنىپ اۋتەپ، تۈيە و پەرتالەننى (سەفەر انجاملەرنى) اۋلجە قىلىپ آلەيدىلەر. شو پەيت اراپەلەر آرهسىدە توررگەن جەنگچىلەر زەنجىرلەرنى يېچىپ، آلدىنگە چىقەيدىلەر. بو پەردە ھەم جۈدە شەتەلى جەنگ بۇلەدى. اۋزىكەن اوچ بارە قەرشىلىككە اوچرەيدى. تەنگرى تەعالى كۈمگى بىلەن اۋزىكەننى يېنگەيدىلەر. كۈچۈمخەن، عەبىدخان، ابوسەيد سلطان باشچىلىگىدەگى تۇقىز سلطان اسىر آينەدى. بىر ابوسەيد سلطان گىنە تىرىك اېمىش، قالگەن سەگىز سلطان قەتل اېتتىرىلەدى. عەبىدخانەنىنگ باشى تاپىلمەيدى، بىراق تەسەننى تاپىدىلەر، اۋزىكلەردن اېلېك مىنگە كىشى و توركەنلەردن يىگىرمە مىنگە كىشى اۋلىمگە باردىلەر.

خوددى اۋشە كۈنى غياثالدىن قۇرچى، اۋن آلتى كۈندە قەيتىپ كېلىش وعدەسىنى آلىپ جانپۇرگە جۇنتەن اېدىك، كېلدى. او جۇنەگەن پەندە سلطان جەنىدە لىشكرى بىلەن خەرىدگە

كېتگنلىكى باعث غياث الدین قۇرچى اۋز وقتىدە يېتىپ كېلالمەدى. سلطان جنید آغزەكى طرزە: «شكر-شكر. تىگرى نىنگ مرحمتى بىلن بو طرفلردە پادشاه نىنگ كېلىشىنى طلب اپتەدىگن ايشلر كۆرىنمەيدى. ميرزا عسكرى كېلگنلريدە، بو ولايتدەگى سلطانلر، خانلر و اميرلرگە ميرزا بىلن بيرلشيشگە فرمان بۇلسە، ھەمە ايشلر نىنگ آسانلىك بىلن يۇلگە توشيشىگە اميد بار»، دېب ايتىپ يوباريدي.

گرچە سلطان جنیددن شۇندەى جواب كېلگن بۇلسەدە، سىنگھە كافرگە قرشى غزاتدن كېن بنگالەگە اپلچى قىلىپ يوبارگن كىشىمىز-بوگون كېلىشى لازم بۇلگن ملا محمد مۇدھب كېلتىرەدىگن خبرنى ھم كوتىدىك.

آى نىنگ اۋن توقیزىنچىسىدە، جمعه كۈنى معجون بېب، بير نېچە يقين آدملىرىم بىلن "خلوت خانە" دە اۋتىرگن اپدىم، ملا محمد مۇدھب كېچقورون، يعنى شنبە كېچەسى كېلىپ ملازمت قىلدى. او طرفلردەگى احوالى سۇرەب يىلدىك. بنگالى اطاعت و ھمجهتلىك مقامىدە اپكن.

يکشنبە كۈنى تورک و ھند اميرلرىنى "خلوت خانە"گە چارلب، كېنگشدىك. بنگالى اپلچى يوباريب، اطاعتدە و ھمجهتلىك يۇلىنى توتگنلىكى حقيدە سۇز باردى و بنگالەگە بارىش نىنگ اۋزى اۋرىنسيز، دېگن فكرگە كېلدىك. اگر بنگالەگە بارمەسك، بو يېرلردە لشكرنى تامينلش اوچون يېترلى خزينەگە اپگە بۇلگن بيرار پېر يۇق. غرب طرفدە بۇندەى جايلر بار: ھم يقين، ھم خزينەسى بار.

مالى وافر، اپلى كافر، يۇل ياووق،

شرق سارى گر يىراقتور، اول ياووق.

آخرى غرب تامانگە يۇلىمىز يقين بۇلگنلىكى باعث، بير نېچە كۈن تۇختب، شرق طرفدن كۈنگىلىنى خاطر جمع قىلىپ غربگە قرەب بارسك ھم بۇلەدى، دېگن قرارگە كېلدىك. پوراب اميرلرگە فرمانلر بېتىپ، يەنە غياث الدین قۇرچىنى، يىگىرمە كۈندە بارىب كېلىش وعدەسىنى آلىب، چاپر قىلىپ جۇتتىدىك. فرماندە گنگ درياسى نىنگ نرىكى ياغيدەگى برچە سلطانلر،

خانلر، اميرلر عسكرى نىنگ قاشىدە يىغىلىپ، بو دشمن نىنگ اوستىگە يورسىن، دېب يازگندىك. بو فرمانلرنى يېتكزگچ، او يېردەگى بار واقعهلر خبرىنى آلىپ، بېلگىلنگن مدته يېتىپ كېلىشى لازم اېدى.

اۋشە كونلرى محمدى كۈكلداش دن بلوچ ينه كېلىپ، بعضى يېرلرنى ويران قىلدى، دېگن خبر كېلدى.

شو باعث چىن تېمور سلطان گە بويوريلدى كە، سهرىند و سَمَنەدن نرئىدەگى عادل سلطان، سلطان محمد دۇلداى، خسرو كۈكلداش، محمدعلى جنگ-جنگ، عبدالعزيز ميرآخۇر، سىد على، ولى قىزىل، قراچە، حلاحل، عاشق بكاوول، شىخ على، كتە، گوجورخان، حسن على سوادى سىنگرى بېكلر باشچىلىگىدەگى كىشىلر سلطان قاشىگە يىغىلىپ، آلتى آيلىك قورال-يراغ بىلن بلوچ اوستىگە يورسىن. سلطان نىنگ اعلان و قرارلرگە تيار توريپ، اونىنگ قانون-قاعدهلريدن چىقمەسىنلر، دېب بويوردىك. بو فرماننى يېتكزىش اوچون عبدالغفار تواچى تەيىنلندى. اوشبو فرمانلر اول چىن تېمور سلطان گە يېتكزىلسىن، دېب تەيىنلندى. او يېردن اۋتىپ، ناملرى ذكر اېتىلگن بېكلرگە فرماننى كۈرسەتىش، قەيېردەكە، چىن تېمور سلطان قۇشىن قىسىملرى اوچون جاي بېلگىلەگن بۇلسە، برچەسى قۇشىنى بىلن اۋشە يېردە حاضر بۇلىشى تەيىنلندى. عبدالغفار نىنگ اۋزىگە هم شولشكرده بۇلىش، كىم كە سستلىك و اعتبارسىزلىك قىلسە، مېنگە خبر قىلىشى تەيىنلندى. بوندىە كمچىلىككە يۇل قۇيگن كىشىنى منصبى و دورەسىدن چېتلەتىپ، يېر-جايلرىدن اوزاقلشتىرگەيمىز. بو فرمانلرنى تاپشيريپ، ينه بىر نېچە سۇزلرنى آغزەكى تەيىنلپ، عبدالغفارگە رخصت بېردىك.

آي نىنگ يىگىرمە سگىزىنچىسىدە، يكشنبە كېچەسى، اوچىنچى پھردن آلتى گرى اۋتگنىدە جوون دن اۋتىپ دۇلپوردەگى نىلوفر باغىگە يۇل آلدىك. يكشنبە كونى اوچىنچى پھرگە يقىنلشكندە باققە كېلدىك. باغ نىنگ اطرافىدەگى جايلرگە بېكلر و خاص عملدارلر يىمگە اۋزلرى اوچون عمارتلر، باغلر سالىسىن دېب، يېر و جايلر تەيىنلندى.

جمادى الاول آيى نىنگ اوچىنچىسىدە، پنچىنە كۈنى باغ نىنگ شەرقى-جەنۇبى تەرىپىدە
ھەممە اوچۇن جاي بېلگىلەدەم و اونىنگ يېرىنى تېكىسلەدەلەر. اوشۇ تېكىسلەنگەن يېردە
ھەممە نىنگ پاي دەۋارىنى قويىش و قورلىش رېجەسىنى تۈزۈشنى بويوردىم. بو ھەممە نىنگ بىر
خانەسىدە اۋنگە-اۋن قىرى ھەممەدە حۈس بويوردىم.

اۋشە كۈنى خەلىفە آگرەدن يوبارگەن قاضى جەيە بىلەن بىر سەنگ دەۋونىنگ خەبەرلىرى كەلدى.
بەھارنى سەكەندەرنىنگ اۋغلى مەھمۇد اېگەلەگەنمەش، دەپ خەبەر بېرىلگەندى. بو خەبەرنى
اېشىتىشىم بىلەن لىشەرنى آلب يۈلگە چىقىشقا جەزم قىلدەم. اېرتەسى، جەمە كۈنى آلتىنچى
گەيدە نەلۈر باغەدن جۇنە، نەماز شەمدە آگرەگە كەلدىك. مەھمۇد زەمان دۈلپۈرگە كەتە ياتەن
اېكەن، يۈلدە اوچەردى. چەن تەمۈر سەلطان ھەم شو كۈنى آگرەگە كەلگەن اېكەن.

اېرتەسى، شەنبە كۈنى كەنگەش بېكەلەرنى چەقىرىپ، آي نىنگ اۋنىنچىسىدە، پنچىنە كۈنى
پوراب سەرى جۇنشەگە قەرار قىلەندى.

اۋشە شەنبە كەبلەدن ھەم خەبەر كەلدى. ھەمەيون نەرىگە يۈزدەگە عەسكەرلەرنى يەغەپ،
سەلطان وەيسەنى اۋزىگە قۇشەپ آلب، قەرق-اېلىك مەنگە يەقەن كەشى بىلەن سەرقەند
اۋستىگە يۈرەش باشلەدى. سەلطان وەيسەننىگ اۋكەسى شەقۈلى ھەسارگە بارەپ كەرىدى.
تۈرسۈن مەھمۇد سەلطان تەمەدن چەقىپ، قەدەياننى آلب، يەردەم سۈرەدى. ھەمەيون تۈلەك
كۈلەش و مەير خەردەن كۈپ كەشەلەرى، اۋشە يەردەگە بار مۇغۇللەر بىلەن تۈرسۈن سەلطانگە
كۈمەككە يوبارەپ، اۋزى ھەم اۋلەرنىنگ آرتەدن جۇندى.

جمادى الاول آيى نىنگ اۋنىنچىسىدە، پنچىنە كۈنى اوچىنچى گەيدەن سۇنگ پورابگە
بارەش نەتەدە سەفرگە چەقىپ، جەلسە قەشلاغەدن يوقارىقەدە كەمە بىلەن جۈۋەنەن كەچەپ
اۋتەپ، "زەرافشان" باغەگە كەلەم. بىراق، نەغارە و آتەلەرگە ھەمدە بۈتۈن لىشە اېلىگە باغ
رۈپەرسەيدە-سۈۋونىنگ او يۈزىگە جەلەشەين، دېگەن فەرمان بېرىلدى. مەنى كۈرەشگە
كەلەدەنگەلەر سۈۋەنەن كەمە بىلەن اۋتەپ كەلەۋەردى.

شەنبە كۈنى بنگالە اېلچەسى اسماعەل مەتە بنگالە نىنگ تەرتەقلەرنى كەلتەرىپ، ھەندۈستان

عادتي بۇيىچە ملازمت قىلدى. بىر اۋق آتېمى مسافەسىدەگى جايگە كېلىپ، تعظيم قىلدى و آرتىگە قېتىدى. كېيىن اونگە "سېر مۇينە" دېب اتلەدىگن عادتي سىرۇپا كىيىدىرىپ، آلىپ كېلىدىلر. بىز نىنگ عادت بۇيىچە او اوچ بار تىز چۇكىپ تعظيم قىلدى و آلدېمگە كېلىپ نصرتشاه نىنگ مەكتوبىنى بېردى. كېلىتىرگن تارتىقلىرىنى تاپشېرىپ، آرتىگە قېتىدى.

دوشنبە كۈنى خواجه عبدالحق كېلىدىلر. كېمە بىلەن سوۋدىن كېچىپ، خواجه نىنگ چادرلىرىگە باردىم و التفات كۆرسىتىم.

سەشنبە كۈنى حسن چىلىپ كېلىپ، ملازمت قىلدى. لشكرنى جىنگىگە شېلىش اوچون بىر نېچە كۈن چارباغدا قالدېك.

آي نىنگ اۋن پېتىنچىسىدە، پىنجىشنبە كۈنى اوچىنچى گرىدىن كېيىن او يېردىن كۈچدىك. مېن كېمەدە كېتىدىم. آگرەدىن يېتى كۈرۈە نەيدە جايلىشگن اونور قىشلاغىدە تۇختەدىك.

يکشنبە كۈنى اۋزىك اېلچىلىرىگە كېتىش اوچون رخصت بېرىلدى. كۈچۈمخان نىنگ اېلچىسى امين مىرزاگە كمر، خىنجر و زىراف يلك قوت تۇن و يېتمىش مىنگ تىگە انعام بولدى. ابوسعيد سلطان نىنگ نوكرى ملا تىغايىگە، مېر خانم و اونىنگ اۋغلى پولاد سلطان نىنگ نوكرلىرىگە توگمەلىك چىكمانلر، شايى تۇنلر كىيىدىرىلدى. اولر نىنگ ھەم ھىر بىرىگە يەشە پول انعاملىرى بۇلدى.

اېرتەسى كۈنى خواجه عبدالحق قە آگرەدە تورىشى، اۋزىك خان و سلطانلردىن اېلچى بۇلىپ كېلگن خواجه يحيى نىنگ نېرەسى خواجه كلانگە سمرقندگە كېتىش اوچون رخصت بېرىلدى.

ھەمىيون نىنگ اۋغىللى بۇلگىنى، كامران نىنگ اۋلىنىشى مناسىبتى بىلەن قوتلىش اوچون مىرزاى تېرىزى و مىرزا بېك تىغايىنى اۋن مىنگ شاھرخى ساچىق بىلەن جۇتتىدىم. اۋزىم كىيگن تۇن و باغلىگن كمر ھەر ايكى مىرزاگە يوبارىلدى. ملا بېھىشتى آرقەلى ھىندالگە قىمەت بھا تاشلر قەلگن كمر خىنجر و يىنە شۈندەى بېزەكلى سىيادان ھەمدە صدف بىلەن بېزەلگن صندل (خوان تىختە)، كىيگن نېمچەمنى و كمر ھەمدە "بابرى خط" نىنگ الفبىسى

یوباریلیدی. ینه "بابری خط" بیلن بیتیلگن قطعه لر یوباریلیدی. همایون گه ترجمه و هندوستان گه کپلگنده بیتگن شعرلرنی یوباردیم. هندال و خواجه کلان گه هم ترجمه و شعرلر یوباریلیدی. میرزا بیک تغایی دن کامران گه هم ترجمه و هندگه کپلگنیمدن کپین یازگن شعرلریم، "بابری خط" بیلن بیتیلگن سرخطلر^۶ یوباریلیدی.

سه شنبه کونی کابل گه کپته دیگن کیشیلرگه خطلر یازیپ بېریپ، رخصت بېردیک. ملا قاسم، استاد شاه محمد سنگتراش، میرک میرغیاث، میرسنگتراش و شاه بابایی بېلچی گه آگره همده دۆلپورده سالینه دیگن عمارتلرنی اېسلریگه سالیپ و اولر ذمه سیگه یوکلپ، رخصت بېردیک.

بیرینچی پهر یقینلشگنیده اونوردن جؤنب کپتدیک. پشین نمازیدن کپین چندورگه بیر کوروه قالگنیده، ابه پور دېگن کته قیشلاققه کپلیپ توشدیک. پنجشنبه آقشامی عبدالملک قۇرچی نی حسن چلبی گه قۇشیپ شاه نینگ آلدیگه، چاپوقنی اېسه اؤزبک اېلچیلری بیلن بیرگه خانلر و سلطانلر آلدیگه یوباردیک.

کېچه نینگ توگه شیگه تۇرت گری قالگنیده ابه پوردن کۇچیب، تانگ آته یاتگنیده چندور یانیدن اؤتیپ، کپمه گه توشدیم. خفتن نمازی چاغی رېری آلدیده کپمه دن چیقیب لشکرگاهگه کپلدیم. اوردو فتحپورده جایلشگندی. فتحپورده بیر کون توریپ، شنبه سحری طهارت آلیپ، آتلیپ رېری یقینیده بامداد نمازینی جماعت بۇلیپ اؤته دیک. مولانا محمود فارابی اماملیک قیلدیلر. آفتاب چیققنیده رېری ده گی کته تۇقی پستیدن کپمه گه کیردیک. ترجمه نی "ترکیب خطی"^۷ بیلن بیتیش نیتیده اون بیر سطرلیک مَسْطَر^۸ باغله دیم (یسه دیم). اؤشه کونی اهل الله نینگ سۆزلری کؤنگلیمگه آگاهلیک سالدی.

رېری ولایتلریدن جکین دېگن ولایت رۇیه ره سیده کپمه لر نی قیرغاققه تارتیب چیقیب،

۶- سرخط — حسن خط مشق قیلووچی اوچون اوقیتووچی تامانیدن یازیپ بېریله دیگن خط نمونه سی.

۷- ترکیب خطی — اره لش خط؛ متنده تورلی یازوولر نی قۇللش.

۸- مستر — چیز یقسیز قاغازگه چیزیق توشیریش اوچون قلین قاغازگه ایپلر تارتیب یسه لگن اسباب (چیزگیچ).

اوشه كېچهنى كېمەنينگ اۋزىده اۋتكزدىك. او يېردن تانگ آتمسیدن اۋل كېمەلرنى يوريتىپ، آرهده بامداد نمازىنى اۋقيدىك. كېمەده اېكنىمده سلطان محمد بخشى خواجه كلاننينگ نوكرى شمس الدين محمدنى آليب كېلدى. كېلتىرگن خطلىرى، ايتگنلريدن كابلدهگى احوال معلوم و انيق بۇلدى. مهدي خواجه هم كېمەده اېكنىمىزده كېلدى. اېرتهسى كونى پېشين نمازیدن آلدین آتاوه آلدیدهگى دريانیگ نریگی یوزیدهگى باققه چقیب جۇنده غسل قیلیب، پېشین نمازىنى ادا اېتدیم. نماز اۋتهگن یېردن آتاوهگه یقینراق جایگه كېلیب، دریادن یوقاریراقدە جایلشگن تېپەلیك اوستیدهگى باغ درختلىرى سایه سیده اۋتیریپ، ییگیتلرنى شۇخلیككه سالدیك. مهدي خواجه بویورگن طعام شو یېرده تارتیلدى. نمازشامده دریادن اۋتیب خفتن نمازی چاغى اۋردهگه كېلدیم. لشكرنینگ ییغیلیشىنى کوتیب همده شمس الدين محمد آرقەلى كابلده گیلرگه بېریپ یوباریله دیگن خطلرنى بیتیش اوچون اېگى- اوچ كون شو جایده توردىك.

جمادى الاول آیینىگ آخريده، چارشنبه كونى آتاوهدن كۈچیب، سگیز كوروه یۇل یوریب، موري و آدوسهده تۇخته دىك. كابلگه جۇنته دیگن بعضى خطلرنى شو جایده بیتدىك. همایونگه منه بو مضمونده خط بیتیلدى: «اگر حاضرچه ارزیرلى بیرار ایش قیلمه یاتگن بۇلسنگ، اۋغریلیك و قراقچیلیكنى منع اېتگین، تاكه اولر یوزهگه كېلگن تینچلیكنى بوزمه سینلر. ینه شوکه، كابل ولایتىنى خالصه قیلدیم، اۋغیللریمدن هېچ بیرینگیز اونگه طمع قیلمهگه یسیز. هندالنى چقیرتیرگن اېدیم. ینه کامرانگه شهزاده بیلن یخشى مناسبتده بۇلیشنى، مۇلتان ولایتىنى اونینگ اۋزیگه انعام قیلگنیمنى همده كابل ولایتىنینگ خالصه بۇلگنېنى، مېنینگ عایله اعضالریم و قرینداش-اوروغلریم نینگ آلدیمگه كېله یاتگنلیكلرنى بیتگن اېدیم. ینه بعضى ایشلر خواجه كلانگه بیتیلگن خطدن معلوم بۇلیشنى اۋیلپ، اوشه خط قارهلمه سینی اۋزگرتیرمه ی كۈچیریب یازدیم:

«خواجه كلانگه سلامدن سۇنگ، سۇزیم شوکه، شمس الدين محمد آتاوهگه كېلدى. كابلدهگى احوال معلوم بۇلدى. ییزنینگ او تامانلرگه باریشگه بۇلگن اشتیاقیمیز حدسیز-

اداقسیر دیر. هندوستان ده گئی ایشلر بیر مونچه ترتیگه کبله باشلدهدی. تنگری تعالی دن امید قیله میزکه، بو پیرده گئی ایشلر تنگری تعالی نینگ کؤمگی ییلن تیز کونلرده سرانجام بؤله دی. بو پیرده گئی ایشلر یؤلگه توشیب کپتسه، تنگری نصیب قیلسه، توختب تورمه ی کابل سری یؤلگه توشه من. او پیرلر نینگ لطافتینی کیشی قنده ی اونوته دی؟ اینیقسه، ایچیشنی گناه بیلیب، ترک اپتگنده، قاوون و اوزومدېک شرعی نرسه نینگ لذتینی کیشی قنده ی قیلیب اېسدن چیقارسین. یقینه دهنکه قاوون کپلتیریشگن اېدیله، کپسیب یېگنیمده، غلطی تاثیر قیلدی. راسه ییغله دیم. کابل ده گئی ناتینچلیکلر حقیده بیتیلگن اېدی. بو حقده اؤیلب، آخری، اگر بیر ولایتده یېتّی سگیز حاکم بؤلسه، قنده ی قیلیب ترتیب و آبادانلیک، یخشی باشقروو بؤلسین، دېگن فکرگه کپلیدیم. شو باعث آبه منی و حرّمنی (عیاللرنی) هندوستان گه چقیرتیردیم، کابل ولایت و قیشلاقلرنی خالصه قیلدیم. همایون و کامران گه هم اوشبو مضموننی شرحلب به تفصیل یازدیم. بیر مناسب کیشی بو خطرلرنی میرزالرگه آلیب بارسین. ایلگری هم میرزالرگه بو حقده یازیب یوبارگندیم، احتمال، سیزگه هم معلوم بؤلگن دیر. اېندی بویاغیگه او ولایتی باشقیریش و آبادانلشتیریش مسأله سیده هېچ بیر بهانه، اعتراض بؤلشی ممکن اېمس. بوندن کپین اگر قورغان نامستحکم و خلق ناآباد بؤلسه، یا ذخیره قالمسه، یا که خزینه تؤلّمسه، بو فقط مملکت سویه نچیغی بؤلگنلرنینگ اوقووسیزلیگی طفیلی صادر بؤلشی ممکن.

قوییده ایتیلهدیگن بعضی ضرور ایشلرگه فرمان هم یوباریلگن. بولردن بیرى شونده ی: کؤپ خزینه تۇپلنسین. ضرور ایشلر قوییده گیلر دیر: اېنگ اؤلا، قورغان ترتیگه کپلتیریلسین، اوندن کپین ذخیره تۇپلش، اوندن کپین کپلیب-کپتوؤچی اېلچیلر اوچون معاش و آذوق-طعام و یشش جایى خرجتلرینی تأمینلش، اوندن کپین جامع مسجدی عمارتینی قوریش. بولر نینگ برچه سی اوچون مبلغنی توشه یاتگن درآمددن آلیب شریعت قانون-قاعده لرگه موافق صرف اېتیلسین. ینه کاروانسرای و حماملر ترتیگه کپلتیریلسین، ینه ارکده استاد حسن علی پیشیق خشت ییلن قوریب یرمیگه یپتکزپ قویگن عمارت یپتکزیلسین.

بو عمارتنى استاد سلطان محمد بيلن كېنگشىب، يىخشى رېجە بيلن قوريش تەيىنلەنسەن. اگر استاد حسن على توزگن اولگى رېجە سقلىب قالگن بولسە، عمارتنى اوشە رېجە اساسىدە آخريگە يېتكزىلسەن، عمارت رېجەسى تاپىلمەسە، اوندە اوزارا كېلىشىپ، چىرايلى بىر رېجەلى عمارت سالىنسەن. حويليسى نىنگ صحنى دېوانخانە حويليسى صحنى بيلن برابر بولسەن. يەنە درەدن كىچىك كابل سىرى بارىپ، بتخاك درياسىدە تۇپلەندىگن كىچىك كابل تۇغانىنى يىخشى سقلىگ. يەنە غزنى تۇغانىنى توزەتىگ، باغ خىابان و خىاباننى ھەم. يەنە بو باغ نىنگ سووى كەم، اونغە بىر تېگىرمان سوو تاپىپ كېلتىرىش كېرەك. يەنە خواجە بىستەنىنگ غەربى-جنوب طرفىدە توتوم درەدن بىر تېپەلىك اوستىگە سوو كېلتىرىپ، حوض قزدىرىپ، نھاللار اېكتىرگن اېدىم. كېچىك رۇپەرەسىگە توشگنى و اۋزىگە تارتەدىگن جاي بۇلگىلىگى باعث "نظرگاه" دېب اتەگندىك، بو يېرلرگە ھەم يىخشى نھاللار اېكىش كېرەك. تەرتىب بيلن گلزارلر قىلىپ، اطرافىگە خوشرنگ و خوشبۇي گلر، ريحانلر اېكىش لازم.

يەنە سىد قاسم ھەم كۈمكچىلر قىسمىگە باشلىق بۇلىپ تەيىنلەندى. يەنە اۋق آتۇرلر و استاد محمد امين جىيەچى نىنگ احوالىدن غافل بۇلمىگ. يەنە اوشبو خط يېتىپ بارىشى بيلن آق آپەمنى و حەرمىنى تېزدە يۇلگە چىقىرىپ، نىلاب گچە يۇلباشچى بۇلىپ كېلىنگ. اوشبو خط يېتىپ بارگچ، بىر ھەفتەدن كېچ قالمىسەن البتە يۇلگە چىقىشسىن. چونكە اولرنى كوتىپ آلىش اوچون ھىندوستاندن چىققن لشكر تار يېردە سىقىلىپ، قىيىنەلىشى و بارگن يېرىنى خراب قىلىشى مۇمكىن.

يەنە عبداللەگە يېتىلگن مەكتۇبەدە توبە وادىسىدە كېچىرگن تشويشلىرىم حەقىدە كۆپ يازىلگەندى. مەنە بورباعى اۋشە يېتەدىگى احوالىمنى بىر آز افادەلەيدى:

مى تركىنى قىلغەلى پرىشاندور مېن،

بىلماق قىلور ايشىمنى و حيراندور مېن.

اېل بارچە پشيمان بۇلور و توبە قىلور،

مېن توبە قىلىپ مېن و پشيماندور مېن.

بنايى نىنگ قاجيرىملى سۆزلىرى خىيالىمگە كېلدى: بىر كۈنى بنايى عليشېرىپك نىنگ آلدېدە قاجيرىم قىلەدى. عليشېرىپك توگمەلىك چكماندە اپكن. اونگە قرەب: «جودە يخشى ظرافت قىلدىنگ. چكمانىمنى بېرىدىم، بىراق توگمەلىرى خلل بېرەدى»، دېب ايتسە، بنايى: «توگمەلىرىم نېمە گە خلل بېرىدى، بلكە دماغدارلىك خلل بېرر»، دېب جواب قىلىدى. (بو سۆزلىرى مەسئۇلىتى راويلر دۆمەسىدە). معذور توتىنگ. مونچە ھزل گېلر بۇلدى، خدا حقى، مېن حقىمدە يامان اۋىلەمگ.

يوقارىدەگى رباعى اۋتگن يىلى ايتىلگن اېدى. حقيقتاً، بو اۋتگن ايگى يىلدە چاغىر مجلسى نىنگ آرزوسى و اشتياقىى حدسىز-نھايەسىز اېدىكە، حتا بعضى پىتلىرى شراب اشتياقىدىن حتا يىغلىش درجەسىگە يېتىدىم. بو يىل، اللەگە شكرەكە، بو تشويش كۈنگىلىمدن بوتونلەى كۈتىرىلدى. احتمال، بو ترجمەنى نظم قىلىشىم نىنگ يخشىلىگى و بركاتىدىن بۇلگن دىر. سىز ھم توبە قىلىنگ. صحبت، مىخۇرلىك ھمصحبت و ھمكاسە بىلە ياقىملى بۇلىش دىركە، سىز كىم بىلن صحبت قىلەسىز و كىم بىلن ھمكاسە بۇلەسىز. اگر ھمصحبت و ھمكاسە شېراحمەد بىلن حىدرقولى بۇلسە، اوندە بو توبە نىنگ آغىرلىگى يۇق دىر، دېب آرزومندلىك بىلن سىزنى ساغىنىپ سلام.

جمادى الآخر آيى نىنگ اۋلىدە، پنجشنبه كۈنى يېتىلدى.»

بو نصيحت آمىز سۆزلىرى بىتەياتگىنىمدە قتيق تائىرلندىم. بو خطلىرىنى شمس الدىن محمدگە تاپشېرىپ، آغزەكى كۈرستمەلىرى بېرىپ، جمعة كېچەسى جۇنۇب كېتىشىگە رخصت بېرىلدى.

جمعة كۈنى سگىز كۈرۈە يورىپ جومئودونەگە توشدىك. اوشە كۈنى كېتىن قراسلطان نىنگ بىر نوكرى اوندن بىزگە اېلچى بۇلىپ كېلگن كمال الدىن قىياق اسملى نوكرى نىنگ آلدېگە يوبارىلگن اېكن، كېلدى. كېتىن قراسلطان قىياققە چېگرەدەگى بېكلىرىنىڭ بۇلمە غور ايشلىرى و قىلىقلىرى ھمدە قراقچى و اۋغرىلرنىڭ بې باشلىكلىرىدىن حسرت و شكايەت قىلىپ بىر نېمەلىرى يازگندى. قىياق اۋشە كېلگن آدمىنى بىز نىنگ آلدېمىزگە يوبارىدى.

قياققه كېتىشكە رخىست بېردىم و چېگرەدەگى بېكلرگە قراقچى و اۋغرىلر نىنگ جلوينى تارتىپ قۇيىشنى، يىخشى معاملەدە بۇلىپ، اۋزلىرىنى يىخشى توتىشلىرىنى بويوردىم. بو فرمانلارنى كېتىن قرا سلطاندىن كېلگن كىشىگە تاپشيريپ، منە شو جايدە اجازت بېرىلدى.

حسن چلبى دن شاهقولى دېگن كىشى كېلىپ، اۋزبكلر و قىزىل باشلر اۋرتەسىدەگى اوروشدەگى احوال حقيدە خبر بېردى. شاهقولى دن شاھگە خط بيتىپ، حسن چلبى نىنگ كېچىككنلىگى غذرىنى ايتىپ، آى نىنگ ايگىنچىسىدە، جمعه كونى شاهقولى گە رخىست بېرىلدى.

شنبە كونى سگىز كوروه يورىب كېلى ولايتىدەگى ككوره و چەچەولى بېرلىرىدە تۇختەدىك. آى نىنگ تۇرتىنچىسىدە، يىكشنبە كونى تۇقىز كوروه يورىب كېلى ولايتى نىنگ ديدەپور دېگن بېرىدە تۇختەدىك. اۋشە يېردە ساجىمنى قىرقدىم. ايگى آى بۇلگن ابدى ھمكە، ساجىمنى قىرقتىرگىم يۇق ابدى. سېنگر درياسىدە غسل قىلدىم.

آى نىنگ اۋنچىسىدە، دوشنبە كونى اۋن تۇرت كوروه يورىب كېلى ولايتلىرىدن چىركەدە تۇختەدىك.

اېرتەسى-آى نىنگ آلتىنچىسىدە، سەشنبە كونى قراچە نىنگ ھندوستانلىك خدمتكارى ماھىم نىنگ كېلەياتكلىگى حقيدەگى قراچەگە يىتىلگن فرماننى آلىپ كېلدى. مېنىنگ ايلگرى اۋز قۇلىم بىلن يىتگن پروانە خط^۹گە اۋخشە تىپ يازىلگن فرماندە ماھىم لاھور، بېھرە و اۋشە اطرافدە يشەيدىگنلردن يۇلباشچى سۈرەبدى. فرمان جمادى الاول آى نىنگ يېتىنچىسىدە كابل دە يىتىلگن.

چارشنبە كونى بېتى كوروه يورىب آدمپور ولايتىدە تۇختەدىك. اۋشە كونى تانگ آتمسدىن آق آلتىپ يۇلگە توشدىم. يالغىز توشلىنىپ، جوون درياسىگە يېتىپ كېلدىم. جوون ياقەلب پستگە قرەب يوردىم. آدمپور نىنگ توغرىسىگە يىتگندە، بىر آرالده قرارگەگە يقىن جايدە

۹- پروانە خط — حکمدارنىڭ قۇل آستىدەگى عملدارلرگە يازىلەدىگن خطى.

شاميانلار تىكتىرىپ معجون بېلدى. اۋشە كۈنى صادق بىلن كالانى كۈرەش توشىردىك. كالال شو پىتگچە تورلى دعوالر قىلىپ كېلدى. آگرەدە يول چرچاغىنى يازەى دېب، عذر سۈرەب، يىگىر مە كۈنگە مەلت سۈرەگندى. بو مەلتدن قىرق-اېلىك كۈن اۋتدى. بوگون او كۈرەش توشىشگە مجبور بۇلدى. صادق يخشى كۈرەش توشدى، كالانى جودە آسان يىقتىدى. صادققە اۋن مىنگ تنگە، اېگرلنگن آت و توگمەلى چكمان انعام قىلدىك. گرچە كالال يىقىلگن بۇلسەدە، كۈنگلى اۋكسىمەسىن دېب، اونگە ھەم سۈرۈپ، اوچ مىنگ تنگە ساوغە قىلدىك. ازابە و تۈپلرنى كېمەلردن چىقىرىشگە فرمان بۇلدى. يۈل قورىب، يېرنى تېكىسلەب ازابە و تۈپلرنى چىقرگونچە شو جايدە اوچ-تۈرت كۈن توريب قالدىك.

آينىنگ اۋن ايگىنچىسىدە، دوشنبە كۈنى اۋن ايگى كۈرۈە يوريب، كۈرۈگە توشدىك. اۋشە كۈنى تخت رواندە كېلدىم. كۈرۈەدن اۋن ايگى كۈرۈە اۋتېب، كۈرۈە ولايتلىرىدن يېرى - كۈرۈگە كېلىپ تۇختەدىك. كۈرۈەدن سگىز كۈرۈە اۋتېب، فتحپور اسوگە توشدىك. فتحپوردن سگىز كۈرۈە يوريب، سراى موندەدە تۇختەدىك. شو يېردە تۇختەگىمىزدە خفتان نمازى چاغى سلطان جلال الدين كېلىپ خدەتمىگە كىردى. اۋزى بىلن ايگى كىچىك اۋغلىنى ھەم باشلەب كېلدى.

اېرتەسى-آينىنگ اۋن يېتىنچىسىدە، شنبە كۈنى سگىز كۈرۈە يوريب، كۈرۈە ولايتلىرىدن بۇلگن گنگ قىرغاغىدەگى دوگدوگى دە تۇختەدىك. يەكشەنبە كۈنى محمد سلطان مىرزا، قاسم حسين سلطان، شەھاب سلطان و توردىكە شو جايدە اېكىنمىزدە كېلدىلر. دوشنبە كۈنى عسكىرى ھەم شو جاىگە كېلىپ، التفات كۇرستدى. اولر نىنگ ھەمەسى گنگ نىنگ شرقى طرفىدن كېلگن اېدىلر. عسكىرى اۋز لشكىرى بىلن گنگ نىنگ او يوزىدن بارسىن، دېگن فرمان بېرىلدى. بىز نىنگ اۋردو(لشكر) قەيپەدە تۇختەسە، اولر ھەم نىرگى بېتدە-رۈپەرەمىزدە تۇختەيدىلر.

شو يېردە اېكىنمىزدە آلدېندەگىلردن سلطان محمود بىر لك افغان يىغىدى، دېگن خبر كېتمە-كېت كېلدى. شېخ بايزىد و بېينى كتە لشكىرى بىلن سروار تامانگە يوبارىب، اۋزى

فتح خان سېرواني بيلن گنگ ياقه لېب چوڼر اوستيگه كېله ياتگن اېكن. شېرخان سورنى اۋتگن يىلى حرمىنى قىلىپ كۆپ گينه ولايتلر بېرىپ، شو پېرلردە قالدېرگن اېدىم، او اېسە منە شو افغانلرگه قۇشېلىپ كېتىدى. شېرخان و يەنە بىر نېچە اميرلرنى مجبورلېب دريادن اۋتكزييدىلر. سلطان جلال الدين نىڭ آدملىرى بنارس نى حمايه قىلالمەي، او پېرنى تشلېب قاچىيدى. سۈزلرگه قرەگندە، اولر بنارس قۇرغانيدە يېترلى درجەدە عسكەر قالدېرىپ، گنگ ياقەسىگە كېلىپ جنگ قىلماقچى بۇلىشگن اېكن. دوگدوگي دن جۇنېب كېتىپ، آلتى كوروو يورىپ، كۆرەگە اوچ-تۇرت كوروو قالگنيدە كوسردە تۇختەدىك. مېن كېمەدە كېلدىم. سلطان جلال الدين نىڭ ضياقتى باعث بو قرارگاهە ايگى-اوچ كون تورىلدى.

جمعه كوني سلطان جلال الدين نىڭ كۆرە قلعهسى ايچىدەگى اويلرگه توشىلدى. مھماندارلىك قىلىپ، آش و طعاملر تارتتى. طعامدن سۇڭگ اونىڭ اۋزى و اۋغىللرگە يىكتك، تۇن، نېمچە كىيىدىرىلدى. سلطان جلال الدين نىڭ التماسىگە كورە، اونىڭ كتە اۋغىلگە سلطان محمود عنوانى بېرىلدى. كۆرەدن آتلىپ، بىر كورووچە يۇل يورىپ گنگ قىرغاغىگە توشىدىك. گنگدە اۋل تۇختەگن جايىمىزدە ماھىمىنىڭ قاشىدن شېركېپك كېلگندى. بوگون خط بېتىپ، منە شو قۇنىمجايدن اونگە رخصت بېرىلدى. خواجه يحيى نىڭ نېرەسى خواجه كلان مېن يىتەياتگن "وقايە" نى سۇرەگندى، كتاب قىلىپ كۈچىرتىرگندىم، شېركدن بېرىپ يوبارىلدى.

اېرتەسى شنبە كوني بو پېردن جۇنەدىك. تۇرت كوروو يورىپ كۆدە توشىدىك. مېن فقط كېمەدە كېلدىم. تۇختەيدىگن جايىمىز يقين اېكن، اېرتە كېلدىك. بىر مدتدن سۇڭگ كېمەدە معجون يېدىك. خواجه عبدالشھيد نوربېك نىڭ اويىدە اېكن، اولرنى چارلەدىك. ملا محمودنى ملا عليخان نىڭ اويىدن چقىرتىردىك. بىر زمان شو پېردە اوتىرىپ، سۇڭرە كېمە بيلن دريائىنىڭ او يوزىگە اۋتىپ، پالوانلرنى كورەش توشىردىك. دوست يىسېنخىر گە پهلوان صادق بيلن اېمس، باشقە كورەشچىلر بيلن آلىشىش بويورىلدى. قاعدەگە خلاف روشدە اۋل زۇرراق پالوانلر نىڭ كورەش توشىشى بويورىلدى. يىسېنخىر سگىز كىشى بيلن

یخشی کوره‌ش توشدی.

عصر نمازی چاغی سلطان محمد بخشى كېمه بیلن او طرفدن كېلدى. او سلطان اسکندر نینگ اۋغلى محمودخان نینگ، دشمن اونی سلطان محمود دېب اتشردى، مغلوبیتی حقیده خبر كېلتیردى. پېشین نمازی چاغی بیز طرفدن بارگن ایغاقچی هم دشمن نینگ مغلوبیتی تۇغریسیده گی خبرنی كېلتیردى. ایگی نماز آره‌سیده تاجیخان سرنگخانی كېلتیرگن خبر هم جاسوس نینگ خبریگه تۇغری كېلردى. سلطان محمد كېلیب بو حقه‌ده مېنگه خبر بېردى. دشمن چونرنی اۋرهب آلییدی. بیر آز اوروش هم قیلییدی. بیز نینگ كېلگنیمیزدن ایشانرلی خبرنی اېشیتگچ، ترتیسیز بیر حالده او بېردن جۇنب قالیدی. بنارسنی اۋرهب آلگن افغانلر هم سراسیمه‌گه توشیب آرتگه چېکینه‌دیله و سوودن اۋته‌ياتگنلریده ایگی كېمه‌سی غرق بۇلیب، بیر قنچه کیشیسی سووگه چۆكدى.

كېینگى كونی آلتی كوروه یۇل یوریب پە یگ ولايتلریدن بیرى-سیراولی گه كېلدىك. مېن كېمه‌ده كېلدىم. اېسان تېمور سلطان و تۇخته بۇغه سلطان مېن بیلن كۆریشیش اوچون یریم یۇلده كوتیب توریشگن اېدیله. سلطانلرنی هم كېمه‌گه چارله‌دیم. تۇخته بۇغه سلطان عده قیلگن (يامغیر چقىرگن) اېكن، تونده قتیق شمال كۆتریلیب، يامغیر ياغه باشله‌دى. هوا جوده یخشی اېدى. بونده‌ی آب-هوا معجون یېیش ایستگینی اویغاتدی. گرچه بیر کون اۆل معجون یېگن بۇلسك هم، بو کون ینه معجون یېدىك. قۇنیمجایگه كېلیب، اېرتەسى كونی هم شو یېرده قالدیک.

سەشنبە كونی یۇلگه توشدىك. قارگاه تۇغریسیده كته‌یم-یشیل بیر آرال بار اېكن. كېمه بیلن اۋتیب، آرالننى تماشا قیلیب، بیرینچى پھرده كېمه‌گه كیردیم. آتده سیر قیلیب قیته‌ياتگنیمده بیلمسدن جر یاقەسیگه كېلیب قالیمن. آت یاریلگن جر اوستیگه چیققچ، جر كۆچدى. مېن درحال سكرهب، اۋزیمنى چېتگه آتدیم، آت هم اوچیب كېتمە‌دى. اگر مېن آت نینگ اوستیده بۇلگنیمده، احتمال، آت بیلن بیرگه جرگه اوچردیم. اۋشه كونی مېن گنگ دریاسینی قولاچلب سوزیب اۋتدیم. هر قولاچیمنى سنب، اۋتیز اوچ قولاچلیك جایدن

سوزىب اۋتدېم. يەنە تۇختەمسىدىن بو تامانگە ھەم سوزىب اۋتدېم. بىرچە درىالردىن سوزىب، كېچىب اۋتگندېم. فقط گىگى درياسى قالگندى. نمازىشام چاغى گىگى جوون درىالرىنىڭ قۇشلىش جايىگە يېتىپ بارىپ، كېمەنى پەيگى طرفىدىن قىرغاققە تارتىرىپ بىر پەھر و تۇرت گرىدە اۋردوگە كېلدىم.

چارشەبە كۈنى ايكىنچى پەردىن كېيىن لىشكر جوون درياسىدىن اۋتە باشلەدى. تۇرت يوز يىگىرمەتە كېمەمىز بار اېدى. رەجەب آيىنىڭ باشىدە، جەمە كۈنى مېن درىادىن اۋتدېم. آيىنىڭ تۇرتىنچىسىدە، دوشەنبە كۈنى جوون قىرغاقى بۇيلىپ بەھارگە قەرب جۇنەدىك. بېش كۈرۈە يورىپ لاۋايىندە توشدىك. مېن كېمەدە كېلدىم. اۋشە كۈنگەچە عىسكىرلەر جووندىن كېچىپ اۋتەياتگەن اېدىلەر. آدمپۈردە كېمەلردىن چىقىرىلگەن سىزىزلى اراپەلرنى پەيگەدە يەنە كېمەگە يۈكلەپ، كېمە بىلەن آلىپ كېلىشلىرى بويۇرىلدى.

تۇختەگەن جايىمىزدە كۈرەشچىلەرنى كۈرەشكە توشىردىك. پەلۋان لاھورى بىلەن دوست سىنخىر كۈرەش توشدى. اولر قەتئىق آلىشدىلەر. دوست قىيىنچىلىك بىلەن رەقىبىنى يىقتىدى. ايكەلسىگە ھەم سىروپا انعام بۇلدى.

ايتىشلىرىچە، آلدىندە تۇس دېب اتشەدىگەن، باتقاق و بىلچىقلى يامان بىر درىا بار اېكەن. كېچىك كۆرىش و يۈل قورىش مقصدىدە ايكى كۈن شوقۇنىمجايدە قالدىك. آت و تويەلەر اوچون كېچىك جايى يوقارىقادىن تاپىلدى. ايتىشلىرىگە قەرەگەندە، كېچىكنىڭ ناتېكىس تاشلىرى بۇلگەنلىكى باغى يۈكلى اراپەلەر او يېردىن اۋتالمىس اېمىش. اما مېن يۈكلى اراپەلەرنى خۇددى اۋشە يېردىن آلىپ اۋتىشلىرىنى بويۇردىم.

پەنجشەبە كۈنى او يېردىن كۈچىپ، مېن تۇس درياسىنىڭ گىگەگە قۇشلىەدىگەن جايىگەچە كېمەدە كېلدىم. بو ايكى درىا قۇشلىەدىگەن يېردە كېمەدىن توشدىم و آتگە مېنىپ تۇس درياسى بۇيلىپ يوقارىگە قەرب يوردىم. عصر نامازى پىتى سۈودىن كېچىپ اۋتەپ، تۇختەگەن جاي-اۋردوگە كېلدىم. اۋشە كۈنى آلتى كۈرۈە يۈل يوردىك. اېرتەسىگە اۋشە قۇنىمجايدە بۇلدىك.

شەنبە كۈنى يۈلگە توشىپ، يەنە گىگى قىرغاقىگە-نىلابگە كېلدىك. او يېردىن جۇنە، آلتى

كوروه يوريب، كته قيشلاقدن (كېنتدن) يوقاريراقده تۇخته ديك. او يپردن ينه يېتى كوروه اۋتېب، نۆپورده تۇخته ديك. اوشبو جايدە تاجيخان چونردن اۋغىللىرى بيلن كېلىب، حرمت كۇرستدى. اۋشە كونلرى كابلدن يوكلر و قرينداشلىرىم نىنگ حقيقتاً كېلە ياتگنلىگى تۇغرىسىدە محمد بخشى دن خبر كېلدى.

چارشنبه كونى قارگاهدن كۇچىب، چونر قۇرغانىنى سىر قىلدىك و چونردن بير كوروهچە اۋتېب تۇخته ديك. پەيگدن جۇنەگن كونلرى تەمدە چېچك جراحتى پيدا بۇلگندى. شو جايدە بير روملىك بو كسلگە قرشى رومدە اېندى پيدا بۇلگن معالجهنى قۇللەدى. مۇرچنى سفال قازانده قېنەتدى، يرەنى اونىنگ بوغىگە توتدىم. بوغى كمەيگچ، ايسىق سوو بيلن يرەنى يوودىم. بو معالجه اوچون ايگى نجومى (استرونومىك) ساعت وقت كېتدى. شو جايدە بير كىشى اۋردو يانيدەگى آرالدە شېر و كرک كۇرگىنىنى ايتدى. اېرتەلب اۋشە آرالننى يخشىلب ايلنىب چىقدىك. فىلنى ھەم آلىب كېلىشگندى. شېر بيلن كرک چىقمەدى. حلقە نىنگ چېتىدن بير ياواى گاومىش چىقىدى. اۋشە كونى قىتىق شمال توردى. قۇم و چنگ كۇپ قىنەدى. كېمەگە يېتىب بارىب اۋتيردىم و اۋردوگە كېلدىم. اۋردو بنارس دن ايگى كوروه يوقاريراققە توشگندى. چونر اطرافيدەگى جنگلزارلردە، ايتىشلىرىچە، فىل جودە كۇپ بۇلركن. بو جايدن چىقىب بارىب فىل اولش نىتىم بار اېدى. تاجيخان محمودخان نىنگ سۇن درياسى قىرغاغيدە اېكنلىگى حقيدە خبر كېلتىردى. بېكلرنى چقىرىب، دشمن اوستىگە باستىرىب بارىشنى كېلىشىب آلدىك. آخر عاقبت، زودلىك بيلن بو يپردن كۇچىب، تۇخته مەى يۇل يورىشگە قرار قىلىندى. او يپردن جۇن، تۇقىز كوروه يوردىك و بىلۋە كېچىگى يانىگە توشدىك.

شو جايدن آى نىنگ اۋن سگىزىنچىسىدە، دوشنبە كېچەسى طاهرنى آگرەگە يوباردىك.

كابلدن كېلەياتىكلارنىڭ مەھماندارچىلىقى اوچون صرفلەندىگن پوللارنىڭ براتىنى ۱۰ ئايب كېتىدى.

اۋشە كۈنى كېمەدە كېلىدىم. تانگ آتمىسەن آق كېمەگە چىققىدىك. گۈبى درياسى نىڭ قۇشلىش جايىگە، يەنى جانپور درياسىگە يېتىپ، گۈبى درياسىدىن بىر آز يوقارىگە سوزىپ بارىپ، يەنە آرتىگە قېتىدىم. گرچە تارگىنە دريا بۇلسە ھەم، گزىرى (كېچىك جايى) يۇق اېدى. او تاماندىكى لشكر اۋتىگن يىلى كېمە و سال ھەمدە آتدە سوزىپ اۋتىگن اېدى. جانپور درياسى قۇشلىدەگىن جايدىن بىر كۈرۈە قويىراققە توشىپ بولتورگى قۇنىمجاينى، اۋشە يېردىن جانپورگە بارگن اېدىك، ايلنىپ چىقىدىم. دريا بۇيىپ يوقارىدىن ھەمراە شمال اېسە باشلەدى. بنگالى كېمە نىڭ يېلكىنىنى تارتىرىپ، كتە كېمەنى شو كېمەگە باغلىدىلر، او انچە تېز سوزىپ كېتىدى. اۋردو بنارسدىن بىر كۈرۈە يوقارىراققە توشگن اېدى، قۇنىمجاىگە كۈن توگشىگە ايگى گرى قالگىنىدە يېتىپ باردىك. آرتىمىزدىن تۇختەمەي كېلگن كېمەلرنىڭ اېنىگ تېز يورگىنى خفتان نمازى چاغىدە كېلىدى.

چۈنرە اېكىنىمدە مۇغول بېككە ھەربىر مىزلدە تۇغرى يۇلنى پىمايش طىنابى ۱۱ بىلن طىنابل ب اۋلچىش بويورلىگىندى. ھەر سفر مېن كېمەگە توشگىنىمدە لطفى بېك دريا قىرغاقى بۇيىپ مسافەنى طىنابل اۋلچىشى لازم اېدى. تۇغرى يۇل اۋن بىر كۈرۈە چىقىدى، سوو ياقەسى اېسە سگىز كۈرۈە. كېيىنگى كۈنى شو جايدە اۋتكىزدىك.

چارشەبە كۈنى ھەمە كېمەلر بىلن كېلىپ، غازىپوردىن بىر كۈرۈە قويىراققە توشدىك. پىنجشەبە كۈنى اۋشە جايدە محمودخان نوحانى كېلىپ، التىفات كۆرستىدى. شو كۈنى جالالخان بىھارى، فرىدخان نصىرخان، شېرخان سور، علاءالدىنخان سور و يەنە بىر نېچە افغان امىرلىرىدىن خىبرلر كېلىدى.

۱۰. برات — يارلىق، سالىقدىن عايد قىلىش ياكە سالىق آلىش حقىدە حكىمدارلر تامانىدىن بېرىلەدىگن علبىدە حجت.

۱۱. پىمايش طىنابى — مسافەلرنى اۋلچەيدىگن اىپ.

شو كۈنى عبدالعزيز مير آخۇرنىڭ^{۱۲} لاھوردىن جمادى الاول آيى نىڭ يىگىر مەنچىسىدە يېتىلگەن خەبرى كېلدى. اوشبو عرض يېتىلگەن كۈنى لاھورگە كېلىپ ولايتىدىن قاراچە نىڭ مېن يوبارگەن ھندوستانلىك خەدمەتكارى پېتىب بارگەندى. عبدالعزيز نىڭ مەكتۈبىدە يازىلىشىچە، عبدالعزيز و او بىلەن بىرگە تەيىنلەنگەن كىشىلەر جمادى الآخر آيى نىڭ تۇقىزىنچىسىدە نىلابدە مېنىڭ يېقىنلىرىمنى قارشى آلىدىلەر. عبدالعزيز اولر بىلەن چەناب گچە بىرگە كېلىپ، چەنابدە اولردىن اجرەلىپ، لاھورگە اولردىن ايلگىر يراق كېلىپ، اوشبو خەبرنى يوبارىدى.

جمعه كۈنى تورگەن پېرىمىزدىن كۈچدىك. مېن كېمەگە اۋتېرىپ اۋتەگەن يىلى چۆسە تۇغرىسىدەگى قوباش تۈتەلگەندە بىر كۈنلىك رۇزە تۈتەپ تۇختەگەن جايىنى چىقىپ سېر قىلدىم. قېتىپ كېمەگە كىردىم. محمد زمان مىرزا ھەم آرتىمدىن كېمەدە كېلدى. مىرزانىڭ قىستاۋى بىلەن مەجھۇن يېلىدى. اۋردو كرمۇنس درياسى نىڭ قىرغاقىگە توشقان اېدى. ھندوستانلىكلەر اوشبو كرمۇنس درياسى سوويدىن كۆپ ساقلىرىكلەر. پرىھىزكار ھەندولر بو دريادىن اۋتمەي، كېمەدە اونىڭ اېتىگىدەگى گەنگەن سوزىپ اۋتەدىلەر. اولرنىڭ اعتقادلىرىچە، بو دريا سوۋى كىشىگە تېگسە، اونىڭ بىرچە عبادەتلىرى ضايع كېتىرىش. دريانىڭ بۈندەي نامەلەنىش سېبىنى ھەم شۈنگە باغلىب توشۇتىرىدىلەر. كېمەدە كرمۇنس درياسى بۇلىپ يوقارىگە سوزىپ، يەنە آرتەگە قېتىدىك و گەنگەن شىمالى تامانىگە كېچىپ اۋتەپ، كېمەلرنى دريا قىرغاقىگە قۇيىدىك.

يىگىتلەر بىر آز شۇخلىك قىلدىلەر، بىر آز كۈرەشگە توشدىلەر. ساقى مەھسەن تۇرت-بېش كىشى بىلەن كۈرەشگە توشەن، دېپ دىعا قىلدى. بىر كىشى بىلەن كۈرەشگە توشىپ، يېقىلەي دېدى. اېگىنچى رىقىي شادمان اېدى. او مەھسەننى يېقىتىدى. خەجالت بۇلىپ، اويەلىپ قالدى. حەقىقى پالوانلەر ھەم كېلىپ كۈرەش توشدىلەر.

اېرتەسى، شەنبە كۈنى كرمۇنس درياسى نىڭ كېچىگىنى كۆرىش اوچۇن آدم يوبارگەن

۱۲- مىراخۇر - (۱) خان آتەقەرلى نىڭ باشلىغى؛ (۲) خراج و باشقە درامەلرنى نىظارت قىلوۋچى ئەمەلدار.

باعث بيرينچى پەرگە ياقين كۈچدىك. مېن آنگە مېنىپ، كېچىككە قەرب كرمونس درياسى بۇيىل يوقارىگە باردىم. كېچىك اوزاق بۇلگنى اوچون يە آرنگە قېتىپ، كېمەنىڭ اۈزىدە قۇنىمجاىگە كېلدىم. اۈردو چۆسەدن بير كوروۋە آلدىنراققە توشگندى.

اۈشە كۈنى يە مۇرچ داروسىنى قىلدىم. بير آز ايسىقراق اېكن، تەم قەۋەرىپ چىقدى. انچە تشويش چىكىدىم.

آلدىمىزدە باتقاقلى كىچىكقراق دريا بار اېكن. اونىڭ اوستىدن يۇل قوريش اوچون اېرتەسى اۈشە پېردە تورىلدى. دوشنبە آقشامى عبدالعزىز يوبارگن هندوستانلىك چاپر كېلتىرگن خطگە جواب بېتىپ يوبارىلدى.

دوشنبە كۈنى اېرتەلەب كېمەدە كېلدىم. شىمال بۇلگنلىگى باعث كېمەلرنى ارقان بىلن تارتىپ كېلتىردىلەر. بىكسەرە تۇغرىسىدە جايلىشگن اۋتگن يىلى اوزاق وقت اۋتىرگن قۇنىمجاىنىڭ رۋپەرەسىگە بارىپ، دريادن اۋتدىم و اۈشە جايىنى سىر قىلدىم. دريا قىرغاقىگە توشىش اوچون زىنەلر يەسەگندىك، تخمىنأ قىرقتەدن كۇپراق، اېلىكتەدن آزاراق اېدى. يوقارىدەگى ايكىتە زىنە قالىبىدى، قالگن برچە زىنەلرنى سوو بوزىپ كېتىدى. كېمەگە كىرىپ معجون يېىلدى. اۋردودن يوقارىراقدە بير آرالگە كېمەنى قۇيىپ، پھلوانلرنى كۈرەشگە سالدىك. خفتن نمازى پىتى اۋردوگە كېلدىك.

بولتور حاضر اۋردو توشگن قارگاهنى كۇرىش اوچون گنگ درياسىدن مېن تىاق بىلن، بعضىلر آت، بعضىلر تويە مېنىپ اۋتىپ، سىر قىلگن اېدىك. اۈشە كۈنى افىون يېگندىم.

اېرتەسى، سەشنبە كۈنى كرىمپىردى، محمدعلى حىدر ركابددار و بابا شىخ باشچىلىگىدەگى ايكى يۈزگە ياقين سرە يىگىتتى دشمندن خبر آلىپ كېلىشگە يوبارىلدى. اوشبو جايدە اېكنىمدە، بنگالە اېلچىسىگە اوچتە قىلچە تىكلىفيمنى حكمدارىگە يېتكىزىشنى بويورىپ، فرمان بېردىم.

چارشنبە كۈنى محمد زمان مىرزانىڭ آلدىگە اونىڭ بېھار طرفىدەگى ايشلىرىدن خبر آلىپ كېلىش اوچون يوبارىلگن يونس على سىستراق جواب كېلتىردى. بېھار

شیخزاده لری نینگ آدمی دشمن بهارنی تشلب کبندی، دېگن خبرنی کبلیترگن اپکن. پنجهشنبه کونی توردی محمد و محمد علی جنگ-جنگ گه تورک وهند امیرلری همده یای آترلردن ایگی مینگگه یقین کیشینی قوشیب، بهار اپلیگه چقیریق فرمانلری بیتیب، رخصت بېریلیدی.

خواجه مرشد عراقی نی بهار اطرافیده گی بېرلرگه محکمه باشلیغی قیلیب، توردی محمدگه قوشیب یوباریلیدی.

اپرته سی محمد زمان میرزا بهارگه باریشگه راضی بولیب، شیخ زین و یونس علی دن بعضی نرسه لر حقیده خبر بېریب، بیر گروه آدمنی کؤمک اوچون سؤره بدی. بعضی ییگیترلریمیزنی محمد زمان میرزاگه حربی کؤمک اوچون، بعضیلرینی نوکر قیلیب جؤنه تیب، شعبان آبی نینگ اولیده، شنبه کونی اوچ-تؤرت کون تۆختب تورگنیمیز اوشبو جایدن کؤچیلیدی. مېن شو کونی آتلیب، بۇچور و بېهیه نی سیر قیلیب کېلیب، اوردوگه توشدیم.

محمد علی باشچیلیگیده گی ییگیترلر خبر آلیب کېلیش اوچون یوباریلگن ابدی، یۆلدە بیر قسّم کافرنی یکسان قیلیب، سلطان محمود اؤتیرگن پېرگه بیتیب بارییدیلر. سلطان محمود نینگ ایگی مینگته چه آدمی بار اپکن. بیز نینگ قراولیمیز نینگ خبرینی اېشیتیب، سراسیمه گه توشیب، ایکیتیه فیلینی اؤلدیریب، جؤنب قالدی. بیر بېگینی عسکرلری بیلن قراول قیلیب قۇیگن اپکن. ییگیترلریمیزدن ییگيرمه گه یقین کیشی اولرگه یقینلشگنلریده، تۆخته مسدن قاچیدیلر. بیر نېچه سینی آتدن ییقیتیب، بیرى نینگ باشینی کېسیب، بیر-ایگی زؤر ییگیتینى تیریکله یین کبلیتردیلر.

اپرته سی کونی کؤچدیک. مېن کېمه ده باردیم. شو پېرده محمد زمان میرزا دریادن اؤتدی. میرزانینگ کېچیب اؤتیشی و کېتیشی اوچون ایگی-اوچ کون شو قۇنیمجایده اؤتیردیک.

آی نینگ تۆرتینچیسیده، سه شنبه کونی محمد زمان میرزاگه مخصوص باش-ایاق کیم، کمر شمشیر، چاپقیر آت و چادر انعام قیلیب، بهار ولایتینی باشقیریش اوچون تعظیم قیلدیریلیدی. بهار اطرافیده گی بېرلر درآمدیدن بیر کوروه ییگيرمه بېش لکنی خزینه اوچون

خالصه قىلىپ بېلگىلەپ، اونىڭ نظارتى مرشد عراقى گە يۈكلەتلىدى.

پنجشنبه كۈنى او قۇنىمجايدىن كېمە بىلەن كېلدىم. ھەم كېمەلەرنى سوۈگە توشىرىشلىرىنى، يېتىپ كېلىشىم بىلەن كېمەلەرنى يۈرگۈزۈپ، ھەق بىلەن يىر-يىرگە باغلىشىلىرىنى بويوردىم. اولرىنىڭ قطارى دريا كېڭىلىگىدەن ھەم ئارتتى. گرچە بىرچە كېمەلەر يىغىلمەكچى بولسا ھەم، بەئزى يىر پەست، بەئزى يىر چوقۇر، بەئزى يىرتېكەس و بەئزى يىر ئاتېكەس بۇلگىلىگى اوچۇن كېمەلەرنى بو يۈسىندە ئالېپ يۈرۈپ بۆلمەدى. كېمەلەرنىڭ ئۈستىدە (چىرگەسىدە) يىر گىريال كۆرىندى. يىر بىلىق گىريالدىن قۇرقىپ شۇندەي بىلەن سىكرەدى كە، يىر كېمەنىڭ اچىگە كېلىپ توشدى. اونى اوشلەپ كېلتىردىلەر.

قارارگە گە يېتىپ كېلگەچ، كېمەلەرگە نام قۇيدىك. اگرەدە رىنا سىنگا گە قرشى اوروشدىن ئالدىن قورلىگەن يىرىنچى سىنىشتە كە كېمە گە "آسايش" دېب آت قۇيىلدى. اۋشە يىلى قۇشىن جىنگەگە ئاتلىنىشىدە آرايشخان يىر كېمە يىسەتتە، مېنگە تارتىق قىلگەندى. مەنە شو سفر كېلەياتىگىمىزدە اونگە تاختە سوپە ئورنىتىردىم. بو كېمە گە "آرايش" دېب آت قۇيدىك. سلطان جلال الدين تەقدىم اېتىگەن كېمە گە كۆتەرەك تالار يىستىرىپ، اونىڭ اوستىگە يەنە يىر تاختە سوپە ئورنەتتىلەرنى بويوردىم. بو كېمە "گىجاش" دېب ناملىندى. يەنە ھەر قەندەي ايش اوچۇن يوبارىلەدىگەن كىچىك جىرەلى يىر كېمە چەگە "فرمايش" دېب نام قۇيىلدى.

اېرتەسى، جىمە كۈنى ھېچ قەيەرگە قىمىرلەمەدىك. محمد زمان مىرزانىڭ ايشى يىكونىگە يېتتى. بىھارگە جۇنش نىتىدە ئوردودىن يىر-ايگى كۈرۈە اوزاقلىشىپ توشكەن اېدى. اۋشە كۈنى كېلىپ مېندىن جۇن بېتىشگە رخصت ئالدى.

بىنگالە لشكرىدىن ايگى جاسوس كېلىپ، مەخدوم عالم باشچىلىگىدەگى بىنگالىلەر گەندەك درياسى قىرغاقى نىڭ يىگىر مە تۇرت جايدە قىسملەرگە بۆلىنىپ، توپراق قۇرغانلەر كۆتەرەياتىگەنلەر قەيەدە خىر بېردى. اۋز عايلەلرى و قىرىنداش-اوروغلىرىنى نرىگى قىرغاققە ئالېپ اۋتماقچى بۇلگەن سلطان محمود باشچىلىگىدەگى افغانلەرنىڭ اۋتۇشلىرىگە يۈل بېرمەي، اۋزلىرىگە قۇشىپ ئالېدىلەر. بو خىر كېلگەچ، اوروش بۇلىش اىتمالى پىدا بۇلدى و بىز

محمدزمان ميرزانىڭ كېتىشىنى تۇختىدىك. شاه اسكندر اوچ-تۇرت يوز كىشى بىلن بهارگە يوبارىلدى.

شېنبە كۈنى دودو و اونىڭ اۋغلى جلالخان بهارخاننىڭ آدمى كېلدى. بنگالى اولرنى كۈز-قاۋاغىدېك اسرر اېكن. مېنى دېب دودو و اونىڭ اۋغلى بنگالىدن تمام اوروشىب، قوتۇلىپ چىقىپ، دريادن كېچىپ اۋتىپ، بهار ولايتىگە يېتىپ بارىپ، مېنىڭ خىدمىتىگە كىرىش اوچون كېلەياتىك اېمىش. شو كۈنى بنگالە اېلچىسى اسماعىل مېتەگە: «بورون يېتىپ يوبارگن اوچ طلبىمىزگە نېگە دىر جواب جودە كېچىكىپ كېتىدى. اگر اولر بىزگە اخلاص و هم جەت مقامىدە بۇلسەلر، تېزراق جواب يېتىشلىرىنى ايتىپ خط يازىپ يوبارىلسىن»، دېب فرمان بېردىم.

يەكشەنبە آقشامى توردى محمد و جنگ-جنگنىڭ آدمى كېلدى.

شعبان آيى نىڭ بېشىنچىسىدە، چارشەنبە كۈنى اېرتەلەب بو طرفدن بولرنيڭ قراۋولى بارسە، بهارنىڭ شىقدارى شەرنىڭ نرىگى طرفدەگى درۋازەسىدن قاچىپ كېتىدى.

يەكشەنبە كۈنى او قۇنىمجايدىن كۈچىپ، ارى ولايتىگە توشدىك. بو جايدە اېكىمىزىدە خرىددن كېلەياتىك لشكر يوز-يوز اېلىك كېمە بىلن سىرو بىلن گنگنىڭ قۇشلىش جايىدە، سىرو درياسى نىڭ نرىگى قىرغاقىدە اۋتۇرىدى، دېگن خبر كېلدى. مادامىكە، بنگالى بىلن صلحنامە بار اېدى. همىشە بوندى ايشلردە قوتلۇغ بۇلگىنى باعث صلح ايشىنى ايلگىرى سورردىم. گرچە بى ادبلىك قىلىپ، كېلىپ يۇلىمىز اوستىدە اۋتۇرگن بۇلسە هم، اما دايمىگى قاعدەگە رعايە قىلىپ، بنگالە اېلچىسى اسماعىل مېتەگە ملا محمد مۇدەببىنى قۇشىپ، اۋشە اول هم ايتىك اوچ طلبىنى يەنە ايتىپ، رخصت بېرىشگە قارار قىلدىك.

دوشەنبە كۈنى بنگالە اېلچىسى التفات كۇرسەتەتەپ كېلگەندى، اونگە كېتىش اوچون رخصت بېرگىلىگىمنى ايتدىم. دشمننى دفع قىلىش اوچون او ياق-بو ياققە بارىشىمىزگە تۇغرى كېلەدى. اما سىزلىرگە تعلقلى يېر و سوۈگە بوندىن ضرر هم، فايده هم بۇلمەيدى. چونكە بىز قۇيىك اوچ شرطىمىزنىڭ بىرى منە شوندى اېدى: «خرىد لشكرىگە ايتىگىن كە،

يۇل اوستىنى قۇيىپ، خرىدگە كېلىسەن. توركلردن بىر نېچە كىشىنى اولرگە قۇشىنگ و اولر خرىد خلقىنى اۇزلىرگە مايىل قىلەدىگن مراجعتلر قىلىپ، اۇز يېرلىرگە آلىپ كېتسىنلر. اگر اولر كېچىك باشىدن كېتمسەلر و بو بۇلمە غور ضدانە سۇزلىرىدن واز كېچمەسلر، باشىگە هر قندە يامانلىق كېلسە، اۇزىدن، قاشىگە هر قندە ي نامناسبلىك كېلسە، سۇزىدن كۇرسىن».

چارشنبە كۈنى بنگالە اېلچىسى اسماعىل مېتە گە عادتە گى تۇندىن كىيىدىرىپ، انعاملر قىلىپ، رخصت بېرىلدى.

پنجشنبه كۈنى شىخ جمالنى دودو و اونىنگ اۋغلى جلالخان آلدىگە اۋزىمىزگە قرەتەدىگن فرمانلر و عنایت سۇزلىرى بىلن جۇنتىدىم. اۋشە كۈنى ماھىمىنىنگ نوكرى كېلدى. باغ صفادىن نرىدە والده اولردىن اجرەلىپ جۇنەگن اېكن. خطرلر كېلتىردى.

شنبه كۈنى عراق اېلچىسى مرادقۇرچى قاجر بىلن كۇرىشىدىك.

يکشنبه كۈنى ملا محمد مۇدھەب گە عادىتى يادگارلىكلرنى تاپشىرىپ، رخصت بېرىدىك.

دوشنبه كۈنى خلیفە و ینە بعضى بېكلرنى دريانىنگ قىسى جايىدن اۋتىش ممكىلىگىنى كۇرىپ كېلىشلىرى اوچون جۇنتىدىم. چارشنبە كۈنى ینە خلیفەنى اىگى دریا آرەلىغىدە گى جانینى كۇرىپ كېلىش اوچون يوبارىلدى.

جنوب طرفگە ارى ولايتى يقىنىدە گى نىلوفرزارنى سیر قىلىش اوچون آتلىنىدىم. نىلوفرزارنى تماشا قىلە ياتگندە شىخ گورن نىلوفرنىنگ ینگى توگىلگن اوروغىنى آلىپ كېلدى. بو اوروغلر بىر قدر پستگە اۋخشىب كېتەدى. نىلوفر جودە يخشى بىر گۇل، هندوستانلىكلر اونى- "گول ككرى"، اوروغىنى- "دۇدە" دېب اتەيدىلر. مېنگە سۇن درياسى شو بېرگە يقىن، دېب ايتىدىلر. بارىب سۇننى كۇرىپ كېلدىك. سۇن درياسى نىنگ پستىدە جودە قلىن درختلر كۇرىندى. او يېرنى مېنر دېب ايتىدىلر. شىخ شرفالدىن مېرنى نىنگ آتەسى شىخ يحيى نىنگ قبرى اۋشە يېردە دىر. مادامى كە، شونچە يقىن كېلىپ قالگن اېكنمىز، سۇندىن كېچىپ اۋتىپ، سۇندىن اىگى- اوچ كوروه قويىگە توشىپ مېرنى سیر قىلدىك. باغلردىن اۋتىپ، مزارنى طواف قىلدىك. سۇن قىرغايگە كېلىپ، غسل قىلدىك،

بېشىن نمازىنى ادا قىلىپ، اۋردە تامانگە يۇل آلدىم.

آلرىمىز سېمىز بۇلگىنى اوچون بىرنېچە آت آرتدە قالدى. يىنە بىر نېچەسى چرچىپ قالگندى. بىر نېچە كىشىنى قالدېرىپ، تالىققن آتلىرىنى يىغىپ، اولرىنى سوغارىپ، دَم بېرىپ، قىيىنە مسدن آلىپ كېلىشلىرىنى بويورىپ فرمان بېردىم. اگر شوندى قىلمەسك، انچە آتلىرىنى يۇقاتىشىمىز مەمكىن اېدى.

مېردن قېتەياتگىنىمىزدە بىر كىشى سۇن نىنگ قىرغاغىدن تا اۋردوگچە آتى نىنگ ھەر قەدىمىنى سىن بېلىپ، دېب بويورگن اېدىم. يىگىرمە اوچ مىنگ و بىر يوز قەدىم سەندى. بو آدم نىنگ قىرق آلتى مىنگ ايگى يوز قەدىمى اۋن بىر يىم كوروگە تېنگ دىر. مېردن سۇنگەچە يىم كوروھچە چىقەدى. قېتىش يۇلىمىز اۋن ايگى كورو. بارىشە او پىر-بو پىرنى تاماشاقىلىپ، اۋن بېش-اۋن آلتى كورو يورىپ باردىك. ھەمەسى بۇلىپ اۋشە كۈنى اوڭتيز كوروھگە يقىن سىر قىلدىك. كېچە نىنگ بىرىنچى پھرىگە آلتى گرى بۇلگىندە اۋردوگە كېلدىك.

اېرتەسى، پنجشنبه كۈنى جانپوردن سلطان جنىد برلاس و جانپوردەگى يىگىتلىر كېلدىلر. كېچ قالگنلىرى اوچون قەھر بىلن طەنە-مەلامەت قىلىپ، كۇرىشمەدىم. قاضى جىەنى آلدىمگە چقىرىپ، او بىلن كۇرىشدىم. شو كۈنى تورك و ھىند امىرلىرىنى كېنگىشگە چقىرىپ، دريادن اۋتىش بارەسىدە تارتىشدىك. شۈنگە قارار قىلدىك كە، استاد عليقولى توپ و فرنگى ضربزنى گنگ و سەرو درياللىرى آرەلىغىدەگى تېپەلىككە قورىپ، كۇپ مىلتىقلىلر بىلن اۋشە پىردن اوروشنى باشلەيدى. ايگى دريا قۇشلىەدىگن جايدن بىر آز پستراقدە بنگالى نىنگ بىر فىل و جودە كۇپ كېمەلىرى تورەدىگن آرالى نىنگ قرشىسىدە گنگ درياسى نىنگ بھار طرفىدن مصطفى بوتون قورال-اسلحەلىرىنى تۇلىق تيارلەپ، جىنگگە كىرەدى. او بىلن جودە كۇپ مىلتىقلىلر ھەم بىرگە بۇلەدى. محمد زمان مىرزا و او پىرگە بېلگىلىگن باشقە كىشىلر مصطفى نىنگ آرەسىدە تورىپ، اونگە ياردەمچى قىسم صىقتىدە كۇمكەشەدىلر. استاد عليقولى و مصطفى ضربزنى آتاش، تۇپ اۋرنەتىش، مۇلجر كۇترىش، پىر تېكىسلىش ايشلىرى اوچون بېلگىلىگن جودە كۇپ بېلچى و ايشچىلرگە نظارتچى قىلىپ تەيىنلەندى. اولر قورال-يىراغ و

كېرەكلى نرسەلەرنى تاپىش و يىغىش بىلەن مشغول بۇلدىلار. سۇلتانلار، امىرلار و خانلار آلدىندە بارىپ ھەلدى كېچىكى آرقەلى سەرو درياسىدن اۇتىشلارنى، مۇلجر قورىلىپ بىتگۈنىچە او طرفدە تۇلە قوراللىق، دىشمن اوستىگە تىشلىنىشلارنى لازىم اېدى.

شوپىت سۇلتان جىنەد و قاضى جىيە سىگىز كوروو يوقارىدە كېچىك بار، دېب خىر بېردىلار. شونىگە موافق سالچىلاردىن بىر-ايگىتەسى سۇلتان جىنەد، محمودخان و قاضى جىيەنىنگ كىشىلەردىن آلىپ، بارىپ كېچىكنى كۆرسىنلار، دېب تەيىنلەندى. اكر اۇتىش مەمكن بۇلسە، اۇشە بېردىن كېچىپ اۇتەلەدى.

آدملار آرسىدە بىنگالى ھەلدى كېچىكىگە ھەم آدملىرىنى قۇيماقچى اېكن، دېگىن گىپ ترقەلدى. محمودخاننىنگ سىكندىرپوردەگى شىقدارىدىن: «ھەلدى كېچىكىدە اېلىكتەچە كېمە يىغىپ، كېمەچىلەرگە خەمت حەقى بېرگەن، اما كېمەچىلەر بىنگالىنىنگ كېلىشى حەقىدەگى كېلەردىن قەتئىق واهمەگە توشگەن»، دېگىن خىر كېلدى.

سەرو درياسىدن كېچىك جايىنى تېز تاپىش جودە ضرور بۇلگىلىگى باعث، كېچىك كۆرىشكە كېتىگەن كىشىلەرنى كوتىپ اۇتىرمىسەن شەنبە كۈنى بېكلەرنى كېنگىشكە چقىردىم و اولەرگە شونەدى دېدىم: «چەتۈر مەكەدە سىكندىرپوردىن اۇد و بېھرىيەگە سەرو درياسىنىنگ بىرەر كېچىكى يۇق. بۈندە قىلىپ اۇتىرگۈنچە، كەتە گروھنى تەيىنلەيمىز. اولەر ھەلدى كېچىكىدن كېمەلەر بىلەن اۇتىپ، دىشمن اوستىگە باستىرىپ بارەدى. اولەر كېلگۈنلەرچە، استاد عىلقولى و مصطفى تۇپ، مىلتىق، ضربىزى و فرىنگى^{۱۳} بىلەن جىنگ قىلىپ تورەدىلەر. بىز ھەم گىنگ درياسىدن اۇتىپ استاد عىلقولىگە ياردەمچى قىسم تەيىنلەپ اوروشكە تۇلە تيار بۇلىپ تورەمىز. كېچىكدىن اۇتىگەن قىسم دىشمنكە يقىنلىشىشى بىلەن بىز ھەم اوروش باشلەپ، دريادىن اۇتەمىز. مەحمەد زەمان مىرزا و گىنگىنىنگ بەھار طرفىگە تەيىنلەنگەن كىشىلەر مصطفى بىلەن بىرگە اوروشكە كىرەدىلەر.

۱۳. فرىنگى - اروپادىن كېلتىرىلگەن اوروش قورالى

شوندەى قارگە كېلىپ، گنگ نىنگ شىمالىدەگى قۇشىنى تۇرت قىسمگە بۆلىپ عىسكرى باشچىلىگىدە ھەلدى كېچىگىگە يوباردىك. بىر قىسمدە عىسكرى اۋز نوكرلىرى بىلن، ايكىنچى قىسمدە سلطان جلال الدىن شرقى، يەنە بىر قىسمدە اۋزىك سلطانلرى قاسم حسين سلطان، بىخوب سلطان، تانغاتمىش سلطان، محمودخان نوحانى غازىپورى، كوكى، بابا قىشقە، تۆلەمىش اۋزىك، قربان چرخى و حسينخان باشلىق درياخانلار بار اېدى. تورتىنچى قىسمگە موسى سلطان، سلطان جنيد باشچىلىك قىلەياتگن بۆلىپ، اولرىنىڭ قۇل آستىدەگى جانپور عىسكرلىرى تەخمىنەن يىگىرمە مىنگ كىشىگە يېتىردى. اوشبو كېچەنىڭ اۋزىدە، يەكشەنبە كېچەسى اېدى، قۇشىنىنى آلتىتىرىش اوچون نظارتچىلار تەيىنلەندى.

يەكشەنبە كۈنى تانگدە قۇشىن گنگدن اۋتە باشلەدى. مېن كېمەگە توشىپ بىرىنچى پاسدە كېچىپ اۋتەدىم. اوچ پەر بۇلگىنىدە كېچىك كۈرىشگە بارگىلار قىيىنەلىپ قېتىپ كېلىدىلار. ھېچ قەندەى كېچىك تاپىلمەدى. اولر كېمەلەرنى و بىز تەيىنلەگن قىسمىنى يۈلدە كۈرگىلىكلىرىنى ايتىدىلار.

سەشەنبە كۈنى دريانى كېچىپ اۋتەگن يېردن جۇنپ، دريا قويىلەدىگن جايدىن بىر كۈرۈە اوزاققە، جىگ مىدانىگە يەقەن يېرگە توشىدىك. مېن اۋزىم بارىپ استاد عىلقولى نىنگ فرنگى و ضربزن آتېشىنى تماشى قىلدىم. شو كۈنى استاد عىلقولى فرنگى تاشى بىلن ايكىتە كېمەنى يەكسان قىلىپ چۈكتىرىپ يوباردى. مصطفى ھەم شو يېردن ايكى كېمەنى سىندىرىپ چۈكتىردى. كىتە تۈپنى جىگ مىدانىگە اېلىتىپ، يېرىنى تېكىسلىش اوچون ملا غلامنى نظارتچى قىلىپ تەيىنلەدىم، بىر نېچە قۇرىقچى و چقان يىگىتلەرنى اونىڭ يانىگە ياردەمگە قۇيىدىم. قېتىپ كېلىپ اۋردو تۇغرىسىدەگى بىر آرالدە معجون يېدىك. بو كېچە معجوندىن كىف بۆلىپ، كېمەنى چادىرگە يەقەن كېلتىرىپ، كېمەنىڭ اۋزىدە ياتەدىم. كېچەسى غلطى واقعه يۈز بېردى. كېچەنىڭ اوچىنچى پاسىگە يەقەن كېمەدە شاوقىن-سوران كۈتىرىلدى. مېنىڭ خاس ساقچىلارم-ھەربىرى كېمەنىڭ بىر ياغاچىنى آلىپ، اور-اور دېپ قىچقىرەدى. "فرمايش" كېمەسى مېن ياتگن "آسايش" كېمەسى يانىدە اېدى. بىر تۈنگى قراۋول اۋشە يېردە

"فرمایش" کہمہ سیدہ اپکن. اویقودن کوزینی آچیب قرہسہ، بیر کیشی "آسایش" کہمہ سیگہ قۇلى بیلن آسلیب چیتماقچی بۇلەیاتگن اپکن. قراول اۇزینی اونینگ اوستیگہ تشلەیدی؛ او سووگہ شۇنغیب، چیقہ یاتگنیدہ قراول نینگ باشیگہ قیلیچ بیلن سالەدی؛ بیر آز جراح تلب، ینہ سووگہ قرہب قاچەدی. شاوقین شونینگ اوچون کۇتریلگن اپکن. مَنبردن کہلگن توندہ ہم کہمہ نینگ یقینیدہ تونقطارلردن بیر-ایگیتەسی بیر نەچہ ہندوستانلیکنی قولب، ایگى قیلیچ و بیرتہ خنجرنی کہلتیریشگن ابدی. تنگری تعالی اسرەدی.

اگر تیغِ عالم بجنبد ز جای،

نبرد رگی تا نخواهد خدای.

(مضمونی: اگر عالم تیغی اؤز جاییدن قۇزغلسہ، خدا خواہلە مسہ، بیرار تامیرنی ہم

کہسمە یدی.)

اہرتەسی، چارشنبہ کونی "گنجایش" کہمہ سیگہ توشیب، تاش اتر جایلشگن یپرگہ یقینراق کہلدیم و ہر بیر کیشینی بیر ایشگہ تعینلەدیم. اۋغانبەردی مۇغول باشچیلگیگہ گی مینگتہ چہ ییگیتگہ دریا بۇیل بیر-ایگى یاکہ اوچ کورہ یوقاریراقدن، قندہی بۇلمہ سین، سوودن کەچیب اوتیشلرنی تعینل ب جۇنتدیم. بولر کہتہ یاتگنلریدہ بنگاللر ییگیرمہ-اۋتیزتہ چہ کہمہ سی بیلن عسکری اۋردوسی نینگ تۇغریسیدن چیقہ دیلر. جودہ کۇپ پیادہلری کہمہ دن چیقیب، تۇستدن ہجوم باشلەماقچی بۇلیشەدی. اما ییزنینگ آدملریمیز ات سالیب اولرنی قاچیشگہ مجبور اہتہ دیلر. بیر نەچہ سینى قۇلگہ توشیریب، باشینی کہسیب، کۇپچیلگیگنی آتیب تشلب، پیتی-سگیز کہمہ نی قۇلگہ آلە دیلر. خودی اۋشہ کونی محمد زمان میرزا طرفیدن ہم بیر نەچہ بنگالی کہمہ سی بیلن سوزیب کیریب، اوروشنی باشلب یوبارەدی. محمد زمان میرزا تامانیدہ گیلر شدت کۇرسە تیپ، بنگالیلرنی قاچیرەدی؛ اولرنینگ اوچ کہمہ کیشیسی سووگہ غرق بۇلەدی. بیتہ کہمہ سینى قۇلگہ آلیب، حضوریمگہ کہلتیردیلر. بو اوروشدہ بابا چوہرہ یخشى جنگ قیلیب، جسارت کورستدی. محمد سلطان، یگہ خواجہ، یونس علی، اۋغانبەردی و نریگی طرفگہ کەچیب اۋتیشی بوروندن بېلگیلنگن جماعہ گہ

اۋغانبېردى و اۋزلىرى قۇلگه كىرىنگن يېتى-سكيز كېمەنى كېچەسى قارانغىدە يوقارىگه تارتىپ اۋتېشلىرى بويوريلدى.

اۋشە كۈنى عسكرى دن آدم كېلىپ، سوودن ھەمەبىر تە قالمىسدىن اۋتدى، اپر تە گە تانگدە، پنچىشە كۈنى برچەسى دشمن اوستىگە باستىرىپ بارەدى، دېگن خبرنى ايتدى. بو اۋتنگنلرگه عسكرى گە قۇشلىپ، دشمن اوستىگە يوريشلىرى حقىدە فرمان بېرىلدى. پېشىن نمازى چاغى استاد قاشىدىن آدم كېلىپ، تاش تيار بۇلىدى، قندەى فرمان بۇلەدى، دېب سۇردى. بو تاشنى آتسین و مېن بارگونىمچە يەنە بىر تاشنى تيار قىلسىن، دېب فرمان بېردىم.

عصر نمازى يېتى كىچكىنە بنگالى كېمەگە توشىپ، مۇلجر كۇترىلگن يېرگە باردىم. استاد بىر مرتە كتە تاش اۋتدى، كېين يەنە بىر نېچە بار فرنگى اۋتدى. بنگالىلرنىڭ آتسبازلىكدە شھەرتى بار اېدى، بو سفر يىخىلىپ سىنەدىك، اولر بىر يېرنى مۇلجللپ اېمس، بلكە ھەر تامانگە ھەر خىل اصولدە آتەدىلر.

شو كۈنى عصر نمازى چاغى بىر نېچە كېمەنى سۈرو درياسى بويلىپ دشمن قرشىسىدىن يوقارىگە تارتىپ اۋتېشلىرىنى بويوردىك. كېمە تارتوۋچى كىشىلر قۇرقمىسدىن و ياپىنمىسدىن بىر نېچە كېمەنى تارتىپ اۋتكزدىلر. اېسان تېمور سلطان، تۇختە بۇغە سلطان، بابا سلطان، آرايشخان و شىخ گورن گە بو كېمەلر اۋتگن يېردە تورىپ، كېمەلرنى محافظە قىلىشلىرى تەيىنلندى.

او يېردن قېتىپ، بىرىنچى پاسدە اۋردوگە كېلدىم. يىرىم كېچەگە يېقىن يوقارىگە كېمە تارتەياتگنلردن تەيىنلنگن قىسم آلدىنگە اۋتدى، دېگن خبر كېلدى. كېمەلرنى تارتىپ بارەياتگنلىمىزدە، بنگالىلر بىزنى پېقپ قالىپ، بىز بىلن جىنگە كىرىشىدىلر. بىر كېمەچى نىنگ آياغىگە تاش تېگىپ، آياغى سىندى، اۋتە آلمەدىك.

پنچىشە كۈنى تانگدە مۇلجر دەگىلردن يوقارىگە جۇنەتلىگن كېمەلرنىڭ ھەمەسى يېتىپ كېلدى، دېگن خبر كېلدى. دشمن آتلىقلىرى نىنگ برچەسى آتلىنىپ، بىزنىڭ حركتەدىكى قىسمىمىزگە قرشى يورىش باشلەدى. مېن ھەم زودلىك بىلن آتلىنىپ، كېچە آقشام اۋتكزىلگن

كېمەلر اوستىگە يېتىپ كېلدىم. محمد سلطان مىرزا باشچىلىگىدە ئۆتىشكە قارار قىلغان كىشىلەر تۇختەمەي ئۆتۈپ، عسكرىگە قۇشلىسىن، دېپ چاپر يوبارىلدى. مەنە شو كېمەلەر تېپەسىدە بۇلغان اېسان تېمور سلطان بىلەن تۇختە بۇغە سلطانگە تېزراق ئۆتىشنى باشلىسىنلەر، دېپ بويروق بېردىم. بابا سلطان بېلگىلەنگەن يېرگە كېمە ياتىگەندى. در حال اېسان تېمور سلطان بىر كېمەدە ئۆتۈپ-قىرقتە چە نوكرى بىلەن ئاتلىرىنى كېمە يانىگە ئالېپ، يالدىن اوشلەب سوزدۇرىپ ئۆتدىلەر. بولرىنىڭ ئارتىدىن يەنە بىر كېمە سوزىپ ئۆتدى.

بولرىنىڭ دريادىن ئۆتە ياتىگەننى كۆرىپ بىنگالىلرىنىڭ جودە كۆپ پىادەسى بولرگە قرەب يوردى. اېسان تېمور سلطاننىڭ يېتى-سكۆز نوكرى ئاتلىنىپ، بو پىادەلرىنىڭ قرشىسىگە بارىپ، سلطان ئاتلىگۈنىچە، اولرنى جىنگە تارتىپ، اوق ئاتىشىپ، سلطان تورگەن تامانگە تارتىدىلەر. بونگچە اېسان تېمور سلطان ھەم ئاتلىدى. اىگىنچى كېمە ھەم كېچىپ ئۆتدى. سلطان ئۆتۈپ-ئۆتۈپ بېش ئاتلىق بىلەن جودە كۆپ پىادەنىڭ اوستىگە باستىرىپ، اولرنى قاقچىشكە مجبور قىلدى. جودە يىخشى ايش كۆرسىتىدى. او چقانلىك بىلەن، قۇرقىمىدىن، ھەمدەن بورون دريانى كېچىپ ئۆتدى. اىگىنچىسى شوگە، كۆپ پىادەنىڭ اوستىگە ئۆتۈپ بىلەن باستىرىپ بارىپ، اولرنى قاقچىشكە مجبور قىلدى. تۇختە بۇغە سلطان ھەم دريادىن كېچىپ ئۆتدى. كېمەلەر ئالدىنمە-كېيىن دريادىن كېچىپ ئۆتە باشلىدىلەر. لاهورلىك و ھىندوستانلىكلەر ھەم تاماندان-يېرى ياغاچكە تېيەنىپ، باشقىسى-دستە (بىر باغ) قىمىش ياردەمدە دريادىن كېچىپ ئۆتىشكە كىرىشىدىلەر.

بو احوالى كۆرگەن مۇلجر تۇغرىسىدەگى جودە كۆپ بىنگالىلەر كېمەلرى بىلەن دريانىڭ قولى طرفىگە قاچە باشلىدىلەر.

درويش محمد ساربان، دوست اېشىك آغە و يەنە بعضى يىگىتلەر مۇلجر تۇغرىسىدىن ئۆتدىلەر. سلطانلارگە ئاتلىق آدم يوبارىپ، دريادىن كېچىپ ئۆتگەنلرنى يىخشىلىپ يىغىنگەن و قرشىدە تورگەن قىسمىگە يىقىنلىشىنگەن و اولرنى ايلنىپ ئۆتۈپ، دشمن بىلەن جىنگە كىرىنگەن، دېپ بويروق بېردىم. سلطانلار ئۆتگەنلرنى ئۆزلىرىگە قۇشلىپ، اوچ-تۆرت قىسىم بۆلىپ، دشمنگە تىشلىدىلەر.

بولر یقینلشگنده دشمن پیاده لرینی آلدینگه سالیب، صفینی بوزمه ی کبله باشلهدی. عسکری بیلن بیرگه بېلگیلنگن قسمدن کۆکی عسکرلری اولرگه یقینلشه دی. او طرفدن کۆکی، بو طرفدن سلطانلر یتیب باریب، دشمن بیلن جنگ باشلهدیلر. دشمننی آتیدن قوله تیب، باشقه آتلیقلرینی آرتگه قیتیشگه مجبور قیلهدیلر. بَسَنَتَرو اسملی آبرو-اعتبارلی کافرنی کۆکی و اونینگ آدملری آتدن قوله تیب، باشینی کپسه دیلر. اونینگ اۋن-اۋن بېش جنگچیسى کۆکی نینگ جنگچیلری اوستیگه باستیریپ کبلهدی و بولر شوزمانی آق اولرنی چاپیب تشله دیدی. تۈخته بۇغه سلطان دشمن نینگ قرشیسیدن باریب، جوده یخشى قیلیچ ساله دی. مۇغول عبدالوهاب و اونینگ اوکەسى هم یخشى قیلیچازلیک قیلدیلر. شونده ی بۇله توریب، مۇغول سوزیشنى بيلمەسدى، دریادن زرہی بیلن آت نینگ یالینی اوشلب کپچیب اۋتردی.

مېنینگ کېمەلریم آرقەدە قالگن اېدی. اولرنی آلیب کېلیش اوچون آدم یوباردیم. "فرمایش" کېمەسى ایلگىراق کېلدى. "فرمایش" گە چىقىپ بنگاليلرنىڭ يېرلىرىنى سىر قىلىپ، "گنجایش" کېمەسىگە توشىپ، يوقاریدە کېچىک بار و يۇقلىگىنى سۇردیم.

میر محمد جالبان سَرو دریاسى نىڭ يوقارىسىدە اۋتەدیگن یخشى جای بار، دېپ معلوم قیلدى. او ایتگن یېردن لشکر کپچیب اۋتە وېرسین، دېگن فرمان بۇلدى.

محمد سلطان میرزا باشچیلیگیدە گى کیشیلرگه دریادن اۋتیشگه بویروق بېریلگن اېدی. سوودن اۋتە یاتگندە یگه خواجه نینگ کېمەسى چۆکیپ کېتیب، یگه خواجه تنگری رحمتیگه باردی. اونینگ نوکر و ولايتلرینی اوکەسى قاسم خواجه گە عنایت قیلدیم.

پېشین نمازی چاغی غسل قیلە یاتگن پیتیم سلطانلر کېلیشدى. اولرنی مقتب، کېلگنلرینی معقوللپ، عنایت و شفقتیمدن امیدوار قیلدیم. اۋشه پیتی عسکری هم کېلیپ قالدى. عسکری بیرینچی مرته بونده ی ایشلرده قتنشە یاتگن اېدی. اونینگ خۇلقى کبله جگى اوچون یخشى علامت بۇلدى. اۋشه آقشام ھلى اۋردودن کۈچیب کېتمە یاتگنیمیز باعث بیر آرالده "گنجایش" کېمەسىدە اوخلەدیم.

جمعه كوني سَرو درياسى نينگ شِمال طرفيده خريدگه تېگيشلى نيرخون ولايتيده گى كُندابه دېگن قيشلاقده تۇخته ديك.

يکشنبه كوني كۆكىنى آدملىرى بيلن حاجيپورگه خبر آليپ كېلىش اوچون يوباردىك. شاه محمد معروف اۋتگن يىلى كېلگنيدە اونگه كته اعتبار قىلىپ، سَرَن ولايتىنى بېرگن اېدىم، جوده كۆپ يخشى ايشلر قىلدى. آتەسى-معروف بيلن ايگى مرته اوروش قىلىپ، اونى يېنگدى و اسير قىلىپ آلدى. سلطان محمود حيله بيلن بهارنى اېگللەگنيدە، بِيَن بيلن شېخ بايزيد اونگه قرشى بارگنلر يده، شاه محمد هېچ نيمه قىلالمەي، اولرگه قۇشىلدى. اوشه پيتده هم بير نېچه مرته خبرلر كېلگندى. خلق آره سيده هم او حقدە بۆلمە گور گپ-سۆزلر يورردى. عسكىرى هلدي كېچيگيدن اۋتگن زهاتى شاه محمد اۋز آدملىرى بيلن كېلدى. عسكىرى بيلن اوچرەشيب، بنگاليلر اوستيگه بيرگه باردى. اوشه جايدە اېكنيميزده كېلىپ، التفات كۆرستدى.

اۋشە كونلرى شېخ بايزيد و بِيَن دن، اولر نينگ سَرو درياسيدن اۋتيش نيتيده اېكنليگى حقيده كېتمە-كېت خبرلر كېلدى.

شو پيتده سَنبل دن قيزيق خبر كېلدى: على يوسف سَنبل ده توريب، او پىرنى جوده يخشى اداره قىلىپ، ترتيب و انتظام اۋرنتگن اېدى. اۋزى و دوستيدېك بۇلىپ قالگن طيىبى بير كون نينگ اۋز يده تنگرى رحمتيگه بار يىدى. سَنبل نى باشقريش اوچون عبدالله سَنبل نى يوباريشگه قرار قىلدىك. رمضان آيى نينگ بېشېنچىسيده، جمعه كوني عبدالله گه او پېرگه كېتىش اوچون رخصت بېرىلدى. اۋشە كونلرى چين تېمور سلطان دن هم خبرلر كېلدى. بېلگىلنگن بېكلرنينگ كۆپچىلىگى كابل دن مېنينگ قرينداشلىرىم كېلە ياتگنليگى باعث سلطان گه قۇشيله آلمە ياتگن اېكلر. محمدي و ينه بعضيلر سلطان بيلن يوز كوروھچه جايگه جدل بارىپ، بلوچنى باس يىدىلر. عبدالله دن چين تېمور سلطان گه، سلطان محمد دۇلداي، محمدي و او پېرده گى آيرىم بېك و يىگىتلرگه چين تېمور سلطان بيلن آگرده يىغىلىپ، تيار بۇلىپ توريشلرىنى تعينلپ فرمان يوباردىم. دشمن قيسى طرفدن كېلسە، اۋشە تامانگه آتلنسېنلر.

آي نىنگ سگيز يىنچىسىدە، دوشنبە كۈنى درياخان نىنگ نېرەسى جلالخان، اونىنگ آلدىگە شىخ جمالي بارگن اېدى، اۋزى نىنگ آبرو-اعتبارلى اميرلرى يىلن حضورىمگە كېلىپ التفات كۆرستدى. اۋشە كۈن نىنگ اۋزىدە يحيى نوحانى، اولراق اوکەسىنى يوبارىپ قوللىگىنى اظهار قىلگن اېدى، اونگە باشقريش ايشلرى اوچون فرمان هم يوبارگن اېدىم، كېلىپ خدەتمىگە كىردى. مادامى كە، يېتى-سگيز مىنگ نوحانى و افغان اميدوار بۇلىپ كېلگن اېكن، اولرنى نا اميد قىلىشنى ايستەمەي، بهاردن پادشاه خزىنەسىگە توشەدىگن بىر كرور درامدىن اجره تىپ، اېلىك لکنى محمودخان نوحانى گە عنايت قىلىپ، قالگىنى منە شو جلالخان گە بېردىم. او بىر كرور سالىق تۇلشگە راضى بۇلدى. بو پوللرنى يىغىپ آلىش اوچون غلام يساۋول يوبارىلدى. محمد زمان ميرزاگە جانپور ولايتى بېرىلدى. پنجشنبه كۈنى آقشامدە اسماعيل مېتەدن بورونراق، بىز نىنگ اوچتە شرطىمىزنى خليفە نىنگ غلام على اسملى نوكرى شاهزادە مونگىر نىنگ ابوالفتاح دېگن نوكرى بىلن بىرگەلىكدە نصرت شاه گە يېتكزگن اېدى، اۋشە ابوالفتاح بىلن بىرگەلىكدە شاهزادە مونگىر، حسن لنگر وزير و خليفە نىنگ خطلرىنى آلىپ كېلدى. اولر بىز ايتگن اوچتە شرطىنى قبول قىلىپ، نصرت شاه راضىلىگى اوچون مسؤلىتتى اۋز ذمەلرگە آلىپ، صلح تۈزىشنى تكليف اېتىدىلر.

مادامى كە، بىز نىنگ بو يوريشىمىز عصيانكار باغى افغانلرنى دفع قىلىش مقصدىدە بۇلگن اېكن، بو دشمنلردن بعضىلرى باش آلىپ كېتدى، بعضىلرى كېلىپ خدەمتكارلىك و قوللىكنى قبول قىلدى، قالگن آز قىسمى بنگالى نىنگ قۇلىدە قالدى. اولر اوچون بنگالى جواب بېردى. بونىنگ اوستىگە پشە كال يقىنلشىپ قالگندى. بىز هم بنگالى نىنگ تكليفىگە ذكر اېتىلگن شرطلر بىلن صلح سۈزىنى يازىپ يوباردىك.

شنبه كۈنى اسماعيل جلوانى، عادلخان نوحانى، اولياخان اشراقى بېش-آلتىتە امير بىلن كېلىپ، خدەتمىگە تيار اېكنلىكلرىنى بىلدىردىلر. اۋشە كۈنى اېسان تېمور سلطان و تۇختەبۇغە سلطان گە مكافات قىلىپ كمر شمشير و كمر خنجر، زرهلر و خلعتلر ھمدە چاپقىر آتلر انعام قىلدىم. اېسان تېمور سلطان گە نرنول ولايتىدن اوڭتيز آلتى لك و تۇختە بۇغە

سلطان گە شمس آباد ولايتىدىن اۋتيز لىك عنایت قىلىندى و تعظيم قىلدىرىلدى.

آينىڭ اون بېشىنچىسىدە، دوشنبە كۈنى بهار و بنگالە طرفلردىن خاطر جمع بۇلىپ، سىرو درياسى قىرغاقى و گۇندابە يېقىنىدە جايلىشكن قۇنىمجايدىن بېيىن و شىخ بايزىد حرامخۇرىنىڭ يامان ايشلىرىنى دفع قىلىش نىيىدە جۇنەدىك. ارەدە ايگى بار تۇختىپ، چارشنبە كۈنى سىكندىرپورنىڭ چتورمىك دېگن جايىدەگى چپورە دېب اتلگن كېچىگى اوستىدە تۇختەدىك. اۋشە كۈنىنىڭ اۋزىدە ياق خلق دريادىن اۋتە باشلەدى. او حرامخۇرلىرىنىڭ سىرو بىلەن گگىردن اۋتىپ، لىكنهۋگە قرەب بارەياتگنلىكلىرى حقىدە كېتمە-كېت خبرلەر كېلە باشلەدى. اولر اۋتماقچى بۇلگن كېچىك يۇلىنى تۇسىش اوچون عىسكىرلەرگە تورىك و ھىندامىرلىرىدىن سلطان جلالالدىن شىرقى، عالىخان فرمولى، توردىكە، نظامخان بىيىنى، تۇلەمىش اۋزىك، قربان چىرخى، حسنخان درياخانىنى باشلىق قىلىپ تەيىنلىپ، پىنجشنبە كۈنى كېچىقورون رخصت بېرىدىم.

شۇ اقشام تراوىچ نمازىدىن سۇنگ بىرىنچى پاسدىن بېش گرى اۋتگىنىدە، پشە كال بولوتلىرى قىيىپ چىقىپ، بىر زاماننىڭ اىچىدە شۈندەى تۇفان بۇلىپ، قىيىق شىمال قۇزغىلدى كە، يىقىلمەگن چادر دېپىرلى قالمايدى. مېن چادر اىچىدە اۋتېرىپ يازەياتگن اېدىم، قاغاز و دىفترنى يىغىشتىرىشكە ھەم اولگورمەدىم. چادرنى اېشىگى اۋلىدەگى پردەسى بىلەن باشىمگە قولەتدى. چادر تېپەسىدەگى كىگىز بۇلك-بۇلك بۇلىپ كېتىدى. تىنگرى سىقلەدى، ھېچ قندەى زىان يېتمەيدى. كىتاب و دىفتر جىقە ھۇل بۇلدى. اولرنى قىيىنچىلىك بىلەن يىغىشتىرىپ اۋلىدىلر. جون شالچەگە اۋرەب، كىت آستىگە قۇيىپ، اوستىگە قالىنلارنى ياپدىك. بۇران ايگى گرىدىن سۇنگ تىندى. يىغمە چادرنى تىكتىرىپ، شىمە ياقىتىردىم. شىقت بىلەن اۋت ياقىپ، تانگىچە اۋخلەمەى، ورق و دىفترلارنى قورىتىش بىلەن مشغول بۇلدىك.

پىنجشنبە كۈنى مېن دريادىن كېچىپ اۋتىدىم. جمەە كۈنى آنگە مېنىپ، خرىد و سىكندىرپورنى سىر قىلدىك. اۋشە كۈنى عبداللە و باقى لىكنهۋنىڭ اۋلىگىنى حقىدە يازگن اېدىلر. شنبە كۈنى كۇكىنى آدملىرى بىلەن بارىپ باقى گە قۇشلىشلىرىنى تەيىنلىپ اۋلىدىراق

جۇتتدیم. يکشنبه كونی سلطان جنید برلاس، حسن خلیفه، ملا آفاق نینگ آدم لری و مؤمن اتكە نینگ اكە-اوکە لرگە باریب، باقى گە قۇشلیش لرینى و مېن یتیب بارگونیمچە قۇل لریدن كېلگنچە اونگە بې خطا خدمت قیلیش لرینى تعینلب رخصت بېردیم.

شو كونی عصر نمازی یتى شاه محمد معروف گە مخصوص سروپا و یخشی آت عنایت قیلیب، رخصت بېریلدى. اؤتگن ییلىگى ترتیب بۇيىچە سرەندەگى خدمت لری همده كندلهدهگى يايچیلر نی تأمینلب توریشی اوچون معاش عنایت قیلیندی. شو كونی اسماعیل جلوانی گە هم سروار درآمدیدن یتیمیش ایگى لك خدمت حقى تعینلب، رخصت بېریلدى. عادلخان نوحان و اونینگ باشچیلیگیده كېلگنلرگە هم سروار درآمدیدن خدمت حقى تعینلب، رُخصت بېریلدى. اولردن هر بیرى اؤغلىنى اگرده مېنىگ دایمى خدمتیمده قالدیرهدى، دېگن قرارگە كېلدىك. "گنجایش" و "آرایش" كېمەسىنى، ینه قۇلیمیزگە توشگن بنگالى كېمەلریدن تىلب آلینگن ایگى كېمەنى تیرموهني و غازپورگە آلیب باریش بنگالى لر ذمەسىگە یوکلندى. "آسایش" و "فرمایش" كېمەلرینی سَرو دریاسى بۇیلپ یوقاریگە اوردو ییلن بیرگە اېلتسین، دېگن فرمان بۇلدى.

بهار و سَرودن خاطر جمع بۇلیب دوشنبه كونی چتورموك نینگ چۆپرە كېچىگیدن سَرو قیرغاق لری بۇیلپ اؤد تامانگە كۆچدىك. اؤن كوروھچە یؤل یوریب فتحپورگە تېگیشلى كالیره دېگن قیشلاق یانیده، سرو قیرغاغیگە توشدىك. آلدىنراق جۇنه گنلر ادهشیب فتحپور نینگ كٲه كۇلیگە كېتىب قالیدیلر. بیر نېچە كیشینی یقین اؤرتەدهگى آدم لرنى آرقەگە قېتیریب كېلیش لری اوچون جۇتتدیک. كيچيك خواجهنى كؤل یاقەسىگە باریب، او پېرگە توشگن لشكرنى اېرتەسى كونی اوردوگە آلیب كېلیشى اوچون جۇتتدیک. اېرتەلب او پېردن كۆچدىك. یریم یۆلگە یتگندە "آسایش" كېمەسىگە توشدیم. یوقاریده جایلشگن قرارگاه گچە تارتتیریب باردیم. یۆلدە كېتەياتگنیمیزده باقى نینگ حضوریدن كېلەياتگن شاه محمد دېوانه نینگ اؤغلىنى خلیفه آلیب كېلدى. لکنهو حقیدهگى خبر نینگ توغریلیگى تصدیقلندى. رمضان آیى نینگ اؤن اوچینچىسیده، شنبه كونی دشمن اوروش باشلەیدى. لېكن

اوروشىب ھېچ نېمە قىلالمەيدىلەر. اوروش كېتەياتىدىن بىردىن يىغىپ قۇيىلغان خىس-خاشاك، كېلەر وجر ايجىگە بىريۇلە اۋت كېتەدى، قۇرغان ايجى تىدوردېك قىزىدى. قۇرغان دېوارلىرى اوستىدە يورىپ بۆلمەنى قالەدى و اولر قۇرغاننى آلەدىلەر. ايجى-اۋچ كوندن سۇنگ بىزنىنگ قىنگىنىمىز حقىدەگى خبرنى اېشىتىپ، دشمن دۆلمودگە قرەب جۇنەيدى. اۋشە كونى ھم اۋن كوروھچە يۇل يورىپ سېكرى ولايتى نىنگ جىلېسر دېگن قىشلاغى يانىدە سرو درياسى ياقەسىدە تۇختەدىك.

چارشەبە كونى آتلىرگە دىم بېرىش مقصدىدە اۋشە جايدە قالدىك. بعضى كىشىلرنىنگ ايتىشلىرىچە، شىخ بايزىد و بىيىن گىنگدن اۋتىپ، چور و جۈون يەرلىرى ارقەلى اۋزلىرى نىنگ سپاھىلىرى تامانىگە اۋتىش نىتىدە يورگىنىمىش. بېكلرنى چقىرىپ كېنگىشىدىم. جانپور اۋرنىگە چورنى، يەنە بعضى ولايتلىرىنى آلگن محمد زمان مىرزا و سلطان جىنىد برلاس، محمودخان نوحانى، قاضى جىيە و تاجىخان سرىنگخانى بارىپ چورنە دشمن نىنگ يۇلىنى تۇسىسىن، دېگن فكرگە كېلدىك.

اېرتەسىگە پنچشەبە كونى تانگدە كۈچىپ، سرو درياسىدىن اوزاقلىشىپ اۋن بىر كوروھ يۇل يوردىك و پرسوردن اۋتىپ، پرسرو ياقەسىگە توشدىك. بېكلرنى چارلې، كېنگىش اۋتكزدىم. اېسان تېمور سلطان، محمد سلطان مىرزا، تۇختە بۇغە سلطان، قاسم حسين سلطان، بېخوب سلطان، مظفر حسين سلطان، قاسم خواجه، جعفر خواجه، زاهدخواجه، جانى بېك، عسكرىگە نوكرلىرى بىلن كىچىك خواجه، هندوستانلىك امىرلردن عالمخان كلىسى، ملكداد كرەنى، روى سېروانىگە لشكردن اجرەلىپ، اۋز يىگىتلىرىنى باشلې بايزىد و بىيىن نىنگ آرتىدىن تېزلىك بىلن آلدىنگە-دۆلمود طرفگە بارىشلىرىنى تەيىنلەدىم.

منە شو پرسرو درياسىدە كېچەسى طهارت آلەياتىدىن اېدىم، شمع ياروغىگە جودە كۈپ بلىق تۇپلىنىپ سوو يوزىگە چىقلىدى. مېن و يانىمدەگىلر قۇل بىلن بلىق توتدىك.

جمعه كونى پرسرونىنگ كۆتە بىر ايرماغى باشىدە تۇختەدىك. جودە اينگىچكە دريا اېكن. لشكر خلقى او ياقىدىن بويلاققە تىنىمىسىز يورىپ، بىزاوتە قىلمەسىن دېپ، سوونى يوقارىسىدىن

بۇغدىرىپ، اۋنگە-اۋن قىرى كېلەدىگن يېردە طهەرت اوچون جاي قىلدىردىم. يىگىرمە يېتتىنچى كېچەسى شوجايدە بۇلدىك.

اېرتەسى بو دريادن اوزاقلشىپ، تۇس سوويدن اۋتېپ توشدىك. يىكشەنبە كۈنى ھەم شو دريا ياقەسىدە توردىك.

آى نىنگ يىگىرمە توقىزىنچىسىدە، دوشنبە كۈنى مەنە شو تۇس درياسى قىرغاقى منزىلىمىز اېدى. بو آقشام، گرچە، ھوا اونچە بولوتسىز بۇلمىسە ھەم، بىر نېچە كىشى آينى كۆردى و قاضى نىنگ حضورىدە گواھلىك بېرىشدى. يىنگى آى نىنگ باشلەنىشى انىق حجتلىندى.

سەشەنبە كۈنى تانگدە ھىيت نمازىنى اۋقىپ، يۇلگە توشدىك. اۋن كۈرۈە يۇل يورىپ، تەبىككە بىر كۈرۈە قالگىنىدە، گۇيى درياسى قىرغاقىدە تۇختەدىك. پېشىن نمازىگە يقىن معجون يېدىك. شىخ زىن، ملا شەھاب و خواندامىرنى قاشىمىزگە چقىرىپ، مەنە بو بىتنى يوباردىك:

شىخ و ملا شەھاب و خواندامىر،

كېلىنگ اوچ-اوچ، اىگى-اىگى، بىر-بىر.

درويش محمد و يونس على، عبدالله ھەم شو يېردە اېدى. عصر نمازى وقتىدە پالوانلر كۈرەش توشدىلر. چارشەنبەنى اۋشە جايدە اۋتكزدىك. توشگە يقىن معجون يېيىلدى. تاجىخاننى چۈنردن ھىدەب چىقىرىش اوچون بارگن ملك شوق شو كۈنى كېلدى. اۋشە كۈنى پالوانلر كۈرەش توشدىلر. اولراق كېلگن پهلوان اۋەدى اېندى گىنە كېلگن ھندوستانلىك كۈرەشچى يىلن آلىشىپ، اونى يىقتىدى. يحيى نوحانىگە سروار يېرىدن اۋن بېش لىكلىك درامدىنى خدمت حقى قىلىپ بېلگىلىپ، سروپا كىيىدىرىپ، رخصت بېرىلدى.

اېرتەسىگە اۋن بىر كۈرۈە يۇل يورىپ، گۇيى درياسىدن اۋتېپ، دريا ياقەسىدە تۇختەدىك. آلدىندە كېتگن سلطان و بېكلردن اولرىنىنگ دلمودگە يېتىپ بارگنلرى، بىراق ھلى گنگ درياسىدن اۋتمەگنلىكلرى حقىدە خبر كېلدى. مېن اچىغلىنىپ، اولرگە گنگ درياسىدن تېزدە اۋتېپ دشمن آرتىدن بارىنگ، جوون دن ھەم اۋتېپ عالمخاننى اۋزىنگىزگە قۇشىنگ و دشمن

يىلن جىنگىگە كىرىشكە ھەرىكەت قىلىنىڭ، دېگەن فرمان يوبارىدىم.

اوشبو دريا ياقەسىدىن جۇن، ايگى جايدە تۇختى، دلمودگە يېتىپ كېلىدىك. قۇشنىن نىنگ كەتە قىسمى اۋشە كۈننىڭ اۋزىدە ياق گىنگ درياسىدىن كېچىپ اۋتدىلر. اۋردونى نرىگى قىرغاققە اۋتكزگچ، كېچىكدن قويدەگى آرالدە معجون يېلىدى. عسكرلر جانالىگان طرفدن سوۋدن اۋتىپ، بىر كۈن تورىپ قالدى. باقى تاشكدى اۋدنىڭ لشكرى يىلن كېلىپ خەدەتتىمگە كىردى.

گىنگ درياسىدىن بىر مەنزىل اوزاقلىشىپ، كۆررەنىڭ يېقىنىدە ارىند درياسى ياقەسىدە توشدىك. دلموددن كۆررەگچە يىگىرمە ايگى كۈرۈە يۇل اېكن.

پنجشەبە كۈنى او جايدن تانگدە قۇزغىلىپ، آدمپور ولايتى قىرشىسىدە تۇختەدىك. دشمن آرتىدن دريادن كېچىپ اۋتىش نىتىدە آلدىنراق جالبانلردن بىر-ايگى كىشىنى بار كېمەلرنى آلىپ كېلىش اوچون كلىپىگە يوبارگندىك. بىز تۇختەگەن كۈنى كېچقورون بىر نېچە كېمە كېلىدى. دريادن اۋتىش اوچون كېچىك ھەم تاپىلىدى. قۇنىمجاى جودە چىنگ بۇلگىنى باعش فقط آرالدە بۇلردىم. نېچە كۈن اۋشە يېردە تورگەن بۇلسك، كېچە-كۈندۈز فقط آرالدە تورردىم. دشمندن ايشانرلى بىرار خىر كېلمەگىنى اوچون باقى شىغاۋولنى اۋددەگى يىگىتلر بىلن سوۋ كېچتىرىپ، دشمندن خىر تاپىپ كېلىش اوچون يوبارىلىدى.

اېرتەسى جەمە كۈنى عصر نىمازى پىتى باقىپكەننىڭ نوكرى كېلىدى. شىخ بايزىد و بىننىڭ قراۋولنى تار-مار قىلىپ، مباركخان جىلۋانى دېگەن داۋىرەك يىگىتىنى وىنە بىر نېچە كىشىسىنى اۋلدىرىپ، بىر نېچە باش ھەمدە يىتە تىرىك آدمىنى يوبارىلىدى. كېنىگى كۈنى اېرتەلب باقى يىلن بىرگە كېتىگەن شاھ حسين بخشى قىتىپ كېلىدى. او قراۋولنى تار-مار قىلگنلرنى ھەمدە بۇلىپ اۋتكەن ۋاقىلەلرنى بە تفصىل سۇزىل بېردى. شو كۈنى كېچقورون، آىنىڭ اۋن اوچىنچىسىدە، يىكشەبە كېچەسى جۈۋن درياسى سوۋى شۈندەى كۆتۈرىلىدىكە، اېرتەلب اوشبو آرالنى يىخشىگىنە سوۋ باسدى. مېن باشقە آرالگە، دريادن بىر اۋق آتىمى پستراقدەگى آرالگە اۋتىپ، چادر تىكىپ اۋتۇردىم.

دوشنبه كۈنى ايلگرى كېتگن بېك و سلطانلر آلدیدن جلال تاشكندی كېلدى. ايلغارنىڭ خبرىنى اېشىتىپ، شېخ بايزيد و يېىن مەۋىيە ولايتیدن قاچىدىلر.

پشەكال باشلنگن، لشكر اېسە بېش-آلتى آيدن بويان سفردە اېدى. لشكرنىڭ ات-اولاوى خراب بۇلگندى. شوباعث ايلگرى كېتگن سلطان و بېكلرگە آگرە و اۋشە اطرافدن يىنگى كوچلى ايلغار كېلگۈنىچە، بارگن جايىنگىزدە تۇختب تورىنگ، دېگن فرمان بېرىلدى.

شو كۈنى عصر نمازى پىتى باقى شىغاۋولگە و اۋددن كېلگن لشكرگە رخصت بېرىلدى. لشكر سەرو درياسیدن كېچىپ اۋتەياتگىندە قىتىپ كېلىپ خذمتىمگە كىرگن معروف فرمولى نىڭ اۋغلى موسىگە امروهردن اۋتيز لكلىك درامدى بار ولايتى خدمت معاشى قىلىپ تەيىنلپ، مخصوص باش-اياق كيىم و اېگرلى آت ساۋغە قىلىپ، امروهرگە كېتىشگە رخصت بېرىلدى.

بو تامانلردن خاطر جمع بۇلىپ، سەشنبە كۈنى كېچەسى اوچىنچى پاسدن كېىنگى بىرىنچى گرىدە تېزلىك بىلن آگرەگە يۇل آلدىك. اېرتەسىگە اۋن آلتى كورۋە يۇل يورىپ، توشگە يقىن كلىپگە قرەشلى بىلاور دېگن ولايتدە توشلىنىپ، آنگە ارپە بېرىپ، نمازشام يېتىدە اوپىردن جۇنب كېتىدىك. بو كېچە اۋن اوچ كورۋە يورىپ، اوچىنچى پاسدە كلىپ ولايتلرىدن سۇگندپورگە توشدىك. بهادرخان سېروانى نىڭ مقبرەسىگە كىرىپ اوخلەدىك. بامداد نمازىنى اۋشە پېردە اۋتب، يۇلگە توشدىك. اۋن آلتى كورۋە يورىپ، توش پىتى آتاۋەگە يېتىپ كېلىدىك. مەھدى خواجه قرشىمىزگە چىقىپ كوتىپ آلدى. كېچەنىڭ بىرىنچى پاسیدن كېىن اوپىردن جۇنب كېتىدىك. يۇلدە بىر مدت اوخلپ، اۋن آلتى كورۋە يۇل باسىپ، توش چاغى رېرىنىڭ فتحپورىدە تۇختەدىك. اېرتەسى كۈنى پېشىن نمازى پىتى فتحپوردن جۇنب، اۋن آلتى كورۋە يۇل يورىپ، كېچەنىڭ ايگىنچى پاسىدە آگرەدەگى "هشت بهشت" باغىگە توشدىك.

اېرتەسى-جمعه كۈنى محمد بخشى و يىنە بعضى كىشىلر كېلىپ التفات كۆرسەتتىشى. پېشىن نمازىگە يقىن جۈۋوندن اۋتېپ، خواجه عبدالحق قە التفات قىلىپ، قلەگە بارىپ عمەبېگم لرنى كۆردىم.

بلخلیک بیر دهقانتی قاوون اپکیش اوچون قویگندیم. بیر نېچه قاوون سقلب قویگن اپکن، آلیب کېلدی. انچه یخشی قاوونلر یتیلیدی. بیر-ایگی توپ تاکنی "هشت بهشت" باغیگه اپکتیرگندیم، او هم یخشی اوزوملر سالییدی. شیخ گورن هم بیر سبد اوزوم یوبارگن اپکن، اوزوملری یامان اېمسدی. هندوستانده بوندهی قاوون و اوزوم یتیلیشیدن جوده خورسند بۆلدیم.

یکشنبه کېچه سی ایگینچی پاسدن اؤتگن اېدی هم که، ماهیم کېلدی. بیز لشکر تامانگه جمادی الاول آیی نینگ اؤینچیسیده آتلنگندیک. غلطی تصادف صادر بۆلیدی. اولر هم کابل دن اؤشه کونی یؤلگه چیقیشگن اپکن. ذوالقعه آیی نینگ اولیده، پنجشنبه کونی کتّه دېوانخانهده ییغیلیش اؤتکزیله یاتگنیده همایون و ماهیم نینگ تارتیققرینی کېلتیردیلر. شو کونی مغفور دېوان نینگ بیر نوکریگه یوز اېلیک کهره^۱ پېریب، قاوون، اوزوم و مېوهلر کېلتیریش اوچون کابل گه یوباردیک.

آی نینگ اوچینچیسیده، شنبه کونی کابل دن کاروانباشی بۆلیب کېلگن هندوپک نی علی یوسف نینگ اولیمی باعث سَنبل گه یوبارگن اپکنلر، کېلیب مېنگه التفات قیلدی. حسام الدین علی خلیفه هم الوردن شو کونی کېلیب، ملازمت قیلدی. اېرته سی، یکشنبه کونی علی یوسف نینگ وفاتی باعث تیرموهنی دن سَنبل گه یوباریلگن عبدالله کېلدی.

کابل دن کېلگن کیشیلردن اېشیتدیک که، شیخ شریف قاره باغی عبدالعزیز نینگ اغواگرلیگی یا که اؤزیگه طرفدارلیگی باعث قيلمه گن ظلم و اؤتمه گن بدعتلر نی بیزگه نسبت پېریب، دعوا خطلری یتیددی، اونینگ آستیگه لاهور اماملری نینگ ناملرینی یازیب همده اولرگه کوچ ییلن امضا چېکتیریب، عریضه نینگ نسخه لرینی شهرلرگه ترقه تیب، جنجل قیلش نیتیده یورگنمیش. عبدالعزیز بوندن تشقری، مېنینگ بیر قنچه حکملریمگه

۱۴- کهره- یوک تشووچی، ایشچی، حمال، جوالی

قولاق سالمه‌ی، هرخیل نامناسب گپلر ایتیپ، کپره‌کسیز ایشلر قیلیب یوردی. شو باعث، آی‌نینگ اؤن بیرینچیسیده، یکشنبه کونی قنبر علی ارغون‌نی شیخ شریف‌نی، لاهور اماملرینی یوگوردکلری بیلن همده عبدالعزیزنی حضوریمیزگه آلیب کپلیشنی تعینلپ جؤنتدیک.

آی‌نینگ اؤن بېشینیچیسیده، پنجشنبه کونی تیجرهدن چین تېمور سلطان کپلیب، التفات کورستدی. اؤشه کونی پهلوان صادق بیلن اولوغ اودی کوشتیگیر کوره‌ش توشدیلر. صادق جوده قینه‌لیب، یریم-یارتی ییقیتدی. جوده قتیق کوره‌شیشیگه تۇغری کپلیدی.

آی‌نینگ اؤن توقیزینچیسیده، دوشنبه کونی قیز یلباشلر اېلچیسى مراد قۇرچیگه قیمت‌بها تاشلر قده‌لگن کمر خنجر و مناسب تۇن کیدیریب، ایگى لک تنگه عنایت قیلیب، کپتیشیگه رخصت بپریلدی.

اؤشه کونلری سیدمشهدی گوالیردن کپلیب، رحیم‌دادنینگ دشمنلیک ایشلرینی قۇزغه‌یاتگنینی خبر قیلدی. او پیرگه خلیفه‌نینگ نوکری شاه‌محمد مۇهردارنی کۆپ نصیحت‌آمیز سۆزلر بیتیب جؤنتدیک. شاه‌محمد باریب، بیر نېچه کوندن کپن اۆزی بیلن بیرگه رحیم‌دادنینگ اؤغلینی کپلتیردی. اؤغلی کپلگن بۆلسه هم رحیم‌دادنینگ کپلیش نیتی یوق اېدی. اونینگ قۇرقوونى ترقه‌تیش مقصدیده ذوالحجه آی‌نینگ بېشینیچیسیده، سه‌شنبه کونی نوربېک‌نی گوالیارگه یوباردیک. بیر نېچه کوندن کپن نوربېک کپلیب، رحیم‌دادنینگ پلینیب-یالوارگنینی ایتدی. اونینگ مدعاسیده‌گیدېک فرمانلر بیتیب یوباريله‌یاتگن بیر پیتده اونینگ بیر نوکری کپلیب: «مېنى اؤغلینی آلیب قاجیشگه یوباردی، بو پیرگه کپلیش اونینگ خیالیده هم یوق»، دېدی. بو خبرنی اېشیتیب، درحال گوالیارگه آتلنماقچی بۆلдіک. اما خلیفه مېنگه ینه بیر بار رحیم‌دادگه نصیحت‌آمیز خط یازیپ یوباره‌ی، شایدکه، او تۇغری یۆلگه اؤتسه، دېب ایتدی. بو ایشنی بجریش اوچون شهاب‌الدین خسرو یوباریلدی.

مذکور آی‌نینگ یېتینچیسیده، پنجشنبه کونی آتاوهدن مهدی خواجه کپلیدی. هییت

کونی هندوپیکه مخصوص باش-آیاق کییم، قیمت بها تاشلر قده لگن کمر-شمشیر و یخشی آت عنایت قیلیندی. تورکمنلر آره سیده چیغتای نامی بیلن مشهور حسن علی-گه باش-آیاق کییم، قیمت بها تاشلر قده لگن کمر خنجر و پیٹی لکلیک در آمدی بار ولایت عنایت بؤلدی.

تۇقىز يوز اۋتتيز آلتىنچى (۱۵۲۹) يىل واقعه لرى

محرم آيى نىنگ اۋن اوچىنچىسىدە، سەشنبە كۈنى شهاب الدىن خسرو بىلن شىخ محمد غوث گوالياردن رحىمدادنىنگ گناھلرىنى سۈرەب كېلدى. درويشوش و عزيز انسان اېدى. رحىمدادنىنگ گناھىنى او كىشىگە بغيىشلىب، شىخ گورن بىلن نوربېك گواليارگە يوبارىلدى. گواليارنى بولرگە تاپشيريپ...

... بولرنى كۈمككە يوباردىك. كېين محمد على جنگ-جنگ جۈنە تىلدى. ايلگرى بارىشى تعينلنگن ملا محب على عسكرلرى يېتىب بارگونىچە، عبدالعزيز اولرنى جايىدن قولوب، بيراغىنى آليپ، ملا نعمت، ملا داود، ملا آفاق نىنگ اوكهسى و ينە بيرنچە كىشىنى قۇلگە توشيريپ، شھيد قىلىيدى. بولر يېتىب بارىشگىچ، محب على نىنگ تاغەسى ظاهر طبري باستيريپ بارىپ جنگ قىلەدى، لېكن اونگە ياردەم يېتىپ بارمەيدى، ظاهرنى اۋشە يېردە ياق قۇلگە آلەدىلر، محب على هم اوروش پىتى آتدن يىقىلەدى. بالتو يان طرفدن كىريپ، محب على نى آليپ چىقەدى. بير كوروھگچە بولرنىنگ آرتىدن قوويپ كېلەدىلر. محمد على جنگ-جنگ نىنگ قارەسى كۈرينگىچ، تۇختەيدىلر. بىزگە دشمن نىنگ آدملىرى يقين كېلىپ قالدى، دېگن خبرلر كېتمە-كېت كېلە باشلەدى. جىيە (ساووت) كىيىپ، آتلىرگە كېچىم ساليپ، قوراللىب جنگگە آتلندىك. اراپەلرنى تارتىپ كېلىشلىرىنى بويوردىم. بير كوروھ يۇل باسدىك. دشمن آدملىرى آرقەگە قېتىگن اېكن.

درياي خورد كتەگىنە كۈل اېدى. سوونىنگ تشويشىنى قىلىپ شو يېردە تۇختەدىك. اراپەلرنى آلدىنگە استحكام قىلىپ، زنجيرلر بىلن اولرنىنگ گرد-اطرافىنى باغلب چىقىدىك.

رنا سَنگا بى نھايە كۆپ جَنگچىلرى و قۇشىنى بىلن آلدىنگە يوريش باشلەدى. ھندوستان عادىتىگە كۆرە، يوز مىنگىنى بىر لک و يوز لکنى بىر كرور دېيىلەر. اونىنگ جَنگچىلرى و لشكرى ايگى مىنگگە، ولايتى اۋن كرورگە يىتگن ابدى كە، اونگە بىر لک آتلىق جايلىشىپ، يشەشى مەمكىن ابدى. ھېچ بىر اوروشدە اونگە ياردەم قىلمەگن، اطاعت اېتمەگن و وعدەلشمەگن باش و باشلىقلار اونگە قۇشىلىپ، اونىنگ حەكم و فرمانلىرىنى بىجرەباشلەدىلەر.

اونىنگ لشكرى تەقىيىلاتى مەنە بوندەي: راي سىنگ و سىرنگپور حەكمۇتى نىنگ اېگەسى صلاح الدىن دە اۋتىز مىنگ آتلىققە يىتەدىگن بىر و سوو بار ابدى. رَوەل اودەي سىنگ بىگري اۋن ايگى مىنگ آتلىققە اېگە ابدى. مېوات نىنگ حاكىملىگى قۇلىدە بۇلگن حەسەنخان مېواتى نىنگ اۋن ايگى مىنگ، بەھادر ھەملايدىرى نىنگ تۇرت مىنگ و سَتروى كېچى نىنگ آلتى مىنگ، جَرَمَل پَرَم دېو و مېوات حاكىمى نىنگ تۇرت مىنگ و بىر سىنگ دېو چَوھَن نىنگ تۇرت مىنگ آتلىققە يىتەدىگن پىر-سووى بار ابدى. سەلطان اسكەندەر نىنگ اۋغلى مەمۇدخان نىنگ، گرچە ولايتى بۇلمەسە ھەم، سەردارلىكنى ھوس قىلىپ، اۋن ايگى مىنگ آتلىق لشكرى سقلردى. بولر حسابلاپ چىقىلسە، دىشەن نىنگ سانى ايگى لک كىشىگە يىتەپ قالەدى.

دىشەن نىنگ كېلىشىنى سېزىپ، اۋز قارايىمىزنى قەبۇل قىلىپ عەسكىرلەرنى شەندەي سەفلەدىك. مەركىزگە پادىشاھ حەزورەيدەگى خەس آتلىق عەسكىرلەر قۇيىلدى، مەركىزىنگ اۋنگ قەتاتىگە چىن تېمۇر سەلطان، مىرزا سەلىمان، خەواجە دوست خەوند، يونس عەلى، شاھ مەنصور بىرلاس، درویش مەھمۇد سەربان، عەبدەللە كەتابدار و دوست اېشىك آغەنى باشقە امىرلەر بىلەن قۇيىشكە قەرار قىلدىك. چەپ قەتاتىگە سەلطان بەھاء الدىن بەھلول لۇدى نىنگ اۋغلى علاء الدىن، شەيخ زەين خەوافى، نەظام الدىن عەلى خەلىفە نىنگ اۋغلى امىر مەھبەلى، قۇچبەك نىنگ اۋكەسى توردى بېك، قۇچبەك نىنگ اۋغلى شەپرافگن ھەمدە آرايشەخان، خەواجە حەسەن و باشقە كىشىلەر يىمىزنى سەفلەدىك. اۋنگ قەتاتىگە اۋزىمىز تەرىپ، ھندوستان امىرلىرىدىن خان خانان دلاورخان، مەلكداد كەرنى و شەيخ گورن كېي كىشىلەرنى خەدمەتلىمەزدە اۋشەپ توردىك. اۋنگ

قناتگه ینه قاسم حسین سلطان، احمد یوسف اۋغلاقچی، هندوبیک قوچین، خسرو کؤکلداش، قوامبیک، اوردوشاه، ولی خازن، قراقوزی عمرقولى سیستانی و خواجه پهلوان بدخشی و عبدالشکور همده ملک قاسم باباقشقه، اونینگ اوکەسى باشقه مۇغول بهادرلری بیلن تعینلندی. اولرنینگ آرتیدن میرحمزه، محمدی کؤکلداش، خواجهگى اسد بیر نېچه بیگیت بیلن مۆلجللندی. چپ قناتنینگ اۋنگ قۇلى بېلگىسى قىلیب مهدي خواجه، محمد سلطان میرزا، مهدي سلطاننینگ اۋغلى عادل سلطان، عبدالعزیز میرآخۇر و محمد جنگ-جنگ، قوتلوق قدم قراوول، شاه حسین یارکی، جانی بیک اتکه و هندوستان امیرلریدن سلطان علاءالدیننینگ اۋغیللری جلالخان و کمالخان همده علیخان، شیخزاده فرمولی، نظامخان بیانه، مؤمن اتکه، رستم تورکمن سرایدهگی خاص عملدارلری بیلن، باشقه بهادرلر، غازیلر اخلاص بیلن صفلنپ، اوروشگه بېل باغله دیلر.

نظام الدین علی خلیفه گه روم غزاتی ترتیبده لشکرلریمیز آلدیده باره دیگن میلتیقیلر و رعداندازلرنی پناه قیلیش اوچون ارا به لرنی کپلتیریپ زنجیر بیلن باغلشلرینی بویوردیک. سلطان محمد بخشیکه یقینیمیزده توریش بویوریلدی. ضرور ایش چیقپ قالگنده اونگه بویوریشیمیزنی، او اېسه یساووللر و تواچیلرگه ایتیشی، اولر اېسه باشلیقلریگه یپتکزیشینى تعینله دیک. لشکرنینگ یوریشی ترتیبگه سالینگچ، باشلیقلر اۋز قۇلى آستیده گى عسکرلری بیلن باریب، جای-جایلریگه تور دیلر. اوندن کپین ییز بویروق بۆلمه گونیچه اۋرنیدن بیرار کیشى قۇزغلمه سین و تا رخصت بېرمه گونیمیزچه میدانگه کیریپ جنگ باشله مه سین، دېب فرمان بېردیک.

کوننینگ بیرینچی پاسی اۋتیشی بیلن چپ و اۋنگ قناتلرده شونده ی اوروش بۇلدى که، گۇیا زمیننی زلزله و زماننی تۇپالان باسدى. دشمن ییزنینگ اۋنگ قناتیمیزدن کیریپ کپلیب، خسرو کؤکلداش و ملک قاسم بابا قشقه گه قرشی هجومگه اۋتدی. چین تېمور سلطانگه

اولرگە كۆمك بېرىش اوچون يېتىپ بارىش بويۇرىلدى. او جسارت كۆرسەتەي، دشمننى قوۋىپ، قۇرىقچىلىرى صفىنى بوزىپ، اولرنى مركز قۇشىنى يېقىنىگە سۈرىپ بارىپ قۇيدى و بو غلبە نىنگ مكافاتىنى اونىنگ نامى بىلەن اتەدىك. مصطفى رومىگە ارابەلرنى مركزدن آلدىنراققە اېلتىش بويۇرىلدى. مىللىق و ضربىز بىلەن دشمن لشكرىنى تۇختاوسىز اۇققە توتدىلرگە، بهادرلرنىنگ كۇنگىللىرى يارىشىدى. دشمن دن جودە كۇچىلىگى نىنگ تنەسى پېر بىلەن بىر تە بۇلدى-اولرنى فنا پىلى آلىپ كېتىدى.

لېكىن واقە شونەدى بولگن اېدى كە، رنا سىنگانىنگ لشكرى صف-صف بۇلىپ كېلە وېرىدى. مېن ھەم آدملىرىمدىن يىخشىلارنى تېرىپ-تېرىپ آلىپ بىر-بىرى نىنگ آرتىدىن ياردەمگە يوبارديم. دستلب قاسم حسين سلطان، احمد يونس و قوام پىككە فرمان بېردىم. اوندن كېيىن ھىندو پىك قۇچىن گە فرمان بېردىم. سۇنگرە محمد كۇكلاش و خواجگى اسدگە ھىكم قىلدىم. اوندن سۇنگ يونس على، شاھ منصور برلاس و عبداللە كتابدار، اولرنىنگ آرتىدىن دوست اېشىك آغە و محمد خليل اختەبېگى كۆمككە يوبارىلدى. دشمن نىنگ اۋىنگ قىتائىدەگى عىسكلرى بىز نىنگ جوانغارگە ھىجوم قىلدى و ھەر سىفر بىز نىنگ اخلاصى بلند غازىلر بىمىز دشمن نىنگ بىر تۇدەسىنى اۋق يامغىرى بىلەن بېرگە سىنچردى. قالگن قىسمىنى اېسە قىلىچ و خىنجر چىقماغى بىلەن تۇپە-تۇغرى جەنمگە روانە قىلردى. مۇمن اتكە، رىستەم توركىمەن، ملا محمود، على اتكە، محمد سلطان مىرزا، عادل سلطان، عبدالعزىز مىر آخۇر، قوتلوق قەدىم قراۋول، محمد على جىنگ-جىنگ و شاھ حسين باركى مۇغول غىنچى قۇل بىلەن اوروشكە توشىپ، بىر جايدە قىتئىق آلىشىدىلر. خواجە حسن دېۋان دېۋانىلر (مىھمەدەگىلر) بىلەن كۆمككە كېتىدى. بىرچە بهادرلر جان آلىپ جان بېرىپ كۆرەشىپ، دشمندىن قىصاص آلدىلر. چۈنكە دشمن نىنگ كۇپلىگىدىن اوروش اوزاق چۇزىلدى. خىصاص خىدمەتكارلر ارابەلر آرتىدە خۇدۇ زىنجىردەگى شېرەپكە تورىشىدى. اولرگە مركز نىنگ اۋىنگ و چىپ طرفلر بىلەن مىللىتقىلرلىرىنى اۋرتەگە آلىپ جىنگ قىلىشلىرىنى بويۇردىم. بو يىگىتلر خۇدۇ زىنجىرنى غەجىپ، اوزىپ چىققىن شېرەپكە اۋز باشىگە توشكىنىنى كۆرىپ، اۋزلىرىنى كافىرلر تۇدەسىگە اۋرىپ،

قۇللىرىدىن نېمە كە كېلسە، قىلدىلار. نادىرالىسىر مىلىتى، سۇرىن و تاش ئاتىش يىللىرى بىلەن مەركىز ئالدىدە توردى، ئونىنك آدملىرى مىلىتى، سۇرىن و تاش ئاتىش يىللىرى بىلەن مەركىز ئالدىدە توردى.

قەسك، دىشمن نىنك يىنگىلىشى انچە چۈزىلدى. مەركىزىگى ئارابەلرنىنك ئالدىنراققە يورىشىگە بويروق بېردىك. ئۆزىمىز ھەم ئونىنك ئرتىدىن يوردىك. قۇرىقچىلار ھەم ئونىنك و سۇل طرفدىن ئونىنك و چى قاتارلارگە قەب، ئالدىنكە ئىتلىپ، دىشمنكە ھەملە قىلدىلار. شۇندەي ئوروش-جىنگ بۇلدى كە، بىزىنك ئونىنك و چى تامانلارگە قۇشنىمىز دىشمن نىنك ئونىنك و چى طرفلارگە قۇشنىنى سۇرىپ بارىپ، بىر جايدە تۇختاپ ئوروشدىلار. دىشمن قۇلىدىن ھېچ ئىش كېلمەي، ھىيات ئىللىرىنى كۆيدۈرىپ، بىزىنك ئونىنك و چى قاتارگە جىنگىچىلارمىزگە ھەجوم قىلىپ، ئۆزلىرىگە جۈدە يىقىنلاشتىرىلار. ئايغىمىزدە مەستەك تۈرگىمىز ئوچۇن دىشمن نىنك تۈرىشكە مەجالى قالماي، بى ئاختىار قاچە باشلەدى. كۆپچىلىگى ئۇشە مەيداندا جان بېرىپ، جەنمەگە رۈنە بۇلدى. قالگن ئۆز قىسمى سىراسىمەگە تۇشىپ، قۇم سىراسىگە قاچدى. ھىسەنخان مېۋاتىگە ئۇق تېگىپ، فەنەلەرگە ئىلندى. غنىمىنك رۈلە ئودەي سىنك، مەنكەچەن چۆھەن، ئاي چەندىرەن، دىلەت ئاي، كەنەر و كەرسىنك كېي باشلىقلىرى يۇقلىق ئۆلىنىنك غبارى بۇلدىلار. بىر نېچە مەنكە كىشى ئىسكەرلىرىمىز ئاتلىرى تۈيەگى ئاستىدە پايما بۇلدى. مەھمەد كۆكەلداش، ئابدۇلئەزىز مەنەۋى، ئالمان و ئىنە بىر نېچە ئامىرلەرگە رەنە سەنگەنك ئرتىدىن تەقىپ قىلىپ بارىش بويىرىلدى. مەنەۋى ئۆزىم ھەم بىر نېچە كۈرۈە قۇلۇپ باردىم، رەنە سەنگەنك باشىگە قارەنگى كۈن تۇشدى.

تاش كېچە كىرگۈنچە، دىشمن خەتەرچە بۇلىپ، مەقسەدىمىزگە يېتىپ قېتىدەك. بىر نېچە سەتەدىن كېيىن مەنەۋى يېتىپ باردىك. تەقدىردە بۇلمەگەن ئوچۇنمى، ئو كەفرنى قۇلگە تۇشۇرالمەدىك. ئرتىدىن يوبارىلگەن كىشىلەر غەرت قىلمەدىلار. بولرگە ئىشانىپ ئۆتۈرەي، ئۆزىمىز تەقىپ قىلىشىمىز كېرەك ئېدى، دېپ ئۇشمان بۇلدىك. فەزىل بىلىملى كىشىلرىمىزدىن شەيخ زەينەلدىن بۇ غەلبەگە "پادشاه ئىسلام" دېگەن تارىخنى تاپدى. كەبەلدىن مەنەۋى غەياث ھەم شۇ تارىخنى يېتىپ يوبارىدى. ئىلگىرىگە مەنەۋى غەلبەلرىمىزدىن بىرى

دېيىلپور فتحىگە ايگى كىشى "وسط ربيع الاول" دېگن تارىخنى تاپدى.

بو فتح منە شۇندەي قۇلگە كىرگىچ، رىنا سىنگانىنگ آرتىدىن ولايتىگە تعقيب قىلىپ بارىشگە سبب يۇق اېدى. لشكرنى تۇختە تىب، مېواتنى ضبط اېتىشگە ھىمت قىلدىك. محمد على جنگ-جنگ، على گورن و عبدالملك قۇرچىنى جودە كۇپ آدم بىلن الياسخاننىنگ اوستىگە يوباردىك. او ايگى دريا آرسىدە باش كۇتريب، گۇيىل شەرچەسىنى جنگ قىلىپ اېگىللەگندى. گۇيىل شەرچەسى نىنگ حاكىمى كىچىك علىنى اوشلب، بندى قىلىپ قۇيىگن اېكن. بىز جۇنتىگن قۇشىن يېتىپ بارگىندە داش بېرالمەي، قاقچىدى. بىر نېچە كۈندىن كېيىن آگرەگە يېتىپ باردىك. او يېرگە كىرىشىمىز بىلن بو بختى قرانى باغلب، چىرىمب آلىپ كېلدىلر. جزاسىنى آلدى.

اوندىن كېيىن مېوات طرفلرگە بارىش كېرەك، دېگن فكرگە كېلدىك. رجب آيى نىنگ آلتىنچىسىدە، چارشەنبە كۈنى مېوات حاكىملىگى جايلىشگن لۇرگە باردىك. اونىنگ خزىنەسىنى آسانلىك بىلن قۇلگە كىرىتدىك. بو ولايت ھىم ھامايەمىزدەگى مەملىكتلر قاتارىگە اۇتگىچ، بىز پايتختگە قرەب يۇل آلدىك. محمد ھاميونگە كابل و بدخشانگە كېتىشىگە رخصت بېرىپ، اۋزىمىز مەركىزگە بارەدىگن بۇلدىك.

تۇقۇز يۈز اۋتۇز تۇرتىنچى يىلى خان مىرزا عالمىدىن اۋتدى. بدخشان حكومتىنى كۈزىمىز نىنگ نۇرى محمد ھاميونگە بېرىپ اېدىك. اۋشە يىلى رجب آيى نىنگ تۇقۇزىنچىسىدە محمد ھاميونگە اۋشە مەملىكتگە بارىشگە رخصت بېرىلدى. شۇ يىللىرى بىيىن افغان باش كۇترگن اېدى. قاسم حسين سلطان، محمد قاسم بابا قشقه، عبدالله محمد نىزەدار، حسينخان ھەمدە ھىندوستان امىرلىرىدىن عليخان فرمولى، ملكداد كرەنى، تاتارخان و خان جەھاننى محمد سلطان مىرزاگە يۇلداش قىلىپ يوباردىك. او بدبخت قۇشىن تەيىنلىگىنىنى اېشىتىپ، باشىنى قۇلىگە آلىپ دىيادىن چىقىپ كېتەدى.

اۋزىمىز اۋشە يىلى نىنگ آخىرلىرىدە فتحپور و بارىنى ايلنىپ، آگرەگە كېلدىك. تۇقۇز يۈز اۋتۇز تۇرتىنچى يىلى گۇيىلنى تماشاقىلىشگە باردىك. او يېردىن سەنبلگە اۋگە چىقىدىك.

كوھستاننى سىر قىلىپ، دارالخلافة گە كېلدىك. سفر آيى نىنگ يىگىرمە سگىزىنچىسىدە فخر جهان بېگم و خدىچە سلطانبېگم بالە-چقەسى بىلن كابل دن كېلدىلر. بىز كېمە گە توشىپ، اولرنى كوتىب آلدىك و وقتنى يخشى اۆتكزدىك. بىر آز وقتدن سۇنگ چنڧىرى حاكمى مېڧىنى رونا لشكر يىغە ياتگن اېمىش، دېگن خبر كېلدى. بوندى خبرلر يېتىپ كېلىشى بىلن آلتي-يېتتى مىنگ يىگىتتى چىن تېمور سلطان گە يۇلداش قىلىپ كېلى حدودىدن چنڧىرى گە يوبارىلدى.

جمادى الاول آيى نىنگ يېتتىنچىسىدە، چارشنبە كونى چنڧىرى ضبط اېتىلدى. اونىنگ تارىخىنى "دارالحرب" دېب تاپدىلر. چنڧىرى قۇلگە كىرگچ، اونى سلطان ناصرالدين نىنگ نبىرەسى احمدشاه گە انعام قىلدىك.

جمادى الاول آيى نىنگ اۋن بىرىنچىسىدە، يكشنبه كونى قىتېب دارالخلافة- پايختىگە كىردىك. اوندن ايلگىرىاق چنڧىرى گە بارەدىگن اېدىك، رنا لشكرى بىلن آلدىنگە يورىپ بىزنىنگ خدمتيمىزدە گىلر تورگن ايرىچ گە كېلىپ، اونى قىلماقچى بۇلەدى. اۋشە كېچە اولوغلردن بىرى اونىنگ توشىگە كىرىپ قۇرقىتەدى. او اويقودن سېسكىنىپ اويغانىپ كېتەدى، اونى ايسىتمە توتە باشلەيدى. اۋشە ايسىتمەدە لشكرگە آرگە قېتىشنى بويورەدى. يۇلدە اونگە اجل ھمراھ بۇلىپ، جھنمگە يوبارگنى عيان بۇلدى.

بىزنىنگ قۇشىنىمىز برھانپور درياسىدن اۋتە ياتگندە شوندى خبر كېلدى: معروف، بېىن و بايزىد قنۇج دن قاچىپ، ايرىچ گە كېلىپ، شمس آباد قلعه سىنى ابوالمحمد نىزەبازدن كوچ بىلن تارتىپ آلېدىلر. شو باعث جلونى اۋشە طرفگە بورىپ، بىر نېچە يىگىتتى اۋزىمىزدن آلدىنراق يوباردىك. بو خبرنى اېشىتگىنىدن سۇنگ معروف نىنگ اۋغلى قنۇج دن قاچىپ قالەدى. بېىن، بايزىد، معروف ھم گنگ دن اۋتېب قنۇج نىنگ تۇغرىسىدە گنگ نىنگ كون چىقر تامانىدن بارىپ، كېچىكنى تۇسىپ قۇيىش نىتىدە اۋتېرەدىلر.

توقۇز يوز اۆتتۇز بېشىنچى يىلى، محرم آيى نىنگ اوچىنچىسىدە، جمعه كونى مىرزا عسكرىنى مۇلتان مصلحتى اوچون چقىرتىرگندىك، كابل دن يېتىپ كېلىپ، گوالياردە التفات

كۆرسىتىدى. اۋشە كۈنى راجە بىكرامە جىت و من سىنگ نىنگ عمارتلىرىنى ايلنىب، پايتختگە جۇنۇب كېتىدىك. اۋشە آى نىنگ يىگىرمە بېشىنچىسىدە، پىنجىشە كۈنى او يېرگە كىرىپ باردىك.

ربىع الاول آى نىنگ اۋىنچىسىدە، دوشنبە كۈنى محمد ھاميون دن اېلچىلر كېلىپ، التفات كۆرسىتىلر، خط ھم آلىپ كېلدلر. اوندە تىگرى تعالى بىزگە بىر اۋغىل بېرگن اېدى، آتىنى الامان قۇيدىك، دېب يېتىلگندى. بو اسم مېنگە ياقمەدى. اوندن سۇنگ تورك و ھند امىرلىرىنى چارلەتىپ، ضىافت بېردىك. بو ضىافتدە شىرق طرفدەگى ولايتلرگە حاكىمىت اۋرنەتىش كېرەك، دېگن مصلحتنى كېڭىشدىك. مىرزا عىسكىرى آغىر لشكر بىلن آلدىندە جۇنەسىن. گىنگ درياسى نىنگ او طرفىدەگى امىرلر اونگە يۇلداش بۇلىپ، بو ايشگە جەھد قىلسىنلر. ربىع الآخر آى نىنگ يېتىنچىسىدە، دوشنبە كۈنى مىرزا عىسكىرىگە جۇنۇب كېتىشى اوچون رخصت بېرىلدى.

اوزىمىز دەپور طرفگە آۋگە آتلندىك. جمادى الاول آى نىنگ اوچىنچىسىدە محمود اسكندرنىنگ اۋغلى بھارنى آلىپ، غوغا-تۇپالان كۆتىرىش نىتىگە توشگن، دېگن خبر كېلدى. آۋدن قىتېب، دارالخلافةگە-پايتختگە توشدىك.

شو پىتى بدخشان دن محمد ھاميون نىنگ اېلچىلرى كېلدى. مەكتۇبە يېتلىشىچە، محمد ھاميون قىرق-اېللىك مىنگ عىسكىر بىغىب، سلطان وىسنى اۋزىگە يۇلداش قىلىپ، سمرقندگە بارىش نىتىگە توشىپىدى. آرەدە صلح سۆزى ھم بار. اونىنگ خطىگە جۋابدە تىگرى تعالى دن امىدۋارمىزكە، ھە دېمەى ھىندوستان اۋلكەسى قۇلگە كىرەدى، دېب يازدىم،-خىرخواھ و مناسب كىشىلرىمىزنى ھىندوستان اۋلكەسىگە قۇيىپ، اۋزىمىزگە مىراث اۋلكەمىزگە بارەمىز. بو يۈرىشە بوتون خلقىمىز ھاميونگە يۇلداش بۇلىپ، اخلاص كۆرسەدىلر.

اۋشە آى نىنگ اۋن يېتىنچىسىدە، پىنجىشە كۈنى جۈۋن درياسىدن اۋتىپ، شىرققە قرەب جۇنەدىك. اۋشە كۈنى بىنگالە وارثى بۇلگن نصرتشاھ دن اېلچىلر كېلىپ، تارتىقلر كېلتىرىپ، قوللىك اظھار قىلدلر.

جمادى الآخر آيى نىنگ اۋن توقۇزىنچىسىدە، دوشنبە كۈنى مىرزا عسكىرى كېلىپ بىزنى كۆردى. سىز لشكىرىڭىز بىلەن گىگ درياسى نىنگ نرىگى طرفىدە تۇختىگ، دېب فرمان بېردىك. اگرە يقىنىدە اسكندر سلطان نىنگ اۋغلى محمود خان نىنگ شكست تاپگنلىگى حقىدە خبر يېتىپ كېلدى. غازىپور يېرلىرىگە بارىپ، بىچپۇر و بهات دە تۇختەدىك. اۋشە يېردە بهار ولايتىنى مىرزا محمد زمان گە بېردىك.

رمضان آيى نىنگ يېتتىنچىسىدە، پىنجىنبە كۈنى بىنگالە و بهاردن خاطر جمع بۇلىپ، سروار طرفگە بىيەن و بايزىدىنى دفع قىلىش اوچون يورىش باشلەدىك. بو غنىملر بىلەن جىنگ قىلىپ، اولرگە شكست يېتكىزدىك. اوندىن كېيىن خرىد و سىكندىرپورنى سىر قىلىپ، بو ولايتلردن خاطر جمع بۇلىپ، ايلغار بىلەن پايتختگە قىرەب جۇنەدىك و آز فرصتدە او يېرگە كىرىپ كېلدىك.

محمد همايون، بىر يىل دېركە، بدخشان دە، دىدارىمىزدىن آيرا توشگىندى. بىزنى ساغىنىپ، بدخشاننى كويوى مىرزا سلىمان گە تاپشىرىپ، بىر كۈندە كابل گە كېلەدى. مىرزا كامران ھەم قندھاردن كابل گە كېلگەن اېكن. عىدگادە او چىرەشىپ قالىپ، حىران بۇلىپ، كېلىشى سىبىنى سۈرەبدى. محمد ھمايون ھەم بىزنى ساغىنگىنىنى ايتىپ، مىرزا ھىندالنى كابل دىن بدخشان گە يوبارىپ، بىزنىڭ طرفگە كېلەۋېرىدى. بىر نېچە كۈندە دارالخلافە-اگرە گە يېتىپ كېلەدى. بىز اونىڭ آنەسى بىلەن آتىنى ايتىپ، اۋزلىشىپ اۋتىرگەن اېدىك ھەم كە، كېلىپ قالدى. كۈنگىللر گل يىنگىلىغ آچىلىپ، كۈزلر چىراغدىك يارىشىدى. ھەر كۈنى ضىيافت بېرىلدى. كېيىن اونىڭ اۋزىگە تۋى بېرىپ، خورسندچىلىك قىلدىك. انچە پىتىگچە بىر يېردە بۇلىپ، بىر-بىرىمىز بىلەن دوستانە مناسبتدە بۇلدىك. حقىقتدە، صحبتدە تېنگى يۇق اېدى و اگر كامىل انسان دېيىش مېمكىن بۇلسە، او-اۋشە اېدى.

محمد همايون بدخشان دىن كېلگەن وقتلىرى كاشغر خانلىرىدىن و بىزگە قىرىنداشلىگى ھەم بۇلگەن سلطان سىعىدخان رشىدخاننى ياركېنت گە قۇيىپ، خام خىيالىك قىلىپ بدخشان تامانگە جۇنبدى. او بدخشان گە پىتگۈنىچە، اوندىن ايلگىرىراق مىرزا ھىندال بارىپ قلەھى

ظفرگە كىرگەن اپكەن. سلطان سەئىدخان ئو يېرىنى ئوچاى قىلىپ، قۇلىدىن ھېچ ئىش كېلمەي، ئارتىگە قېتىدى.

بەدخشاننى كاشغىرىلار اپگەللەيدىلەر، دېگەن خەبەر يېزىگە يېتىپ كېلدى. يېزىخواجه خەلىفەگە بەدخشانگە بارىپ، قۇلىدىن نېمە كېلسە، قىلىسىن، دېپەرمان بېرىدىك. ئو فەھمىسىزلىكەن قەبۇل قىلمەيدى. مۇھەممەد ھەمىيونگە: «سېنى بارسىنگ قەندەي بۇلەيدى؟» دېپەرمانىتىدىك. ئو: «فرمانگە چارە يۇق، لېكىن ئۆز ئاختىيارىم بىلەن دىدارەن ئايرىلمەيمەن، دېپەرمان قىلگەنمەن»، دېيە جىواب بېردى. شۇنىڭ ئوچۇن مىرزى سەلىمانگە بەدخشانگە بارىشكە رەخىست بېرىلدى. شۇندەي بۇلەسەدە، سۇلتان سەئىدگە يېزە سىزنىڭ قەنچە خەتتىگىز باركە، سىز بۇندەي قىلدىڭىز، جودە غەللى بۇلدى، دېپە يازدىك. دەرھال مىرزى ھەندالنى چاقىرىپ، مىرزى سەلىماننى يوباردىك. ئاگر ھەققىنى نەزەردە تۇتىپ، بەدخشاننى فرزندىمىز سەلىمان مىرزىگە بېرسىڭىز يەخشى بۇلردى، دېدىك. ئالا، يېزى گناھنى ئۆزىمىزدەن ساقۇت قىلىپ، مىرائىنى مىرائىخۇرگە تاپشۇردىك، بىلىسىنلەر.

مىرزى سەلىمان ئوندەن ئايلەرى كابلگە يېتىپ بارەيدى. بەدخشاننى دىشەن قۇلدەن بېرىپ، ئو يېردە ئامانلىك بۇلگەن اپكەن. مىرزى سەلىمان بەدخشانگە بارگەندە سۇڭى، مىرزى ھەندال بەدخشاننى ئونگە تاپشۇرىپ، ئۆزى ھەندۇستانگە يۇل آلەيدى.

مۇھەممەد ھەمىيونگە ئۆزى جايلىشىگەن يېرى سەئىلگە كېتىشى ئوچۇن رەخىست بېرىلدى. ئالتى ئايگەچە ئۇشە يېردە تۇردى. كۆرىنىشىچە، ئو جەينىڭ يېرى سۈۈي ئونگە ياقمەيدى. ئونى ئايسىتمە تۇتر اپكەن، بارەبارە ئوزاق چۈزىلەيدىگەن بۇلىدى. بونى ئېشىتىشىم بىلەن دھلىگە ئايلەپ كېلىشلىرىنى ئو يېردە كېمەگە سالىپ ئايلەپ كېلىسىنلەر، بو يېردە ئونى زىركە ھەكىملەر كۆرىپ، دىردىگە دوا قىلىسىنلەر، دېگەن فرمان بېرىلدى. بىر نەچچە كۈندە ئونى دىرىا يۇلى بىلەن ئايلەپ كېلدىلەر و طىببلەر ھەر قەنچە دارۇدەرمان بېرمەسەن، يەخشى بۇلمەيدى. اولۇغ كىشىلەردەن مىر ئابوالقاسم، بۇندەي دىرلەرگە بىرەر يەخشى نەرسەنى سەدقە قىلىپ بېرىش كېرەك، شۇندە تەڭرى تەئالى شفا بېرەيدى، دېپەرمانىتىدى. مېنىڭ كۈنگەلەمگە كېلدىكە، مۇھەممەد ھەمىيوننىڭ مېندەن باشقە يەخشى نەرسەسى يۇق. مېن ئۆزىم ئونگە سەدقە بۇلەيمەن، خەدا قەبۇل قىلىسىن، دېدەم.

خواجه خليفه و باشقه يقينلر: محمد همايون صحت تاپەدى، سىز نېگە بو سۇزنى تىلنىگىزگە كېلتىرەسىز، دېيىشدى. مقصد شوكة، دنيا مالیدن يىخىسىنى صدقه قىلىش كېرەك. بس، اۋشە ابراهيم بىلن بۇلگن اوروشده قۇلگە كىرىتيلگن الماسنى محمد همايونگە انعام قىلگن اېدىنگىز، اۋشە الماسنى صدقه قىلىش كېرەك، دېيىشدى. اونىنگ عوضىگە دنيا مالىنى بېرىش قندهى بۇلەدى، مېن اونگە اۋزىمنى فدا قىلورمن كه، او جوده مشكل احوالده قاليدى، دېگن سۇزلر تىلىمگە كېلدى. اوندىن نىمە اۋتگن بۇلسە، اۋزىمگە آلەمن، اونىنگ كوچىگە كوچ، برداشگە برداش بۇلەمن. اۋشە حالتگە كىرىپ، اوچ قتله باشیدن ايلنىپ، هر قندهى دردنىگ بۇلسە، مېن آلدىم، دېدىم. اۋشە زمان مېن آغير بۇلدىم، او يېنىگىل تارتدى. او ساغىپ اۋرىدىن توردى. مېن ناخوش بۇلىپ يىقىلدىم. دولت اعيانلرى و مملكت اربابلرىنى چارلب، بيعت (عهد-پيمان) قۇللرىنى همايوننىگ قۇلىگە تاپشىرىپ، او اۋرىنىمده قالەدىگن وليعهد اېكنلىگىنى تەيىنلەدىم. تختى اونگە تاپشىردىم. خواجه خليفه، قنبر عليپك، توردى پېك، هندوبېك و باشقه كىشىلر هم بو نصيحتلرىمده بار اېدىلر، همەسى قبول قىلىپ، هېچ نىمە دېيالمەدىلر.

ورقلرنى قارەلاۋچى-كاتب ايتەدى كه، تۇقىز يوز اۋتۇز يېتتىنچى يىلى، جمادى الاول
آيى نىنگ آلتنىنچىسىدە اۋشە پادشاه اۋز قۇلى بىلن آباد قىلگن چهارباغده احوالى اۋزگىرىپ، بو بېوفا عالمىنى ترك اېتدى.

زمان نىنگ دانا كىشىلرى تارىخ، مرثيه، قصيده و تركىبلر بىتدىلر. شو جملهدن، مولانا شهاب معمايى منە بو مصرعدن تارىخ تاپدى: «همايون بود وارث ملك وى» (مضمونى: همايون اونىنگ ملكى نىنگ وارثى اېدى).

او قابل پادشاهنىگ يىخىلىكلرىنى ايتىپ و يازىپ توگەتتش محال. لېكن لۇندە قىلىپ ايتگندە، اونىنگ اصل ذاتيده منە بو سگىز صفت همه وقت مجسم اېدى: بىرىنچىسى شوكة-مۇفقىتلىرى بلند اېدى؛ ايگىنچىسى-همتى ارجمند (عزيز همتلى) اېدى؛ اوچىنچىسى-ولايت آلاق؛ تۇرتىنچىسى-ولايت سقلەماق؛ بىشىنچىسى-معمورلىك؛ آلتنىنچىسى-تنگرى تعالى

بندە لریگە تورموش کەنگچیلیگی (یخشی احوال) نیتی؛ پیتنچیسى-لشکرینىگ کۈنگلىنى قولگە آلیش؛ سگیزینچیسى عدالت قیلماقلیک.

فضیلت بایده کمچیلیگی یۇق اېدی، نظم و نثرنى تورکی و فارسیده ایتیشده تېنکسز اېدی. خصوصاً، تورکی دېوانى بار. اونده ینگى معنالر هم تاپیب، شعرلر ایتگن. "مبین" دېب ناملنگن مثنوی کتابى هم بار. تیل بیلده دینگن دانا کیشیلر آرهسیده اونینگدېک لطیف (گۈزەل) سۈز ایتوۋچى یۇق. خواجه احرار ایتگن "والديه" رساله سینی شو پادشاه نظم قیلییدی. اوشبو کتاب "بابریه" بۇلیب، بیرەمخان نینگ اۋغلى میرزاخان گە تورکی دن فارسىگە ترجمه قیلیشنى بو یوردیلر، تاکه تورکی بیلمه گن کیشیلرگه آسان بۇلسین، اول پادشاه نینگ موسیقى علمیدن هم خبرى بار اېدی و منه بور باعى نى فارسیده ایتگن اېدیله:

درویشانرا اگر نه از خویشانیم،

لېک از دل و جان معتقد اېشانیم.

دور است مگوی شاهى ز درویشى،

شاهیم، ولی بنده ی درویشانیم.

(مضمونى: گرچه دروېشلر بیزلرگه يقين بۇلمسەلر هم، بیز اولرگه جان دلیمیز بیلن مخلصمیز. شاهلیککه درویشلیکدن اوزاق دېمه، بیز شاه بۇلسک هم، درویشلر نینگ بنده سى (قولی) میز).

فارسیده منه بو مطلع نى هم ایتییدی:

هلاک می کندم فرصت تو دانستم،

وگر نه رفتن از این شهر می توانستم.

(مضمونى: سېندن ایریلیش مېنى هلاک قیلیشینی بیلدیم، بۇلمسه، بو شهر دن کېته آلردیم.)

بو مطلع هم اولرنیکی دیر:

تا به زلف سیه اش دل بستم،

از پریشانی عالم رستم.

(مضمونی: اونینگ قاره ساچيگه دل باغلگنیمدن بویان عالم نینگ بی سرانجاملیگیدن قوتولدییم.)

او پادشاه نینگ عروض و قافیه علميگه بغیشلنگن رساله‌لری هم بار و شو جمله‌دن، "مفصل" اوشبو فن نینگ شرحی بۆله‌دی، کۆپدن-کۆپ یخشی تصنیفلر قیلیدیلر.

او پادشاه‌گه تنگری تعالی تۆرت اۇغیل و اوچ قیز کرامت قیلگن اېدی. اۇغیللری: محمد همایون پادشاه، میرزا کامران، میرزا عسکری و میرزا هندال اېدیدیلر. قیزلری: گۆلرنگ بېگم، گۆلچهره بېگم و گلبدن بېگم اېدیدیلر. بو اوچ قیز بیر آنه‌دن اېدی.

پادشاه هر دایم بیر نېچه طبع اهللری-شاعر و صنعت اهللی نینگ صحبتیدن اوزاقلشمسیدی. اولر اوشبولر دیر: علم حکمت باییده تېنگی یۇق ابوالبقا. ینه زین الدین خوافی نینگ نبیره‌سی شیخ زین صدر بۆلیب، جوده اؤتکیر طبعی بار اېدی، نظم و انشاءه ذوقی بلند اېدی، همایون پادشاه زمانیده امیرلیک هم قیلدی. ینه شیخ ابوالواحد فارغی، او شیخ زین خوافی نینگ آتەسی اېدی، خوش طبع کیشی اېدی، شعرنی هم یخشی ایتردی، ینه بیرى-سلطان محمد کۆسه میرعلیشېرنینگ مصاحبلریدن اېدی که، پادشاه صحبتیده عزت تاپیب، اولوغ مرتبه‌گه اېرىشیدی. ینه مولانا شهاب معمایى، او "فقیری" تخلصینی آگندى. فضیلتلی و شعردن خبری بار کیشی اېدی. ینه مولانا یوسفی طیب که، اونى خراسان‌دن چَقیریب آگن اېدیدیلر، تامیردن کۆریش و تشخیص قۇییش اونینگ ایشی اېدی. ینه سرخ وداعي که، تورکی و فارسیده شعر ایتردی. ینه ملا بقایى نینگ ذوقی بلند اېدی، "مخزن الاسرار" وزنیده پادشاه‌گه بغیشلب مثنوی بیتگندى. ینه خواجه نظام‌الدین علی خلیفه خدمت، محرمیت و وزیرلیک ایشلریگه عقل، تدبیری بار اېدی، پادشاه آلدیده شونچه‌لر عزتی بار اېدی که، کۆپ سۆزی طبعیگه معقول کېلردی، طیب‌لیککه هم قابلیتی بار اېدی. ینه میردرویش محمد ساربان که، خواجه احرار نینگ یخشی مریدلریدن، خوش صحبت کیشی اېدی، فضیلتیدن پادشاه سراپیده آبرو-اعتبار تاپدی. تارىخچى خواندامیر هم عجایب انسان اېدی. خلق آرسیده مشهور بولگن "حبیب السیر"، "خلاصة الاخبار"، "دستورالانوار" و

ينه باشقه اثرلرى بار. اميرلريدن خواجه كلان بېك پادشاه خدمتيدە اۇتيرردى. فاضللىك و سخيليك بابيده برچه گە اۋرنىك بۇلە آلردى. اونينىڭ اوكةسى كيچىك خواجه مۇهردار و خاصلر اهلیدن ابدى. او هم هميشه پادشاه خدمتيدە ابدى. اولوغ اميرى سلطان محمد دۇلدای خوش خلق كيشى ابدى. "والله بکل شىء علیم" آمین.